

# SCHOLÆ CANONICÆ

*SEU*  
UNIVERSI  
JURIS  
CANONICI  
TOMUS II.

*Continens*

Librum Tertium Decretalium.

Librum Quartum Decretalium.

Librum Quintum Decretalium.

*AUTHORE*

**F. BERNARDO SANNIG,**  
ORDINIS MINORUM S. FRANCISCI  
Reform. SS. Theologiæ Lectore Jubilato, & olim SS.  
Canonum Professore in Conventu S. MARIE ad Nives;  
Scriptore Religionis, totius Ordinis Patre, Ex-Com-  
missario Generali Cismontano, & iteratò Mi-  
nistro Provinciali Provinciæ  
Bohemiæ.

\*\*\*\*\*

NEO-PRAGÆ,  
Typis JOANNIS NICOLAI HAMPELI, 1687.

1. The first part of the document is a letter from the President of the United States to the Congress, dated January 1, 1861. It is a formal address, and it begins with the words "My Countrymen," and "I have the honor to acknowledge the receipt of your letter of the 28th inst., and in reply to inform you that the same has been forwarded to the proper authorities for their consideration."



**F A C U L T A S**  
**REVERENDISSIMI PATRIS**  
**MINISTRI GENERALIS.**

**H**ater PETRUS MARINUS *Sormanus à Mediolano Lector Jubilatus, Ex-Guardianus Ierosolymitanus, Sanctissimæ Inquisitionis Consultor, ac totius Ordinis Minorum S. P. N. FRANCISCI Minister Generalis, & Servus. Dilecto Nobis plurimum in Christo Patri Bernardo Sannig, Lectori Jubilato, Ordinis Patri, & Ministro Provinciali nostræ Reformatæ Provinciæ Bohemiæ Salutem.*

*Cum juxta Apostolicas, nostrique Ordinis Constitutiones revisum, & approbatum fuerit quoddam Opus à Te collectum, cujus titulus est Schola Canonica, seu Universum Jus Canonicum, methodo scholastica digestum; Tomus II. complectens tertium, quartum, & quintum Decretalium: Tenore præsentium ad salutaris Obedientiæ meritum facultatem Tibi impertimur; quatenus servatis servandis illud Typis mandare possis, & valeas. Dat. Romæ 19. Octobris. Anno 1686.*

**Fr. PETRUS MARINUS**  
**Minister Generalis.**

Reg. tit. Provinciz.



*De Mandato Sua Reverendissima  
 Paternitatis*

**Fr. FRANCISCUS à BASSANO**  
**Secretarius Generalis.**

CEN.

## C E N S U R A

### *Assessoris Consistorii Archi-Episcopalis Pragensis.*

**P**ostquam annò elapsò A. R. P. F. BERNARDUS SANNIG, Ord. Min. S. FRANCISCI Reform. Lector Jubilatus, totius Ordinis Pater, Ex-Commissarius Cismontanus Generalis, & iteratò Provinciæ Bohemiæ Minister Provincialis industriose Tomum primum Scholæ Canonicæ conscripssisset ; nunc ut Author sit integri & perfecti Operis, Tomum secundum continentem Librum tertium, quartum, & quintum Decretalium pari claritate & industria, methodò Scholastica & stylo facili ita digessit, ut cunctas resolutiones vel fundaverit in expressis textibus, vel solidâ Doctorem roboraverit autoritate : ita etiam attemperavit, ut nihil necessarium præterierit, nec superfluum immiscuerit. Tomum ergo hunc ex commissione Perillustris, Reverendissimi, & Eximii Domini Wenceslai Bilek à Bilenberg Metropolitane Ecclesiæ ad S. Vitum, & Regiæ Capellæ ad omnes Sanctos Decani : Celsissimi Principis Archi-Episcopi Pragensis Joannis Friderici è Comitibus de Waldstein ( tit. ) in Spiritualibus Vicarii Generalis à me perlectum accuratè, bonis moribus vel Orthodoxæ Fidei contrarium continentem nihil, luce publicâ dignissimum censeo. Dabam Pragæ 13. Januarii. Anno 1687.

*Joannes Christophorus Schambogen,  
J. U. Doctor, SS. Canonum Professor,  
S. C. M. Consiliarius, Facult. Jurid.  
Senior, & p. t. Decanus, Archi-Episc.  
Consistorii Assessor.*



## C E N S U R A

### *Theologorum Ordinis Fratrum Minorum S. Francisci Reform.*

**P**ost feliciter evulgatum ab A. R. P. BERNARDO SANNIG, iteratò Almæ nostræ Provinciæ Bohemiæ dignissimo Ministro Provinciali, Superiore nostro observandissimo, Tomum I. Scholæ Canonicæ, nè quid ad Universalem Doctrinæ Canonicæ perfectionem desideretur, ad publicam lucem properat Ejusdem authoris Tomus II. continens Tertium, Quartum, & Quintum Decretalium, simili novâ methodò Scholastica,

sticâ, pari claritate, & solida eruditione, Juriumque Regularium, præsertim Minorum, pro materiæ convenientia, fundata enucleatione, quâ Tomus I. elucubratus, & digestus ita, ut nihil superflui admissum, nihil necessarii in eo sit omissum. *Finis*, inquit Philosophus, *rationem optimi habet*, quod verissimum esse comperimus, dum præviâ accuratâ perlectione finalem hunc Scholæ Canonicae Tomum Orthodoxæ Fidei, Sacris Canonibus, ac bonis moribus optima ratione conformem deprehendimus, ac proinde ut *finis coronet opus* hoc Scholæ Canonicae, illud sicut Theologis, Canonistis, & Regularibus, singulariter Minoritici Instituti, utilissimum censemus, ita dignissimum judicamus, ut per Typographicam editionem, quam merito suo sibi vendicat, aternitati commendetur. Datum Pragæ in Conventu S. MARIÆ ad Nives Anno 1686. die 21. Septembris.

*Fr. Bernardinus Ungar, SS. Theologiae  
Lector Jubilatus, & in Generali Studio  
Pragensi ad Nives Sacrorum Canonum  
Professor actualis, ac Provinciae Bohemicae  
Diffinitor.*

*Fr. Sebastianus Schambogen, SS. Theologiae  
Lector Generalis, Eiusdemque Facultatis  
in Studio Generali Pragensi ad Nives  
Professor, & actualis Provinciae  
Diffinitor.*

*Fr. Antonius Harttmann, SS. Theologiae  
Lector Jubilatus, & Eiusdem Facultatis  
in Studio Generali Pragensi ad Nives  
Professor.*

## APPROBATIO ORDINARI.

**T**omum secundum Scholæ Canonicæ, absque omni nævo morali, uti ex legitimis Censuris mihi exhibitis constat elaboratum, & compositum ab Adm. Rev. Patre BERNARDO SANNIG, Ordinis S. FRANCISCI Reform. Provinciæ Bohemiæ iteratò Provinciali approbo, & juxta Concilii Tridentini Canones facultatem impertior, ut

Pragæ die 13. Januarii. Anno 1687.

*Imprimatur*

WENCESLAUS BILEK  
à Bilenberg, Officialis.

\*\*\*\*\*

## PRIVILEGIUM CÆSAREUM

*Super Impressione Librorum Auctorum Ord. S. Francisci Regularis, & Strictioris Observantiæ.*

**P**rivilegiò Cæsareæ Majestatis cautum est; nè quis per universum Imperium Libros à Patribus Ordinis S. FRANCISCI Regularis, & Strictioris Observantiæ editos, aut edendos imprimat, recudat, aut alibi recusos, intra Sacri Imperii, Regnorumque, ac Dominiorum hæreditariorum Domûs Austriacæ fines adducat, vendat, distrahat, absque consensu, & facultate eorundem Patrum sub pœna confiscationis Librorum, & multa viginti marcarum auri puri. Ita Sancitum & decretum est in Civitate Ratisbonensi, pridie nonas Decembris. Anno 1636. Signatum

FERDINANDUS

*Infra*  
*Ad Mandatum Sacræ Cæsareæ Majestatis proprium.*

JOANNES WALDERODE

à latere P. H. A. Stralendorff.

**I**nhærendo Decreto Cæsareo Ferdinai III. Augusti edito super Impressione Librorum, ab Authoribus Regularis & Strictioris Observantiæ edendorum, consensum, & facultatem do Domino Joanni Nicolao Hampelio, Civi & Typographo Neo-Pragenfi, faciendi primam editionem Tomi mei Secundi Scholæ Canonicæ. Datum Pragæ in Conventu S. MARIE ad Nives, die 14. Januarii. Anno 1687.

Fr. BERNARDUS SANNIG.

INDEX





# INDEX TITULORUM HUIUS TOMI II.

## LIBER TERTIUS

*Decretalium D. Gregorii Papæ IX.*

Tit. I. De Vita, & honestate Clericorum.	pag. 2
Tit. II. De cohabitatione Clericorum & mulierum.	7
Tit. III. De Clericis Conjugatis.	9
Tit. IV. De Clericis non relidentibus in Ecclesia, vel præbenda.	13
Tit. V. De Præbendis & Dignitatibus.	18
Tit. VI. De Clerico ægrotante, vel debilitato.	26
Tit. VII. De Institutionibus.	28
Tit. VIII. De Concessione Præbendæ, & Ecclesiæ non vacantis.	30
Tit. IX. Ne Sede Vacante aliquid innovetur.	32
Tit. X. De his quæ fiunt à Prælati sine consensu Capituli.	34
Tit. XI. De his quæ fiunt à majori parte Capituli.	36
Tit. XII. Ut Ecclesiastica beneficia sine diminutione conferantur.	37
Tit. XIII. De rebus Ecclesiæ alienandis, vel non.	39
Tit. XIV. De Precariis.	43
Tit. XV. De Commodato.	47
Tit. XVI. De Deposito.	48
Tit. XVII. De Emptione, & Venditione.	49
Tit. XVIII. De Locato & Conducto.	56
Tit. XIX. De rerum permutatione.	61
Tit. XX. De Feudis.	63
Tit. XXI. De Pignoribus, & aliis cautionibus.	67
Tit. XXII. De Fidejussoribus.	70
Tit. XXIII. De Solutionibus.	72
Tit. XXIV. De Donationibus.	74
Tit. XXV. De Peculio Clericorum.	78
Tit. XXVI. De Testamentis & ultimis voluntatibus.	80
Tit. XXVII. De Successione ab intestato.	85
Tit. XXVIII. De Sepulchris.	88
*3	Tit.

Tit. XXIX. De Parochiis, & alienis Parochianis.	pag. 94
Tit. XXX. De Decimis, Primitiis, & Oblationibus.	95
Tit. XXXI. De Regularibus, & transeuntibus ad Religionem.	100
Tit. XXXII. De Conversione Conjugatorum.	114
Tit. XXXIII. De Conversione Infidelium.	115
Tit. XXXIV. De Voto, & Voti Redemptione.	116
Tit. XXXV. De Statu Monachorum, & Canonicorum Regularium.	127
Tit. XXXVI. De Religiosis Domibus, ut Episcopo sunt subjectæ.	130
Tit. XXXVII. De Capellis Monachorum, & aliorum Religiosorum.	132
Tit. XXXVIII. De Jure Patronatus.	132
Tit. XXXIX. De Censibus, Exactionibus, & Procuracionibus.	137
Tit. XL. De Consecratione Ecclesiæ, vel Altaris.	140
Tit. XLI. De Celebratione Missarum, & Sacramento Eucharistiæ, & Divinis Officiis.	143
Tit. XLII. De Baptismo, & ejus effectu.	151
Tit. XLIII. De Presbytero non baptizato.	155
Tit. XLIV. De Custodia Eucharistiæ, Chrismatis, & aliorum Sacramentorum.	158
Tit. XLV. De Reliquiis, & veneratione Sanctorum.	156
Tit. XLVI. De Observatione jejuniorum.	159
Tit. XLVII. De Purificatione post partum.	161
Tit. XLVIII. De Ecclesiis ædificandis, vel reparandis.	161
Tit. XLIX. De Immunitate Ecclesiarum, Cœmeterii, & rerum ad eas pertinentium.	163
Tit. L. Ne Clerici, vel Monachi secularibus negotiis se immisceant.	169

## LIBER QUARTUS

### *Decretalium D. Gregorii Papæ IX.*

Tit. I. De Sponsalibus, & Matrimoniis.	171
Tit. II. De Desponsationibus Impuberum.	182
Tit. III. De Clandestina Desponsatione.	183
Tit. IV. De Sponfa duorum.	185
Tit. V. De Conditionibus appositis in Desponsatione, vel in aliis Contractibus.	186
Tit. VI. Qui Clerici, vel voventes Matrimonium contrahere possint.	188
Tit. VII. De eo, qui duxit in Matrimonium, quam polluit per adulterium.	191
Tit. VIII. De Conjugio Leproforum.	192
Tit. IX. De Conjugio Servorum.	195
Tit. X. De natis ex libero ventre.	195
Tit. XI. De Cognatione spiritali.	ibid.
Tit. XII. De Cognatione Legali.	198
Tit. XIII. De eo qui cognovit Consanguineam uxoris suæ, vel Sponsæ.	199
Tit. XIV. De Consanguinitate, & Affinitate.	201
Tit. XV. De Frigidis, & Maleficiatis, & impotentia coeundi.	205
Tit. XVI. De Matrimonio contracto contra Interdictum Ecclesiæ.	209
Tit. XVII. Qui filii sint legitimi.	210
Tit.	Tit.

Tit. XVIII. Qui Matrimonium accusare possunt, vel contra illud te-	
stari.	213
Tit. XIX. De Divortiiis.	214
Tit. XX. De Donationibus inter virum & uxorem; & de Dote post Di-	
vortium restituenda.	216
Tit. XXI. De Secundis Nuptiis.	218

## LIBER QUINTUS


### *Decretalium D. Gregorii Papæ IX.*

Tit. I. De Accusationibus, Inquisitionibus, & Denunciationibus.	220
Tit. II. De Calumniatoribus.	228
Tit. III. De Simonia; & nè aliquid pro Spiritualibus exigatur, vel promit-	
tatur.	229
Tit. IV. Nè Prælati vices suas, vel Ecclesias suas sub annuo censu conce-	
dant.	235
Tit. V. De Magistris; & nè aliquid exigatur pro licentia docendi.	236
Tit. VI. De Judæis, Saracenis, & eorum Servis.	237
Tit. VII. De Hæreticis.	239
Tit. VIII. De Schismaticis, & Ordinatis ab eis.	243
Tit. IX. De Apostatis, & reiterantibus Baptisma.	244
Tit. X. De his, qui filios occiderunt.	246
Tit. XI. De Infantibus, & languidis expositis.	247
Tit. XII. De homicidio voluntario, vel casuali.	ibid.
Tit. XIII. De Torneamentis.	251
Tit. XIV. De Clericis pugnantibus in duello.	252
Tit. XV. De Sagittariis.	253
Tit. XVI. De Adulteriis, & Stupro.	253
Tit. XVII. De Raptoribus, Incendiariis, & Violatoribus Ecclesiarum.	258
Tit. XVIII. De Furtis.	260
Tit. XIX. De Usuris.	263
Tit. XX. De Crimine falsi.	268
Tit. XXI. De Sortilegiis.	270
Tit. XXII. De Collusione detegenda.	272
Tit. XXIII. De Delictis Puerorum.	272
Tit. XXIV. De Clerico Venatore.	273
Tit. XXV. De Clerico percussore.	273
Tit. XXVI. De Maledicis.	274
Tit. XXVII. De Clerico excommunicato, deposito, vel interdicto mini-	
strante.	276
Tit. XXVIII. De Clerico non ordinato ministrante.	277
Tit. XXIX. De Clerico per saltum promoti.	278
Tit. XXX. De eo, qui furtivè Ordinem suscepit.	279
Tit. XXXI. De Excessibus Prælatorum, & subditorum.	ibid.
Tit. XXXII. De novi Operis nunciatione.	281
Tit. XXXIII. De Privilegiis, & Excessibus Privilegiatorum.	282
Tit. XXXIV. De Purgatione Canonica.	288
Tit. XXXV. De Purgatione Vulgari.	289
Tit. XXXVI. De Injuriis, & Damno.	290
Tit.	

Tit. XXXVII. De Pœnis.	pag. 292
Tit. XXXVIII. De Pœnitentiis, & Remissionibus.	295
Tit. XXXIX. De Sententia Excommunicationis.	301
Tit. XL. De Verborum Significatione.	314
Tit. XLI. De Regulis Juris.	316







# LIBER III. DECRETALIUM D. GREGORII PAPÆ IX.

## PRÆFATIO.

**E**rminato in *priori lib.* Tractatu de toto ordine judiciario seu processu Judiciali; proponitur in Corpore Juris à Sum. Pontif. Gregor. IX. *Liber hic tertius*, tractans de materia, seu causis, substratis præfato Processui Judiciali Ecclesiastico; sunt autem Causæ hujusmodi in duplici differentia; aliæ enim sunt civiles; & aliæ criminales: & ex civilibus quædam sunt quæ sunt propriæ Clericorum, v. g. causæ beneficiales: quædam verò sunt communes Clericis & Laicis, v. g. contractuum, vel testamentorum Jura, cum Sacrorum, & Sacramentorum usu; & quædam tandem sunt, quæ Laicos solos respiciunt, v. g. causæ matrimoniales: de causis primi, & secundi generis procedit *hic Tertius Liber Decret.* de causis verò civilibus tertij generis extat *Liber quartus*, & de criminalibus *quintus* constitutus est.

*Fr. Bernardi Sannig Scholæ Canonice Tom. II.*

A

TITU-

# TITULUS I.

## DE VITA, ET HONESTATE CLERICORUM.

### CAP. I.

Quid sit Clericus; & quæ obligatio honestatis ejus.

1. Nota primò: Duplicia possunt in Clericis considerari bona; intrinseca videlicet, & extrinseca. *Intrinseca* hic dici possunt animi, ac corporis bona; cujusmodi sunt actiones, variz virtutes, mores; verba, vita proba, & honestas morum. *Extrinseca* dici possunt Clericorum præbendæ, beneficia, dignitates &c. Exorditur autem hic liber meritò à personis Clericorum quoad eorundem bona intrinseca, tractans de eorum moribus, ac honestate vitæ; cum juxta Tridentinum *Sess: 22. de Reform: cap: 1. nihil sit, quod alios magis ad pietatem, & DEI cultum assidue instruat, quam eorum vita, & exemplum, qui se divino ministerio dedicaverunt; cum enim à rebus seculari in altiore sublati locum conspiciantur, in eos tanquam speculum reliqui oculos conjiciunt; ex iisq; sumunt, quod imitentur.*

2. Nota secundò: Gratianus *dist: 21. ex Isidoro lib: 7. etymol: cap: 12.* dicit, Clericos sic appellatos à Græco vocabulo *Kliros*, quod idem est ac *fortis*, vel *hereditas*, *can: 1. dist: 21.* eò quòd Clerici vocentur in sortem Domini; vel quia sunt de sorte Domini, vel quia Domini partem seu hereditatem habent, *cur: dist: Unde S. Matthias forte electus est ad Clericatum, & Apostolatam; primusq; Apostolus in Clericum ordinatus cit: dist:*

3. Dico primò: rectè describitur generaliter Clericus, quòd sit *persona idonea, debite deputata ad servitium DEI, in Ecclesia Christi.* Ita constat ex *dist: 21. can: 1.* *Ly persona* est genus; reliqua subeunt rationem differentiz. *Per ly idonea* significatur, non quemlibet hominem posse fieri Clericum; sed certas duntaxat personas: unde à Clericatu suscipiendo repelluntur femina; hermaphroditum, nisi prævaleat multum sexus virilis; illegitimi, minores septenniò; nondum fidei rudimenta edocti, servi, infames, criminosi, bigami, & plures alij, canonicis impedimentis irretiti: de quibus consule *tom: 1. lib: 1. Decret: tit: 12.* & subsequentes plures alios titulos ejusdem libri. *Ly debite deputata* peti, ut Clericatus con-

feratur à debito Ministro. Reliqua significant finem Clericatus

4. Notatertiò: in materia favorabili *Clericorum* appellatione comprehenduntur omnes omnino Ecclesiastici; id est tam Episcopi, & alij Prælati; quam Religiosi, & Canonici, ac quicumque in quacunque dignitate Ecclesiastica constituti; uti tenent Strein: Abbas, Engel, Panorm: v.g. in exemptione à vengalibus, aut alijs tributis & oneribus, quæ Clericis conceduntur. At in materia odiosa nomine *Clericorum* veniunt tantum Clerici inferiores sæculares; juxta vulgatam regulam juris in 6. *Odia sunt restringenda: unde cap: quia periculosum; de sent: excomm: in 6.* dicitur quòd nulla censura, etiam contra Ecclesiasticos lata, liget Episcopos; nisi specialis eorum fiat mentio. Et Interdictum latum contra Clerum, non ligat Religiosos; nisi aut verba, aut causa Interdicti aliud innueret; uti observat rectè Sylvest: Armill: & Engel.

5. Nota quartò: honestas, quam Sacri Canones postulant à Clericis, est duplex; alia dici potest interior; alia exterior. *Interior* consistit in animi puritate ac sinceritate; atq; in desiderio vivendi secundum ordinationes Canonum, & præscripta virtutum. *Exterior* consistit in factis ipsis, & actionibus externis vitæ, secundum præscripta virtutum, & legum Christianarum, ac Canonicarum elicitis; quæ actiones variz sunt; uti patebit ex infra proponendis Capitulis 2. 3. & 4.

6. Dico secundò: universi Clerici, tam majores, quam minores obligantur ad colendam vitæ probitatem, & honestatem morum, per actiones laudabiles, à legibus Christianis, & sacris Canonibus ordinatas. Ita communis DD. Et constat ex Concilio Tridentino: generatim sic loquente de omnibus Clericis, *Sess: 22. de Reform: cap: 1. quapropter sic decet omnino Clericos in sortem Domini vocatos, vitam morè;que suos omnes componere, ut habitum, gestum, incessum, sermonem, aliisq; omnibus rebus nihil nisi grave, moderatum, ac religione plenum præstarent; ut eorum actiones cunctis asserant venerationem.* Quare & ipsi eminentiores Clerici, Prælati scilicet, & præsertim Episcopi ad præfatam vitæ probitatem, atque honestatem morum obligantur, monente Apostolo ad Titum

2. cap:

2. cap. *ut hi irreprehensibiles sint, & in omnibus se-  
ipfos præbent exemplum bonorum operum; ne  
(uti loquitur Tridentinum) Sess. 24. de Reform.  
cap. 1. (rotius familie Dominus status, & ordo muta-  
ri incipiat, si quod requiritur in corpore, non inve-  
niatur in capite.* Unde non ad propria com-  
moda, nec ad divitias, & luxum; sed ad la-  
bores, ac sollicitudines pro DEI gloria sese  
vocatos esse meminerint: *Nec enim dubitan-  
dum est (ait idem Concilium Sess. 25. de Reform.  
cap. 1.) reliquos fideles ad religionem, innocentia-  
mque, facilius inflammandos, si Prespositos suos vi-  
derint non ea, quæ mundi sunt; sed quæ sunt DEI,  
animarum salutem, ac celestem patriam cogitan-  
tes.* Sed ut ea omnia innotescant, quæ in spe-  
cie ad vitæ probitatem, & honestatem Cleri-  
corum desiderantur à Sacris Canonibus, hoc,  
& aliis titulis; subjungo sequentia capitula.

## CAP. II.

Quænam in specie exposcat  
honestas Clericorum.

1. Dico primò: Clerici, præsertim in sa-  
cris constituti, conformiter ad ho-  
nestatem Clericalem obligantur ad  
continentiam, & castam vitam. Ita Glossa  
& communis DD. Et habetur cap. *ut Clerico-  
rum 13. hoc tit.* Ratio etiam est; quia decet  
Clericos tanquam Ministros in conspectu  
DEI purissimi puro corde, ac mundo corpore  
ministrare. Unde Clerici in incontinentia  
deprehenso iubentur *cir: cap. Secundum delicti  
gravitatem puniri; ne facilitas venia incentivum  
tribuat delinquenti.*

2. Dico secundò: iisdem Clericis ex  
motivo honestatis, imò & Laicis, interdicitur  
familiarior accessus absque rationabili causa  
ad Monasteria Monialium. Ita communis  
DD. Et habetur cap. *monasteria 8. hoc tit.* Ra-  
tio etiam primæ est; quia Clericos, præsertim  
in sacris constitutos, non tantum ab omni in-  
continentia; verum etiam ab omni inconti-  
nentia; & venereæ libidinis suspitione (quæ  
ex familiariori accessu ad Monialium Mona-  
steria suboriri posset) decet esse immunes. cap.  
*ut Clericorum 13. hoc tit.* Et Clericus familia-  
rius ad dicta monasteria absque manifesta, &  
rationabili causa accedere præsumens, debet  
ab Episcopo arceri; & si non destiterit, ab  
Officio Ecclesiastico deponi. Si verò Lai-  
cus sit, debet excommunicari cap. *cir: Mona-  
steria.* Extant etiam complures aliz consti-  
tutiones, & ordinationes Apostolicæ graviter  
vetantes accessum ad claustra Monialium;

signanter Bonifaciana cap. 1. de stat. Reg. in 6.  
Et Trident. Sess. 24. cap. 5. de Regular. Et aliz  
recentiorum Pontificum.

3. Dico tertio: iubentur similiter iisdem  
Clerici seclari honestatem in sobrietate; unde  
ab omni crapula, & ebrietate abstinere de-  
bent. Ita Abbas, Vallens: Zoëfi & c. Et  
habetur expressè in cap. *à crapula 14. hoc tit.*  
Estque Ratio; quia ebrietas est omnium vi-  
tiorum fomes, & nutrix can: *fin: dist. 13. eadem  
inducit mentis exilium, ac obscuritatem, estque  
libidinis incentivum; ut dicitur cu: cap. à cra-  
pula.* Ubi etiam Clerici potatores ad sæcun-  
diores calices exhauriendos, & ad æquales se-  
se provocantes potus, ut hac occasione alter  
alterum inebriet, iubentur ab officio, & be-  
neficio suspendi, si moniti à suo superiore non  
se emendaverint. Similiter ad declinandas  
sociales ingurgitationes prohibentur Clerici  
frequenter tabernas publicas; eò tamen di-  
vertere possunt hospitij causâ in itinere con-  
stituti, can: *nemo oportet.* Et can: *nullus Clerico.*  
Et can: *Clerico dist. 44.* Et cap: *pen: hoc tit.*

4. Dico quartò: Oportet quoque Cle-  
ricos esse alienos à vitio avaritiæ, quod pluri-  
mum adversatur honestati, & probitati vitæ  
eorum. Ita communis DD. Et ita constat  
ex cap. *cum ab omni 10. hoc tit.* Estque ratio;  
quia ut rectè observat Zoësius, huiusmodi vi-  
tium avaritiæ Clericalem dignitatem, & au-  
thoritatem plurimum infamat, ac deprimit;  
quando Clericus vel pro se, vel pro suis hare-  
dibus (qui plerumque aut ingrati sunt cuculi,  
aut prodigaliter absorbent reliqua Clericorum  
peculia) vel etiam Ecclesiæ, cum nimia solli-  
citudine, exiguâ verò in DEUM confidentiâ  
plurima extorquet, & corradit ex beneficio  
Ecclesiastico, & aliunde, putans se per hoc fa-  
cere DEO sacrificium; qui tamen odio habet  
*rapinam in holocausto.* Quæ de re vide ampli-  
us gravissima dicta in can: *quod autem caus. 23.  
q. 7.* Et can. *res Ecclesiæ*, cum duobus seq.  
*caus. 12. q. 1.* Et præ reliquis illustria monita  
S. Ambrosij, & S. Hieronymi in can. *aurum 70.*  
Et can. *gloria 71. caus. 12. q. 2.*

5. Nota primò: Et nè Clerici litigantes  
occasionem arripiant pecunias corradendi;  
aut Iudices ipsi in avaritiæ vitium labantur;  
ordinatur cap. *cum omnino hoc tit.* quòd Judi-  
ces à Papa delegati debeant iudicare gratis, &  
præter expensas victualium, nullas alias acce-  
ptare sportulas, sive sub prætextu decimar, vel  
alterius partis litis; sive sub prætextu solarij,  
aut mercedis. Et idem dicendum est de Ju-  
dicibus Ecclesiasticis ordinarijs, utpote qui  
beneficiò Ecclesiastico, aut stipendiò suffici-

enti provisi sunt, ratione cujus obligantur, judicarias lites per se, vel alios terminare.

6. Dico quintò: honestas quoque Clericalis expolcit, ut Clerici abstineant ab alea- rum, & taxillorum lusu pro lucro, & simili- um, quæ in varietate fortunæ consistunt; & nec quidem hujusmodi lusus inter sint. Ita Syl- vestr. Panorm. Engel, Vallenf. Lessi &c. Et constituitur *cap. pen. hoc tit.* Et *can. 1. dist. 37.* Estque ratio; quia hujusmodi lusus provo- cant ad plura peccata, quorum sedecim recen- set Hostiens. Generant quoque plerumque scandalum, amissionem temporis, utilis in- studia vel pietatem, vel Divinum Officium impendendi. Demum communiter lusorem deducit ad egestatem, & alia incommoda; unde rectè Horatius *lib. 1. epist. 18.*

*Quem damiosa Venus; quem praeceps Alea nudat.*

Non videtur tamen secundum Panorm. & Engel prohibitus Clericis lusus taxillorum, & alearum præcisè recreationis causâ; uti nec ludus conorum, latrunculorum, seu schachor- um, & similiū; ob eundem finem exerci- tus.

7. Dico sextò: eadem honestas Clerica- lis postulat, ut Clerici non agant mimos, hi- striones, ioculatores; nè inter sint choræis, comedij obsecenis; nec stuant ludos thea- trales in Ecclesijs; nec exhibeant ibidem in- honesta spectacula, aut muscas lascivas in di- vinis Officijs. Ita communis Canonist. De primo, & secundo ita statuitur *cap. pen. hoc tit.* Et *can. Presbyteri dist. 19.* Et *can. 2. dist. 37.* De tertio, & quarto ita habetur *cap. cum decorem 12. hoc tit.* De quinto ita constat ex *Extravag. docta; unica inter communes hoc tit.* Ratio eū- am est; quia omnes præfatæ actiones aut præ- judicant dignitati Ordinis Clericalis; aut fan- citati Ecclesiæ. Clerici agentes histriones per annum continuum, vel etiam breviori tempore, quando ter ab Episcopo moniti non desistunt, ipso jure omni Clericali privilegio privantur, *cap. Clerici, unic. hoc tit. in 6.*

8. Dico septimò: similiter Clericalis ho- nestas cohibet Clericos à clamorosa venatio- ne cum canibus, & furiosis equitationibus; item interdicit armorum gestationem; per- cussionem, rixam, & duellum. Ita commu- nis DD. Et de venatione constat ex *cap. 1. & 2. de Clerico venatore.* De armorum gesta- tione ex *cap. 2. hoc tit.* Et Clerici saculares por- tantes arma offensiva sunt excommunicandi *sic cap. 2.* Religiosi verò tenentes arma intra septa monasterij absque licentia superioris, sunt ipso facto excommunicati; *Clement. ne in agro; de statu Regular.* De percussione, & tri-

xa patet ex *cap. 1. de Clerico percussore.* De du- ello ex *tit. 14. lib. 5. Decret. de Clericis pugnanti- bus in duello.*

9. Nota tamen secundò circa armorum, gestationem: Clericos itinerantes per loca periculosa ad terrorem vel hostium, vel latro- num posse gestare arma ad defensionem sui corporis; uti patet ex *cap. dilecto, de sem. ex- comm. in 6.* Et habet Glossa, ac alij Interpre- tes. Quamvis laudabilius foret in DEO con- fidere; & observare illud S. Ambrosij relatum in *can. 3. caus. 23. q. 8. dolor, fletus, orationis la- chryma fuerunt mihi arma adversus milites; Italia enim munimenta sunt Sacerdotis; servum Christi non custodit corporalis; sed Dominus providentia sepe confusit.*

10. Dico octavò: vetat pariter Clerica- lis honestas Clericis exercitia commerciorum sæcularium, & negotiationem mercantiliū, seu mercaturarum; ac quæcumque alia neg- tia sæcularia, non decentia statum Clericalem. Ita Engel, Pirh. Vallenf. &c. Et constat ex *can. Clerici, Et can. canonum. Et can. quoniam, caus. 14. q. 4.* Et propterea dicit Apostolus 2. ad Timoth. 2. *nemo militans DEO implicat se ne- gotiis secularibus.* Et Clericus negotiator seu sæcularibus negotijs implicatus post tertiam admonitionem perdit privilegium Clericale quoad bona sua, *cap. fin. hoc tit.*

11. Dico nonò: ob eandem honestatem Clericalem nequeunt Clerici exercere publi- officium macellariorum, id est lanionum; nec tabernariorum; & si ter admoniti non cessa- verint ab ejusmodi opere, amittunt privilegium Clericale. Ita Glossa, & communis DD. Et habetur in *Clement. de cæsanis, 1. hoc tit.*

12. Dico decimò: sed nec admittit ho- nestas statūs Clericalis, ut Clerici artem chy- rurgicæ, & adustionem, vel incisionem præsti- cent; aut dicent vel proferant sententiam sanguinis; vel vindictam sanguinis exerce- ant; vel ubi exercetur, adsint; aut quovis modo concurrant ad sanguinis humani effusi- onem. Ita Engel, Sanch. &c. Et constat ex varijs capitibus, *tit. 30. de Clerici vel Monachi; hoc lib.*

13. Dico undecimò: prohibetur quoque Clericis, & Religiosis in publicis Universita- tibus audire Leges Civiles, & Medicinam; uti & operam dare arti Chymicæ in ordine ad conficiendum aurum. Ita Engel, Vallenf. Pirh. Et de primo constat ex *cap. non magno- pere 3. ne Clerici, vel Monachi.* De secundo extat *Extravagans, spondens; de crimine falsi, inter comm.* Ratio etiam est; quia ejusmodi studia avocant à contemplatione, & spiritua- lis vitæ instituto, cui Clerici & Religiosi sunt man-

## Tit. I. De vita, & honestate Clericorum.

mancipati, *can. duo sunt caus. 12. q. 1.* studium, etiam artis chymicæ in ordine ad aurum conficiendum aut continet plerumque fraudem, dum profert falsam substantiam auri; aut facit jacturam temporis, & pecuniarum, ac opum, in fumum abeuntium cum præjudicio gravi Reipublicæ, piarum causarum, & pauperum; uti advertit Engel.

14. Dico duodecimò: non cohzret pariter cum honestate Clericali, agere Procuratores, Tabelliones, & Notarios; nec repræsentare ministros, Vicecomites, Præpositos, seu Locumtenentes secularium. Ita communis DD. Ethabetur *cap. 2. § 5. ne Clerici, vel Monachi.* Et *can. fin. dist. 86.* Estque Ratio; quia omnia præfata officia avocant ab instituto spiritualis vitæ, cui mancipati sunt Clerici, & Religiosi, *can. duo sunt caus. 12. q. 1.* Et quia circa hujusmodi ministeria secularia procedit quoque illud dictum Apostoli 2. ad *Timoth. 2. nemo militans DEO, sese secularibus implicat negotiis.*

15. Nota tamen tertio: Clericos posse agere Procuratores miserabilium personarum, sumendo earum tutelam, & defensionem; uti constat ex *can. fin. dist. 86.* Item possunt procurare in causis, & negotiis spiritualibus in foro Ecclesiastico; prout *tom. 1. tit. 38. cap. 3.* dictum est. Solent etiam Prælati Ecclesiastici sub Imperatore, vel alio Principe bona temporalia instar Dominorum secularium possidentes, interesse Comitibus, & Consiliis publicis; suscipere & exercere quædam Ministeria, ac officia secularia honorata Provinciæ, propter utilitatem publicam, & auctoritatem statû Ecclesiastici manutenendam, quæ à secularibus Dominis tam utiliter non geruntur; quod non videtur adversari citatis *sacris Canonibus*: cum absit turpe lucrum, & separatio à divinis officiis, & alij excessus, ob quos *cit. canones* prohibent Clericis ministeria secularia.

## CAP. III.

De tonsura habitu, & modo vendi Clericorum.

1. Dico primò: Clerici debent gerere tonsuram, seu coronam congruentem. Ita Glossa, & communis DD. Ethabetur *cap. Clerici, 15. hoc tit.* Ratio etiam est; quia per primam tonsuram, quam communiter debet facere Episcopus proprius Clerici, initiatur persona secularis tonsurata, & transfertur de seculari in Ecclesiasticum statum. Eiebat olim hæc tonsura per abrasionem capillorum per totum caput, solâ coro-

nâ in medio reliquâ; uti constat ex *can. duo sunt caus. 12. q. 1.* Hodie verò usus obtinuit, ut in solo vertice radantur capilli, & efformetur parvus circulus. Hujusmodi corona circulus abrafus, seu tonsura secundum S. Hieronymum relatum in *can. cit. duo sunt*, signat varia: Primò abjectionem vitiorum, separationem, & contemptum rerum temporalium. Secundo secundum eundem Hieronymum, *loc. cit.* significat talis corona ex institutione Ecclesiæ Romanæ regnum, quod in Christo expectamus. Tertio secundum Bedam *lib. 5. de gest. Anglor.* figurat coronam spineam Salvatoris Nostri, quam, uti & totam Passionem ejusdem Clerici sæpius mente debent revolvere.

2. Dico secundò: Clerici pariter debent regulariter deferre habitum Clericalem, seu vestem decentem, & statui suo convenientem. Ita communis DD. Et ordinatur in *cap. Clerici 15. hoc tit.* Et Clement. 2. hoc tit. Et Trident. *sess. 14. cap. 6. de Reform.* Estque Ratio, quam assertit ipsum Concil. *cit. loc.* ut decens habitus extrinsecus morum honestatem intrinsecam ostendat. Et procedit hæc conclusio etiam de Clericis conjugatis, qui tonsuram deferre tenentur, *cap. Clericus 6. hoc tit.*

3. Nota autem primò: uti habitus Clericalis censeatur decens, & conveniens, debet esse moderatus in colore; ut videlicet non sit virgatus, vel partitus (id est non habens diversos colores viridem, & rubrum intextos; vel artificiosè ipsi panno superinductos) ut dicitur in *Clement. quoniam 2. hoc tit.* Et Clerici beneficiati utentes veste virgata, ipso Jure suspenduntur à perceptione fructuum beneficiorum: non beneficiati autem quicunque inhabiles redduntur ad obtinenda beneficia Ecclesiastica, *cit. Clement. quoniam.* Idem habitus Clericalis nõ debet esse corrigis, & simbrjis aureis, vel argenteis ornatus; aut alijs superfluitatibus redundans; nec valde brevis; nec nimis longus, *cap. pen. hoc tit.* sed debet referre vestem talarum; id est eam, quæ ad talos protendatur, *cap. pen. dist. 23.* sed nec fibulas, nec fræna, nec sellas, nec pectoralia, aut calcaria deaurata deferre possunt Clerici, *cap. pen. cit. hoc tit.* Et est Ratio; quia hæc, & similia arguunt pompam, ac fastum sæculi, qui à Clericis debet abesse; ut habet Covarr. Engel, &c.

4. Nota secundò: Cardinalibus tamen ab Innocentio IV. in Concilio Lugdunensi concessus est habitus, & galerus rubeus; & Episcopis, ac quibusdam alijs Prælati, atque personis graduatis pavonaceus. Cæterum color pro vestibus Clericalibus communiter

est niger; & confectio earum seu forma sit, ea, quæ juxta usum, & consuetudinem Regionis cujuscunque distinctè discriminet Clericum à Laico.

5. Nota tertio: Clericus non beneficiatus, & in minoribus tantum constitutus, habitum Clericalem, & tonsuram non quidem tenetur deferre; sed interea ea non deferens, excluditur à beneficio privilegij fori; uti habet Trident. *sess. 23. de Ref. cap. 6.* Imò & à beneficio canonis, secundum Laym. Engel, & alios DD. Unde præciens ejusmodi Clericum, non incidit in excommunicationem. Clericus verò beneficiatus, & pensionarius non deferens habitum Clericalem, & tonsuram, secundum Trident. *sess. 14. de Ref. cap. 6.* post ternam Episcopi monitionem suspenditur ab Ordinibus, officio, & beneficio, quòd si autem semel correctus recidivet; planè privandus est beneficio, & officio. Imò Sixtus V. in bulla *cum sacrosancta* vult omnem talem Clericum non deferentem vestem Clericalem, & tonsuram ipso Jure suo beneficio privatum; uti refert Quar. quam tamen Bullam credit Garcias non esse usum receptam.

6. Notatamen quartò: quòd præfatas penas taxatas contra Clericos non deferentes Clericalem habitum non incurrat ille Clericus, qui unicà duntaxat vice habitum congruentem Clericalem non deferret; ut notat Pirh. Farinac. Piafec. &c. Nec ille, qui ratione paupertatis vestem congruentem suo Ordini deferre nequit: nec is, qui post infirmitatem tonsuram gerere haud potest, nec qui ob probabile periculum spoliationis ab hostibus Clericam ad tempus deponit: nec qui domui suæ, & occultè eam non gestat; uti notant Hugol. Pirh. Barbof. &c.

7. Dico tertio: Clerici non debent gestare annulos; nisi sint Episcopi, vel in aliâ Ecclesiastica dignitate constituti; neque nutrire comam, vel barbam. De primo ita ordinatur in *cap. penult. hoc tit.* De secundo videlicet coma, & barba habetur *si Clericus s. hoc tit.* Et quia à Clericis omnis superfluitas temporalis debet abesse, *cap. pen. hoc tit.* Superfluum autem censetur esse capilli, seu coma bene ordinata. In multis tamen locis consuetudine receptum est, ut Clerici barbam non radant; nec decurant comam; uti notat Navarr. Vallenf. & Barb. Cæterum ubi adhuc viget lex canonica de radenda barba, & coma detondenda, possunt Clerici etiam inviti à suis Archidiaconis compelli ad subendam tonsuram; uti habetur *cap. Clericus 7. hoc tit.* Circa modum vivendi Clericorum

8. Nota quinto: olim etiam Clerici sa-

culares vivebant in communi, & simul in Collegijs sub suis Præpositis, & Decanis; simulque in uno dormitorio dormiebant; & in uno refectorio manducabant; & omnes proventus Ecclesiæ in communi possidebant; uti constat ex *can. præter hoc 6. dist. 32.* Et *can. necessaria 3. caus. 12. q. 1.* Et quia hi certas habebant præscriptas regulas vivendi, ideo Canonici, id est *Regulares* vocabantur. Sed tractu temporis hic vivendi modus Clericorum tolerante Papa, uti ait Glossa in *cap. 9. hoc tit.* passim immutatus fuit, & seorsim vivere cæperunt; uti hodie videmus.

9. Dico quartò: ad modum vivendi honestum Clericorum pertinet, ut ipsi in choro à Laicis separati Divina peragant; ita ut dum sacra mysteria Missæ celebrant, cancellis à populo dividantur. Ita communis DD. Et ordinatur in *cap. ut Laici, hoc tit.* Et est Ratio; quia hac ratione liberius sacra officia celebrare valent, & intendere Divinis, *can. Sacerdotum 30. de Consecrat. dist. 2.*

## CAP. IV.

### De vita, & honestate Clericorum Minoriticorum.

1. Dico primò: FF. Minoribus incumbit specialiter colere vitam honestam, à S. Canonibus Clericis præscriptam probatosque mores, ac actiones laudabiles edere. Ita communis DD. Ordinis. Et constat ex *cap. 1. Regulæ Franciscanæ*, ubi dicitur, quòd, *vita Fratrum Minorum hæc est, scilicet Domini Nostri JESU Christi S. Evangelium observare*; S. autem Evangelium continet præscripta specialia vitæ honestæ, morumque laudabilium, & integerrimorum. Et ex *cap. 2. ejusdem Regulæ*, ubi dicit Legislator. D. Franciscus; *consulo verò, moneo, & exhortor Fratres in Domino Jesu Christo, ut quando vadunt per mundum, non luxent, neque contendunt verbis, nec alios judicent: sed sint mites, pacifici, & modesti, mansueti, & humiles, honestè loquentes omnibus, sicut decet.*

2. Dico secundò: specialiter obligantur FF. Minores honestatem vitæ exprimere in continentia, seu castitate colenda. Ita communis DD. Ordinis. Et constat; Tum ex voto solemnii castitatis, quod profitentur; & vi *capituli 1. Regulæ Seraphicæ* observare tenentur. Tum ex *cap. 11. ejusdem*, ubi dicitur; *Præcipio firmiter Fratribus universis, ne habeant suspecta consortia, vel consilia Mulierum.* Tum ex Constitutionibus recentioribus Generalibus Ordinis *cap. 11. §. 1. n. 3.* ubi dicitur; *unde*

à ma-

*à mali specie cavere volentes, omnibus Fratibus à suspectis consortiis abstinere precipimus.* Ubi etiam variz graves pœnæ imponuntur incontinentibus, & de suspecto consortio notatis.

3. Nota primò: suspecta consortia, honestatem vitæ continentis in Minorita labefactantia ex cit. *Constit. n. 1.* censentur esse illa; quando locus, tempus, gestus, & alia ejusmodi indicia suspicionem indicant; puta, si locus quærat pro mulierum colloquio solitarius, secretus, segregatus, obscurus; si tempus nocturnum, aut aliàs importunum, vel suspectum; si gestus sit dissolutus ex nimia appropinquatione, vel faciei ad mulierem fixis oculis conversione, manibus, aut similius indicijs. Item si instituantur solitaria colloquia exclusò aliorum auditu; nisi sub specie causa, aut alia evidens ratio: *ibidem.* Item si cum eadem persona sæpe sæpius citra necessitatem, vel rationem gravem replicentur colloquutiones; adjuncta ætate necdum senilis, & attentâ conditione colloquentium; *ibidem.* Et statuta Reform. *cap. 11. n. 1.*

4. Dico terciò: Pertinet quoque ad honestatem vitæ, & morum Ordinis Seraphici, nè FF. Minores, mulieres in Monasteria, conventusque suos admittant. Ita communis DD. Tum ex cit. *Constit. General. n. 8.* ubi gravissimæ quoque pœnæ statuuntur contra transgressores. Tum ex Bulla Pij V. quæ incipit *Regularium personarum*, prohibente generaliter ingressum Mulierum intra Conventus Regularium. Exciipiuntur tamen secundùm Sanctior. Viallob. Hier. Rodriquo. Joann. de Cruce, &c. Imperatrices, Regina, Archiducissæ, Magnæ Ducissæ Regiminis, ut Thuscæ, Sabaudiz, Bavariz, &c. & Fundatrices; uti

colligitur ex Concess. Gregorij XIII. edita 8. Sept. an. 1584. pro Monialibus.

5. Dico quartò: similiter spectat ad honestatem Minoriticæ vitæ, nè Fratres ingrediuntur; neque accedant Monasteria Monialium pro colloquio. Ita communis DD. Primum habetur in Regula S. Francisci *cap. 11.* illis verbis: *Et nè ingrediantur monasteria Monacharum, præter illos, quibus à Sede Apostolica concessa est licentia specialis.* Secundùm statuitur in *Constit. General. cap. 11. §. 3. n. 1.* ubi dicitur: *ad Monasteria Monialium quocunque nomine appellentur, nemini Fratrum quovis prætextu accedere liceat; nisi vel impetratâ prius facultate; vel publici muneris sive à Superiore commissi obtemperandi gratiâ.* Ubi plura alia salutaria de modo alloquendi Moniales, conversandicum iisdem, non manducandi in ædiculis Confessoriorum, statuuntur, pro conservanda honestate Vitæ Minoriticæ.

6. Nota secundò: Quæ præterea à S. Canonibus providè ordinata sunt pro Clericis secularibus, circa evitandam crapulam, ebrietatem, alearum, & taxillorum lusum, absentiam à choræis, ac comædijs obscenis, lusuibusque alijs theatralibus, venationem, armorum gestationem, percussiones, rixas; item circa exercitia commerciorum, negotiationum, mercantiliū, chyrurgiæ, adductionis vel incisionis; circa professuram publicam Legum & Medicinæ, artisque Chymicæ practicam, Tabellionatus, & Notariatus; ea omnia pariter graviter interdicta dignoscuntur Minoribus; utpote summo opere adversantia vitæ & honestati morum Ordinis Seraphici; de quibus etiam sparsim extant statuta specialia prohibitoria in Constitutionibus General. Ordinis.

## TITULUS II.

### DE COHABITATIONE CLERICORUM, ET MULIERUM.

#### CAP. I.

Cohabitatio mulierum quid sit, quibus Clericis ea concedatur, & quibus non; ac de pœnis cohabitantium.

1. Nota primò: continuat Sum: Pontifex bona intrinseca, seu mores Clericorum percutari; unde *presens Titulus* est accessorius ad præcedentem; nam.

Clericorum honestas non modicè etiam elucet ex non cohabitatione mulierum; & consortium earum sæpius incontinentiæ suspicionem, & viciosam familiaritatem ingerunt; quare de eo evitando rectè hic agitur.

2. Dico primò: bene describitur mulierum cohabitatio, de qua hic, quòd sit *Clerici, & mulieris in eadem domo, ac sub eodem tecto commorantium conversatio.* Ly *conversatio* est genus: reliqua ponuntur pro differentia.

3. Dico secundò: Clericis, etiam secularibus, prohibita est cohabitatio cum mulieribus

ribus suspectis; & hoc varijs de causis. Ita Glossa, Vallenf. Zoëf. Pirh. &c. Et statuitur *cap. 1. Et alijs pluribus hoc tit. Et can. interdict. 16. dist. 37.* Et *can. non oportet 32. cum seqq. dist. 81.* Causæ porro principales prohibentes cohabitationem Clericorum cum mulieribus suspectis sunt sequentes. *Prima* quia ejusmodi cohabitatio, & familiaris conversatio valdè probabile periculum continet violandi castitatem, ad quam Clerici tenentur. *Secunda*; quia ex eodem consortio familiari saltem suspicio impudicitie nascitur apud populum. *Tertia* quia idem contubernium, & conversatio arceat Clericos à perfectione in illis requisita, *can. hospit. alium 17. dist. 32. Quarta* quia excellentia ministerij Sacerdotalis summam requirit munditiem, quæ vix in cohabitatione mulierum suspectarum conservari potest.

4. Dico tertio: conceditur tamen Clericis secularibus cohabitatio cum personis conjunctis in primo, & secundo gradu; cujusmodi sunt mater, avia, amita, matertera, foror, nepis, sive filia fratris & fororis. Ita Glossa, Zoëf. Vallenf. &c. Et constat ex *cap. à nobis 9. hoc tit.* Estque Ratio; quia in similibus personis (ut loquitur Papa Innocentius III. *cit. cap.*) naturale tædus id est conjunctio sanguinis, nihil permittit sævi criminis suspicari: cum ipsa natura abhorreat ab incestuosa copula, *cap. pen. de presumpt.* Quod si tamen & tales mulieres conjunctæ de vita lubrica, & incontinentia essent suspectæ; etiam cum ipsis cohabitatio Clericis interdicta dignoscitur; uti constat ex *cap. 1. hoc tit.* Ceterum Episcopis, & Religiosis simpliciter interdicta est cohabitatio quarumcunque mulierum, etiam conjunctarum; idque ob statum perfectiorem, *novel. 1. de Monachis cap. 3. Et anth. Episcopus, C. de Episcopis, & Clericis &c.*

5. Dico quarto: conceditur pariter Clericis cohabitare cum aliquibus mulieribus extraneis profectionis ætatis, aliàs honestis, & probis; uti & cum pedisequis, seu ancillis bonæ tamz; si res familiaris sine his peragi nequeat. Ita Vallenf. Zoëf. Et constat ex *can. interdict. 16. dist. 32.* Et est Ratio; quia circa hujusmodi mulieres infimæ sortis cessant causæ supra allatæ contra cohabitationem Clericorum cum mulieribus. Nec adversatur *cap. 1. hoc tit.* quod loquitur tantum de illis pedisequis, & alijs extraneis fœminis, de quibus suspicio esse possit.

6. Dico quinto: Clericus sacris initiatus, institutus scandalosam cohabitationem, & conversationem cum muliere suspecta, si ter monitus non desistat ab ejusmodi confor-

tio, & alloquio suspecto, excommunicandus est; fœmina verò canonice punienda. Ita Abbas, Vallenf. Zoëf. &c. Et statuitur in *cap. si quisquam 2. hoc tit.* Estque Ratio; quia de hujusmodi Clerico præsumitur fornicationis crimen.

7. Dico sexto: à fortiori Clericis inhibita est cohabitatio cum fornicaria, seu concubina notoria; imò & conversatio, ac consuetudo cum eadem alibi existente. Ita communis DD. Et habetur in varijs capitulis hujus Tit. Et in Trident. *Sess. 25. de Reforms. cap. 14.* ubi dicitur, *quàm turpe, ac Clericorum nomine, qui se divino cultui addixerunt, su indignum impudicitie sordibus, immundisq; concubinatibus versari, satis vix ipsa communi omnium fidelium offensione, summoq; Clericalis militia dedecore testatur. Ut igitur ad eam, quam decet continentiam, ac visa integritatem Ministri Ecclesiæ reverentur, populusq; hinc eos magis discat revereri, quò vitia honestiores cognoverit, prohibet S. Synodus quibuscunque Clericis, ne concubinas, aut alias mulieres, de quibus possit haberi suspicio, in domo, vel extra deinere, aut cum illis ullam consuetudinem habere audeant.*

8. Nota secundò: Clericus beneficiatus notoriè concubinarus ab Episcopo ter monitus, ut removeat, vel non frequentet concubinam, nec eandem recipiat; si nihilominus contempserit eam dimittere, aut abstinere ab ejus consuetudine, suspendendus est à beneficijs Ecclesiasticis, & fructibus eorum privandus, donec congruè satisfecerit: quod si verò sic suspensus adhuc eandem retinere, aut frequentare præsumperit, removendus est in perpetuum ab iisdem beneficijs, & penitus privandus; ita habetur in *cap. sum. 4. hoc tit.* Tridentinum verò *Sess. 25. cap. 14. de Reforms.* post primam statim admonitionem mulctat, talem concubinarium privatione tertiz partis fructuum: post secundam privat omnibus fructibus, & pensionibus; imò & administratione, donec resipiscat: quod si autem nihilominus eam retineat, inhabilitat ad omnia beneficia, & officia, usque dum emendetur. Sed si Clericus talis beneficiatus reassumeret concubinam dimissam, aut adjungeret sibi alias similes scandalosas fœminas, præter prædictas poenas, etiam excommunicationis gladio jubet plectendum. Clericus non beneficiatus concubinarus poenâ carceris, suspensionis ab ordine, & inhabilitationis ad omnia beneficia obtinenda, alijsque modis est puniendus, Episcopus verò concubinarus monitus à Synodo provinciali, & non emendatus, ipso factò suspenditur; & si perseveret, ad Sum. Pont. à Synodo est deferendus pro recipienda castigatione.



## Tit. II. De cohabitatione Clericorum, & mulierum. 9

9. Nota tertio: et si Clericus concubinaris præfatis modis possit puniri, & compelli ad dimittendam concubinam; non tamen potest adstringi ad abjurandam concubinam; ob periculum perjurij; *cap. Clericos 3. hoc tit.* Quando ejus crimen concubinatûs est ita publicum evidentiâ facti, ut meritò cenſeatur eſſe notorium; tunc ad ejus condemnationem instituendam nec teſtis, nec accuſator, nec trina monitio neceſſaria ſunt. Si verò ſit publicum tantum ex fama; tunc teſtimonia bonorum virorum, inter quos habitat Clericus talis, non ſufficiunt ad ejus condemnationem; ſed inſuper teſtes jurati requiruntur; ut habetur *cap. tua nos 8. hoc tit.* Cenſetur autem tunc concubinatûs eſſe ex evidentiâ facti notorius, ſi Clericus domui ſuæ aliat filios ex concubina ſuſceptos; & concubinam, ut uxorem tractet; ſimul in eodem. lecto concubina decumbat, &c. ut notat Gloſſa.

10. Nota quarto: ſecundum veteres Canones, ſcilicet *can. nullus 5.* Et *can. præter hoc 6. diſt. 32.* vetitum erat audire Miſſam, & alia Di-

vina Clerici concubinarij notorij; uti & Sacramenta ab eo percipere: quod ſtatutum erat, ut cæteri à peccandi licentia retraherentur; & ij qui peccaverunt, ad poenitentiam. ac emendationem perducerentur; uti habetur *can. ult. cauſ. 15. q. ult.* Verum juxta recentiores Canonum ſanctiones ſignanter *cap. veſtra;* Et *cap. ult. hoc tit.* dicendum eſt, quod cum Clericus concubinaris notorius quoad ſe tantum ſit ſuſpenſus, ob mortale peccatum; ita ut non percipiat fructus Divinorum myſteriorum, & Sacramentorum; non verò quoad alios; ideò in Miſſa, vel alijs Divinis Officijs non eſt vitandus, quàm diu toleratur ab Epilcopo. Quod ulterius patet ex Extravag. *ad eviſanda*, quod ſuſtulit obligationem. evitandi in Divinis cenſuratos, ita ut fideles hodie non teneantur evitare in Divinis alios cenſuratos, quàm excommunicatos nominatim, ac publicè denunciatos, & notorios percuſſores Clericorum; de quorum numero cum non ſit Clericus concubinaris notorius quoad ſe tantum ſuſpenſus; ideò fideles ejus Divina audire poſſunt, quàm diu toleratur.

# TITULUS III. DE CLERICIS CONJUGATIS.

## CAP. I.

### De Cœlibatu Clericorum Latinarum.

1. Nota primò: Pertinet quoque ad bona intrinſeca, & probos mores, ac honeſtatem Clericorum cœlibatus; quare de eo hic proponitur *Titulus.* Intelligitur autem per *Clericum conjugatum* is, qui aliquando contraxit matrimonium. Et ſunt Clerici conjugati in duplici differentia; quidam ſunt, qui inierunt conjugium ante Ordines ſuſceptos; quidam verò poſt ordines ſuſceptos & de utriſque *hoc tit.* tractatur.

2. Dico primò: Clerici Latini regulariter debent eſſe cœlibes: præſertim conſtituti in Sacris Ordinibus. Ita communis DD. Et habetur *cap. quod à te 3. hoc tit.* Et pluribus Canonibus relatis *diſt. 28.* Et *cap. meminimus 3. & pen. ac ult. qui Clerici vel ſovernes;* Ratio etiam eſt primò; quia ut dicitur *cir. cap. Clericus conjugatus ſimul voluptatibus, & carnalibus deſiderijs, ac Divinis Eccleſiaſticis obſequijs vacare non valet;* nam ſecundum Apoſtolum 1. ad

*Cor. 7. qui cum uxore eſt, ſollicitus eſt, quæ ſunt Mundi, quomodo placeat uxori, & diverſus eſt.* Ratio eſt ſecundò; quia ſtante conjugio Clericorum redditus Eccleſiaſtici, alijs in pios uſus deſtinati, non eſſent in tuto; cum de facili in uxores, & liberos, aliasque profanas cauſas poſſent expendi. Ratio eſt tertio; quia Clericus cœlebs eſt in majori reverentia apud populum; magisque hoſpitalis erga pauperes, & peregrinos. Ratio eſt quarto, congruentia Sacerdotij novi Teſtamenti perfectioris, & mundioris; nam ſi Sacerdotes veteris Teſtamenti miniſtrantes Domino in ſacrificijs illis imperfectis, & figurativis, ac manducantes panes duntaxat propoſitionis, debebant eo tempore abſtinere à mulieribus; quantò magis decet Sacerdotes novi Teſtamenti miniſtrantes in ſacrificio perfectiſſimo, cujus hoſtia eſt divina, & manducantes immaculatum Corpus Chriſti, eſſe ab omni mulierum commercio, atque uſu matrimoniali alienos; & planè cœlibes.

3. Dico ſecundò: votum continentia, & cœlibatus Clericorum eſt vetuſtiſſimus, & jam à temporibus Apoſtolorum quoad Cleri-

*Er. Bernardi Sannig Schola Canonice Töm. I.*

cos in sacris constitutos in usu Ecclesiæ, saltē Latinæ. Ita Vallenf. Strein. Bellarm. Becan. & communis DD. Catholicorum; contra Calvinum, Melanthon, Lutherum, & alios hæreticos, falsò asserentes ante annos 400. primò introductum fuisse cælibatum: Et constat primò ex Canone 25. Apostolico. Et ex Concil. vetusto Elibertino anno 313. celebrato. Et Concil. Cathaginensi an. 396. celebrato. Et ex Concil. Aurelianensi an. 573. celebrato; in quibus cælibatus præscriptus Clericis in Sacris Ordinibus constitutis. Secundo, idem constat ex pluribus autoritatibus veterum SS. PP. qui copiosè afferuntur *totali dist. 25. & locò Canonum statuuntur. Tertiò* eundem cælibatum veteres leges civiles referunt; ut videre est *L. cum qui; Et Authent. multo magis C. de Episc. & Clericis, & similibus.*

4. Dico tertio: Cælibatus Clericorum in sacris constitutorum non Jure divino; sed Ecclesiastico, & à Sacris Canonibus veteribus, atque novis annexus fuit statui Clericali; præsertim Sacris Ordinibus. Ita communis DD. Et Ratio est; quia nusquam extat aliquid Jus Divinum, præscribens cælibatum statui Clericali. Et Græcis Sacerdotibus hætenus licitus fuit usus matrimonij; uti patet ex *cap. 6. hoc tit.* quod non procederet, si cælibatus Clericorum esset de Jure Divino. Est ergo tantum introductus ab Ecclesia per leges Ecclesiasticas humanas, relatas pro *prioribus conclus. & ex causis, ibidem tactis.*

5. Dico quartò: ad colendum cælibatum Sacris Ordinibus annexum tenetur etiam ordinatus cum ignorantia legis Ecclesiasticæ, votum continentię annexentis Ordinibus Sacris; uti & ordinatus cum intentione interna expressa non continendi. Ita Zoësius, Azorius, Sanc. Navarr. &c. Ratio primi est; quia ordinatus cum tali ignorantia videtur laborare ignorantia crassa, vel affectatā; cum lex Ecclesiastica annexens Sacris Ordinibus votum continentię, seu cælibatum, sit sufficienter promulgata, & ita obvia, ut vix invincibiliter ignorari possit: ac proinde ignorantia talis ordinati non excusat eum ab observando, & oblando cælibatu. Ratio secundi est; quia ordinatus cum interna expressa voluntate non servandi continentiam ex instituto Ecclesiæ, censetur ordinatus juxta præsentēs leges, ordinantes cælibatum, quas nemo privatā intentione invertere potest, *L. nemo ss. ff. de legat. 1.*

6. Dico quintò: ordinatus ante annos pubertatis non obligatur ad cælibatum; uti nec ordinatus per metum injustum; similiter quando ordinatio seu collatio Ordinis fuisset

irrita. Ita Zoësius, Azor. Abbas, Joan. Andr. &c. Ratio primi est: quia cælibatus, seu votum continentię est res magni momenti, in qua proinde non faciliè adstruenda est obligatio ante ætatem. Et quia alia vota solemnia emissā ante annum 16. ætatis non obligant; ut dicitur infra *tit. de Regularibus*: ideo idem dicendum de isto voto. Ratio secundi est; quia alia vota metu extorta irrita censentur, ob defectum libertatis requisitæ: ergo idem dicendum de voto continentię, & cælibatus. Ratio tertij est; quia non subsistente principali; nec subsistit id, quod in consequentiam venit ejus nomine, secundum Reg. Jur. *L. nihil 129, §. ff. de Reg. Jur.* collatio autem Ordinis est principale, & cælibatus est ejus consequens, seu id quod in consequentiam venit nomine collationis Ordinis: Ergo quando irrita est collatio Ordinis, etiam non tenet obligatio cælibatus.

## CAP. II.

### De Clericis Conjugatis, qui fuere tales ante susceptum Clericatum.

1. Dico primò: Conjugati possunt quidem permisso uxorum admitti ad Clericatum, sacrosque Ordines suscipiendos; sed in Ecclesia Latina prius perpetuam continentiam debent ovovere; & uxorem duxisse unicam, eandemque virginem. Ita Glossa, & communis DD. Primum constat ex usu, & praxi Ecclesiæ, admittentis quandoque conjugatos probæ vitæ ad Clericatum, & Ordines Sacros. Secundum patet ex *cap. sanè 2. hoc tit.* junctā Glossā verb. *virginem.* Estque Ratio; quia cum Clerici obire debeant officia, & ministeria sacra, ac divina, quorum pleraque Sacros Ordines requirunt; vel saltē propositum illos suscipiendi aliquando, quibus continentia est annexa; ideo conjugatus volens fieri Clericus, & suscipere Sacros Ordines, meritò prius perpetuam continentiam ovovere debet; quinimò & ipsa uxor mansura in sæculo votum continentię emittere debet, si provectioris sit ætatis, ita ut extra periculum incontinentię esse videatur: si verò sit juvenis, Religionem debet intrare; uti constat ex *cap. conjugatus 5. de convers. conjug.* junctā Glossā verb. *ab uxore.* Et *can. Episcopus 6. & ibi Glossa, dist. 77.* Estque Ratio; ut hac viā clericatus magis arceatur à repetendo usu conjugij.

2. Dixi in conclusione, in Latina Ecclesia conjugatos clericatos debere prius perpetuam castitatem.

*flitatem voverit*: quia in Ecclesia Græca conjugati transeuntes ad Clericatum non emittunt simile votum; sed & permittitur ipsis usus matrimonij cum uxore, ante Clericatum ducta, *can. Nicæna*. Et *can. quoniam dist. 31.* excepto tamen illo die, quo altaris ministerio debent deservire; ut habetur *cir. can. quoniam*.

3. Dico secundò: similiter ante Clericatum susceptum facti conjugati possunt in Latina Ecclesia admitti ad beneficia Ecclesiastica, & administrationes eorum; sed non prius, quam uxores eorum ingrediantur Religionem; aut continentiam voveant; aut alias non sint suspectæ de incontinentia. Ita Zoësius, & communis DD. Et habetur in *cap. sanè 2. hoc tit.*

4. Dico tertio: Clerici præfato modo conjugati non sunt admittendi ad dignitates Ecclesiasticas Ecclesiæ Latinæ; & si quas jam obtinuissent, cogendi sunt ut easdem dimittant. Ita Glossa, & communis DD. Et deciditur in *cap. cum decorem 8. hoc tit.* Estque Ratio; quia speciem pravi exempli, & scandali præferret in Ecclesia Latina, Clericum conjugatum obtinere dignitatem Ecclesiasticam, *cap. cit.*

5. Dico quartò: dicti Clerici conjugati permissu uxoris, votum continentia emittentis, vel profitentis in Religione, Clericali statui incorporati & alicui Ecclesiæ deservientes, ac habitum & tonsuram deferentes, gaudent privilegijs statûs Clericalis. Ita communis DD. Ratio est; quia ab Ecclesia censentur veri Clerici, & habiles ad munia Ecclesiastica, uti alij Clerici.

### CAP. III.

#### De Clericis conjugum incuntibus post susceptum Clericatum.

1. Dico primò: Clericus minoribus Ordinibus duntaxat initiatus potest validdè contrahere matrimonium; & si continere senescat, permittendus est nubere. Ita communis DD. Et habetur *can. si qui verò dist. 32.* Estque Ratio; quia hujusmodi Ordinibus non est annexum votum castitatis perpetuæ.

2. Dico secundò: statim autem ac Clericus minorista fit conjugatus, amittit omnia beneficia. Ita Glossa, Abbas, Barbof. &c. Et colligitur ex *cap. 1. hoc tit.* Est et Ratio; quia beneficium Ecclesiasticum censetur cum hac

tacita conditione esse Clerico Minoristæ collatum, ut non assumat statum cum tali beneficio impossibilem, cujusmodi est status matrimonij ex sensu Ecclesiæ, per text. *cap. 3. § 5. hoc tit.* Et si assumat statum talem impossibilem, censetur tacitè renunciâsse beneficio Ecclesiastico obtento, *arg. cap. ex transmissa 2. de renunc.* Et quia simul carnalibus desiderijs, ac Divinis, & Ecclesiasticis Officijs vacare non valet, atque propter immunditiam suam Sacramentis tractandis est indignus; uti loquitur *cap. quod à te 3. hoc tit.* Et quidem ipso Jure censentur omnia beneficia Ecclesiastica talis Clerici conjugati vacare; uti habent *cir. DD.* & constat ex *cir. cap. 1. hoc tit.* ubi Papa mandat, ut Episcopus Clericos ejusmodi conjugatos compellat ad beneficia relinquenda; & consequenter, dum dicitur *relinquenda esse*, supponit, quod non sit opus novâ sententiâ privatoriâ; uti notat Glossa, & Engel. Ex his

3. Inferitur primò: Clericum Minoristam nubentem ipso Jure amittere etiam pensiones Ecclesiasticas, titulò Clericali alias collatas; ut habet Sanch. Pirh. &c. quia & hic adverteratur status conjugalis. Similiter idem, Clericus amittit accessum, regressum, & alias quæcumque Jure ad beneficium Ecclesiasticum, ipsi alias competentia; cujusmodi esset accessus per rescriptum Apostolicum concessus ad proximè vacaturum beneficium; uti habet Vallens. Pirh. &c. Et patet ex *Clement. gratia; de rescriptis*. Nec redeunt Clerico similia Jura, aut recuperatio beneficiorum amissorum, si uxor ejus ante consummationem matrimonij moreretur; vel monasterium ingrederetur; ut habet Zoëf. Vallens. & communis DD. quia quod semel extinctum est, non reviviscit amplius; licet causa extinguens cesserit; uti constat ex *can. quam periculosum, cau. 7. q. 1. Et Clement. cit. gratia*.

4. Nota primò: non incurrit tamen talis Clericus conjugatus privationem beneficiorum ipso Jure per sola sponsalia, de futuro contracta; uti habet Garc. Sanch. Barbof. Engel. &c. Ratio est; quia per ejusmodi sponsalia Clericus nec dum actu assumpsit statum impossibilem cum beneficio Ecclesiastico; sed ipsa sunt tantum via ad illum statum obtinendum; uti notant *cir. DD.* Similiter si Clericus Minorista beneficiatus contrahat matrimonium invalidum ob aliquod impedimentum dirimens, v. g. consanguinitatis, censent plures DD. Vallens. Sanch. Less. Pirh. Garc. contra Zoëf. & alios, ipso Jure non amitti beneficium Ecclesiasticum; sed opus esse sententiâ

Judicis. Ratio est; quia non præstat impedimentum quod de jure non fortitur effectum, inquit *Reg. Jur. 12. n. 6.* Et quod nullum est, nullum potest producere effectum. *L. si se 4. ff. de nuptiis §. de re judicat.* cum ergo tale matrimonium nullum sit, non inducit Juris effectum. Nec etiam extat ullus textus Juris decidens solam attentionem cum ipso facto irritum sufficere in hoc casu; ut rectè notat Vallens. hic. Pariter si Clericus impubes cum sponsa impubere, aut etiam pubere contrahat matrimonium, quod irritum est ob defectum ætatis; & malitia non suppleat ætatem (ejusmodi matrimonium resolvitur in sponsalia de futuro *cap. unic. de sponsat. impub. in 6.*) talis Clericus non amittit ipso jure beneficia; ut habet Glossa, Vallens. Pirh. Sanch. & suadent rationes pro priori casu tactæ.

5. Dico tertio: cum Clerico Minoristæ transeunte ad legitimum conjugium tempore Clericatus tamen si virginem duxerit, & Clericalem habitum, ac tonsuram deferat, certæque Ecclesiæ deservire velit, Episcopus nequit dispensare, ut beneficium Ecclesiasticum obtineat; sed hoc solus Summus Pontifex præstare potest. Ita Glossa, Abbas, Garc. Sanch. contra Innoc. Imol. &c. Et colligitur ex *cap. diversis 5. hoc tit.* Ratio etiam est; quia Episcopus nequit dispensationem dare contra S. Canones; nisi id ei expressè concessum sit: juxta autem S. Canones talis Clericus Minoristæ conjugatus non est capax beneficii Ecclesiastici; sed censetur ut Laicus; *cap. Joannes 7. hoc tit.* adeoque cum illo nequit dispensari ab Episcopo, ut beneficium Ecclesiasticum obtineat.

6. Dico quarto: Clericus in minoribus constitutus contrahens matrimonium etsi desuper deferat habitum Clericalem, & tonsuram, perdit omnia privilegia Clericalia, duobus exceptis (de quibus *sequenti conclusione*) & tanquam Laicus censetur. Ita Zoëf. Vallens. Sanch. Pirh. & communis. Et habetur *cap. Joannes 7. hoc tit.* Et *cap. ex parte 9. hoc tit.* unde talis non est amplius exemptus à solutione vectigalium, exactionum regiarum, &c.

7. Dico quinto: Clericus in minoribus constitutus, & legitimò conjugio copulatus, si nihilominus habitum Clericalem, & tonsuram stabiliter deferat, ac alicui Ecclesiæ deferat, & ministret, contraxeritque cum unica, eaque virgine, retinet privilegium Canonis, & Fori. Ita communis DD. Et deciditur in *cap. Clerici unic. hoc tit. in 6.* Et in Trident. *sess. 23. cap. 6. de Reformat.* Constituit autem privilegium Canonis in hoc, quod nemo vio-

lentas manus in eum possit injicere; & eas injiciens incidat in Excommunicationem latæ sententiæ. *Privilegium fori* autem in hoc, quod ad judicium sæculare propter commissas ab eo excessus, vel delicta non possit trahi. Sed utrumque etiam perdit, si non servet conditiones in conclusione allatas: unde qui initò conjugio abjicit habitum, & tonsuram Clericalem, & delinquit; postea verò eadem reassumit, ut declinet jurisdictionem sæcularis potestatis; non gaudet privilegio Fori; uti habet Vall. & Pirh. & constat ex *cit. cap. un. hoc tit. in 6.*

8. Nota secundo: Clericum minoristam conjugatum gaudere quidem privilegio Fori; sed in solis causis criminalibus; non verò in civilibus; uti cum communiori DD. tenet Zoëf. Abbas, Joann. And. Vallens. Anchar. contra Engel, Farin. &c. Idque constat ex *cap. un. hoc tit. in 6.* quod expressè loquitur de solis causis criminalibus. Et sanè congruentia major erat præstatum Clericum excipiendi à Judicio sæculari quoad causas criminales; & non quoad Civiles; quia indecentius est in causis criminalibus, in quibus agitur ad vindictam, Clericum subdi foro sæculari; quàm in causis civilibus, in quibus agitur de restitutione debiti; uti observat Zoëf. Quare

9. Dico sexto: Clericus in Sacris Ordinibus constitutus nequit ulla ratione ducere uxorem; & si desuper ineat conjugium, erit invalidum; non manet tamen ipso jure privatus beneficio; sed eò privari potest in pœnam delicti. Ita Glossa, Abbas, Garc. &c. Primum, & secundum definitur in Tridentin. *sess. 24. can. 9.* Et patet ex canonibus pro *1. conclus. cap. 1. allegatis.* Tertium desumitur ex *cap. sanè 4. hoc tit.* ex quo constat tales Clericos tantum esse suspendendos ab officio; & post actam pœnitentiam posse eidè restitui. Et est Ratio; quia talis Clericus non censetur assumpsisse statum incompatibilem cum beneficio Ecclesiastico; cum matrimonium ejus sit irritum, & nullum propter impedimentum dirimens voti castitatis, quod annexum est Sacris Ordinibus.

10. Nota tertio: pœnas Clericorum in Sacris constitutorum, & contrahentium matrimonium esse sequentes. *Primo* compelli debent ad repellendam mulierem ductam; & ad pœnitentiam agendam de commissio peccato; etiam per pœnas suspensionis, & excommunicationis; ut dicitur *cap. 1. hoc tit.* *Secundo* efficiuntur irregulares, ita ut in suscipere alios majores Ordines; ut notat Vallens.

Tit. IV. De Clericis non residentibus in Eccl. vel Præbenda. 13

Iens. Tertiò sunt excommunicati ipso Jure, *Clement. unica; de assen. & consang.* reservatà absolutione ipsi Episcopo; ut notat Glossa. *Quartò* incurrunt poenam stupri, si virginem

sub prætextu matrimonij violaverint; uti habet Dias, & Vall. *Quintò* inquiri potest in ipsos, tanquam de hæresi suspectos; ut habet Vall. & c. DD.

## TITULUS IV.

### DE CLERICIS NON RESIDENTIBUS IN ECCLESIA, VEL PRÆBENDA.

#### CAP. I.

Qui Clerici teneantur ad continuam residentiam in Ecclesia, vel Præbenda.

1. Nota primò: spectat pariter ad probos mores Clericorum residentia eorum in Beneficijs: unde de ea *hic tit.* adjungitur. Per Clericum non residentem in Ecclesia, vel præbenda hic intelligitur is, qui realem suam præsentiam, & personale servitium, ac ministerium non præstat in loco, ubi Beneficium Ecclesiasticum obtinet. Et per Residentiam personalem intelligitur reale, & personale servitium, ministerium, seu obsequium, quod personaliter præstat Clericus beneficiatus in loco beneficij; uti constat ex Flam. Vallens. Sylv. & c.

2. Dico primò: gravissimam obligationem residendi personaliter in suis Ecclesijs habent Patriarchæ, Primates, Archi-Episcopi, & Episcopi. Ita communis DD. Et habetur in Trident. *Sess. 6. de Reform. cap. 1.* ubi S. Synodus gravissimè monet omnes Patriarchalibus, Primatialibus, Metropolitans, & Cathedralibus Ecclesijs quibuscunque, quovis nomine, ac titulo præfectos, ac monitos esse vult, ut attendentes sibi, & universo gregi, in quo Spiritus S. posuit eos, regere Ecclesiam DEI, quam acquisivisti sanguine suo, vigilent, in omnibus laborent, & ministerium suum impleant: implere autem illud se nequaquam possent, si greges sibi commissos mercenariorum more deserant, atque animarum suarum, quarum sanguis de eorum est manibus à supremo Judice requirendus, custodire minime incumbant; cum certissimum sit, non admitti Pastoris excusationem, si lupus oves devoravit, & pastor nescit. Et in eodem capite etiam graves statuuntur poenæ, contra præfatos Prælatos supremos Ecclesiarum non residentes.

3. Dico secundo: similiter Abbates, Priores, Præpositi, Parochi, & universum omnes beneficia talia obtinentes, quæ curam anima-

rum habent annexam, gravissimè obligantur ad residentiam personalem in suis beneficijs. Ita Vallens. Pirhing. Engel, & communis DD. Et constat ex *cap. quia nulli 3. hoc tit.* Et quia de his verificatur vel maxime ille Canon *cap. sed de rescriptis in 6.* beneficium datum propter officium; id est, personale servitium, ministerium, & curam personalem animabus commissis impendendam. Et quia in his electa est personæ industria, quæ per alium non suppletur; ut notat Zoëf. Et quia his Pastoribus quoque incumbit personaliter invigilare suis gregibus, nè à lupis devorentur; aliàs sanguis animarum earum requiretur de manibus talium mercenariorum absentium juxta *cit. Trident.*

4. Dico tertiò: Cardinales Patriarchæ, Primates, Archi-Episcopi, Episcopi, Abbates, Præpositi, Priores, Parochi, & quicumque alij curam animarum habentes annexam suo beneficio, obligantur ad personalem residentiam tum Jure Ecclesiastico, tum Jure Divino. Ita Fagnan. Zoëf. Vall. & communis DD. Et constat ex Trident. *Sess. 23. cap. 1. de Reform.* ubi dicitur, *Præcepto Divino mandatum esse omnibus, quibus cura animarum commissa est, oves suas agnoscere, prohibere sacrificium offerre, Verbiq; Divini predicatione, Sacramentorum administratione, ac bonorum omnium operum exemplo pascere, &c.* quæ omnia, ait idem Concil. paulò infra in eodem *cap.* præstari non posse absque assensu; ac proinde obligat omnes præfatas personas ad personalem residentiam; sicque censet eam in ipsis esse Juris Divini.

5. Dico quarto: etiam Canonici Ecclesiarum, & aliam præbendam obtinentes in Ecclesijs Cathedralibus, & Collegiatis, quamvis curam animarum non habeant; attamen ex natura sui beneficij ad residentiam personalem in loco sui Canoniciatus obligantur; sed Jure Ecclesiastico tantum. Ita Glossa, Azor. Engel, & communis DD. Et primum habetur in *cap. cum ad hoc 16. hoc tit.* Et in Concilio Tridentino *Sess. 24. cap. 12. de Reform.*

Estque Ratio; quia Canonicatus, & Præbendæ constitutæ sunt à fundatoribus, ut Canonici, & Præbendarii interint divinis officiis, atque servitijs Ecclesiarum; unde de ijs quoque procedit illud *cap. fin. de rescript. in 6.* beneficium datur propter officium. Ratio secundi est; quia cum hujusmodi beneficia non habeant annexam curam animarum, non videtur obligatio in eis residendi esse Juris Divini; sed Ecclesiastici duntaxat.

6. Dico quintò: secundum Jus commune etiam obtinentes beneficia duntaxat simplicia tenentur ad residentiam personalem. Ita Vallens. Pirh. Engel, & communis DD. Et habetur *cap. quia 3. hoc tit.* Et colligitur etiam ex *cap. ad hoc, 13. de prob.* Et est Ratio; quia de his quoque beneficijs intelligitur illud *cap. fin. de rescript. in 6.* Beneficium datur propter officium; ut notat Pirh. Et extenditur dicta conclusio etiam ad beneficium simplex, etsi modicum & tenue sit; ut colligitur ex *cap. conquereute 6. hoc tit.*

7. Dico sextò: demùm obligantur quoque ad residentiam personalem Commendatarii perpetui, Episcopi, Abbates, Priores, & Præpositi, qui non in titulum; sed in commendam, vel administrationem obtinent Ecclesias aliquas. Ita Azorius, Pirhing. &c. Ratio est; quia hujusmodi Commendatariorum commendæ, & administrationes, cum perpetuæ sint, æquipollent beneficijs titularibus Episcopalibus, & alijs. Et hoc idem patet ulterius ex Decreto Tridentino super residentia edito; & ex Constitutione Pij IV. quæ incipit: *Suprema &c.*

## CAP. II.

Quæ poenæ sint statutæ contra Clericos non residentes in Ecclesia, vel Præbenda.

1. Nota primò: variz poenæ decretæ sunt Jure antiquo, & novo Tridentini contra Clericos non residentes in Ecclesia, vel præbenda. Et imprimis Jure veteri Prælati, & Clerici beneficiatus absentes se notabiliter à beneficio residentiam postulante, si debite revocatus intra legitimum tempus non reassumat residentiam, sed contumax persistat, talis privandus est ejusmodi beneficio, & alius eidem præficiendus, *cap. ex parte 8. hoc tit.* Et *cap. qualiter 9. eod.* Et *cap. in ter 10. eod.* Ut autem non residens censeatur debite revocatus ad residentiam beneficij, sufficit unica revocatio realiter intimata, &

quæ ad ejus notitiam realiter perveniat; nec requiritur trina. Vel si malitiosè se absentes, ita ut revocatio eidem realiter intimari, & notificari non possit; sufficit tribus edictis publicis ad valvas Ecclesiæ affixis eum citare, & revocare, etsi postea expectatis adhuc 6. mensibus non revertatur, privandus est beneficio. Secundo Clerici recedentes ab Ecclesia sua, & contumaciter nolentes reverti ad residendum, excommunicandi sunt *can. si quis 23. caus. 7. q. 1.* Tertiò Episcopi indebitè ad aliam Ecclesiam migrantes, & ad residendam primam non reverti nolentes, utroque Episcopatu privandi sunt, *can. si quis cit. caus.* Plures aliæ poenæ taxantur in Canonibus cit. *causa 7.* contra eosdem Clericos non residentes in suis Ecclesijs, & beneficijs, sed recedentes ad alias dioeceses, vel beneficia.

2. Nota secundò: Jure verò Tridentini primò innovat eadem S. Synodus *sess. 6. de Reform. cap. 1.* mox allatos, & alios quoscunque antiquos Canones, contra Pastores non residentes olim promulgatos. Secundo contra Patriarchas, Prælatos, Metropolitas, & Episcopos, qui ultra sex menses continuos absque rationabili causa absunt ab Ecclesijs commorantes extra dioecesim, statuit poenam subtractionis quartæ partis fructuum unius anni, applicandorum fabricæ Ecclesiæ, vel pauperibus loci, ipso jure incurrendam. Et si rursus per alios sex menses absint, decernit ipso jure iterum aliam partem quartam fructuum sibi applicandam. Crescente autem ulteriori contumaciâ denunciandi sunt Summo Pontifici, ut is de alijs Pastoribus provideat Ecclesijs taliter destitutis residentiam Prælatorum. Tertiò eadem Synodus postea *sess. 23. cap. 1. de Reform.* decernit, ut illi, qui præsumt Cathedralibus Ecclesijs, & ultra bimestre, vel ad summum trimestre non resident, præter reatum peccati mortalis, pro ratu temporis fructus non faciant suos; nec tutâ conscientiâ, & aliâ declaratione non secutâ, illos sibi retinere possint; sed fabricæ, aut pauperibus loci applicandi sunt.

3. Nota tertio: similiter Parochi, & alij curam animarum habentes, in Ecclesijs Cathedrali inferioribus ultra bimestre, aut trimestre à suis Ecclesijs absque rationabili causa absentes, reatum culpæ mortalis contrahunt, & fructus perceptos pro ratu temporis restituere tenentur; & si per edictum citati, contumaces fuerint, per censuras Ecclesiasticas, aliæque juris remedia, etiam usque ad privationem, compelli possunt. Contra obtinentes autem dignitatem, vel Canonicatum, Præbendam, vel portionem in Cathedralibus, vel

## Tit. IV. De Cler. non residentib. in Eccl., vel Præbenda. 15

vel Collegiatis Ecclesijs, & per notabile tempus non residentes absque rationabili causa, & facultate, ab eodem Concilio *Seff. 24. cap. 12. de Reform.* statuta sunt sequentes pænæ; ut primò annò privetur unusquisque dimidia parte fructuum, quos aliàs ratione etiam præbendæ & residentiæ faciunt suos. Quod si rursus eadè negligentia usi fuerint, priventur totaliter omnibus fructibus, quos tali anno essent percepturi. Crescente autem contumaciâ procedatur contra eos secundum S. Canones, qui extant *tit. de Clericis non residentibus*; videlicet, ut si talis beneficiatus perseveraverit in absentia à suis Canonicatibus & præbendis privetur & fructibus, & ipsi beneficijs; ex declaratione Congreg. Conc. apud Joan. Gallèmart.

### CAP. III.

#### Quæ causæ excusent à continua residentia in Ecclesia, vel præbenda.

1. Nota primò: varias tamen extare causas, ob quas Clerici beneficiati excusantur à continua residentia in Ecclesia vel præbenda. Concilium Tridentinum *Seff. 25. cap. 1. de Reform.* affert quatuor, quæ sunt evidens Ecclesiæ, vel Reipublicæ utilitas; debita obedientia; urgens necessitas; & Christiana charitas: quas omnes sequentibus breviter perscringam. Unde

2. Nota secundò: ob primam, videlicet *evidentem Ecclesiæ, vel Reipublicæ utilitatem* excusantur à continua residentia Beneficiati, etiam Curati, si absint à beneficio ad profequendam litem super Juribus sui beneficii, vel Ecclesiæ, cui est incorporatus; & ad eadè defendenda, *cap. ex parte 13. hoc tit.* Item si vocentur ad Synodum generalem, vel diocesanam; ut notat Azor. Pirh. &c. Item si absint studiorum causâ in aliqua Universitate, petiti tamen prius facultate à superiore, *cap. in fraternit. 12. hoc tit.* Et *cap. ult. de Magistris*; quod intelligendum est tam de beneficiis studentibus; quàm de docentibus.

3. Nota tertio: ob secundam causam, scilicet *debitam obedientiam* excusantur à residendo; imprimis Clerici beneficiati, mandato Summi Pontificis advocati ad aliquod ministerium ejusdem, *cap. cum dilectus 14. hoc tit.* Secundo ab Episcopo proprio in ministerium incompatibile cum residentia assumpti, *cap. de cetero 3. hoc tit.* Et *cap. ad audientiam 15. hoc tit.*

4. Nota quarto: propter tertiam causam videlicet *urgentem necessitatem* excusantur beneficiati à continuanda residentia; si v.g. ingruat bellum, & hostium incursiones, *arg. can. pastoralis 42. can. 7. q. 1.* si incidat aëris interperies; si contagio grassetur, aut sava pestis; si adveniat corporis infirmitas, seu gravis morbus in loco beneficii non curabilis, *can. presentium 3. can. 7. q. 2.* Et *cap. ad audientiam 15. hoc tit.* Tempore tamen pestis grassantis tenetur beneficiatus Curatus alium idoneum ministrum substituere, ut notat Rebuff. Laym. Pirh. &c. Item si inimiciâ capitales à Domino, vel Præfecto loci contra beneficiatum excitentur post beneficium jam oblatum, poterit ad tempus abesse à suo beneficio, substitutò tamen Vicariò habili; ut habet Glossa, Quarant. &c.

5. Nota quinto: propter quartam causam, nimirum *Christianam charitatem* excusantur beneficiati à continuatione residentia, si absint de consensu Papæ, vel Ordinarij causâ succurrendi salutis proximorum, v.g. ad componendas graves inimicitias, aut lites exortas; ut notat Barbosa, Laym. Pirh. &c.

6. Nota sexto: afferri possunt præterea & aliæ nonnullæ causæ, excusantes Clericos Beneficiatos à residentia continuanda; videlicet primò senium, ob quod nequeunt Divinis interesse; ut habet Vallens. & Weyms. Secundo dispensatio Apostolica, vigore cujus quis plura beneficia, & præbendas simul habere potest, v.g. duos Canonicatus &c. hoc enim casu censetur Papa dispensasse super residentia alterius; cum nemo utrinque commodè residere, id est deservire possit cultui divino, *cap. non potest 21. de præb. in 6.* Tertio indulgentia Canonis, quatenus nimirum Canones connivent, ut Beneficiati ad breve tempus quovis anno abesse possint ab Ecclesia: hac ratione Episcopi sine graviore causa, ex qua tamen; & sine detrimento sui gregis, quod eorum conscientia relinquunt, ut loquitur Trident. *Seff. 23. cap. 1. de Reform.* per duos, aut ad summum tres menses, nulla petiti licentiâ à sua diocesi possunt abesse; quoniam ut dicitur idem Conc. cii. qui aliquantisper tantum absint, ex veterum Canonum sententia (& fisione Juris) non videntur abesse; quia statim reversuri sunt. Dummodo hi in festis solemnibus, videlicet Nativitatis Domini, Dominicis Adventus, Quadragesima, Pascatibus, Pentecostes, & Corporis Christi, quibus restit, & maxime in Domino gaudere Pastores presentia oves debent, illam absentiam non instituant, ut monet eadem S. Synodus loc. cit. Similiter ex eodem cap. & causâ Curati quicun-

quicunque quotannis ad modicum tempus; & forsitan ad bimestre ex æqua causa, & absq[ue] gregis dispendio, abesse possunt ut habet Pirh. Canonici ad tres menses, etiam absque Episcopii licentia; ut habet Engel, &c. DD.

7. Nota septimò: præterea *quarto* pro causa sufficienti, excusante à continuanda residentia, est legitima facultas superioris. Ex hoc capite de licentia Papæ (qui tamen iustam debet habere causam eam concedendi; cum residentia sit Juris Divini) possunt beneficiarii Curati, ut Episcopi, Parochi, & similes curam animarum habentes, etiam ad longum tempus abesse à suis Ecclesijs, & beneficijs; uti notat Pirh. Azor, &c. Similiter alij beneficiati quicunque ex eadem facultate abesse possunt; & quidem ad arbitrium Papæ, & sine causa iusta; cum horum residentia sit tantum Juris Ecclesiastici, quod absque causa iusta is potest relaxare. Ex eodem cap. pariter excusantur ad tempus à residendo in beneficijs suis etiam curatis illi Clerici, qui ab Episcopo ex iusta causa obtinent facultatem non residendi ad tempus breve, quod boni viri arbitrio est relinquendum, juxta exigentiam negotij, & necessitatem; cum in Jure nihil sit expressum; & Layman putat hoc tempus posse esse etiam integrum annum. Possunt autem Episcopi hujusmodi concedere facultatē cum rationabili causa, ex præsumpta Papæ voluntate; ut notat Pirh. cum ob frequentes casus occurrentes graves ad eum non possit dari recursus. Et idem dicendum de alijs Prælati, ordinariam jurisdictionem habentibus; ut notat Abbas, Glossa, Azor, &c. Et de Capitulo Sede vacante, secundum Azor. cum hoc succedat Episcopo in ijs, quæ sunt jurisdictionis necessariæ. Attendere autem debent omnes præfati Superiores, concedentes facultatem non residendi beneficiatis curam animarum habentibus, ut per idoneos Vicarios generales quod ad Episcopos; & per particulares quoad Curatos minores, cura animarum debitè exerceatur, absque detrimento regis.

8. Nota octavò: similiter *quinto* legitima, & immemorabilis consuetudo pluribus in locis permittit Clericis beneficiatis, ut abesse possint quantocunque tempore, à suis beneficijs simplicibus etiam absque facultate speciali superioris; dummodo alij Vicarij constituantur, per quos Divinum Officium persolvatur; ut habet Abbas, Azor. Rebuff. &c. Imò consuetudine immemorabili introduci potest, ut tales beneficiarii abesse possint, etiam absq[ue] omni substitutione Vicarij, qui Divinū Officiū persolveret; dummodo adsint alij mi-

nistri sufficientes ad perficiendum Divinum Officium talis Ecclesiæ, in qua obtinent beneficia simplicia: ut habet idem Azor. & Pirh.

9. Nota nonò: tandem etiam *sexto* statuto peculiari talis Ecclesiæ introduci potest, ut Clerici in Cathedralibus, aut alijs Ecclesijs obtinentes dignitates, Canonicatus, præbendas, aut portiones, non obligentur residere, juxta præscriptum Juris communis; ut habet Garcias, Navarr. Laym. Pirh. &c. Quare in pluribus Germaniæ Cathedralibus statuto peculiari talium Cathedralium introductum est, ut alicubi tantum mediò annò; alicubi tantum tribus mensibus Canonici teneantur residere, ad lucrandos fructus grossos, juxta cit. DD. unde ibidem constitutio Tridentinæ Conc. ut videlicet Canonici per seipsos psallant, & Divina Officia peragant, non est fortita suum effectum; sed Divina Officia peraguntur per Vicarios; ut videtur in perpetua praxi Cathedralium earundem.

10. Nota decimò: quicunque Clerici beneficiati non residentes, seu absentes ob aliquam ex hæcenus allatis causis iustis, & rationalibus recipere possunt fructus grossos, annexos suo beneficio, vel Præbendæ; & poenas Juris contra non residentes evitant: Ratio est; quia per fictionem Juris censentur præsentēs. Verumtamen distributionibus quotidianis non gaudent; uti mox ostendam. Sunt autem *Distributiones* quædam portiones Ecclesiasticorum reddituum, quotidie distribui solite illis duntaxat Clericis, qui statutis horis interveniunt ad Divina Officia; de quibus fit mentio cap. unic. hoc tit. in 6. Et in cap. licet 32. de præb. & alibi; & à Bonifacio VIII. cap. cit. unic. vocantur *beneficia manualia, & vitalia*. Hæc dantur ideo Clericis, ut magis excitentur ad Divinum Officium recitandum; ut notat Zoëf. In illis Ecclesijs, ubi nulla sunt bona instituta pro congregandis ejusmodi Distributionibus, ordinat Tridentinum Sess. 21. cap. 3. de Reform. ut pars tertia fructuum, & quoruncunque proventuum, ac obventionum tam dignitatum, quam Canonicatum, personatum, portionum, & Officiorum separaretur, & ex ea fiant distributiones quotidianæ: quam tamen constitutionem, dicit Layman non esse ubique in praxim deductam.

11. Nota undecimò: ad percipiendas Distributiones quotidianas Cathedralium, & Collegiatarum Ecclesiarum habent jus soli Canonici, & alij Clerici beneficiati earundem, qui & resident in ejusmodi Ecclesijs, & simul statutis horis interfunt Divinis Officijs; ut habet



## Tit. IV. De Cleric. non residentib. in Eccl., vel Prab. 17

habetur *cap. consuetudinem unic. hoc tit. in 6.* Ex quo patet illum Canonicum, vel alium Clericum beneficiatum non habere jus ad percipiendas distributiones quotidianas, qui quidem residet in Ecclesia sua; sed statutis horis absque rationabili causa negligit accedere chorum ad Divina perficienda; ut notat Navarr. Pirh. &c.

12. Nota duodecimò: excipiuntur tamen nonnullæ causæ, ob quas si Canonici, vel alij beneficiati non accedant chorum, & statutis horis non interfint Divinis, nihilominus jus habent ad percipiendas distributiones. *Prima* est justa & rationabilis corporalis necessitas, *cap. unic. hoc tit. in 6.* si v. g. Canonicus talis Ecclesiæ sit valde senio confectus; vel medicinam fumat; vel sanitatis causâ abeat ad thermas; vel ob contagionem grassantem; vel capitalem inimicum ad tempus recedat, ab Ecclesia; ut notat Azorius, Pirh. &c. vel propter aliud quodcunque grave damnum, honoris, vitæ, vel fortunæ declinandum discedat; uti advertit Palao, &c. *Secunda* est infirmitas *cap. unic. cit.* in quam incidit Canonicus, vel alius beneficiatus, & impeditur propterea ab accessu ad Ecclesiâ pro Divinis Officijs: etiamsi propriâ culpâ ei causam dedisset; ut notat Covarr. & Azor., quia *cap. cit.* non distinguitur de infirmitate, ex qua causa oritur. *Tertia* est evidens Ecclesiæ propriæ utilitas, *cit. cap. unic. v. g.* si Canonicus vel alius beneficiatus Romam mittatur in negotijs suæ Ecclesiæ, ut habet Barbosa. Vel jura suæ Ecclesiæ defendat; ut tenet idem Barbosa. Vel si deputetur Vicarius Capituli Sede vacante, & propterea cogatur à quotidiano Officio Divino abesse in Dicelesi; ut observat Garcia. Vel si Canonicus mittatur ad Concilium generale, vel provinciale, ut ait Barbosa. Vel sit Pœnitentiarius, & excipiat confessiones tempore Divinorum, juxta Trident. *Sess. 24. cap. 1. de Reform.* Idem dicendum de Lectore, & Concionatore talis Ecclesiæ, eo tempore quo legit, vel concionatur; ut habet Garcia. *Quarta* dispensatio Apostolica; ut si Canonicus obtineat à Papa privilegium, quod etiam absens possit percipere distributionem; ut notat Joann. Andr. *Quinta* injusta alicujus Canonici suspensio, excommunicatio, vel exclusio à Divinis, ac exilium; ut dicit Navarr. Covar. Barbosa. & Zoëf.

13. Nota decimotertiò: qui in eadem Cathedrali gaudet duplici beneficio, & officio, v. g. Archidiaconi, & Canonici, probabilius non potest percipere duplices distributiones; ut docet Zoësius, & alij, contra Felin. & Abbat.

*Fr. Bernardi Saneii Schola Canonica Tom. II.*

Ratio est; quia distributiones elargiendæ sunt propter exercitium in divinis; quod cum non duplicetur in illo Clerico, qui duplici gaudet beneficio, & officio in eadem Cathedrali; propterea nec distributiones ejus sunt duplicandæ.

## CAP. IV.

### De residentia Prælatorum Ordinis S. Francisc.

1. **D**ico primò: Prælati, & Superiores Ordinis nostri Franciscani curam animarum habentes tenentur ad residentiam. Ita communis DD. Ordinis. Et habetur in Constit. General. Ord. *cap. 8. §. 31. n. 2.* Estque Ratio; quia residentia est Juris Divini; uti constat ex Trident. *Sess. 23. cap. 1. de Reform.* Et *Sess. 6. cap. 1. de Reform.* adeoque ejus obligatio etiam afficit Prælatos, & Superiores Ordinis Franciscani.

2. Nota primò: si tamen absentiam legitime Christiana Charitas, ut prædicatio, parentum subventio, vel consolatio; vel evidens Reipublicæ utilitas, ut pacificatio Conventuum; vel Jurium Provinciæ defensio; vel reformationis promotio; vel alterius Provinciæ visitatio; vel urgentis necessitas, scilicet ad recuperandam salutem, vel vitandam hostium incurfionem, vel pestem; tunc memorati Prælati, & superiores ad breve tempus abesse possunt à residentia, puta ad unam, vel alteram septimanam; dummodò subditorum detrimentum grave exinde non emergat; uti habent Constit. General. *cap. 8. §. 31. n. 1.* Et Reform. *cap. 8. num. 36.* quoad unam septimanam.

3. Nota secundò: Minister Provincialis ob gravem aliquam causam ex Provincia discessurus, necessariò prius instituitur debet. Commissarium Provinciale, qui Provinciam regat; & quidem is suffragijs PP. Diffinitorum eligendus est, eò modò, quò eligitur Minister; scilicet nemine proponente; & per excessum, ac pluralitatem votorum; prout declaravit S. Congregatio Episcoporum, & Regularium in una Romana ann. 1645. teste Lantusca in *Theat. Regular.* verb. *Commissarius Provincialis.* Si tamen Minister Provincialis ad breve tempus, v. g. octo, vel forsitan etiam quatuordecim dies discessurus sit extra Provinciam, non videtur obligandus ad institutionem Commissarii Provincialis, supposito, quòd per hoc non causetur detrimentum Provinciæ. Ratio utriusque dicti est; quia

secundum Concil. Trident. *Seff. 23. cap. 1. de Reform.* qui aliquantisper tantum absunt, ex veterum Canonum sententia non videntur abesse; quia statim reversuri sunt. Deinde primum de octo diebus suadet ulterius ex Trident. *Seff. 24. cap. 16.* ubi octo dies conceduntur pro electione Vicarij Sede Vacante; unde cum talis deputatio Vicarij fiat, ut videtur Ecclesie interim provideatur; & indul-

geat Concilium tempus octo dierum, signum est, tale tempus non esse magnæ considerationis. Secundo dicto de quatuordecim diebus favet Constitutio Generalis Ord. *cap. 8. §. 31. n. 1.* ubi dicitur indefinite licere ex certis causis *supra notabilis* 1. expressis, superioribus abesse à residentia per unam, aut alteram hebdomadam; qui favor utique etiam extendi potest ad Ministros Provinciales.

## TITULUS V. DE PRÆBENDIS; ET DIGNI- TATIBUS.

### CAP. I.

Quid sit Præbenda; & dignitas;  
& quotuplex.

**N**ota primò: postquam prioribus *quatuor titulis* actum est de bonis intrinsicis animi, & corporis Clericorum, seu de probis eorum moribus, & actibus honestatem vite eorum exprimentibus; *hoc tit.* Papa aggreditur explananda bona extrinseca eorundem, quæ sunt præbendæ, beneficia Ecclesiastica, dignitates &c. Ly autem *Præbenda* derivatur à *præbeo*, id est porrigo, quasi Præbenda sit portio canonica, seu Ecclesiastica, quæ præbetur, seu porrigitur Clerico, *cap. vacante 26.* Et *cap. dilectum 27. hoc tit.* ne is alimentum per mendicationem, & vilem questum; vel per negotiationem sæcularem quærere cogatur, in opprobrium Ordinis Clericalis.

2. Nota secundò: tametsi Ly *Præbenda*, *Canoniam*, *beneficium Ecclesiasticum*, & *Canonicatus* aliquomodo distinguantur inter se; ita ut nomine *Præbenda* veniat jus quoddam percipiendi proventus Ecclesiasticos tanquam uni de collegio competens, & ex Canoniam procedens. Nomine *Canoniam* verò intelligitur vel ipse locus, & Collegium Canonicorum; vel jus quoddam spirituale, quod ex electione, vel institutione alicujus in Canonicum resultat, & tribuit stallum, sive Sedem in Choro, & vocem in Capitulo. Nomine *beneficij Ecclesiastici* officium Ecclesiasticum, quod est antiquius Præbendæ, uti declarat Boer. *Comment. in cap. 1. de testam.* Demum nomine *Canonicatus*, honor, vel status personam Præbendarij concernens; non verò bona. Attamen non tantum in *hoc titulo*; sed & alijs quibusdam locis Juris Canonici hæc nomina Præbenda,

beneficium Ecclesiasticum, Canoniam, & Canonicatus confunduntur, & ut synonyma usurpantur, pro omni beneficio Ecclesiastico, solum inferiori, quod in aliquo collegio, vel corpore alicujus Ecclesie acquiritur, in ordine ad obtinendos annuos redditus ex bonis communibus talis Collegij, vel Ecclesie; ut constat ex *cap. per. de V. S. & can. si quis davor.* Et *can. ex multis, verb. constituimus caus. 1. q. 3.* Ac proinde de Præbenda, ut coincidit cum Ecclesiastico beneficio imposterum *hoc tit.* agetur. Quare

3. Nota tertio: Ly *Præbenda*, & *beneficium Ecclesiasticum* tripliciter etiam usurpatur; nam aliquando capitur pro ipso collegio, loco, seu Ecclesia, ubi Præbenda, vel beneficium Ecclesiasticum est constitutum; sic dicimus talem Canonicum non residere in Præbenda, seu beneficio. Aliquando accipitur pro statu, gradu, seu honore, & officio Ecclesiastico; quo sensu dicimus, talem obtinere Præbendam, vel beneficium Ecclesiasticum in tali Ecclesia Cathedrali. Aliquando, & propriè ad propositum *hujus tituli* usurpatur, pro jure percipiendi fructus, & proventus Ecclesiasticos, ratione Canonice, seu Officij. Et in hoc sensu

4. Dico primò: rectè describitur hic Præbenda, seu beneficium Ecclesiasticum in genere, quod sit *jus perpetuum percipiendi redditus, seu fructus ex bonis Ecclesiasticis, propter aliquod spirituale servitium, seu Officium, quod Ecclesie auctoritate est constitutum.* Ita Less. Valens. & communior DD. Ly *jus* est genus; reliqua ponuntur pro differentia. Explanantur autem singulæ partes hujus descriptionis: Per ly *jus* intelligitur potestas exigendi, & percipiendi redditus ex bonis Ecclesiasticis. Per ly *perpetuum* ostenditur stabilitas Præben-

da,

dæ, quatenus ipsa non datur ad tempus; sed in titulum perpetuum; uti constat ex *can. 2. dist. 70.* illis verbis, *in qua Ecclesia &c.* seu quatenus ex institutione sua in perpetuum conferri potest; licet beneficium aliquando inde recedat. Et per ista verba *jus perpetuum* differt Præbenda à Commenda temporali; quippe quæ non datur in titulum; nec tribuitur in beneficio; sed solum administrationem; uti advertit Navarr. *Ly percipiendi redditus, seu fructus*, insinuat finem constitutionis Præbendæ; quia æquum est, ut qui altari servit, de altari etiam vivat, *cap. cum secundum 14. hoc tit.* Vicissitudo autem ista fit mediante perceptione reddituum, seu fructuum Ecclesiasticorum. *Ly ex bonis Ecclesiasticis*, id est, ex bonis DEO dicatis, & Ecclesiæ donatis à Christi fidelibus ad cultum, & obsequium DEI, ut videlicet præcisè in ministrorum Ecclesiæ, & pauperum sustentationem expendantur; unde etiam vocatur patrimonium Christi, *cap. cum secundum 16. hoc tit.* *Ly propter spirituale servitium, seu officium* innuit, Præbendam dari propter ministerium in Ecclesia tali exercendum; nam beneficium datur propter officium, id est, ob spirituale seu Ecclesiasticum servitium, *cap. ult. de rescript. in 6.* Illud tandem quod *Ecclesiastica auctoritate est constitutum*, vult Officium, seu ministerium Præbendæ annexum ab Episcopo, vel alio Prelato Ecclesiastico debere erigi, secundum formam S. Canonum; nullum enim beneficium Ecclesiasticum potest absque canonica institutione obineri, juxta *Reg. Jur. 1. in 6. ita ut*, ante Episcopi constitutionem non censeatur beneficium Ecclesiasticum; ut habet communis DD. in *can. nemo 9. Et can. nullus 25. dist. 1. de consecrat.*

5. Dico secundò: Dignitas, de qua hic, rectè describitur, quod sit *præminencia quædam, habens adjunctam jurisdictionem, & administrationem rerum Ecclesiasticarum.* Ita Vall. Abbas &c. *Ly præminencia* est genus; reliqua ponuntur pro differentia. Hujusmodi Dignitates sunt communiter Præpositura, Decanatus, Archidiaconatus, Abbatia secularis, & regularis. Circa divisionem Præbendæ, seu beneficii Ecclesiastici

6. Nota quartò: Præbenda, seu beneficium Ecclesiasticum est multiplex, uti hic notant omnes Interpretes: *Primo* enim alia sunt beneficia secularia, alia regularia. *Secularia* sunt, quæ solent conferri Clericis secularibus, id est, qui absque professione Religiosa DEO in sæculo militant, & deserviunt; talia

sunt hodie canonicatus Cathedralium Ecclesiarum. Possunt autem talia esse vel ex fundatione, vel consuetudine, vel præscriptione legitima 40. annorum, *cap. cum de beneficio 5. hoc tit. in 6.* Et *cap. cum Ecclesia, de causa posses. & propt. juncto cap. vigilanti, supra de prescript.* Regularia sunt, quæ religiosis personis, certam aliquam regulam professis conferuntur, & per Regulares administrantur: idque vel ex fundatione, vel superioris institutione, vel præscriptione legitima 40. annorum *arg. cap. vigilanti, de prescript.* talia sunt beneficia certarum capellarum in monasterio erectarum.

7. Nota quintò: *Secundò* ex Præbendis seu beneficiis Ecclesiasticis tam secularibus, quam regularibus, alia sunt duplicia; alia simplicia. *Duplicia* dicuntur, quæ habent annexam aliquam qualitatem, seu præminenciam, jurisdictionem, vel administrationem. Et ex his quædam sunt sublimia, ut Papatus, Cardinalatus, Patriarchatus, Primatus, Archiepiscopatus, & Episcopatus; de quibus varij extant canones. Quædam vero sunt media; cujusmodi sunt reliquæ dignitates post præfatas sublimis in Ecclesia introductæ, quas supra *concl. 2.* definivi, & recensentur communiter istæ, Præpositura, Decanatus, Archidiaconatus, Abbatia secularis, & regularis; item Prioratus regularis, & Præpositura. Quædam tandem sunt inferiora præfatis, ut Personatus, qui est honor quidam, & præminencia Sedis, & aliorum, sine jurisdictione: item officium Thesaurarii, Cantoris, Primicerij, Sacristæ, & Parochi, ut notant Zoëf. Abbas, Garc. &c. *Simplicia* sunt, quæ nullam habent annexam qualitatem, vel præminenciam, vel jurisdictionem, vel administrationem; sed solum obligationem Divina Officia celebrandi, & frequentandi; talia sunt Canonicatus Ecclesiæ Cathedralis, vel Collegiatæ; capellanæ ibidem; commendæ perpetuæ beneficij non curati; beneficia Aislis, seu Mansionarij, cujusmodi sunt illi, qui præter Canonicas in Ecclesijs Cathedralibus, vel Collegiatis obtinent integras portiones, vel dimidias; item præstimoniam, hoc est portiones ex Ecclesiasticis redditibus detractas, quæ Clericis adolescentibus v. g. conferuntur ad prosequenda studia literarum. Item hospitalia, quibus absque cura animarum præest Rector. Item altaria, oratoria, quæ dantur Clericis in titulum perpetuum: item Canonicatus regularis, & Monachatus; ac capellanæ regulares, fundatæ in Monasterijs.

8. Nota sextò: *Tertiò* dividuntur benefi-

cia in collativa, electiva, & mixta. *Collativa* sunt, quæ acquiruntur per collationem, aut alium modum, quàm per Electionem; talia sunt illa, quibus non est annexa aliqua dignitas, & liberâ collatoris voluntate conferuntur. *Electiva* sunt, quæ acquiruntur per debitam electionem à superiore confirmandam; cuiusmodi sunt Papatu, Patriarchatu, Episcopatu, &c. *Mixta* (quæ, & *patronata* dicuntur) sunt, quæ ad præsentationem patroni ab Episcopo, vel alio Prælato conferuntur; talia sunt pleræque Parochiæ.

9. Nota septimò: *Quarò* dividuntur beneficia in curata, & non curata. *Curata* sunt, quæ habent annexam curam animarum: quod contingere potest dupliciter: *Primò* quoad forum interius, quatenus nimirum beneficiatus potest administrare Sacramenta, verbum DEI annunciare, &c. *Clement. 2. §. verum &c. de sepulchr.* talia beneficia sunt Parochiæ pleræque. *Secundò* quoad forum exterius, & contentiosum, quatenus beneficiatus potest ea exercere, quæ sunt iurisdictionis spiritualis; cuiusmodi sunt inquirere, excommunicare, absolvere, &c. de quo Tridentin. *Sess. 23. cap. 1. de Reform.* talia beneficia sunt Archidiaconatus *cap. 1. de Offic. Archid.* Et Archipresbyteratus *cap. 1. de Officio Archipresb.* Beneficia non curata sunt, quibus non est annexa ulla cura animarum.

10. Nota octavò: *Quintò* partiuntur beneficia in patrimonialia, & non patrimonialia. *Prima* sunt, quæ conferri possunt duntaxat Clericis ex tali patria, loco, vel parochia oriundis. *Secunda* sunt, quæ quibuscumque Clericis, tam patriotis, quàm extraneis possunt conferri. Dantur etiam beneficia quædam monocula, & non monocula. *Monocula* dicuntur ea, ad quæ conferenda tantum Prælatus habet potestatem. *Non monocula* sunt, quæ etiam ab alijs possunt conferri. Item reperiuntur quædam, quæ sunt Juris patronatus; quæ videlicet conferuntur dependenter à patrono. Quædã quæ non sunt Juris patronatus, quæ nimirum independenter à patrono conferuntur. Rursus intuluntur quædam Beneficia manualia, & quædam non manualia. *Manualia* appellantur illa, quæ ad nutum conferentis avocari possunt; & propterea *revocabilia* dicuntur; ut notat Azor. talia sunt ferme omnia regularia beneficia, quæ nec curata, nec electiva sunt; sed auctoritate Prælatorum regulariter conferuntur; ut Prioratus claustralis, Officiu Custodis, Procuratoris; item capellanix ab Episcopo constitutæ; & ad ejus nutum amovibiles. Ejusmodi beneficia non sunt propriè beneficia. *Non manualia* sunt, quæ

in perpetuum titulum conferuntur, & irrevocabilia sunt; ita ut beneficiatis absque gravi rationabili causa auferri non possint; talia sunt beneficia secularium, suapte naturâ perpetua, *can. præcepta 16. dist. 55.*

11. Nota nonò: beneficia regularia ordinari nequeunt conferri Clericis secularibus; nec è converso, *cap. cum de beneficio 5. hoc tit. in 6. Et cap. cum singula 32. eod.* Attamen potest beneficium regulare Clerico seculari conferri, si is quoque emitat professionem, *cap. cum causam 27. de elect.* Similiter beneficium secularare potest conferri Clerico regulari, ob manifestam necessitatem, & de consensu superioris, *Clement. cit.* junctâ Gloss. verb. *secularis.* Et quidem si beneficium sit juratum, requiritur consensus, & dispensatio Papæ; uti declarant Cardinales, apud Gonzal. & Piafec.

## CAP. II.

### De pluralitate, & incompatibilitate beneficiorum.

**D**ico primò: pluralitas beneficiorum secularium, etiam simplicium duntaxat, & residentiam non postulantium eidem Clerico seculari vetita est, quando is ex uno eorum commodè potest sustentari. Ita Glossa, Sylv. Abbas, Azor, &c. Et constat ex *can. 2. dist. 70. Et can. 1. ac 2. caus. 21. q. 1. Et can. 1. caus. 13. q. 1. Et cap. adeo 17. Et cap. postulasti 27. de rescript.* Et *cap. quis in iuratum 5. hoc tit.* Et ex Trident. *Sess. 24. cap. 17. de Reform.* Rationes etiam variè eliminant pluralitatem talem beneficiorum, quas passim tangunt citati, & alij Canones: *Primò*, quia ejusmodi pluralitas plerumque oritur ex radice ambitionis. *Secundò* quia eadem præbet Clerico causam dissolutionis tam in moribus, quàm vestibus, & alijs. *Tertiò* quia singulis beneficijs debite non inservitur; cum vix unum ab uno dignè impleri valeat, *cap. 3. de Cleric. non resid.* *Quarò* quia eadem pluralitas invehit plura incommoda, quæ reteruntur in *Extrav. execrabilis* Joann. XXII. *hoc tit.* Et hæc pluralitas beneficiorum ita vetita est, ut nec quidem consuetudine immemorabili contrarium induci possit, absque Sedis Apostolicæ dispensatione; uti constat ex Trident. *Sess. 24. cap. 12. de Reform.* quod damnat ejusmodi consuetudinem, tanquam iniquam, & irrationabilem.

2. Dico secundò: quòd si verò unum beneficium non sufficiat congruæ sustentationi Clerici, licite is potest plura secularia retinere, quæ aliàs ratione residentix personalis sunt

sunt incompatibilia. Ita Laym. Pirh. Azor. &c. DD. Et colligitur ex Trident. *Sess. 24. cap. 17. de Reform.* Estque Ratio; quia in his cessant motiva S. Canonum prohibentium pluralitatem beneficiorum.

3. Dico tertio: similiter licitum est habere simul duo beneficia curata, quorum unum est accessorie connexum alteri, v. g. Archidiaconatum habentem curam animarum, cui accessorie annexa est Parochia Capituli, per Vicarium administrabilis. Ita communis DD. Et habetur *cap. super eo 6. hoc tit. in 6.* Estque Ratio; quia hujusmodi duo beneficia non ut duo; sed ut unum reputari debent; cum Ecclesia accessoria, v. g. Parochialis propter accessionem ad Archidiaconatum sortitur naturam, & conditiones ipsius beneficii principalis, scilicet Archidiaconatus, *arg. cap. accessorium 42. de Reg. Jur. in 6.* ideoque etiam Archidiaconus non tenetur residere per seipsum in tali Parochia; ut habet Glossa.

4. Dico quarto: etiam dispensatione Apostolica cum causa iusta facta, plura beneficia Ecclesiastica licite obtineri possunt. Ita Navarr. Abbas, Rebuff. Et constat ex *cap. de multa 28. hoc tit.* Et ex *Clement. 1. ut lite pendente.* Ratio est; quia Papa est supremus Legislator Canonum; ac proinde eosdem potest relaxare, & concedere alicui Clerico iusta de causa beneficiorum pluralitatem: causæ autem iustæ dispensandi super pluralitate beneficiorum, sunt necessitas Ecclesiæ, magna utilitas ejusdem, & evidens prærogativa meritorum; uti colligitur ex *can. tali 17. can. 1. q. 7.* Ob necessitatem Ecclesiæ recte dispensatur, quando ad sunt pauci idonei ministri; hinc in carentia Clericorum in diocesi dispensatur cum uno Parocho, ut possit habere duas parochias, etiam pingues, ut hac viâ populo Sacramenta administrentur. Ob utilitatem Ecclesiæ recte dispensatur, si unus censeatur plus profuturus Ecclesiæ, etiam absens; quam alius præsens: ex hac causa dispensatur cum filiis magnorum Principum, etiam ante ætatem, ut plures habere possint Episcopatus; cum hi magis possint defendere Ecclesiam contra hæreticos. Ob prærogativam meritorum, recte etiam dispensatur, ut quis obtinere valeat plura beneficia; quare cum Cardinalibus sic dispensari potest, juxta *Extrav. Execrabilis* Joan. XXII.

5. Dico quinto: sed & pluralitas beneficiorum regularium; v. g. duorum Prioratum prohibita est eidem Clerico regulari; nisi essent inter se connexa, & unum ab alio dependeat. Ita communis DD. Et deciditur

in *cap. cum singula 32. hoc tit. in 6.* Circa incompatibilitatem beneficiorum

6. Nota primò: illa beneficia dicuntur incompatibilia, quæ vel ex Jure communi; vel ex consuetudine; vel ex statuto; vel ex fundatione simul retineri nequeunt; talia sunt duo curata beneficia non connexa accessorie; duæ dignitates, duo personatus, aut alia duo officia, personalem residentiam requirentia, *cap. ad hæc 13. hoc tit.*

7. Nota secundò: beneficia incompatibilia sunt in duplici differentia; videlicet primi, & secundi generis. *Incompatibilia primi generis* dicuntur illa duo, quorum primum per pacificam adeptionem secundi vacat ipso Jure; talia sunt duo curata beneficia disjuncta; duæ dignitates, & alia, quæ jurisdictionem aliquam annexam habent, ut visitandi, corrigendi, excommunicandi, *cap. de multa.* Et *Extravag. execrabilis* Joann. XXII. de præb. Item unum cathedrale cum Parochiali, ex nova ordinatione Tridentini *Sess. 24. cap. 17. de Reform.* Item duo uniformia sub eodem testamento; id est in eadem Ecclesia, ad eandem functionem instituta, idemque onus habentia, eodem tempore explendum; cujusmodi sunt duo Canonicatus, vel duæ Capellanix ejusdem Ecclesiæ. Prius ex similibus beneficiis vacans reservatur Papæ per *Extravag. cii. execrabilis.* Nec Episcopus in his potest dispensare, ut simul obtineantur, *cap. cii. de multa.*

8. Nota tertio: *Incompatibilia secundi generis* dicuntur illa duo, quæ simul retineri non possunt absque dispensatione; non tamen ita sunt incompatibilia, ut per pacificam adeptionem secundi, vacet primum; sed datur optio habenti, ut eligat retinendum; alterò verò potest per superiorem privari. Talia sunt Dignitas, & Canonicatus in diversis Ecclesiis; & reliqua residentiam quidem personalem requirentia; non tamen habentia curam animarum, dignitatem, personatum, vel officium annexum: nec sunt uniformia sub uno testamento; licet simplicia sint. Et quoad retentionem talium videtur posse Episcopum, dispensare juxta Glossam communiter receptam in *cap. dudum 2. verbo in similitam; de electis.*

## CAP. III.

### De unionibus; & divisione Beneficiorum.

1. Dico primò: possunt quandoque fieri uniones diversarum Ecclesiarum, vel beneficiorum, si adsit vel

evidens Ecclesiæ necessitas; vel ejusdem utilitas. Ita communis DD. Et habetur in *cap. expofuisti* 33. *hoc tit.* Censetur autem adesse evidens Ecclesiæ necessitas pro instituenda ejusmodi unione, & annexione Ecclesiarum, vel beneficiorum, si ob præbendarum tenuitatem non reperiuntur Clerici, qui velint Ecclesias, vel beneficia acceptare, ex quo Ecclesia destituitur debito ministerio, & servitio; ut notat Abbas. Item si duæ Ecclesiæ vicinæ adeo tenues habeant redditus, ut ad ordinariam sustentationem duorum Rectorum non sufficiant *can. unio* 3. *caus. 10. q. 3.* Item si Ecclesia sit devastata per hostes, *cap. 2. de Religiof. domib.* Item si populus sit bellò, aut peste imminutus, *can. Et temporis* 48. *caus. 16. q. 1.* Item si status alicujus Ecclesiæ sit deformatus, & disciplina in eo non servetur, *arg. cap. relatum* 7. *de Clerici, vel Monachi.* Utilitas verò Ecclesiæ censetur adesse, si in Cathedrali tali non reperiuntur tam idonei Ministri. Item ut cultus divinus augeatur; ut notant Abbas, Sanchez, Rebuff.

2. Dico secundò: uniones Ecclesiarum, & beneficiorum quorumcunque spectant impromis ad Summum Pontificem; aliquorum etiam potest facere Episcopus, Capitulum Sede Vacante, & Legatus à latere. Ita Glossa, Sanchez, Rebuff. &c. Ratio primi est; quia ut Clementina I. ut *lute pendente*; dicit ad Romanum Pontificem, Ecclesiarum, personatum, dignitatum, aliorumque beneficiorum Ecclesiasticorum plena, & libera dispositio ex sua potestate plenitudine noscitur pertinere; ac proinde idem Summus Pontifex potest quorumcunque beneficiorum, & Ecclesiarum uniones præstare. Et quidem Cathedrales, ac Metropolitanas is solus potest unire, *cap. sicut* 33. *de excess. Prælat.* Ratio secundus est; quia Episcopus beneficia suæ diocesis ex justa, & gravi causa potest unire; ut constat ex *cap. cit. sicut.* nisi sint collationis Papalis; vel exempta à Jurisdictione Episcopali; item dummodo unio sit perpetua; & non ad dies beneficiati; ut notat Pirh. Ratio tertius est; quia Capitulum Sede Vacante succedit in ea, quæ sunt Jurisdictionis Episcopalis, *cap. unic. de majori, Et obed. in 6.* ac proinde pariter potest unire ea beneficia, quæ alioquin poterat Episcopus. Ratio quartus est; quia Legatus à latere potest unire beneficia suæ Provinciæ, quæ conferre potest; imò & devoluta ad Papam; ut notat Abbas, Azor, &c.

3. Nota primò: Concilium Tridentinum varias edidisse ordinationes circa uniones beneficiorum Ecclesiasticorum; ut videre est *Seff. 7. cap. 6.* Et 7. *de Reform.* Item *Seff. 23. cap. 18. de Reform.* Item *Seff. 24. cap. 13. & 15. de Ref.*

Item *Seff. 25. cap. 9.* quæ proinde ibidem sunt videndæ, & observandæ. Circa divisionem beneficiorum

4. Dico tertio: etsi regulariter divisiones, dismembrationes, & sectiones beneficiorum prohibitz sint, etiam ob reintegrationem alterius beneficii; attamen justis de causis quandoque fieri permittuntur. Ita Glossa, Garc. Pirh. &c. Primum habetur *cap. majoribus* 8. *hoc tit.* Et *cap. avaritie* 10. *eod.* Estque Ratio; quia per divisionem, & sectionem beneficia alterantur, atque immutatur status Ecclesiæ, cum suo præjudicio, & inducitur inæqualitas; quod æquitas non permittit. Secundum habetur in *cap. cum* 36. *hoc tit.* Estque Ratio; quia non decet unum altare denudari ad operiendum aliud; ut ait Abbas. Ratio tertius est; quia quando beneficium unum habet superabundantes redditus, merito ab eisdem pars avelli, & beneficio alteri indigenti adjungi potest ab Ordinario: similiter si ob locorum distantiam, vel difficultatem Parochiani sine magno incommodo ad percipiendam Sacramenta, & Divina Officia audienda, accedere non possint ad unam Parochiam; tunc eadem potest ab Episcopo dividi in plures, etiam invitis Rectoribus; juxta Tridentinum. *Seff. 21. cap. 4. de Ref.*

## CAP. IV.

### De reservatione beneficiorum.

Nota primò: per *beneficii reservationem* hic intelligitur alicujus beneficii Ecclesiastici vacaturi, per superiorem potestatem habentem avocatio; ut notat Azor.

2. Dico primò: Papa potest justis de causis sibi reservare aliqua beneficia Ecclesiastica vacatura. Ita communis DD. Ratio est; quia Papa habet amplissimam potestatem de beneficiis Ecclesiasticis disponendi; ut constat ex *cap. 2. hoc tit.* Et ex Clement. I. ut *lute pendente.* Justæ autem causæ sunt sequentes: *Prima*, quia potestas conferendi Ecclesiastica beneficia originatur à Papa, *can. 1. dist. 22.* *Secunda* quia ad Papam pertinet Ministros de Ecclesia bene meritos remunerare, quod optime potest fieri per reservationem beneficiorum vacaturorum, iisdem Ministris tempore vacantiz conferendorum. *Tertia* est, ut Ecclesiarum, & Ecclesiasticarum personarum in toto orbe sit major communicatio cum Ecclesia Romana Matre omnium Ecclesiarum; quæ communicatio plurimum exercetur per reservationem

vationem beneficiorum variorum, in toto orbe dispersorum.

3. Nota secundò: varia Summo Pontifici sunt reservata beneficia, quæ proinde ipse solus conferre potest. Sic *primò* in *cap. licet 2. hoc tit. in 6.* reservantur ipsi collationes omnium beneficiorum tam dignitatum, quàm personatum, &c. quæ dicuntur in Curia Apostolica vacare; eò quòd beneficiati ibi moriantur eo tempore, quò negotia tractabant. Quòd si tamen Papa intra mensem à die vacationis numerandum ejusmodi beneficia non conferat; ij, ad quos collatio pertinebat, poterunt illa conferre; juxta Constitutionem Gregorij X. quæ refertur *cap. statutum 3. hoc tit. in 6.* *Secundò* pariter in Extravagantibus variorum beneficiorum reservationes sunt pro Sede Apostolica; ut videre est Extrav. *piæ 1. hoc tit.* Et in Extrav. *execrabilis 4. hoc tit.* quæ est amplissima. Et in Extrav. *esq. 3. & postulasti 10. hoc tit.* Et in Extravag. *cùm nonnulli 11. hoc tit.* Et in Extravag. *ad regimen 13. hoc tit.* inter communes, quæ est amplissima quoque; ubi Papa reservat suæ collationi, & provisioni, omnes Ecclesias Patriarchales, Archi-Episcopales, Episcopales, Canonicatus, præbendas, cæteraque beneficia secularia, & regularia, curata, & non curata, &c. Et in Extravag. *ad Romani 14. hoc tit.* inter communes. Et in Extravag. *suprema 2. hoc tit.* Et pluribus alijs. *Tertiò* etiam per regulas Cancellariæ Apostolicæ factæ sunt plurimæ reservationes papales beneficiorum; quas vide apud Cochier, Azor. Pirhing. Garc. &c.

4. Nota tertio: pariter *quartò* per Concordata Germaniæ, inita inter Nicolaum V. Papam, & Imperatorem Fridericum III. ac Principes Ecclesiasticos, sæcularesque Germaniæ ann. 1448. Papa sibi reservavit plurimæ beneficia Germaniæ; quæ videri possunt in præfatis Concordatis; Et in Constit. *ad Sacram Petri Sedem.* Et ut summam contenta in eis tangam; *Primò* Papa ibi sibi reservat omnia beneficia, de quibus loquitur celebris Extravagans, *ad regimen 13. hoc tit.* inter communes. *Secundò* concedit quidem Summus Pontifex omnibus Germaniæ Ecclesijs Metropolitanis, Cathedralibus, & Monasterijs liberam Electionem Prælati; attamen confirmationem eorum sibi reservat indistinctè. *Tertiò* promittit Papa, quòd per quamcunque aliam reservationem, gratiam expectativam, aut aliam dispositionem nolit impedire, quò minus de beneficijs, & dignitatibus inferioribus quibuscunque, quando ea vacabunt in mensibus Februario, Aprili, Junio, Augusto, Octobri, & Decembri liberè disponatur per il-

los, ad quos spectat collatio, provisio, præsentatio, vel electio. Quoties verò aliquod beneficium vacaverit in Januario, Martio, Maio, Julio, Septembri, & Novembri ipse Papa faciet provisionem, & collationem: quòd si tamen infra 3. menses à die vacationis notè in loco beneficii non apparuerit provisio Apostolica circa id; tunc Ordinarius, vel alius, ad quem pertinet dispositio, illud liberè conferre potest. *Quartò* declarat Papa, qualiter *ammata*, sive fructus primi anni de Ecclesijs Cathedralibus Germaniæ, & Monasterijs virorum exemptis à die vacationis Ecclesiarum juxta summam pecuniæ in Camera Apostolica taxata, debeant solvi.

5. Nota quartò: sunt etiam *quintò* Sedis Apostolicæ reservata beneficia, quæ per confidentiam sunt accepta; ut patet ex Constit. Pij IV. incipit *Romanum Pontificem.* *Sextò* item spectantia ad Episcopos, si vacent vacante Sede; juxta Constit. Pij V. incipit *Sanctissimus.* *Septimò* beneficia collata Clericis prohibitis propter generis originem, aut hæresim, aut à fide apostasiam; uti habetur in Constit. Pij V. incipit *Ecclesijs.* *Octavò* beneficia illorum, quò offendunt litigantes in Curia Romana, aut eorum Judices, Advocatos, testes, & Procuratores; uti habetur in Bulla Alexandri VI. incipit *In eminentia.*

## CAP. V.

### De collatione beneficiorum.

**N**ota primò: per *collationem beneficij* hic intelligi assignationem, seu concessionem beneficij Ecclesiastici vacantis, quæ fit ab habente potestatem. Et est duplex; libera scilicet, & non libera. *Libera* (de qua *hoc tit.* agitur) est concessio gratuita beneficij vacantis; seu quæ fit solo jure Prælati; unde & donatio vocatur, *cap. fin. de Officio Vcarij in 6.* *Non libera* (de qua *tit. 7. infra*) est concessio non gratuita; sed quam facit Prælati ad præsentationem Patroni: seu est illa quæ non fit solo jure Prælati.

2. Dico primò: per collationem liberam rectè acquiruntur beneficia Ecclesiastica vacantia. Ita communis DD. Et habetur *cap. nulla, de concess. Præbend.* Et ostendit quotidiana praxis, quæ Clericis conferuntur beneficia Ecclesiastica à Papa, Episcopis, & alijs Prælati, ad id potestatem habentibus.

3. Dico secundò: collationem omnium beneficiorum Ecclesiasticorum legitimam, præstare potest Summus Pontifex. Ita communis

munis DD. Constat ex cap. licet 2. hoc tit. in 6. ubi dicitur, licet Ecclesiarum personarum, dignitatum, aliorumque beneficiorum Ecclesiasticorum plenaria dispositio ad Romanum noscatur Pontificem pertinere &c. Idem constat ex can. cuncta per mandatum can. 9. q. 3.

4. Nota autem secundò: quòd tribus modis possit Summus Pontifex collationem beneficiorum tacere. Primo Jure præventionis; quatenus certæ personæ mandat providere de beneficio, quod vacat in Ecclesia; vel proximè vacaturum est; qua ratione prævenit aliym Collatorem Ordinarium; cap. dudum 14. hoc tit. in 6. Secundo Jure concursus; quatenus Papa in conferendis beneficijs concurret cum quibusvis alijs Collatoribus inferioribus; qua ratione in casu vacantiæ datur locus præventioni Papali: nam, quamvis Papa cum alijs communicaverit Jus conferendi beneficia Ecclesiastica; sibi tamen non ademit eandem licentiam, cap. dudum, hoc tit. in 6. Tertiò Jure devolutionis; quatenus quando Ordinarius Collator tempus, intra quod facienda erat collatio, permisit elabi, & non contulit beneficium, tandem gradatim ad Papam devolvitur ejus collatio; ut patet ex tit. de sup. neg. Præl. Et tit. de elect.

5. Dico tertiò: similiter Legatus à latere in Provincia suæ legationis potest facere collationem beneficiorum sibi decretorum, & tempore suæ legationis vacantium, & cum quovis Ordinario concurrere; estque inter eos locus præventioni. Ita Glossa, Engel, Vall. &c. Et constat ex cap. 1. & 2. de Offic. leg. in 6. Et cap. si à Sede 31. eodem in 6.

6. Dico quartò: etiam Episcopi (idem dicendum de Patriarchis, & Archi-Episcopis) de Jure communi pollent potestate conferendi omnia beneficia suæ Diocesis; uti & alij Prælati quasi Episcopalem Jurisdictionem, & territorium habentes. Ita Panormitan. Gloss. Engel &c. Primum de Episcopis habetur cap. 3. de institut. Et cap. conquærente 16. de Offic. Jud. Ord. Et cap. ex injuncto 12. de heret. Etsi Ratio; quia cura Ecclesiarum, & Ecclesiasticorum beneficiorum est demandata Episcopo, cap. 2. hoc tit. in 6. Requiritur tamen secundum probabiliorem opinionem Azor. Garc. Vallens. Pirh. etiam consensus Capituli quoad beneficia in ipsis Cathedralibus Ecclesijs conferenda; uti colligitur ex cap. grave nimis 29. Et cap. cum Ecclesia 31. de elect. Et cap. novit 4. de his que sunt à Præl. sine Consil. Capituli; nisi statuto, consuetudine, vel privilegio (quæ servanda sunt) aliter esset ordinatum, cit. cap. cum Ecclesia. Secundum docent

Abbas, Pirhing. Gloss. Panorm. & communis DD. Estque Ratio; quia hi æquiparantur in suo territorio Episcopis.

7. Dico quintò: imò & Prælati quidam inferiores Episcopi, & quasi Episcopi, etiam carentes Jurisdictione ordinaria, ex fundatione, privilegio Papæ, consuetudine, & præscriptione obtinent interdum jus conferendi beneficia. Ita Engel, Zoëf. Azor. &c. Et patet ex cap. senore 13. de concess. præb. Et cap. ult. de institut.

8. Dico sextò: etiam Capitulum Sede vacante, vel Episcopo suspensò habet potestatem conferendi illa beneficia, quæ sunt simultaneæ collationis; id est, quæ spectant simul ad collationem Episcopi, & Capituli; uti & ea, quæ sunt necessariæ collationis: non item illa, quæ sunt liberæ collationis Episcopi. Ita Piafec. & Vall. Et constat ex cap. unic. ne Sede vacante, in 6.

9. Dico septimò: sed & Vicarius Generalis Episcopi collationem præstare potest illorum beneficiorum, quæ sunt necessariæ collationis; non verò illorum, quæ sunt liberæ, absque speciali licentia Episcopi. Ita Glossa, Piafec. Vallens. &c. Et habetur in cap. fin. junctâ Glossâ verb. commissâ, de Offic. Vicarij in 6. Pariter Coadjutor Episcopi amentis potest conferre beneficia, quæ aliàs conferre poterat Episcopus; ut notat Zoëf.

10. Dico octavò: tenet etiam collatio facta à possessore bonæ fidei; & qui est in quasi possessione Juris conferendi beneficium; quamvis is non habeat proprietatem. Ita, Garc. Gonz. Pirh. Vallens. Ratio est; quia collatio beneficij numeratur inter fructus, qui ad bonæ fidei possessorem spectant; non ad Dominum proprietarium, seu habentem proprietatem; juxta L. bonæ fidei 43. ff. de acquir. rerum domin. Quare beneficiatus, qui obtinuit beneficium à tali bonæ fidei possessore præferri debet illi, qui à proprietario provixus est beneficiò, cap. querelam, de elect.

11. Dico nonò: Collatio beneficij validdè quoque fieri potest à sequestro Clerico. Ita Azor. Garc. Castro, Palao &c. Ratio est; quia ejusmodi sequestro competit administratio rei sequestrate non tantum quoad temporalia; sed etiam quoad spiritualia, inter quæ numeratur collatio beneficij. Clem. unic. de sequestrat. poss.

12. Dico decimò: etsi Jure communi Laicus non sit capax conferendi beneficia Ecclesiastica; ex privilegio tamen Pontificio quibusdam Laicis personis potestas ea conferendi concessa reperitur. Ita Boërius, Abbas, Rebuff. Vallens. &c. Ratio primi est; quia



quia potestas conferendi beneficia est spiritualis, cuius Laicus de jure communi non est capax, *cap. 2. de judic.* aded ut nulla consuetudine etiam immemorabili temporis, vel præscriptione acquiri possit Laico, *cap. causam 7. de prescript.* Secundum patet ex eo, quod Imperatori, & Regibus aliquando sit concessa potestas beneficia Ecclesiastica conferendi; ut colligitur ex *cap. dilecti.*

## CAP. VI.

### De qualitatibus promovendorum ad beneficia.

**D**ico primò: beneficia Ecclesiastica debent conferri dignis, & idoneis duntaxat Clericis, qui DEO, & Ecclesie velint, & valeant gratum impendere servitium. Ita communis DD. Et habetur in *cap. grave 29. hoc tit.* ubi etiam Collator Ecclesiasticus transferens beneficium in indignum Clericum, jubetur suspendi à collatione ulteriori beneficij præstanda; & in locum indigni promoti dignus substitui. Constat etiam ex Trident. *sess. 24. cap. 1. de Reform.* quod sub peccato mortali ait obligatos Collatores ad conferenda beneficia Ecclesiastica idoneis Ministris. Unde regulariter in collatione beneficiorum non debet attendi ad nobilitatem, vel ignobilitatem; quia non generis, sed virtutis nobilitas, vitæque honestas DEO gratos facit *cap. pen. hoc tit.* nisi aliqua beneficia in prima fundatione, & de Papæ licentia essent constituta pro solis Nobilibus; uti sunt plura in Germania.

**2.** Dico secundò: imò in concursu dignorum, seu idoneorum cum dignioribus & magis idoneis, beneficia Ecclesiastica curata conferri debent dignioribus, & magis idoneis. Ita Covarr. Garc. Laym. Pirh. Pfafec. Vall. &c. Et constat expressè ex Tridentin. *sess. 24. cap. 1. & 18. de Reform.* Et *can. Metro-politano 10. dist. 63.* Estque Ratio; quia Collator aliàs esset infidelis, & non servaret fidem, quam Ecclesie ex officio tenetur servare; nam privaret Ecclesiam magnò commodò, quod ex promotione dignioris, ac magis idonei ministri subsequeretur. Quoad Beneficia non curata putat Tambur. Garc. Pirh. &c. sufficere, si ea conferantur dignis personis; & videtur colligi ex ipso Tridentino *sess. 7. cap. 3. de Reform.* quod dicit beneficia inferiora, & curata dignis, & habilibus esse conferenda. Nec adversantur Canones veteres, *can. Metro-*

*politano cit.* Et *can. licet 15. caus. 8. q. 1.* & similes, mandantes ut dignioribus conferantur beneficia; quia hi loquuntur de promovendis ad beneficia Episcopalia, & alia curata; non verò de promovendis ad curata, & simplicia; vel iidem sunt abrogati per *cit. Concilium sess. 7.*

**3.** Nota primò: consistit autem præfata idoneitas Clericorum, requisita ad collationem beneficiorum in pluribus, quæ passim in Sacris Canonibus referuntur. Et primò debet Clericus pro suscipiendo beneficio habere ordinem Clericalem, saltè primam tonsuram, *cap. cum contingat 11. de etat. & qual. Secundo* debet habere ætatem legitimam, à Trident. *sess. 23. cap. 6. de Reform.* Et *sess. 24. cap. 12. de Reform.* taxatam; videlicet pro simplici beneficio 14. annos, pro dignitate, & personatu 22. & pro Curato 25. unde pueri non censentur idonei ad Ecclesiastica beneficia, *cap. super 35.* Tertiò debet esse legitimò thorò natus; quia patiens defectum natalium non censetur habilis ad Ordines, & beneficia Ecclesiastica suscipienda; nisi dispensetur, *cap. 1. & 2. de filiis Præb. in 6.* Et *cap. imotus 20. de elect.* Quariò debet esse baptizatus *cap. 1. de Præb. non baptizato.* Quintò ut non sit hæreticus; nec filius hæretici, scilicet non tolerati; nec sit fautor, defensor, & receptor hæreticorum, *cap. quicumque 2. Et cap. statutum 15. de hæret. in 6.* Sextò ut non sit bigamus; de quo consule *tit. 21. de bigam. lib. 1. tom. 1. digestum.* Septimò nec sit censurà excommunicationis scienter innodatus, *cap. postulasti 9. de Clerico excomm.* Nec censurà suspensionis impeditus, *cap. dilectus, de consuet.* Nec interdictione suppositus; aut ejus violator, *cap. 1. de postulat. Prælat.* Nec sit affectus ulla irregularitate, ex quoquinque capite ea procedat; nam obstant varia Jura irregularitatis ex quoquinque capite talibus, ut ad beneficia Ecclesiastica pertingere nequeant; & Collatio similibus facta, est nulla: unde ejusmodi beneficiati tenentur fructus perceptos restituere; ut habet Vall. & communis DD.

**4.** Nota secundò: præterea octavò Clericus beneficiandus non debet esse notatus de peccato persecutionis hostilis, capturæ, vel percussionis alicujus S. R. E. Cardinalis, aut filius, vel nepostalis Patris notati, *cap. felicius, de penis in 6.* Nec percussor Episcopi, vel coadjutor percussionis, vel capturæ ejus *cap. Clement. 1. de penis.* Non nec debet esse cæcus, ita ut horas Canonicas legere nequeat; nec simoniacus; aut simili impedimento canoni-

co irretitus, quod averfantur varij Canones. *Decimo* debet esse ita literatus, ut munus beneficij sibi collato annexum ritè subire valeat; de qua qualitate, & alijs in beneficiandis, ac ordinandis requisitis vide plura, quæ dixi *tom. 1. lib. 1. tit. 14. de astate, & qualitate prescipientorum*. Tandem in collatione beneficij Ecclesiastici observari debent qualitates illæ, & conditiones honestæ, quæ à principio foundationis talis beneficij, vel inconcussio rationabilis statuti, vel Apostolicis sanctionibus non contrario; aut si contrarium sit, à Papa confirmato, in beneficiandis requiruntur.

## CAP. VII.

Quid sentiendum de Præbendis, & Dignitatibus in Ordine S. Francisci.

**D**ico primò: defacto in Ordine S. Francisci de Observ. & Reform. non extant Præbendæ, seu beneficia Ecclesiastica propriè dicta; ita ut nec Generalatus totius Ordinis habeat naturam beneficij Ecclesiastici. Ita Sanctior. S. Severin. &c. Ratio est; quia Præbenda, seu beneficium Ecclesiasticum propriè dictum importat, quoddam Jus perpetuum percipiendi redditus, seu fructus ex bonis Ecclesiasticis, *cap. cum secundum 14. hoc tit. Et can. perpetua, dist. 51.* Nullum autem officium in Ordine S. Francisci de Observ. & Reform. habet annexum hujusmodi Jus perpetuum; cum sint aut annalia, aut triennalia, aut sexennalia, uti Generalatus. Præterea in *cap. ex vii. de V. S. in 6.*

aufertur Iuribus Minoribus omne Jus, refervato solo usu simplici sacri rerum temporalium: beneficium autem Ecclesiasticum involvit aliquod Jus percipiendi redditus, & fructus: Ergo &c.

**2.** Dico secundò: extant tamen in Ordine S. Francisci de Observ. & Reform. dignitates Ecclesiasticæ. Ita Sanctior. Rodriqu. S. Seyer. &c. Ratio est; quia Dignitas est præ eminentia quædam, habens adjunctam Jurisdictionem, & curam animarum, ac administrationem rerum Ecclesiasticarum; uti notat Vallenf. Abbas, &c. Plura autem officia in Ordine S. Francisci de Observ. & Reform. præferunt ejusmodi eminentiam; cujusmodi sunt Generalatus, Commissariatus Generalis, Provincialatus, Vistoriatus Generalis, Custodiatu regiminis, Guardianatus, & Præsidentatus; qui gradus omnes vel totius, vel partis Religionis curam habent; & eos gerentes sunt veluti Patriarchæ, Archi-Episcopi, Episcopi & Præpositi, Archidiaconi, Decani, vel Abbates; uti rectè notat Sanctior. Rodriqu. &c.

**3.** Dico tertio: Diffinitoriatus, Discretatus, Vicariatus conventualis, Lectoratus Theologiæ, & Magisterium Novitiorum non recensentur in Ordine Minoritico inter Dignitates; etsi aliqua privilegia præcedentia annexa habeant. Ita Rodriqu. Sanctior. &c. Ratio est; quia memorata officia Ordinis Minoritici nec important præ eminentiam cum Jurisdictione, & cura animarum subditarum, nec habent rerum Ecclesiasticarum administrationem; quæ duæ conditiones constituunt completam dignitatem, uti ex Rodric. nota Sanctior.

# TITULUS VI.

## DE CLERICO ÆGROTANTE; VEL DEBILITATO.

### CAP. I.

Clericus ægrotans percipit fructus beneficij; sed eget Coadjutore.

**N**ota primò: quoniam *priori tit. actum* est de Præbendis, & dignitatibus Ecclesiasticis, quæ residentiam postulant consequenter: *hoc tit. inquiritur*, quid dicendum sit de Clerico ægrotante, & debili-

tato, qui residere nequit in Præbenda, & dignitate; num ejusmodi nihilominus tolerandus sit in beneficijs præfatis; & an percipere valeat fructus ejusdem.

**2.** Dico primò: Clericus verè ægrotans, ac debilitatus senio, non est exuendus beneficio Ecclesiastico; quin potius omnes ejus fructus; imò & distributiones quotidianæ eidem sunt dandæ perinde, ac si esset sanus. Ita Navarr. Vallenf. Zoëf. &c. Et habetur *cap. 1. & 2. hoc tit. Et cap. unic. de Clericis non resident. si*



*idem.* Estque Ratio; quia afflicto non est addenda afflictio *can. cum percussio 2. caus. 7. q. 1.* & miseris ægotantis potius est miserendum, *cap. ex parte 5. hoc tit.* Procedit autem conclusio tunc tantum, si Clericus ægotus, dum sanus esset, solitus erat residere, & servitia Ecclesie præstare; ut notat Vallens. & si infirmitas sit gravis; actualis, quæ sit immediata causa absentie; ut habet Pirh. &c. DD.

3. Dico secundò: si Clericus ægotans sive sit Rector Parochialis, sive Episcopus, per ægritudinem efficiatur inutilis Ecclesie; non propterea est cogendus ad se abdicandum munere Ecclesiastico; sed Coadjutor ei adjungendus est, qui suppleat vices ejus. Ita Zocf. Vallens. Pirh. &c. Et habetur *can. 1. caus. 7. q. 1.* Et *cap. 3. §. 4. §. 5. §. 6. hoc tit.* Debet autem ejusmodi Coadjutori assignari congrua portio ex redditibus Ecclesie pro sustentatione ipsius, *cii. cap. 3.*

4. Nota autem secundò: Episcopo, Archiepiscopo, Primatibus, & Patriarchis solus Papa potest dare Coadjutorem; uti habetur *cap. pastoralis, unic. hoc tit. in 6.* Estque Ratio; quia assignatio Coadjutoris censetur esse inter majores causas, quæ in signum specialis prerogativæ sunt Sedi Apostolicæ reservatæ; cum & mutationes Episcoporum sint de majoribus causis, *can. mutationes, 34. caus. 7. q. 1.*

## CAP. II.

### De Coadjutore ægotantis Clerici.

1. Nota primò: Coadjutor dandus Episcopo pro sola administratione temporalium debet esse vir prudens, & in eare versatus: pro administratione autem, in spiritualibus, debet habere scientiam sufficientem, & pollere morum probitate; ut notat Abbas. Debet insuper explevisse annum trigessimum; hæc enim est ætas perfecta, requisita in omni Tutore, Curatore, & Procuratore, *L. si reliquos 8. junctâ Gloss. verb. si perfecta ætatis ff. de leg. i. iur.* potest esse Clericus secularis; vel Religiosus cum sui Superioris tamen consensu. Hujus Coadjutoris officium est, gerere curam Episcopi, & Ecclesie, seu populi; uti colligitur ex *cap. ex parte 5. hoc tit.* Potestas verò ipsius sese extendit ad omnia exercenda, quæ competunt Episcopo sano, vel alij Prælato delegato; expresso tamen nomine dignitatis; non verò expresso nomine proprio personæ suæ, *cap. quoniam 14. de offic. deleg.*

2. Nota secundò: Coadjutor Episcopi non potest alienare res Ecclesie immobiles; imò nec mobiles pretiosas, *cap. unic. hoc tit. in 6.* Nec potest conferre beneficia Episcopalia liberæ collationis; si Episcopus ægotans adhuc habeat sensus integros. Tenetur reddere plenam rationem suæ administrationis, cum Episcopo (si sanæ mentis sit) tum Capitulo, vel Prælato Successori, uti dicitur *cap. unic. hoc tit. in 6.* Parochi Coadjutor debet habere ad minus 25. annos ætatis; & is potest esse vel Clericus secularis; vel Religiosus de superioris sui Regularis consensu; Assignatus ab Episcopo, vel alio Superiore majore legitime. Coadjutorium Officium finitur non mortedantis; sed naturali, vel civili (id est depolatione, aut renunciatione) Rectoris Parochialis, vel Episcopi, cui datus fuit; uti constat ex *cap. grandi 2. de suppl. neglig. Prælat. in 6.*

3. Nota tertio: Coadjutor Episcopi cum successione futura non facili est dandus; quia præbet occasionem captandæ, ac procurandæ, vel saltem optandæ mortis Episcopi, cui sedatur, *cap. 1. de concess. præb.* Attamen quando necessitas, vel utilitas Ecclesie postulat, Summus Pontifex similem Coadjutorem cum successione futura dare solet; uti constat ex praxi; & ex *can. peiivisi caus. 7. q. 1.* Ejusmodi autem Coadjutor secutâ morte Episcopi, illico obtinet plenum jus in re; ita ut non sit opus novâ collatione; uti notant Garc. Fa. gnan. &c.

## CAP. III.

### De Prælati Minoribus ægotantibus, vel debilitatis, vel mortuis.

1. Dico primò: Prælati in Ordine Minoritico de Observ. & Reform. electi, in quibus non est ipse roboris, & firmæ valetudinis, intra quinque menses post electionem recuperandæ ad communem vitam sequendam, arceantur ab Officio. Ita DD. Ordinis. Et habetur in Constit. Gener. Ord. *cap. 8. §. 37. n. 4.* Estque Ratio; quia horum officia non sunt beneficia Ecclesiastica rigorosè; ac proinde Prælati eisdem linè injuria exui possunt; & aliunde necessitas gubernij Franciscani postulat, ut exuantur.

2. Dico secundò: si Minister Provincialis Provinciam ad negotia aliqua ejusdem egressus moriatur extra. Commissarius Provincialis legiimè ante egressum constitutus succe-

det subtitulo, & appellatione Vicarij Provincialis in officio, quousque Capitulum Provinciale celebretur. Ita Constitutiones Generales Ordinis *cap. 3. §. 47. n. 9.* Si autem absente Ministro Commissarius relictus in Provincia moriatur, Provincie regimen ad digniorem ipsius Patrem cum eadem autoritate, & titulo Commissarij Provincialis usque ad Ministri Provincialis regressum deferatur; *ibidem num. 10.* Si verò sub regimine Commissariatus illius dignior, mors Ministri Provincialis absentis contingat; tunc Pater dignior, qui Commissarius nominabatur, cum titulo, & autoritate Vicarij Provincialis usque ad Capitulum gubernet; *ibidem n. 11.*

3. Dico tertio: si obierit Minister Provincialis in Provincia, Superior illius Conventus, in quo decessit, unà cum Secretario dicti Ministri colligent scripturas omnes, & sigilla Provincie, eademque ferent ad primarium Patrem illius Provincie; qui sine mora convocabit Diffinitorium, & eliget Vicarium

Provincialem; (in qua electione habebit votum activum, & passivum) consultò tamen prius P. Generali, si intra triduum adiri possit; alias non. Ita habent Statuta Generalia Ref. *cap. 3. num. 33.* Idem præstabit dictus Pater Senior, si Minister extra Provinciam moriatur, non relicto ullò Commissariò Provinciali.

4. Dico quarto: si mors Ministri Generalis contingat extra familiam suam; tunc Commissarius, vel Vicecommissarius Generalis illius familiz, in qua vacatio contingit, sigilla, scripturas, & registra mittat per unum, vel duos Secretarios defuncti ad digniorem Patrem alterius familiz; cui competit convocare, & præsidere. Ita Constitutiones Generales Ord. *cap. 3. §. 17. n. 1.* Hic autem Pater dignior cognita morte Generalis, & obtentis sigillis, scripturis, ac registris convocet Electores, & instituat electionem Vicarij Generalis illius familiz, *ibidem n. 3.* ubi etiam plura alia ordinantur circa hunc casum mortis Ministri Generalis.

## TITULUS VII. DE INSTITUTIONIBUS.

### CAP. I.

#### Quid sit Institutio Canonica.

1. Nota primò: in Præbendis, & beneficijs Ecclesiasticis (de quibus *prioribus titulis* tractatum est) varijs modis possunt institui Clerici: & primò institutione injusta, & iusta. *Injusta* quis instituitur, quando non instituitur canonicè; sed per Simoniam; vel preces hæreticorum; vel per injuriam. *Iusta*, quando quis canonicè instituitur; id est secundum canones. *Secundo* iusta, & canonicæ Institutionis varij sunt modi; sic potest Clericus institui, electione, confirmatione electionis, postulatione, nominatione, collatione libera, provisione Apostolica, permutatione, investitura, &c. & demum, institutione specifica, seu speciali, quæ dicitur *collatio non libera*. De plerisque autem hæc modis alibi agitur; in *hoc tit.* potissimè de modo collationis non liberæ seu institutionis specialis tractabitur. Pro cuius intellectu

2. Nota secundò: Institutionem sumi variè: Primò generaliter, & in lato sensu; quatenus comprehendit quamlibet provisionem, & modos varios, quibus acquiritur be-

neficium; quos *priori notabili* retuli. *Secundo* sumitur pro collatione libera beneficij Ecclesiastici; de qua *tit. 5. cap. 1.* Tertio capitur pro missione, seu deductione in possessionem corporalem beneficij; & dicitur *investitura*. Quarto (& maximè ad propositum *presentis tituli*) pro collatione beneficij non libera, quæ fit ad præsentationem Patroni; & vocatur *Institutio specialis, ac canonica*. De qua

3. Dico primò: bene describitur Institutio, de qua hic, quòd sit *concessio canonica, non libera beneficij ad præsentationem Patroni facta ab eo, qui legitimam habet potestatem*. Ita communiter DD. hic. *Ly concessio* est genus; reliqua habent rationem differentiz. Dicitur *canonica*, id est, secundum Canones ritu canonico facta: Dicitur *non libera*, ad distinctionem institutionis, seu collationis liberæ. Dicitur *ad præsentationem Patroni*, ad distinctionem electionis, postulationis, & aliorum modorum generalium instituendi beneficiatos. Additur *facta ab eo, qui legitimam potestatem habet*; ut insinuetur institutionis causa efficiens, quæ est Ordinarius loci; vel alius Superior.

### CAP. II.



## CAP. II.

## Quis possit instituere Clericos in beneficijs.

1. Dico primò: regulariter, & de Jure communi pertinet Institutio Canonica Clericorum, à patronis præsentationum, ad Episcopum loci, in cujus diocesi beneficium situm est. Ita Abbas, Azor. Engel, Zoëf. &c. Et habetur *cap. cum ex injunctis de heret. Et cap. ex frequentibus 3. hoc tit.*

2. Dico secundò: similiter Vicarius Generalis in Spiritualibus; & Capitulum Sede vacante instituere possunt Clericos idoneos, à Patronis præsentatos. Ita Azor, Abbas, Pirh. Primum colligitur ex *cap. ex frequentibus 3. hoc tit.* Ratio secundi est; quia Capitulum succedit in omni Jurisdictione & administratione Episcopali necessaria; seu in illis, quæ ratione Episcopalis Officii necessaria sunt expedienda; inter quæ est Institutio beneficiorum, quæ non sunt liberæ collationis, *cap. his quæ, 11. Et cap. cum olim 14. de major. & obed.* Adeoque potest Clericos à Patronis præsentatos instituere. Capitulum tamen nequit instituere Clericos in beneficijs, quæ sunt liberæ collationis, seu collationis Episcopi solius.

3. Dico tertio: sed & Prælati quidam Episcopo inferiores possunt Clericos præsentatos à Patronis instituere, vigore alicujus privilegij, præscriptionis, foundationis, vel dotationis conditionatæ capellæ; vel Ecclesiæ, cum consensu Episcopi ita factæ, ut Prælati talis inferior in ea institutionem præstare valeat. Ita Azor, Barbof, Abbas &c. Et constat ex *cap. super eo 15. de offic. deleg.* ubi dicitur, institutionem pertinere vel ad Episcopum, vel Archidiaconum; vel Archipresbyterum. Et ex *cap. cum olim 18. Et cap. auditis 15. de præscript.*

4. Dico quartò: nullus Laicus potest propriè instituere Clericum in aliquo beneficio: Est communis DD. Ratio est; quia hujusmodi potestas est spiritualis, cujus Laicus est incapax, *cap. 2. de judic.*

## CAP. III.

## Varia circa Institutionem resolvuntur.

1. Nota primò: ut idonei omnino Clerici instituantur, sancivit Concilium Tridentinum *sess. 7. cap. 13. de Reform.* ut singuli instituendi ad quævis beneficia Ec-

clesiastica, tametsi fuissent ab eminentibus personis Ecclesiasticis, etiam Sedis Apostolicæ delegatis præsentati, vel nominati; prius à locorum Ordinarijs examinentur, & idonei reperiantur: Exceptis tamen præsentatis, ac nominatis ab Universitatibus, seu Collegijs generalium studiorum.

2. Nota secundò: Instituentus debet esse Clericus: nam nullus Laicus potest institui in beneficio Ecclesiastico, *cap. in Ecclesia, 2. hoc tit.* Regulariter etiam instituendi in Ecclesijs, & beneficijs, non debent esse necessarii unius nationis; sed viri literati, & aliàs idonei, undecunque originem ducant, *cap. cum decorem 5. hoc tit.* Rationem dat Papa Innoc. III. in *cit. cap. quia in omni gente, qui facit iustitiam, acceptus est DEO; neque Sanctuarium DEI conveniunt hereditario possidere.* Sitamen beneficium aliquod ex primæva sua fundatione desideret Ministros assumendos, qui ex certa duntaxat natione, Civitate, vel familia sint orti; tunc ejusmodi beneficium conferendum erit Clericis de tali natione, civitate, vel familia. Non est etiam improbanda consuetudo plurium Ecclesiarum, vigore cujus indigenæ, & quæ idonei tamen, instituuntur in beneficijs earum; exteris exclusis, *arg. can. nullus dist. 61.* Nam indigenæ facilius inducuntur ad perpetuò residendum in patria; quàm extranei, ut notat Abbas, Zoëf. &c.

3. Nota tertio: tot ordinariè in collegio Clericorum instituendi sunt Canonici, & Ecclesiæ Ministri, ac in Monasterijs Monachi, & Moniales; quot ex redditibus talis Ecclesiæ, vel Monasterij commodè, & absque penuria alii possunt; nec plures recipiendi sunt; *cap. auctoritate 4. hoc tit.* Et *cap. non amplius 1. hoc tit.* Et Trident. *sess. 25. cap. 3. de reg.* Habens jus instituendi nequit seipsum instituere, *cap. cum ad nostram 7. & ult. hoc tit.*

4. Nota quartò: ritus investituræ, quæ sequitur institutionem, varij sunt, pro diversitate locorum: nam in quibusdam locis investituræ coram Episcopo, vel Vicario Generali, vel Confessorio ejus facit professionem Fidei (quam injunxit omnibus beneficiatis Trident. *sess. 24. cap. 12. de Reform.* (idem homagium seu juramentum obedientiæ, & fidelitatis Episcopo præstandæ: deinde imponitur ipsi pircum, adjunctis verbis investituræ significantibus; ut notat Engel. Alii vero, in Parochialibus saltè beneficijs, tota investitura verbalis, & realis simul in loco Parochiæ peragitur; & in die festo, dum Parochiani conveniunt ad Divina, proponitur ipsis novus Parochus; ut habet idem Engel. Aliubi etiam fit per ingressum templi, & asperersionem,

aque benedictæ, osculum altaris majoris, & sonum campanarum; ut notat Rebuff. Abbas. Alicubi investiendus solet investiri per introductionem in templum, & collationem in Sede; etsi investiendus Canonicus sit per assignationem loci in choro, & capitulo. Investitura de Jure communi spectat ad Archidiaconum; ut ostendi in *tit. 23. de Archid. tom. 1. lib. 1.*

5. Dico primò: Institutio Canonica omnibus prorsus præsentatis est necessaria, ut beneficij fructus ritè percipere valeant. Ita

Garc. Engel. & communis DD. Et constat ex *cap. ex frequentibus hoc tit.* Et ex *reg. 1. de Reg. Jur. in 6. dicente, beneficium Ecclesiasticum non potest licite sine institutione canonica obtineri.* Estque Ratio; quia præsentatus quæ talis tantum habet jus ad beneficium; non autem in beneficio; quare si propria autoritate & sine institutione beneficium occupet, hoc ipso jus ex præsentatione quæsitum amittit; *cap. avaritia, de elect. in 6.*

## TITULUS VIII. DE CONCESSIONE PRÆBENDÆ; ET ECCLESIAE NON VACANTIS.

### CAP. I.

#### Quot modis vacent Præbendæ, seu beneficia.

1. Nota primò: solet nonnunquam contingere, ut beneficia Ecclesiastica, de quorum collatione, & institutione prioribus titulis actum fuit, aut promittantur, ante realem eorum vacantiam; aut dum realiter vacant, non conferantur; quorum utrumque vitiosum censetur: quare *hoc tit.* differendum venit de promissionibus, & concessionibus beneficiorum non vacantium; nec non de negligentia circa concessiones vacantium. Censetur autem tunc realiter vacare beneficium aliquod, quando desitutum est omni possessore; quod pluribus modis contingere potest. Unde

2. Nota secundò: DD. communiter assignant quatuor generales modos, quibus beneficia censentur vacare; videlicet vel de facto tantum; vel de Jure tantum; vel de facto & simul de Jure; vel per sententiam Judicis; ut videre est apud Rebuff. Garc. Valens. Engel &c. Tunc dicitur beneficium vacare de facto tantum, quando nullus Clericus adest, qui actualiter possideat beneficium; adest tamen aliquis, qui titulum, & jus ad illud habet; hoc modo vacat Parochia v. g. quando Curatus vi injusta, vel metu dejectus est ab ea *cap. 2. & 3. de his, quæ vi metusque canonis fiunt.* De Jure tantum dicitur beneficium vacare, quando ab ipso Jure inducitur vacantia ejus, ita ut quamvis Clericus illud possideat; ex Juris tamen dispositione possidet injustè, & privatus est Jure, ac titulo ejus absque ulla a-

lia monitione, citatione, & sententiâ per hominem ferendâ: hoc modo vacat Parochia v. g. si Curatus suscipiat beneficium aliud incompatible cum tali Parochia. *De falso simul, & de Jure* dicitur vacare beneficium, quando Clericus illò privatur ipso Jure, & nec possessionem ejus detinet; seu quando nec jus, sive titulus, nec possessio beneficij apud Clericum aliquem est: talis vacantia habetur, quando beneficiatus moritur, vel renunciat beneficio, aut resignat verum titulum, & nullus alius illud obtinet. *Per sententiam Judicis* dicitur vacare beneficium, quando ab ipso Judice ob aliquod delictum inducitur vacantia, vel privatio beneficij.

3. Nota tertio: ad prælatos quatuor modos generales reducuntur plures modi speciales, quibus in Jure dicitur vacare beneficium; sic ad secundum modum vacantiz de Jure, seu ex dispositione Juris reducitur vacantia illa, quâ beneficium Clerici, emittentis expressè in professionem in statu Religioso approbato, vacat *cap. beneficium 4. de reg. in 6.* Item quâ vacat Prælatura, si Prælatus sine forma a Jure præscripta alienet bona Ecclesiæ, *Extra. ag. univ. inter communes; de rebz Ecclesiæ non alien.* Item quâ vacat Parochia si Curatus intra annum non suscipiat Sacerdotium, *cap. licet 14. de elect. in 6.* Et plures aliz vacantiz, quas vide apud Rebuff. Azor. Pirh. Sic etiam ad tertium modum de falso simul & de Jure, revocatur vacantia, quæ fit per mortem naturalem, beneficiati, *cap. susceptione 6. de rescript. in 6.* Item quæ fit per renunciationem, & abitum à beneficio. Sic etiam ad quartum modum, per sententiam Judicis reducitur vacantia, quæ confurgit ex dispositione, seu privatione ob aliquod



## Tit. VIII. De Concessione Præbendæ; & Eccl. non vacantis. 31

aliquid crimen facta; puta si Clericus homicidium simplex committat, *cap. Clericus, 1. ne Clerici vel Monachi.* vel Sacrilegium, *can. si quis 22. dist. 50.* Vel adulterium, aut publicum, concubinatum, hæresim, simoniam, vel læsæ Majestatis. De specialibus alijs compluribus modis, inducens vacantiam, sed ad superiores quatuor reducibilibus, vide Staphilzum, Vall. Rebuff. Garc. Azor. &c.

### CAP. II.

Prohibita est concessio, & commissio Præbendæ non vacantis.

1. Dico primò: vetita est concessio Præbendæ, seu beneficii necdum vacantis; & institutio, seu collatio ejus vivente adhuc primo Præbendario, ac per Canones non dejecto à beneficio, est ipso Jure nulla. Ita Glossa, Vallenf. Abbas &c. Et constat ex *cap. 1. & 2. hoc tit.* Et *can. non servan. caus. 7. q. 1.* Unde is, qui scienter passus est se institui in beneficio viventis adhuc Sacerdotis, ab Ecclesiastica communione est removendus, & deponendus; id est Sacris Ordinibus spoliandus, *cir. cap. 1.* Ratio etiam est; quia hujusmodi concessio, & acceptatio Præbendæ non vacantis censetur continere votum captandæ mortis alterius; quod est contra bonos mores *L. ult. C. de passis.*

2. Dico secundò: similiter vetita est ipsa promissio tantum Præbendæ necdum vacantis. Ita Glossa, Pirh. Panormit. &c. Et constat ex *cap. 2. hoc tit.* Et *cap. ex tenore 13. eod. tit.* Estque Ratio; quia & talis promissio involvit ex parte illius, cui promissio facta est, periculum desiderandi mortem beneficiati adhuc viventis, in cuius locum sperat se succedendum. Unde etiam Jure civili hujusmodi pactum de futura successione damnatur, tanquam adversans bonis moribus *L. donavi 20. ff. de donationem ff. donat.* Et *L. ult. C. de passis;* ubi dicitur quòd omnes hujusmodi pactiones odiosæ esse videantur, & plenè tristissimæ, & periculosis exitibus.

3. Dico tertio: tametsi secundum antiquos Canones Decreti valeret promissio de Præbenda in genere conferenda, cum poterit; attamen secundum Canones posteriores Decretalium est invalida, & prohibita. Ita Glossa, & communis DD. Primum constat ex *cap. accedens 14. hoc tit.* Et *cap. cum super 8. hoc tit.* Secundum habetur in *cap. deestanda 2. hoc tit. in 6.* Estque Ratio; quia etiam per

ejusmodi promissionem genericam ingeritur votum alienæ mortis; ut dicit *cir. cap. 2.*

4. Dico quartò: etiam Patronis prohibetur promissio de danda alicui præsentatione ad beneficium vacaturum. Ita Abbas, Pirh. &c. Et habetur in *cap. cum dilectis 16. ult. hoc tit.* Estque Ratio; quia & talem promissionem præsentationis comitatur periculum desiderandæ, vel machinandæ mortis alicujus beneficiati, ut præsentandus eà secutà beneficium assequi valeat.

5. Dico quintò: sed & omnes gratiæ expectativæ, seu mandata Apostolica ad primum beneficium vacaturum, olim frequentia, hodie sunt sublata. Ita Gonzal. Vallenf. Pirh. &c. Et statuitur in Tridentino *sess. 24. cap. 19. de Reform.* quod verum est, etsi consensus Ordinarij accessisset ad ea impetrandæ; sicut patet ex declaratione DD. Cardinalium, *cir. sess.* Per prædictam tamen suppressionem Conciliarem Expectativarum non sunt Summo Pontifici ligatæ manus, ad elargiendæ etiam hodie mandata, de providendis aliquibus Clericis ad beneficium vacaturum: cum is plenissimam habeat dispositionem circa beneficia Ecclesiastica, *cap. licet 2. de præb. & dist. in 6.* Quid porro operentur, & qualiter intelligendæ, ac exequendæ sint Expectativæ Papales; consule Abbat. Gloss. Pirh. scribentes super *hinc tit. de concess. Præb.* & indicant satis varia capitula ejusdem tit.

### CAP. III.

An; & quando vacantes Præbendæ concedi debeant.

1. Dico primò: Præbendæ, seu beneficia realiter vacantia ab eo, ad quem spectat provisio, concedi debent alteri idoneo Clerico, intra sex menses. Ita Abbas, Garc. Vallenf. & communis DD. Et ordinatur in *cap. nulla 2. hoc tit.* Estque Ratio; quia diutina vacatio Præbendæ, & Officii ejusdem annexi est damnosa Ecclesiæ, & periculosa animabus, *cap. quamvis 6. de elect. in 6.*

2. Dico secundò: si infra præfatos sex menses non conferatur Præbenda, seu beneficium vacans; tunc collatio ejus ab Episcopo, si ad eum aliàs spectet conferre Præbendam, devolvitur ad Capitulum; & e contra à Capitulo ad Episcopum: si autem uterque tam Episcopus, quam Capitulum negligere, intra memoratum semestrem concedere Præbendam vacantem, devolvitur ad Metropolitanum; & ab hoc ad Patriarcham, si quis ad sit; vel

fit; vel in ejus absentia ad Papam. Ita communis DD. Et habetur in *cir. cap. nulla g. si autem*: præfatum autem semestris non est computandum à die vacantia realis; sed à die notitiæ habitæ de ejusmodi vacantia; nec currit legitime impedito *cap. quia diversitatem 3. hoc tit.*

3. Dico tertio: Præbendæ, & beneficia vacantia *de facto tantum* non possunt licite concedi, seu conferri alijs. Ita Abbas, Pirh. Zoëf. &c. Ratio est; quia ejusmodi Præbendæ non habentur pro verè vacantibus. Et quia stante tali vacantia datur privatis regressus ad præbendam; ut si quis vi injusta dejectus sit à beneficio, *cap. 2. 3. & 4. de his, quæ vi meliusque causæ sunt.*

4. Dico quarto: Præbendæ, & beneficia, quæ vacant *de facto simul & de jure* licite alijs concedi possunt. Ita Abbas, Pirh. Et colligitur

ex *cap. 2. hoc tit.* a contrario sensu; nā hoc ipso, quod ibi dicatur, Ecclesiastica beneficia non posse conferri, nisi vacent; sequitur quòd postquam vacant, posse conferri. Ratio etiam est; quia nullus est in possessione talium, præbendarum, seu beneficiorum.

5. Dico quinto: beneficia quæ *de jure tantum* vacant; sed non *de facto*, eò quòd alius sit in possessione colorata; possunt quidem conferri; requiritur tamen ut in rescripto Papali provisionis fiat mentio de possessione colorata. Ita Abbas, Pirh. &c. Et constat ex *cap. cum nostris 6. hoc tit.* Estque Ratio; quia aliàs collatio talium beneficiorum censetur esse subreptitia, eò quòd non sit expressa in possessione colorata alterius; quam si scivisset Papa rescribens, non ita facile, vel non tali modo concessisset beneficium; juxta *cap. literis 20. de rescript.*

## TITULUS IX.

### NE SEDE VACANTE ALIQUID INNOVETUR.

#### CAP. I.

#### Quæ non possit facere Capitulum Sede vacante.

1. **N**ota primò: inter ceteras resolutiones in prioribus titulis datas dictum, quoque fuit ad Episcopum Jure communi pertinere collationes, & institutiones præbendarum, atque dignitatum: sed quoniam dubium suboriri potest, num etiam Sede vacante Capitulum succedat Episcopo in ejusmodi Jure, ac potestate; propterea hic titulus subnectitur. Intelligitur autem nomine *Sedis* hic Sedes Episcopalis; vel alia Prælatura, cui facultas conferendi beneficia competit; ut notat Glossa, & Barbosa; quæ vacans censetur, quando vel moritur Episcopus, aut alter Prælatus, habens jus conferendi beneficia; vel suspenditur ab officio; vel excommunicatur; vel renunciat; vel transfertur, vel deponitur; vel alio modo perdit titulum; ut notat eadem Glossa, Barbosa, & Hostiens.

2. Dico primò: Sede vacante nihil est innovandum à Capitulo in præjudicium Sedis, vel Successoris; nisi id Jure sit concessum. Ita Abbas, Vallens. Zoëf. &c. Et habetur *cap. 1. hoc tit.* Estque Ratio; quia Sede

vacante nemo est, qui Episcopale Jus tueatur; ut dicitur *cir. cap.* Ex his

3. Inferitur primò: non posse Sede vacante aliquid innovari per judicium; unde, lis contra Ecclesiam inchoata non rectè Sede vacante definitur per sententiam; cum ea legiūmo careat Defensore; & sententia lata est nulla *cap. 1. hoc tit.* utpote lata quasi contra pupillum, & minorem indefensum, & tutorem, vel curatorem non habentem.

4. Inferitur secundò: neque Sede vacante per Capitulum posse aliquid innovari circa bona Ecclesiæ: nam ea nec alienare, nec donare potest, *can. si qua 42. caus. 12. q. 2.* Et quia Capitulum res vacantis Ecclesiæ non auferre, vel distrahere potest; sed futuro Episcopo conservare tenetur, *can. hoc hujus 38. q. cit.* Quod intelligendum est de rebus, quæ servando servari possunt: ea enim quæ servando servari non possunt Capitulum, vel Oeconomus ab eo constitutus alienare potest; sicut tutor potest ejusmodi res pupilli alienare, *L. lex que 22. Cod. de administr. tut.*

5. Inferitur tertio: neque Capitulum, Sede vacante posse aliquid innovare circa beneficia conferenda; quorum libera collatio pertinet ad Episcopum; uti habetur *cap. illa 2. hoc tit.* Estque Ratio; quia collatio ejusmodi



modi beneficiorum computatur inter fructus, *cap. fin. de Offic. Vicarij in 6.* Quos Capitulum dilapidare non potest; sed futuro Episcopo conservare debet, *cap. cum vas 4. de offi. ordinarj.* Potest tamen Capitulum Sede vacante conferre ea beneficia, quæ pertinent simul ad Episcopi, & Capituli collationem; quia tunc totum Jus Capitulo accrescit, *cap. n. hic tit. in 6.*

6. Inferitur quartò: quòd similiiter Capitulum Sede vacante non possit innovare aliquid circa dissolvendas Ecclesias prius unitas; ut habetur *cap. novis 1. hoc tit.* Estque Ratio; quia per ejusmodi dissolutionem & præjudicatur Ecclesiæ ob paupertatem unitæ; quia incidit in paupertatem; & Jus Episcopi, vel Papæ læditur, ad quos alias spectat Ecclesiarum dissolutio.

## CAP. II.

### Quæ possit facere Capitulum Sede vacante.

1. Nota primò: non censetur autem Capitulum Sede vacante aliquid Jure prohibiti innovare, quando Jurisdictionem Episcopi, vel defuncti, vel à Paganis vel Schismaticis capti, vel depositi exercet, & administrat spiritualia, ac temporalia Episcopatus: nam cum sæpe mora intercedat inter mortem, & provisionem novi Episcopi; ne mora hujusmodi sit vacanti Ecclesiæ damnosa, Summi Pontifices, & Concilia per speciales salutare Canones constituere, ut Capitulum Sede sic vacante in jurisdictionem, & administrationem tam spiritualium, quam temporalium rerum (exceptis quibusdam, notab. 3. notatis) succedat *cap. 3. de suppl. negl. Prel. in 6.* Et *cap. cum olim, de major. & obed.* Quare Capitulum Sede vacante vice Episcopi licite, & valide inquirat in crimina, visitat, judicat, condemnat, absolvit, & excommu-

nicat, perinde acsi Episcopus viveret, *cap. his qua; de major. & obed.* Similiter Prælatos electos Ecclesiarum in diœcesi Episcopali non exemptos confirmat, vel infirmat *cap. cum olim junctâ Glossâ verb. Capitulo; de major. & obed.* Item potest recipere permutationes, seu resignationes beneficiorum ex causa permutationis; ut docet Abbas, Vallenf. Piafec. Item potest facere institutiones præsentationum à Patronis in beneficijs non liberæ collationis, *cap. 1. de institut. in 6.* Item dispensationis beneficium illi impertiri potest, qui ex illegitimo thoro prodijt, ut minores Ordines, & beneficium simplex recipere valeat; ut notat Vallenf. Item potest facere uniones beneficiorum illorum, quæ alias poterat Episcopus unire; dummodo per hoc non præjudicetur Juri Episcopali; vel damnum ipsis Ecclesijs unitis suborietur, *cap. an. hoc tit. in*

2. Nota secundò: idem Capitulum ob eandem rationem, & Juris dispositionem potest Sede vacante absolvere à casibus reservatis; ut habet Vallenf. & Panorm. Item dare literas dimissorias, *cap. 3. de temp. ordin. in 6.* Item absolvere à Juramento; ut habet Felin. & Zoch. Item potest dispensare in censuris, & irregularitatibus illis, in quibus dispensandi facultatem alias obtinet ipse Episcopus; cui succedit Capitulum in ijs, quæ sunt necessariz, & contentiosæ jurisdictionis; ut rectè observat Panorm. & Vall.

3. Nota tertio: Capitulum tamen Sede vacante nequit exercere Jurisdictionem Episcopalem in illis, quæ expresse in Jure excipiuntur; cujusmodi sunt ea, quæ sunt Ordinis Episcopalis, videlicet ordinare Clericos, consecrare Ecclesias, altaria, & similia; potest tamen efficere, ut eadem expediantur per Episcopos vicinos, sine præjudicio futuri Episcopi Successoris *cap. si cui, 24. de elect. in 6.*



Fr. Bernardi Samig Schola Canonice Tom. II.

E

TITU.

## TITULUS X.

DE HIS, QUÆ FIUNT A PRÆLATIS  
SINE CONSENSU CAPITULI.

## CAP. I.

An; & pro quibus actionibus  
teneatur Prælatus requi-  
rere consensum Ca-  
pituli.

1. Nota primò: sicut Capitulum Sede vacante non potest pro libitu operari omnia, quæ Episcopus poterat; ita pariter ipse Episcopus, vel alius Prælatus Sede non vacante omnia facere in Diocesi nequit; sed in quibusdam ejus potestas per Canones restricta est ad consensum, vel consilium Capituli, ita ut ab eo omnino dependeat necessariò; quæ *hoc tit.* explicantur. Intelligitur autem nomine Capituli hic ipsum Collegium Canonicorum, seu Canonici congregati.

2. Nota secundò: quòd magna sit differentia inter requiri consensum; & requiri consilium Capituli: nam quando requiritur *consensus Capituli*, tenetur Episcopus, vel alius Prælatus sequi id, quod major pars Capitularium concluderit: quando verò requiritur tantum *consilium Capituli*; tunc sola consultatio cum Capitularibus sufficit, absque eo, quòd Prælatus eorum opinionem sequatur; *cap. cum olim 7. de arbitrio. Et l. item si unum, 31. §. fin. ff. de receptis, qui arbitrium.*

3. Dico primò: Episcopus, & alius Prælatus tenetur omnia ardua, & majora negotia expedire cum consensu Capituli. Ita Glossa; Vallenf. Engel, Zoëf. & communis DD. Et, patet ex varijs capitulis *huius tit.* ubi majora, & ardua negotia Episcopi jubentur cum consensu Capituli expediri; unde Papa Alexander III. scribit Patriarchæ Hierosolymitano *cap. novis 4. eod. novis tunc discretionis prudentia, qualiter tu, & Fratres tui unum corpus sis; ita quòd tu caput, & illi membra esse probantur. Unde non decet te omitti membris, aliorum consilio in Ecclesiæ negotiis uti.* Quare ab eodem Papa ibidem reprobantur institutiones Abbatum, & aliarum personarum Ecclesiasticarum sine consilio Canonicorum S. Sepulchri. Ut autem appareat, quæ sint ardua, & majora Episcopi

negotia, exposcentia consensum Capituli, pono sequentes resolutiones, &

4. Dico secundò: Episcopus tenetur in institutione, & destitutione Abbatum, Abbatissarum non exemptarum, & aliarum personarum Ecclesiasticarum in beneficijs Ecclesiasticis requirere consensum Capituli. Ita Glossa, & communis DD. Et habetur *cap. novis 4. hoc tit.* Excipe nisi contraria consuetudo in aliqua Ecclesia sit præscripta, & inducta; juxta *cap. non est 3. de consuet. in 6.*

5. Dico tertio: similiter Episcopus tenetur consensum Capituli inquirere in præsentationibus, collationibus, & confirmationibus beneficiorum eorum, quorum jus etiam ad Capitulum spectat. Ita communis DD. Et dicitur in *cap. quanto 5. hoc tit.* Et *cap. ea noscitur 6. eod. tit.*

6. Dico quarto: etiam pro alienandis rebus Ecclesiasticis, quæ immobiles sunt; aut mobiles pretiosæ, & servando servari possunt, Episcopus requirere tenetur consensum, & subscriptionem Capituli. Ita Glossa, & communis DD. Et statuitur in *can. sine exceptione 52. caus. 12. q. 2.* Et *cap. irrita 1. hoc tit.* Et *cap. tua 5. hoc tit.* Unde alienatio rerum Ecclesiasticarum facta ab Episcopo absque consensu Capituli; vel reclamante Capitulo, non tenet; nec à Successore servari debet; nisi Capitulum suo etiam consensu postea, ex intervallo præstito, eam ratam habeat; uti constat ex *cap. cum nos 3. hoc tit.*

7. Dico quinto: sed & pro concessione ad longum tempus v. g. 10. annorum, vel locatione rerum immobilium Ecclesiasticarum Episcopus, vel Prælatus debet requirere consensum Capituli. Ita Covarr. Pirhing. &c. Et colligitur ex *Clem. 1. de rebus Eccles. non alien.* Estque Ratio; quia per ejusmodi concessionem, & locationem transfertur dominium utile rerum immobilium Ecclesiasticarum in alium, atque possessio; unde alienationis rationem habet; ad quam aliàs requiritur consensus Capituli.

8. Dico sexto: obligatur quoque Episcopus expetere consensum Capituli pro instituenda unione perpetua Ecclesiarum aliquarum ad alias Ecclesias, vel monasteria; uti &

pro



## Tit. X. De his, quæ sunt à Prælatiſ sine conſenſu Capituli. 35

pro translatione obventionum, & fructuum, aliquarum Eccleſiarum, ad alium locum pium applicandarum, tametiſ iſus patronatû earum haberet. Ita Gloſſa, & communis DD. Et conſtat ex *cap. tna nuper 8. hoc tit. Et cap. paſtoraliſ 9. eod.* Eſt quæ Ratio; quam affert ipſe textus *cit. cap.* quia huiusmodi unio perpetua eſt quædam alienatio Eccleſiæ uniendæ; adeoque de conſenſu quoque Capituli inſtitui debet, ſicut aliæ alienationes rerum Eccleſiaſticarum.

9. Dico ſeptimò: obligatur pariter idem Episcopuſ requirere conſenſum Capituli, dum dignitates veteres ſuppreſſaſ in ſua dioceſi vult reſuſcitare; aut Eccleſiæ ſtatum mutare, aut contrahere venditionis, donationis, & permutationis facere; aut ſtatuta nova conderere intendit. Ita Vallenſ. Abbas &c. Ratio primi, & ſecundi eſt; quia ſuſcitatio dignitatum veterum ſuppreſſarum, & immutatio ſtatû Eccleſiæ cenſentur actus, & negotia valde ardua, & magna; non minùs, quàm alienationes rerum Episcopatuſ aut beneficiorum, quæ ad Episcopum & Capitulum ſimul pertinent, collationes; adeoque expoſcunt quoque conſenſum Capituli. Tertium habetur *cap. 1. hoc tit.* Quartum conſtat ex *cap. quantum 1. hoc tit.*

10. Dico octavò: præterea Episcopuſ tenetur Capituli conſenſum requirere pro inſtituendo iudicio circa crimina Clericorum, maximè circa perſonam Capitularem, ſeu Canonicum in cauſa criminali; item quod ſe agit de præiudicio Capituli quoad ſubjectionem, vel exemptionem: item in caſu, quo diminueretur Eccleſiæ authoritas; & demum, quotiescunque intereſſe particulare Capituli vertitur. Ita Ricc. Vallenſ. Piaſec. &c. Primum conſtat ex *cauſa 17. q. 7. per totum.* Et ex Tridentino *ſeſſ. 25. cap. 6. de Reforms.* ubi ordinatur, ut Episcopuſ pro inſtituendis proceſſibus contra criminoſos, & alijs actibus ſtatim à principio anni cuſuſlibet duo capitulares, ſeu Canonici deputentur, & adjuvantur à Capitulo. Secundum conſtat ex *cap. ult. de maior. & obed.* Tertium ex *cap. dilecti, de maior. & obed.* Quartum ex *cap. ult. hoc tit.*

11. Nota tertio: conſenſus Capituli, quem in præſatis omnibus actibus requirere tenetur Episcopuſ debet præberi à Capitulo legitime congregato: id enim ſignificat vox Capituli; ſecundum *cap. tertio loco 5. de probat.* quia Canonici ſinguli ſeorſum ſumpti, ſeu ſingulares non faciunt Capitulum, *arg. cap. unic. in princ. ne Sed. de vacante &c. in 6.*

12. Dico nonò: in rebus, & negotijs levibus non tenetur Episcopuſ vel aliûs Prælatuſ requirere conſenſum Capituli; ſed ſufficit adhibere ejus conſiliuſ; quod tamen ſequi non tenetur. Ita Innoc. Vallenſ. Zoëſ. Ratio primi eſt; quia in rebus, & negotijs levibus, ac parvi momenti non poteſt præjudicari graviter Eccleſiæ, vel Capitularibus; ac præinde non videtur Episcopuſ arcandus ad Capituli conſenſum.

13. Inferitur primò: Episcopum poſſe citra conſenſum Capituli modicas aliquas Eccleſiæ res donare alteri, maximè egeno; v. g. quinquageſimam partem proventuum Eccleſiæ erogando in pauperes, *cap. pen. hoc tit.* Secundo, idem poteſt ad tempus tantum res aliquas Eccleſiæ alteri concedere ad breve tempus, abſque conſenſu ejusdem Capituli; modo non contradicat, & poſtea ratum habeat. *cap. 2. & 3. hoc tit.* Tertio idem Episcopuſ poteſt cenſentire, ut Laicus aliquis decimas decimas ab antiquo uni Eccleſiæ, aſſignet alteri Eccleſiæ, abſque conſenſu Capituli, *cap. cum Apoſtolica 7. hoc tit.*

## CAP. II.

In quibus actibus Prælatuſ Fræſciſcanuſ dependeat à conſenſu ſui Capituli, vel Diffinitorio.

i. Dico primò: Miniſter Generaliſ Prælatuſ Ordiniſ S. Franciſci de Obſerv. & Reform. in condendis ſtatutis perpetuiſ, & totum Ordinem ſemper obligantibus dependet à conſenſu Capituli Generaliſ, & Diffinitoriij Generaliſ. Ita Rodriq. Sancti Sever. Et conſtat ex ſtatutis Papalibus Julij II. *cap. 12. par. 4.* pro Ordine noſtro editiſ, ubi dicitur; *Declaramus etiam quod Generaliſ Miniſter nullum poteſt ſacere generale ſtatutum pro toto Ordine; niſi ſuo durante Officio; & niſi in Capitulo generali cum Diffinitorum aſſenſu.* Idem replicatur in Conſtit. Gener. Segovienſ. *cap. 8. §. 2.* Et fundatur in illa Regula Juris, *quod omnes tangit, ab omnibus approbari debet.* Poteſt nihilominuſ Generaliſ edere & imponere præcepta quædam, tempore officiij ſui obligantia; uti habent *cit. DD. & conſentit. Sylv. Bonac. S. Thomas, Soto &c.*

2. Dico ſecundò: Etiam Miniſter Provincialiſ quæ Prælatuſ Provinciæ nequit abſque convocatione Patrum, qui ſunt de corpo-

re Diffinitorij, & maximè Diffinitorum celebrare Congregationem, vim capitularem habentem; nec institutionem, vel depositionem alicujus Guardiani, aut Confessarij Monialium facere; nec ferre ullam sententiam, ubi privatio Officij, vel suffragiorum, aut alia poena per processum, & sententiam infligitur; & hoc sub nullitate actus. Ita Constit. Gener. Ord. cap. 8. §. 39. n. 8. Quod procedit si dicti Patres Diffinitores sint in Provincia, aut si extra eam morentur, vel ita absint, ut intra tres dies eorum præsentia haberi possit: quod si id fieri non possit, tunc alij substituendi sunt, quibus substituitionis competit: quod pariter observandum, si debite vocati, nollent comparere; *ibidem*.

3. Dico tertio: Commissarij Visitatores Generales quæ Prælati majores pro tempore, nequeunt in Provincijs sibi conceditis ordinata immutare, aut contra Statuta Provincialia aliquid facere; nisi accedente consensu Patrum Diffinitorij, vel majoris partis Vocalium in Provinciali Capitulo actu congregatorum; nisi per speciales facultates aliud ipsis foret concessum. Ita modernæ Constitut. General. Ordinis cap. 8. §. 56. Similiter casus graves, qui in Visitationibus occurrerint, nullo pacto per sententiam diffinitivam possunt determinare; nisi de consilio, & consensu Diffinitorum; *ibidem*.

## TITULUS XI.

### DE HIS, QUÆ FIUNT A MAJORI PARTE CAPITULI.

#### CAP. I.

#### De consensu majori, & saniori Capituli, necessario ad acta valida.

1. Nota primò: conclusum fuit præcedentis tit. Episcopum, vel alium Prælatum in pluribus actibus ritè instituendis dependere à consensu sui Capituli: nunc recto ordine *hoc tit.* discutiendum erit, num consensus ejusmodi importare debeat, necessariò annuentiam omnium prorsus Capitularium.

2. Dico primò: ad hoc ut Capitulum, censetur sufficientem præbere consensum, ad aliquem actum gerendum, non est necesse, ut omnes prorsus Capitulares consentiant; sed sufficit, ut major pars eorum, qui præsentis sunt, consensum præbeat. Ita Glossa, Pirh. Zoëf. Abbas &c. Et constat ex cap. cum in cunctis 1. *hoc tit.* Et ex L. quod major 19. ff. ad municip. Censetur autem illa esse major pars, quæ numerò personarum excedit dimidium, habito respectu ad Capitulum, cap. Ecclesia 48. de elect. quando scilicet ex 24. Capitularibus ad minus 13. consentiunt.

3. Dico secundò: non sufficit autem, ut quæcunque major pars Capitularium præsentium consensum præbeat; sed ea debet esse simul saniori pars Capituli. Ita Abbas, Laym.

Zerol. & communis. Et habetur cap. 1. *hoc tit.* Et cap. ea noscitur 6. de his que sunt à Prælo &c. Censetur autem illa pars esse sanior, quæ autoritate, dignitate, literaturâ, & probitate morum prævalet. Nisi itaque Capituli pars major numerò personarum, sit simul etiam, pars sanior, poterit pars minor, sed sanior, sese opponere actui gesto à parte majori, ostendendo v. g. alienationem talis rei Ecclesiasticæ esse damnosam Ecclesiæ cap. 1. *hoc tit.* Et talis actus gestus à majori, sed non saniori parte non subsistet: nam ubi duo requiruntur, conjunctim, alterum eorum non sufficit §. si illud, & illud; Insti. de hered. insti. Et L. si heredi plures ff. de condit. insti.

4. Dico tertio: actus gestus à majori, & saniori parte Capituli (vel etiam alterius Collegij, & Universitatis) regulariter quidem tenet minori contradicente: attamen si minor pars, vel etiam unus de Capitulo ob justam, & rationabilem causam ab ejusmodi actu appellaverit, aut expresse contradixerit; tunc talis actus non statim consequitur effectum. Ita Zoëf. Vall. &c. Primum constat ex cap. fin. *hoc tit.* Et quia quod major Curie pars effecit, habetur pro eo, ac si omnes egissent, L. quod major ff. ad municip. Secundum patet ex cap. 1. *hoc tit.* Idem dicendum si negotium, quod geritur, tangat omnes, & singulos Capitulares; juxta Reg. Jur. 29. in 6. quod omnes tangit, debet ab omnibus approbari.

CAP.



## CAP. II.

Quomodo major pars Capituli, vel Diffinitorij in Ordine S. Francisci requiratur ad acta legitima.

**D**ico primò: In Ordine S. Francisci de Observ. & Reform. Electio Canonica, & valida censetur sola illa, quæ facta est à majori parte Capituli, sive Congregationis: Ita Constit. modernæ General. cap. 8. §. 2. n. 1. Et §. 36. n. 10. Majorem verò partem quilibet excessus facit; ut si v.g.

novem sint vota, quinque eorum constituent majorem partem; *ibidem*.

2. Dico secundò: In omnibus definitionibus & determinationibus tam Generalibus, quam Provincialibus Ordinis nostri sententia plurius semper prævalere debet, ac observari omnino, tanquam actus à majori parte Capituli, vel Diffinitorij celebratus: in paritate autem votorum ter repetita Præses habet votum decisivum, quod pariter efficit majorem partem. Ita constat ex Constit. General. modernæ cap. 8. §. 30. n. 4. Et §. 36. n. 11. In casu etiam cujuscunque decisionis, minor pars Diffinitorij debet subscribere sententiam majoris partis; etiam inter Reformatos; ita Constit. General. modernæ cap. 8. §. 39. n. 10.

# TITULUS XII.

## UT ECCLESIASTICA BENEFICIA SINE DIMINUTIONE CONFERANTUR.

### CAP. I.

Sinè quibus modis diminutionis teneatur Collator conferre beneficia Ecclesiastica.

**N**ota primò: posteaquam Summus Pontifex Gregorius IX. in *superioribus titulis* egit de beneficiis Ecclesiasticis, eorumque collatione faciendum à Prælato, vel sinè dependentia Capituli; tum à Capitulo solo, vel alijs collatoribus; consequenter *hoc tit.* præfert regulam generalem de modo ea conferendi, scilicet integrè, & sinè diminutione. Accipitur autem hic *collatio* generaliter prout complectitur quamcunque provisionem beneficii; id est etiam præsentationem, institutionem, &c.

2. Nota secundò: diminutionem beneficii posse contingere quatuor modis, videlicet per oneris impositionem; per divisionem; per dismembrationem; & per suppressionem. *Per oneris impositionem* contingit diminutio beneficii, si collator aggravet beneficium aliquo onere reali, v.g. certam partem fructuum sibi solvendam imponendo; vel personali, v.g. servitium aliquod injungendo, quod aliàs connexum non erat beneficio; vel si partem redditum beneficii collati sibi reservet. *Per divisionem* contingit, si collator ex uno beneficio constituat duo, *Per dismembrationem*;

quando aliqua bona, seu redditus à beneficio separantur, & alteri applicantur, remanente beneficio penes suum ordinarium Rectorem. *Per suppressionem* tandem contingit, quando fit totalis extinctio beneficii.

3. Dico primò: collator tenetur regulariter conferre beneficium Ecclesiasticum sinè diminutione, facta per oneris impositionem. Ita Glossa, Zöfel. Engel &c. Et constat ex cap. *unic. hoc tit.* Et ex Tridentin. *Sess. 24. de Ref. cap. 14.* Et *can. 1. caus. ult. q. 3.* ubi improbantur omnes consuetudines, vigore quarum in quacunque provisione, collatione, vel admissione ad possessionem cujuslibet beneficii sunt deductiones, fructuum solutiones, promissiones, aut compensationes, quæ in pios usus non convertantur. Estque Ratio; quia ejusmodi collatio beneficii cum oneris impositione saperet aliquam Simoniacam pravitatem; ut notatur *cit. cap. unic.* Ex his

4. Inferitur primò: Episcopum probabilius non posse sibi, seu suæ mensæ Episcopali, vel Capitulari reservare ad tempus integros redditus beneficii vacantis; etiam cum consensu Capituli; nisi accedat privilegium, & facultas Summi Pontificis; uti contra Hostiens. Barbof. Glossa, &c. docet Abbas, Vallens. Pirh. &c. Et constat ex cap. *prohibentibus 7. de censib.* Et *arg. can. ult. caus. 1. q. 3.* Et *arg. Clement. 2. de rebus Eccl. &c.* Estque Ratio; quia Episcopus auctoritatem præstaret in proprio facto, seu in proprio commodum; quod etiam secundum Glossam vetitum est.

5. Notatertio: Episcopus tamen stante iustâ, & necessariâ causâ potest ad tempus; antetamen collationem beneficiorum, & absque omni pactione beneficiandi aliquam partem fructuum reservare ex beneficijs suæ diocesis vacantibus, in usus suæ Ecclesiæ convertendam; uti constat ex *cap. nunc, hoc tit. Et cap. pen. de verbor. signif.* Estque Ratio; quia in reservatione hujusmodi nulla labes Simoniacæ intervenit; cum nulla intercedat pactio cum beneficiandis; nec beneficiandi gravantur ullo onere; cum tempore reservationis talium fructuum adhuc non habuerint jus in beneficia. Justa autem, & necessariâ causâ faciendâ talem reservationem essent, si Ecclesiâ Cathedralis esset fabricanda; vel æs alienum, quod Ecclesiâ supra modum gravatur, exsoluendum; & similes, uti constat ex *cap. nunc, hoc tit. Et habet Vallens. Pirh. Gloss. &c.*

6. Dico secundò: Collator pariter tenetur regulariter conferre beneficium Ecclesiasticum absque diminutione, facta per divisionem beneficij; neque per dismembrationem. Ita Vall. Engel. Barbof. &c. Et constat ex *cap. majoribus 8. de preb.* Si tamen iusta adsit causa, v.g. si sufficiant redditus ob amplitudinem beneficij; & expediat ad Divinum cultum augendum, vel debitè conservandum, vel ad alterum beneficium tenue nimis augendum; tunc unum beneficium ab Episcopo dividi, & dismembrari potest; uti constat ex *cap. vacante 26. de preb. Et cap. 3. de Eccl. adif.*

7. Dico tertio: tandem numerus beneficiorum Ecclesiasticorum regulariter nequit imminui per totalem aliquorum suppressionem, & extinctionem. Ita communis DD. Et habetur *cap. ex parte de Constitut.* Estque Ratio; quia per ejusmodi suppressionem imminuitur Divinus cultus. Attamen si iustæ adsint causæ, concessum est Episcopis, ut cum consensu Capituli beneficium aliquod extinguat, etiam in perpetuum; uti constat ex *cap. cum accessisset 1. de constitut. & Trident. Sess. 24. de Ref. cap. 15.* Justa autem causa esset, si præbendæ v.g. in aliqua Ecclesiâ Cathedrali, vel Collegiata essent ita tenues, ut sustentando decenti numero Canonicorum, & gradui pro loci, & personarum qualitate non sufficerent.

## CAP. II.

Varia resolutiones circa Pensiones beneficiorum.

**N**ota primò: Per Pensiones Ecclesiasticas, quæ per modum oneris realis quandoque imponuntur beneficijs

Ecclesiasticis, notabiliter quoque diminuntur eadem beneficia; quare de ijs hoc loco breviter disserendum judico. Unde advertendum per *Pensionem* intelligi portionem aliquam determinatam, de redditibus beneficij Ecclesiastici iusta ex causa detrahâ, & alteri assignatam.

2. Nota secundò: regulariter non est licitum beneficiatis imponere Pensiones; uti constat ex allatis canonibus pro *concl. 1. præc. cap.* cum hæc diminuant beneficia. Summus tamen Pontifex potest ob justam causam beneficijs Ecclesiasticis annexere Pensiones; cum is habeat plenissimam potestatem dispensandi circa Ecclesiastica beneficia, *cap. 2. de prebend. in 6.* Justæ porro causæ censentur esse necessitas, & utilitas evidens Ecclesiæ; puta quia merita personæ, cui confertur pensio, eam suadet &c.

3. Notatertio: Similiter Episcopus Pensiones constituere valet ex iusta causa; puta necessitate; aut evidenti utilitate; vel ob bonum pacis; vel ad sopiendas lites, quando beneficium est litigiosum; & ad redimendam vexam; ut dicitur *cap. nisi esset 21. de prebend. Et cap. audivimus, de collus. deteg.* vel ut subveniatur per congruam alimentationem seni Curato, qui impotens ad deserviendum effectus est; uti habet Fagnan. Vallens. Piafec. Gigas &c. Et colligitur ex *cap. nisi 21. de preb.* Non debet tamen ejusmodi pensio esse perpetuò annexa beneficio; sed quæ extinguatur unâ cum vita pensionarij; uti advertit cit. Fagnan. Glossa, Abbas &c. Et patet *arg. cap. 21. cit.*

4. Nota quartò: ut quis ritè obtinere valeat Pensiones Ecclesiasticas, debet primò esse Clericus; saltèm primâ tonsurâ initiatus; cum sit jus fundatum in statu Clericali; debet etiam habitum Clericalem deferre, saltèm si Pensio excedat summam 60. ducatorum auri de Camera; uti habet constitutio 3. Sixti V. Secundò debet ad minus habere 14. annos: & juxta Tridentinum non innodatus aliquâ censurâ; nec Religiosus; nec irregularis; uti habet Garc. Azor. Pirh.

5. Nota quintò: Pensiones communiter extinguuntur, vel voluntaria dimissione Pensionarij; vel mutatione status; ut si Pensionarius fiat miles: vel professione expressa ejus in aliqua Religione: vel promotione ejus ad Episcopatum: vel morte ipsius: vel contractione matrimonij per verba de præsentij; uti habent Azor. Garc. Pirhing. & alij DD.

6. Nota sextò: pensionarius obligatur, pro rata contribuere ad subsidium charitati-  
vum



Tit. XII. Ut Ecclesiast. benef. sine diminutione conferantur. 39

um Episcopi; uti & ad persolvendas gabelas, quæ ob publicam necessitatem imponuntur Clericis; ac ad alia similia onera, quibus nonnunquam aggravantur Ecclesiastica beneficia iustam ob causam; uti tenent Laym. Azor. Garc. & alij DD. Et eadem, ac quæcunque alia obligatio transit ad successorem, quando transit Pensio; uti habet Azorius.

7. Nota septimò: tametsi cuilibet curato, & non curato beneficio affigi possit Pensio iustam ob causam supra relata; saltè à Summo Pontifice: nihilominus S. Tridentina Synodus Sess. 24. cap. 13. de Reform. statuit, ne Cathedralis Ecclesie; quarum redditus summam mille ducatorum; neque Parochiales, quæ summam centum ducatorum secundum verum annum valorem nò excedunt, ullis Pensionibus, aut reservationibus fructuum graventur. Beneficijs etiam simplicibus nulla Pensio impenden-

da est; nisi redditus annui 24. ducatorum, summam excedant. Similiter nec Canonici, vel Dignitas aliqua Pensione oneranda est; nisi redditus ejus centum ducatorum, quantitatem excedat; uti tenent Azor. Pirhing. &c.

8. Nota octavò: Pensionis reservatio fieri potest tum ante collationem beneficii; tum post collationem; si tamen accedat consensus beneficiati; uti advertit Laym. & Azorius. Pensio autem ipsa imposita alicui beneficio debet esse moderata, ita ut remaneat beneficiato, præsertim Ecclesie Rectori commoda sustentatio; item ut officium misericordiz erga pauperes, & hospitalitatis erga peregrinos exercere valeat; item solvere Jura Episcopalia, & alia onera incumbentia præstare; juxta cap. de Monachis 12. de prebend.

## TITULUS XIII.

### DE REBUS ECCLESIAE ALIENANDIS; VEL NON.

#### CAP. I.

Quarum rerum Ecclesiastica-  
rum alienatio sit prohi-  
bita.

1. Nota primò: postquam D. Papa Gregorius IX. digessit titulos superiores de præbendarum Ecclesiasticarum collatione, modis easdem instituendi, & gestis ab Episcopo cum, vel sine consensu Capituli; consequenter hoc tit. tradit doctrinam generalem circa alienationem rerum, & bonorum ad easdem præbendas Ecclesiasticas pertinentium, ostenditq; quid Juris habeant Clerici, & non habeant, circa ipsas alienandas.

2. Nota secundò: nomen alienationis duplicem habet usurpationem; strictam scilicet, & latam. Alienatio strictè sumpta importat propriè talem actum, quò transfertur alicujus rei tradita dominium directum in alterum; cujusmodi sunt venditio, donatio, permutatio &c. uti patet ex L. 1. C. de fund. dotal. Alienatio latè sumpta importat omnem actum, quò non tantum dominium rectum; sed etiam utile transfertur; quare comprehenditur donationem, venditionem, permutationem, emphytheusim, infeudationem, usum fructum, hypothecam, & locationem ad longum tempus,

cap. nulli s. g. alienationis hoc tit. Et L. ult. C. de reb. alien. non alien. item hæredis institutionem, legatum, fideicommissum cap. 1. & cap. cum in officiis; cum duob. seq. de transact. item transactionem quando res per eam traditur; secus quando per eam res tenetur; uti notat Rebuff. imò & secundum Extravag. ambrosia, hoc tit. in commun. locationem ultra triennium, quando scilicet res quotannis dat fructum; alias si res alternis duntaxat annis fructum ferat, potest locari ad sexennium; ut notat Vall.

3. Nota tertio: nomine Ecclesia hic venire omnem locum pium, autoritate Episcopi constitutum. Nam constitutio Leonis Imper. in L. jubemus C. de SS. Ecclesiis, de non alienand. &c. postea extensa fuit ad omnem locum pium in Auth. hoc jus porrectum C. eod.

4. Dico primò: alienatio rerum Ecclesiasticarum quarumcunque regulariter prohibita est quibusvis Clericis, non tantum simplicibus; sed etiam Prælati, Episcopis, & Archi-Episcopis; & à fortiori Laicis. Ita Hostiens. Vallen. Glossa, Abbas &c. Et constat de Clericis ex cap. ex Clement. & Extravag. toto hoc tit. in 6. Et cap. signis Presbyterorum 6. cap. ad audientiam 9. & cap. nulli s. hoc tit. De Laicis verò, scilicet Regibus, & Principibus in quorum territorijs extant res Ecclesiasticæ, patet ex cap. 2. hoc tit. Et procedit hæc prohibitio

hibitio ita, ut non tantum in extraneum; sed nec etiam in personam Ecclesiasticam, vel aliam Ecclesiam dictæ res per alienationem transferri possint, *cap. 1. hoc tit.* Imo nec ipsemet Clericus, etiam Episcopus eas sibi usurpare potest, *can. si privatum. Et can. monemus caus. 13. q. 2.* Sed easdem custodire tenetur, ac cum periculo vitæ defendere, *cit. can. privatum. Et cit. can. monemus.* Ut autem clarius pateat, hujus alienationis generaliter prohibita vis, & effectus, ad speciem singularium rerum Ecclesiasticarum alienari prohibitarum descendo. Unde

5. Dico secundò: imprimis prohibita est alienatio rerum omnium immobilium Ecclesiarum, ut prædiorum, fundorum, agrorum, rusticorum mancipiorum (id est colonorum adscriptitiorum, seu colentium agros) & similium; ita ut nec quidem titulo specialis hypothecæ obligari possint. Ita Engel, Abbas, Redoan, & communis DD. Et constat ex *cap. nulli §. hoc tit.* Et procedit de quacunque alienatione, sive ea fiat per conditionem (id est concessionem sub conditione) sive per donationem, sive per venditionem, sive per permutationem, sive per emphyteusim perpetuam; ut habetur *cit. cap. nulli.*

6. Nota quartò: rebus immobilibus Ecclesiasticis non alienandis mox recensitis recte etiam annumerantur Jura incorporalia, ut quæ ad jurisdictionem pertinent; ut notat Engel, & Vallenf. item actiones, lites, & nomina debitorum; uti observat Abbas: item servitutes prædiorum, Jura piscandi, venandi, & similia, *cap. 2. hoc tit. in 6.* Item census annui; si ex fundatione, vel aliunde in perpetuum sint constituti pro sustentatione ministrorum Ecclesiæ, *Clement. 1. §. cirmque annui redditus; de verb. signif.* item unio perpetua unius Ecclesiæ cum altera; vel unius beneficii cum alio beneficio, *cap. tua §. de his, quæ sunt à Prælat. &c.* quæ & similia regulariter à nullo Clerico, etiam Episcopo possunt alienari. Et Ratio horum omnium est; quia alienatio cederet in detrimentum eorum: Item eisdem annumerantur arbores grandes non cæduæ, ut habet Vallenf. item bona ad mensam Episcopalem vel Capituli pertinentia; ut habetur *cap. ut super §. hoc tit.*

7. Dico tertio: præterea prohibita quoque est alienatio omnium rerum mobilium pretiosarum, pertinentium sive ad Ecclesias regulares; sive ad seculares, & quæ servando servari possunt. Ita Pirh. Abbas &c. Et habetur in *Extravag. ambrosio, de rebus Eccles. non alienan. inter comm.* Hujusmodi pretiosa censentur esse, vasa aurea, & argentea, gemmæ, &

vestes pretiosæ quæ assevari possunt; ut constat ex *Extravag. nunc. inter communes, hoc tit.*

8. Dico quartò: prohibita pariter est alienatio rerum mobilium non pretiosarum, ex quibus utilitas, & fructus diuturnus percipi potest; Ita Molin. Pirh. Ratio est; quia hujusmodi alienatio esset valde damnosa Ecclesiæ. Hujusmodi porro res mobiles afferentes utilitatem, & diuturnum fructum censentur esse greges capratum, & ovium; ex quibus quamvis permittatur vendere seorsum singulas oves, vel capras gregis alicuius; non tamen conceditur alienare totum gregem, ex quo Ecclesia annuos redditus percipere solebat, ob continuam multiplicationem fructuum; ut notat Molin. Item hujusmodi res mobiles utiles censentur esse omnia jumenta boum, & equorum quibus fundi sulcantur, & coluntur, quæ alienari nequeunt; nisi superflua essent, *L. ult. C. quando decreto opus non est.* Item arbores fructiferæ, vel aliæ valde utiles, & necessariæ prædijs Ecclesiasticis; ut notat Navar. Item Sylvæ cæduæ totaliter excindi non possunt, ob sui utilitatem; ut habet Panorm. Navar. &c.

## CAP. II.

Quarum rerum Ecclesiasticarum alienatio possit fieri; & quomodo.

**D**ico primò: res mobiles non pretiosæ Ecclesiæ, quæ servando servari non possunt sine detrimento, licet possunt à Prælati Ecclesiasticis etiam sine ulla solemnitate Juris alienari. Ita Hostiensis, Abbas, Vallenf. Piafec. Engel &c. Et Ratio est; quia Tutores, & Curatores, quorum tamen potestas longè magis est restricta, quam Prælatorum, sine solemnitate Juris possunt alienare res mobiles illas, quæ servando servari nequeunt absque detrimento; uti habetur *L. lex qua 22. Et L. Tutor C. de administ. Tutor.* Ergo etiam Prælati easdem sic alienare possunt. Et quia Jura nullibi prohibent similitum rerum Ecclesiæ alienationem.

2. Nota autem primò: per præfatas res mobiles recte intelligi sequentes: *Primò* cæ omnia, quæ usu absumentur; vel quæ brevi tempore durarent, uti sunt fructus arborum, oleum, vinum, frumentum, animalia, & pecora singularia, ac vestes pleræque; ut notat Vall. Piafec. & Engel. Item pecunia quotidiano usus inserviens, quæ servata nihil fructificaret; ut habet Panorm. & Hostiens.



3. Dico secundò: similiter aliquæ res immobiles Ecclesiæ, & mobiles pretiosæ à Prælato alienari possunt ob justam causam, absque forma ac solemnitate Juris, seu à Jure præscripta. Ita communis DD. Et constat ex cap. ut super 8. hoc tit. Et pluribus alijs. Et veniendo ad speciem talium rerum

4. Nota secundò: vineolas, & alios fundos, ac possessiones minùs utiles Ecclesiæ, & procul distantes, quæque sunt exigui valoris, posse à Prælato licite alienari; aut commutari pro utilioribus; uti constat ex cap. cit. 8. Et can. territorialis, caus. 12. q. 2. Estque Ratio; quia Prælatus potest conditionem Ecclesiæ facere meliorem; non autem deteriore, cap. 2. de donat. Similiter potest Prælatus cum causa, justa, scilicet evidenti utilitate Ecclesiæ, & absque solemnitate debita Juris terram, vel villam Ecclesiæ, quæ fertilis non esset, dare in æmphyteusim hæreditibus ejus, cujus studiò primùm ad culturam est redacta, cap. ad amos 7. hoc tit. Item potest fundum aliquem, qui antea solitus erat infeudari, aut in æmphyteusim dari, infeudatione, aut æmphyteusi expirante, iterum in feudum, aut æmphyteusim, dare, absque solemnitate Juris, alias pro alienatione ordinata à Juribus; dummodo hoc fiat antequam illius fundi fructus Ecclesiæ incorporarentur; ut habet Vallens. Estque Ratio; quia tunc non censetur fieri aliqua nova alienatio, à Jure vetita; sed quædam continuatio alienationis jam factæ. Idem Prælatus potest licite & absque solemnitate alienare ob causam res nondum Ecclesiæ quæsitæ; id est nondum exptas possideri ab Ecclesiâ: sic v.g. potest repudiare, ac dimittere legatum aliquod, & hæreditatem Ecclesiæ relictam in testamento, si justa sit causa; puta si timeantur odia, vel scandala; uti notat Zoëf. Vallens. Sylv. nisi tale legatum esset relictum simul Episcopo, & Capitulo. Idem Prælatus potest usumfructum bonorum, pro mensa sua destinatorum, ad suum beneplacitum durante suâ vitâ alteri concedere; ut notat Piafec. Et Prælati regulares Ordinis Mendicantium possunt bona suis Monasterijs incapacibus bonorum relicta, alienare; uti habet Quares. Vall. & Piafec.

5. Dico tertio: aliquarum verò rerum immobilium, & mobilium pretiosarum alienationem Prælatus facere tenetur ex justa causa, & servatâ formâ debitâ, ac solemnitate præscriptâ à Jure. Ita communis DD. Quæ autem sint res illæ

6. Notat tertio: ad ritè alienandas immo-

bilium possessiones notabilis valoris, & utilium, v.g. terrarum fructiferarum, & valde utilium, aliorumque bonorum fixorum; item ad alienanda mobilia pretiosa, quæ servando servari possunt; uti sunt vasa aurea, argentea, torques, gemmæ, calices, calix, tapetes, & quæcunque non corrumpuntur spaciò unius triennij; vel notabiliter non deteriorantur, requiritur justa causa, forma, & solemnitas Juris; cap. unicor. Extravag. hoc tit. Et can. sine except. caus. 12. q. 2. Similiter ad permutanda, donanda, vel aliter alienanda mancipia (quæ rebus mobilibus pretiosis annumerantur) requiritur justa causa, forma, & solemnitas cap. mancipia 3. Et cap. seq. de rerum permut. Quod si tamen Rector, vel Prælatus Ecclesiæ prædictum, familiam, aut aliud quidpiam suâ industria acquisivisset, vel attulisset, poterit mancipium, & servum ejusdem Ecclesiæ manumittere; uti habetur cap. consuluit 3. hoc tit. Item aliquem servum qui esset bene meritis de Ecclesiâ; ita tamen, ut talis manumissus cum suo peculio, & posteritate maneat sub protectione talis Ecclesiæ; & utilitates sibi injunctas (si est operas obsequiales tempore manumissionis ipsis à Domino impositas) prosequatur; uti dicitur ibidem.

## CAP. III.

De causis, solemnitatibus, pœnis, & revocatione alienationis rerum Ecclesiæ.

1. Nota primò: causæ autem justæ ad ritè instituendam alienationem rerum immobilium, & mobilium pretiosarum sunt sequentes. Prima est necessitas, ut si Ecclesia valde gravaretur ære alieno, & id aliter persolvi non posset; nisi per alienationem aliquam rerum Ecclesiasticarum immobilium, vel mobilium pretiosarum; uti habetur can. 2. §. hoc jus, caus. 10. q. 2. Vel alia evidens necessitas, cui alia via subveniri non possit cap. 1. hoc tit. in 6. Et Clement. 1. cod. Secunda est evidens Ecclesiæ utilitas; uti constat ex can. sine exceptione, caus. 12. q. 2. talis utilitas esset, si fundus aliquis, vel villa Ecclesiæ distraheretur, ut melior, & utilior emeretur. Tertia est pietas; quando videlicet aliqua res Ecclesiæ alienanda esset necessaria pro redemptione captivorum, vel ad sublevandâ gravem necessitatem pauperum can. sacrorum 15. Et

*can. sent. 16.* Et *can. anrum. 70. caus. 12. q. 2.* Nam melius est ut vasa viventium ferventur, quam metallorum, scilicet Ecclesiæ; ut dicitur *can. cap. anrum.* Quarta est commoditas; quando nimirum aliqua res Ecclesiæ pius damni, quam commodi affert; puta quia longè distat; vel sit exigua *can. servulus 13. caus. 10. q. 2.*

2. Nota secundò: forma, seu solemnitas juris consistit in quatuor sequentibus; *Primò*, ut super re Ecclesiæ alienanda instituat prius tractatus à Prælo, & Capitulo, an expediat eam alienare; uti habetur *can. sine exceptione 12. caus. 12. q. 2.* Et *cap. dudum 1. hoc tit. in 6.* *Secundò* ut accedat consensus Capituli in alienationem, saltè pro majori, & minori parte; *cit. can. sine exceptione.* Et *cap. 1. de his que sunt à Prælo &c.* *Tertiò* ut Capitulum subscribat, quando alienatio contingit mediante donatione, venditione, & permutatione; uti dicitur *cit. can. sine exceptione.* Et *cap. tua 8. de his que sunt à Prælo &c.* Et si huic solemnitati in pluribus locis sit derogatum per veterem consuetudinem, ita ut sufficiat subscriptio solius Notarij; uti tradunt Molin. Pirh. Vallenf. &c. *Quartò* ut accedat Superioris auctoritas, & consensus, scilicet Episcopi; vel in exemptis Ecclesijs Prælati illius, qui est superior immediatus; uti constat ex *cap. 1. de his que sunt à Prælo &c.* Et tenet Abbas, Vallenf. &c. Papa Paulus II. in *Extrav. ambitiose unic. hoc tit.* addit & quintam solemnitatem Juris, ut videlicet accedat consensus Romani Pontificis; ubi etiam statuit varias pœnas contra aliter alienantes. Putat autem Vallenf. Navarr. Eng. Covarr. hanc Extravagantem non esse ubique receptam; saltè quoad pœnas, & locationem.

3. Nota tertio: varias pœnas statutas esse à Jure contra illicitè alienantes res Ecclesiæ. *Primò* Prælati alienans rem aliquam Ecclesiasticam absque causa justa, ponit actum irritum, & nullum; et si in alienatione tali observata fuisset forma, & solemnitas Juris; uti constat ex *cap. 1. hoc tit. in 6.* Et in *Clement. 1. eod. tit.* *Secundò* Prælati alienans etiam ex causa justa aliquam rem pretiosam, quæ servando servari poterat; sed sine consensu Capituli, similiter nulliter agit; uti constat ex *cap. si quis 6. junctâ Glossâ verb. ab initio, hoc tit.* *Tertiò* præterea quicumque alienans res Ecclesiasticas notabiles, v.g. prædium, absque causa, & forma, & solemnitate Juris, ponit actum irritum, & incidit in excommunicationem; nisi celesiter alienatum restituerit; uti habetur *cap. 6. hoc tit.* Et *cap. qui res 2. hoc tit.* *Quartò* alienantes, qui Pontificali vel Abbatiali dignitate præditi sunt, propter alienationem illicitam

à se factam interdiciuntur ingressu Ecclesiæ; & si in interdictione per sex menses perseveraverint animò indurato, suspèduntur ab administratione Ecclesiæ: inferiores autem Prælati, & Rectores, ac Administratores Ecclesiarum beneficijs, quorum bona alienarunt privantur, & beneficia eorum tanquam vacantia alijs liberè conferri possunt; uti dicitur in *Extrav. ambitiose, unic. hoc tit.*

4. Nota quartò: si contingat fieri aliquas alienationes prohibitas rerum Ecclesiæ, tenetur Prælati Ecclesiæ easdem instituens celesiter revocare, & res alienatas repeterè; uti colligitur ex *cap. si quis 6. hoc tit.* Idem dicendum de Capitulo, quod consensit forsitan in tales alienationes. Si autem hi revocare nolent, aut non possent dictas alienationes, potest quilibet de Clero agere ad rei illegitimè alienatæ restitutionem, *cit. cap. si quis.* Et si Prælati, vel Rector Ecclesiæ illegitimè alienans in revocando alienationem sit contumax, à Prælatura deponi debet; vel ab administratione, & officio; uti dicitur *can. monemus 13. Et can. Diaconi caus. 12. q. 2.*

5. Nota quinto: si Prælati institueret alicujus rei Ecclesiasticæ alienationem cum debita quidem forma, & solemnitate; sed læsione Ecclesiæ enormi exinde resultante; tunc Ecclesiæ potest petere restitutionem in integrum; uti constat ex *cap. ad nostram 11. hoc tit.* Ratio est; quia Ecclesiæ gaudet jure minoris. Hujusmodi autem restitutio petenda est intra quadriennium; uti dicitur in *tit. de restitut. in integr.* Nisi læsio enormis etiam post elapsos quatuor annos faciat indulgeri restitutionem, *cap. pen. hoc tit.* Et *cap. 1. de restit. in integr. in 6.* citra injuriam ejus, contra quem conceditur, cui pretium suum est salvum. Ita læsione ultra dimidium salva est restitutio ex *L. 2. c. de rescind. vend.*

## CAP. IV.

Quid de alienatione rerum Ecclesiasticarum, vel aliarum oblatarum in Ordine S. Francisci.

**D**ico primò: Nulla instrumenta publica fieri possunt ab ipsis Fratribus Minoribus de Observant. & Reform. capitulariter congregatis, nec quocunque alio modo se habentibus, in quibus alienetur, & transferatur dominium alicujus Capellæ, seu sepulturæ: si tamen sese occasio obulerit, in qua fidelium pietati satisfacere oporteat, id per

id per modos Instituto stricto Franciscano congruentes fieri potest. Ita Lantusca, Rodriqui. Sanctior. &c. Et habetur in Constit. General. modernis cap. 6. §. 1. n. 6. Et est Ratio primi; quia ut habet Regula Juris 79. *Non potest quis plus Juris transferre in alium, quam sibi competere dignoscatur*; de Reg. Juris in 6. Fratres autem nostri Observantes, & Reformati nihil Juris habent in Ecclesijs, vel Capellis, & sepulturis; sed Papa, cap. Exijt de verb. signif. in 6. adeoque nequeunt transferre dominium alicujus Capellæ.

2. Nota primò: Modos autem congruentes, sub quibus concedi potest à Fratibus Capella personæ extra Ordinem, esse sequentes; uti notat Lantusca, & Sanctior: si videlicet tali extraneæ personæ à Fratibus non conferatur formale dominium Capellæ; nec aliud quidpiam quod ad illud accedit: nec intercedat mercatus, vel venditio; nec deducatur in pactum solutio aliqua pro eadem Capella, vel sepultura: sed concedatur ipsi usus facti, fabricandi, ornandi, paramentis decorandi, ac in illa fodiendi sibi suisque sepulturam, atque in illa se suosque sepeliendi. Et poterunt Fratres elemosynas à tali persona intuitu dictæ concessionis sic modificatæ oblatas acceptare; sicut pro Missis easdem acceptant; uti observat Sanct. An autem Syndicus Apostolicus possit nomine Sedis Apostolicæ alienare aliquam Capellam Ordinis, vel jus sepulturæ, disputant DD. Ordinis; affirmat Portel verb. *Capella Monasteriorum*: citans Rodriqui. tot. 4. addit. ad Summam verb. Procurator, conclus. 6. asserens sufficere ad hujusmodi translationem consensum Papæ per suum Procuratorem constitutum, cum assensu Provincialis; non verò Guardiani. Et favet huic opinioni in parte Statutum factum pro

Ultramontana Familia in Toletanis Statutis ann. 1583. cap. 3. de Observ. ubi dicitur; *Syndicus nomine Sedis Apostolicæ potest dominium, & proprietatem alicujus Capellæ, vel sepulture transferre; si tamen prius Fratres ipsi capitulariter congregati tribus distinctis diebus decreverint utilitati Conventus convenire*. Negat verò Sanctior de penis cap. 7.

3. Dico secundò: Possunt tamen memorati Fratres Minores sibi testamento modò licitò resrelictas, vel aliter oblatas, aut donatas, sive mobiles, sive immobiles sint (uti sunt domus, agri, vineæ, frumenta, & similia) per certas personas idoneas curare alienari, & distrahi, ut pecunia de rebus ipsis accepta in ædificia, vel alia Fratrum necessaria convertatur. Ita Rodriqui. Lantusca, Sanctior. Portel, & communis DD. Ordinis. Et habetur cap. Exijt, de verb. signif. in 6. Et in Constitutionibus Generalibus modernis cap. 4. §. 1. n. 2. sic loquentibus; *cum pro Fratrum necessitatibus omnia pro eisdem oblata, vel relictæ, sive ædificia, aut pecunias Syndicus Apostolicus recipere, & pro constructione, vel reparatione domorum, pro institutione Ecclesiarum, ac rerum ad Divinum cultum pertinentium; sive pro necessitatibus Fratrum tam ad victum, quam ad vestitum attinentibus Apostolica Auctoritate* (scilicet Nicolai III. Martini IV. Martini V. Eugenij IV. Sixti IV. &c.) *tanquam legitimi Procuratores Apostolici, juxta placitum superiorum Ordinis expendere, distrahere, commutare, & alienare possint; quæ dispensatio non est; sed modus à Summis Pontificibus inventus, pro puriori Regula observatione*. Et uti habent eadem Constitutiones cit. loc. num. 5. quod sine dictis Syndicis, seu Procuratoribus, vel eorum substitutis nihil à Franciscanis possit emi, vendi, vel de elemosynis disponi.

## TITULUS XIV.

### DE PRECARIIS.

#### CAP. I.

De quidditate; divisione; modis; & obligatione contractus in genere.

1. Nota primò: Siquidem in precedenti iur. egit Papa de alienatione rerum Ecclesiæ in genere: rectè hoc, & pluribus

subsequentibus titulis tractare incipit de varijs speciebus, quibus contingere solent alienationes Ecclesiasticarum rerum: & primò proponit speciem Precarij hoc iur. Ut autem plenior de contractibus singulis noticia habeatur; operæ pretium esse duxi hoc cap. 1. quædam præmittere de contractu in genere. Quare

2. Nota secundò: Contractum posse usurpari in lata, & in stricta significatione. In



*lata significatione* coincidit cum Pacto: quod definitur *L. i. ff. de Pactis: quod sit duorum, vel plurium in idem placitum consensus*; quo sensu comprehendit omnem contractum; puta: promissionem, vel donationem liberalem, in quibus non est mutua obligatio, sed solus promittens, vel donans obligatur. *In stricta vero significatione* acceptus describitur *L. Labeo de i. erbor. signif. Quod sit ultro, citroque obligatus*; quæ descriptio data est per effectum, scilicet, per obligationem, quem Contractus strictus gignit. Unde aliter

3. Dico primò: Contractus in stricta significatione rectius definitur, quod sit *conventio libera plurium personarum, mutuum obligationem iustitie inducens in contrahentibus*. Ratio est; quia in hac definitione relucet omnia necessaria pro bona definitione. Explicatur; *Ly Comenius*, est genus, & significat idem, quod consensus, seu pactatio de re aliqua: reliqua habent rationem differentia: dicitur *libera*; quia Contractus, si libertate, vel deliberatione careant, non subsistunt; sicut nec vota. Dicitur *plurium personarum*; quia Contractus necessariò pluralitatem respicit; ut patet ex ipso nomine, dicitur *mutuum obligationem* &c. ut Contractus hic descriptus distinguatur à pactis donationis liberalis, & promissionis, in quibus una pars tantum obligatur; & ut ostendatur effectus Contractus rigorosi. Ego posthac inhzrendo mori Jurisperitorum RR. nomine Contractus utar in lata significatione, ut est Synonymum cum Pacto, ut etiam comprehendam Pacta, ultro citroque non parientia obligationem; quemadmodum etiam facit *L. Contractus C. de fide Instrum.*

4. Nota tertio circa divisionem Contractus; cum primò rectè dividi in Nominatum, & Innominatum. *Nominatus* est; qui à Juribus determinatum in specie nomen habet, tales sunt sequentes: Emptio, Venditio, Locatio, Conductio, Societas, Commodatum, Depositum. Item secundum *L. Juris Gentium*, junctà Gloss. verb. *simila*. Mandatum, Mutuum, Pignus, & Hypotheca. Item Feudum, Emphyteusis, Sponsalia, Matrimonium, Donatio, gratuita Stipulatio, & Acceptatio. *Innominatus* est; qui à Juribus nullum in specie determinatum nomen sortitus est, sed solo generali Pactiois nomine gaudet: tales ex *L. Naturalis ff. de præscriptis verbis*, sunt quatuor; *Do ut des; do ut facias; facio ut des; facio ut facias*. Cape exempla singulorum. Primò, do tibi aurum, ut des mihi argentum. Secundi, do tibi fructum, ut tuas operas mihi loques. Tertiò, pingo tibi imaginem, ut des mihi

torquem auream. Quartò, colo tuum agrum; ut tu fabrices meas ædes.

5. Nota quartò: secundò Contractus seu Pactum dividitur in Nudum, & Vestitum. *Contractus Nudus* est, qui secundum Less. Herincx, &c. DD. consistit in sola simplici conventionione, & omni aliò firmamento caret; tales censentur esse quatuor præfatæ species Contractuum innominatorum, antequam ex altera parte adimpleantur; vel accedat, Stipulatio, Juramentum, vel simile robur, à Legibus requisitum. *Vestitus* est è contra, qui jam habet adjunctum aliquod firmamentum; tales sunt omnes Contractus nominati *priori* not. recensiti. Observant porro *cit. DD.* Sex modis posse vestiri Contractum. *Primò* Litteris; qui modus vocatur acceptilatio. *Secundo* Verbis continentibus tenorem Stipulationis. *Tertiò* Specificatione Contractus nominati. *Quartò* Traditione rei. *Quintò* Cohærentià cum Contractu vestito; ut si vendam tibi ædes meas centum scutis cum pacto, ut illas adhuc inhabitem, & tibi pro incolatudem pannum; pactum enim istud accessorium est per se nudum; nihilominus quia cohæret cum vestito venditionis, quandam à vestito vestitionem accipit. *Sextò* vestitur Juramento appositò.

6. Nota quintò: Contractum tertio: parti in Contractum bonæ fidei; & stricti Juris. *Prime sortis* sunt illi, in quibus à Judice fieri potest latior interpretatio secundum æquitatem; unde bona fides hic accipitur pro benigna interpretatione, ut ajunt DD. Hujusmodi Contractus censentur esse, Emptio, Venditio, Societas, & similes, qui specificantur *Instit. de Añon. §. Añonium*. *Secunde sortis* sunt illi, qui strictam interpretationem, & juxta terminos expressos conventionis facta, postulant; unde in his Judex nil potest arbitrari, nisi quod expressè conclusum est à contrahentibus. Tales sunt omnes alij, qui *cit. Instit.* non numerantur, v.g. Stipulatio, Donatio, & Contractus innominati plerique.

7. Nota sextò: Contractum quarto alium dici Absolutum; alium Conditionatum. *Absolutum* est, cui non est appositæ aliqua conditio. *Conditionatum* è contra. Item alius est, cui adhæretonus, utramque partem concernens; talis est Emptio, Mutuum &c. *Lucrativum* è contra est, cui adhæret onus, unam tantum partem gravans, alterà sentiente utilitatem; talis est Donatio liberalis, & Commodatum. Item alius est Formalis; alius Virtualis. *Formalis* est pactio expressa verbis, vel aliò signò sensu-

fenfibilis roboratus. *Virtualis* est, conventio tantum explicita sine similibus signis: talem facit Prætor v.g. cum civitate, de diligenter administrando suo officio. Alius *Respectivus*, in quo utrinque nascitur obligatio; alius *non respectivus*, quando in uno. Circa Modos quibus perficiuntur, seu intrinsecè integrantur Contractus

8. Dico secundò: Quatuor sunt Modi perfectivi Contractus: Re, Scripturâ, Verbis, & Consensu. Ita Sylv. Less. Herincx, & communis. Ratio est; quia ita ordinatur *hysti. de obligat.* Primò itaque modò, id est Re perficiuntur, & complentur Contractus, quando præstatur, seu traditur res Contractui substracta; v.g. dum traditur mutuum, vel depositum, Secundò *scripturâ*; quando Contractui adjicitur Scriptura de Jure requisita, ad valorem Contractus; hoc modo perficitur Emphyteusis de re Ecclesiastica; & alij, quos contraheutes nolunt concludere, nisi coram Notario conficiente instrumentum Contractus. Tertio *Verbis*; quando certæ formulæ adjiciuntur ex Juris dispositione; quo pactò perficiuntur stipulationes omnes, quæ conceptis verbis Juris fieri debent, uno interrogante sic: *Promittisne te daturum, vel facturum hoc?* altero respondente; *Promitto*; uti constat ex *Insti. de verb. oblig. Et L. 1. ff. eodem tit.* Tamen est similes formulæ Juris, jam moderationem quandam acceperint; ut docet Lugo, & Juristæ passim, valeantque stipulationes quibuscunque verbis quæ contrahentibus tamen sint nota, & exprimant petitionem, ac consensum. Quartò *Consensu* mutuo exterius manifestatò; hoc modò perficiuntur Emptio, Locatio, Conductio &c. ut constat *hysti. de obligat. & cons. §. unic.* Circa obligationem, quam pariunt in Conscientia Contractus supra explicati.

9. Dico tertio: ex quolibet Contractu, etiam nudo, nascitur obligatio naturalis in foro conscientie; ita ut rescindi nequeat, nisi Jure positivo sit irritus; vel detur irritandi potestas. Ita Lugo, Less. Herincx, Covarr. & Panorm. contra Rebuff. Gomez. Turr. &c. Ratio est; quia æquum est, ut quisque ligetur, & adimplere teneatur, quod animò deliberatò expressè promissit; unde dicitur *cap. 1. de pactis: Initia pacta suam obviunt firmitatem. Et cap. 3. studiosè agendum est, ne ea, quæ promittuntur, opera compleantur*: quæ Jura, cum indefinite loquantur, etiam ad Pacta, & Contractus nudos extenduntur, & consequenter ex quovis Contractu nascitur in conscientia obligatio. Dixi in Conclusionem in foro conscientie; quia in foro civili, nulla ejusmodi obligatio

oritur ex Contractu nudo, ne multiplicentur lites; ut habetur *L. Juris Gentium 7. ff. de Pactis*, ubi dicitur, *Nuda Pactio obligationem non parit; sed parit exceptionem*; aliosque effectus gignit; nam impedit soluti repetitionem; dat Jus excipiendi contra Creditorem per hoc, quod tibi tantundem ex Pacto competat. Et secundum *L. Fidejussoris ff. de Pactis*, facit, ut possit pignus datum retineri; & contra Fidejussorem, si accesserit, agi; ut habet Covarr. Gomez. &c.

10. Nota septimò: de validitate, & invaliditate Contractuum orta ex dissensu interno, nollitione obligationis, errore, dolo, vi, & metu; vide quæ dico *tom. 4. Scholæ meæ Theologica tract. de Virtut. Cardinal. diss. 11. q. 2.* Et in *Schola hac Canonica, tom. 1. lib. 1. tit. 40. cap. 3. & 4.* Item de personis habilibus ad contrahendum; de restitutione in integrum, ratificatione, & firmatione Contractuum; *ibidem, quest. 3. Et tit. 35. cap. 2.*

## CAP. II.

### De Contractu Precarij in speciali.

1. Nota primò: *hoc tit.* duæ species alienationis prohibetæ expediuntur; videlicet Precarium, & Precaria, seu Precariæ: quæ omnino sunt inter se distinctæ; uti patebit ex infra dicendis. Ambæ hæ species sunt Contractus, continentes quandam speciem liberalitatis, & concessionis usus rei.

2. Nota secundò circa primam speciem: Ly Precarium sic dicitur *ut precibus*, quibus res ad utendum datur. Et sumitur dupliciter, scilicet pro Contractu; & pro re ipsa, quæ precariò datur, & accipitur; uti notat Vallenf. & Glossa. Precarium sumptum pro Contractu definit Ulpianus in *L. 1. in princ. ff. sic est illud, quod precibus petentis utendum conceditur, quamdiu is, qui concessit, patitur.* Sed paulò clariùs

3. Dico primò: rectè describitur Precarium, quatenus est Contractus, de quo hic, quod *sui contractus, quò alicujus rei usus petentis gratis conceditur, ad arbitrium ipsius concedentis revocandum.* Hæc constat ex *cap. fin. hoc tit. & cit. L. 1.* Ly contractus est genus; reliqua ponuntur pro differentia.

4. Nota tertio: Precarium differt à donatione, quod per donationem res ita datur, ut donans eam amplius non recipiat: per Precarium verò res ita datur ad usum alterius, ut dans eam semper possit repetere. Differt etiam à Commodato; quod per Commodatum res alteri concedatur ad certum speciale u-

sum, & ad certum tempus; sic v. g. conceditur equus ad conficiendum iter, quod certo tempore absolvendum est, quantum scilicet, sufficit & necessarium est ad illud conficiendum; per Precarium vero res non conceditur ad certum tempus; sed ad certum usum; aut si etiam aliquando concedatur ad certum tempus; tamen eam sic concedenti semper integrum est eandem revocare. Plures alias differentias Precarij à Commodato afferunt Leges; & notat Glossa, ac Pirh. hic.

5. Nota quartò: Precarium finitur primò, obitu illius, cui concessum est; non autem morte concedentis; uti habetur *cap. Precarium 3. C. ult. hoc tit.* Ratio primi est; quia Precarium est beneficium personale; ac proinde extinguitur cum persona; juxta *Reg. Jur. 7. in 6.* Ratio secundi est; quia Precarium est quædam species gratiæ, ac veluti privilegium; quare sicut gratia, & privilegium non revocatur regulariter per mortem concedentis, *cap. si super 9. de offic. deleg. in 6.* ita nec Precarium. Secundo, finitur Precarium per expressam revocationem illud concedentis; uti patet ex *cap. fin. hoc tit.* Tertiò, quando is, qui rem precario concessit, eandem alienavit; tunc enim emptor eam revocare potest ab obtinente illam precario; sicque tollitur Precarium; uti constat ex *cii. cap. finali.*

6. Dico secundò: contractus Precarij est licitus circa res Ecclesiasticas, quando fit absq; detrimento Ecclesiæ; prohibitus verò, & revocandus, quando vergit in damnum ejusdem. Ita communis DD. Et primum constat ex *cap. fin. hoc tit.* Secundum verò ex *cap. 2. eod. tit.*

## CAP. III.

### De Contractu Precariorum.

Nota primò circa alteram speciem alienationis hujus tit. *Precaria*, seu *Precarium*; quòd Hostiensis ponat differentiam aliquam inter ea, quòd Precaria in singulari sit Contractus respiciens concessionem ususfructus, prædij v. g. Ecclesiastici ultra vitam, quintò quòque annò renovandus; Precariæ verò in plurali sint Contractus respiciens concessionem ejusdem ususfructus ad tempus vitæ duntaxat. Attamen communis DD. cum Abbate, Vallenf. Cujac, &c. tenent ea pro synonymis. Hic Contractus non est

fermè cognitus in Jure Civili; & à Canonibus primò inventus.

2. Dico primò: rectè describitur Precaria, seu Precariæ, quòd sit *Contractus quò ususfructus rei immobilis alicui roganti remittitur auctoritate ergo conceditur ad ejus vitam, aut aliud certum tempus; ita tamen ut ante illud elapsum revocari non possit.* Ita Zoëf. & Glossa. *Ly contractus est genus; reliqua ponuntur pro differentia.*

3. Nota secundò: Contractus Precariæ, seu Precariorum variè differt à Contractu Precarij. Primò Precarium semper potest revocari pro arbitrio concedentis; non autem Precariæ; nisi elapsum sit tempus concessionis; ut dicitur *cap. 3. & ult. hoc tit.* Secundo Precarium non datur ad certum tempus; Precariæ verò sic dari possunt; ut notat Abbas, Pirh. &c. Tertiò Precario dari possunt tam res mobiles; quàm immobiles; item Jura, & servitutes, v. g. iter per fundum alterius *L. 2. ff. de Precar.* Precariæ verò tantum locum habet in possessionibus, sive rebus immobilibus, *can. si Precariæ 4. caus. 10. q. 2.* Contractus Precariorum etiam differt ab Emphyteusi (est in plerisque cum eo conveniat) quòd Precariæ plerumque fiant gratis, ac ad alterius preces; v. g. quòd Clerico, vel Laico pauperi concedatur gratis aliqua possessio Ecclesiastica, seu fundus, ut eò fruatur toto tempore vitæ suæ, *can. Clerici, caus. 16. q. 3.* Et *can. possessiones 6. caus. ead. q. 1.* Non sic Emphyteusis, cui semper aliqua pensio realis solvenda annexa est.

4. Dico secundò: Contractus Precariorum est licitus circa aliquas res immobiles Ecclesiæ, quando fit citra damnum Ecclesiæ; si autem afferat aliquod detrimentum Ecclesiæ, non est permittus; & sic factus est revocandus. Ita Glossa, & communis DD. Primum colligitur ex *cap. 1. hoc tit.* Secundum verò habetur *cap. 2. eod. tit.*

5. Dico tertiò: Precariæ debent singulis quinquennijs renovari. Ita communis DD. Et habetur *cap. 1. hoc tit.* Estque Ratio; quia nisi fieret hujusmodi quinquennis renovatio, de facili induceretur ejus oblivisio, *arg. can. longinquitate caus. 12. q. 2.* Sicque hæredes ejus, qui vi Precariorum fundos aliquos Ecclesiæ habuit, adstruerent eos esse suos proprios, cum damno Ecclesiæ. Quare sicut non petens investituram à novo Domino cadit Jure suo; ita pariter non petens renovationem Precariæ, elapsò quinquenniò; ut notat Abbas, Vall. &c.

# TITULUS XV. DE COMMODATO.

## CAP. I.

De quidditate Commodati, & rebus quæ Commodari possunt.

**N**Ota primò: Precarijs, de quibus *proxi-  
mè* plurimum assimilatur Commo-  
datum: unde congruè de ipso sub-  
nectitur *hic tit.* Dicitur autem *Commodatum*,  
sic, quia quasi accipientis *Commodatum* est;  
ut notat Pirhing. Et sumitur tum pro ipsa re  
Commodata; tum pro contractu innomi-  
nato.

2. Dico primò: rectè definitur Commo-  
datum prout est Contractus quidam innomi-  
natus hic consideratus, quòd *fit Contractus, quò  
res aliqua gratis alicui conceditur utenda ad  
tempus, finem, ac modum certum, eà lege, ut eadem  
in specie reddatur.* Ita constat ex *§. item is cui;  
hinc, quibus modis recontribuitur obligatio.* Et  
*L. 1. §. item is cui, ff. de obligation. & action.* Ly-  
contractus est genus; reliqua habent rationem  
differentiæ. Dicitur, *quò res aliqua gratis  
alicui conceditur*, ad differentiam Locationis,  
quæ quidem conceditur aliqua res utenda;  
sed constitutà mercede. Dicitur *utenda* ad  
differentiam pignoris, & depositi & contra-  
ctuum innominatorum; in his enim non  
conceditur res utenda. Dicitur *ad tempus,  
finem, & modum certum*, ad distinctionem Pre-  
carij. Dicitur *eà lege, ut eadem in specie redda-  
tur*, ad exclusionem mutui, in quo non reddi-  
tur eadem in specie; sed alia ejusdem ge-  
neris, & qualitatis.

3. Dico secundò: res Ecclesiæ (& quæ-  
cunque alie mobiles, & immobiles profanae,  
exceptis illis quæ ipso usu consumuntur) pos-  
sunt commodari, dummodo per hoc Ecclesiæ  
non patiatür detrimentum; aut si res Ecclesiæ  
sint sanctæ, ad usum profanos non applicen-  
tur. Ita Glossa, Azor. &c. Primum colligi-  
tur ex *cap. unic. hoc tit.* Ratio secundi est; quia  
de rebus mobilibus, & immobilibus, profanis  
etiã incorporais (uti sunt Jura v.g. servitutes,  
& redditus annui &c.) non est potior ratio,  
quam de rebus Ecclesiæ: adeoque sicut istæ,  
ita & illa Commodari possunt; nisi sint tales,  
quæ ipso usu consumuntur. Ratio tertij est;

quia Ecclesiæ ex nullo contractu debet damni-  
ficari; & consequenter nec ex contractu Com-  
modati. Ratio quarti est; quia res Sacras Ec-  
clesiæ applicare ad usum profanos continet  
speciem sacrilegij.

## CAP. II.

De obligatione; & actionibus  
ortis ex Commodato.

**D**ico primò: Commodatarius tene-  
tur de dolo; & obligatur ex lata, le-  
vi, & levissima etiã culpa, quando  
in ejus solius gratiam fit contractus Commo-  
dati. Ita Glossa, Covarr. Vallens. Ethabe-  
tur *L. si in certo §. non videndum ff. Commodati.*  
Et *cap. unic. hoc tit.* Estque Ratio; quia cùm  
Commodatum tantum Commodatarij, seu ac-  
cipientis causâ contrahatur; ideo quo major  
ei sit gratia, & beneficium; eò magis debet  
cavere, ne pro gratia, & beneficio injuriam, ac  
damnum rependat.

2. Dico secundò: si autem contractus  
Commodati erigatur in utriusque gratiam,  
scilicet accipientis, & dantis, seu Commoda-  
tarij, & Commodatoris; ut si suppellex ar-  
gentea alicui fuit commodata ad honoratè ex-  
cipiendum hospitio in ædibus Commodatarij,  
communem aliquem amicum utriusque;  
tunc Commodatarius obligatur tantum ex  
culpa lata, & levi; non autem levissima. Ita  
Glossa Pirhing, &c. Et constat ex *L. in rebus  
is, ff. hoc tit.*

3. Nota primò: si autem res Commoda-  
ta pereat mero casu fortuito; vel ob hostium  
irruptionem; vel incendium à fulmine causa-  
tum; vel similem aliam causam, Commoda-  
tarius non obligatur ex ulla culpa; uti constat  
ex *cap. unic. hoc tit.* Si tamen casus fortuitus  
acciderit culpa Commodatarij, vel pactum  
intervenerit; vel is fuerit in mora; tunc is  
tenetur etiã de tali casu fortuito; uti dicitur  
*cit. cap. unic.*

4. Nota secundò: ex contractu Com-  
modati nascuntur duæ actiones, una directæ,  
altera contrariæ. Directa datur Commodato-  
ri, & ejus hæredi adversus Commodatarium,  
& ejus hæredem *L. in Commodato ff. hoc tit. ut  
scilicet*



scilicet res restituitur finito usu, aut tempore, & resarciatur, quatenus culpâ Commodatarij est facta deterior. *Contraria*, & quasi ex opposito respiciens directam, datur Commodatario, & ejus hæredi; contra Commodatorem,

& ejus hæredem, ad repetendum quod sua interest; id est ad id, quod in rem insumpsit, & ad refundendum damnum, quod vel ex intemptiva repetitione rei accepit, vel ex re vitiosa data.

## TITULUS XVI. DE DEPOSITO.

### CAP. I.

Quid sit; & quâ ratione permiffum Depositum.

**N**Ota primò: continuat Papa seriem. Contractuum in specie, quibus alienationes Ecclesiæ fieri solent; & hoc tit. proponit contractum Depositum. Est autem Depositum secundum Juris consultum, in *L. 1. ff. hoc tit.* id, quod custodiendum alteri datum est; sic dictum quod *ponatur*; Præpositio enim *De* auget *positum*, ut indigitetur, totum esse commissum fidei Depositarij; in *cit. L.* sumitur *Ly Depositum* pro re ipsa: hoc autem tit. Papa illud sumit pro contractu circa illam versante. Unde

2. Dico primò: bene describitur Depositum, quod sit *Contractus, quod res aliqua sine mercede custodienda tradatur alteri, ut integra restitatur ad libitum deponentis*. Ita colligitur ex *cit. L. 1. Ly contractus* est genus; reliqua ponuntur pro differentia. Differt autem Depositum ab alijs contractibus sic; à *Pignore*, quia Pignus datur Creditori ad cautionem, & securitatem debiti; Depositum verò in custodiam tantum. A *Locatione, & Conductione*; quia in his traditur res cum mercede; in Deposito verò gratuito, & sine mercede, *L. 1. ff. si vestimenta ff. hoc tit.* A *Mutuo*; quia in hoc transfertur dominium rei mutuo data *L. licet 17. ff. res ff. hoc tit.* non autem in Deposito, in quo dominium & proprietates manet penes deponentem, *cit. L. licet*. A *Commodo*, quia in eo conceditur rei usus accipienti; in Deposito autem non ad usum, sed ad custodiam, res traditur, *L. sacculum 29. ff. hoc tit.*

3. Dico secundò: res Ecclesiæ possunt depositari; citra tamen ejus periculum, & damnum. Ita communis DD. Et constat ex *cap. 2. hoc tit.* Poterit autem Deponens aliquas res Ecclesiasticas repetere easdem à Depositario, quandoque libuerit; & Depositarius tenetur illas reddere. Uti habetur

*cap. cit. 2. Et L. 1. ff. est autem ff. hoc tit.* Estque Ratio; quia cum contractus Depositum deponentis gratiâ fiat; non est prohibendus pro arbitrio revocare talem contractum, ac mutare voluntatem. Excipe nisi ex redditione Depositum Ecclesiastici timeretur damnum Ecclesiæ; vel ipsi deponenti; uti constat ex *can. ne quis 14. caus. 22. q. 2.*

### CAP. II.

De obligatione; & actionibus ortis ex Deposito.

**N**Ota primò: non permittitur in res Ecclesiæ deposita cum alio debito ejusdem compensatio; vel deductio per quam aliqua pars Depositum teneretur; uti dicitur *cap. 2. hoc tit. ne aliquem contractus* (inquit *can. cit. loco*) qui ex bona fide oritur; ad periculum referatur, *sive trahatur*. Nec Depositarius potest uti re deposita, absque consensu deponentis; aliàs si eâ utatur, actione & Depositum, & furti tenebitur; nisi pactus sit, cum Deponente, ut eâ uti valeat, *L. si sacculum 33. ff. Depositum*. Et *L. 29. ff. eod.* Estque Ratio; quia usus rei non est Depositario concessus; sed tantum ejus custodia petita.

2. Dico primò: Depositarius tenetur de dolo; ut & de culpa lata. Ita Vall. Pirh. Zoëf. &c. DD. Primum habetur *L. contractus 23. ff. de Reg. Jur.* Et tenetur Depositarius de dolo, tametsi Deponens pactus fuisset, ne is dolo teneretur; quia ejusmodi pactum est contrarium bonæ fidei, in omnibus contractibus, & consequenter etiam in hoc Depositum requisit, *cit. L. 23.* Censetur autem tunc dolo commissus, si absit bona fides, quæ requiritur ad omnes contractus *cit. L. 23.* bona verò fides absit, si rebus proprijs salvis, depositum amissum fuere; uti dicitur *cap. 2. hoc tit.* Secundum de lata culpa patet ex *L. lata culpe 23. ff. de verbor. signif.* Et quia lata culpa comparatur dolo *L. 1. verb. sed et si ff. si mensor*. Porro culpa lata



pa lata censeretur esse, si Depositarius portam cubiculi apertam relinqueret, ubi Depositum quiescit.

3. Dico secundò: Depositarius tamen non tenetur de culpa levi, & levissima. Ita communis DD. Quia Depositum regulariter fit tantum gratia deponentis, & Depositarius nullam ex eo utilitatem consequitur, *L. si in tertio; ff. Commodati*; ideoque non tenetur ad tam exactam custodiam, & præcavere culpam levem, ac levissimam; ut rectè notat Abbas. Præterquam si Depositarius seipsum obtulisset ad recipiendum Depositum; ut habetur *L. 1. §. sape ff. hoc tit.* tunc enim ad diligentiorē obligatur custodiam. Idem dicendum si stipulatus fuisset mercedem pro custodiā; uti constat ex *cap. 2. hoc tit.*

4. Dico tertio: similiter Depositarius non tenetur de casu fortuito; nisi de hoc prius pactum inijisset, aut culpa lata seu crassa, vel mora culpabilis ejusmodi casum præcessisset. Ita communis DD. Et Primum constat ex *cap. 2. hoc tit.* Secundum, & tertium de pacto & culpa ex *L. 1. C. hoc tit.* Quartum de mora ex *L. si in Asta 12. §. fin. ff. hoc tit.*

5. Dico quarto: si contingat aliquod Depositum dolò, vel Culpā Clerici, vel Religiosi Depositarii perire aut deteriorari; non tenetur de hoc illa Ecclesia, vel monasterium, de cujus corpore est talis Clericus, vel Religiosus Depositarius; sed ipsemet Clericus, vel Religiosus obligatur refarcire damnum. Ita Vallens. Pirh. &c. Et constat ex *cap. 1. hoc tit.* Estque Ratio; quia delictum personæ Ecclesiasticæ non debet in ipsiusmet Ecclesiæ detrimentum redundare, juxta *Reg. Jur. 76. in 6. Et cap. cum venerabilis, §. licet autem, de except.*

6. Nota secundò: sicut ex Commodato; ita pariter ex contractu Depositum nascuntur

duæ actiones, una directa, altera contraria. Prima datur Deponenti, seu Depositori, ac ejus heredi; contra Depositarium, & ejus heredem, vigore cujus quandocunque repetere potest rem depositam, v. g. numeratam pecuniam, vel ejus æstimationem, vel damnum: ut notat Zoëf. Vallens. & Bart. Eteadem ei competit in casu deteriorationis rei depositæ, aut amissionis per dolum, vel latam culpam Depositarii. Secunda alio datur Depositario adversus Depositorem, quā potest repetere omnia impendia, seu expensas factas pro custodiā gesta; ut notat Vall. & Zoëf.

### CAP. III.

#### De Depositis in locis regularibus FF. Minorum.

Dico primò: Deposita in locis regularibus Ordinis nostri Minoritici de Observ. & Reform. sine gravi causa non sunt ullatenus acceptanda. Ita habent Constitutiones Generales modernæ *cap. 6. §. 3. n. 1.* sic ordinantes: *Evangelicæ paupertatis statui, & Conventuum quieti prospicientes prohibemus, ne in locis nostris, aurum, argentum, seu aliud quidpiam pretiosum depositi nomine reponatur, nisi sine scandalo secularium, vel gravi fratrum damno negari non possit; & tunc non recipiantur, nisi de Discretorum consilio, & superiorum licentia, ac à Fratribus omnino videantur, qui sciant, cui & qualiter reddi debeant, & hoc omnia scripturā authenticā, vel deponentis sigillō, si habet, protestatione semper præmissa, quod Fratres ad custodiendum depositum, nullatenus se obligare intendant, sicuti nec possunt, nec debent: Quæ deposita loco communi, & tuto per superiores assignato semper asserventur, & eo modo quo recepta fuerint reddantur.*

## TITULUS XVII. DE EMPTIONE, ET VENDITIONE.

### CAP. I.

Explicatur quidditas Emptionis, & Venditionis, mercium, & pretij.

Nota primò: prosequitur Summus Pontifex examen specificum contractuum; & hoc tit. agit de contractu

Emptionis, & Venditionis; qui etsi sit uniticus, secundum tamen diversam considerationem personarum contrahentium duplici nomine exprimitur; respectu enim ementis vocatur Emptio; respectu verò vendentis Venditio: congruenter autem per copulationē dici potest *Emptio-Venditio*. Hic contractus est Juris gentium, nominatus, & bonæ fidei.

2. Dico primò: rectè describitur Emptio.

venditio, quòd si contractus ultro citroque pariens obligacionem, in quo pro mercibus pretium, & reciproce pro pretio merces in pactum deducuntur. Ita eruitur ex L. 1. ff. de contrab. Empt. Ly contractus est genus; reliqua habent rationem, differentie. Dicitur ultro citroque pariens obligacionem, ad distinctionem aliorum contractuum, qui ex una duntaxat parte pariunt obligationem; cujusmodi est donatio L. Arif. 18. ff. de donat. Dicitur in quo pro mercibus pretium in pactum deducitur, ut ostendatur sub qua ratione hic contractus sortiatur nomen Emptionis. Additur & reciproce pro pretio merces; ut ostendatur, sub qua ratione nomen venditionis accipiat.

3. Nota secundò: nomine mercium hic venire omnem rem mobilem, & immobilem; præsentem, absentem, & futuram, actiones, & jura secularia, & similia quæ pecunia æstimabilia, & vendibilia sunt. Nomine autem pretij venit omnis moneta, seu pecunia numerata; quæ ideo est inventa, ut sit mensura cæterarum rerum, sub pactiones humanas cadentium; ut habet Aristoteles lib. 3. Ethic. cap. 3. nam à principio mundi res ipsæ in entitate physica inter se permutabantur, v. g. oleum pro vino, & vitulus pro ove &c. Sed progressu temporis ob varia inconvenientia, & difficultates, quibus laborabant hujusmodi permutationes, ad majorem humanæ Societatis utilitatem moneta, seu pecunia introducta, est pro pretio, & mensura rerum omnium, vendibilium.

## CAP. II.

### De requisitis ad Emptionem, & Venditionem; ac pretio ejusdem.

1. Dico primò: Contractus Emptionis venditionis debet omnino esse ultro citroque obligatorius, ita ut Emptor obligetur ad solvendum pretium Venditori; & vice versa Venditor ad rem Emptori extradendam. Ita communis DD. Et habetur L. Emptio 11. in princ. ff. de Empt. & Vendit.

2. Dico secundò: debet etiam iste Contractus, ut validus sit, mutuo consensu voluntatis perfici, qui vel verbis, vel nutibus, vel aliò signò externò exprimitur. Ita communis DD. Estque Ratio; quia cum hic contractus sit obligatorius ultro citroque, necessariò proficisci debet à mutuo consensu contrahentium, qui est obligationis fundamentum.

3. Dico tertio: ad valorem autem con-

tractus. Emptio-Venditionis sufficit mutuo consensus contrahentium; sine traditione, actuali rei, aut pretij. Ita communis DD. Et constat ex Instit. de Empt. & Vendit. Ut tamen compleatur integraliter talis contractus, ex parte Emptoris solutio pretij, & ex parte Venditoris traditio rei subsequi debet suo tempore. Circa pretium hujus contractus.

4. Dico quartò: ut contractus Venditionis vacet culpâ; debet pretium pro mercibus dandum, esse iustum; id est tale, quod publicâ lege tantum, vel communi hominum, prudentum æstimatione determinatum est. Ita communis DD. Ratio est; quia aliàs nimius fieret abusus in attollendis pretijs; cum aperto Reipublicæ damno, ad quod præcavendum Magistratus consideratis circumstantijs temporum, locorum, copiarum, vel inopiarum mercium, pretia nunc attollere, nunc deprimere possunt, sine injuria. Quare pretia hòc modo constituta, à DD. vocantur; Pretia legitima. Quòd si deficiat taxatio Magistratus in pretijs mercium, communi intelligentium æstimatione, pariter sine injuria determinari possunt: ut patet ex L. pretia 6. §. ff. ad Legem Falcidiam; & talia dicuntur Pretia Vulgaria, vel Naturalia; quia à pluribus de vulgo, vel à naturali prudentia dictata sunt. His pretijs Vulgaribus omnes omnino res, carentes pretio legitimo vendi debent, etiam gemmae, insignes canes, falcones, aves Indicae, picturae veteres, & similes; unde sine injuria earum pretium ad arbitrium vendentis crescere nequit, ut habet Less. Navar. Cajet. &c. contra Soto &c. Habet porro pretium vulgare quandam latitudinem; cum pendeat ab æstimatione hominum, qui variè juxta affectus suos ad res judicant; unde aliud est pretium vulgare summum; aliud medium; aliud infimum; circa quæ

5. Dico quintò: Venditores non excedentes limites pretij iusti vulgaris, non peccant peccatò injuria, si quibusdam vendant res pretio summo vulgari; quibusdam, mediocri; vel infimo: bene tamen excedentes limites ejus. Ita Scotus 4. dist. 14. q. 2. Navar. Cajet. Maj. Gabriel, &c. Ratio primi est; Tum quia pretium iustum, vulgare secundum omnes DD. non consistit in indivisibili, sicut pretium Legitimum: Tum quia nullo jure infirmantur tales Venditores alicujus culpæ, vel injuriæ. Ratio secundi colligitur ex illo Apostoli ad Thessal. 4. Ne quis supergreddatur, neque circumveniat in negotio fratrem suum: quoniam vindex est Dominus de his omnibus.

6. Dico sexto: quando ambo pretia Legitimum, & Vulgare sunt inæqualis taxationis,

nis, ita ut unum aliud excedat; ordinariè non licet exigere pretium excedens. Ita Less. & alij. Ratio est; quia pretium ordinariè taxatur in gratiam emptorum, ut non fiat excessus in eo.

7. Dico septimò: Utroque Jure tantùm læsis ultra dimidium pretij iusti succurritur, & datur actio ad rescindendum contractum; vel supplendum defectum. Ita Herincx, Laym. Less. & DD. communiter. Et determinatur L. 2. C. de rescind. vendit. Et cap. cum dilecti, de empt. & vendit. quibus locis, est beneficium rescindendi contractus ob defraudationem ultra dimidium iusti pretij, soli Venditori expresso Jure concedatur; tamen à DD. per æquiparationem etiam ad emptorem extenditur. Ratio etiam est; quia aliàs nimium multiplicarentur lites, si quomodocunque læsis infra dimidium iusti pretij (quod sæpe contingit) actionem ad rescissionem contractus Jura permitterent.

8. Dico octavò: sinè injustitia potest merx pluris vendi, quàm per se valeat, vel venderetur aliàs, sequentibus titulis; scilicet vel ratione officij mercandi; vel ratione lucri cessantis; vel damni emergentis; vel ratione laborum, & expensarum factarum à venditore in merce conquirenda, advehenda, & conservanda; vel ratione copie emptorum, & carentiæ mercium, ac nummorum. Ita Med. Less. Cajetan. Pet. Navarr. Covarr. &c. Ratio primi de Titulo Officij mercandi est; quia mercatores merces magnò labore, curâ, & industria conquirunt, alias occasiones lucrativas idcirco negligendo; quod est pretiò ali-quò æstimabile: & consequenter ratione talis applicaturæ, & officij, absque injustitia, merx pluris vendi potest, quàm valeat, ad compensandum illum laborem, curam, & industriam. Secundum, Tertium, & Quartum inde patet; quia etiam pro lucro cessante, vel damno emergente, vel laboribus, & expensis, aliqua æstimatio fieri potest, & pretiò proportionatò possunt redimi. Quintum similiter constat; quia ex circumstantia copie emptorum, & mercium, ac nummorum carentiæ crescit vulgaris æstimatio, atque valor mercium; & consequenter absque injustitia, in tali circumstantia pluris vendi potest merx, quàm aliàs venderetur.

9. Dico nonò: etiam absque injustitia, potest merx minori, quàm statuto pretiò emi, si ea vel modicam afferat emptori utilitatem; vel sit copia notabilis mercium, uti fit in finenundinarum, & paucitas emptorum, vel si

merces in magna quantitate simul emantur. Ita Navarr. Med. Less. &c. Ratio primi est; quia præstatur potius beneficium Venditori, quàm emptori. Ratio secundi est; quia copia mercium, & paucitas emptorum faciunt, decrefcere pretia. Ratio tertij; quia præstatur utilitas venditori, emendo multas merces simul, ut alias denuò in suum commodum valeat procurare: ergo &c.

10. Dico decimò: nullam committit injustitiam Venditor, qui habita notitià de pro minuendo pretio, merces suas vendit pretiò nunc corrente. Ita S. Thomas, Sylvest. Less. Covarr. &c. DD. Estque Ratio; quia notitia ejusmodi privata Venditoris, non mutat communem taxationem mercium; neque illam illegitimam facit; quod patet à pari; quia privata notitia Emptoris de augendo pretio rerum, non mutat taxam currentis pretij; unde licetè potest hïc & nunc ante auctionem comparere merces corrente pretiò: sicut fecit Joseph Patriarcha Gen. 41. comparans pretiò corrente omne frumentum Ægypti, præsciens carestiam ibidem futuram.

11. Dico undecimò: illicita est venditio pro altiori pretio, quàm sit currens rigorosum, facta ob dilatatam præcisè solutionem. Ita Less. Herincx, Lugo &c. contra Cajet. & alios DD. apud Salas. Colligitur ex cap. consilium de usuris. Estque Ratio; quia ejusmodi dilatio involvit implicitum mutuum; nam creditor differendo solutionem, censetur pecuniâ debitori mutuare; sed ob mutuum non licet aliquid capere ultra solutionem; nisi ad finem alij tituli: ergo neque ob dilatatam solutionem & consequenter illicita est venditio, pro altiori pretio, ob eam solam facta. Dixi ob dilatatam præcisè solutionem: quia ob alia motiva, & justos titulos, potest fieri licita talis venditio: puta ratione lucri cessantis, & damni emergentis ex dilatione solutionis; vel ratione periculi perdendæ in toto, vel in parte dilatatæ solutionis; ut docet Less. Cord. Medin. Navarr. Soto &c.

12. Dico duodecimò: similiter est illicita emptio viliori pretiò, quàm sit infimum, currens, facta præcisè ob anticipatam solutionem. Ita Herincx, Navarr. Lugo, Cut. &c. Ratio est; quia pariter in tali anticipata solutione, implicitum continetur mutuum: ex qua proinde si nascatur lucrum, id usurarium est; nisi excusetur idem tituli, qui venditionem pro majori pretio, ob solutionem dilatatam purificant à labe usurarum.

nequirent, nisi manifestatâ illâ vetustate aliquâ, nimis duro oneri substarent, & notabile fortunæ discrimen subire cogerentur; cum tantum selectiores merces vendere possent, ipsi verò omnis generis, ac qualitatis emere soleant.

6. Dico sexto: Venditor subiciens occultum, sibi tamen cognitum defectum mercis, quò Emptor damnificabitur, tenetur ad reparationem damni secuturi; secus si ignorasset ejusmodi defectum. Itâ Herincx, Covarr. Med. & communis. Et habetur *L. Julianus 13. ff. de act. empt.* Et est Ratio; quia venditor censetur causa damni secuturi ob injustam deceptionem. Secunda pars patet; quia non censetur indè damnum secuturum.

7. Dico septimò: si contingat rem venditam deteriorari; vel perire post ejus traditionem; hujusmodi jacturam, & omne periculum subire debet Emptor; tametsi eam necdum solvisset: similiter si deterior fiat, vel pereat ante traditionem; conclusò tamen pactò Venditionis; sitq; res in specie, vel in individuo designata, v. g. hæc gemma, vel hoc jumentum; secus si non sit designata specificè, & individualiter; v. g. si ex integro grege ovium sex emantur, sine determinatione; vel si vendatur ad mensuram, v. g. totus acervus tritici unò florenò in singulos modios. Itâ Less. Herincx, Sylv. Covarr. &c. Ratio primi est; sicut res fructificat Domino suo; ita pariter deterioratur, & perit Domino suo; sed Emptor perfectâ traditione est Dominus rei venditæ: ergo ipsi deterioratur, & perit. Secundum patet ex dispositione *L. id quod 7. ff. de periculo, & commodo rei vend.* Et *L. 1. & 2. C. cod. Et Instit. de Empt. & Vendit.* Tertium habetur *L. quod sæpe ff. de contrah. empt.* Et est Ratio; quia venditio rei indeterminatæ ante traditionem vel mensurationem, censetur esse imperfecta.

8. Nota primò: à Doctrina secundæ partis conclusionis in Jure excipi sequentes casus: *Primus*, si res vendita deterioretur, vel pereat ante traditionem, quàm Venditor asseruerat absque jactura posse diutius reservari; vel quamvis id non asseruerit; scivit tamen eam deterioratum, vel destructum iri, & Emptori de hoc nullam noticiam dedit; debet hujusmodi venditor jacturam omnem subire: ita habetur *L. si vina. ff. de periculo, & commodo rei vend.* *Secundus*, si res vendita, ob crimen aliquod venditoris, fuerit ad fiscum devoluta; ita habetur *L. si fundus ff. Locati.* *Tertius*, si venditor fuerit in mora tradendi venditam mercem *L. illud sciendum. ff. de periculo, & commodo rei vend.* *Quartus*, si Venditoris culpâ res Venditoris fuerit deteriorata, vel destruc-

tâ; itâ habetur *L. quod sæpe, ff. de contrah. empt.* *Quintus*, si emptor cum venditore ab initio pactum tegerit, ut is jacturam mercis venditæ, ante traditionem emergentem, subbeat; ita habetur *L. si in vendit. ff. de periculo, & commodorei vend.*

9. Dico octavò: Omnes fructus pendentes, tam maturi; quàm immaturi, ante rei venditionem nati, pertinent ad emptorem; nisi partes aliud pactum de his adjecissent; similiter omnia necessaria rei venditæ, v. g. frænum equi, vel sera domus. Itâ Covarr. Laym. Gom. Herincx, Less. Molin. &c. Primum determinatur in *L. Julianus, ff. de action. empti.* Et *L. Fructus. Et L. post perfectum, C. eodem.* Et est Ratio; quia ejusmodi fructus censentur velut accessorium, & pars rei emptæ. Secundum habetur *L. Ediles. Et L. Fundi ff. de edil. editio.*

10. Dico nonò: Omnes autem fructus jam percepti ante contractum venditionis, spectant ad venditorem. Itâ DD. communiter: Et statuitur *L. 22. C. de rei vindic.*

11. Dico decimò: Fructus nati post venditionem etiâ necdum solutò pretiò, spectant ad emptorem. Itâ Mayr. Armil. Morella, Sylv. Laym. Less. Herincx, & comunis Theologorù; contra Mynsing: Binsfeldiù, Covarr. & comunem Juristarum. Ratio est; quia Fructus naturaliter consequuntur substantiam rei frugiferæ, tanquam quid accessorium ejus, & inexistens substantiæ rei; sed substantia rei, per actò contractû venditionis, etsi necdum per solutò pretiò, spectat ad emptorem: ergo & fructus post hujusmodi contractum nati. Confirmatur: consonum est æquitati naturali, ut ad eundem spectet commodum rei emptæ, ad quem spectat interitus ejus; sed interitus rei emptæ peractâ venditione, etsi nondum solutò pretiò, spectat ad emptorem: ergo & commodum, seu fructus nascentes ex re vendita.

12. Obijciunt Juristæ Jus Cæsareum expressè contrarium statuens *L. Julianus ff. de action. empti.* Et *L. ult. ff. de periculo & commodo rei vendit.* Et *L. curabit, C. de action. empti.* Respondeo: Has Leges, utpotè æquitati naturali diffformes, esse revocatas Jure Canonico; eò quòd sapiant quandam Usuram, dum locò pretii nondum soluti, fructus per modum Interesse percipi admittunt, sine sufficienti, & justo titulo.

13. Dico undecimò: si dissolvatur validus Contractus Venditionis, per supervenientem novum mutuum consensum: vel retractum conventionalem Venditioni adjectum; fructus mediò tempore resultantés, spectant ad emptorem: si verò dissolvitur per pactum Le-

gis commissoriæ; vel additionis in diem, spectant ad venditorem; nisi aliter conventum sit inter partes. Ita Gomez, Covarr. Less. Herincx, Zoësius, & communior DD. Ratio primi, & secundi est; quia Dominium, & periculum rei venditæ ante dissolutionem contractus factam per consensum novum mutuum contrahentium, & conventionem expressam, de retrahenda re vendita, & denuo revendenda necessariò ipsi Venditori post certum tempus pertinet ad emptorem: ergo & commodum, seu fructus. Ratio tertii, & quarti est; quia contractus Venditionis, cum pacto *Legis commissoria* v.g. talis; si Plato emptor intra unum mensem non solverit pretium contractus sit irritus, sicut habet *L. 2. ff. de Lege Commiss.* & cum pacto *additionis in diem*, tali v.g. si intra septimanam nemo majus pretium, pro merce hac vendita obtulerit, contractus sit nullus; non solutò pretiò intra mensem, nec oblatò majori pretiò intra hebdomadam, illicitò ita dissolvetur, ac si nunquam fuisset; & Dominium rei, & consequenter fructuum interea temporis non fuit translatum in emptorem; sed erat pendens à conditione; quâ proinde non impletâ, redit ad venditorem: ergo & fructus interea temporis resultant. Potest tamen emptor deducere sumptus factos pro percipiendis fructibus medio tempore natis. Vide *L. 6. ff. & alias, de L. Commiss.* Item *L. 1. & 4. ff. de addit. in diem.*

14. Dico duodecimò: quivis Venditor ex natura contractus Venditionis, obligatur suo emptori, de rei venditæ evictione. Ita Gomez, Laym. Covarr. & Juristæ communiter. Sensus Conclusionis est; si post emptionem equi compareat tertius, evincens & probans clarè contra emptorem, se esse verum dominum illius equi, aut sibi obligatum esse; tunc obligatur venditor emptori pretiū perceptum equi restituere. Sic determinatur *L. 1. & L. Venditor*; & integro Tit. de *Eviction.* Item *L. non dubitatur*; & toto Tit. & *C. eodem.*

15. Dico decimo tertio: licitus est retractus gentilitius, quò proximus agnatus confanguinei vendentes rescindit, & ad se revocat Venditionem rei immobilis, eodem oblatò pretiò, quò ab alio comparata est. Ita Tiraqu. Tholof. Gayl. Mynsing. & communis Juristarum. Constat ex *L. Dudum C. de contrah. empti*, quæ hujusmodi Jus Protomisios, præferentiæ, & retractus concedit proximis agnatis confanguinei venditoris. Et *C. Constitutus de restit. in integrum*; Favet præterea *Leviticus 25.* Et Ratio accedit; nè possessiones paternæ, & avitæ in alienos transferantur, quod *L. Lex qua Tutores C. de Administ. Tut.* dicit esse lugubre. Debet autem talis RetraCTOR præ-

stare laudemia, gabbellas, aliàsque expensas necessarias, in rem factas ab emptore.

16. Dico decimo quarto: extraneis, & peregrinis non est licitum carius vendere merces, quàm indigenis. Ità Glossa, Pirh. & communis. Et sumitur ex *cap. Placuit 1. hoc tit.* Estq; Ratio; quia causa pietatis postulat, ut peregrini, & extranei humaniter tractentur, etiam in contractibus; aut saltem in his æquiparentur indigenis.

17. Nota secundò: Olim statutam fuisse penam contra falsificantes justas mensuras, & pondera, ut tales 30. diebus in pane & aqua pœniteant; uti refertur *cap. ut mensura 2. hoc tit.* Hodie verò hic, & alii plures Canones pœnitentiales non sunt amplius in usu: sed arbitriò Confessarii relinquitur pœnitentia imponenda falsificatoribus mensurarum justarum, & ponderum; uti notat Barbos. Abbas &c. In Jure Civili falsarius ejusmodi condemnatur in duplum & relegatur; uti patet ex *L. pen. ff. ad Leg. Cornel. de falsis.*

18. Nota tertio: ex Contractu Emptionis Venditionis oriuntur duæ actiones; una Venditori contra Emptorem, ad pretium; non tamen antequàm rem tradidit. Altera Emptori contra Venditorem, quâ petit sibi rem tradi; de his videatur Tit. de *act. empti, & venditi.*

## CAP. IV.

Quæ res possint, & quæ non possint vendi.

1. Dico primò: quævis res, quæ possideri potest, vel quasi possideri, aut prosequi, pariter potest vendi, & emi; nisi eam vel natura, vel Jus gentium, vel mores, aut statuta municipalia Provinciæ, aut loci, commercio hominum exemerit. Ità Glossa, Valleng. & alii DD. Et constat ex *L. si in Empt. 34. §. omnium ff. hoc tit.* Unde

2. Inferitur primò: res tam mobiles, quàm immobiles, uti habet communis DD. item corporales, & incorporales; cujusmodi sunt hæreditas, servitus, obligatio, actio, & similes vendi, & emi posse; uti patet ex *L. 3. juncta Glossa ver. incorporalia, ff. de acquir. rerum domin.* Item varia alia Jura temporalia; ut Jus percipiendi annuum pensionem, seu census annuos reales, uti patet in *Extrav. 1. & 2. hoc tit.* Imò etiam in probabili sententia census personalis, qui scilicet consistit in mera personali obligatione, sine hypotheca; uti patet ex *cit. Extrav.* Et tenet Zoëf. Covarr. Conrad. Less. &c. Secundò inferitur; etiam per accidens vendi, & emi possunt res temporales, quæ annexæ sunt alicui rei spirituali antecedenter, & separabiliter; cujusmodi est castrum,

castrum, cui juspatronatus infixum est; circa has enim nulla extat prohibitio Ecclesiastica; & quia tale jus accessorie tantum per contractum venditionis, & emptionis transfertur in emptorem. Item bona Ecclesiæ absolutè vendi, & emi possunt; ex causa tamen, & cum solemnitatibus Juris; uti suprà tit. 13. dictum est.

3. Dico secundò: res autem sacræ materiales consecratæ, quarum materia nequit ita separari, ut inter profanas recenferi possit, regulariter nequeunt vendi. Ita communis DD. Et habetur *can. si quis objeceris 7. caus. 1. q. 3.* Estq; Ratio; quia venditio similium rerum continet simoniam. Excipitur tamen ab hac regula generalis casus necessitatis, quò v. g. ob redemptionem captivorum, vel simile opus pium exercendum, vasa sacra aurea, & argentea possunt vendi; uti constat ex *can. sacrorum 14. Et canon aurum 70. caus. 10. q. 2.* Quando autem in simili necessitate venduntur calices alteri Ecclesiæ, vel loco sacro; tunc integri vendi possunt. Si verò vendantur laico, vel privatæ personæ, prius consilari, vel confringi debent; uti habetur *authent. præterea C. de SS. Eccles.* Ex conclusione autem

4. Infertur primò: regulariter calicem alicuique consecratum artificiosum, ob artificium singulare non posse vendi, ita ut maneat integer; cum artificium materiale à consecratione semel impertita non possit separari; ut notat Pirh. Laym. &c. Opposita tamen sententia Suar. est etiam probabilis. Secundo infertur; aliquam Ecclesiam materiale, vel Capellam integram ad Divinum usum jam deputatam, & consecratam, regulariter non posse vendi; uti constat ex *§. ultimo Instit. hoc tit.* Et *cap. Si quis objeceris caus. 1. q. 3.* Imò nec Ecclesiæ dirutæ materialia, ut lapides, ligna ad usus profanos vendere, vel applicare licet, *can. ligna 38. dist. 1. de consecrat.* Tertiò infertur; neque Christina posse vendi; uti habet Suar. Pirh. cum his insit consecratio inseparabiliter, ita ut ad usus profanos converti nequeant; unde eorum venditio sapit Simoniam, *cap. ea qua 16. de Simon.*

5. Notatamen primò: quòd Clerici, & Religiosi possint suam Ecclesiam deferere, eamque aliis tradere, ac ab eis pecunias accipere, non ut pretium, sed ut alibi Ecclesiam construere valeant; dummodo id fiat cum legitima facultate superioris Ecclesiastici, vel Regularis; ut notat Pirh. ex S. Thoma, Laym. &c.

6. Dico tertiò: etiam res sacræ merè spirituales, cujusmodi sunt omnes actus proce-

dentes à potestate Ordinis, v. g. sacrificare, absolvere à peccatis, consecrare Ecclesias, solenniter benedicere, &c. vendi, aut emi non possunt. Ita communis DD. Et est Ratio; quia horum venditio continet Simoniam contra Jus Divinum, & naturale, *can. uli. caus. 1. q. 3.* Idem est de rebus temporalibus, quæ consequenter rebus spiritualibus sunt annexæ tanquam suæ causæ; cujusmodi sunt beneficia Ecclesiastica, jura percipiendi proventus Ecclesiasticos, & decimas Clericales; quia & horum venditio est Simoniacæ, *can. pen. §. uli. caus. 1. q. 3.* Estq; Ratio; quia licet præfatæ res sint temporales; fundantur tamen in spiritualibus Juribus, & ex sua institutione consequuntur ad Jus spirituale. Idem quoq; procedit de cœmeteriis, quæ intuitu Religionis facta sunt, scilicet pro sepultura Christi Fidelium; uti constat ex *cap. querelam 15. de Simon.*

7. Dico quartò: sed neque res sacræ non consecratæ, ut reliquiæ SS, res religiosæ, vestes sacræ, altaria, & similia vendi possunt. Ita communis DD. Quia & in hujusmodi contractu venditionis aliqua labes simoniaca inspersa censetur.

8. Dico quintò: liber quoque homo; res publicis usibus destinata, & res dotalis, aut donata propter nuptias à viro vendi non potest, etiam consentiente uxore. Ita Vallens. & communis DD. Ratio primi, & secundi est; quia venditio hominis liberi, uti & venditio rei publicis usibus dicatæ v. g. fori, viæ publicæ, si fiat à persona privata, continet manifestam injustitiam. Tertium habetur in *L. unic. §. 2. cum lex Julia ff. de rei uxor. act.* Quartum habetur *cap. pervenit 4. hoc tit.* Si tamen uxor post biennium secundo consenserit, ac vir habeat sufficientes facultates, ut uxori sufficienter consultum sit super indemnitate donatorum; tunc poterit res donata uxori ob nuptias divendi, *Authent. frue à me C. ad S. C. Velleian.*

9. Dico sextò: demum neque res litigiosa, vel restitutioni obnoxia; nec venena; nec judicium Judicis justum, nec testimonium testis vendi possunt. Ita Vallens. & Ratio primi est; quia per venditionem rei litigiosæ præjudicatur tertio. Secundum habetur *L. quod sapit 31. §. veni ff. hoc tit.* Ratio terti, & quarti est; quia in venditione judicii just, & testimonii periclitatur justitia.

## CAP. V.

Num FF. Minoribus de Observ.  
& Reform: liceat emere, &  
vendere.

1. **D**ico primò: Veritum est Fratribus Minoribus Observantibus, & Reformatis per se, & sine Procuratore, Syndico, amico spirituali, aut alia substituta persona idonea celebrare contractus formales emptionis, & venditionis. Ita S. Bernardinus in *Opusculo casuum proprietatis*, Sanctorus, & communis DD. Ord. Et habetur tum in *cap. Exist. 3. de verb. signif. in 6.* Tum in Constit. General. Ord. modernis *cap. 4. §. 1. n. 5.* Ipsi verò Procuratores, seu personæ idoneæ substitutæ possunt emere, & vendere, ea, quæ pro statu ipsorum, fabricis, & necessitatibus aliis quotidianis de Superiorum Regularium iudicio necessaria esse duxerint; *ibidem n. 2.*

2. Nota primò: Nequeunt tamen memorati Procuratores, fructus, olera, scæna, botros, frumenta, & similia, quæ intra septa nostrorum locorum à Fratribus ex professo seminata, plantata, & educata fuissent, vendere; etiam in utilitatem Conventus; uti habent Constitutiones Generales *cap. 6. §. 2. n. 3.* Possunt tamen vendere per se, vel substitutos libros superfluos à FF. Minoribus compositos, accedente licentia P. Generalis, vel Provincialis; sed in utilitatem communem duntaxat Provincie, vel Conventus; aut ad pias causas; non ad particularem commoditatem Authorum; uti habet Sanctorus in *pen. cap. 7. fol. 305.* ubi pro hoc adducit Declarationem Capituli Generalis Salmanticæ. Et fundatur hoc in *cap. Exist. de verb. signif. in 6.* reducendo librorum scriptionem ad laborium in Regula nobis concessum, ut inde acceptemus aliquam sustentationem.

## TITULUS XVIII.

### DE LOCATO, ET CONDUCTO.

## CAP. I.

De Quidditate Contractus Locationis, & Conductionis.

1. **N**ota primò: continuat Papa discussionem Contractuum in specie, qui ultra citroque sunt obligatorii; & hoc tit. subjicit tractationem de Contractu Locationis & Conductionis; qui valde affines sunt Emptioni, & Venditioni; unde ferè iisdem regulis Juris consistunt, uti habetur *Instit. de Locat. & Conduct.* Et *L. 2. ff. Locati.* Tametsi autem hic Contractus sit quoque unicus; secundum tamen diversam considerationem personarum contrahentium, duplici nomine exprimitur, sicut Emptio-venditio; commodè autem per copulationem dici potest Locatio-Conductio. *Ly Locatum, & Conductum in tit.* sumitur pro contractu; non autem pro re ipsa locata, & conductæ.

2. Dico primò: rectè scribitur Locatio-conductio, quod sit contractus, quò res aliqua, vel persona alteri utenda, vel fruenda conceditur; & è converso pro tali usu & fruenda determinatum pretium, seu merces constituitur. Est in re communis apud DD. *Ly contractus* est genus: re-

liqua aptantur pro differentia. Dicitur *quò res aliqua*, ut exprimitur unum objectum, circa quod versatur contractus Locatio-conductio, quod est quævis res mobilis, & immobilis, Ecclesiastica & profana; v.g. fundus, domus, equus, & fructus decimarum, quæ suo modo locari, & conducì possunt. Dicitur *vel persona*, ut exprimitur alterum objectum, quod est homo, qui seipsum, vel suum servum potest locare alteri ad operandum, & varia ministeria exercenda. Dicitur *alteri utenda, vel fruenda conceditur*, ut ostendatur hunc contractum versari quandoque circa solum usum rerum, uti contingit in Locatione domus, & equi; quandoque circa usum, & fructum simul; uti contingit in Locatione vaccæ, & agri; & per hoc distinguitur iste contractus ab aliis, per quos transfertur dominium; ut à venditione, donatione, & mutuo; item à pignore, & deposito, in quibus res traditur custodienda, non verò utenda. Dicitur *è è converso pro tali usu, & fruenda pretium, seu merces constituitur*; ut ostendatur in hoc contractu debere intervenire pretium, & quidem in pecunia; nam si alia res detur pro pretio, erit contractus innominatus de uti de; & non Locatio.

CAP.



## CAP. II.

## Varia circa Locationem, &amp; Conductionem resolvuntur.

**D**ico primò: aliquæ res Ecclesiasticæ possunt licite ad breve tempus locari. Ita Glossa, Zoësi: Pith. &c. Et constat ex *Clement. 1. in fine.* Et *cap. 2. hoc tit.* ubi dicitur fructus decimarum posse dari *ad firmam*; id est locari. Et merito; quia per ejusmodi contractum non transfertur dominium; nec quidem utile *L. non solet ff. hoc tit.* Adeoq; Ecclesiæ per ipsum nihil præjudicatur. Breve autem tempus olim erat decennium, uti constat ex *Clement. cit.* Hodie verò per Extravag *ambitiose unic. de rebus Eccles. non alien. inter communes*, est triennium.

2. Dico secundò: nulla tamen res Ecclesiastica potest locari ad longum tempus, sine causa necessitatis, vel utilitatis, & Juris solemnitate. Ita communis DD. Et habetur *Clement. 1. de reb. Eccles. non alien.* Longum tempus censetur ad dies vitæ; & omne illud, quod est ultra triennium, ubi Extravagans *ambitiose* est recepta: ubi verò viget adhuc antiquum *Juscir. Clementine 1.* longum tempus censetur decennium.

3. Dico tertio: consummato contractu Locatio-conductionis regulariter tenetur, & cogi potest Locator ad rem locatam præstandam Conductori, ut eâ utatur, & fruatur ad tempus conventum. Ita communis DD. Et constat ex *cap. 1. hoc tit.* Et *L. si tibi alienam 7. ff. hoc tit.*

4. Dico quarto: Conductor quoque conclusio hoc tractatu tenetur, & potest cogi ad solvendam statim temporibus pensionem, seu mercedem. Ita communis DD. Et Ratio est, quia cum Conductor usum, & fructum rei conductæ consequatur, justitiæ consentaneum est, ut pensionem seu mercedem contractui stipulatam persolvat. Casus tamen quosdam ab hac conclusione exceptos, vide infra *conc. 7. & 8.*

5. Nota primò: Concilium Tridentinum *Sess. 25. c. 11.* vetuisse omnes Locationes, quæ sunt anticipatis solutionibus, in præjudicium successorum; ac quascunque Locationes in damnum Ecclesiæ contra canonicas Sanctiones factas, etiam si confirmatæ essent à Summo Pontifice; decernitque easdem esse irritas ac nullas. Successor non tenetur stare Locationi sui prædecessoris, quando is nomine

proprio, & in suam utilitatem fructus ac redditus suæ dignitatis, beneficii, vel officii locavit, uti notat Vallens. Ceterum si Prædecessor debite instituit aliquas Locationes licitas, tenetur stare; uti dicitur amplius infra.

6. Dico quintò: Conductor potest rem sibi locatam, alteri rursus locare. Ita communis Juristarum. Et habetur *L. si cui, ff. locati.* Et *L. nemo. C. de Locato*, quo casu tamen debet primus Conductor attendere, ut æquè digno fiat locatio; & quidem ad similem usum; ut habent passim DD.

7. Dico sexto: si contingat rem locatam divendi, censetur emptor esse potior (idem dicendum de Usufructuario, qui pariter potior est conductore.) unde non tenetur stare Locationi; debet tamen Conductori relinquere actio in Locatorem. Ita Jurisperiti communiter. Et colligitur ex *L. 25. ff. Locati Conducti.* Et *L. emptorem 9. C. de Locato*. Excipe nisi venditor esset ipse Fiscus, ut habetur *L. fin. ff. de Jure Fisci*: vel nisi partes in aliud circa hoc mutuo conspicerent, uti poterant.

8. Dico septimò: si contingat absque culpa personali Conductorem impediri ab usu, vel fructu rei capiendo ex re sibi locata; Conductor absolvitur ab onere reddendæ pensionis, in pactum deductæ; secus si ejus culpa oriatur impedimentum usus, vel fructus. Ita Covarr. Mol. Less. Navar. &c. Primum deducitur ex *L. Habitatorum ff. Locati*. Secundum constat ex *L. Qui operari. Et L. si uno. ff. Locati*.

9. Dico octavò: si contingat rem Locatam effici sterilem, vel notabiliter deteriorari inclementia cæli; hostium incursione; vel aliâ causâ extrinsecâ, absque culpa Conductoris, pro rata ei remitti debet pensio solvenda. Ita Rebell. Covarr. Laym. Pin. Less. &c. DD. Et resolvitur *L. Ex Conducto, ff. Locati*. Item *L. licet C. de Locato*. Item *cap. propter sterilitatem 3. de Locato & Conducto*; ubi dicitur: Propter sterilitatem efficiemem magnâ incommodâ Conductores vitio rei, sine culpa coloni, seu casu fortuito contingentem, Colonia Ecclesiæ tunc pro rata pensionis remissio est facienda.

10. Nota autem secundò: à Conclusionem excipi sequentes casus. Primò; nisi cum ubertate præcedentis, vel subsequents anni valeat sterilitas compensari: ita subdit *cir. cap. Juris Canonici*. Secundò; vel nisi aliud pactum à Locatore, & Conductore esset celebratum; ut scilicet Conductori nil de pensione remittatur; ut dicitur *L. si quis domum ff. Locati*. Tertiò; vel nisi Conductor sit Colonus partiarus, id est, qui aliquotam fructuum

partem pendere debet, v. g. quartam; cui pariter nil de pensione remittitur. Ratio est; quia ut dicitur *L. si merces, ff. Locati*; Partiarus Colonus, quasi Societatis jure, & damnum, & lucrum, cum Domino fundi patitur.

11. Dico nonò: Impèdia pro conservatione, aut reparatione rei locatæ v. g. ut facta tecta domûs locatæ conserventur, communes feræ reparentur, &c. item tributa, & onera publica, quæ ratione domûs, vel fundi locati debentur; debet Locator præstare. Ita Gomez, Laym. Lugo, Mol. & communis. Primum habetur per *L. Sed addet. Item L. Dominus; & L. Colonus, ff. Locati*. Quare si Locator hujusmodi expensas facere recusat, potest eas Conductor detrahare de pretio solvendo pro Locatione: vel si pretium totum jam persolverit; potest rem conductam tam diu retinere, quousque se solvat plenè. *L. si in arca ff. de condic. indub.* Secundum deducitur ex *Tit. 2. ff. de via publica*.

12. Dico decimò: Regulariter nec Locator, neque ejus hæres absque injustitia potest Conductorem spoliare usu, vel usufructu rei locatæ, ante lapsum temporis, in pacto Locationis expressi. Ita Herincx, Laym. & communis Juristarum. De Locatore patet ex *L. ne cui, C. de Locato*: Et *L. Eodem, C. eodem*. De hærede constat ex *Instit. de Locato*. Et *C. eodem*. Dixi: Regulariter; quia in quibusdam casibus permittit Jus, absque injustitia, hujusmodi spoliium, seu expulsiorem Conductoris; quos specificat *L. 3. Ede C. de Locato*; videlicet, si vel occurrat necessitas non prævisa reparandi ædes, quæ reparatio fieri nequit, manente in iis Conductore. Vel si ipse Locator ædes inhabitare necesse habeat. Vel si pensionem determinatam statuto tempore solvere neglexerit. Vel si aliis valde necessariis usibus ædes applicandæ forent.

13. Dico undecimò: Neque Successor in aliquo beneficio, neque Major effectus, potest regulariter ante finitum tempus privare Conductorem usu rerum, conductarum per Legitimum Prælatum, vel Tutorem. Ita Herincx, Zoëf. Vall. &c. Primum Arg. *L. si tutela, ff. de administr. Tutor*. Secundum constat ex *cit. L. expresse hoc statuente*. Et est Ratio; quia Tutor est Legimus Administrator bonorum pupilli; ergo ejus facta sunt rata; & consequenter etiam tactum Locationis rerum pupilli. Hactenus de Locatione, & Conductione rerum fuit sermo: nunc quod attinet personarum Locationem.

14. Dico duodecimò: Locanti personales suas operas reddi debet pretium justum, quod tali loco, & tempore, ejusmodi operariis, Offi-

cialibus, vel famulis solet dari; ita ut non deficiat ab infimo, nec excedat summum. Ita communis DD. Ratio est; quia hoc postulat Justitia commutativa, & æquitas naturalis. Deinde cum pro re locata dari debeat justa solutio, à potiori pro operis personalibus; unde & Scriptura ait: *Dignus est operarius mercede sua*.

15. Dico decimo tertio: si famulus locans operas suas personales, absque ratione à Domino ante definitum tempus expellatur cum damno suo; tenetur Dominus integram mercedem tam temporis præteriti, quam restantis extradere: si autem famulus ipsemet à famulatu se subtrahat, nec restantis temporis mercedem capere potest, nec jam acceptam retinere. Ita Lugo, Molin. & communis DD. Ratio est; quia hoc pariter exigit Justitia commutativa; & est æquitati naturali omninò consentaneum.

16. Dico decimo quarto: si Locator operarum personalium, incidente morbo pronotabili differentia temporis præpediatur ab operarum suarum debita exhibitione; non potest exigere, vel accipere integrum stipendium in contractu specificatum; nisi aliud in pactum fuisset deductum. Ita Covarr. Sylv. Lugo, Barbosa, &c. contra Azorium, de Cras. sis, Homobonum, Innoc. &c. Ratio est; quia quando stetit per Locatorem, ut Conductor rem locatam habere possit ad suum usum, pensio aut merces nova debetur pro rata ejus temporis; ut constat ex *L. si uno ff. Locati*: sed sic est in proposito; ergo, &c.

17. Dico decimo quinto: Conductor non obligatur ex justitia, bene tamen ex charitate, solvere expensas factas, pro gravi morbo sui famuli, etiam valde pauperis; sed potest eas defalcare ex mercede constituta. Ita Lugo, Rebell. Diana, &c. Primum de justitia constat; quia secluso contractu, non tenetur se Conductor damnificare, in gratiam Locatoris: ergo nec Dominus in gratiam famuli. Secundum de Charitate patet; quia charitas Christiana exigit, ut pro viribus proximi cujuscunque miseris succurramus, in gravi necessitate constituti: ergo à fortiori famulis.

## CAP. III.

### De Emphyteusi.

Nota primò: quoniam in Corpore Juris Papa reduxit ad hunc tit. Emphyteusim, ob maximam cum Locatione conductione affinitatem; ideò de ea pariter hoc tit. agetur. Est autem *Emphyteusis* vocabulum

bulum Græcum, Latine significans idem, quod *infusio*, seu *plantatio*; quia fundi sylvestribus fructibus, dumetis, aliisque infructiferis rebus repleti, olim dabantur ad Emphyteusim, & culturam, ut infusione, & plantatione frugiferorum meliorarentur; ita tamen, ut Emphyteuta solos fructus potuerit colligere, remanente dominio directo apud concedentem similes fundos; & quotannis certum pensum Domino suo, in recognitionem dare obligaretur. Unde

2. Dico primo: bene definitur Emphyteusis: quod sit *contractus, quo rei aliqua immobilis ad longum tempus alicui conceditur, quoad Dominium utile, sub aliquarum pensione solvenda Domino, in recognitionem Domini proprietatis*. Ita Molin. Laym. Lugo. Herincx & communis DD. *Ly contractus* est genus: reliqua ponuntur pro differentia.

3. Nota secundo: licet Emphyteusis quandam affinitatem habeat cum Venditione, Locatione, Censu resignativo, & Feudo: ut Laym. notat ex Claro; attamen in hoc differt à Venditione, quod in ea transferatur Dominium utile, & proprietatis; in Emphyteusi vero solum utile. A Locatione, quod res tam immobiles, quam mobiles possint locari; in Emphyteusim vero possint dari solæ immobiles. A Censu resignativo; quod in eo tam Dominium utile, quam plenum ac perfectum, in Censualitatem transferatur, reservata pensione solvenda; non tamen ita, ut si huiusmodi pensio, spatio duorum, vel trium annorum non exhibeatur, res cadat in commissum; sicut accidit in Emphyteusi; quippe per quam Jus non ita absolute translatum esse censetur; sed sub conditione, si tale quid prælitum fuerit. A Feudo; quod in eo loco realis pensionis, v. g. pecuniariz; vel alterius, præstetur fidelitas, vel obsequium personale ab habente Feudum.

4. Nota tertio: Emphyteusim aliam esse Ecclesiasticam; aliam Laicam. Ecclesiastica est; cuius Dominium proprietatis, seu directum, pertinet ad aliquam Ecclesiam. Laica; cuius Dominium proprietatis spectat ad aliquam sæcularem personam. Ad utriusque Emphyteusis valorem, requiruntur necessariæ sequentes conditiones. *Prima*; ut de ea extet instrumentum scriptum; ita colligitur ex *L. 1. c. de Jure Emphyteus.* Nisi Emphyteuta se defendere possit Jure præscriptionis legitimæ, vel testibus fide dignis, in defectu Scripturæ, producendis. *Secunda*; ut Emphyteuta non dete-

rioretrem in Emphyteusim datam, v. g. excisciendo arbores, villas diruendo; alioquin ei auferri potest; juxta *Authen. qui rem C. de SS. Ecclesiæ*; quare ad ipsum spectat conservatio rerum Emphyteusi subiectarum, v. g. reparatio forlarum, aggerum, ædium, &c. ut habent Juristæ communiter. Si tamen eum aliquid de novo ædificare urgeat, quod Contractui insertum non fuit; ejus impendia repetere potest à Domino proprietatis; ut deducitur ex *L. Pampinianus ff. soluto Matrim. Tertio*; ut solvat annuam pensionem Domino proprietatis; sicut habetur *Instit. de Locat.* alioquin si non solverit integrò triennio, in Emphyteusi Laica; vel vel biennio in Ecclesiastica, totus fundus v. g. redit ad Dominum Proprietatis cum melioramentis; ut habetur *L. 2. C. de Jure Emphyteu.* Et *Auth. qui rem, Ec. de SS. Ecclesiæ Et cap. potuit, de Locat.* Excipe, nisi Emphyteuta vel ignorantia; vel compensatione facta ob debitum, quod habuit apud Dominum; vel oblata pensionis rejectione à Domino facta; vel alia iusta causâ se defendere possit: ut habet Glossa, Molin. Laym. Navarr. &c. *Quarta*; ut Emphyteuta rem Emphyteuticam non vendat absque consensu Domini; aliâs omnia recidunt ad Dominum proprietatis; juxta *L. 3. C. de Jure Emphyteu.* Et *cap. potuit, de Locat. Quinta*; si res Emphyteutica sine culpa Emphyteutæ pereat, cesset obligatio dandi annuam pensionem; ut habetur in *C. de Jure Emphyteu. Sexta*; ut quoties Donatione, Venditione, vel permutatione alienatur res Emphyteutica, novus Possessor solvat Domino directo Laudemium (quod est Jure communi quinquagesima pars pretii, seu æstimationis; consuetudine vero trigesima) idque ratione investituræ, seu possessionis, quam ab ipso accipit. Ita habetur *L. 3. C. de Jure Emphyteu.*

5. Nota quarto: Prælati non potest spectato Jure communi, & seculis consuetudine, bona Ecclesiæ, quæ pleno Jure ad ipsum spectant, de novo dare in Emphyteusim perpetuam; aut in aliquas generationes; absque iusta causâ necessitatis, vel utilitatis, & absque solemnitatibus à Jure præfixis, nimirum consensu Capituli, & Superioris autoritate. Ratio est; quia cum in Emphyteusi jus utilitatis transferatur in alium; idè alienationis nomine in rebus Ecclesiasticis prohibetur, comprehenduntur; ut



constat ex *cap. nulli* junctâ Glossâ ver. *alienationes, de rebus Eccles. non alien.* Justa autem causa censetur esse, si terræ Ecclesiasticæ sint incultæ, & quæ sine labore excoli non possunt. Sitamen bona Ecclesiæ, v. g. fundi jam antea fuissent dati in Emphyteusim; revertantur tamen ad Ecclesiam ob mortem. Emphyteutæ sine hæreditatibus; vel ob ejus delictum; vel ob tempus concessionis jam elapsum; tunc Prælati absque Juris solemnitatibus potest rursus simili modo eos dare in Emphyteusim; etiam non obstante juramento de non alienando res Ecclesiæ: dummodo subsit tali in Emphyteusim concessionem iusta causa, scilicet Ecclesiæ utilitas; uti colligitur ex *cap. 2. de Fendis*; ubi habetur, Episcopum posse rem Ecclesiæ jam antea in Feudum datam, iterum in Feudum concedere: ergo pariter potest dare in Emphyteusim fundos, qui antea jam fuerant sic concessi. Et constat clarè hæc resolutio ex *Extravag. ambrosiana, unic. inter communes; de rebus Eccles. non alien.* Excipe, nisi fundus Emphyteuticus reversus ad Ecclesiam, desuper fuisset mensuræ Prælati applicatus, ac incorporatus; uti notat Abbas, & Azor. Aut mutatus fuisset status rerum, & causa primæ concessionis; v. g. si Ecclesia non egeat amplius defensore laico; & propterea castrum tale concessit in Emphyteusim tali laico potenti, cujus defensione opus tunc habet. Vel si Ecclesia nunc ipsamet utilius colat fundum olim in Emphyteusim datum; cum abundet colonis suis; uti sumitur ex *cap. 2. de Fend.*

6. Nota quintò: si contingat Emphyteutam profiteri Religionem; tunc Emphyteusis rerum immobilium transit in Mona-

sterium seu Ordinem; si ille sit capax, & Emphyteusis sit hæreditaria: debet tamen Monasterium, seu Ordo eam vendere, vel alio modo alienare; quia aliàs redderetur deterior conditio Domini directi; quippè qui amitteret omnem spem accipiendi unquam Laudemium, & redeundi ad se utilis dominii. Si verò Emphyteusis non sit hæreditaria, sed ex pacto; tunc ea non transit ad Monasterium seu Ordinem: sed in illa succedunt Religiosi; qui ex investitura ad illam vocantur: utilius tamen Emphyteusos interim dum Religiosus Emphyteuta professus vivit, ad Monasterium pertinet: & si post mortem illius nullus adsit, qui vocetur ex investitura, Emphyteusis talis revertitur ad Dominum directum, seu proprietarium; uti habet Molin. Pirh. Laym.

## CAP. IV.

### Quid de Locato in Ordine S. Francisci.

1. **D**ico primò: Non licet Fratibus Minoribus aliquid locare in beneficium Ordinis sui. Ita S. Bernardinus in *Opusc. casuum propriæ*. Et habetur in *Declarat. Regulæ Nicolai III. & Clementis V.* Et in *Constit. General. Salamæ, & Vallisolet.* Et modernis, *cap. 6. §. 2. n. 1.* ubi dicitur: *Decernimus, ne terrula, prætata, viridaria, & domus præsertim Conventuum, qui extra Civitatem & terras ex quavis causa destructi sunt, etiam per Syndicos Apostolicos locentur: ubi etiam adduntur pœne contra Fratres locantes.*



TITU-

# TITULUS XIX.

## DE RERUM PERMUTATIONE.

### CAP. I.

Quid sit permutatio ; & quæ  
res sint permutabiles ; vel  
non.

1. **N**Ota primò : Etiam Contractus per-  
mutationis est affinis contractui em-  
ptionis , & venditionis ; cùm in  
emptione res vendita verè permutatur cum  
pretio : unde merito Papa apponit *hunc tit.*  
*de permutatione* ; quæ est contractus quidam  
Juris gentium innominatus, bonæ fidei, re  
& consensu constans ; ut notant hic Inter-  
pretes. Permutatio habet duplicem acce-  
ptionem ; unam latam seu generalem , in  
qua complectitur omnes contractus recipro-  
cos tam nominatos quàm innominatos , in  
quibus omnibus unum pro alio permutatur  
seu datur v.g. in contractu locationis, usus  
rei, vel operarum pro mercede pecuniaria ;  
in contractu venditionis res pro pecunia &c.  
Alteram verò acceptionem habet strictam,  
& specialem , in qua una species pro alia  
permutatur, quæ non sit pecunia, vel pre-  
tium, v.g. annulus aureus pro catena ; vel  
equus pro bove ; vel unus fundus pro alio  
fundo datur. De Permutatione in hac ac-  
ceptione stricta agitur hîc , & quatenus est  
contractus specialis.

2. Dico primò : benè describitur Per-  
mutatio , de qua hic , quod *sit contractus*  
*specialis, quò una certa species pro alia certa spe-*  
*cie commutatur, seu presentatur.* Ita colligi-  
tur ex *L. 1. ff. hoc tit.* *Ly contractus* est genus ;  
reliqua ponuntur pro differentia. *Ly spe-*  
*cies* hic à Jurisconsultis significat idem, quod  
apud Philosophos individuum ; sicut &  
quod apud Philosophos est *species*, apud Ju-  
risconsultos est *genus* ; vel *quantitas*, si in  
numero, pondere, aut mensura consistat.

3. Dico secundò : omnes res sæcula-  
res, & profanæ, corporales, & incorpora-  
les, mobiles, & immobiles, quæ sunt in  
commercio hominum, & specialiter vetitæ  
non sunt permutari, possunt inter se per-

mutari. Ita Vallens. & alii DD. Ratio  
est ; quia res præfatæ vendi, emi, locari,  
ac aliis contractibus subalternari possunt ; adeo-  
que etiam inter se permutari.

4. Dico tertio : res autem spirituales ;  
cujusmodi sunt Ecclesiæ, & beneficia Ec-  
clesiastica, Jura spiritalia, ut Jus percipi-  
endi decimas, & similia, pro temporalibus  
rebus, permutari nequeunt. Ita Engel,  
Abbas, Vallens. &c. Et constat ex *cap. fin.*  
*hoc. tit.* Estq; Ratio ; quia talium permuta-  
tio non caret labe Simonie.

5. Dico quarto : similiter res tempora-  
les ad Ecclesias pertinentes, sive immobiles,  
sive mobiles pretiosæ, quæ servando servari  
valent, regulariter permutari nequeunt,  
absque justa causa utilitatis, & sinè solemni-  
tatibus à Jure requisitis ; similia autem  
permutationes ab antecessoribus Prælati-  
bus possunt à Successoribus Prælati-  
bus revocari. Ita Glossa, Pirh. Vallens. & commu-  
nis DD. Ratio primi est ; quia Permuta-  
tio est species quædam alienationis, *cap.*  
*nulli de reb. Eccles. non alien.* Unde sicut res  
Ecclesiasticæ absque justa causa vendi ne-  
queunt ; ita nec permutari. Secundum  
de revocatione permutationum indebitè  
factarum habetur *cap. 2. hoc tit.*

6. Nota tamen secundò : si tamen Prin-  
ceps petat rem immobilem temporalem per-  
tinentem ad Ecclesiam permutari cum alia  
mobili æqualis pretii, vel majoris ; v. g.  
villam ; poterit licite fieri hujusmodi per-  
mutatio ; de communi tamen consensu u-  
triusque partis, scilicet Principis, & Eccle-  
siæ, ac cum solemnitatibus Juris ; id est  
consensu Capituli, autoritate Superioris,  
& pragmatica sanctione super hoc promul-  
gatâ ; ut habetur *cap. 1. hoc tit.* quod est de-  
sumptum ex *Authen. de non alienan. aut per-*  
*mut. reb. Eccles.* Estq; Ratio ; quia me-  
rita Principum erga Ecclesias, & honor ipsis  
debitus hujusmodi permutationem admittit,  
quando abest Ecclesiæ damnificatio, & ac-  
cedunt dictæ conditiones. Est autem *Prag-*  
*matica Sanctio* decretum Principis super  
causa publica cum consilio Procerum facta,  
*L. ult. ff. ult. ff. de divers. rescript.*



7. Dico quintò : iter ea , quæ permu-  
tari nequeunt , recensentur quoque man-  
cipia, & servi Ecclesiæ ; quæ proinde pro aliis  
mancipiis commutari non debent ; nisi in  
ordine ad libertatem ; hoc pacto nimirum  
ut illa mancipia , quæ erant Ecclesiæ asse-  
quantur perpetuam libertatem ; alia verò vi-  
delicet laicorum, quæ pro illis commutantur,  
subiciantur servituti Ecclesiæ. Ita Glossa,  
Pirh. & communis DD. Et habetur *cap.*  
*mancipia 3. hoc tit.* Et *cap. injustam 4. hoc*  
*titulo.*

## CAP. II.

### Qua ratione Res Ecclesiasticæ inter se possint permu- tari.

**D**ico primò : res tamen spirituales,  
& Ecclesiastica cum alia spirituali  
& Ecclesiastica v. g. unum bene-  
ficio Ecclesiasticum, cum alio simili ;  
vel una Ecclesia pro alia Ecclesia permuta-  
ri licetè potest. Ita Glossa, & communis  
DD. Et constat ex *cap. ad quæstiones 6. hoc*  
*tit.* ubi permittitur permutatio duarum Ec-  
clesiarum Parochialium. Et *cap. cum vene-*  
*rabilis 6. de except.* ubi pariter una Ecclesia  
cum omnibus suis possessionibus pro alia  
commutari permittitur. Estque Ratio ;  
quia talis Permutatio ex se non involvit ali-  
quam labem Simonie.

2. Nota autem primò : ut una Eccle-  
sia, vel beneficium cum altera Ecclesia, vel  
beneficio ritè permutari valeat, debent ad-  
esse sequentes Conditiones. *Prima*, ut uter-  
que permutans habeat jus in beneficio,  
quod permutatur; juxta *cap. cum universorum 8.*  
illis verbis, *prebendarum suarum, hoc tit.*  
Unde si unus permutantium non habet jus  
in beneficio permutato ; sed illud acquisi-  
vit per Simoniam ; vel aliter sine vero titu-  
lo ; tunc permutatio instituta collabitur, &  
irrita evadit ; & alter permutans potest redi-  
re ad beneficium, quod resignaverat, absque  
ulla nova collatione, *cap. cum universorum.* Et  
*cap. si beneficia ; de preb. in 6.* *Secunda* condi-  
tio est, ut accedat Superioris autoritas ; &  
ut permutantes resignent utrinque sua bene-  
ficia in manibus ejus ; uti constat ex *cap.*  
*unic. ibi in manibus suis ipsa resignant ; hoc tit. in*

6. & aliter permutantes privandi sunt benefi-  
ciis, *cap. cum olim 7. hoc tit.* *Tertia* est, ut secutâ  
permutatione ex utraque parte, & admissa à  
Superiore, beneficia vacantia à Superiore  
ordinario conferantur ipsis permutantibus ;  
non autem tertio ; aliàs collatio est, nulla,  
*cap. unic. cit.* *Quarta* est, ut permutatio fiat  
ex causa justa, quam cognoscere, & judicare  
debet Superior ; uti constat ex *cap. ad quæ-*  
*stiones 6. hoc tit.* Justæ autem causæ sunt utilitas,  
& necessitas Ecclesiæ ; uti patet ex *eod. cap.*  
imò probabiliter etiam sufficit utilitas, seu  
commodum ipsarum personarum permutan-  
tium ; dummodo indirectè saltem, & consecutivè  
redundet in utilitatem ipsius Ecclesiæ ; uti  
notat Glossa, Abbas, Azor. Garc. &c. *Quinta* est,  
ut permutatio instituaturs requisi-  
to consensu Patronorum, seu eorum qui  
jus eligendi vel conferendi, vel præsentandi  
ad beneficium commutatum habent ; uti  
observat Glossa, Garcias, &c.

3. Nota secundò : permutatio benefico-  
rum Ecclesiasticorum cum præfatis condicio-  
nibus facta, subsistit in suo robore, etsi ter-  
tius adesset in diocesi, qui haberet gratiam  
expectativam à Papa ad beneficium, quod  
jam vacat, vel proximè vacaturum est ;  
uti constat ex *cap. licet unic. hoc tit. in 6.* Ni-  
si permutatio instituta fuisset in fraudem,  
habentis talem expectativam ; nam si fraudis  
commissa fuisset, ipse expectans potest præ-  
tendere unum ex permutatis beneficiis, ac si  
illud vacasset per mortem, vel resignationem ;  
uti colligitur ex *cit. cap.* Et habet  
Glossa Pirh. &c.

4. Nota tertio : communiter omne  
beneficium Ecclesiasticum, posse permuta-  
ri cum alio ; exceptis sequenti notab. asse-  
rendis : cum indefinitè beneficiorum,  
Ecclesiasticorum, permutationem inter se,  
servatis servandis, permittant. Imò &  
unum, cum pluribus ; & plura cum uno ;  
dummodo illa plura sint, compatibilia ;  
ita ut citra dispensationem Apostolicam  
simul obüncri valeant ; uti advenit Azor.  
& Garc. Quare permutari poterunt beneficia  
inæqualia in temporalibus, vel spiritualibus  
annexis ; quatenus v. g. unum habet pingvio-  
res redditus ; vel annexam dignitatem. Item  
beneficia manualia, commendata perpetua,  
pensiones in titulum erectæ, &c. ut habent  
Suar. Pirh. Azor. &c.

5. Nota

5. Nota quartò : non possunt autem commutari beneficia commodata ad tempus : nec beneficia unita alicui Ecclesiæ, vel Monasterio, vel alteri beneficio : nec beneficia reservata Papæ auctoritate Ordinariorum possunt permutari : nec litigiosa cum aliis litigiosis. Nec beneficium cum alio Jure spirituali diversi ordinis v. g. jure patronatûs, aut decimarum permutari potest ; uti habet Azor. Suar. & communis DD. nam Jure Canonico permutatio solùm permittitur inter beneficia ; non autem eorum cum rebus diversi ordinis.

### CAPUT III.

Quid de permutatione in Ordine S. Francisci.

1. Dico primò : Tametsi Fratres ipsi Minores Observ. & Reform. nequeant celebrare contractus formales per-

mutationum rerum Ordinis sui ; possunt tamè id præstare Syndici Apostolici Conventuum, in utilitatem Eorundem. Ita S. Bernardinus in *opusc. casuum propriæ*. & communis DD. Primùm constat ex *cap. 1. Regulæ*, quod aufert à Fratribus Minoribus omnem proprietatem rerum, quam supponit contractus permutationis in permutante. Tum ex *cap. Exiit. 3. de verb. signif. in 6.* Secundum habetur in *eodem cap. 3. & in Constit. General. modernis cap. 4. §. 1. n. 2.* ubi dicitur ; quòd *Syndici Apostolici tanquam Legitimi Procuratores Apostolici, juxta placitum Superiorum, oblata, & relicta, expendere, distrabere, & commutare possint pro necessitatibus Fratrum.*

## TITULUS XX. DE FEUDIS.

### CAP. I.

De Quidditate, & Multiplicitate Feudorum.

1. Nota primò : inter speciales contractus refertur quoque à Papa Contractus Feudalis, seu Feudum, quem duobus duntaxat capitulis expedit ; in Corpore verò Juris Civilis integris duobus libris, & pluribus titulis expeditur ; ex quibus etiam nonnulla ad hunc tit. revocabo, ut completus evadat ; & quia Feudorum distincta cognitio valde etiam necessaria est Canonistæ. Ly *Feudum* ergo sic dicitur à *Fide*, seu *Fidelitate*, quàm Vassallus Domino suo præstare obligatur ; uti dicitur *lib. 2. Feud. per quos fici investitura.* Probabilius est, Feuda primitus non à Romanis, vel Gallis ; sed à Longobardis constituta fuisse ; uti advertit Engel : unde etiam in *libris Feudor. sæpius fit mentio eorundem Longobardorum, & Legum Longobardicarum* ; ut *cap. 1. de Feudi cognitione.* Et *cap. 1. de contentione inter Dominum & Fidelem* : & propterea etiam plura vocabula Feudalia arguunt linguam Longobardicam. Accipitur autem Ly *Feudum* tum pro re, quæ in Feudum datur ; tum pro contractu Feudali ; de eo ut est contractus quidam.

2. Dico primò : rectè describitur Feudum in ratione contractûs, quòd sit contractus,

quò dominium utile alicujus rei immobilis alicui benevole perpetuò conceditur pro fidelitate, & servitio personali exhibendo Domino directo ; remanente dominio proprietatis apud infendantem. Ita constat ex *lib. 2. Feud. tit. 23. in quibus causis Feudum amittatur.* Ly contractus est genus ; reliqua collocantur pro differentia. Dicitur contractus, quò dominium utile alicujus rei, ut Feudum distingvatur ab usufructu simplici, qui jure servitutis debetur, & quò non transfertur dominium utile, estque servitutis personalis, quæ morte usufructuarii expirat ; non sic autem Feudum, quod transit ad hæredes. Dicitur rei immobilis, ad ostendendum, rem mobilem non posse dari in Feudum ; uti dicitur *tit. 1. lib. 2. de usus Feudorum.* Veniunt autem hic nomine rei immobilis non tantùm res corporales, ac adhærentes solo ; ut castra, & prædia ; sed etiam Jura incorporalia, quæ immobilibus annumerantur ; ut jura piscandi, venandi, jurisdictionem exercendi, vestigalia accipiendi, & similia ; imò & redditus annui, ac fructus pendentes ; uti habet Glossa, Engel, Pirh. &c. Dicitur alicui benevole conceditur, ad ostendendum Feudum esse speciem beneficii, & ordinariè gratis dari à Domino, utis pro suo honore conservando, vel augendo Vassallum sibi ad fidelitatem, & servitium obligatum habeat, *arg. cap. 1. de Feudo dato in vicem legis commissoria.* Non est tamen de substantia Feudi, ut merè gratuitò detur ; nam etiam

etiam Feudum emi potest, *cap. unic. de natura Feudi* : dummodo minori pretio ematur, quam in se valeat. Et etiam aliquando aliquid solvi solet in recognitionem Domini re-cti. Dicitur & perpetuo conceditur; nam villa v. g. quæ benevolè ad tempus tantum conceditur alicui, non censetur esse Feudum in rigore; uti observant interpretes Feudorum. Dicitur *pro fidelitate, & servitio personali exhibendo Domino directo*, ut ostendatur finis concessionis Feudi, qui est fides, & obsequium personale quasi compensationis vice retribuere Domino directo. Additur *remanente Dominio proprietatis apud infendantem*, ad ostendendum Feudatarium non accipere dominium proprietatis; sed illud retineri ab infeudante.

3. Nota secundò : Feudum cum Emphyteusi in multis convenire; in quibusdam tamen discrepare. Convenit cum Emphyteusi primò; quòd constituitur in re immobili, sicut Emphyteusis. *Secundò*; quòd in Feudo, sicut in Emphyteusi fit translatio tantum ususfructus in Vassallum, non Domini: ut dicitur *lib. 2. Feud. cit.* Tertiò; quòd Vassallus debeat investiri, & in possessionem mitti à Domino directo, sicut Emphyteuta; ut habetur *loc. cit. Tit. 26.* Quarto; quòd Vassallus nequeat alienare Feudum sine consensu Domini proprietatis: uti habetur *loc. cit. Tit. 52. de prohibita Feudi alienatione per Fridericum c. Imperialem.* Quintò; quòd cò finito sine culpa Vassallus omnia melioramenta retineat; uti habetur *loc. cit. Tit. 28.* Differt verò Feudum ab Emphyteusi primò: quòd Emphyteuta debeat præstare Domino annuum pensionem realem: Vassallus verò solum obsequium personale; uti habetur *loc. cit. 6. & 7.* Secundò; quòd tam primus Vassallus, quam ejus descendentes, & successores Domino proprietatis debeant præstare juramentum, & intra annum petere renovationem investituræ: quod pariter repetere debent apud successorem Domini proprietatis, si cum mori contingat; uti habetur *loc. cit. C. 24.* quòd non tenetur præstare Emphyteuta. Tertiò; quòd in Emphyteusi fiat successio, etiam à feminis; in Feudo verò à solis masculis. Quòd si extingvantur omnes masculi descendentes Vassalli, succedunt agnati Laterales, sine restrictione ad ullum gradum septimum, vel ulteriorem; ita habetur *loc. cit. Tit. 50.* unde extat Regula generalis in hac materia; *Quòd ultimus agnatus primus acquirens successor sit, etiam si feudum per mille manus transierit.* Quintò: quòd Emphyteusim adire possint nò tantum Laicæ personæ; sed etiam Ecclesiasticæ; imò & Monachi nomine sui Conventus; modò hi statim vendant rem Emphyteuticam, & provideant

Domino directo de solutione Laudemii; Feudum verò adeunt solæ personæ Laicæ; uti habetur *loc. cit. Tit. 26.* nam ut dicitur *loc. cit. Tit. 21. Desinit esse miles seculi, qui factus est miles Christi: nec beneficium pertinet ad eum, qui non potest gerere officium.* Sexiò; in Emphyteusi seculari succedere possunt omnes Filii naturales, & illegitimi; non verò in Feudo; ut habet communis Juristarum.

4. Nota tertio circa divisionem Feudi: illud primò parti in novum, & antiquum. Feudum novum dicitur illud, quod noviter alicui conceditur, atque in persona talis investiti sumit initium. Antiquum est, quod jam per successionem à primo acquirentem ad alios est devolutum. Secundò dividitur in personale, familiar, & hæreditarium. Feudum personale dicitur illud, quod primum Vassallum non egreditur; talia sunt Feuda Camere, Soldate, & similia. Feuda familiar (quæ & Feuda ex patre, ac providentia dicuntur) sunt illa, quæ concessa sunt in favorem & conservationem alicujus familiar. Hæreditaria sunt, in quibus non solum agnati primi Vassalli acquirentis; sed etiam quicunque hæredes extranei, ad intestato, vel ex testamento venientes succedere possunt. Tertiò secatur in Ecclesiasticum, & secular. Ecclesiasticum Feudum est, quod constituitur à Prælato alicujus Ecclesiæ, ex bonis ad Ecclesiam pertinentibus. Seculare est, quod constituitur à Principe, vel alio Domino seculari; vel etiam ab Ecclesiastico; sed tamen ex bonis patrimonialibus, & temporalibus; ubi non tam constituitur Feudum; quam res ipsa temporalis in Feudum data attenditur. Quarto partitur in masculinum, & femineum. Primum est, quod ad mares tantum transit. Secundum quod etiam ad feminas devolvitur in defectu masculorum. Plures alias divisiones vide apud Engel, Azor, Fagn. &c.

## CAP. II.

### Varie Resolutiones circa Feuda.

I. Dico primò: si contingat aliquem Feudatarium alicujus Ecclesiæ ob acceptam mutuo ab illa Ecclesiæ pecuniam, Feudum eidem oppignorare; non tenetur Prælati talis Ecclesiæ fructus illius pignoris computare in sortem, seu summam capitalem mutuo datam; dummodo Vassallus interea sit immunis à servitio personali exhibendo, quod alias Ecclesiæ præstare obligabatur. Ita Abbas, Fagn. Pirh. &c. Et constat ex *1. hoc tit.* Et Ratio desumitur ex natura



natura seu conditione Feudi, quæ est, ut fructus ex re oppignorata Domino directio debeant percipi ab ipso Vassallo, si exhibeat servitium; non autem si illud non exhibeat.

2. Dico secundò: quando Feudatarius Ecclesiæ moritur absque hærede masculino, & hac ratione Feudum revertitur ad Ecclesiam, potest Prælatus illud liberè seu pro suo arbitrio, & absque ullis solemnitatibus Juris alteri concedere, ac reinfundare, si cum Ecclesiæ utilitate id fieri judicet. Ita Abbas, Rosenthal, Valleng, &c. Et habetur *cap. 2. hoc tit.* Quod procedit etiam si Prælatus jurasset se illud de novo non daturum in Feudum inconsultò Romano Pontifice; quia illud juramentum intelligi debet de iis rebus, quæ antea non sunt solitè in Feudum dari; ut notat Valleng.

3. Nota autem primò: conclusionem locum non habere, si illud Feudum reversionem jam sit unitum, ac incorporatum mensæ Prælati; tunc enim cessat esse feudale, & consequenter alius in eo infeudari nequit absque consensu Capituli: imò & Romani Pontificis, quando Prælatus juravit, se nil alienaturum de rebus Ecclesiæ Papæ inconsultò; ut notat Rosenthal, & Pirh. Item quando consuetudo specialis talis Ecclesiæ, vel conventio vetat novas reinfundationes, absque consensu Capituli: quæ proinde erit observanda: ut notant *cui. DD.*

4. Dico tertio: si aliquis Vassallus illicitè, & sine consensu Prælati quæ Domini alienet Feudum Ecclesiæ, ideòque illud reversionem censetur ad Ecclesiam; tunc poterit hoc casu Prælatus tale Feudum alteri dare, etiam filio, vel consanguineo Vassalli alienantis. Ita Valleng, Abbas, Pirh, &c. Et habetur *cap. 2. hoc tit.*

5. Dico quartò: similiter si quis Vassallus alienet Feudum Ecclesiæ citra voluntatem Domini infeudantis, & propterea illud revertatur ad Ecclesiam, sed tamen recuperatu difficile evadat ob potentiam illius, in quem alienavit; tunc Prælatus potest illud sine solemnitatibus, imò non obstantè juramentò de non alienando res Ecclesiæ, alicui personæ potentiori cedere, ut eà mediante Ecclesia Feudum recuperet; & talis potentior tenetur Ecclesiam recognoscere tanquam sui infeudatricem. Ita Abbas, Rosent, Valleng, &c. Et habetur *est. cap. 2.*

6. Dico quintò: res spirituales, Religiosæ, & sacræ per se nequeunt in Feudum dari; uti nec bona Ecclesiastica temporalia ad fabricam Ecclesiæ, & mensam Prælati pertinentia, sine consensu Capituli, & Superioris auctoritate. Ita Rosent, Pirh, Laym, &c. Ratio primi est; quia hæc non sunt in commercio ho-

minum, ac in nullius bonis existunt, *arg. L. pat. l. 72. §. fin. Dixi per se*; quia accessorie dari possunt in Feudum; scilicet una cum re, cui coherere censentur: v.g. Jus patronatus cum castro, quod in Feudum solitum est dari. Secundum constat ex *lib. 1. Feud. tit. 6. Episcopum, Abbatem, &c. Feudum dare non posse.* Et quæ Ratio; quia concessio Feudi est species alienationis: adeòque sicut hæc, ita & Feudum sine recensitis solemnitatibus Juris concedi nequit.

7. Dico sextò: si contingat Feudatarium Clericum committere delictum aliquod v.g. prodicionis, vel patricidii; tunc Feudò privari potest, & debet, si Feudum illud sit patrimoniale, aut paternum, seu Privatum: si verò sit annexum Sedi Ecclesiasticæ, ac dignitati, quam tunc gerit talis Clericus Feudatarius; tunc Sedes Ecclesiastica non est privanda Feudò. Ita Rosent, Innoc. Pirh, &c. Primum sumitur ex *lib. 2. Feud. tit. 40. de Capitulis §. item si Clericus.* Secundum patet ex illa regula Juris 76. in 6. *delictum persona non debet in Ecclesie detrimentum redundare.* Vivente tamen tali Clerico Feudatario, etsi sit Prælatus administrationis, Feudum quoad communem fructuum perceptionem reddit ad Dominum directum, etiam Laicum, & Prælatus illis privatur: eò verò mortuò, vel depositò, fructus revertuntur ad Successorem; uti habetur *cui. lib. 8. tit. Feud.*

8. Nota secundò: tametsi Jure communi Feudorum Clericus regulariter non possit succedere in Feudo, uti constat ex *cap. un. de Feudo famina lib. 3. tit. 30.* cujus Ratio datur *lib. 2. Feud. tit. 36. in cap. un. de Vassallo militis, &c.* eò quod desit esse miles sæculi, qui factus est miles Christi; nec beneficium pertineat ad eum, qui gerere nequit officium. Attamen Jure Canonico non tantum Ecclesiæ, & Monasteria, sed etiam Clerici, ac Religiosi possunt possidere Feuda de novo; uti patet ex *cap. transmissa 6. & seq. de foro competentis.* Et *cap. unic. §. verum de stat. reg. in 6.* Quare Leges Feudales in hoc passu non sunt receptæ à S. Canonibus; nec valent, cum disponant de rebus ad Ecclesias, vel Ecclesiasticas personas pertinentibus: in quas potestatem non habent, *cap. quæ Ecclesiarum 8. de Constit.*

9. Dico septimò: Feudatarius nequit alienare Feudum sine consensu Domini directi infeudantis; & alienatio aliter facta est nulla; & alienans amittit Feudum. Ita Clarus, Valleng, Zoësius, Rosent, &c. Et habetur *cap. Imperialem de prohib. Feud. alien. per Lotharium, lib. 2. tit. 52.* Et colligitur ex *cap. 2. hoc tit.* Intelligitur hic nomine alienationis non tantum

venditio ; sed quilibet alius contractus , & actus , quò transfertur Dominium reale in alium absq[ue] consensu Domini directi ; uti patet ex *unic. qualis. poter. olim Feudum alien. lib. 2. tit. 9.* Unde nequit Feudatarius Feudum uxori dare in dotem ; nec testamentò relinquere alicui ; nec donare inter vivos ; nec mortis causâ ; nec dare in Emphyteusim ; nec locare ad longum tempus ; nec permutare ; nec oppignorare ; uti habet Clarus , Pirh. Rosent. &c.

10. Dico octavò : Feudatarius tamen potest Feudum alienare cum consensu Domini infeudantis ; uti & alterum subinfeudare , etiam sine consensu Domini directi. Ita Vallens : Clarus , Rosent. Pirh. &c. Primum constat ex *cap. unic. §. etsi Clientulus , de alienat. Feudi lib. 2. tit. 13.* Secundum verò ex *cap. unic. §. si verò , in prin. qualiter etiam poter. Feud. alien. lib. 2. tit. 9.* Etq[ue] Ratio ; quia prior Vassallus , seu Feudatarius manet nihilominus in solidum obligatus suo Domino ; & subvassallus saltèm mediatè servire cogitur Domino superiori ex mandato subinfeudantis ; uti advertit ex Rosenthal Pirhingus.

### CAP. III.

Quibus modis acquirantur , & amittantur Feuda.

1. Nota primò : tribus modis acquiruntur Feuda , scilicet pactò cum investitura ; præscriptione , & successione. Pacti nomine hic venit contractus Feudalis , quò Dominus concedit alicui rem suâ jure Feudi. Namine *Investitura* intelligitur introductio actualis in possessionem rei feudalis , v.g. castri : & hæc est investitura propria. Datur etiâ impropria , sicut in curia Domini , ubi Feudatario datur vexillum , hasta , sceptrum , aut aliquid simile , cum expressione verborum idoneorum , quòd hæc fiant intentione investiendi : Hæc investitura fit coram Paribus Curie , seu aliis Vassallis , saltèm duobus ; aut si nulli tales adfint ; vel nimirum distent ; aut Feudum sit Ecclesiasticum ; quibus casibus peragitur Investitura impropria coram aliis testibus , *cap. 1. quid sit investitura. Et cap. uni. si de investitura. &c.*

2. Nota secundò : Præscriptione acquiruntur Feuda , quando Vassalli per 30. annos rem eamquam feudalem possederunt , & se fideles exhibuerunt , ac servitia præstiterint , *cap. si quis per 30. si de Feudo defuncti. &c.* Sed in Feudo Ecclesiastico requiruntur 40. anni , *arg. Authent. quas actiones C. de SS. Ecclesiis. Et cap. ad aures , de prescript. Successione* acquiruntur Feuda , quando moritur Feudatarius , quo casu consanguinei illud acquirunt. Et quidem omnium primò succedunt *descendentes* , id est filii , & Nepotes ; habetq[ue] hic locum Jus repræsen-

tandi ; unde si adfit filius Vassalli defuncti ; ex alio autem filio prædefuncto nepos : tunc hic nepos repræsentat Patrem defunctum , & una cum filio succedit , *cap. 1. in prin. & ibi DD. de successione Feudi.* Debent autem Filii , qui ad successionem feudalem vocantur , esse naturales , & legitimi simul ; id est ex justis nuptiis procreati. Unde

3. Nota tertio , à Successione in Feudis excluduntur primò , filii naturales tantum , id est progeniti ex concubina ; uti dicitur *loc. cit. §. naturales. Si de Feudo defuncti ; controversia sit. Secundo* excluduntur filii adoptivi *cit. loc. §. adoptivi. Si de Feudo defuncti contentio sit. Tercio* Filii muti , surdi , cæci , aut simili defectu Physico laborantes ; uti dicitur *cit. an mutus vel imperfectus. Et §. mutus , ut. Episcopum vel Abba.*

4. Nota quarto : Ascendentes nimirum Pater , avus , & cæteri regulariter non faciunt successionem in Feudis ; nisi aliter in investitura ordinatum sit , vel consuetudine receptum sit , *cap. uni. in prin. de natura Success. Feudi.* Similiter in Feudis novis Collaterales , id est Fratres , vel alii consanguinei non succedunt regulariter ; nisi & circa hos in investitura aliter cautum sit ; vel consuetudo contrarium obtinuerit , *cap. unic. §. cum verò de his qui Feuda dare possunt. Et cap. unic. de successione Feudi.* In Feudis tamen antiquis etiam Collaterales agnati ( non cognati nisi in casibus , in quibus feminae admittuntur ) succedunt ; & proximior excludit remotiorem ; & computatur proximitas non respectu primi acquirentis ; sed ultimi possessoris ; ut ita frater defuncti patrum suum excludat , quamvis is sit proximior primo acquirente , *cap. unic. §. si Capitanei. Circa* amissionem Feudorum

5. Nota quinto : ex quadruplici causa principaliter amittuntur Feuda , scilicet alienatione ; investituræ renovationis omissione ; refutatione ; & delicto , seu felonîâ. De alienatione jam dictum est *priori cap. concl. 7.* Circa omissionem renovationis investituræ sciendum , Vassallum esse obligatum , intra annum , & diem petere renovationem investituræ , quoties persona Domini directi , aut Vassalli per mortem , vel causâ mutatur ; aliàs amittitur Feudum , *cap. 1. que sunt prima causa &c.* Militibus tamen actu militantibus indulgetur annus , & unus mensis , ad petitionem investituræ instituendam , *cap. 1. que tempore militis. &c.* Impuberes quoq[ue] negligentes eam facere veniam merentur , *cap. 1. de probibita Feudi alienatione per Fridericum.*

6. Nota sexto : circa causam amissionis Feudi per refutationem docetur communiter , Feudum istò modo amitti , si Feudatarius renunciat Feudò agnato , vel extraneo sine consensu Domini ; uti tenet commun. DD. Circa quartam causam



causam notandum, Feudum amitti, quando Vassallus committit *Feloniam* seu delictum in Dominum directum; uti patet ex *tit. quibus modis Feudum amittatur*. Sunt autem delicta inducentia amissionem Feudi in triplici differentia: quædam enim patrantur *directè* in Dominum infeudantem; ut si Feudatarius ipsi injustè subtrahat servitia debita: vel Feudum abneget; vel si personam ejusdem, aut bona invadat; vel si ipsius secreta revelet; vel amicitiam cum hostibus illius ineat; vel si ipsum absque jussu Magistratus criminaliter accuset; vel in eadem causa Advocatum aut testem agat; vel eundem Dominum suum in bello deserat, quando ei absque morali periculo mortis adesse poterat: ut notant DD. Quædam verò delicta committuntur in Dominum infeudantem *indirectè*; ut si Vassallus cum uxore

re Domini, vel filia, vel nepte ex filio, vel uxore filii, aut etiam sorore Domini (quamdiu ipsa moratur in familia Fratris sui) peccaverit, vel peccare attentaverit, Vel si Feudo abutatur nimiam crudelitatem in subditos exercendo, eorum facultates plus solito emungendo; aut nimis gravibus operis eosdem cruciando. Quædam verò delicta sunt, quæ quidem Dominum infeudantem nec directè, nec indirectè tangunt; Vassallum tamen graviter infamant, ita ut in curia sui Domini honestè stare nequeat, ac proinde Feudi incapax efficiatur; talia sunt, si Vassallus committat crimen læsæ Majestatis, vel parricidium, vel aliud grave delictum, ex quo gravissimam infamiam sibi inussit. De quibus omnibus lustra textum in *tit. que fuit prima causa beneficii*. Et quibus modis Feudum amittatur.

## TITULUS XXI.

### DE PIGNORIBUS, ET ALIIS CAUTIONIBUS.

#### CAP. I.

Quid, & quotuplex sit Pignus, Hypotheca, & Cautio.

**N**Ota primò: posteaquam Papa absolvit tractatus perfectos, & principales; incipit tractare de accessoriis, quibus iudem tractatus solent muniri ad majorem eorundem securitatem; cujusmodi sunt Pignus, Cautio, Fideijussio, Promissio, &c. *Hoc tit.* agit de Pignore, & Cautione pignoritica potissimè. Dicitur autem *Pignus à Pugno*, eò quòd res pignori data tradatur manu, teste J. C. in *L. plebs. 238. ff. de V. S.* Et sumitur tùm pro re ipsa, quæ in pignus datur; tùm pro contractu, & obligatione pignoris; in qua acceptione.

2. Dico primò: rectè describitur Pignus, sumptum pro contractu, quòd *su contractus*, quò res aliqua mobilis obligatur Creditori in securitatem debiti, ut si debitor non satisfecerit, inde satisfieri possit. Ita Hostiens. Sylv. &c. DD. *Ly. contractus est genus*; reliqua ponuntur pro differentia.

3. Nota secundò: tametsi Pignus, & Hypotheca distinguantur in rigore, per hoc, quòd Pignus locum habeat in solis rebus mobilibus, quæ manu traduntur; cujusmodi

sunt catenæ, annuli, vestes, vasa argentea, & similia; Et hypothecalocum habeat in rebus immobilibus, quæ non traduntur manu; sed remanent penes debitorem, obligatæ tamen creditori; cujusmodi sunt domus fundi, &c. Attamen plerumq; hæc duo Pignus, & Hypotheca inter se confunduntur; & quoad effectum conveniunt; cùm per utrumque res sit obligata creditori in securitatem debiti; uti notat Vallens. Engel. Pirh. & communis DD.

4. Notatertiò: Pignus seu Hypotheca dividitur primò in universale, & particulare. Pignus seu Hypotheca *Universalis* est, quæ oppignorantur omnia bona præsentia, & futura; ut habetur *L. 1. & L. que nondum ff. de Pignore. Particularis*, quæ pars tantùm eorum subijcitur Hypothecæ. Rursus utraque subdividi potest, in Prætorianam, Conventionalem, & Legalem. *Prætoriana* (quæ & *Judicialis* appellatur) est illa, quæ nascitur ex autoritate Prætoris, seu Judicis, mittentis Creditorem in possessionem bonorum Debitoris, posteaquam is in solvendo contumax extitit; de hac extat *L. A Divo Pio ff. de re judicata, & Tit. C. si causa judicata, &c. Conventionalis* est, quæ consistit in sola conventionione, & pacto partium; unde ad eam non requiritur præsentia, vel traditio pignoris; ut habetur *L. 1. ff. de Pignore. Legalis* est, quæ ex disposi-

tionē Juris ortum habet. Tandem Hypotheca alia est expressa, alia tacita. *Expressa* est, quæ perficitur expresso consensu partium. *Tacita*, quæ juxta Juris ordinationem contrahitur, etiam sine consensu utriusque.

5. Nota quartò: plura esse genera bonorum, quæ tacitò Pignore, seu tacitâ hypothecâ oppignorantur, & hypothecantur. *Primò*: bona de quibus aliquid debetur Fisco, vel Principi; vel ob tributum non præstitum, hypothecantur Fisco L. 1. C. de Privilegio Fisci; vel ex contractu cum eo initio, L. 2. C. cit. *Secundò*: bona omnia mariti sunt hypothecata uxori, pro restitutione dotis; & de contra bona uxoris, marito, pro præstatione promissæ dotis; L. un. C. de res uxoris adl. *Tertio*: bona Tutoris vel Curatoris tacitè hypothecantur Pupillo, vel Minori pro administratione; L. Pro officio, C. de administ. Tut. *Quartò*: Proles legitimæ habent tacitam hypothecam in facultatibus Patris administrationis bonae eorum adventitia, L. ult. C. de Bonis, quæ Liberis. *Quintò*: omnes res comparatæ pecuniâ Pupilli manent ei tacitè hypothecatæ; & quidem cum privilegio prælationis ante omnes habentes hypothecam in iisdem rebus; L. idemque, ff. Qui potioris in pignore, junctâ Gloss. ver. Res fuerit. Vide plura de aliis bonis, quæ tacitâ hypothecâ solent hypothecari, ff. in quibus causis pignus; & apud Less. Negulant. Gaill. Sylv. Tolof. & alios DD. Circa Cautionem

6. Nota quintò: *Cautio*, idem est quod *Securitas*; & afficit Pignus, Fidejussionem, & alia, quæ securitatis causâ adiunguntur contractibus. & describi potest, quòd sit *securitas* quædam contractui appositâ, quâ creditor asscuratur de eo, quod sibi promittitur, vel debetur. *Cautio* autem est multiplex juxta securitatis modos; nam alia est *simplex*, quæ perficitur solâ promissione: alia *juratoria*, quæ perficitur præstito juramento de realiqua danda vel facienda: alia *fidejussoria*, quæ peragitur assignatione certorum fidejussorum: alia *hypothecaria*, seu *pignoratitia* (de qua potissime hic tractat Papa) quæ fit cum intervenitu hypothecæ, vel pignoris alicujus: & sic de pluribus aliis.

## CAP. II.

Quæ res possint, vel non possint oppignorari, seu hypothecari.

**I.** Ico primò: omnes res oppignorari, & hypothecari possunt, quæ in commercio hominum sunt, & alienari possunt, quæque & aliâs sunt in Dominio, vel quasi Dominio debitoris; quæ verò non

sunt in commercio, & alienari prohibentur, nec etiam oppignorari valent. Ita Glossa, Vallens. Engel, & communis DD. Et ita colligitur ex L. 1. ff. quæ res Pign. oblig. non poss. Et L. ult. junctâ Gloss. ver. vel hypothecam C. de rebus alien. vel non alien. Estque Ratio: quia oppignoratio est species quædam alienationis; cum in ea transferatur jus pignoris: unde eodem modò de ea discurrendum est, quò de alienatione quoad possibilitatem hypothecandi. Ex his

2. Inferuntur sequentia corollaria: *primò*, res sacras, sanctas, & Religiosas; ut Ecclesias, Capellas, Monasteria, &c. regulariter non posse oppignorari; cum hæc in commercio hominum non sint; nec regulariter alienari possint; uti constat ex L. 3. C. quæ res pign. dari non poss. Et L. 3. C. de religiof. et sumpt. funer. *Secundò*, hypothecari nequeunt res pretiosæ mobiles Divino cultui dedicatæ; ut vasa sacra, Calices, Patenæ, Vestimenta Sacerdotalia, Libri Ecclesiastici, seu Missalia, & similes; nisi adsit iustissima causa necessitatis, v.g. redemptionis captivorum, vel similis; uti habetur cap. 1. hoc tit. Aliâs si Rector Ecclesiæ aliquid simile pignori dederit, etiam pro propria necessitate, vel utilitate; poterit Ecclesia vel repetere, & vindicare Pignus à possessore; vel cogere hæredem talis Rectoris, ut eam redimat, & restituat Ecclesiæ; cap. 3. hoc tit. *Tertio*, oppignorari nequit per se jus patronatûs; cum per se non cadat in commercium hominum. Unde si oppignoretur aliquod castrum, cui annexum est jus patronatûs; manet ejusmodi jus penes oppignorantem seu priorem Dominum. *Quartò*, liber homo pariter nequit in pignus dari; uti constat ex cap. lator 2. hoc tit. Estque Ratio; quia homo liber pariter non est in commercio hominum. Procedit autem hæc conclusio, quando liber homo bonis cedere vult: nam si vel fugam attentet; aut solvere nolit, capi & detineri potest in carcere, quasi pignoris loco; uti habet communis DD. *Quintò*, etiam res penitus aliena non potest pro Pignore dari; uti patet ex L. 2. si aliena res pign. data sit. *Sextò*, sed neque res pupillorum; minorum; litigiofæ; publicæ, ut fora & instrumenta rustica, ac ad cultum agrorum pertinentia; nec servitutis prædiorum tam urbanorum, quam rusticorum, oppignorari debent; item res fideicommissio subiectæ; præmium futuræ vigoriæ; ac feudum absque consensu Domini directi, oppignorari non possunt; uti habet Valens. specul.

## CAPUT III.

## De Effectibus, Pactis, Actionibus, &amp; Dissolutione Pignorum.

1. **N**ota primò: Pignus habet duos Principales effectus. *Primus* est, quod afficiat rem ipsam; & propterea potest creditor rem Pignori obligatam repetere à quocunque possessore per actionem hypothecariam; seu ut loquitur §. *item Serviana*, *Instit. de act. per actionem Servianam, vel quasi*. Verumtamen non competit actio, adversus tertium possessorem; quam si debitor, & fidejussor ejus excussus fuerit, iique solvendo non fuerint, *Authent. hoc si debitor C. de Pignor.* Item si debitor sciente, & consentiente creditore pignus alienaverit, censetur creditor obligacionem Pignoris remisisse; & emptor erit securus, *L. 2. C. de remiss. Pignoris*. *Secundus* effectus Pignoris est: quod creditores hypothecarii præterantur personalibus, seu chirographariis creditoribus, quando debitor ob nimium & alienum cedere debet bonis; vel moriatur obstratus, & ibi concurrant plures creditores.

2. Nota secundò: Contractui Pignoris solent apponi pacta varia, conditio, ac dies *L. si conveniens ff. de pignorat.* non tamen omnis generis pacta licite recipit: cum quædam generis Canonibus, & Legibus adversentur: quare de ejusmodi pactis statuo sequentes resolutiones. *Primò*, pactio de lucrandis fructibus ex pignore ultra sortem, sub specie ac pallio revenditionis, tanquam usuraria reprobatur, per *cap. 4. hoc tit.* *Secundò*, improbatum etiam à Jure Canonico (non autem à Civili) tanquam usurarium, pactum antichristicum *cap. 6. hoc tit.* quò creditor Pignoris, quod tantum in securitatem debiti datum fuit, fructus lucratur salvâ sorte: cum ratione dilata solutionis fructuum luctum percipiat. Quare mandant Canones fructus perceptos ex Pignore in sortem imputari, & ubi sortem æquaverint, teneatur creditor nulla alia solutione expectata pignus restituere *cir. cap. 6.* *Tertiò*, pactum quoque legis commissoria non est licitum *cap. 7. hoc tit.* per quod convenitur inter partes, ut si Pignus non solvatur intra certum tempus, illud sit commissum, id est creditori cedat. Ejusmodi enim pactum vergit in grave detrimentum debitoris; nam cum res oppignorata plerumque longè pluris va-

eat, quàm sit ipsum debitum: unde si valeat, tale pactum legis commissoria, graviter damnicaretur debitor perdendo Pignus longè majoris valoris, quàm erat debitum. Permittitur tamen hujusmodi pactum, si expressè à principio conventum sit hoc modò; ut si debitum intra constitutum tempus, non fuerit solutum, ipsum Pignus sit emptum; aut in solutum datum creditori pro justo pretio, quod boni viri arbitrio æstimandum erit; uti constat ex *L. fundus 16. ff. hoc tit.*

3. Nota tertio: ex Pignore constituto oritur duplex actio, una Pignoraticia, altera hypothecaria. *Pignoraticia* tursus alia est directâ, alia contraria. *Actio Pignoraticia directâ* datur debitori persoluto debito adversus creditorem, ut is sibi restituat rem oppignoratam unâ cum fructibus, ac refarciat omne damnum, culpâ vel dolò ejus causatum; quod intelligendum est de culpa gravi, & levi; ex qua obligatur creditor; non autem ex levissima; sicut nec ex vi majori, & casu fortuito; *arg. L. si ea res ff. de actio. empti.* Hæc autem actio non datur citius debitori, quàm probet Pignus sic traditum creditori; nascitur enim ex intervenitu rei, *Instit. quibus modis re contrah. oblig.* *Actio Pignoraticia contraria* datur creditori adversus debitorem, ad id, quod sibi Pignoris nomine abest; ut si forsitan sumptus in rem pignoratam fecerit: aut res aliena sibi fuerit oppignorata. Et hujusmodi actio datur, etiam si ipsi non fuerit traditum Pignus; ut notat Vallens. & Negusant. *Actio hypothecaria* datur creditori ad vindicandum Pignus à quocunque possessore debito non soluto, ut ita rei pignorate incumbens, si non solvatur debitum, possit eam distrahere, & ex ejus pretio, quod sibi debetur decerpere. Hæc actio differt à Pignoraticia, quod Pignoraticia sit personalis *L. fin. C. de distrach. Pignor.* Hypothecaria verò sit realis, seu in rem *L. Pignoris 18. C. de Pignor.*

4. Nota quartò: Pignus dissolvitur variè: puta integrâ persolutione debiti, remissione, oblatione, consignatione, & depositione *L. 1. C. qui potiores in Pignor. hab.* Item rei interitu; mutatione debitoris; novatione voluntaria; domini impetratione; tempore; sententiâ, vel jurejurando; ut si juratum, vel judicatum sit, Pignus non esse oblatum; item re advocata per remedium legis *2. C. de rescind. vend.*

## CAP. IV.

## Quid de Pignoribus in Ordine Minoritico.

1. **D**ico primò : prohibitum est Minoribus libros, vel alias res Conventus, & Ordinis Pignoris locò dare.

Ita S. Bernardinus in *opusculis casuum propriis* relato 4. pag. *Firmam*. pag. 178. Estque Ratio; quia Oppignoriatio, & Hypothecatio supponit in oppignorante, & hypothecante dominium rei oppignoratæ, & hypothecatæ; quò carent Fratres Minores, ex cap. 1. Regulæ. Et cap. Exiit. 3. de verb. signifi. in 6.

TITULUS XXII.  
DE FIDEJUSSORIBUS.

## CAP. I.

## De Quidditate Fidejussorum, &amp; Fidejussionis.

1. **N**ota primò : alterum accessorium, quò contractus solent muniri ad majorem eorum securitatem, est Fidejussio; de qua proinde *hoc tit.* agit Summus Pontifex. Dicitur autem Fidejussor secundum Ethimologiam quasi *fide sua jubens*, & intercedens, ut alteri credatur; & in larga acceptione nomine Fidejussoris venit omnis ille, qui alterius obligationem in se suscipit, & sua fide jubet pro altero; sive sit mandator; sive constitutor; sive expromissor. In stricta acceptione, prout de ea hic, Fidejussor dicitur is, qui per stipulationem pro alio accessorie se obligat.

2. Nota secundò : Ejusmodi Fidejussor differt à constitutore per hoc, quòd constitutor possit constituti etiam pro se; Fidejussor autem tantum pro alio. A mandatore differt, quòd mandator nudo consensu constituatur; etiam absens : Fidejussor verò non, nisi per stipulationem, & præsens *L. 12. C. hoc tit.* Ab expromissore distinguitur, quòd Expromissor tamen obligetur pro alio, ita tamen obligatus est, ut reum principalem liberet; unde per expromissionem fit novatio; non item per Fidejussionem; cum principalis maneat obligatus.

3. Dico primò : bene describitur Fidejussor, quòd *si illa persona, quæ fidem propriam pro principali debitor interponit, ac obligationem ejus solvendi in se suscipit, principalis nihilominus manente obligato.* Et Fidejussio sic, quòd *si contractus, quò quis fide propria interposu à pro principali debitor de aliena obligatione solvendi securitatem præstat.* Utraque descriptio deducitur ex *Instit. de Fidejussor.* Et *L. Grac. ff. eod. Ly persona, & contractus in præmissis descriptionibus ponuntur pro genere: reliqua pro differentia.*

## CAP. II.

1. **D**ico primò : pro Fidejussoribus admittuntur regulariter omnes, qui tales sunt conditionis ut se, & sua obligare valeant; quique rectum usum rationis, & liberam rerum suarum administrationem habent; ac specialiter non prohibentur fidei jubere. Ita Vallens. Engel, & communis DD. Et colligitur ex *Instit. de Fidejuss.* & *alibi LL.* Ex his

2. Infertur primò : milites actuales non posse esse Fidejussores; hi enim à Fidejussione prohibentur per speciale *L. militum 31. C. de locato.* Secundo; nec feminas; uti patet ex *totò tit. ff. Et C. ad senatus consultum Velleianum*; unde fideles defuncti fidejusserint, contra creditorem exceptio indulgetur; & si insuper solverint, soluti conditio ex præfato senatus consulto Velleiano conceditur *L. 2. §. 1. Et L. quamvis 8. §. interdum 3. cit. ff.* quod concessum est propter sexus imbecillitatem, & imprudentiam, quâ inducuntur de facili feminæ ad commiserationem, & hæc ad Fidejussionem, quâ finaliter periculum damni incurrunt. Tertiò, servis quoque non permittitur fidei jubere. Quarto, etiam Religiosi non habentibus propria bona patrimonialia interdicitur Fidejussio, *cap. penult. hoc tit.* Et *cap. 2. de solut.* Unde si talis præstiterit aliquam Fidejussionem, monasterium eâ non obligatur; nisi consensus Prælati, & majoris partis Capituli intervenerit. Quintò, etiam Clericus secularis prohibetur frequentatè fidei jubere; ne se obruat ære alieno; & cum dedecore statû Clericalis, atque damno Ecclesiastici officii, ac reddituum Ecclesiasticorum in non pios usus convertendorum, ad curias trahatur, perpetuisque litibus occupetur, *cap. 1. hoc tit. Et novel. Justin. 123. cap. 6. Et novel. Leonis 86.*

3. Nota

3. Nota primò : Clericis tamen permitti fidejungere pro aliis Clericis *cap. 2. hoc tit.* imò & pro Laico, ob urgentem necessitatem, vel aliam justam causam; puta si laicus sit egens, & destitutus omnibus aliis Fidejussoribus; hoc enim permittit, & suadet officium charitatis, & misericordie: uti notat Panorm. Abbas, Glossa, &c. Item pro suis Ecclesiis ex pia causa, & non in magna quantitate, & sine detrimento Ecclesiæ fidejungere potest pro alio; ut habet Engel, &c. Episcopus etiam, vel alius Prælati sive secularis, sive regularis potest ex pia causa, & non in magna quantitate, & absque detrimento Ecclesiæ fidejungere pro alio ex redditibus mensæ suæ, etiam non requisito consensu Capituli, vel conventus: Ratio est; quia sic fidejungere est opus charitatis, quod ab Ecclesiastico Prælato non debet esse alienum; uti notat Sylv. Sanch. Laym. Similiter Religiosus beneficiatus pro utilitate sui Conventus potest fidejungere; ac etiam pro alio cum facultate sui Prælati, & ex rationabili causa: uti habet Navar. Pirh. &c.

4. Dico secundo: Fidejussores adhiberi possunt in omni genere obligationum, quocunque modo contrahatarum; sive ex civiles tantum sint; sive naturales tantum; sive civiles & naturales simul: sive Prætorianæ: sive principales; sive accessorie. Ita Vallenf. & alii DD. Et habetur *§. 1. Instit. hoc tit.* Et *L. 1. 2. §. 1. Et L. 26. ff. eod.* Estque Ratio; quia cum omne genus obligationum periclitari possit circa solutionem præstandam; ideo cuius in securitatem apponi potest Fidejussor.

5. Nota secundò: Fidejussoribus Jure competere duo beneficia seu exceptiones. *Primum* est exceptio, seu beneficium Ordinis, sive excussionis: nam Jure novo si quis ex Fidejussoribus conveniatur à Creditore, isque petat debitum, potest contra eundem excipere, quod non teneatur solvere; nisi prius excusso debitore principali notorie constiterit, ipsum non esse solvendo, sive in totum, sive in partem; *Authent. present. C. hoc tit.* *Secundum* est beneficium divisionis: nam si plures pro eodem debito fidejusserint, et si singuli in solidum obligentur, & conveniri possint; ita ut creditor à quolibet eorum debiti solutionem petere valeat; attamen competit eis exceptio ex *Epistola Adriani Imper.* ut obligatio debiti in portiones dividatur; & tunc quilibet à Fidejussoribus non nisi pro virili parte conveniri possit, *§. si plures; Instit. hoc tit.* in fine. Quod si quis Fidejussorum tempore talis divisionis

non esset solvendo, reliqui obligantur, & cogi possunt ad solvendum totum debitum; imò etiam unicuique, qui solus esset solvendo, *cit. loc.* Est autem tali solvendi salva actio contra debitorem, quâ petat ab eo sibi refundi, quod ejus nomine solvit.

6. Nota tertio: tres extare casus, quibus Fidejussor, etiam antequam solvat pro principali debitore, possit agere adversus eundem debitorem, ut ipsum liberet ab obligatione contracta Fidejussionis; qui enumerantur *cap. cum §. & ult. hoc tit.* his verbis: *si sit, qui se pro aliquo Fidejussor nomine obligavit, dum in obligatione nescit; quia debitor dum solvere cessavit: aut dissipare bona sua cepit; vel si ipse Fidejussor ad solvendum à Judice condemnatus fuit.* Jure potest convenire debitorem, et petere, ut se à Fidejussione liberet.

7. Nota quarto: Fidejussio hodie non solum per solemnem stipulationem, uti fiebat olim; sed etiam per quodcunque pactum, sponsonem, nuntium, vel epistolam (saltem ex generali, præsertim Germaniæ consuetudine) rectè fieri potest; uti notat Engel. Imò in *L. cum ostendimus §. §. fin. ff. de Fidejussor. tutorum* deciditur, quod si quis in judicio nominatus Fidejussor patiatur nomen suum in acta publica referri, perinde teneatur, ac si verbis expressis fidejussisset.

## CAP. III.

### Quid de Fidejussoribus Minoritis.

Dico primò: Nemo Minorita Observans, vel Reformatus potest agere Fidejussorem formalem, in causis bona temporalia concernentibus, ut pecunias, villas, &c. Ratio est; quia Fidejussio in causa temporalium bonorum supponit proprietatem aliquorum bonorum temporalium, ratione quorum fidem suam interponit pro principali debitore, ac obligationem ejus solvendi ex dictis bonis in se suscipit: Fratres autem Minores Observantes, & Reformati non habent ullorum bonorum temporalium proprietatem, in quibus fundare possent suam Fidejussionem, & obligationem solvendi pro principali debitore in causa temporalis; adeoque nec fidejungere possunt in causa temporalis. Præterea Frater Minor non habet suum proprium velle; sed est sub obedientia suorum Superiorum plenissime constitutus; adeoque nequit spondere, stipulari, vel fidejungere pro aliquo in causa temporalis.

TITU.



# TITULUS XXIII.

## DE SOLUTIONIBUS.

### CAP. I.

De quidditate Solutionis; ubi  
etiam de Mutuo.

**N**Ota primò: posteaquam Papa absolvit titulos de duplici specie cautionum, scilicet Pignoris, & Fidejussorum, quæ solent contractibus apponi in securitatem solutionis debiti; consequenter *hoc in.* tractat de ipsa solutione debiti. Usurpatur autem solutio in sensu generali, & speciali. In generali comprehendit omnem liberationem, & satisfactionem quocunque modo factam, & in hoc procedit *L. solutionis 176. ff. de V. S. In sensu speciali*, & prout de ea hic potissimum agitur, significat redditionem illius, quod debetur; & in hoc procedit *L. solutum 49. ff. hoc tit.*

2. Dico primò: rectè describitur solutio specialis, de qua hic, quòd sit totum debiti idonea præstatio, seu satisfactio idonea, creditori facta per debitorem locò, & tempore convenienti. Colligitur ex *L. solutum*, & eam tenet Engel, &c. *Ly præstatio*, seu satisfactio est genus; reliqua ponuntur pro differentiâ. Quia autem hæc solutio specialis versatur circa debitum, quod ex contractu Mutui dati, & accepti contrahitur; idcirco nonnulla de contractu Mutui hic præmittam. Dicitur autem Mutuum quasi ex *meo tuum*; ut habetur *hystit. mox citanda.* Unde

3. Dico secundò: Mutuum, quod respicit solutio specialis, rectè describitur, quòd sit contractus, quò cum dominii translatione gratuito in mutuatarium traditor res aliqua consistens in numero, pondere, & mensura; cum obligatione, ut similis in genere, & bonitate restituatur. Ita colligitur ex *hystit. quibus modis contrah. oblig.* Et *L. 2. si certum petetur.* *Ly contractus* est genus; reliqua formant differentiam. Per *Ly cum dominii translatione* differt Mutuum à Commodato, Deposito, Locato, & Pignore; in quo non transferitur dominium rei accommodatæ in accipientem. Dicitur *gratuito*; quia in Mutuo nullum lucrum debet intervenire juxta illud *L. 6. Mutuum date nihil inde sperantes*; aliàs esset usura. Dicitur *traditur res aliqua consistens in numero, pondere, & mensura*; ut exprimitur materia, circa quam versatur Mutuum, quæ sunt res fungibiles, id est,

quarum una fungi potest vice alterius, seu substitui; quales sunt res constantes pondere, mensura, & numero, quæ videlicet numerari, & ponderari, & mensurari possunt; ut est pecunia numerata, aurum, aromata, vinum, &c. uti habetur *hystit. & ff. cu. Ly cum obligatione ut similis in genere, & bonitate restituatur*; indicat debitum, & onus, quod vi mutui contrahit Mutuatarius; ut videlicet pro re mutuo data, alia ejusdem generis (id est speciei seu naturæ specificæ, ut loquitur Physicus) & bonitatis (id est perfectionis Physicæ) reddatur v. g. pro una urna vini Hispanici, reddatur alia ejusdem qualitatis, & bonitatis.

4. Dico tertio: Mutuum possunt contrahere omnes, qui possunt inire alios contractus, & qui lege speciali non prohibentur. Ita Herincx, Gomez, Castropalao, &c. Ratio est; quia cum Mutuum involvat speciem contractus; consequenter habiles ad alios contractus incundos, possunt etiam Mutuum contrahere.

5. Dico quarto: speciali lege prohibentur Mutuum contrahere filii familias, minores 25. annis, & Prælati Ecclesiarum nomine earundem. Ita cit. DD. Primum de filiis familias constat ex *ff. & C. ad S. C. Macedonianum*; quò etiam absolvuntur filii familias ab obligatione solvendi Mutua, si quæ contraxerint. Circa quod tamen vide nonnullas exceptiones in *tom. 4. Scholæ mee Theolog. tract. de V. S. Card. dist. 12. q. 6.* Secundum de Minori 25. constat ex *L. 3. C. quando eo facto.* Tertium de Prælati Ecclesiarum habetur *cap. 2. hoc tit.* ubi etiam dicitur; quòd Ecclesia non teneatur ad solutionem Mutui à Prælato ejusdem contracti; & Prælati contrahens Mutuum ab administratione est suspensus ipso jure.

6. Nota tamen secundò: potest tamen Prælati Ecclesiæ nomine Ecclesiæ contrahere Mutuum pecuniarium secundum facultates reddituum, quibus rursus possit solvi tale Mutuum, si adsit necessitas Ecclesiæ; & accedat consensus Capituli; ut habet Abbas, Molina, &c. Et in tali casu Prælati successor tenetur præfatum debitum solvere; uti constat ex *cap. 1. hoc tit.* Similiter potest Prælati Ecclesiæ ex redditibus Ecclesiæ superabundantibus dare Mutuum aliis indigentibus pecuniâ; dummodo fors, sive summa Capitulis asscuretur per pignora, vel fidejussores:

hoc

hoc enim est pietatis, & misericordiar; & Ecclesia ex eo non gravatur; uti notat Abbas, Laym. Pirh. &c.

## CAP. II.

## Variæ Resolutiones circa Solutiones.

**D**ico primò: tametsi Clerici debitores non minus quam laici solvere teneantur debita contracta; attamen Clericis inopibus, qui non sunt solvendo, datum est privilegium speciale *competentie*, vigore cuius ob debita civilia non debent excommunicari, nec aliter molestari possunt; neque ad cessionem bonorum compelli; neque conveniri coram creditoribus suis; sed solum solvere tenentur tantum deductis alimentis honestis, quantum solvere possunt; quoad aliam verò partem debitorum sufficit prestare idoneam cautionem, quod scilicet solvere velint, dum ad pinguorem, melioremque fortunam pervenerint. Ita Covarr. Farin. Abbas, Engel, &c. Et constat ex cap. *Odvardus* 3. hoc tit. Ratio est; quia inanis est actio, quam inopia debitoris excludit *L. nam is*, 6. ff. de dolo. Et cap. olim 16. de restit. spoliat. Quare in hoc Clericus gaudet eodem beneficio, quò miles, qui dum solvendo non est, non potest incarcerationi *L. miles* 18. ff. de re iudic.

2. Dico secundò: Solutio potest à debitore fieri creditori, etiam invito; dummodò polleat rerum suarum administratione; & solutio fiat in loco, & tempore competenti; & si creditor talis refuset acceptare solutionem factam; pecunia deponi potest apud Magistratum; sicque debitor liberabitur ab usuris. Ita Engel, & communis DD. Et constat ex *L. obsequatione* 9. C. hoc tit. Dixi si polleat rerum suarum administratione; quia solutio pupillo, vel minori absque autoritate tutoris, vel curatoris facta, non liberat debitorem, quin pecunià forsitan malè perdità denuò possit conveniri; ut notat Engel. Si tamen pecunia adhuc extaret, vel conversa fuisset in rem pupilli, daretur exceptio doli contra tutorem, vel pupillum, bis idipsum, quod habet, repetentem, *L. Pupillo* 15. ff. hoc tit.

3. Dico tertio: debitor nequit compelli, ut Mutuum pecuniarium in illa specie monetæ solvat, in qua accepit v. g. in imperialibus vel scutis; nisi præcessisset specialis de hoc conventio. Ita Engel, Bart. &c. Ratio est; quia pecunia recipit functionem in genere; & regulariter magis attenditur quantum;

quàm species monetæ, quâ solvitur, arg. *L. i.* §. 1. Et *L. Titius* 35. ff. de auro, & argento legato.

4. Nota primò: non potest tamen debitor pro pecunia reddere aliud corpus, aut speciem, v. g. equum, vel domum: velè contra pro corpore, aut specie pecuniam; & si tale quid offerat creditor non tenetur illud acceptare. Ratio est; quia ejusmodi solutio haberet speciem emptionis; nemo autem invitus emere, vel vendere tenetur *L. in iudicium* 11. C. de contrah.

5. Nota secundò: si contingat monetam ex dispositione Principis supremi mutari *intrinsece*, id est in materia, & substantia; ut si aurei cudantur, ex auro cronico, seu mixtionem habente; tunc est sententia Bart. Castrenf. Covarr. & subscribit communis DD. sensus, solutionem præstandam esse in moneta veteri non mutata; si debitor talem habere possit; sin minus, solutio fieri poterit in moneta nova; sed cum additione & suppletionem tali, quæ adæquet quantum mutui in moneta intrinsece bona concessi. Si verò moneta mutetur tantum *extrinsece*; id est si valor, & æstimatio tantum extrinseca augeatur vel minuat; tunc censet Laym. Covarr. Abb. &c. quod attendenda sit principaliter conventio partium; contractus enim ex conventionem legem accipit, juxta reg. *Juris* 85. in 6. Tres autem attendi possunt modi conventionis; *primus* est; si conventio fiat nominatim, ut certa species monetæ, & certò numerò reddatur, v. g. centum aurei in specie: hoc casu superveniens mutatio extrinseca monetæ lucro, vel damno creditoris cedit; qui proinde solvere debet tot corpora, quot in pactum sunt deducta; si vè valor eorum auctus sit, si vè diminutus. *Secundus modus* est, si conventio fiat quidem de quantitate in genere solvenda; sed sine certa specie, & numero monetæ: hoc casu commodum, & damnum probabilius ad debitorem pertinet; unde solutio fieri debet secundum novam æstimationem monetæ; uti habet Engel, Laym. &c. *Tertius modus* est, ut conventio quidem fiat de certa moneta v. g. scutorum, vel imperialium; sed nihil apponitur, an in specie, vel in æstimatione restitui debuerat: hoc casu pariter commodum, & damnum censetur esse debitoris; uti notant cit. DD.

6. Nota tertio: creditor non tenetur acceptare dimidiatam solutionem, v. g. ex tribus millibus florenorum hoc annò mille, & reliquum aliis subsequentiis annis; uti habet Engel, & alii DD. Ratio est; quia dimidiata solutio solet plerumque secum ferre multa in-

commoda; quæ subire non tenetur creditor; nisi circa hoc pactum præcessisset.

7. Nota quarto: qui errore ductus existimans debitum esse, solvit id, quod nullò modo erat debitum; potest id condicere, id est repetere; ut constat ex *L. 1. §. seq. ff. de condit. et indeb.* Sed quid si solvens instituat actionem, & dicat, se per errorem solvisse indebitam pecuniam; quinam incumbit probatio, eam indebitam solutam fuisse? Respondetur in *cap. 4. & ult. hoc tit.* Sic; si creditor fateatur sibi solutam esse pecuniam; sed neget fuisse indebitam; tunc solventi incumbit probatio talem pecuniam indebitam solutam fuisse: probatio namque illi incumbit, qui agit; contrarie actorem est præsumptio juris; cum nemo præsumatur ja-

ctare suum, *cap. super hoc §. de renunc.* Nec verisimile sit, quoniam tam esse supinum in rebus suis, ut solvat aliquid, quod non debet. Sin verò creditor neget sibi solutum esse; & actor, seu solvens hoc probet; tunc creditoris quæ rei erit probare, debitum fuisse pecuniam, quæ soluta est; hoc enim casu præsumptio juris est contra reum creditorem propter mendacium, *L. cum de indebito 25. ff. de probat.*

8. Nota quinto: si aliquid debitum solvendum sit contractum in diem; tunc etiam ante talis diei fluxum illud solvi potest. Ratio est; quia dies in favorem debitoris adjectus censetur; cui proinde renunciare potest *L. stipulatio ista §. inter 16. Et L. continuata 137. §. 2. ff. de V. S.*

## TITULUS XXIV. DE DONATIONIBUS.

### CAP. I.

#### De Quidditate, & Divisione Donationis.

1. **N**ota primò: post discussos contractus onerosos agit Papa de contractibus gratuitis; inter quos recèsetur tanquàm species præcipua Donatio; sic dicta à dono quæ sit doni datio, *L. Senatus 35. §. 1. ff. de mort. caus. donat.* Ipsum autem donum describitur esse, datum gratuitum, quod neque ex iustitia debitum est, neque alteri vicissim obligationem imponit; ut notat Engel hoc tit.

2. Dico primò: rectè describitur Donatio; quòd sit rei propria, & non prohibita donari; nullo jure cogente datio liberalis, facta verbis, vel factis. Colligitur ex *L. donari 29. ff. hoc tit.* Et *L. donari §. de R. I. Ly* datio est genus; reliqua ponuntur pro differentia.

3. Nota secundò: Donatio dividitur primò in Donationem inter vivos; & Donationem causâ mortis; uti habetur in principio *Instit. hoc tit.* Donatio inter vivos est illa, quæ fit absque ulla cogitatione, aut suspitione mortis, *cit. Instit. §. alia autem;* & eâ intentione, ut res donata illicò fiat donatarii, nec ullo casu ad donantem revertatur; ut notat Vallens. *hic.* Donatio causâ mortis est illa, quæ fit propter suspitionem mortis; ita videlicet, ut donans significet ferre talem donare causâ mortis.

4. Nota tertio: Donatio inter vivos fieri potest duobus modis, videlicet vel purè, absolute, & simpliciter, ita ut res statim evadat donatarii, nec possit temerè revocari; & Donatio

si facta vocatur perfecta, & propria Donatio, de qua potissimè hic titulus procedit. Vel sub conditione, aut modo, aut ad certum tempus, aut ob causam; & hæc vocatur imperfecta, ac impropria. Donatio sub conditione esset hæc: dono armillam Petronillæ, si Petrus ex bello Turcico superstes redierit. Hujusmodi donatio conditionata suspendit effectum. Sub modo esset ista, dono tibi centum aureos ut hi impendantur in altaris constructionem. Hujusmodi donatio valet, & statim obligat. Donatio ad certum tempus esset hæc, dono tibi equum, qui sit tuus post meam mortem. Ob causam esset Donatio dotis causâ, quam faceret uxor marito pro sustinendis oneribus Matrimonii, *L. pro oneribus*. Item Donatio obnuptias, quam vicissim faceret maritus uxori in vicem securitatis dotis. Talis etiam esset Donatio remuneratoria, quæ feret in vicem præstiti beneficii, vel obsequii. Hæc irrevocabilis est, *L. Aquilius; & L. si Pater 34. ff. hoc tit.*

5. Nota quarto: Donatio pariter mortis causâ fieri potest duobus modis. Primò quando donans nullo metu periculi mortis præsentis percussus, sed solâ cogitatione mortis aliquando futuræ, absolute donat rem aliquam pro tempore, quò mortuus fuerit, *L. 2. ff. de mort. caus. don.* Secundo quando donans perterritus periculo imminenti mortis, vel gravis ægritudinis, aut periculose navigationis rem donat, *cit. L. 2.* Quo casu si rem ita donet, ut statim fiat donatarii, sed tamen morte non secutâ velit rem donatam sibi restitui; tunc morte non secutâ eandem sibi potest vindicare, repetere, & revocare *L. si mortis 29. ff.*

29. ff. de mort. caus. don. Si verò rem ita donet, ut non statim fiat donatarius; sed demum secuta morte; tunc morte non secuta Donatio expirat ipso jure, & sine ulla revocatione; ut habet Glossa, Pirh. &c.

## CAP. II.

### De personis potentibus donare.

**D**ico primò: Omnes, & soli illi possunt facere Donationes inter vivos, qui habent dominium formale, & liberam administrationem suorum bonorum, cum potestate alienandi. Ita Vallens. Herincx. Less. &c. Et constat ex variis Legibus, postulantis ad Donationem dominium formale, administrationem liberam bonorum cum potestate alienandi, & non sit inhabilitas in persona donante; & defectu horum inhabilitantur complures personæ ad posse donare; uti patebit ex mox dicendis. Unde

2. Dico secundò: nequeunt donare valide impuberes, minores 25. annis, prodigi, quibus bonis interdictum est; furiosi, & filii familias. Ita communis Canonist. & Jurist. Primum de impuberibus statuitur in *L. fin. C. de testam. milit.* De minoribus patet; quia hi necdum habent expeditum dominium requisitum ad validam Donationem. De Prodigis pariter patet; quia hujusmodi personæ, quibus bonis interdictum est, sunt sub Curatore cum suspensione omnis dispositionis in eisdem; adeoque nec donare possunt. De furiosis inde constat, quòd & his bonorum dispositio vetita sit propter furiosum exitum. De Filiis familias Ratio est; quia tametsi hi de castrensi, vel quasi castrensi peculio donare possint; de aliis tamen bonis adventitiis, & profectitiis donare nequeunt absque consensu Patris, cui præjudicatur, *L. 7. ff. hoc tit.* De ejus tamen consensu hi non tantum inter vivos; sed & mortis causa donare valent, *cap. pen. verb. quamvis, de sepultur.* in 6.

3. Dico tertio: neque conjuges sibi invicem facere possunt Donationes; nec parentes filijs nondum emancipatis, nec uxor de bonis mariti, & dotis. Ita communis DD. Primum habetur *L. 3. ff. de donat. inter vir. & uxor.* Et *L. sed inter vir. ff. eod.* Et *cap. ult. extra, tit. eod.* Secundum constat ex *L. ceteris de bonis u.* & *L. sine emancipatis C. hoc tit.* Tertium inde patet; quòd uxor non sit domina formalis cum administratione bonorum mariti, & dotis: Potest tamen hæc facere aliquas eleemo-

synas moderatas secundum suum statum; imò & donationes aliquas remuneratorias; necessarias splendori, atque æstimationi sui status.

4. Nota primò: Donationes tamen liberales inter Conjuges factas convalidari morte donantis, si prius revocate non fuerint; & donatarius adhuc supervivat; uti habet *L. cum hic statum ff. de donat. inter virum, & uxorem.* Similiter juramentò donantis, de non repetendo donato; uti habet Covarr. Gom. Sanch. &c. Præterea sequentibus casibus statim sunt validæ tales Donationes. Primò, quando Conjuges sibi invicem donantes, sunt Personæ Augustæ *L. 26. C. de donat. inter virum, & uxorem.* Secundò, quando Conjux in domo Conjugis gratis habitare permittitur, vel ejus servis, aut vestibus usus fuerit *L. si vir uxoris ff. de donat. inter virum, & uxorem.* Tertio, quando Vir promissam dotem remittit Uxori *L. si constante C. de donat. ante nuptias.* Quarto, quando Uxor idèò donat Marito, ut is altiores dignitates, vel honores sibi procurare valeat, *L. 40. ff. eodem.* Quintò, quando ex Donatione Conjux donans non sit pauperior, *L. si sponsus ff. eodem.* Sextò, quando donatarius non sit ditior, etsi donans sit pauperior, v. g. si Vir Uxori locum sepulture donet; tali enim sepultura Uxor non fit ditior; cum sepultura sit Religioni dicata, *L. cit. ff. concessa.* Septimò, quando Donatio exercetur in lras remunerationis; v. g. si Vir annosus, vel civilis, juvenculæ, vel nobili uxori aliquid donet; uti colligitur ex *L. 7. ff. de donat.*

5. Nota secundò: similiter tenent Donationes liberales Patris factæ Filio, si mors vel juramentum Patris ante revocationem superveniat; nam tunc convalidantur ejusmodi Donationes: quemadmodum etiam si Pater Filio non emancipato donet aliquid, pro dote matrimoniali postea applicandum; vel discedenti ad bellum det arma, equos, &c. Vel lecturo aliquam Facultatem tradat libros; vel usumfructum bonorum adventitiorum eidem concedat; vel titulo remunerationis, pro impensis particularibus obsequiis, aliquod peculium tradat; & tandem in omnibus ferme casibus, quibus Conjuges valide sibi donant; quos paulò ante adduxi; uti censet Navarr. Less. Herincx, & Laym. Et deducitur ex diversis Legibus.

6. Dico quarto: etiam Tutores, Curatores, Procuratores, & similes habentes tantum administrationem rerum sine dominio, nequeunt donationes facere, absque speciali mandato. Ita communis DD. Et est Ratio;



## CAP. III.

## De Quantitate, &amp; Revocatione Donationis; deq; modo perficiendi, &amp; interpretandi Donationes.

quia donare est quasi perdere *L. Filius familie*, 7 ff. de donat. memorata autem personæ nequeunt perdere; sed potius debent res suorum Principalium facere meliores, *cap. 3. de officio Vtarii in 6.* Et *L. tutor. 22. de administratione Tutorum*; Ergo pariter nequeunt donare. Præfata personæ tamen possunt facere donationes remuneratorias, correspondentes meritis, & servitiis in principales collatis, *arg. L. cum plures 2. §. 3. & habet Glossa, Barbo, &c.*

7. Dico quintò: Superiores Regulares, pariter non possunt facere donationes de rebus Monasterii sui. Ita communis DD. Estq; Ratio; quia hi habent solam administrationem rerum sui Monasterii. Possunt tamen tales dare eleemosynas, & facere Donationes remuneratorias moderatas, *arg. can. si quis. 12. q. 2.* Et maxime ubi consuetudo loci id permittit, *cap. 3. hoc tit.*

8. Dico sextò: similiter Prælati Ecclesiastici, & Ecclesiarum Rectores nequeunt facere immoderatas donationes de rebus ad suas Ecclesias pertinentibus. Ita communis DD. Et constat ex *cap. 2. hoc tit.* Estq; Ratio, quia & hi non sunt Domini suarum Ecclesiarum; sed potius Procuratores. Hi verò possunt facere donationes moderatas in pauperes de redditibus Ecclesiasticis, in sustentationem Clericorum ordinatis; & hoc juxta proportionem reddituum Ecclesiasticorum, ac consuetudinem loci; ut notat Engel; & constat *arg. cap. 1. hoc tit.* Similiter facere possunt Donationes remuneratorias, ac ad pias causas, *arg. cap. 3. hoc tit.* Et *can. aurum 12. q. 2.* Possunt pariter similes Donationes facere de rebus Ecclesiarum suarum, *arg. ejusdem cap. 3.*

9. Dico septimò: Regulares degentes extra claustra in beneficiis possunt de redditibus Ecclesiasticis, quorum liberam habent administrationem, aliquas moderatas facere Donationes, & dare eleemosynas, sine consensu Prælatorum suorum; non verò illi Religiosi, qui in Monasterio sub obedientia Prælatorum degunt, nullam habentes administrationem bonorum. Ita Molina, Laym. &c. Ratio primò est; quia hujusmodi Regulares equiparantur Ecclesiasticis secularibus beneficiatis, qui possunt moderate donare de redditibus suis Ecclesiasticis. Secundum constat ex *cap. chim ad Monasterium 6. de statu Monach.* Et *can. non dicatis 11. can. 12. q. 1.*

10. Dico octavò: Hospitalarii possunt se, & hospitale suum donare, ac subicere alteri Ecclesie, vel loco Religioso. Ita communis DD. Et habetur *cap. inter dilectos 2. hoc tit.*

**D**ico primò: Donatio liberatis in quantitate excedens 500. solidos, id est aureos, jure Cæsareo est invalida; si fiat absque inscriptione apud Magistratum. Ita Clarus, Vallens, & communis DD. Et habetur *L. pen. C. de donat.* Et *Instit. eod.* Motivum harum Legum fuit, ne homines excessivis Donationibus in egestatem dejiciantur, cum præjudicio Reipublicæ. Exciipiunt tamen Leges quosdam casus, in quibus subsistit Donatio excedens 500. aureos. Primò, si Donatio fiat Ecclesie, vel ad causam piam; ut deducitur ex *L. illud. C. de sacrosanctis Ecclesiis.* Et *L. sanctimus C. de donat.* eo quòd Leges Civiles Ecclesiasticis causis nullum præjudicium afferre possint. Secundò, si à privato fiat Principi, *L. sanctimus C. de donat.* Tertiò, si à Duce Exercitus de proprio peculio, vel prædis, fiat militibus, *L. pen. C. eodem.* Quartò, si fiat ob considerabile motivum, v. g. belli, nuptiarum faciendarum, redemptionis captivorum, reparationis fabricarum flammis consumptarum, *L. cit.* Quintò, si fiat loco remunerationis, ob præstita singularia obsequia; *Id. si Pater ff. de donat.* Sextò, si fiant duæ reciprocarum Donationes, in quantitate grandi; ut habet Baldus in *L. sanctimus C. de donat.*

2. Dico secundò: Donatio universalis inter vivos, quæ omnes facultates præsentis, & futuræ liberaliter donatur, à fortiori invalida est. Ita Covarr. Clarus, Less. Mol. Laym. Herincx, Abbas, & communis Juristarum. Et constat ex decisione *L. stipulatio hoc modo concepta; ff. de verb. obligat.* Motivum hujus Legis est; quia ejusmodi universalis Donatio privat hominem liberâ testandi facultate, quod jure communi censetur esse indecorum, & Reipublicæ præjudiciosum.

3. Ex his inferit Covarr. Clarus, & Less. si fiat Donatio tantum præsentium facultatum, non futurarum, subsistere Donationem; quia remanet potestas testandi de futuris. Item si donans sibi reservet usum fructum rerum omnium donatarum; vel si donet causâ mortis; quia adhuc poterit instituire heredem, qui possit ex re donata Falcidiam, id est quartam detrahere.

41. Dico tertio: Non potest revocari Donatio liberalis, nisi vel ob supervenientem insignem ingratitudinem Donatarii, vel ob natam novam prolem; vel si sit inofficiosa liberis. Ita Gomez, Clarus, Less, Sylv. Covarr. Tiraq. &c. Primum patet ex *L. ubi, C. de revocand. donat.* ubi dicitur, *Generaliter sancimus, omnes donationes, lege confirmatas, firmas, illibatasque manere.* Secundum habetur eadem *L.* ubi recensentur quinque species insignis ingratitudinis, tanquam causæ sufficientes revocandi Donationem: scilicet injectio violenta manuum Donatarii in Donantem; Effusio atrocis contumelie ejusdem Donatarii in Donantem; Damnificatio gravis ejusdem in bonis Donantis; Insidiarum vite Donantis molitio; Negatio Donatarii adimplendi appositæ conditionis Donationi. Tertium constat ex *L. si unquam, C. de revocand. donat.* Et quia nemo censetur, alienos posteritati suæ præferre velle. Quartum habetur *L. 1. §. sequent. C. de inofficiosa donat.* Censetur autem esse inofficiosa Donatio liberis, si Pater donando, liberis paternorum bonorum legitimam, id est debitam portionem adimat, vel minuat, contra officium pietatis paternæ.

5. Nota autem primo: secundum Laym. Clarum, &c. insignem ingratitudinem Prælati, vel Capituli, non sufficere ad revocandam Donationem Ecclesiæ factam. Ratio est; quia ejusmodi Donatio non processit ex affectu erga Prælatum, vel Capitulum, sed ex pietate erga DEUM. Neque sufficit ad eandem Donationem elidendam proles nova insperata susceptio; sed tunc sola legitima liberorum ab ea succidi potest; nam Ecclesiæ causa non minus favorabilis est, quam filiorum; sicuti deducitur ex *Amb. Si qua mulier, C. de Sacrosanctis Ecclesiis*: Sed si Filio prius genito Donatio facta sit, quæ inofficiosa posterius natis apparet, sola legitima eorum ab ea rescindi potest, per *L. si totas.* Et *L. si Mater, C. de inofficiosa donat.* Ergo idem dicendum hic. Circa tertium punctum hujus Capituli

6. Nota secundo: jure veteri Donationes inter vivos factæ non perficiebantur nudo pacto, seu consensu; sed traditione rei donatæ. At verò jure novo Justiniano hoc correctum est, ut ut solo consensu, seu voluntate quovis modo manifestatâ perficiantur, & habeant in se necessitatem traditionis; etiam si fortassis donatarius non fuisset stipulatus rem sibi tradi, *L. si quis argentum, C. eod.* Circa quartum punctum

7. Dico quarto: circa Donationes latissima faciendæ est interpretatio in favorem donatarii. Ita communis DD. Et constat ex *cap. cum dilecti 6. hoc tit.* Et quia mens do-

natarius non debet excludi, nec impediri liberalitas. Nisi tamen Jus commune obsteret; aut jus tertii ledatur.

## CAP. IV.

### Quid de Donationibus Franciscanorum.

Dico primo: FF. Franciscani de Observ. & Reform. nequeunt facere formales Donationes de rebus suæ Religionis. Ita Sorbus, Sanctior. & alii DD. Ord. Seraphici. Et constat primo ex Constit. general: modernis *cap. 7. §. 2.* ubi in tabella casuum Reservatorum Generali, & Provinciali etiam retinetur iste 13. *Religionis dona extra Ordinem doni dantur*; quod de Donatione formalis prohibita, & reservata intelligendum est. Et ex Constit. Papalibus Julii II. *cap. 4. part. II.* ubi redditur ratio Conclusionis, & dicitur; *quia Fratres Ordinis (scilicet Minorum) nullius res dominium, vel proprietatem habent; ideo nihil intra vel extra Ordinem dare possunt, sine licentia eorum, quibus authoritate Apostolica committitur.*

2. Dico secundo: Possunt tamen Prælati, & maxime Ministri dicorum FF. non quidem autoritate suâ, sed veluti Eleemosynarii, vel Commissarii Summi Pontificis subditos suos Minoritas ad aliquid largiendum, vel dandum intra, & extra Ordinem pietatis, aut devotionis intuitu, cum multa tamen discretionē, licentia. Ita Ximenes, Sanctior. Sorb. &c. DD. Et conceditur tunc in citatis statutis Papalibus Julii II. Tunc in Decretali Nicolai III. *§. quia verò*, ubi habentur sequentia verba; *de rebus mobilibus, & parum valentibus liceat ex nostra presentis constitutione Fratribus pietatis, seu devotionis intuitu; vel pro alia honesta, & rationali causa, obtenta prius super hoc suorum Superiorum licentiâ, juxta quod Fratres in Generali, & Provincialibus Capitulis tam de rebus ipsis vilibus, seu parum valentibus, & earum valore, quam prefata licentiâ, &c. largiri.* Et Ratio est; quia præfata largitiones Minoritæ non habent rationem Doni, vel Donationis formalis; cum desit Dominium; sed fundatur in commissione duntaxat Papæ, qui est Dominus; & Fratres Minores sunt ejus Eleemosynarii, seu dantium dispensatores. Ex his

3. Inferitur primo: Franciscanos de Observ. & Reform. non posse facere dona ampla, seu amplas largitiones, sine grandi causa; ut dicitur in *cu. Statutis Papalibus.* Secundo eosdem tamen posse de licentiâ suorum Superiorum facere tales largitiones amplas de oblatis Religioni, ex causa v. g. pro conservatione Sacrorum locorum Terræ S. Tertio eosdem posse suos Prælatos majores, vel alios insignes



Patres, vel Principes aliquando lautius excipere cibis, maxime in solemnitatibus, uti advertit Sanctior, scribens in *cap. 7. statut. General. Statuto* 5; quæ exceptio honorifica habet rationem cujusdam largitionis; & quasi donationis de rebus Religioni oblati. *Quarto* eosdem posse distribuere leviora esculenta, & poculenta; & ad devotionem pertinentia munuscula; uti observat Politius, Ximenes, &c. *Quinto*, possunt quoque Superiores succurrere pauperibus Parentibus Fratrum; his enim de Jure naturæ tenentur opitulari ipsi filij Fratres: uti & infirmos in Conventu curandos

adducere, ac medicamenta pro ipsis dare, quando alibi curari nequeunt. Item incidentem in manus latronum, vel aliud mortis periculum adjuvare rebus Conventus; si aliter juvari non possit. Item redimere Christianum reducendum in potestatem infidelium. Item Virgini castitatis jacturam subituri, ob necessitatem cibi, vel vestis, quando aliunde ei provideri nequit, providere; in his enim, & similibus actibus virtutis, ac causa honesta concedunt Minoritas facere moderatas largitiones; uti habet Sanctior.

## TITULUS XXV. DE PECULIO CLERICORUM.

### CAP. UNICUM.

De Varietate Peculii Clericorum; & ejus dominio.

**N**ota primò : Hunc titulum de Peculio rectè hic proponit S. Pontifex, ut ostendat qualitatem, seu conditionem illorum bonorum, de quibus Clericus possit donationes & testamentorum dispositiones facere; cum Peculium Clericum coalescat ex multiplici specie bonorum. Dicitur autem Peculium, quasi *pusilla pecunia* L. de positi. ff. de pecul. quam servus, vel filius familias à rationibus domini, vel patris ejus permisso separatam habet; cum qua similitudinem habent bona Clericorum, quæ separatim à bonis immediatè ad Ecclesiam pertinentibus possident; & propterea etiam rectè à Papa Peculium Clericale appellatur.

2. Nota secundò : triplicis differentię Peculium reperitur apud Clericos beneficiatos, uti habet communis DD. nempe Peculium bonorum patrimonialium; Peculium quasi patrimonialium, seu quasi castrense; & peculium purè Ecclesiasticorum. *Patrimonialia bona* sunt, quæ ad Clericos Beneficiatos devolvuntur vel Jure testamentario, vigore cujus succedunt in aliquam hereditatem; vel titulo donationis; vel ex personali industria; aut quæ alio modo à Jure permisso ipsis adveniunt. *Quasi Patrimonialia* sunt, quæ Peculio Clericorum accrescunt, ex ministeriis Clericalibus absque beneficio; hujusmodi sunt pensiones præstite propter Concionem, Missarum celebrationes, Vicariatus, Psalmos Chorales, Sacramenti Pœnitentiæ administrationem, & similia, quæ immediatè

ex beneficio Ecclesiastico non nascuntur. *Purè Ecclesiastica* sunt, Fructus omnes, qui proficiuntur immediatè ex beneficio Ecclesiastico; puta ex Canonicatu, Decanatu, & similibus Præbendis beneficalibus.

3. Dico primò : In secularibus Clericis residet verum Dominium omnium bonorum Patrimonialium, & quasi Patrimonialium. Ita Navarr. Less. Herincx, Covarr. & communis DD. Primum colligitur ex *cap. Quianon, 9. de Testam.* Estque Ratio; quia nullo Jure apertò spoliantur Clerici seculares Dominio bonorum Patrimonialium; adeoque in Clericis talibus non minus, quàm in aliis Laicis residet verum Dominium bonorum Patrimonialium. Secundum patet; quia operarius omni Jure fit Dominus verus stipendii sibi dati pro justo labore: Ergo pariter Clericus secularis fiet Dominus bonorum quasi Patrimonialium, quæ instar stipendii, pro impenso labore Clericali, v.g. Missa celebrata, Concione declamata, Cantu Choralis persoluto, & Vicariatu præstato, ei dantur.

4. Nota tertio: circa bona Clericorum purè Ecclesiastica: quædam ex eis esse necessaria, utpotè spectantia ad congruam, & Beneficiario decentem sustentationem; cujusmodi essent v.g. ex 400. aureis, annuè obvenientibus alicui Canonico aurei 200. in annum alimentacionem, & alias necessarias expensas expendendi; quædam verò esse superflua; qualia essent reliqui 200. aurei, ultra debitam alimentacionem, & alias necessarias expensas, remanentes.

5. Dico secundò : in Beneficiatis pariter residet verum Dominium bonorum purè Ecclesiasticorum, quoad eam partem, quæ congruè, & decenti eorum sustentationi necessaria est

ria est (quæ in indivisibili non cõsistit, sed prudentis arbitrio relinquitur) vicijus pro arbitrio suo liberè de eis disponere possunt, & applicare ad quoscunque honestos usus, quidquid ex eis moderatè vivendo sibi subtraxerint. Ita Covarr. Abulenſis, Less. Gerson, Sotus, & communiter Canonistæ. Ratio est, primò: quia in Trid. sess. 24. c. 12. de Ref. ordinatur, ne Beneficiarius curam animarum suscipiens, & non emittens Professionem Fidei intra duos menses, faciat fructus suos. Et in Bulla 138. Pii V. quæ incipit, *ex primo*, declaratur, quòd non recitas Divinum Officiũ, pariter non faciat fructus suos: Ergo supponit Concilium, & Papa, quòd Beneficiarii aliàs faciant fructus suos, & eorum efficiantur veri Domini; saltẽ quoad eam partẽ, quæ congrua sustentationi necessaria est. Ratio est secundo, quia Boni purè Ecclesiastica quoad partem fructuum spectantium ad sustentationem obveniunt Beneficiatis tanquam stipendium debitum Ministro Ecclesiæ; neque apparet ex quo capite oriatur obligatio particularis in ipsis, tales facultates potius, quàm Patrimoniales; vel quasi Patrimoniales in pauperes erogandi; ut bene observat hic Covarr. ergo hujusmodi bonorum vetum habent Dominium.

6. Dico tertio: Probabilior tamen est sententia asserens, Beneficiatis regulariter non habere absolutum Dominium bonorum purè Ecclesiasticorum, quantum ad alteram partem fructuum superfluatorum congrua, ac debite sustentationi; sed quòd teneantur ex Justitia eos in pauperes erogare. Ita Anton. Richar. Dionys. Carthus. Sylv. Armilla, Navar. Hostien. Rosella, & communior Theologorum Moralistæ & Canonistæ: contra Sotum, Lorcam, Covarr. Less. Herincx, &c. Et constat primò ex ordinatione S. Trident. Synodi sess. 25. c. 2. de Refor. hujus tenoris; *Sancta Synodus omnino interdicit Episcopis, ne ex redditibus Ecclesiæ consanguineos, familiaresque augere studeant* (quod utique possent, si eorum absolutum haberent Dominium) *cum & Apostolorum Canonis prohibeant, ne rei Ecclesiasticas, quæ DEI sunt, consanguineis donec; sed si pauperes sint, eis ut pauperibus distribuant; & paucis interpositis prosequitur; quæ vero de Episcopis dicta sunt, eadem non solum in quibuscunque beneficiis Ecclesiastica, tam secularia quam Regularia obtinentibus, pro gradu sui conditione observari sed & ad S. R. E. Cardinales pertinere decernit. Canon verò Apostolicus ad quem se revocat Trid. cit. est 39. in ordine, hujus tenoris; Omnium rerum Ecclesiasticarum curam Episcopus gerito; & non liceat ei ex eis aliquid omnino contingere, aut cognatis suis elargiri, quæ DEO sunt dicata; quòd si pauperes sint, tanquam pauperibus subministrato, ergo &c.*

7. Dices: Hæc solum intelligi de redditibus ipsius Ecclesiæ, quorum Episcopus est merus administrator; non verò de iis, qui ipsi Episcopo applicati sunt; cujusmodi sunt fructus superflui beneficii Ecclesiastici. Respondet Neg. Ant. non communis sensus DD. habet, citatam Constitutionem intelligi etiam de fructibus merè superfluis ipsorum Episcoporum, resultantibus ex beneficio Ecclesiastico; & hunc intellectum etiam intendisse Concil. Trident. testati sunt plures DD. qui eidem Concilio interfuere, dum punctum hoc discuteretur; quare hi etiam postea in editionibus suis sententiam istam ut communem tradidere; uti observat Card. Lugo hic, *disp. 4. sess. 2.*

8. Constat secundo eadem conclusio tertia ex SS. PP. & Summis Pontificibus, qui in suis Canonibus appellant bona, redditus, & fructus Ecclesiæ, *Patrimonium Christi; Res DEI; Bona pauperum; & Clericorum tantum esse dispensatores, & procuratores bonorum Ecclesiæ; uti habetur caus. 12. q. 1. c. 2.* Similiter multi Canones mandant, ut fructus resultantibus ex redditibus Ecclesiæ, & obligationibus Fidelium, in quatuor partes dividantur; quarum prima tribuatur Episcopo, utique tantum pro ejus sustentatione; altera Clericis; tertia fabricæ; quarta pauperibus: ita disponitur *Can. de redditibus* Et *Can. vobis*. Et *Can. Concessio*. Et *Can. Quatuor, caus. 12.* & alibi, quæ omnia indignant, non omnes fructus transire sub Dominium Beneficiatorum: maxime modernis temporibus, cum quarta pars pauperum, post divisionem bonorum Ecclesiasticorum inter Episcopum, & Clerum, tempore Simpliciæ Papæ circa an. 470. facta, commixta manserit cum fructibus Beneficiati; quæ proinde ex superfluis refundi debet ex Justitia: divisus enim bonis inter Episcopum, & Clerum, divisa quoque est obligatio pauperibus portionem erogandi; quani obligationem Ecclesia nunquam voluit extinguere, per erectionem Beneficiorum Ecclesiasticorum, & bonorum divisionem; ut patet ex Trident. sess. 25. c. 1. de Reformat. Constat etiam tertio per plura Juris Canonici capitula, quibus interdicitur Clericis testari de bonis Ecclesiasticis; est in quibusdam Provinciis contrarium invaluerit consuetudine, vel lege dicte, canonæ; ergo signum est eos non habere Dominium, saltẽ in superfluis: alioquin de eis possent testari. Ant. patet ex cap. *Relatum* 12. Et cap. *ad hæc* 3. de Testam. & alibi.

9. Ratio etiam est pro eadem conclusio, quia Ecclesia erigendo beneficia Ecclesiæ, & assignando Canonici, ac aliis Beneficiis redditus, eã intentione illos assignavit, ut superflua in usus pios erogarent; ergo horum non efficiuntur Domini; sed tenentur ex Justitia



sticia illos applicare usibus piis. Probatum Antecedens: nisi Ecclesia habuisset talem intentionem, profectio contra debitum Christi bona distribuisset; imò dissipasset; nam non video quò motivo se excusare posset Ecclesia à dissipatione, & profanatione, dum ex Patrimonio Christi, & redditibus DEO consecratis (inquit Lugo cit.) deputantur v. g. Archidiacono Toletano triginta millia aureorum in annos singulos, de quibus ad libitum potest disponere, in omnes usus, etiam profanos, sicut de proprio Patrimonio, & hereditate paterna: ergo cum præsumendum sit, Ecclesiam bona Christi, & Ecclesiarum non dissipare, sed sanctè distribuere Patrimonio Christi, & res factas, in erectione Beneficiorum, & assignatione reddituum, intentionem habuit, ut Beneficiatus superflua teneatur ex Iustitia, in pios usus erogare.

10. Nota quartò ex his Corollaria sequentia: *Primo*; Beneficiatum mortaliter peccare, si expendat illam portionem redundantem fructuum in usus profanos; v. g. in recreationes, curiosa vestimenta, & similia procuranda; item in convivia, fabricas superbas faciendo, &c. item pro ditandis amicis, vel familiaribus suis domesticis, aut aliis: uti habet Sarmiento, Lessi, & communis DD. Secundò eosdem Beneficiatos, in profanos usus expendentes superfluos beneficii fructus, obligari ad restitutionem; uti habet Major, Rosella, Palud. Sylv. & communior DD. cum enim horum tantum sint administratores; administrator autem bona sibi commissa dissipans, vel aliter contra Iustitiam expendens, ad restitutionem obligatur: sequitur etiam Beneficiatos in profanos usus expendentes superfluos beneficii fructus, obligari ad restitutionem Ecclesie, vel pauperibus, vel piis locis faciendam.

11. Dico quartò: Clerici seculares Beneficiati, non habent Dominium bonorum immobilium Ecclesiarum; neque Suppellectilium Ecclesiasticum; sed solum administrationem. Ita Lessi, Herincx, Adrian. Navarr. & communis DD. Et constat ex Juribus Canonis docentibus hujusmodi bona, vel fundos, villas, Jus decimarum, & similia immobilia, quæ sunt purè Ecclesiastica; item Calices, Apparamenta, &c. non posse alienari ab ullo; ut habetur in tit. *De rebus Ecclesie alienandis, vel non alienandis*. Et in 6. *Decret. tit. eod.* possent autem alienari à Clericis secularibus, si eorum Dominium haberent. Itaque similitudinem bonorum Dominium, residet penes ipsam Ecclesiam; seu cæterum Ecclesiasticorum cuiusque Ecclesie, quemadmodum bona alicujus Conventus, vel Monasterii, penes cæterum Regularium, vel Monachorum; uti habet Herincx, Lessi. cum aliis AA.

12. Dico quintò: si contingat Beneficiatum augere bona sui beneficii emendo v. g. villas novas, si is à tempore promotionis fuisset pauper; tunc præsumendum est, eas pertinere ad peculium purè Ecclesiasticum talis Clerici Beneficiati, & emptas ex ipsis redditibus Ecclesiasticis. Ita Glossa, Abbas, &c. Et constat ex cap. *investigandum. 1. hoc tit.* Et can. 1. *caus. 12. q. 3.* Ex his ulterius.

13. Dico sextò: singula bona, quæ à Prælati Ecclesiasticis, & Regularibus Ecclesiarum, vel aliis Beneficiatis emuntur ex meritis redditibus Ecclesiasticis, vel intuitu Ecclesie acquisitis, censentur Pertinere ad Peculium purè Ecclesiasticum, & Ecclesie esse relinquenda. Ita Glossa, Pirh. & communis DD. Et habetur cap. *nunquaque 3. hoc tit.* Et can. *sexum caus. 12. q. 5.*

## TITULUS XXVI.

### DE TESTAMENTIS, ET ULTIMIS VOLUNTATIBUS.

#### CAP. I.

De Quidditate, Solemnitatibus Testamentorum; & personis potentibus testari, ac institui hæredes.

1. **N**ota primò: in *prioribus tit.* actum est de dispositionibus Peculii Clericorum inter vivos: in *hoc tit.* verò agit Papa

de dispositione ejusdem Peculii solita fieri per ultimam Voluntatem. Ultimæ porro Voluntates sunt illæ dispositiones, quas homines faciunt circa fienda post suam mortem; cujusmodi sunt Testamentum, Codicillus, Legata, Fideicommissum, & Donatio causâ mortis *Testamentum* secundum Justinianum *Instit. de Testam. Ordin.* est quædam *estatio mentis*; & differt à Codicillo (sic dicto quasi *parvum codex*, seu scriptura,) quòd Testamentum necessariò

cessariò postulet ad sui valorem institutionem hæredis; non verò Codicillus; qui est tantum quædam vel expositio, vel explicatio, vel mutatio, vel additio, vel subtractio dispositionum factarum in Testamento; nec requirit ad sui substantiam tot solemnitates, quot Testamentum. *Legatum* est delibatio quædam hæreditatis, seu detractio alicujus portionis ex massa hæreditatis particulari personæ relicte, ab hærede extradendæ. *Fideicommissum* termè coincidit cum Legato; & in hoc solo differt, quòd non directè detur Fideicommissario, sicut datur Legatum Legatario, sed indirectè, & mediante hærede, vel quandoque mediante Legatario. De Donatione causâ mortis jam dixi suprà Tit. 24. c. 1. *Notabilis* 2.

2. Dico primò: Bene definitur Testamentum, quòd sit voluntatis nostræ iusta sententia de eo, quod post mortem suam fieri velis, cum hæredis institutione. Ità Ulpianus in L. 1. ff. de Testam. & Juristæ omnes. *Ly iusta sententia voluntatis* est genus; & importat idem, quod dispositio legitima voluntatis in terminis, exceptis ultimis illis particulis: cum hæredis institutione: *Ly de eo, quod quis post mortem suam fieri velis*, ponitur pro differentia Testamenti ab aliis pactis inter vivos. Additur tandem *ly cum hæredis institutione*; & distinguit Testamentum à Codicillo, & aliis piis voluntatibus.

3. Nota secundò: Testamentum aliud esse scriptum, seu clausum; aliud nuncupativum. *Primum* est, quod perficitur scripturâ, & certis solemnitatibus à Jure communi, vel particulari Provinciali, necessariò adhibendis. *Nuncupativum*, quod caret scripturâ Testatoris; sed solâ voce coram testibus hæres ejus instituitur; & nuncupatur à Testatore.

4. Dico secundò: Ut validum sit Testamentum scriptum personæ secularis ad causam profanam de Jure communi; debet continere Institutionem hæredis scriptam; item manu propriâ Testatoris, vel alienâ esse conscriptum, à septem Testibus masculis, puberibus, liberis, ad id rogatis seu vocatis, unò eodémque tempore, simul subscribentibus, & sigillantibus, ipsoque Testatore si sciat scribere, aliâ ab alio octavo subscriptum, & nullius prolis exclusionem, nisi iustè exhæreditatæ, continere. Ità DD. communiter. Et constat ex L. *Hac consultiſſimâ C. de Testam. juncta g. sed àmp paulatim*; & sequent. *hysti. eadem*.

5. Nota tamen tertio: Quòd præfatas solemnitates omnes non necessariò petat Testamentum à Patre, Matre, vel alio ascendente conditum inter liberos; ut dicitur L. ult. C.

*Famil. Hercifundæ*. Similiter Testamentum Militis actualis, & positi in expeditione; ut habet L. 1. ff. de Testam. milit. Præterea Testamentum confectum in præsentia Principis, vel apud Acta; ut dicitur L. 19. C. cit. Et Rusticorum Testamentum, ad quod sufficiunt quinque testes: L. fin. C. de Testam. Et quæcundum ordinatur. Imò in plerisque jam Provinciis Imperialibus, numerus Testium est moderatus, & ad ternarium reductus.

6. Dico tertio: Ut subsistat Nuncupativum Testamentum personæ secularis, & ad profana legata, Jure civili debent septem testes, vel pauciores, juxta particulares Provinciarum Constitutiones, vocari à testatore, qui simul audiant, & intelligant Testatoris voluntatem scriptò, vel voce prolatam. Ita communis DD. Et ordinatur in L. *hec consultiſſima*. Et L. *jubemus*, juncta L. *Quoniam indignum*. C. de Testam.

7. Dico quarto: Quando Testamentum conditur ad causam piam, ad ejus valorem necessariò non requiruntur prædictæ solemnitates Juris. Ita Abb. Bart. Navarr. Herincx, Sylv. & Canonistæ communiter. Ratio est, quia Jus Canonicum in favorem causarum piarum, derogavit Juri Cæsareo communi, quoad dictas solemnitates: eò quòd Jura secularia causis Ecclesiasticis, ad spiritualem finem collimantibus, scilicet salutem, non possint præjudicare nisi approbante Papa; ut habetur cap. *Ecclesia*, de Conſtit. solemnitates autem prædictæ à Jure Civili invadeant non sunt approbatæ à Papa, ut patet ex cap. *Relatum* 1. de Testam. adeoque ad valorem Testamenti conditi ad causam piam, necessariò non requiruntur præfate solemnitates.

8. Nota quarto ex his sequentia Corollaria. *Primò*; licet ex dispositione L. *jubemus C. de Testam.* declaratio hæredis, solis nutibus facta non subsistat; subsistit tamen legatum pium, solò Testantis nutu, vel aliò signò declaratum: ut habet Clarus, Abb. Gloss. Laym; &c. Ratio est; quia Jure Gentium, ac naturali tale censetur esse validum. *Secundò*; validum etiam est Testamentum ad causas pias principaliter conditum, & in conscientia obligans hæredes, si ab ipso Testatore verè conscriptum sit; etsi à nullo teste subscriptum; ut docet Covarr. Mol. Laym. Tiraq. &c. Neque obstat cap. *Relatum* 1. hoc ius, postulans duos, vel tres testes; quia hi non tam ad authenticandum Testamentum, quàm probandam mentem Testatoris ibidem assignantur; si aliæ probationes desint. Imò etsi principaliter

conditum esset ad causas profanas, continens tamen etiam aliquas causas pias, validum erit quoad causas pias insertas ; licet quoad alias corruat, defectu testium subscriptorum ; uti patet ex *cit. cap. i. Terrio* ; valet Testamentum inceptum, sed non finitum ob mortem super-venientem, quoad causas pias, jam in eo expressas ; uti tenet Bart. Abbas, Covarr. Laym. Tiraqu. Et deducitur ex *cap. i. & penult. de success. ab intest.* Quarto ; subsistit pariter Testamentum ad pias causas, quæ ab alio debent primò determinari ; ut dicit Lessi. Molin. Laym. Clarus, &c. Et colligitur ex *cap. cum tibi, de Testament.*

9. Dico quinto : si contingat Testamentum ad causam profanam esse invalidum in foro Civili defectu requisitarum solemnitatum ; in foro tamen conscientie probabilius est illud adhuc fortiori valorem, & retineri posse omnes facultates, vi ejusdem acceptas titulo Legati, vel hereditatis. Ita Clarus, Lessi. Jafon, Tab. Sylv. & plurimi alii utriusque Juris DD. asserentes ex tali Testamento oriri obligationem naturalem ; & consequenter valorem ejus in foro conscientie : contra Covarr. Lug. He-rix, Baldum, &c. Ratio est ; solemnitates Testamenti v. g. numerus testium, &c. à Jure idè introductæ sunt ad valorem Testamen-*ti*, ut præcludatur via fraudibus, deceptionibus, & solitis dolis, qui in condendis Testa-mentis obrepere possent ; & testantium volun-*tates* evertuntur in foro externo ; uti patet ex *L. Questionum C. de Fideicommiss.* ergo si in foro conscientie certò conset de veritate Testa-*menti*, & carentia omnis doli, fraudis, vel de-*ceptionis* ; & quòd revera sit ibi expressa vo-*luntas* Testantis, validum erit in conscientia tale Testamentum carens debitis solemnitati-*bus*. Præterea, valor hujus Testamenti mi-*nus* solemnitis clarè deducitur ex *L. Esimuliter. C. de Fideicommiss. & Instit. de Fideicommiss.* Imò ex ipsa æquitate naturali, quæ postulat, ut dum justis de causis, deliberatè, & seriò quis facultates suas in alium in Testamento trans-*fert*, cum vero dominio ; ob solum defectum solemnitatum Legalium, per ignorantiam, vel impotentiam omisissarum, hujusmodi volun-*tates* sua ultima non pereat : unde etiam dixit Imperator *Authent. de Nupt. Coll. 4. c. 46. ubique custodire volumus morientium Voluntas* ; Et Ratio dicat, finem non esse evertendum, ut ser-*ventur* media ; quod sanè contingeret, si ulti-*ma* Voluntas Testatoris, quæ est finis Te-*stantis*, irrita fieret defectu solemnitatum, quæ sunt media ad tuendas Ultimas Voluntas.

10. Dico sexto : Omnes alii homines testa-*ri* possunt, præter amentes ; surdos & mutos

simul à natura ; Prodigios ; Mancipia ; Usura-*rios* manifestos ante restitutionem, vel cautio-*nem* ; Filios familias de aliquibus bonis ; Im-*pubes* ; Captivos ; vel obsolescentes ; Dam-*pnatos* ad mortem naturalem, vel civilem ; Professos Religiosos ; Criminosos infames ; & Beneficiarios de redditibus purè Ecclesiasti-*cis*, sustentationi superfluis. Ita Legistæ, & Theologi communiter. Primum constat ex *L. 1. C. de Sacrosanctis Ecclesiis* ; ubi dicitur ; *Nihil est, quod magis hominibus debeatur, quam ut suprema Voluntas (postquam jam aliud velle non possunt) liber sit styli ; & licitum, quod iterum non redit arbitrium.*

11. Reliqua membra conclusionis etiam probantur ; & primò de Amentibus ; quia hi jure naturæ defectu usus rationis repelluntur à testando. De simul Surdis & Mutis ; quia his vetitum est Testamentum facere per *L. Discretis C. qui Testamentum facere possunt*. De Prodi-*gis* interdictis à bonis, patet ex *l. ista. Qui Test. facere possunt. §. item Prodigus*. De Mancipiis habetur *L. Filiisfamil. ff. de Testam.* De Usura-*riis* resolvitur in *cap. Quamquam, de Usuris in 6. De Filiisfamilias* ; quia hi de bonis adventitiis, etsi consensum Patris haberent, prohibentur testari ad causas profanas, & *L. Qui in potestate 6. ff. Qui testamenta. Et L. Nemo, C. eodem*. non tamen ad causas pias cum consensu Patris ; ut habetur *cap. Licet, de sepulchris in 6.* Neque de adventitiis acquisitis post Clericatum ; quia de his eodem modo, quò de Castrensis, & qua-*si* Castrensis, etiam sine consensu Patris pos-*sunt* testari ; ut habetur *Auth. Presbyteros C. de Episcopis & Clericis*. De Impuberibus habe-*tur* *L. A qua aetate. ff. Qui Testamenta*. De Ob-*sistibus* patet ex *L. Ejusquis. Et L. obfess. C. qui testamenta facere possunt*. Horum tamen Te-*stamentum* ante captivitatem factum subsistit per *L. Cornelia ff. de Testam. & qui Testam. face-*re* possunt*. De damnatis ad mortem colligitur ex *L. Ejus ff. de Testam.* Et *L. Qui ultimo sup-*plicio* ff. de penis*. De Professis Religiosis de-*ducitur* ex *Can. Non dicatis, caus. 12. qu. 1. Novi-*tiam* Testamentum ante Professionem fa-*ctum* validum manet post Professionem ; uti habet Navar. Lessi. Clarus, & communis. De criminosis ; id est iis, qui patraverunt crimen Ju-*re* graviter puniendum, patet ex *L. Si cui 15. Et L. Cum Lege 26. ff. qui Testament.* Tales cri-*minosi* censentur esse, insectatores, percussio-*res*, & captivatores alicujus Cardinalis ; item ad hæc cooperantes ; ut dicitur *cap. Felicis, de Penis in 6.* Item Hæretici *L. Manicheos. C. de Hæreticis*. Item Hæreticorum receptores, de-*fensores*, & fautores, *ff. qui Testam.* uti habe-*tur* *C. Excommunicamus 1. De infamibus ha-*betur***

betur L. *Is cui g. si quis*. De Beneficiariis ducitur ex C. *Quia nos*. Et C. *Relatum* 2. nisi privilegium, vel consuetudo aliud obtinuisse, uti in Germania.

12. Dico septimò: Omnes alii hæredes in Testamentis possunt institui, præter illos, qui *priori conclusione* à Juribus prohibentur testari; & præterea Collegia sine auctoritate publica erecta; item spurii; hostium Civitates; Judæorum communitates; hæredes fieri nequeunt. Ita communis Theologorum, & Juristarum. Primum colligitur ex L. C. de *Sacro sanctis Ecclesiis*. Secundum patet; quia ita ordinant diversa Jura, adducta in probatione prioris conclusionis. De hostium Civitatibus habetur L. *Omniū* ff. ad S. C. *Trebellianum*. De Judæorum Communitatibus L. C. de *Judaïs. cap. de V. S.* De Collegio habetur L. *Collegia* ff. de *illicitis Collegiis*. Excipiuntur tamen Collegia, & Confraternitates pietatis causâ erectæ, etiam absque facultate Superioris; uti dicitur L. 1. ff. *eodem*. De spuris, ex coitu damnato, & punibili genitis, habetur in *Auth. Licet in fine* C. de *Natural. lib.* Item *Auth. Quibus modis naturalis*. Et *Auth. Ex complexu* C. de *incest. nupt.*

## CAP. II.

Alia circa Testamenta, & alias  
Ultimas Voluntates resol-  
vuntur.

1. Dico primò: Omne Testamentum potest licitè mutari, imò cassari, ac revocari contrariò factò, vel formatione novi validi, cum alterius hæredis institutione; si Juramento firmatum excipias. Ità Ulpianus, Covar. Molin. & communis Juristarum. De mutatione constat ex illo Ulpiani L. 4. ff. de *adim. Legat. Ambulatoria est Voluntas defuncti, usque ad vltimū exitum*. De cassatione per contrarium factum, puta si cancelletur hæres, vel ex industria rumpatur scriptura, vel sigilla deponantur, vel similis solemnitas auferatur, patet ex L. *Si unus de septem*. Et L. *Nosstrum* C. de *Testam.* De formatione novi Testamenti, habetur *Instit. quibus modis Testamenta inferuntur*. Tandem de confirmat. Juramento Ratio est; quia Juramenta sine dispendio salutis possibilia servatū adimplenda sunt; ut dicitur *cap. Quamvis de Palsu in 6.* adeoque & Testamentum juratum: tamen si testamentum posterius factum adhuc teneat, cum actus naturam juramentum non mutet.

2. Dico secundò: In Testamentis licitè fieri possunt substitutiones, seu designationes hæredis in locum instituti primò gradu, si is non foret hæres. Ita Laym. Herincx, Gom. Con. Mol. & communis Jurisperitorum. Et constat ex ff. de *vulg. & pupill. substitut.* Et *Instit. de pupill. substitut.* Sunt autem variz species substitutionis; Vulgaris scilicet, Pupillaris, Exemplaris, Fideicommissoria, Reciproca, & Compendiosa. *Vulgaris* est; quam quisvis testans applicare potest; sitque sub conditione hac, vel simili forma; *Si Plato recuset, vel nequeat esse heres, si Plautus heres*. *Pupillaris* est, quando filio impuberi alius substituitur hæres, si ante annos pubertatis eum mori contigerit *Exemplaris* est; in qua, exemplò substitutionis Pupillaris puberi furioso, mente capto, imò etiam declarato prodigo filio alius hæres substituitur. *Fideicommissoria* est, quâ hæres directè institutus est gravatus, ut portionem maxie hæreditariæ alteri det. *Reciproca* est, in qua plures hæredes instituti, sibi invicem substituantur, hoc tenore; *Instituto heredes Platonem & Plautum; & alterutri ex his prius morienti, alterum substituo*. *Compendiosa* est; quæ ratione diversorum temporum pertinet ad diversas institutiones; talis esset ista, *Instituto Platonem Filium meum heredem, sique quandoque mortuus fuerit, substituo Plautum*.

3. Dico tertio: si Filius hæres Fideicommissò, vel Legatis in Testamento factis, sentiat se nimium gravatum, potest ex eis detrachere suam legitimam Trebellianicam, & Falcidiam. Ita Clarus, Raynultius, Molin. Sylv. &c. Jurisperiti omnes. Est autem *Legitima* Jure novo Triens, id est tertia pars bonorum; vel si plures liberi sint hæredes, media pars, juxta *Novellam 18. c. 1.* *Falcidia* à Cajo Falcidio Tribuno plebis tempore Augusti sic dicta, est quarta pars bonorum, quam hæres gravatus à Legatis potest detrachere. *Trebellianica* instar *Falcidiz* est introducta per S. C. *Trebellianum*, & est pariter quarta pars bonorum, quam hæres gravatus potest à Fideicommissis factis detrachere. Primum de Legitima constat *cap. Raynultius*. Et *cap. Raynaldus, de Testam.* Et ex *Novellâ cit.* Secundum patet ex ff. *& C. ad S. C. Trebellian.* Et *Instit. de Fideicommiss. heredit.* Tertium ex C. ad L. *Falcidiam*, & alibi. Sed

4. Nota primò secundum Covarr. Gomez, Clarum, &c. Testatorem posse prohibere in Testamento detractionem *Falcidiz*, & *Trebellianicæ*; uti patet *Authen. sed cum Testator C. ad L. Falcidiam*. Similiter nequit subtrahi *Fal-*

*cidia*,



cidia, vel Trebellianica à Legatis, & Fideicommissis factis ad pias causas; uti constat ex *Auth. similiter C. ad L. Falcidiam*. Et ex *Auth. de Ecclesiasticis Titulis. §. si hæres*. Potest tamen & in his causis fieri Falcidia, & Trebellianicæ subdicio, si tam ipsemet hæres institutus, quam Legatarius, vel Fideicommissarius sit quædam causa pia; uti docet Abbas in *C. in presentia. de Probat.* Ratio est; quia dum privilegium concurret cum privilegio, cassatò utròque servatur Jus commune.

5. Nota secundo circa Codicillos sequentia: *Primo*, ad eorum valorem Jure communi requiri quinque Testes, etsi hi non debeant esse rogati, nec soli Mares. Ita habetur *L. ult. C. de Codicillis*. Junctâ Glossâ. *Quinque Testes*. Sed juribus particularibus Provinciarum, huic numero passim est derogatum. *Secundo*; formari possunt plures Codicilli, & tunc posterior derogat priori, *L. Divi ff. de Jure Codicilli*. *Tertio*; Codicilli fieri possunt tam à decedentibus ab intestato, quam à Legitimo Testatore; hoc etiam ante factum Testamentum, & cum ipso Testamento, *Instit. de Codicillis*. Et *L. consuevit ff. eodem*. *Quarto*; Codicilli fieri possunt sicut Testamentum, vel in scriptis, vel sine scriptis per nuncupationem. Vide plura *Instit. de Codicillis*. Et *ff. de Jure Codicilli*. *Quinto*; Codicillos potest facere solus ille, qui potest testari, *L. Datus ff. de Jure Codicilli*.

6. Nota tertio circa Legata; seu Fideicommissa particularia sequentia: *Primo*; quòd Legatum sit donatio quædam à defuncto relicta, & ab hærede præstanda; ut loquitur *Instit. de Legatis*. *Secundo*; Legare potest omnis ille, qui potest testari. *Tertio*; Legata, & Fideicommissa fieri possunt solis illis, qui hæredes institui possunt; uti habetur *Instit. de Legatis*. *Quarto*; Legari possunt bona propria Testatoris actualia, & potentialia seu in spe; Jura, & actiones. Item res alienæ, ut eas hæres redimat, & præstet; vel si redimere nequeat, æstimationem det; uti habetur *Instit. de Legatis*. Et *C. eodem*.

7. Nota quarto circa renunciationes hæreditatum sequentia. *Primo*, Renunciationem, quam facit necessarius hæres de successione futura hæreditatis, nullius roboris esse; ita dicitur *L. Qui superstitis. ff. de acquir. hered.* Et pluribus aliis Legibus. Subisteret tamen, si fieret in ipso actu testandi, vel post conditum Testamentum, in quo hæres esset præteritus; ut deducitur ex *L. Non putavit ff. de bonorum Possess. contra tabulas*. Item si hæres necessarius vivente Testatore, integram portionem suam accepisset, renunciando remanentibus portionibus hæreditatis; ut docet Bart. Abbas,

Laym. Clarus, &c. Item si Renunciatio esset stabilita juramento; uti dicitur *cap. Quamvis passum; de passis in 6*. Nec obstat Tridentinum, *sess. 25. c. 16. de Reg.* irritans Novitii revocationes sine Episcopi licentia factas inter duos menses proximos ante professionem, etiam juramento firmatas; quia non loquitur de renunciationibus hæreditatum causâ mortis vi Testamenti, vel Codicilli possidendarum; sed de renunciationibus beneficii Ecclesiastici, & similibus intuitu professionis emittendæ factis, inducentibus obligationem renuncianti, & spoliantibus Novitium bonis, ita ut necessario deinde profiteri debeat.

8. Nota quinto circa Executionem Testamentorum, cæterarumque Voluntatum ultimarum sequentia: *Primo*; si in Testamento, vel Codicillo nullus exprimitur Executor; Executio dispositionum Testatoris spectat ad hæredes, etiam quoad Legata pia. Ita deducitur ex *cap. Nos quidem*. Et *cap. Si hæres; de Testam.* nisi Legata pia ordinata essent pro Redemptione Captivorum; vel elemosynis pauperum, quæ quâ talia Ordinarius loci, veluti communis egenorum Pater distribuere debet, deficiente determinatò Executoris Testamenti; uti habet *Auth. de Eccles. tit. 8. Nulli C. de Episcop. & Cleric.* *Secundo*; Possunt à Testatore ordinari plures Testamenti Executores; sive hi sint ipsimet hæredes; sive alii; ita Laym. Lugo, &c. etiam Mulieres; uti deducitur ex *C. Nos quidem*. Et ex *L. à Filio ff. de alimentis Legatis*. Similiter Clerici, & Religiosi cum licentia sui Prælati; uti habetur *cap. Tua nobis*. Et *cap. Joannes, de Testam.* *Tertio*; Executores Testamenti post aditam hæreditatem, & Inventarium confectum, sunt obligati illicò Legata exequi, & solvere; nisi contingat eos legitime impediri. Ita habetur *L. Si hæres, de Testam.* In casu autem iniquæ moræ, & tardationis Juxta tam Ecclesiasticum, quam sæculares, Executores compellere potest ad solutionem Legatorum; de sæculari hoc tenet communis DD. Juris sæcularis. De Ecclesiastico patet ex *C. super quibusdam, de verb. signif.* ubi dicitur; Judicem Ecclesiasticum debere subvenire miserabilibus personis, carentibus auxilio; qualis est defunctus in hac sua causa: unde autoritas compellendi negligentes Executores est fori mixti, & datur præventionis locus; ut bene advertit Abbas, & alii DD.

## CAP. III.

## Quid de Testamentis quoad FF. Minores.

1. Dico primò: Nullus frater Minor professus de Observ. & Ref. in Ordine constitutus potest testamentum condere de ulla re temporali. Ita communis DD. Et deducitur ex *can. non dicatis, caus. 12. q. 1.* Estq; Ratio; quia conditio seu confectio testamenti supponit in testante proprietatem, & dominium illius rei, de qua testatur; nullus autem Frater Minor Observans, vel Reformatus constitutus in Ordine habet ullius rei temporalis proprietatem, & domini-

um; uti patet ex Regula Seraphica *cap. 1.* & ex Extravag. Nicolai III. & Clementis V. ac Constitutionibus generalibus *cap. 4. §. 1.* & aliis; adeoque talis nequit testari de ulla re temporali.

2. Dico secundò: Fratres Minores Observantes, & Reformati nequeunt institui hæredes formales in Testamentis. Ita communis DD. Ordinis nostri. Et constat ex *cap. Exiit qui seminat 3. de V. S. in 6.* Et Clement. *Exivi, de verb. sig.* His tamen possunt relinqui pia legata, sub modificatione puræ Eleemosynæ; uti dicitur *ibidem*. Ad ea autem exigenda nequeunt Fratres institui Procuratores formales; uti habent Constit. general. modernæ *cap. 6. §. 5.*

## TITULUS XXVII.

## De Successionibus ab intestato.

## CAP. I.

## Quot sint Ordines Succedentium: ubi specialiter de Ordine primo Descendentium.

1. Nota primò: *Priori titulo*, qui agit de Successione testamentaria, appositè Papa subiungit hunc de successione ab intestato, quam Leges & Canones tunc deserunt certæ personæ, quando habens aliquam hæreditatem: discedit ab intestato; quæ vocatur successio legitima, *L. Legitimam 8. ff. de petis. hered.* Dicitur autem *ab intestato* discedere ille, qui vel omnino non condidit Testamentum; vel aliquod quidem condidit; sed non Jure, id est non cum debitis solemnitatibus, quas Jura requirunt: vel cujus testamentum ex postfacto ruptum, irritumque factum est; vel denique ex cujus Testamento nullus exstitit hæres, *Instit. de hered. quæ ab intestato.*

2. Nota secundò: Quinque possunt assignari Ordines succedentium in hæreditate ab intestato discedentis, primus est *descendentium*, id est liberorum. Secundus est *ascendentium*, id est parentum. Tertius *collateralium*, id est Fratrum, & aliorum consanguineorum. Quartus *Conjunctum inter se*. Quintus deniq; *Extri.*

3. Dico primò: Ad successionem ab intestato primò vocantur descendentes seu liberi defuncti intestati, sive hi Laici sint, sive Clerici. Ita communis DD. Et constat ex *L. cum ratio ff. de bonis damnatis*. Et quia parentes

malunt sua bona devolvi potius ad filios, quam extraneos. Et quia id æquitas, & jus naturale poscit, ut ex bonis paternis liberi alimenta consequantur.

4. Nota autem tertio: liberos esse in multiplici differentia; alii enim sunt spirituales, alii affines, alii legitimi tantum, alii legitimi & naturales simul, alii naturales tantum: qui rursus dividuntur, ita ut alii sint propriè naturales; alii spurii, alii ex damnato concubitu, alii legitimi.

5. Nota quarto: *liberi*, seu *filii spirituales* sunt, quos in baptismo, vel confirmatione tenuimus: & hi nullam habent successionem; ut habet communis DD. *Liberi*, seu *filii affines* sunt privigni: & hi vitrico non succedunt *L. 3. §. 7. C. communia, de success.* *Legitimi* tantum sunt adoptivi: hi quàm diu durat adoptio Patri adoptivo ab intestato succedunt; si verò ipso vivente fuerint emancipati, cessat successio. *Liberi legitimi, & naturales simul* sunt, qui ex justis & legitimis nuptiis procreati sunt; dicuntur *naturæ*; quia secundum naturam, & conjunctionem carnalem geniti sunt à parentibus: *Legitimi* verò; quia hujusmodi conjunctionem parentum Lex approbat per legitimum Matrimonium. Hujusmodi liberi hodierno Jure succedunt suis parentibus in bonis allodialibus sine distinctione, masculi sint, an feminae, sui juris, an patris potestati subiecti: in bonis verò feudalibus hodie attenditur differentia sexus; & feminae, atque ex his genitos excludunt à successione Jura, *ut, de Feudis.*

## CAP. II.

De Ordine *Ascendentium* in Successionibus ab intestato.

6. Nota quintò : *Liberi naturales tantum* dici possunt omnes illi, qui extra Matrimonium nascuntur; propriè tamen sunt illi, qui nati sunt ex concubina, domi locò Uxoris retentà; qui concubinatus olim quidè fuit toleratus ff. *C. de concubinis*; hodie tamen in foro seculari, quàm canonico ex Trid. sess. 24. de Refor. c. 8. contra ejusmodi concubinarios proceditur. Filii autem tales naturales tantum, de Jure, non extantibus aliis liberis ex legitimo Matrimonio natis, neque uxore legitima, succedunt Patri, unà cum sua Matre in sextante, seu duabus uncis (id est duabus partibus hæreditatis, si ea in duodecim dividatur) æqualiter inter eos distribuendis: avo autem paterno non succedunt; neque patri, quando supersunt liberi ex justis nuptiis procreati, aut legitima uxor; debentur tamen ipsis alimenta ex hæreditate patris arbitriò boni viri, Nov. 18. cap. 5. Et Nov. 19. cap. 12. Matri autem illustri, & omnibus ascendentibus per lineam maternam unà cum justis liberis hi naturales succedunt, *Auth. Si qua illustri C. ad S. C. Officiarium*. Spuriis licet etiam communi vocabulo dici possint omnes illegitimi; propriè tamen tales vocantur illi, qui ex muliere publica passim suum corpus prostituentem generati sunt. Hi præsumuntur habere patrem incertum L. *nullo concepti* 23. ff. de stat. homin. & ideo successionem non habent in hæreditate paterna. Matri verò (quæ semper est certa) succedunt cum liberis ex justo Matrimonio natis: nisi fuerit illustris, in qua talis publico libido magis reprobatur; de quo consule textum, & interpretes ad tit. *Instit. de S. C. Offic.* Et L. *Si qua illustri C. eod.*

7. Notasextò : ex damnato concubitu nati dicuntur illi, qui procreati sunt ex tali copula, quam damnat Lex, & afficit poenâ gravi mortis v. g. tales sunt adulterini, & incestuosi, id est generati à consanguineis, vel affinibus in gradibus prohibitis. Hujusmodi liberi non habent ullam successionem, nec paternam, nec maternam: nec Jure civili ulla alimenta ipsis debentur, *Auth. ex complexu C. de incestu nuptiis*. Ex Canonibus tamen videntur ipsis assignanda alimenta juxta parentum facultates, per textum in cap. *cum haberet* 5. de eo, qui auxit. Legitimati dicuntur illi, qui per subsequens Matrimonium, etiam in articulo mortis legitimantur. Hi æquiparantur quoad omnia natis legitimis §. *quibus, de hered. qua ab intest.* ac proinde succedunt parentibus unà cum legitimis. Extant & alii legitimati per rescriptum Principis; sed hi non succedunt patri; nisi quando nulli extant liberi legitimi, *Auth. §. illud tamen, cap. 9.*

Dico primò. Ad Successionem ab intestato secundo loco, scilicet deficientibus Descendentibus vocantur Ascendentes, seu parentes; servatâ tamen gradus prærogativâ, ita scilicet, ut proximiores excludant remotiores v. g. Pater Avum paternum, & maternum, & similiter mater avum paternum, & maternum. Ita Covarr. Valens. Engel, & communis DD Et constat ex *Auth. de hered. ab intestato venientibus*. Et cap. 2. coll. Nov. 118.

2. Nota primò : succedunt autem Pater & Mater, alijque Ascendentes sive paternæ sive maternæ lineæ (si paris gradus sint) æqualiter in bonis defuncti ab intestato; sive ea à Patre, sive à Matre ad Filium venerint, uti tenet Baldus, Cynus, Pyrh. & probabilior DD. contra Bart. nam & Justinianus in *Auth. de hered. ab intest. venient. cap. 2.* generaliter & indistinctè loquitur, nullâ factâ distinctione bonorum; utitur enim vocabulò *hereditatis*, quod omnes jus defuncti complectitur L. *hereditas* 62. ff. de R. I.

3. Nota secundò : si unà cum Patre, aut Matre adsint Germani Fratres, vel Sorores, sive ex utraq; parte defuncti conjuncti: tunc hi unà cum illis succedunt in capita, sive æqualiter; ita ut Parentes, & Fratres defuncti accipiant æquales partes hæreditatis, *cit. Auth. de hered. cap. 2.* Et *Auth. defuncto, cap. 2.* Imò supersites Fratres, & Sorores defuncti non tantum cum Patre, & Matre defuncti; sed etiam his deficientibus cum avo, & avia, & ulterioribus Ascendentibus succedunt in capita: Similiter & avus, & avia per tales Fratres à successionem non excluduntur; uti habet Gloss. Covarr. & C. DD. Parentes autem succedunt soli liberis suis ab intestato defunctis, quando adsunt Fratres non utrinque, sed ex Patre tantum, vel Matre tantum conjunctis; uti colligitur ex *Authent. cit. de berea*. Et *Auth. defuncto cap. 2. §. Si verò*.

4. Nota tertio : circa Parentes naturales tantum Jura Successionum sunt correlativa; quare sicut Filii naturales tantum succedunt Patribus in duabus uncis; ita vicissim eisdem Patres, & sicut iidem filii succedunt Matri in universum; ita vice versa Mater talibus liberis, *Auth. licet, C. de natural. liber.* Similiter sicut spurii non succedunt Patri; uti nec nati

nati ex damnato concubitu Patribus, nec Matribus; ita è contra spuris non succedunt Patres, seu allegantes se Patrem: & damnatis nec Patres, nec Matres L. Si spuris ff. unde cognati. Et Auth. ex complexu C. de incest. nuptiis.

### CAP. III.

#### DeOrdineCollateralium in succedendo ab intestato.

1. Nota primò: illi vocantur *Collaterales*, quos quidem non genuimus; nec nos sumus generati ab ipsis; trahimus tamen propaginem ex eodem sanguine; quare etiam dicuntur nostri *Consanguinei*. Hi autem sunt in duplici differentia; quidam enim appellantur *agnati*, & sunt illi, qui ex paterna linea sanguine nobis conjuncti sunt; quidam *cognati* vocantur; & sunt illi, qui ex linea materna nobis conjunguntur: & ambo *Consanguinei* nostri appellantur.

2. Dico primò: Ad Successionem ab intestato tertio locò, deficientibus scilicet hæreditibus Descendentibus, & Ascendentibus, ad defuncti hæreditatem vocantur ejus Collaterales, salvâ prærogativâ gradûs. Ita communis DD. Et constat ex *Auth. de hered. ab intestato cap. 3. in princ. coll. 9. Nov. 118.* Et *Auth. sique C. communia. de success.* Et

3. Nota secundò: quòd primò locò vocentur, & succedant Fratres, aut Sorores ex utroque Parente sibi conjuncti; si adsint, exclusis Fratribus, & Sororibus Consanguineis, qui ex solo Patre, & uterinis, qui ex sola Matre juncti sunt; uti constat ex *c. l. Legibus*. Secundò locò vocantur filii, vel filix Fratris utrinque conjuncti, si adsint, etiam mortui; vel etiam Sororis; & hi unâ cum Fratribus, & Sororibus utrinque defuncto conjunctis, patruis, vel amitis ipsorum succedunt in stirpes; hoc est, eam tunc filii, vel filix fratris præmortui, quotcumque fuerint, accipiunt hæreditatem, quam Patres eorum, si viveret, accepisset. *cit. Auth. de hered. ab intest. cap. 3.* Et hi excludunt Fratres ex uno tantum latere conjunctos defuncto, sublata omni differentia sexûs, & emancipationis, *Auth. Cessante C. de legit. hered.* Idem excludunt à successione patrum adhuc superstitem defuncti Fratris, id est, fratrem sui patris, & sororem Patris, & sororem Matris *Auth. cit. de hered. cap. 3.* Tertiò locò si non extant Fratres utrinque conjuncti, nec filii horum; tunc vocantur fratres defuncti ex uno duntaxat latere conjuncti; ita tamen ut uterinis materna, consanguineis paterna bona deferantur, *Auth. post Fra-*

*tres l. C. de legit. hered.* Quartò locò præfatis omnibus deficientibus succedunt reliqui cognati Collaterales gradu propinquiore, exclusis remotioribus; & quidem non in stirpes; sed in capita, ita ut hæreditas dividatur inter eos æqualiter, *Authent. post Fratres 2. C. de legit. hered.* Et protenditur hæc successio propinquois cognati usque ad decimum gradum; uti habet Glossa.

### CAP. IV.

#### De Ordine Conjugum, & Fisci in succedendo; ac de Successione in hæreditate relicta ab Ecclesiasticis, & Religiosis personis ab intestato.

1. Dico primò: Ad successionem ab intestato quartò locò, deficientibus nimirum descendantibus, ascendentibus, & Collateralibus, admittuntur Conjuges, ita ut vir succedat Uxori, & è converso; etsi aliàs Conjuges de Jure communi regulariter (secluso pacto dotali, consuetudine, vel statu loci) sibi invicem non succedant. Ita Engel, Pirh. Vallens. &c. Primum habetur L. unica, C. unde vir & uxor. Secundum constat ex L. non taciti 4. junctâ Gloss. ver. ex nuptiis, ff. de gradibus affinit. Dixi secluso pacto dotali, consuetudine, vel statu loci; quia in quibusdani Regionibus maxime Germania, teste Mynsing. permittuntur ut valida pacta dotalia, quibus Conjuges paciscuntur, ut si unus eorum moriatur sine liberis, alter superstes omnia, vel certa saltem bona hærediter exclusis consanguineis.

2. Dico secundò: demum ad successionem quoque quintò modò admittitur Fiscus, deficientibus scilicet consanguineis ultra decimum gradum, & uxore, aut marito. Ita communis DD. Et habetur L. 1. & L. vacantia 4. C. de bon. vacant. lib. 10. Et quidem secularis Fiscus, si defunctus erat laicus; Ecclesiasticus verò, si erat Clericus, *cap. 1. hoc tit.*

3. Nota primò: si peregrinus in locis remotis moriatur intra hospitale, omnis cura adhiberi debet, ut ejus bona relicta mobilia deveniant ad manus hæredum: si verò nullus hæres indagari possit, ejus bona ab Episcopo loci in pias causas sunt distribuenda, *Auth. omnes peregrini C. communia. de success.*

4. Dico tertio: ad Successionem Bonorum patrimonialium, industrialium, & parimonialium, quæ aliquis Clericus ab intestato reliquit, succedunt primò locò consanguinei defuncti,



functi, juxta ordinem *cap. 3.* expressum. Ita communis DD. Et habetur *Can. 1. caus. 12. q. 4.*

5. Dico quartò : si Clericus ab intestato defunctus nullos habuerit consanguineos, in præfatis bonis succedit Ecclesia, cui inservivit tempore mortis: idem dicendum de bonis intuitu Ecclesiæ acquisitis Clerici. Ita Glossa, Engel, Pirh. &c. Et constat ex *cap. 1. hoc tit.* Quòd si defunctus Clericus habuerit plura beneficia in diversis Ecclesiis, tunc bona ejus diversis illis Ecclesiis pro rata distribuuntur, *cap. relatum 12. de Testam.*

6. Nota autem secundò : quòd nomine Ecclesiæ juxta *cap. cit. 12.* aliquando veniat Episcopus, vel Parochus, si hic sit successor in beneficio: aliquando verò Collegium Clericorum, vel Capitulum, si ejus successor sit aliquod totum Collegium Clericorum, vel Canonicorum; quibus proinde duobus successoribus consignanda sunt bona Clerici ab intestato mortui; ut notat Engel.

7. Nota tertio: si constat massam hæreditatis relictam à Clerico ab intestato mortuo, compositam esse tum ex bonis patrimonialibus, tum ex industrialibus, tempore beneficii Ecclesiastici acquisitis; tunc ea dividi debet in

quatuor partes, quarum unam Episcopus, alteram Ecclesia, tertiam pauperes, & quartam consanguinei capient, *cap. 2. hoc tit.*

8. Dico quintò: Religiosorum in Religione bonorum incapace professorum bona, de quibus ante professionem nihil disposuerunt, statim cadunt ad hæredes eorum, secutà professione. Ita Less. Pirh. &c. Ratio est; quia tales Religiosi secutà professione censentur mortui ab intestato, non minùs, quàm si morte naturali obiissent. Et quia se per professionem privant omni dominio, & possessione bonorum suorum; ex alio capite etiam Religio quam profitentur non est capax eorumdem.

9. Dico sextò: Religiosorum verò in ordine bonorum capace professorum, imò & Novitiorum bona, de quibus nihil disposuerunt ante professionem, secutà professione devolvuntur ad Ordinem. Ita Azor. Sanch. Pirh. &c. Et constat ex *Auth. ingressi. Et Auth. Si qua mulier C. de SS. Ecclesiis.* Estque Ratio; quia tales Religiosi æquiparantur secutà professionem defunctis ab intestato, ob mortem spiritualem, quâ moriuntur mundo.

## TITULUS XXVIII.

### De Sepulturis.

#### CAP. I.

##### De loco Sepulturæ.

1. **N**ota primò: annumerantur quoque bonis Clericorum (de quibus agit hic tertius Decretal.) Jura sepulturae; uti & alia Jura, de quibus in *sequentibus tit.* Quare S. Pontifex hunc titulum subjicit de sepulturis. Ly autem *sepultura* variè sumitur etiam in Jure; nimirum aliquando pro sepulchro, id est loco quodam concavo, cui inferuntur cadavera, vel ossa mortuorum; hæc usurpatio habetur *can. aurum, caus. 12. q. 2.* Aliquando pro Jure sepeliendi; & de hac acceptione procedit etiam *cap. 1. hoc tit.* Aliquando pro actu, seu officio, quod inhumanis ac sepeliendis corporibus impèditur; & in hoc sensu agit de sepulturis *can. precipiendum 15. caus. 13. q. 2.* Et *cap. non satis, de Simonia.*

2. Nota secundò: diversus erat locus sepulturarum apud veteres, & modernos Christianos: nam *cit. can. precipiendum* prohibitum fuit, ne Christiani tumularentur in Ecclesiis; & *L. mortuorum 12. C. de Religiosis; Et sumpt. fa-*

*ner.* Et *L. 3. de sepul. viol.* ne planè in urbibus sepelirentur; sed extra urbes, & oppida more Græcorum; nisi defunctus fuisset insignes personæ, ut Episcopi, Abbates, &c. *arg. can. nullus 18. caus. 13. q. 2.* Verùm apud modernos Christianos mos obtinuit, & Canones concedunt, ut Christi Fideles tum in Ecclesiis, tum in cæmeteriis urbanis possint inhumari; uti constat ex *can. cum gravata 17. cit. caus. Et q.* ubi etiam adducuntur motiva hujus concessionis. Et *cap. ex parte 5. Et seq. hoc tit.* Cæmeterium autem quod est deputatum pro loco sepulturae, debet esse locus à cæteris profanis locis distinctus, & per Episcopum designatus, ac juxta Ecclesias, vel intra ejus confinia situs, *can. sicut, caus. 17. q. 4.*

3. Dico primò: ii, qui constitutum habent sepulchrum Majorum extra propriam Parochiam, in eotumulandi sunt; nisi sponte alibi sibi elegerint sepulturam. Ita communis DD. Et habetur *cap. 1. hoc tit.* Et *cap. 1. cod. in 6.* Et pro hoc extat exemplum Abraham, Isaac, & Jacob Patriarcharum, qui petierunt tumulari in sepulchro Majorum suorum. Dicuntur autem *Majores*, Pater, Avus & alii Ascenden-

tes

res L. *Jurisconsultus* 10. ff. de grad. affinit. Dixi nisi sponte alibi sibi elegerint sepulturam; quia hujusmodi electio fieri potest licite; ut dicitur infra: & patet exemplū Christi, qui natus in Bethlehem, & nutritus in Nazareth, Sepulturam habuit in Jerusalem in Sepulchro Joseph: constatque ex cap. nos instituta 1. hoc tit.

4. Dico secundò: illi qui carent Sepulchro Majorum, regulariter sepeliri debent in Ecclesia Parochiali, vel ejus cœmeterio, in qua receperunt Sacramenta, & audierunt Divinam. Ita communis DD. Et habetur cap. 1. & 10. hoc tit. Et 1. is qui, eod. in 6.

5. Nota autem tertio: si contingat aliquem habere domicilia in duabus Parochiis, in quibus æque habitavit, Sacramenta percepit, & Divina audivit; tunc locus erit præventioni, ita ut sepeliri possit in illa Ecclesia, quæ prævenerit, arg. cap. duobus, de re scriptis, in 6. divisā Quartā inter dictas Ecclesias, cap. cum quis 2. in 6. Si autem neuter Curatus Parochiæ præveniat; aut lis oriatur de cadavere tumulando; tunc Episcopo incumbit eos componere, & judicio ejusdem erit standum; ut ex Molina, & Vallense advertit Pirhingus.

6. Nota quartò: quòd si verò contingat quempiam possidentem domum stabilem in Urbe quandoque ad villam exire recreationis duntaxat causā, vel ad ruralia exercenda; & is ibidem moriatur, non electū sibi sepulturā; tunc non in Parochia talis villæ; sed in Urbana, vel Sepulchro Majorum sepeliendus est; dummodo absq; periculo eò possit transportari, cap. is qui 3. hoc tit. in 6.

7. Nota quintò: peregrini, & advenæ defuncti deferendi sunt ad Sepulchra Majorum, vel ad Parochiam propriam, si id commodè fieri possit: sin minus sepeliendi sunt in Parochiali Ecclesia, in cujus circulo sunt defuncti; nisi elegerint sepulturam alibi; uti habet Abbas, Sylv. Vallens. &c. Idem dicendum de Scholaribus, & damnatis ad mortem; ut notat idem Vallens. nisi consuetudo localis aliud obtinuerit: ac de famulis conductitiis Domini; uti habet Pirh. &c. DD.

8. Nota sextò: Superiores Religiosorum debent tumulari in propriis Ecclesiis, quibus præfuere; ut habet ex Archid. Vallensis. Similiter & Religiosi subditi defuncti extra Claustrum, in Ecclesiis, cœmeteriis, vel locis suis Religionis sepeliendi sunt, si commodè transferri possint; sin minus, in Parochia, ubi obiit, can. 1. caus. 10. q. 1. Item Clerici in Ecclesia, ubi beneficium obtinent; hi namque censentur ibi habere domicilium, cap. 3. de temp. ordin.

Maximè Prælati, qui habentur pro viris ac conjugibus Ecclesiarum, can. si vir, caus. 7. q. 1.

9. Nota septimò: Uxor effecta vidua, tumulanda est non in Sepulchro Majorum, sed Mariti; si non elegerit aliam Sepulturam, can. 2. in fine caus. 13. q. 2. Et quidem si plures haberit viros in Sepulchro ultimi recondenda est, cap. is qui, §. mulier, hoc tit. in 6. Si verò uxor ante maritum moriatur, sepelienda erit vel in Sepulchro Majorum; vel ubi elegerit ipsa.

## CAP. II.

### De Electione, & Jure Sepulturæ.

**D**ico primò: regulariter quivis Christianus, à Canonibus specialiter non prohibitus potest negligēdo Sepulchro Majorum, vel Parochiali eligere sibi Sepulturam in aliena Ecclesia, vel cœmeterio. Ita Glossa, Sylv. Mol. & communis DD. Et constat ex cap. 1. hoc tit. Et cap. is qui 3. eod. in 6. Dixi à Canonibus specialiter non prohibitus; nam quædam personæ prohibentur sibi eligere Sepulturam; ut Religiosi; cum velle & nolle non habeant; unde hi in Monasteriis suis sepeliri debent, nisi eò nequeant commode transferri; nam & tunc jus sibi eligendi sepulturam habent, cap. Religiosi, §. ult. hoc tit. in 6. Similiter filii impuberes ob defectum judicii non eligunt sibi Sepulturam; sed Patres eorum; vel inferuntur in Sepulchrum Majorum, vel in Parochia tumulantur, cap. pen. hoc tit. in 6. Item per sententiam adjudicati mortui; uti habet Vallens. &c. licet valeat percipere Sacramenta, Clemens. 1. de pen. & remiss. Item nec furiosus, arg. cap. fin. de success. ab intest.

2. Ex Conclusionē sequitur primò: Uxorem etiam invitò maritò posse eligere sibi Sepulturam, & vice versā, cap. 7. hoc tit. Secundo, similiter filium familias puberem liberè sibi posse eligere tumulum, absque patris consensu, cap. 4. hoc tit. in 6. Tertiò, Servus Sepulchrum eligendi potestatem habet; cessat enim in spiritualibus dominica potestas, cap. 1. de conjugio servorum. Quarto, etiam Episcopum habere potestatem deligendi sibi tumulum extra suam Cathedralē; uti & Prælatum Religiosi Ordinis extra monasterium suum, si Superiorem in Ordine non habeat, v.g. si sit Generalis; uti habet Abbas, Pirh. Franc. Sylv. &c. quia hi in multis habent velle, & nolle. Præ-

lati tamen Religiosi subditi, v. g. Provinciales nequeunt eligere Sepulturam; uti notat Pirh. &c. *Quintò*, etiam Novitiis Ordinum manet jus eligendi sibi Sepulturam alienam; cum hujusmodi electio solis professis sit prohibita, *cap. ult. hoc tit. in 6.*

2. Nota primò: omnes potentes eligere Sepulturam, possunt eandem eligere etiam in loco minùs religioso, v. g. in capella, ubi rarissimè fiunt Missæ, aut alta Divina, vel preces publicæ, *cap. cum quis, 2. hoc tit. in 6.* Imò in electione Sepulturæ quis potest variare usque ad extremum vitæ articulum; quamvis priùs alibi ordinasset suam Sepulturam, *cap. 1. hoc tit. in 6.*

4. Nota secundò: in *cap. 1. hoc tit. in 6.* universis Religiosis, ac etiam Clericis sæcularibus cujuscunque status, vel conditionis existant, in virtute S. Obedientiz, ac sub interminatione maledictionis æternæ districtissimè prohibetur, ne aliquos ad vovendum, jurandum, aut fide interpositâ, seu aliàs promittendum inducant, ut apud eorum Ecclesias Sepulturas eligant, vel jam electam ulteriùs non mutant: & electio aliter facta nullius firmitatis decernitur; jubeturque defunctus deferri ad illum locum, in quo aliàs sepeliendus erat.

5. Dico secundò: de jure communi competit solis Ecclesiis curam animarum habentibus annexam, jus sepeliendi. Ita Abbas, Sylv. Molin. Pirh. &c. Ratio est, quia sicut ad Pastores Ecclesiarum curatorum pertinet ministrare Sacramenta, & prædicare; ita & officium Sepulturæ præstare.

6. Dico terciò: ex privilegio tamen specialii Apostolico jus funerandi, & sepeliendi etiam competit Ecclesiis, & cœmeteriis Religiosis. Ita Vallens. Rodriq. Pirhing. Brugnoti, &c. Et constat ex *Clement. Dudum 2. hoc tit.*

### CAP. III.

De Portione Canonica Parochiali, & Episcopali à Sepulturis debita.

1. **D**ico primò: si contingat Parochianum extra suam Ecclesiam fortiri Sepulturam, dum scilicet in Sepulchro Majorum tumulatur; vel eligit tumulum in aliena Ecclesia; tunc de omnibus quæ illi loco, seu Ecclesiæ, in qua tumulum elegit, per ultimam dispositionem eveniunt, vel occasione funeris deferuntur, Canonica portio solvi debet Ecclesiæ Parochiali, in qua defunctus aliquin tumulandus fuerat. Ita com-

munis DD. Et constat ex *cap. 1. ac pluribus aliis hoc tit.* Et Rationem dat *cit. cap. 1.* quia æquum est, ut consolationum sint socij, qui fuerunt passionum, juxta dictum Apostoli. In pluribus autem locis hujusmodi Portionis Canonice solutio amplius non viget.

2. Nota autem primò: quòd hæc Portio ideo dicatur Canonica, quia debita est ex ordinatione SS. Canonum. Est varia, aliquando solet esse quarta pars bonorum, quæ defunctus relliquit Ecclesiæ, in qua, vel juxta quam sepelitur, *cap. cum super 2. hoc tit.* Aliquando est tertia pars eorundem bonorum, *cap. 1. hoc tit.* Aliquando dimidia *cap. relictum 2. hoc tit.* ideoque quantitas ejus est definienda secundùm consuetudinem cujuscunque loci; uti constat ex *cap. certificari 9. hoc tit.*

3. Nota secundò: hæc Portio Canonica Parochialis non debetur, nec detrahitur ex illis legatis, quæ defunctus alijs Ecclesiis, aut pijs locis distinctis à loco sepulturæ relliquit pro ornamentis, casulis, calicibus, fabrica, luminariis, anniversario, septimo, vigesimo, aut trigesimo die, ut habet Abbas, Glossæ, Vallens. &c. & constat ex *cap. ult. de testam.* Nec detrahitur ex rebus Ecclesiæ donatis inter vivos, uti observat ex Hostien. Vallens. Neque de equis, & armis, quæ indulta sunt militibus Hierosolymitanis in subsidium terræ S. *cap. in nostra 2. hoc tit.* Neque de rebus relictis pro incertis ablatis; uti notat idem Vallens. Sed hodiè debetur & detrahitur tantùm de ijs bonis, quæ Ecclesiæ, in qua quis sepelitur, directè relinquuntur occasione funeris. Et dum Sepultura fit in Ecclesijs Regularium, Quarta funeralis detrahenda est tantùm de ijs, quæ cum funere processionaliter deteruntur; cujusmodi sunt ceræ, & similia, uti declaravit Benedictus II. in Extrav. *inter cunctas, de Privileg. in 6.* Et Pius V. in Bulla, *Esti Mendicansum*; & propterea hujusmodi Portio Canonica Parochialis vocatur passim, etiam à Trident. *Quarta funeralis.*

4. Dico secundò: similiter Episcopo debetur quædam Portio Canonica Episcopalis, ex bonis relictis alicui Ecclesiæ, & bonis relictis à Clerico ab intestato. Ita Glossa, Vallens. Pirh. Piafec, &c. Primum habetur in *cap. conquerant, de Offic. Ordinarii.* Et *cap. Officiis cum seq. de Testam.* Secundum ex *cap. Sancto, junctâ Glossâ in ver. morientium de Success. ab intestato.* Etiam hujus Quartæ Canonice Episcopalis usus in multis locis interit per consuetudinem contrariam; quod fieri potuit *arg. cap. de quarta, de prescripti.*

CAP.

# CAP. IV.

## Varia circa Sepulturas resolvuntur.

**D**ico primò : nemini deneganda est Sepultura Ecclesiastica, seu in loco sacro ; iis exceptis, qui ex Juris Canonici dispositione eâ privantur. Ita Glossa, Vallens. & communis DD. Et constat ex *can. nullus, 18. junctâ Glossâ caus. 13. q. 2. Et can. Ecclesiam, 28. de Consecrat. dist. 1.* Et fundatur in illo S. Scripturæ *Eccles. 7. mortuo non prohibeas gratiam, sciens quoniam omnes moriemur.* Unde & ipsi Ethnici Romani tumulationes faciendas gravissimis funderunt Legibus, & hereditate indignum judicârunt illum, qui mortuo non exhibuisset debitam Sepulturam, *L. hereditas, ff. de hered. petiti.* Et *L. militis, C. eod.*

2. Nota primò : ex Juristamen dispositione subtrahenda est Sepultura Ecclesiastica variis defunctis ; & primò, Paganis, ac infidelibus, *can. Ecclesiam, 28. Et seq. de Consecrat. dist. 1.* Secundo Judæis, *ibidem.* Tertiò, Hæreticis, ac eorum fautoribus, *cap. excommunicamus, 13. de heret.* tametsi dogmata eorum hæretica primò post mortem manifestata fuissent, *can. sane, 6. caus. 24. q. 2.* Infidelibus annumerantur etiam infantes Christianorum, decedentes absque baptismo ; uti observat Pirh. &c. DD. *Quartò*, omnibus notoriè excommunicatis excommunicatione majori *can. 1.* nam quibus non communicamus viventibus, nec mortuis communicare debemus, *cap. ex parte.* Et *cap. Sacris, hoc tit.*

3. Nota secundò : præterea Sepultura Ecclesiastica pariter neganda est Suicidis, id est, illis, qui seipso occidunt spontè malitiosè, *can. placuit, 12. caus. 23. q. 5.* Secùs si casu, aut fatuitate, aut ob imminens proximum malum se occideret, v.g. præcipitando se per fenestram ; vel in flumen cum intentione, ut evadat sui combustionem in domo ; vel si puella fugiens volentes se violare sese dejiciat in annem, *cap. ex parte, 11. hoc tit.* Item privandi sunt Sepultura Ecclesiastica interfecti in formali duello, juxta Tridentinum *sess. 25. cap. 19. de Reform.* Item publici peccatores decedentes sinè poenitentia, *can. quibus, caus. 13. q. 2.* Item Religiosi manifesti proprietarii ; id est, qui cum peculio sinè licentia Superioris, defuncti sunt, *cap. 2. Et 4. de statu Monach.* Item voluntariè intermitteutes semel in anno proprio Sacerdoti confiteri, & tempore Paschali S. Eucharistiam sumere, *cap. omnis 12. de poenit. Et remiss.*

Item manifesti raptore non poenitentes ; & sinè satisfactione decedentes *cap. 2. de raptor.* Item latrones in flagranti crimine occisi ; secùs si priùs confessi Sacerdoti ex vulnere accepto obierint, *can. fur, Et latrones, caus. 13. q. 2.* Et *cap. 2. de furis.* Item nominatim interdicti, *Clem. 1. de Sepultur.* Item manifestè usurarii, nisi priùs poenituerint, & satisfecerint ; vel idoneam cautionem satisfaciendi præstiterint, *cap. 3. de usur.* Et *cap. 2. eod. in 6.* Item enterati, seu quorum ossa sunt nudata, & separata à carne, alio transferenda *cap. 1. de Sepul. in Extravag. comm.*

4. Nota tertiò : Qui scienter, & malitiosè aliquem ex enumeratis personis à Jure prohibitis in loco sacro præsumperit sepelire, more Ecclesiastico in Ecclesia, vel cœmeterio ; is ipsò factò incidit in excommunicationem, *Clem. eod. 1. hoc tit.* à qua excommunicatione non est absolvendus, nisi priùs ad arbitrium Diœcesani, eis, quibus fuit aliqua injuria irrogata, satisfecerit, *ibidem.* Et Ecclesia, vel Cœmeterium polluitur per ejusmodi Sepulturam, reconciliarique debet, priusquam alii ibidem tumulentur fideles, *cap. consilium, de Consecrat.* Et ossa eorum, si discerni possint, inde exhumari, *cap. Sacris, 12. hoc tit.*

5. Dico secundò : Sepelientes alienum Parochianum, quem Jure sepelire non poterant, tenentur restituere cadaver tumulatum unà cum omnibus, quæ occasione talis tumulationis acquisierunt, Ita communis DD. Et habetur *cap. ex parte 5. hoc tit.* Idem dicendum de rapientibus violenter cadaver illius, qui aliibi elegerat sibi sepulturam, *cap. cum liberum, 6. hoc tit.*

6. Dico tertiò. Violatores Sepulchrorum, civiliter, & criminaliter puniendi sunt. Ita communis DD. Et statuitur in *L. 3. Et L. de Sepulchro ff. de Sepulchro violato.* Violatur autem Sepulchrum variè : puta si Sepulchrum demoliat : vel si in Sepulchrum alterius inferatur cadaver alienum ipso invito : vel dolo ex eo habitaculum construat : si ossa tumulata ex eo aliò transferantur, absque debita licentia : suppositò quòd ossa illa ibidem tumulata fuerint animo perpetuò ibidem subsistenti ; nam si tantum ad tempus deposita ibidem fuerint, ut postea aliò transferantur, absque violatione Sepulchri hujusmodi translatio fieri poterit.

7. Dico quartò : terra profana, seu non sacra potest pretiò emi, & vendi absque labe Simoniz, eo fine, ut in Cœmeterium convertatur, & consecratur ; at semel sic conversa, & consecrata nequit absque Simonia vendi, aut emi, ita ut pretium detur, vel accipiat ratio ;



ne Consecrationis. Ita communis DD. Primum habetur *can. aurum, caus. 12. q. 2.* Secundum extat *cap. abolenda, 13. hoc tit.* Et *cap. suam nobis, de Simonia.*

8. Nota tamen quartò : Consuetudine posse introduci (& passim introductum est, laudabili pia fidelium consuetudine) ut aliquid Ecclesiis detur pro loco Sepulturæ; & populus ad illius observationem cogi potest saltem officio Judicis *cap. ex parte 18. de censibus.* Et *cap. cum in Ecclesia 9. de Simon.* Et habet Valens. Riccius, Abbas, Sylv. &c.

9. Nota quintò : Clerici etiam quibus cura sepeliendi ratione beneficii incumbit, pro ipso officio Sepulturæ, ut pro exequiis, & deductione funeris, aliquid petere, & acceptare possunt; consuetudo viget aliquid petendi, & dandi : quod à fortiori fieri potest ab aliis, curam sepeliendi ratione beneficii non habentibus; uti notat Glossa, Abbas, Sylv. &c.

## CAP. V.

### Resolutiones variæ circa sepulturas in Ecclesiis FF. Minorum.

**D**ico primò : Sæculares possunt relictiâ suâ Parochiâ, & sepulchrò Majorum, sibi eligere sepulturam in Ecclesiis, claustris, ac Cæmeteriis FF. Minorum; nec non aliorum Regularium. Ita, Sorbus, Brugn. &c. Et constat ex privilegio, ac concessione speciali Innocentii VI. Et Clementis IV. Et Sixti IV. Et Martini IV. Et Julii II. Clementis V. ac Bonifacii VIII. quas refert Sorbus *ver. sepeliis.* Et potest ejusmodi electio sepulturæ etiam fieri ab hæredibus, vel curatoribus funeris, si eam defuncti non elegerint; uti concessit Pius V. in Bulla *ad hoc nos DEVS.* Et Leo X. Et Clemens VII. alique Pontifices.

2. Dico secundò : Sæculares possunt sepeliri in habitu S. Francisci; sed eundem nemo dare potest, nisi Guardianus illius Conventus; vel alii majores superiores; vel illi, quibus ab his demandatum fuerit. Ita Sorbus &c. DD. Ordinis. Et habetur in concessione Sixti IV. quam refert Sorbus in *Compend. Privil. Ord. FF. Min.* Et idem Papa statuit, quòd corpora volentium cum prædicto habitu sepeliri, deferantur ad sepulturam sine alio tegumento super imposito. Item quòd FF. Minores tempore interdicti possint corpora Fratrum decedentium ejusdem Or-

dinis publicè sepelire; uti refert *cit. Sorb.*

3. Dico tertio : Sæculares eligentes sepeliri in Ecclesia Franciscana cum habitu S. Francisci, lucrantur plenarias Indulgentias. Ita Rodriq. in Bullar. Et constat ex concessione Leonis X. quam refert Casarub. in *Compend. Privileg. ver. Indulgentia.* Quòd si autem in aliena Ecclesia sepeliantur cum memorato habitu, nullas lucrantur Indulgentias; uti constat ex Bulla aurea pro Ordine S. Francisci emanata. Idem dicendum, si cadaver induatur habitu S. Francisci in consulto superiore FF. Minorum; uti habet Brug. & alii DD.

4. Dico quartò : In Ecclesiis Franciscanis, ac aliorum Ordinum, etiam Monialium exemptarum, nemo potest ipsis invitis sepeliri; nec in eis facere benedictiones, processiones, officia mortuorum, aut exequias celebrare, vel alia divina peragere, absque expressa licentia Superioris Franciscani, aut alterius Regularis, ad quem spectat similia officia peragere, non verò ad Curatos. Ita Brugn. Sorb. Casarub. &c. Et habetur in concessione Clement. IV. Bulla *virtutibus conspicuos;* Et alia Julii II. Et resolvit etiam S. Congregatio an. 1588. die 22. Aprilis; uti habet Bordonus *tom. 2. Constit.*

5. Dico quinto : Domestici famuli, & famulæ Ord. S. Francisci, ac etiam aliorum Mendicantium, & Monialium iis subditarum possunt licitè in Ecclesiis, ac Cæmeteriis Ordinis Franciscani, ac aliarum Religionum memoratarum, etiam invitò Parochò loci tumulari, si hi moriantur intra septa Monasterii Minoritici, vel aliorum Ordinum Mendic. Ita Rodriq. Sorb. Pirh. Molin. &c. Et Primum patet ex privilegio Clement. IV. quod habetur in *compend. Privileg. Ordinis Minorum,* & refertur à Rodriq. *tom. 2. q. 68. n. 2.* Secundum patet ex privilegio Societati JESU concessò, quod refert Pirhingus, *ex compend. Privil. Societ. verb. Familiaris.* Tertium constat inde; quod Moniales subditæ Mendicantibus communicent in privilegiis ipsorum Mendicantium; & consequenter in præfato privilegio de libera sepultura servorum & servarum : sic Moniales S. Claræ ac quæcunque aliz sub obedientia FF. Minorum, constitutz gaudent omnibus Privilegiis, exemptionibus, & gratiis concessis Fratribus Minoribus; uti habetur in concessione Bonifacii VIII. Et alia Leonis X. quas refert Sorb. & Casarub. *ver. Communicatio Privileg.*

6. Dico sexto : Fratres Minores, & complures alii Regulares sunt exempti à solutio-

ne

ne quarta funeralium. Ita Casar. Sorb. Rodriq. Brug. & alii DD. Regular. Constat ex privilegio Gregorii XI. Et Martini V. Et Eugenii IV. Et Sixti IV. in Bulla *Regimini*, qui Juri communi circa Quartam funeralium derogarunt : Et in specie derogarunt Clementinæ *Dudum* (quæ pro se utuntur Parochi) & exemerunt tres Ordines FF. Minorum ; ac Prædicatores à solutione quarta funeralium. Idem fecit Leo X. in constit. *Exponi nobis*, ubi etiam sub pœna excommunicationis latæ sententiæ præcipit, ne Parochi contra Privilegia defunctorum Fratrum, à Fratribus occasione quarta funeralium aliquid extorqueant ; vel defunctorum parentes, aut heredes inquietent. Idem concessit Paulus IV. in constit. *Ex clementi*. ubi revocat constit. Bonifacii VIII. *super Cathedralam*. Et Clementinam *Dudum*, alias pro Parochiis emanatas.

7. Nota autem primò : ad tollendas Controversias, quæ fortassis adhuc erant inter Parochos, & Regulares, Tridentinum sessi. 23. c. 13. de *Reform.* fecit sequens Decretum Anno 1563. 4. Decembris ; *Decernis S. Synodus quibusque in locis jam ante annos 40. Quarta, quæ Funeralium dicitur, Cathedrali, aut Parochiali Ecclesia solita esset persolveri, ac postea fuerit ex quocunque Privilegio, aliis Monasteriis ; hospitalibus, aut quibusque locis piis concessa ; eadem posthac integro Jure, & eadem portione, quæ antea solebat Cathedrali seu Parochiali Ecclesia persolvantur, non obstantibus concessionibus, gratiis Privilegiis, in Mari Magno nuncupatis, aut aliis quibusque.*

8. Ex quo Decreto sequitur primò ; Quòd loca fundata post annum 1523. quò hoc Decretum fuit publicatù, & quæ in dies ædificantur, non teneantur Parocho solvere Quartam Funeralium. Et ita post Tridentinum declaravit Pius V. in Constit. *Esi Mendicanum*. Et S. Congregatio Concil. Trid. quam adducit in terminis Brugnoli *Tract.* s. c. 14. Sequitur secundo ; quòd Parochi ab illis solis Regularibus exigere possint vi Tridentini Quartam Funeralem, qui 40. annis ante promulgationem Tridentini Concilii habuerunt consuetudinem solvendi ; non verò ab iis, apud quos non fuit consuetudo ; uti declaravit citatus Pius V. Quo circa cum consuetudo quoad nos Minores vix probari possit de Quarta tali soluta ante Trident. quia habuimus Privilegia semper cum expressa derogationem Clementinæ *Dudum* ; ac etiam post Trident. currente præscriptionis tempore confirmata, quæ consuetudinem impediabant, ideo præsumendum est, quòd nulla fuerit. Juridica consuetudo quoad nos Minores sol-

vendi præfatam Quartam ; adeoque nec modò in ullo loco solvere tenemur.

9. Dico septimò : Parochi non possunt plus recipere ab heredibus in sepulturis, quæ sunt in Ecclesiis Fratrum Minorum, aut aliorum Regularium ; quàm in eis, quæ sunt in propriis, seu aliorum Clericorum. Patet hoc ex determinatione Urbani VIII. in Decreto, *Cum sicut Dilectus* &c. Et Paulus V. in Bulla *Expositum nobis* &c. prohibet sub excommunicationis pœnâ Papæ reservatâ, ne Parochi aliquid ultra Quartam Funeralium à Regularibus exigant, qui eam soliti fuerint dare ante Trident. & modò dant ; etsi ad hoc haberent consiliũ, vel mandatum, vel consensum Episcoporum ; quam ipsò factò incurrunt contravenientes. Et ex Bulla 21. Urbani VIII. *Dilectus Filius* &c. tales Parochi possunt denunciari Tribunali S. Officii, & ab Inquisitoribus adversus hæreticam pravitatem contra ipsos, ut suspectos de hæresi potest procedi. Accessit alia gravissima prohibitio nuper Clem. X. edita omz An. 1672. die 18. Januarii.

10. Dico octavò : Nec Fratres Minores ; nec alii Regulares possunt prohiberi associare corpora defunctorum ; nec Curati possunt cogere hæredes defunctorum celebrari facere Missas in suis Ecclesiis Parochialibus. Ita constituit Urbanus VIII. in Constitutione *Nuper pro parte* &c.

11. Dico nono : Cadavera defunctorum in Ecclesiis FF. Minorum, & aliorum Regularium sepelienda ab ædibus defunctorum ad Regularium Ecclesias rectò tramite possunt deferri ; monitò tamen prius, & expectatò Parochò propriò ; quò venire expressè recusatò, possunt iidem Regulares, etiam ipsò invitò cadavera ad suas Ecclesias transportare. Ita resolvit S. Congregatio die 14. Januarii An. 1629. pro nobis Minoritis. Decretum per extensum habetur apud Brugnoli *Tract.* s. c. 11.

12. Dico decimò : Cadavera Minoritarum, & aliorum Regularium, decedentium, extra claustra, possunt à Franciscanis, & aliis Regularibus defuncti Religiosi irrequisitò Parochò, & eò inconsultò, ad Regulares Ecclesias deferri. Ita decrevit S. Congregatio, die & Anno mox citato.

13. Dico undecimò : Quando cadavera sepelienda sunt in Ecclesiis FF. Minorum, aut aliorum Regularium, spectat ad nos, & alios Regulares declarare, an per Civitatem, vel rectam viam, sint exportanda. Ita S. Congregatio declaravit die 22. Aprilis Anno 1588. Consuetudo tamen obtinuit in his Germaniæ Provinciis, ut hæredes defuncti iter declarent,

## TITULUS XXIX.

## De Parochiis ; &amp; alienis Parochianis.

## CAP. UNICUM.

De Quidditate Parochiæ, & requisitis, ac Juribus Ecclesiæ Parochialis; ac aliis.

**N**Ota primò: Quoniam *priori tit. actum* fuit de quodam Jure speciali Ecclesiæ Parochialis, videlicet funerandi ibidem; ideò Papa consequenter *hoc tit.* tractat generaliter de aliis quoque ejus Juribus, de quibus dubia incidere possent. Diverfas autem facit Vallens. & alii DD. derivationes hujus vocis *Parochia*: probabilius est, quòd originetur à Græco *Παρεκκλῆς*, id est, *vicinia*; eò quòd Parochia sit quædam vicinia sacra, in qua Parochiani, id est, vicini, seu incolæ ejusdem habitant, & Sacramenta ibidem percipiunt ab uno Parocho, seu Præposito talis vicinix. Ly *Parochia* etiam varias habet usurpationes; sed prout de ea hic agitur

2. Dico primò: rectè describitur Parochia (seu Parocchia, quod idem est) quòd *su certa aliqua Diocesis, habens populum, certis limitibus distinctum, cum potestate fori poenitentialis, & subditi Sacramenta administrandi.* Ly *Diocesis* est genus; reliqua ponuntur pro differentia. Ex his, & variis Canonibus

3. Nota secundò: Varia requiri ad hoc, ut aliqua Ecclesia censetur verè esse Parochialis; nam *primò*, debet esse autoritate Episcopi erecta, & fundata, qui designet fines, plebem seu populum constituat, ac Parochialem nominet, *can. nullus omnino, caus. 16. q. 7.* *Secundò*, ut ejus Rector habeat curam fori poenitentialis, seu potestatem ligandi, & solvendi in foro conscientix, ut habet Zerola, Barbosa, Vallens. *Tertiò*, autoritatem administrandi Sacramenta populo intra certos limites distincto; ut habent Gonzales, Chokier, Vallens. &c. *Quartò*, ut habeat fontem baptismalem, & cœmeterium, seu jus Sepulture; ut habet Pirh. Vallens, Barbosa, &c. *Quintò*, debet esse dotata competenter, *cap. 1. de prob. in 6.* *Sextò*, debet habere specialem Rectorem Sacerdotem, qui in ea baptismum, & reliqua Sacramenta administret populo, *cap. 1. & aliis hoc tit.* curamque animarum exerceat non alieno, sed proprio nomine.

4. Nota tertiò: complura referuntur in Canonibus Jura Ecclesiæ Parochialis; *primum* est,

quòd Parochiani in ipsa baptismum, ac alia Sacramenta teneantur recipere, uti habet Innoc. Abbas, Hostiens. &c. *Secundum*, ut ibidem diebus Festis Parochiani Divina audire debeant; uti habetur *cap. ut Dominicus 2. hoc tit.* Sed hodie non obstante ejusmodi Jure Parochiani satisfaciunt obligationi audiendi Divina, & Missas, si Dominicis, & Festis diebus ea audiant in Ecclesiis Regularium; uti constat ex Bulla Leonis X. *Intelleximus.* Et alia Pii V. *Essi Mandicantium.* Et Tridentinum, quòd *sess. 22. de celeb. Miss.* videtur docere oppositum, est tantum de consilio; non de præcepto intelligendum; uti declaravit S. Congregatio apud Zerolam; unde utitur tantum terminis illis *Moneant Episcopi: Tertiò*, ut nuptiæ in tali Ecclesia solemnè ritu celebrentur, & nubentes benedicantur; uti habet Pirh. Innoc. Abbas, &c. & patet ex Trident. *sess. 24. c. 1. de Reform.* *Quartò*, ut defuncti sepeliantur ibidem; nisi elegerint sepulturam, vel habeant Sepulchrum Majorum, *cap. 1. de Sepult. in 6.* *Quintò* ut Parochiani decimas, oblationes, & primitias tali Ecclesiæ solvant, & præstent *cap. transmissa, 23. hoc tit.*

5. Nota quartò: Rectorem Parochiarum, seu Parochum ratione officii sui habere complures graves obligationes; quas vide relatas *tom. 1. hujus operis lib. 1. tit. 31. cap. 11. n. 4.*

6. Nota quintò: sicut limites fines Provinciarum, ac Diocesum secundum Jura nequeunt præscribi; ita nec limites Parochiarum, & ea, quæ finibus coherent, *cap. Super ea, 4. hoc tit.* Parochi qui suis Parochianis non administrant spiritualia, non debent ab illis exigere temporalia; quippe quæ dantur, & debentur Ministris Ecclesiæ propter spiritualia; uti constat ex *cap. ult. hoc tit.*

7. Nota sextò: Originem Parochiarum provenire primitus ab Evaristo I. Papa, qui videns Romæ augeri populum Christianum, constituit Sacerdotes per singulas Urbis Curias, qui præberent Sacramenta, aliâque Divina populo; & hæ Curie seu partes Urbis deinde dictæ sunt Parochiæ. Rursus Anno 266. Dionysius Papa aliam fecit distributionem Parochiarum per totum mundum Christianum; assignando Parochiis Decimas, quæ extant intra limites Parochiæ cujuslibet, eò fine, ut ali possint; & unus alterius jus non invaderet.

# TITULUS XXX.

## De Decimis ; Primitiis ; & Oblationibus.

### CAP. I.

#### De Quidditate ; Divisione ; ac Obligatione Decimarum.

**N**Ota primò : Quoniam *priori tit. de Parochiis* sermo fuit, quæ Jura Decimarum reddendarum Rectoribus earundem annexa habent; propterea Summus Pontifex rectè *hunc* addit *tit. de ipsis* Decimis, ac aliis solitis dari Parochis, aut aliis personis Ecclesiasticis Jus Decimarum habentibus. Est autem *Decima* in genere decima pars bonorum eorum, ex quibus pendi solet Principibus, vel sacerdotibus; uti constat ex *L. 2. §. 2. ff. de pollicit.* Hoc autem *tit.* accipitur præcisè pro decima parte bonorum, quæ pendenda est personis Ecclesiasticis. Utuntur Canonēs hoc nomine plerumque in plurali numero (quamvis etiam in singulari rectè usurpari possit.) ex eo, quod plerumque plurium rerum decima pars simul solvatur, v. g. agrorum, vinearum, tritici, hordei &c. Ex his

1. Dico primò : rectè describuntur Decimæ, quod sunt pars decima omnium bonorum mobilium, seu fructuum jussè quasivorum, Ministris Ecclesiæ quotannis solvenda. Ita Hostiens. Azor. &c. *Ly par.* est genus; reliqua ponuntur pro differentia.

3. Nota secundò : Decimæ aliæ sunt prædiales, aliæ personales, aliæ mixtæ. *Prædiales*, seu reales dicuntur illæ, quæ Ministris Ecclesiæ penduntur ex prædiis, seu bonis immobilibus; puta ex agris, vineis, hortis, sylvis, ædibus elocatis, obventionibus molen-dinorum, &c. *Personales* dicuntur eæ, quæ iisdem Ministris dantur ex rebus industriâ hominum acquisitis, *cap. ad Apostolica 20. hoc tit.* videlicet ex negotiatione, militia, artificio, vel alia professione; item ex piscatione, veneratione, & similibus. *Mixtæ* dicuntur illæ quæ sunt partim prædiales, partim personales, cujusmodi sunt, quæ dantur ex fructibus pecorum, veluti ex foetu, lana, lacte, *cap. per venit 5. hoc tit.* Plurimi DD. hanc tertiam classem decimarum revocant ad priores duas, constituuntque solum duas species earum, videlicet Prædialium, & Personalium, revocando Decimas animalium ad Prædiales; quod & conformius est textui hujus *cap. tit. 20.*

4. Dico secundò : Decimæ omnino sub gravi obligatione persolvendæ sunt Ministris Ecclesiæ. Ita communis DD. Et constat ex *cap. non est 20. & aliis hoc tit.* Et est Ratio; quia Decimæ ordinatæ sunt pro congrua sustentatione Ministrorum Ecclesiæ, quibus inserviunt. Et quia ut ait Apostolus *1. ad Cor. 9. Si nos vobis spiritualia seminavimus, magnum est, si nos carnalia vestra metamus.*

5. Dico tertio : Si considerentur Decimæ materialiter, & secundum substantiam, quatenus scilicet continent necessariam sustentationem Ministrorum Ecclesiæ ut stipendium necessarium, debentur ipsis Jure naturali & Divino, tam in Lege veteri, quam nova. Ita S. Thomas, Azor. Vallens. & communis TT. contra Canonistas veteres. Ratio est; quia utrumque Jure mandat Ministris Ecclesiæ spiritualia necessaria ad salutem ministrantibus debere è contrâ exhiberi necessariam sustentationem tanquam debitum stipendium : unde dicitur *Matth. 10. dignus est operarius mercede sua.* Et *1. ad Cor. 9. quis militat suis stipendiis nunquam?* & ibidem *vers. 17. nescitis, quoniam qui in sacrario operantur, quæ de sacrario sunt edunt; & qui Altari deserviunt, cum Altari participant : sic & Dominum ordinavit iis, qui Evangelium annuntiaverunt, de Evangelio vivere.* Et in *Levítico cap. 27.* rigoro-sè præcepta sunt Decimæ persolvendæ Leviticæ tribui.

6. Dico quarto : si verò considerentur Decimæ formaliter, & secundum quod important certam, & taxatam partem, scilicet decimam fructuum, in lege veteri quidem divino Jure debebantur; in Lege verò nova Evangelica solum Jure Ecclesiastico debentur; attamen vetustissimo, & gravissimè obligante. Ita S. Thomas, alique TT. & Canonistæ recentiores, Vallens. Covarr. Zoës. Azor. Pirh. &c. Primum de Lege veteri constat ex *cit. cap. 27. Lev.* Ratio secundi est; quia nullibi in Lege nova Evangelica extat præceptum Divinum de solvendis Decimis quatenus taxatæ sunt ad decimam partem fructuum solvendam; sed mandatur dumtaxat, ut præbeatur sustentatio corporalis Ministris Ecclesiæ ministrantibus spiritualia; num autem hæc consistat in decimæ vel alia parte fructuum, non exprimit S. Scriptura. Unde textus quidam canonici asserentes



rentes decimas esse non ab homine, sed à Deo institutas; uti loquitur *cap. Parochianos 14. hoc tit.* Et *cap. tua 25.* Et *cap. cum non sit, eod. tit.* intelligendi sunt de Decimis, acceptis secundum substantiam, & materialiter. Tertium de antiquitate præcepti, & Juris Ecclesiastici ordinantis solutionem Decimarum, patet; quod illud jam à temporibus Apostolorum latum sit, in pluribus vetustissimis Conciliis; & à priscis Summis Pontificibus confirmatum, & renovatum; uti videre est in Corpore Juris Canonici *hoc tit. & eod. in 6.*

## CAP. II.

### Quibus personis Decimæ sint solvendæ.

**N**ota primò: primitiis ante tempora Evaristi I. & Dionysii Paparum Decimæ omnes solvebantur & tradebantur Episcopo, ut eas deinde distribueret pro exigentia Cleri inter Clericos ministrantes Sacramenta, & peragentes alia Divina pro eorundem sustentatione; uti constat ex *lib. 2. cap. 25. Constit. S. Clementis. Papæ; Et can. 1. & 3. caus. 16. q. 7.* Postquam autem memorati Summi Pontifices fecerunt Dioceses, & divisiones Parochiarum, ordinatum fuit, ut Decimæ Prædialium immediate porrigerentur Ecclesiis, vel earum Rectoribus, seu Curatis, & Parochis; uti constat ex *can. Ecclesiis, caus. 13. q. 1. Et cap. congrecente, 16. de offic. judic. Ordin. Et cap. quarta 4. de præscript. ac aliis pluribus.* Et hoc ad instar Legis veteris statutum fuit, in quo quatuor Decimarum genera ordinata fuere; uti patet ex *cap. 1. hoc tit.* Ex his:

1. Nota secundò: Decimas Prædiales debere plenè, ac integrè pendi Parochis, ac Curatis; & quidem ab omnibus prædiis talis Diocesis, seu Parochiæ; uti patet ex *cap. cum contingat, 29. hoc tit.* Et ex *cap. cum in tua, 30. eod. tit.* Unde quivis Curatus loci habet intentionem fundatam de jure communi ad hujusmodi Decimas exigendas à quibuscunque; nec tenetur probare eas ad respectare; nisi possessor alicujus prædii se ostendat munitum aliquò privilegio exemptivò; aut consuetudo legitima aliud obtineat; uti colligitur ex *cap. a nobis 26. hoc tit.*

2. Nota tertio: Similiter Ecclesiarum Cathedralium, & Collegiatarum Capitulis, earumque membris puta Præpositis, Decanis, & Canonicis, Jus Decimarum habentibus

prædiales Decimæ solvendæ sunt secundum portiones, quæ eosdem contingunt. Ita communis DD. De Canonicis constat ex *cap. ex parte 21. hoc tit.* Et est par ratio de aliis personis, ac Capitulis: nam & Capitula, & omnia ejus membra sunt Ecclesiæ Ministri, qui sustentationi egent; & vi fundationis primæ suæ Ecclesiæ Decimas exigere possunt.

4. Nota quartò: etiam Episcopis quibusdam adhuc hodie debentur Decimæ, & ex ipsis solvendæ sunt. Ratio est; quia hi eorum animarum totius Episcopatus habent; unde eisdem quoque debita sustentatio ex Decimis proveniens præbenda est, saltè ubi Dioceses necdum in Parochias sunt distributæ; aut ubi extant villæ, quæ nulli Parochiæ sunt unitæ, juxta *cap. quoniam 13. hoc tit.*

5. Nota quintò: Clericis simplicibus, seu non beneficiatis, & curam animarum non habentibus, non debentur ullæ Decimæ; uti notat Zoëf. Ratio est, quia ipsi non ministrant populo; & aliunde vi solius characteris Clericalis Decimæ non solvuntur. Nec etiam debentur Religiosis vi status eorum; uti advertit Pirh. Ratio est, quia hi vi status sui non constituuntur Ministri Ecclesiæ; nec obligantur servire perpetuò in spiritualibus; uti constat ex *can. alia 6. Et can. perveniunt 8. caus. 16. q. 1.* adeoque nec populus obligatur ex iustitia ipsisolvere Decimas, seu sustentare; sed solum ex charitate, gratitudine, misericordia, aut religione. Posset tamen aliquibus Regularibus Decimarum Jus competere ex privilegio, vel ratione beneficii, vel ratione donationis, vel si locò elemosynæ conferantur, ut *can. ult. caus. 16. q. 1.*

6. Nota sextò: Beneficiatis, ut Episcopis, Curatis, & aliis curam animarum habentibus debentur Decimæ à suis Diocesanis, & Parochianis, etsi hi in Ecclesiis Regularium soleant percipere Sacramenta; uti notat Vallens. nam Decimæ annexæ sunt Ecclesiæ Parochiali; & in ea Divina audire, ac Sacramenta percipere tenentur Parochiani; & per accidens est, quod in Regularium Ecclesiis ea audiant, & percipiant. Item tamen hujusmodi Ministri sint malæ vitæ, nihilominus eis Decimæ debentur; uti notat Abbas, Pirh. Vallens. &c. Ratio est, quia Decimæ non dantur propter vitæ probitatem; sed propter servitium spirituale.

7. Nota septimò: Personales Decimæ (ubi adhuc solent solvi) spectato jure communi, solvendæ sunt illi Parochiæ, in qua quis percipit Sacramenta, & Divina audit: Prædiales verò illi, intra cujus fines villæ sunt sitæ. Ita S. Thomas, Sylv. Pirh. &c. Primum constat

ex

ex *Can. de Decimis 45*, & aliis *cauf. 16. q. 1.* Secundum colligitur ex *cap. cum contingat 29. hoc tit.* Similiter Decimæ mixtæ, quæ ex fructibus, & fœtibus pecorum penduntur, solvendæ sunt illi Ecclesiæ Parochiali, intra cujus terminos pecora pabulantur; uti tradit Glossa, Pirh. &c. DD.

### CAP. III.

Quæ personæ obligantur, vel non, ad solvendas Decimas; & quo loco, & tempore solvi debeant.

**D**ico primò: generaliter omnes baptizati non privilegiati, qui tenentur de manu Sacerdotis percipere Sacramenta, cujuscunq; gradûs aut Ordinis, obligantur ad solvendas Decimas; ita ut nec quidem Imperator sit immunis ab ista obligatione; nisi legitimo Jure se exemptum probet. Ita Zoëf. Vallens, &c. Et constat ex *cap. commissum 4. Et cap. Nuncios 5. & passim hoc tit.* Ex hac generali regula.

2. Inferitur primò; etiam Religiosos competentes redditus habentes obligari ad Decimarum prædialium solutionem ex suis villis; uti constat ex *cap. 3. & 4. & 10. hoc tit.* Et *cap. veniens, de transact.* Nisi Privilegiò Apostolico, vel consuetudine firmatâ doceant se exemptos à tali solutione; uti notat Vallens. Secundo, etiam Judæi, & Pagani Decimas prædiales ex suis prædiisolvere tenentur; uti tenet Vallens. Abb. Oldrad. Et colligitur ex *cap. 10. hoc tit.* Estque Ratio; quia Decimæ sunt onus reale, annexum villis, ideo transit unâ cum re ad quemcunq; possessorê; etiam Judæum, & gentilem, *can. Si quis Lascius, caus. 16. q. 1.* Hi tamen non tenenturolvere Decimas personales; cum non subsint Ecclesiæ defectu Baptismi. Tertiò, similiter Hæretici easolvere obligantur ex suis prædiis; uti habet Zoëf. & alii DD. Ratio est; quia hi baptisma susceperunt, & ejus ratione obligantur præceptis Ecclesiæ, à qua obligatione non se eximunt suâ hæreticâ pravitatē; cum nemo ex sua improbitate commodum consequatur. Quarto, etiam Clerici simplices Sacramenta à Parochiis accipientes obligantur ad easdem; uti constat ex *cap. 2. hoc tit.*

3. Nota primò; Quædam personæ tamen exemptæ sunt de Jure communi, & ratione personæ à solutione Decimarum quarumcunque. Et primò; Summus Pontifex; uti habet

Pirh. Suar. &c. Secundo, Episcopi, & Parochi ex debito personali non obligantur; obligari tamen possunt ex debito reali ad Decimas prædiales solvendas ex prædiis patrimonialibus, sive temporali titulo acquisitis; uti habet Suar. Laym. Pirh. &c. Primum constat ex *cap. 2. hoc tit.* Ratio secundi est; quia prædia patrimonialia transeunt ad Episcopos, & Parochos cum suo onere reali, quale est solutio Decimarum. Tertiò, nec Moniales, nec aliæ Regulares personæ redditus ita tenues habentes, ut de illis sustentari non possint, sed mendicare teneantur, Decimas solvunt, juxta *Extras. Declarationis, unic. hoc tit.* Quarto, nec aliæ planè pauperes, qui solutis Decimis sustentationem necessariam non habent, ad Decimarum solutionem tenentur; uti habet Suar. Abb. Rebuff. Quamvis & hi easolvere obligantur, quando ad meliorem fortunam pervenerint; uti notant cit. DD. Quintò, nec habentes privilegium Apostolicum exemptivum à solutione Decimarum, quale olim fuit concessum omnibus Regularibus in communi viventibus, coletibus propriis manibus suas prædia, *can. Decimas 47. caus. 16. q. 1.* Et specialiter Cisterciensibus, Templariis, ac Hospitalariis in *cap. ex parte 10. hoc tit.* Sextò, nec obliganturolvere Decimas illi, quibus consuetudo longa introducta legitime favet, *cap. commissum 4. hoc tit.* Septimò, certâ Præscriptione etiam quis absolvitur à solutione Decimarum, puta post 40. annos, *arg. cap. 4. & 6. de prescript.* Octavò, factâ remissione, vel compositione, *arg. cap. quia circa 22. de privil.* Et *cap. dilecti 8. hoc tit.* Circa tempus solutionis Decimarum.

4. Nota secundò: Decimas prædiales debere statim solvi, postquam fructus à solo sunt separati, *cap. cum homines 7. junctâ Gloss. v. fructibus collectis, hoc tit.* Personales verò commodè solvuntur sub finem cujusque anni; sicut alij census tunc solvi solent; uti habet Pirh. & Abbas. Mixtæ ex fructibus animalium solvendæ sunt juxta consuetudinem Regionum; uti observat Suar. & Pirh. Circa locum solutionis præstandæ.

5. Nota tertiò; obligatus ad Decimas prædiales solvendas, non tenetur eas deferre suis operis, & expensis ad Domum Parochi, speciato Jure communi; monere tamen tenetur eundem de separatione ipsarum à solo, uti eas curet avehi; & damnum secutum ex neglecta avectione imputatur Parocho, uti habet Laym. Pirh. &c. Consuetudine tamen aliud circa hoc introduci potest, quod erit observandum.

## CAP. IV.

Varia circa Decimas resol-  
vuntur.

1. **N**Ota primò: Decimæ de Jure communi in primis præstandæ sunt de omnibus fructibus terræ; veluti primò de frumento, grano, feno, vino, & leguminibus omnis generis; uti habetur *cap. ex multiplici 3.* Et *cap. non est 22. hoc tit.* Secundo, de fructibus arborum, hortorum, & pecorum, veluti de lana, de apibus, gallinis, columbis, &c. uti habetur *dist. cap. 22.* Tertiò, de proventibus molendinorum; uti constat *ex cap. pervenit 5. hoc tit.* Quarto ex conductione ædium, prædiorum, & cujusunque rei; uti patet *ex cap. ex parte 21. hoc tit.* Quintò, imò ex omni re lucrosa; honesta tamen, & licita negotiatione; cujusmodi sunt advocatio, procuratio, militia, &c. uti patet *ex cap. Pastoralis 28. & 21. hoc tit.* Et *can. Decima 66. caus. 16. q. 1.* Sextò, præterea etiam ex rebus illicitè acquisitis Decimæ possunt exigì, & acceptari, v. g. ex agro pecunià usurarij empto; uti habet Glossa, Innoc. Pirh. &c. Et quæ Ratio; quia fructus talis agri non ex usura sunt; sed ex DEI munere; uti dicit S. Thomas. Circa tamen plures species rerum præfatarum consuetudo Regionum obtinuit, ut Decimæ ampliùs non dentur ex fructibus eorum.

2. Nota secundò: Solus Summus Pontifex; non verò Episcopus, vel alius Prælatus potest concedere legitimum Privilegium exemptivum à Solutione Decimarum, quando Ministri Ecclesiæ aliunde sufficientem habent sustentationem. Ratio est; quia solus Papa, & non Episcopus potest Jus Canonicum relaxare; uti fusè ostensum fuit in *Prologo Juris Canonici, tom. 1. tit. 5. Prol. cap. 3.* præterquam in casibus ipsi concessis; inter quos non est iste de concessione privilegii exemptivi à solutione Decimarum. Quæ porro Privilegia exemptiva in specie concessa sint certis Regularibus, & Clericis; & quantum ea defectu operentur, vide textum *hujus tit.* Et Glossam ibidem, ac Abbat. Pirh. hic, Fagnan. &c. Privilegia exemptiva à solvendis Decimis amittuntur variis modis. Primò si Privilegium concessum progressu temporis evadat onerosum, & cedat in grave præjudicium Ecclesiæ Parochialis, vel eorum ad quos tales Decimæ aliàs pertinent seclusò Privilegiò; uti constat *ex cap. suggestum 9. hoc tit.* Secundo, perduntur per non usum, seu potius per usum con-

trarium, puta si 30. annos juxta *cap. 6.* vel si per 40. annos juxta *cap. 15. de Privileg.* Privilegiati solvant Decimas. Tertiò, amittuntur pariter per conventionem, passionem, seu compositionem post Privilegium ritè obtentum; uti constat *ex cap. dilecti 8. & 9.* Ex aliis *hoc tit.* Quarto, per alienationem prædiorum, quæ ratione Privilegii, Religiosis v. g. concessi exempta erant à Decimis; nam eo ipsò, quòd talia prædia vendantur secularibus, fiunt obnoxia solutioni Decimarum; uti observat Pirh. Suar. &c.

3. Nota tertiò: Decimæ Novalium, id est, agrorum de novo cultorum, & de quibus non extat memoria, quòd aliquando culti fuerint, regularitèr debentur pariter Ecclesiæ Parochiali, in cujus finibus exsurgunt; & quidem pro modo limitum, sicut aliæ Decimæ, *cap. quoniam 13.* Et *cap. non est 22.* Et *cap. cum contingat, 29. hoc tit.*

4. Nota quarto: malitiosè detinentes Decimas Ministris Ecclesiæ variè puniuntur; Primò, tisdem pœnis, quibus detinentes tributa, *can. Si tributum, caus. 11. q. 1.* Cum Decimæ sint quædam tributa egentium animarum, *can. Decima, caus. 16. q. 1.* Secundo, semper in fame, & penuria maledicti erunt; nam timendum est, ne is qui DEO subtrahit debitum suum, DEUS si auferat necessaria sua, *can. admonemus, caus. 16. q. 2.* Contra verò eas solvens, Dives erit; & benedictus *can. revertimini, caus. 16. q. 1.* Tertiò, denegantes solutionem Decimarum ægrievadunt, & mortis æternæ proximi; solvenses verò sanitate adipiscuntur, ac coelestia dona, *cit. can. Decima, Quarto, excommunicari possunt, & debent, can. omnes Decima, caus. 16. q. 7.* Quintò, tales subtrahtores Ecclesiastica sepultura indigni sunt, uti notat Abbas, Rebuff. Glossa, &c.

5. Nota quintò: nec Episcopos, nec Reges posse Jus Decimarum percipiendarum transferre in Laicos, quatenus hoc quid spirituale est, & fundatum in titulo Spiritualis officii; uti habetur in Concilio Lateran. *can. 1. caus. 16. q. 7.* ubi Laicos possidentes Decimarum Jus Sacrilegii crimen committere asserit. Et *cap. ad hoc 15.* Et *cap. quævis 17. hoc tit.* Quatenus tamen hoc Jus consideratur ut abstrahens à titulo, & Jure spirituali; sed est temporale quid, videlicet Jus percipiendi decimam partem fructuum, potest Laicis concedi; & tales vocantur *Laicales Decima.* Et in hoc sensu Summi Pontifices aliquando eas concesserunt Regibus, ac Principibus Sæcularibus ob insignia eorum merita, & beneficia in Ecclesiis collata; aliquando in subsidium tempore belli assumpti pro defensione Ecclesiæ contra infideles

fideles, & hereticos; quo casu Ministris Ecclesiarum debet aliunde provideri de decenti ac sufficienti sustentatione; uti advertit Laym. & Pirh. de hujusmodi Decimis Laicalibus vide plura apud Sular, Covarr. Barbos, Pirh. Sylvest. Azor. &c. Similiter de actione exigitiva; ac Judice competente causæ earundem.

## CAP. V.

### De Primitiis, & Oblationibus.

**D**ico primò: rectè describuntur Primitiæ, quòd sint *primi fructus agrarum, & arborum, DEO quæ Largitori honorum omnium; vel ejus Ecclesie oblati.* Ly fructus est genus; reliqua ponuntur pro differentia.

2. Nota primò: Primitiarum oblatio originem habet ex veteri Lege; nam in Exod. cap. 23. demandata fuit. Primitiæ in dicta Lege debitiæ erant de Jure Divino; in Lege verò Evangelica olim erant ex Jure Ecclesiastico debitiæ Sacerdotibus, & Ministris Ecclesiarum; uti constat ex *can. præter in fine, dist. 32.* Et *can. revertimini 65, caus. 16, q. 1.* Hodie verò obligatio solvendi Primitias abolita est per consuetudinem contrariam; uti notat Pirh. eò quòd hujusmodi Primitiæ darentur ob sustentationem Ministrorum Ecclesiarum, qui hodie aliunde sufficientem naçi sunt. Quantitas earum relinquebatur arbitrio Fidelium; communiter autem quadragesima pars fructuum dabatur; uti patet ex *cap. 1. hoc tit.*

3. Dico secundò: Oblationes hinc rectè describuntur; quòd sint *certa dona, quæ Fideles sive per se, sive per Ministrum Diaconum offerunt ad altare, vel ad manus Sacerdotis deferunt.* Colligitur ex *can. antiquos, caus. 10, q. 1.* Ly dona est genus; reliqua ponuntur pro differentia.

4. Nota secundò: Oblationes differunt à Decimis, quòd oblationes fiant immediate DEO inuitu Religionis, sive causâ Divini

cultus; licet postea cedant in usum Ministrorum Ecclesiarum: Decimæ verò offeruntur quidem etiam DEO in recognitionem supremi domini; ita tamen ut principaliter pertineant tanquam stipendium debitum Ministris Ecclesiarum. A Primitiis pariter distinguuntur, quòd Primitiæ offerantur DEO in gratiarum actionem pro primis terræ fructibus, ejusdem beneficio enatis.

5. Nota tertio: Oblationes ex natura sui sunt voluntariæ, nemòque de Lege communi tenetur diebus Festis, vel Dominicis ad eas præstandas. Unde Canones antiqui, qui videntur eas præcipere; intelligi debent de illis Oblationibus, quæ ex aliquo titulo debentur Ecclesiis, & Clericis, v.g. per modum censûs, seu pensionis; vel per modum donationis inter vivos; vel Legati in testamento relictæ directè Ecclesie; vel quando Ministri Ecclesiarum non habent sufficientem sustentationem, quæ Oblationes in largo sensu vocantur, vel ratione consuetudinis radicalis, & inductæ ad faciendas Oblationes.

6. Nota quartò: vetitum est à quibusdam personis recipere Oblationes: & Primò, à Sacrilegis *can. de viro 17, caus. 12, q. 2.* Secundò, ab Usurariis, *cap. 3. de usuris.* Tertio, à Raptoribus *cap. 2. de raptor.* Quarto, ab Oppressoribus Pauperum, *can. 2. dist. 90.* Quintò, à notoriè dissidentibus *cit. dist. Sexto,* ab extrahentibus per vim suos servos ex ædibus sacris eò confugientes, *can. minor 8, caus. 17, q. 4.* Septimo, à Simoniacis, Excommunicatis, & hereticis, & similibus peccatoribus; uti habetur in *Constit. Apost. Clem. Rom. lib. 4. cap. 6.* Quæ omnia sancita fuerunt in detestationem criminum, ut ita criminosi rejecti ab Oblationibus resipiscant; uti notat Vallens. Oblationes nequeunt percipere Laici, sub pœna excommunicationis Papalis, nec aliis percipiendas committere, *can. quia Sacerdotes 13, caus. 10, q. 1.* Plura de his apud Barbos. Abbat. Azor. Pirh. &c.





# TITULUS XXXI.

## De Regularibus ; & transeuntibus ad Religionem.

### CAP. I.

#### De Quidditate , & Essentia Religionis.

1. **N**Ota primò : in *superioribus titulis* hæcenus potissimè tractatum fuit de illis personis Ecclesiasticis, qui simpliciter Clerici dicuntur ; restat ergo etiam ex professo agendum de aliis, quæ vocantur Regulares ; & de his statuit Papa *presentem uti*. Dicuntur autem personæ *Regulares*, sic à *Regula* speciali, quam profitentur. Communiter etiam vocantur *Religiosi*, eò quod sint adstricti certæ Religioni, seu statui Religioso. Circa quem statum...

2. Dico primò : benè definitur Religio, prout de ea *hoc tit.* agit, quod sit *sacer cætus Fidelium colentium DEUM, & tendentium ad perfectionem majorem Christianam sub certa formula trium Votorum Castitatis, Paupertatis, & Obedientiæ in communi vivens, & ab Ecclesia approbatus*. *Ly Sacer Cætus* est genus; reliqua sunt differentia. Dicitur *Religionem sacrum esse Cætum Fidelium colentium DEUM*, ut ostendatur, non quodcumque Collegium, aut Congregationem plurius hominum formare Religionem; sed solos illos qui DEO se dicant, per voluptatum carnalium mundi neglectum, & incipiunt sanctam sectari vitam. Dicitur *Fidelium colentium DEUM, & ad majorem perfectionem Christianam tendentium*, ut ostendatur distinctio Religiosorum ab omnibus aliis Christianis DEUM colentibus, & Christianam vitam ducentibus; Religiosi enim se totaliter DEO consecrant, ad Christi imitationem vitam suam perfectiùs componentes, & ad Charitatis Divinæ profectum, nobilioribus, perfectioriùsque mediis tendentes, quæ explicantur per *ly sub certa formula trium Votorum Castitatis, &c.* Additur *in communi vivens*, ut exprimat norma, & modus rectè institutarum Religionum. Ponitur tandem; *Et ab Ecclesia approbatus*; quibus verbis innuitur, nullum cætum Christi Fidelium censerì propriè Religionem; nisi Ecclesiæ judicio & approbatione pro tali habeatur, uti dicitur ampliùs in sequenti conc. Unde

3. Dico secundò : ad essentiam veri statûs

Religiosi, requiruntur tria Vota perpetua ; & Ecclesiæ approbatio. Ita Brugnoli, Herincx, Less. Layman, & communis DD. Primum constat ex *cap. ad Monasterium 6*, in fine, *de stat. Mon.* Et est Ratio, quia Religio substantialiter tendit, ut Religiosos ad imitationem Christi, perfectionem Christianam, & maximè, ad excellentem praxim Divinæ Charitatis manu ducat : sed ad hæc maximè sunt proficua & necessaria tria Vota, perpetuæ Castitatis, perfectæ paupertatis, & integræ Obedientiæ, ergo hæc ad essentiam veri statûs Religiosi requiruntur. Probatur Minor per singula tria Vota discurrendo ; & primò de *Castitate* patet ex toto *cap. 7. Epistolæ 1. ad Corinth.* ubi eximie laudat continentiam, tanquam medium valdè proficuum ad majorem Christianam perfectionem acquirendam : unde etiam dicitur ibidem de Virgine : *beatior eris, si sic permanseris secundum consilium meum*. Deinde Voluptates carnis valdè abalienant mentem ab exercitio expedito virtutum sublimiorum, & contemplatione Supernorum, eamque detinent in hisce terrenis carnalibus passionibus, & delectamentis : ergo Castitas è contra est valdè proficua ad imitationem Christi, ad acquirendam perfectionem Christianam, & discendam praxim Divinæ Charitatis. De *Paupertate* etiam patet; quia ipsum Divinum Oraculum inquit Matth. 19. *Si vis perfectus esse, vende, vende omnia quæ habes*. Et idcirco ab eodem Matth. 5. *Pauperes Spiritus* (id est voluntarij abdicatione egenos) appellat *Beatos*, qui possessuri sunt Regnum Cælorum. Deinde Voluntaria Paupertas separat hominem à variis inquietudinibus, & occupationibus infructuosis circa facultates mundanas, mentemque reddit expeditam ad sui elevationem in DEUM summum, infinitum bonum : ergo etiam Paupertas est proficua ad imitandum Christum, perfectionem Christianam consequendam, & praxim Divinæ Charitatis fornamdam. Tandem etiam de Obedientia patet, quia Christus expressè requirit ad sui sequelam, & perfectionem Charitatis acquirendam, abnegationem sui, seu obedientiam Matth. 16. dicens : *Si quis vult post me venire, abneget semetipsum* : Et Christus ipse præbens imitationis hujus

huius exemplar, teste Apostolo ad Philip. 1. *Obediens sicut inique ad mortem* : ergo pariter obedientia conducit ad tendendum in perfectionem Christianam, imitandum Christum, & procurandum maiorem DEI Charitatem : & consequenter omnia tria Vota. Ratio secundi tumitur ex perpetua praxi Ecclesie, quæ semper Religiones approbavit, ut vera Religiones nuncupari possent ; quam quidem approbationem ab exordio Ecclesie præstiterunt Episcopi ; ut habet S. Dionysius *cap. 6. Ecclesiast. Hierarch. & 10.* Subsequentibus vero temporibus Summi Pontifices sibi huiusmodi Jus approbandi reservârunt ; uti patet ex Concilio Lateran. sub Innocentio III. Et Lugdun. sub Gregorio IX. quare hoc cum omnibus Religionibus prædicârunt ; prout constat ex diversis Bullis eorum, quæ partim in Bullario, partim in Monumentis singulorum Ordinum referuntur.

4. Nota secundò sequentia Corollaria ex Conclusionem. *Primò* ; non esse censendam veram Religionem illum Ordinem, in quo non emittuntur perpetua Vota Castitatis integritæ ; sed tantum conjugalitatis ; uti contingit in quibusdam Institutis Militaribus. *Secundò* ; Idem esse dicendum de illis Institutis, in quibus non vovetur Obedientia rigorosa. *Tertiò* ; Idem etiam esse tenendum de Congregationibus devotorum Virorum, vel foeminarum in communi viventium, sine ulla Summi Pontificis autoritate, & robore Apostolico super huiusmodi vitam concessio. Ratio horum omnium est ; quia tales cæteris non habent substantialia veri status Religiosi ; neque sunt DEO in perfectum holocaustum oblati.

## CAP. II.

### De Origine ; Varietate ; & Perfectione Religionum.

1. **N**ota primò : Religiosum Institutum iam in Lege Mosaica habuisse quandam figurationem in Nazareis DEO consecratis. In Lege verò Christiana impletur Christus Religiosum exhibuit vivendi formam ; sicut patet ex citatis textibus S. Scripturæ pro *Secunda Conclusionem*. Hæc forma Religiosæ vitæ deinde à SS. Apostolis fuit propagata, quando communitatem omnium rerum pro Fidelibus erexere, eosque disposuere, ut pretia omnium suorum, ponerent ante pedes Apostolorum ; ut legitur *Allor. 4.* in quo S. Hieronymus, S. Thomas, & alii suspicantur Votum solemne intercessisse. Exinde succrevit Religio formata S. Basilii, S. Benedicti, S.

Augustini, S. Bernardi, S. Norberti, S. Brunonis, S. Dominici, S. Francisci, S. Ignatii, & aliarum complures.

2. Nota secundò : Elapsis tribus circiter sæculis post mortem Apostolorum, S. Basilium circa annum Domini 350. solemnem, & primam omnium in Oriente approbatam Religionem instituisse cum sua Regula ; sub qua plurimi Monachi Orientales, & Occidentales olim militârunt, & modò adhuc multæ Reliquæ sparsim reperiuntur.

3. Nota tertio : Eodem sæculo, sed tardius constitutum fuisse alium Ordinem à S. Augustino cum sua distincta Regula ; sub qua postea institutæ fuere teste Bordonno 34. Congregationes Canonicorum Regularium : Eremitarum verò 18, & tandem aliorum Religiosorum 38, ut refert Tamburinus ; ita ut in universum sub Regula Magni huius Ecclesie Doctoris ordinatæ fuerint 90. Congregationes.

4. Nota quartò : Post constitutum S. Augustini Ordinem, novam longè latèque diffusam Monachorum Religionem cum distincta Regula crexit S. Benedictus, cui circa annum 520. ut habet Brugnoli noster, initium dedit in specu Sublaci ; & magis promovit in monte Cassino. Sub Regula S. Benedicti, uti refert Tamburinus, Barbosa, & Bordonus, militârunt 85. Congregationes diversæ.

5. Nota quintò : S. Franciscum Assisiatem tribus præfatis Regulis, cum constitutione novi sui Ordinis addidisse quartam Regulam, circa Annum Domini 1210. primâ vice confirmatam : postea verò brevius reduciatam & confirmatam ab Honorio III. Anno 1223. sub hac nunc militant FF. Franciscani Reformati (alibi Discalceati, vel Recollecti) FF. Observantes, FF. Capucini, & FF. Conventuales cum suis modificationibus, & mitigationibus.

6. Nota sextò : Totam collectionem omnium Religiosorum, & Regularum congruè dividi in 4. Classes, videlicet in Monachos, Canonicos Regulares, Mendicantes, & Religiosos Militares. *Monachi* sunt ; qui solitudini, & vitæ contemplativæ vacant ; *Canonicis Regulares* ; qui specialiter Choro addicti sunt, cum mixtura aliqua vitæ contemplativæ, & activæ, & vivunt sine ulla mendicatione. *Mendicantes* sunt ; qui & ipsi vitæ mixtæ vacant, id est attendunt tam ad opera spiritualia vitæ activæ, quàm ad contemplationem ; sed ex mendicatis elemosynis vivunt : his annumerari solent Religiosi aliqui veram vitam activam prædicantes, cuiusmodi sunt Rescimentes captivos, servientes infirmis, &c. *Religiosi Militares* sunt, qui armis Ecclesiam defendunt.

7. Nota septimò circa primam Classsem Monachorum insigniores Congregationes eorum esse sequentes. Prima est *Basilianorum*, Ecclesiæ DEI unitorum. Secunda Congregatio antiquorum *Eremitarum S. Augustini*, ab eodem Sancto fundata circa An. 390. non extat amplius. Tertiò huc spectant Congregationes *S. Benedicti*, quales sunt, Cassinensis, & *S. Justini*. *Cassinensis* incepit à S. Benedicto Anno 520. *S. Justina* incepit Paduæ ab Odone Abbate Anno 1410. Item Congregatio *Montis Olivæti*; quam incepit Bernardus Ptolomæus prope Senas Anno 1319. Item Congregatio *Valis Umbrosæ*, quæ fumpit initium à Joanne Gualberto in Valle dicta *Umbrosa* prope Florentiam Anno 1040. Quarta est Congregatio *Cisterciensium*; servans pariter Regulam *S. Benedicti*; hæc exordium habuit in loco dicto *Cistercio* à Stephano Abbate An. 1098. vel ut alii volunt, Roberto Abbate Molismensis: quam adeò mirificè propagavit *S. Bernardus*, ut meritò ejus Fundator dici possit. Quinta est Congregatio *Camaldulensium*; fundata An. 904. à S. Romualdo in loco *Camaldula* prope Aretium; etiam sub Regula *S. Benedicti*. Sexta est Ordo *Carthusiensium* sub suis Constitutionibus approbatus vivens, institutus à S. Brunone An. 1084. in loco *Certosa*. Septima est Congregatio *Celestinarum*, quæ sub Regula *S. Benedicti* incepta fuit à Cælestino Pontifice, prope Civitatem Sulmonam An. 1294. Octava est *Crucigerorum* inchoata An. 365. à Cyriaco Episcopo Hierosolymitano, à quo fuit Crux Salvatoris nostri præmonstrata *S. Helenæ*. Hic Ordo post plures sui quasi suppressiones per bella varia, & iterum supervenientes renovationes, plurimum tandem revixit sub Pio II. An. 1466. Nona est Ordo *SSS. Trinitatis*, quam incepit in Gallia Guilielmus Dux Aquitanix, & Comes de Picavia; sed quidam F. Joannes Guilielmus Socius, ejus confirmationem obtinuit ab Innocentio III. An. 1197. Ad hanc classsem referendas puto alias quoque Congregationes Regularium, quæ de stabilibus redditibus vivunt, & præcisè Choro, Solitudini, & vitæ contemplativæ addictæ sunt; quæq; autoritate Apostolicâ aggregate non sunt Ordinibus Mendicantium: cujusmodi sunt Congregatio Religioforum *S. Pauli Primi Eremitæ*, dispersorum per Regna Hungariæ, Poloniæ, & alia loca quædam.

8. Nota octavò: Ad secundam Classsem Religioforum, qui Canonici regulares dicuntur, spectare in primis omnes Congregationes *Canonicorum Regularium S. Augustini*, diversis temporibus à Summis Pontificibus, & aliis ere-

ctas, quas 34. commemorat Bordon: & alii. Deinde Ordo *Præmonstratensis*, fundatus à S. Norberto An. 1120. ut habet Surius in ejus vita, in loco *Præmonstrato*, sub Regula *S. Augustini*. Tandem huc spectant varix Congregationes *Crucigerorum* in Germania, Polonia, & alibi; quarum aliquæ rubram Crucem sine stella deferunt; aliquæ Crucem cum appendice rubra stella; & aliz nonnullæ Congregationes similes in Lusitania, & alibi florentes; cujusmodi est illa *S. Gregorii Alga*, Venetiis originem ducens.

9. Nota nonò circa tertiam Classsem: Ordines Mendicantium ex primæ institutione esse quatuor; Dominicanorum videlicet, Minorum, Augustinianorum Eremitarum, & Carmelitarum. Ordo *Dominicanorum* originem duxit à S. Dominico circa An. 1206. quò Regula ejus fuit confirmata ab Innocentio III. Ordo *Fratrum Minorum* fundatus est à S. Francisco Assisiæ, & ejus Regula prima approbata 1210. Ordo *Augustinianorum Eremitarum*, quatenus Mendicantium solemniter fuit à F. Joanne Bono coadunatus; confirmatus verò ab Alexandro IV. Anno 1256. Ordo tandem *Carmelitarum* (ut ileam ejus vetustatem, quam alii usque ad tempora Eliæ protrahunt) quatenus est Ordo Mendicantium, suæ Regulæ Institutorem habuit Albertum Patriarcham Hierosolymitanum; Confirmatorem Henricum III. Papam Anno Domini 1216.

10. Nota decimò: In his quatuor Ordinibus Mendicantium varias contigisse discriminationes, reductiones, & reformationes: sic in Ordine *D. Dominici* teste Brugnoti *Tract. 3. de Statu & Vita Regular. cap. 1. resolut. 8.* dicuntur esse Conventuales, & Observantes. Sic in Ordine Minorum, quoque varix diversis sæculis Recollectiones, ac Reformationes prædierunt; de quibus infra *cap. 2.*

11. Nota undecimò: similiter in Ordine *D. Augustini* præter pristinas, & F. Joannes Boni Reformationes, nonnullas contigisse reductiones, & mutationes: F. enim Rochus Papiensis, & Gregorius Cremonensis, coadunarunt quandam Congregationem Eremitarum Observantium in Lombardia. Et quidam alii zelosi FF. aliam Discalceatorum erexerunt, qui deferunt habitum strictiorem, & Capucium acuminati. Tandem etiam in Carmelitano Ordine reperiuntur Conventuales, Observantes, & Discalceati: Discalceatorum Institutum quoad reformationem inceptum fuit à S. Theresia, & à Gregorio XIII. confirmatum.

12. Nota duodecimò: His quatuor solemnibus Ordinibus, qui ex Jure communi dicuntur *Mendicantes*, à Summis Pontificibus per

per varia Privilegia Apostolica esse annu-  
ratos sequentes. Primò; appositus est Ordo  
*Servorum*, à 7. Nobilibus viris Florentinis An.  
1233. institutus in monte Senario propè Flo-  
rentiam; & confirmatus, ac inter Mendican-  
tes computatus ab Alexandro IV. Pontifice;  
hic observat Regulam S. Augustini. Secun-  
dò, Ordo *Minorum*, fundatus à S. Francisco  
de Paula An. 1436. approbatus, & inter Men-  
dicantes computatus à Sixto IV. Tertiò,  
Ordo S. Hieronymi *Jesuatorum*, seu *Clerico-  
rum Apostolicorum* dictus, qui institutus fuit à  
B. Joanne Columbino Senensi An. 1335. & ap-  
probatus, ac recensitus inter Mendicantes ab  
Urbano V. Religiosi hujus Ordinis dicuntur  
Jesuati, propter Verbum SS. Nominis JESU,  
ore ipsorum frequenter solitè proferri; dicun-  
tur etiam S. Hieronymi, propter specialem  
cultum, quem isti sancto impendunt. Quar-  
tò, Ordo *Theatinorum Clericorum Regularium*,  
fundatus à Petro Caraffa, & S. Cajetano Anno  
1524. & confirmatus à Clemente VIII. quin-  
tò, Congregatio *Sanctissimum S. Majoli*, quæ  
cepit An. 1526. per Hieronymum Æmilianum  
Patritium Venetum; & confirmata est à Paulo  
III. An. 1540. Sextò, Congregatio *Oratorii  
Clericorum secularium*, cujus Institutor fuit S.  
Philippus Neri An. 1550. Confirmata est à  
Gregorio XIII. An. 1575. Septimò, Congre-  
gatio *Ministrantium Infirmis Clericorum Regu-  
larium*, exordium habuit à Camillo de Sellis  
An. 1586. Octavò, *Societas JESU*, cujus Au-  
thor fuit S. Ignatius Loyola Anno 1537. hanc  
confirmavit Paulus III. & Gregorius XIII.  
Nonò, Congregatio *Mercedis*, seu *Redemptio-  
nis Captivorum* apud Turcas, & Paganos; hæc  
primordia supsit à S. Petro Nolasco, B. Raymù-  
do, & Jacobo Arragoniæ Rege An. 1218. in Hi-  
spania. Decimò, Congregatio *Clericorum  
Regularium S. Pauli*, quos passim vocant Bar-  
nabitas. Undecimò, Congregatio *Clerico-  
rum Pauperum Matris DEI Scholarum piarum*,  
quæ incepta est à Josepho Calasancio; & con-  
firmata à Paulo V. An. 1614.

13. Nota decimò tertio circa quartam Clas-  
sem: Ordines Militares, ex veris tamen Reli-  
giosis constitutos, sectantibus meram activam  
vitam, esse sequentes. Primò, Ordo Militaris  
S. Joannis Baptistæ, cepit Hierosolymis An.  
1099. hodie vocatur Ordo *Melitenisium Equitum*.  
Eorum obligatio est Christianos à Turcis de-  
fendere. Secundò, Ordo Militaris *de Calan-  
dia*; est institutus in Hispania à Sancto III.  
Rege Castellæ, & Legionis An. 1158. Tertiò,  
Ordo Militaris *Alcantare*; exordium sumpsit  
in Hispania An. 1174. à Domino Gomezio  
Hervardeni. Quartò, Ordo Militaris S. Ja-

cobi, institutus in honorem S. Jacobi tempore  
Regis Hispaniarum Ramiri, post obtentam in-  
signem Victoriam contra Saracenos, auxilium  
S. Jacobi. Quintò, Ordo *de Avis*, inchoatus  
An. 1147. tempore Alphonsi Henrici I. Regis  
Lusitaniz. Sextò, Ordo Militaris *Temonticus*  
in Germania; Ordo Militaris *JESU Christi*,  
*De Monesa*; Ordo *Militia Christiana*; & *Im-  
maculata Conceptionis B. V.* ab Urbano VIII.  
An. 1624. institutus; & nonnulli alii per Eu-  
ropam dispersi. His olim annumerabatur  
Ordo Templariorum; sed hic est extinctus;  
eò quòd ipsius sectatores cum Saracenis in  
Christianum nomen conspirasse ferebantur,  
ac ob alia motiva.

14. Nota decimò quartò: Varias item  
extare Congregationes verè Religiosas femi-  
narum; cujusmodi sunt Moniales S. *Scholasti-  
cæ*; S. *Catharina Senensis*; S. *Clare*; S. *Colette*; S.  
*Elisabeth*; S. *Brigitte*; S. *Theresia*. Item earum,  
quæ degunt sub regimine PP. Cisterciensium,  
Præmonstratensium, Augustinianorum, Ser-  
vitarum, Theatinorum, & aliorum quorum-  
dam Religiosorum. Item *Ursuline*; *Canonica  
Regularis*; *Annunciata*; *Urbanæ*; *Conceptionis-  
stæ*; & plures aliæ per Christianitatem disper-  
sæ. Ex quibus Ordinibus, Religionibus, &  
Religiosis Congregationibus apparet varius,  
mirus, & copiosissimus Cultus, qui à tot di-  
versis perfectis, & à mundi tumultu sequestra-  
tis Ministris Religiosis DEO Optimo Maxi-  
mo exhibetur, in confusionem Acatolicorum,  
latrantium contra Instituta Religiosorum.

15. Dico primò: Ex his omnibus Religio-  
nibus illæ erunt perfectiores, quæ magis ac-  
cedunt ad actiones vitæ contemplativæ, &  
activæ simul, ordinando media dicto fini asse-  
quendo, scilicet Charitati DEI, & proximi ma-  
gis congrua. Ita S. Bonaventura, S. Thomas,  
Corduba, Brugnoti, Suar, & communis TT.  
Et ita in primis sentiunt SS. PP. Ambrosius lib.  
1. de *Virgin.* S. Augustinus lib. 19. de *Civitate  
DEI* cap. 15. D. Chrysostomus Hom. 17. ad *Pe-  
pulum Antiochenum*. S. Gregorius Nazian-  
zenus Exhort. ad *Virgin.* & alii. Deinde Ra-  
tio etiam est, quia norma vivendi mixta, &  
contemplativa & activa, est conformior Vitæ  
Christi, qui fuit totius perfectionis exemplar:  
Item est Professioni similissima: Et tandem illius-  
modi conduct ad impletionem perfectam illum  
præcepti de diligendo DEO, & proximo, in  
quo constituitur universa Lex, & Prophetæ: adeo-  
que illæ Religiones erunt perfectiores, quæ  
magis accedunt ad actiones vitæ contempla-  
tivæ, & activæ simul.



## CAP. III.

## De Capacibus Ingressus in Religionem.

1. Dico primò : Omnes personæ, quæ sunt sui Juris, possunt ingredi Religionem; qui verò sunt alteri obstricti, non possunt, nisi de ejus assensu. Ita Herincx, Less. &c. DD. Ratio primi est; quia Personæ, quæ sunt sui Juris, possunt alias mutationes circa se facere, & assumere novum statum; & consequenter ingredi Religionem. Ratio secundi est; quia nemo obligationis vinculum, quò quis tertio est obstrictus, sine assensu, & licentia tertii solvere valet, v.g. vinculum juratum, quò Episcopus alligatus est suæ Ecclesiæ Sponsæ, & Romano Pontifici; fieret enim tertio grave præjudicium: adeoque qui alteri est obstrictus, non potest ingredi Religionem sine ejus assensu.

2. Dico secundo: Liberi invitis parentibus, & iisdem inconsultis, dum obex timetur, possunt ingredi, & profiteri Religionem. Ita S. Thomas, Laym. Less. Azor. & alii DD. Et primò constat ex cap. cum Virum, de Regularibus, ubi dicitur de Filio, Cum liberum habeat arbitrium circa electionem propoliti, parentum se qui non cogitur voluntatem. Secundo patet ex SS. PP. signanter D. Hieronymo Epist. ad Heliodorum; Licet parvulus ex collo pendat nepos; licet sparsis crime, & scissis vestibus ubera, quibus se nutrierat Mater ostendat; licet in limine Pater jaceat; per calcatum perge Patrem, sicis oculis ad vexillum Christi evola; solum pietatis genus est, in hac re esse crudelem. Tertio colligitur ex Concil. Tribur. Can. 24. relatò can. 20. q. 2. can. 2. ubi dicitur: Si in fortiori (id est pubertatis) ætate adolescentula vel adolescens servire DEO elegerit, non est potestas parentibus prohibendi: adeoque Liberi invitis, & inconsultis quandoque parentibus possunt ingredi, & profiteri Religionem. Decens tamen est, ut de ejusmodi ingressu parentes à Liberis consulantur, quando probabiliter eis nullum obicem, vel moram obiecturi sunt.

3. Dico tertio: Filius habens Patrem extremam vel gravi egestate antecedente preßum, non potest ingredi Religionem; quòd si autem eam sit ingressus etiam jam professus obligatur de licentia sui Superioris egredi; si alia via non pateat Patri succurrendi. Ita Herincx, Less. Navar. Major, & plures alii DD. Estque Ratio; quia Filius est Patri taliter ege- no jure Divino, & naturali obligatus alimentis succurrere: est enim fructus, & pars Patris, & à Patre accepit esse: obligatio autem Juris

naturalis, & Divini, ingressu Religionis, vel voto permanendi stabiliter in Religione tolli non potest, neque ejus impletionem DEUS tunc petit; uti colligitur ex illo Math. 9. Misericordiam volo, & non Sacrificium: Hæc tamen obligatio non se extendit ad casum, quò Fratres, vel Sorores simili paupertate laborarent; uti habet Herincx, Less. & alii: cum tam arcta dependentia Religiosi ad suos Fratres, vel Sorores nunquam reperitur.

4. Dico quartò: Filius professus, & egressus ex Religione ad succurrendum Patri ege- no, sublata egestate, per interveniente morte Patris, obligatur repetere Religionem suam. Ratio est; quia obligatio major Juris naturalis, & Divini Filii erga Patrem alimentandum jam est extincta; quare iterum incipit alia minor reviviscere, de Obedientia semel Prælo Regulari promissa in Professione.

5. Dico quintò: Conjuges post consummationem Matrimonii absque mutuo consensu nequeunt ingredi Religionem; & ingressi invalidè profitentur; & pars læsa potest alteram ingressam, & professam repetere; aliter dicendum ante consummationem Matrimonii. Ita Herincx, Less. Sancius, & alii AA. Primum & secundum constat ex cap. Quidam. Et ex cap. Placet, de conversione Conjugatorum; ubi duo menses Conjugibus conceduntur, quibus non tenentur consummare Matrimonium; sed deliberare de ingressu Religionis, & liberè ingredi; imò etiam post consummationem, si Vir per vim, vel metum gravem intra duos primos menses id consummaverat; uti habet Palud. Panorm. Less. Sanch. &c.

6. Dico sextò: Neque servi absque Domini consensu; neque debitores qui non sunt brevi solvendo; neque ratiociniis reddendis obligati; neque deflorans Virginem cum sponsione Matrimonii; neque impuberes possunt ingredi Religionem: Ita Less. Sylv. Herincx, & alii DD. Primum deciditur in can. Si quis can. 17. q. 2. Estque Ratio; quia Servus quoad omnes suas actiones est sub potestate, & jure sui Domini. Secundi, tertii, & quarti, Ratio est; quia ingressus Religionis, uti dicitur æquitas naturalis, non potest fieri cum damno proximi, cui Debitor ob æs alienum est graviter obstrictus: neque cum damno temporali eorum, quibus reddi debent rationes vi prævii Contractus; neque cum præjudicio feminæ, cui Matrimonium promissum est ob usum corporis; alioquin plurimæ passim fraudes, & injustitiæ committerentur ab ingredientibus Religionem hoc fine, ut se exonerent ab onere semel contracto. Quinti quoque Ratio est; quia impuberes in omnibus subiecti sunt disposi-

dispositioni Parentum, & Tutorum; uti liquet ex communi dispositione Juris, & consuetudine.

## CAP. IV.

De Conditionibus requisitis ad validandam Professionem; & Ratificatione invalidæ.

1. Nota primò: à DD. duplicem rectè assignari modum profitendi: Tacitum, & Expressum. *Expressus* est, dum concepta certà, & in Religione usitata formulà profitens se serió obligat Religioni coram Prælati, vel ejus Delegato. *Tacitus* est; quò quis actiones tales exercet proprias, quæ propriæ sunt Professorum, & indicant ex Juris dispositione Religiosus Professus: tales actiones sunt, Professorum habitum per tres dies deferre post finitum Novitiatum; uti habetur *cap. Ad nostram, de Regular. Et cap. Constitutionem, tit. eodem, in 6.* Item si habitu Professorum proprio post Novitiatum indutus exerceat opera propria Professorum, suffragando v.g. in Capitulo; habetur *cap. Vidua, de Regular.* Item si in illa Religione, in qua quoad habitum non discriminantur Novitii à Professis, integro annò incedat in communi veste Religiosa, post decursum anni illicò censetur esse de numero Professorum; habetur in *Clem. Eos, de Regular. Et in cap. Ex parte 22. de Regular.* De utraque Professione hoc procedit Capitulum.

2. Dico primò: Ad valorem Professionis Religiosæ substantialiter requiritur ætas Canonica sedecim annorum completorum, ubi Tridentinum est receptum; ubi verò non est receptum, sufficiunt pro feminis duodecim; pro maribus quatuordecim; qui si Ordinem Mendicantium profiteri velint, debent addere decimum quintum annum pro Novitiatu. Ita Less. Herincx, Sylv. & communis. Primum determinatur in Concilio Tridentino *sess. 25. cap. 15. de Regular.* Secundum patet ex dispositione Juris Canonici, quod servandum est in iis Provinciis, in quibus S. Tridentinæ Synodi decreta non sunt usu recepta.

3. Dico secundò: similiter ad valorem Religiosæ Professionis requiritur annus Novitiatus post susceptionem habitus Religionis; qui debet esse physicè completus, de hora ad horam computatus, & continuus. Ita Navarr. Herincx, Less. Sylv. & alii. Primum constat

ex determinatione citati Tridentini. Secundum patet ex communi DD. sensu; & praxi Religionum. Et quia aliàs annus non censetur verè compleri, nisi in ultimo suo momento; uti patet ex *L. Minorum, ff. de Minoribus*, ubi habetur, *Minorem adhuc dici ultimo die anni vigesimo quinti, donec hora natiuitatis recurrat*; apponit rationem: quia ante illam horam nondum completus viginti quinque annos. Observat etiam Rodriqu. Sanch. & Herincx, in anno Bissextili duos dies computari pro uno, quoad annum probationis complendum: sic enim tunc Ecclesia annum computat. Tertium quoque patet; quia Ecclesia ideò præfixit annum Novitiatus, ut professurus gravamina, & austeritates Ordinis debite experiat, & sic liberius emitat Professionem; hujusmodi autem experimentum melius capitur in Novitiatu continuato, quàm diviso. Non videtur tamen hic annus necessariò transigendus in Monasterio; modò cum licentia, & sub obedientia Superioris extra id degat Religiosis exercitiis additus; uti habet Herincx, Sylv. & Sanch. Et si consultius sit, ut intra septem Religiosum Novitiatus peragatur.

4. Dico tertio: Requiritur etiam ad validandum Professionem consensus, ac intentio se obligandi Religioni. Ita Less. & alii Canonistæ. Estque ratio; quia ad contrahendas obligationes aliorum Votorum, Juramentorum, & similium promissorum, requiritur interior animus, & intentio se obligandi: adeoque & ad contrahendam obligationem Religionis, quæ fit in Professione.

5. Dico quarto: similiter requiritur ad ejusdem validitatem consensus, & acceptatio expressa; vel tacita illius, ad quem pertinet profitentem Religioni incorporare. Ita Navarr. Sylv. Laym. Less. Herincx, & communis. Ratio est; quia Professio formatur instar contractus inferentis obligationem reciprocam inter profitentem, & legitimè recipientem nomine Religionis secundum *cap. Apostolicam 16. de Regular. & cap. porrellum eod. tit.* ad contrahendam autem obligationem reciprocam requiritur ultro citroque consensus: adeoque non solum ex parte profitentis; sed etiam ex parte incorporantis requiritur consensus, & acceptatio.

6. Dico quinto: Professio, ut valida sit, debet procedere ex animo libero, sine ullo prævio injusto gravi metu, cadente in constantem virum. Ita Herincx, Laym. Glossa, Less. & communis Canonistæ. Et colligitur ex *cap. Perlatum; de iis, quæ vi metusve*

*causa sunt.* Et cap. ult. *Qui Clerici vel vover.* junct. Gloss. verb. *Vel modica.*

7. Dico sexto: Ut censetur esse vera Professio, & quâ profitens efficitur verus Religiosus, debet ea emitte in Religione à Summo Pontifice approbata. Ita Navar. Less. & alii DD. Et habetur in cap. *Unico*; de *Voto in 6.* Et patet ulterius ex cap. 1. *suprà*, conc. 2.

8. Dico septimò: similiter ad valorem Religiosæ Professionis requiritur, ut profitens in ejus emissionem non intendat, aut apponat conditionem repugnantem substantiæ Religionis; vel laboret aliquò impedimentò essentiali in ea Religione. Ita Less. Navar. Herincx, Azor. &c. Estque Ratio; quia quando similes conditiones intenduntur, seu apponuntur; vel quando adfunt essentialia impedimenta, Religio non censetur acceptare Professionem; v. g. si profitens intendat sua bona stabilia castrensia retinere; vel tractu temporis inire Matrimonium; vel laboret morbo gallico, comitali, aut aliò, qui in hac, vel illa Religione essentialiter impedit Professionem.

9. Dico octavò: Tandem etiam requiritur ad validè profitendum, ut non interveniat error circa substantiam rei promissæ. Ita Sanch. Herincx, &c. Estque ratio; quia talis error tollit intentionem obligationis contrahendi, v. g. Si Profitens arbitretur se profiteri in Religione S. Francisci, interea autem profiteatur in Religione alia distincta Dominicana.

10. Dico nonò: si contingat Professionem esse invalidam defectu alicujus conditionis jam specificatæ, etiam multò post detectâ ejus invaliditate, & servatis certis Tridentini Regulis, potest egredi ex Religione; nisi post notitiam invaliditatis Professionem ratificaverit. Ita Less. & alii DD. Estque ratio; quia juxta Regulam Juris, *non formatur tractu temporis, quod de jure ab initio non subsistit.* Regule autem servandæ à Trident. *sess. 25. cap. 19. de Regular.* ponuntur sequentes ad impediendas multas fraudes circa frequentes reclamationes contra Professiones. *Prima*; ut egressurus reclamet intra quinquennium. *Secunda*; ut causas nullitatis Professionis quas præterit, coram Superiore suo, & Ordinario producat. *Tertia*; ut non dimiserit habitum ante hujusmodi deductionem.

11. Dico decimò: Ad debite ratificandam Professionem invalidam requiritur tantum scientia de ejus nullitate, animus, & formalis intentio eam ratificandi; non item Prælati acceptatio; vel repetitio Novitiatus. Ita Less. Sa, Navar. &c. AA. Et Ratio pri-

mi est; quia defectu scientiæ de nullitate ratificatio non censetur esse libera ratificatio. Ratio secundi; quia in ratificatione emittitur nova Professio, & votum cum obligatione quadam notabilis momenti: adeoque debet adesse formalis intentio se obligandi. Ratio tertii est contra Azor. quia ex parte Prælati fuit vera acceptatio, & consensus in Professionem, quæ semper censetur virtualiter valida, quousque reclamet ipsemet Prælatum contra hujusmodi Professionem: ergo si suppleatur defectus admissus à Profitente, non videtur necessaria ulla nova acceptatio; unde & Jura Canonica nullam similem novam acceptationem possunt ad ratificationem invalidæ Professionis.

## CAP. V.

### De Effectibus Professionis; & Novitiatus Regularis.

1. **D**ico primò: Professio Religiosa debite emissâ delet meritorie, & imptoriè, ac ex opere operantis tantum, omnem pœnam in purgatorio luentiam. Ita S. Thomas, Herincx, Laym. Palud. &c. Et Ratio est; quia ita sentiunt SS. PP. Hieronymus *Epist. 8. ad Demetria.* Et S. Anselmus *lib. de Similitud. cap. ult.* Et S. Bernardus *Tract. de Precept. & Dispensat.* qui idcirco Religiosam Professionem appellant alterum Baptisma, deletivum omnium peccatorum quoad pœnam. Imò Navar. Hieron. Platus, Layman, Herincx, & Sanch. sentiunt omnimodam deletionem omnium. pœnarum Purgatorii, certiori, & perfectiori modo competere Votis Religiosorum, quàm Indulgentiæ plenariæ. Quem effectum etiam putat Sa, & Layman sequi ex sola devota renovatione Votorum Regularium.

2. Dico secundò: Professio Religiosa, omnia alia Vota simplicia, & Juramenta pia facit expirare. Ita Layman, Less. Herincx, & communis Canonistarum. Ratio est; quia Professio Religiosa omnes facultates, & vires professi irrevocabiliter DEO dedicat, & eum plenissime contentat; ad eum ferme modum, quò ære alienò gravatus Creditori totam suam cedit substantiam, & sequè ipsum subicit in perpetuum servum, hocque modò ei adæquatam præstat refusionem omnium debitorum.

3. Dico

3. Dico tertio: Professio Religiosa abolet à Professio omnem Irregularitatis notam, ex defectu natalium ortam; ita tamen ut ad Prælaturas illegitimi Professi ascendere non possint, sine dispensatione; aliz autem Irregularitates tolli possunt solum vi Privilegiorum Regularium. Ita Herincx, Lessius, Laym. Navarr. &c. Primum, & Secundum habetur in *cap. de Filiis Presbyterorum*. Ratio Tertii est; quia nullo jure habetur, alias species Irregularitatis evacuari vi Professionis; sed bene vi Concessionum Apostolicarum;

4. Dico quarto: Professio Religiosa abstergit maculam, ob quam ab actibus Judicialibus prius repellabatur; & tollit omnem notam ingratitudinis, ob quam poterat exhereditari. Ita Rebuff. Covarruvias, Layman, Glossa, Sanch. &c. Et ita colligitur ex *Antient, de Monachis*; *Collat. 1. dicente; Conversacionis Monachalis vita sic est honestata, &c. ut omnem quidem humanam hominis maculam detergat*: quare olim maculæ legali respectus ob crimen furci, perjurii, &c. postea professus potest agere testem, & ad alios actus legitimos admitti in Judicio, de licentia sui Prælati.

5. Dico quinto: Professio Religiosa liberat à Patria potestate Professum. Ita Glossa, Laym. Sanch. &c. Estque Ratio: Tum quia Professio Religiosa totaliter transfert Professum in potestatem, & dispositionem Prælati Regularis. Tum quia ita patet ex praxi omnium Religionum, quæ suos Professos eximunt ab omni dispositione Parentum, & Tutorum.

6. Dico sexto: Professio Religiosa inhabilitat Professum ad Matrimonium postea contrahendum. Ita Laym. Less. & communis Canonistarum. Et deciditur in *cap. Quod Votum*; de *Voto in 6.* Circa effectus Novitiatus

7. Dico septimo: Constitutus more solito in Novitiatu aliquo Regulari, gaudet privilegio Clericali quoad immunitatem, & quoad forum; ita ut Novitium percutiens incidat in excommunicationem; item quod Novitius non possit vocari in Judicium sæculare. Ita Sanch. Herincx, Brug, Navarr. de Graffius &c. Primum determinatur in *cap. Religiosi*; de *sentent. Excomm. in 6.* Ratio secundi est; quia Novitius est persona Ecclesiastica, subiecta Jurisdictioni Ecclesiasticæ, seu Superioris: adeoque in favorabilibus Privilegiis Ordinis, & consequenter etiam privilegio fori gaudet; ita ut absolutus sit ab omni Jurisdictione sæculari, sicut Professus.

8. Dico octavo: Novitius accipit aliquale Jus ad Professionem, ita ut absque injustitia

expelli non possit, quamdiu conformiter ad Religionis Regularæ, & Constitutiones se gerit, neque in futurum ex Professione illius Religioni immineat aliquod malum. Ita Lugo, & alii DD. Et est Ratio; quia Religio recipiens Novitium censetur se tacite obligare ad retinendum Novitium, quamdiu non occurrat ratio sufficiens eum dimittendi: adeoque Novitius acquirit Jus ad Professionem, correspondens illi obligationi.

9. Dico nono: Novitius non obligatur quidem per se, & in conscientia ad observantiam Regularæ, & Præceptorum Prælati; tenetur tamen ita subjacere disciplinæ Regulari, ut violenter non resistat: & resistentes aut aliter delinquentes possunt primò castigari, & postea ejici ex Religione. Ita Sanch. Herincx, Navarr. &c. Ratio primi est; quia non videtur ex quo capite in Novitio resultet obligatio in conscientia de servanda Regula, vel præceptis Prælati; cum necdum Votis essentialibus se obstrinxerit: ergo cum odiosa sit, non est asserenda. Ratio secundi est; quia subjectionis talis requiritur ad debitam gubernationem, & pacem Conventus, vel Collegii, in quo moratur Novitius; & ad eam censetur se passò virtuali obligare Novitius, dum Religiosam vestem suscipit. Ratio tertiæ est; quia alioquin manerent multa delicta impunita, cum præjudicio Justitiæ punitivæ: ergo &c.

## CAP. VI.

### De Obligationibus Professi in communi; & in particulari circa tria Vota.

1. Dico primò: Professus quilibet obligatur tendere progredi, & niti ad perfectionem Christianam. Ita S. Thomas, Toftat; Brug; & Suarez. Ratio est; quia statui Laicorum solum dicitur à Christo Matt. 19. *Serva mandata*: statui verò Religiosorum, qui insinuat his verbis, *sicvis perfectus esse*, ulterius dicitur; *Vade, & vende qua habes, & da pauperibus, &c. & veni, & sequere me*. Per quæ denotantur consilia, & consequenter perfectionis sequela. Impletur autem sufficienter hæc obligatio, si Religiosus ea debite præstare conetur, quæ in Regula sua, & Constitutionibus præscribuntur; ut habet S. Thomas, Sanch. Brugnoti, & alii. In Religiosis Mendicantibus est specialis obligatio ad perfectionem tendendi, Charitatis erga proximum, & subveniendi, dum opus est confessionibus.



Concionibus, Lectionibus, infirmorum visitationibus, Benedictionibus, Exorcismis, & similibus Charitatis operibus; quia eorum institutum tendit ad procurationem salutis proximorum: & quia ipsi sunt coadjutores Episcoporum, quodum proprium est hoc munus; uti habetur in Concil. Meld. cap. 3. Et Extrav. Bonifacii VIII. *Super Cathedram. §. ult. de Sepulchris*. Et Clem. Dudum, *cod. tit.*

2. Dico secundò: specialissima est obligatio omnium Professorum servare tria Vota substantialia Castitatis, Paupertatis, & Obedientie. Ita communis TT. & Canonistarum. Ratio est; quia ita ordinat S. R. Ecclesia. Et quia hæc Vota spectant ad substantiam status Religiosi; & in eorum observantia discernitur Religiosus à secularibus, ac aliis Ecclesiasticis personis. Veniendo in particulari ad Votum Castitatis

3. Dico tertio: Professus habet gravem obligationem vi emissi Voti Castitatis contrariam, ad abstinendum ab omni actu venereo, sive interno, sive externo; ejusmodi interni sunt morose turpes cogitationes, delectationes, & consensus in venerem; externi verò tactus, & aspectus impudici, copula carnalis, pollutio, &c. Ita Brug. Herincx, Lessl. & communis TT. Ratio est; Tum quia recensiti, & alii omnes actus venerei sunt oppositi Voto Castitatis, quod emisit Professus. Tum quia seculares extra conjugium habent obligationem gravem hujusmodi actus non exercendi; ergo à fortiori Professus, ratione Voti particularis Castitatis: unde hi actus à Professis exerciti sunt formale sacrilegium; quia simul opponuntur virtuti Religionis; uti habet Brugnoli, & alii AA. Circa Votum Paupertatis

4. Dico quinto: Professus obligatur ad servandam Paupertatem, ita ut non possit retinere, nec percipere Dominium, aut particulare aliquid alicujus rei temporalis, tanquam propriæ. Ita S. Thomas, Herincx, Lessl. Laym. Brug. & communis Canonistarum. Et constat; quia ita determinatur in *can. non dicatis aliquid proprium. c. 12. q. 1.* Et in *cap. Monachis*. Et *cap. super quedam*. Et *cap. Cum ad Monasterium. de statu Monach.*

5. Ex his cape sequentia Corollaria. Primo; Professum non posse absque peccato gravi, vel levi juxta quantitatem materiæ perfectum Usum fructum, vel Usum Juris alicujus rei temporalis, independentem ab assensu Superioris expresso, vel tacito habere; uti habet Brugnoli, & alii DD. hi enim dicunt aliquod dominium, quod pugnat cum paupertate Religiosa. Secundo; Neque posse habere possessionem, administrationem, aut peculium,

absque facultate Prælati; ut habet Navarr. Sanch. Herincx, & Rodriqu. ob eandem rationem. Tercio; Potest tamen Professus habere Usum facti, dependenter à voluntate Superioris: talis enim non pugnat cum Paupertate; ut docet Nicolaus III. in *cap. Eximus. §. Nec per hoc. Quarta*; Possunt etiam Professus, demptis FF. Minoribus, & quibusdam aliis, in communi habere Dominium bonorum temporalium; uti constat ex Trident. *sess. 25. de Regular. cap. 3.* Quia Paupertas solum dicit abdicationem domini privati bonorum temporalium. Quarto; Professus non potest donare, neque alienare, neque mutuo, vel commodo dare res spectantes ad Conventum, absque facultate Prælati; ut habet Sylv. Major. & Navarr. Ratio est; quia hæc capiunt Dominium. Sexto; Professus non potest sibi usurpare aliquid de rebus Conventus, v. g. esculentia, libros, aut similia, sine licentia Superioris; uti habet Lessl. Herincx, Brug. & plures alii. Ratio est; quia tales res spectant ad Communitatem; unde illas auferens absque licentia committit furtum, usurpans rem invito administratore Prælati; qui est locò Domini. Septimo; Professus non potest abscondere aliquam rem, ne eam Prælati videat, & auferat, vel semel concessum revocet; neque de ea ablata murmurare, indignari; ut habet Brug. Laym. Sylv. Ratio est; quia tales actus sunt quasi domini independentis, sive Juris Proprietarii. Octavo; Professus non potest rem aliquam ad specificum usum concessam in alium usum impendere; neque potest eam per culpam latam seu negligentiam, quæ dolo æquiparatur, destruere, vel permittere interire; ut habet Layman, Lessl. & Sanch. Ratio est eadem quæ ante. Nono; Professus non potest pro se acceptare res à quocunque donatas; neque taliter acceptas retinere; uti habet Brugnoli, Mendo. & Navarr. Ratio est eadem quæ prius. Decimo; Professus non potest habere superflua; neque pretiosa; & Prælati non potest pro hiis habendis dare licentiam. Ita Brug. Sylv. Lessl. Navarr. Ratio primi, & secundi est; quia Votum Paupertatis solum mediocritatem rerum permittit Religiosis. Tertium petitur ex Clement. *de statu Monach.* Et Trident. *sess. 25. cap. 2.* Circa Votum Obedientie

6. Dico quinto: Professus vi Voti Obedientie contrahit obligationem obediendi Regulari, & præceptis legitimi sui Superioris, ac Summi Pontificis continentibus res honestas, licitas, & intimatas verbò, vel scriptò. Ita S. Thomas, Azorius, Herincx, & Brugnoli. Ratio est; quia per emissionem Voti Obedientie, Profes-

Professus abdicavit propriam Voluntatem, & perfecte se subiecit primo suo Legislatori Prælo Regulari, & Summo Pontifici, tanquam legitimis Superioribus; factusque est completè subditus: ergo sicut subditus obligatur ad obediendum suo Domino in præceptis legitimè factis; ita & Professus suæ Regulæ, & Superioris, ac Summi Pontificis præceptis.

7. Dico sextò: Præfata obligatio non extendit se, ad obediendum quibuscunque indefinitè præceptis Superioris; sed solum ad obediendum iis, quæ sunt secundum Regulam. Ita S. Bonaventura, Major, Herincx, Laym. & Brugnoli. Ratio est; quia Obligatio desumitur ex intentione voventis obedientiam: vovens autem obedientiam non intendit se obligare ad obediendum quibuscunque præceptis Superiorum; sed tantum contentis in Regula explicitè, vel implicitè.

8. Ex his sequuntur sequentia Corollaria: *Primò*; Subditum non teneri præstare obedientiam Superiori præcipienti aliquid supra Regulam, v. g. ut Professus pergat pro Missionario ad Indias, vel in Æthiopiam; vel ut sine legitima causa, & rationabili motivo jejundet multis diebus; aut peragat austeritates inusitatas in Religione, & nullò statuto præscriptas; uti habet Brug. Gerson. S. Thomas, Corduba, &c. *Secundò*; teneretur tamen austeritates, & similes penalitates acceptare in penam delicti, vel in cautelam, nè in aliquod peccatum incidat, vel reincidat: hoc enim necessarium est ad Regulæ observantiam. *Tertio*; tenentur Professi acceptare Reformationem, quam Superiores Generales volunt introducere, propter collapsam pristinam ordinariam Religionis disciplinam. Ratio est; quia ad talem Reformationem, & reformationem collapsæ disciplinæ censentur se obligasse Professi in Professione, in tali determinato Ordine; uti habet Marchant: Herincx, &c. Et quia in Regula semel professæ implicitè continetur obligatio ad acceptandam ejusmodi Reformationem, utpotè necessariam ad exactam Regulæ professæ observantiam.

## CAP. VII.

### De Transitu Regularium, & ejectionis ex Ordine.

**D**ico primò: Jus Canonicum concedit Regularibus transitum de suo Ordine ad alium arctiorem. Ita, Less. Herincx, Navarr. & communis Cano-

nistarum. Et ita permittit, cap. Licet 18. de Regularibus. Et patet ex praxi Regularium itolèrata.

2. Dico secundò: Ad hujusmodi transitum licitè instituendum sufficit petere à Superiore Ordinario facultatem transeundi; quæ non obtentâ nihilominus fieri potest, transitus; modò in transeunte adit matura deliberatio, & studium melioris, ac securioris vitæ; & expleat integrum annum Novitatus in arctiori Religione. Ita Less. Navarr. &c. Primum, & secundum habetur in *cu. cap. Licet; de Regularibus*. Tertium colligitur ex *cap. Sanè 16. de Regularibus*. Et est Ratio; quia transitus iste à Jure est ad consolationem, & beneficium animæ Regularium: ergo non temerè, sed cum matura deliberatione, & studio melioris, ac arctioris vitæ Religiosæ instituendus. Quantum tandem colligitur ex Trident. *sess. 25. de Regular. cap. 15.* quod indefinitè postulat annum integrum Novitatus ante Professionem Religiosam emittendam; quod utique etiam se extendit ad volentem proficisci in alia Religione, ad quam prius alibi Professus transiverat.

3. Dico tertio: Nomine arctioris Religionis non intelligitur profectior Religio. Ita Herincx, Less. & alii Canonistæ; contra S. Thomam, Sylv. &c. Ratio est; Tum quia ita colligitur ex *cu. cap. licet*. Tum quia ita præsumitur sentire Ecclesiam, quæ concedit transitum Mendicantibus ad Religionem Carthusianam; uti patet ex *Extrav. viam ambitionis*, quæ tamen Religio in perfectione non excedit omnes Mendicantis Ordines; uti habent cit. DD. Itaque nomine *arctioris Religionis*, intelligitur Religio solum austerior, & rigorosior in quibusdam Observantiis Regularibus, atque transeunti tutior in ordine ad operandam salutem; qualis est v. g. Religio S. Francisci; ad quam proinde docet S. Bonaventura in Opusculo quodam, *Determinans qq. circa Regulam S. Francisci cap. 12.* Jure communi posse transire Religiosum, Professum cujuscunque Religionis, etiam Carthusianæ.

4. Dico quartò: Ob justam causam etiam possunt Prælati de Jure communi concedere transitum ex Religione stricta ad laxiorem; nisi obstant particulares prohibitiones Apostolicæ, vetantes hujusmodi transitum ex hac, vel illa Religione. Ita Hostien. Panorm. Sylv. Navarr. Less. Innoc. & alii Canonistæ scribentes in *cap. Non est 7. Et cap. significatum 11. de Regularibus*. Et prædicatur in quibusdam Religionibus. Estque Ratio; quia hujusmodi concessio videtur esse quandoque necessaria

necessaria ad rectam gubernationem Religionis : & videtur id permiffum in *can. 3. caus. 19. q. 3.* Dixi : *Nisi obstem particulares prohibitionis Apostolicæ* : quia pleræque Religiones obtinuerunt jam Privilegium Pontificium, impediens hujusmodi transitum : tale habent omnes Mendicantium Ordines in *Extrav. viam ambiciose*, ut ex eis non possit institui transitus ad Ordines non Mendicantes, præterquam ad Carthusianos.

5. Dico quintò : Religiones possunt quandoque iusta de causa Religiosum ejicere. Ita Navarr. Rodriqu. Azor. Herincx, Sa. & communis Canonistarum ; contra Zabarellam. Ratio est ; Tum, quia ita servatur in communione omnium Religionum praxi à Summis Pontificibus nunquam reprobata, imò per privilegia specialia pluribus concessa : & supponitur in *cap. ult. hoc tit.* Tum quia hoc patet ex dictis SS. PP. D. Bernardi dicentis : *Melius esse perire unum, quam unitatem.* Et D. Hieronymi scribentis in *Epist. ad Galat. Scinilla statim ut apparuerit extinguenda est, & fermentum à massa vicina seminandum, secunda putrida carnes, & scabiosum animal à caulis ovium repellendum, ne tota domus, massa, corpus, & pecora, ardeat, corruptatur, putrefcat, intereant* : ergo iusta de causa, qualis esset vel periculum subversionis plurium Religiosorum ejusmodi Ordinis, vel Claustrii ; vel incorrigibilitas notoria ; vel infamia incurrenda à Religione ob crimen Religiosi ; vel malitiosa suppressio alicujus defectus impediens aliàs à Professione &c. his inquam de causis potest Religio Professum ejicere ex Religione. Circa hujusmodi autem ejectionem servanda sunt Decreta S. Congregationis Cardinalium, emanata An. 1524. die 21. Septemb. & Constitutiones particulares cujuslibet Ordinis.

6. Dico sextò : Debitè ex aliquo Ordine ejectus Professus ob culpam, adhuc tenetur servare Vo à substantialia, & Regulam in iis, in quibus eum obligat sub mortali, quantum statui ejectionis patitur ; licet ex parte cesset Obedientiæ executio, ob defectum materię ; vel superioris ; liberatur tamen ab observantiis monasticis, non obligantibus sub mortali, puta à jeuniis, silentio, delectu ciborum, & Horis Canonicis, si necdum sit sacro Ordine initiatus. Ita Herincx, Sylv. Laym. Less. &c. Ratio primi & secundi est ; quia ejectio legitima non est ulla dispensatio Votorum DEO emissorum ; sed tantum quædam separatio Professi à corpore aliorum Religiosorum ; unde ejectus manet verus Religiosus cum obligatione ad ea, quæ semel vovit, & quæ sub mortali servanda accepta-

vit : adeoque Professus ex Ordine ejectus adhuc tenetur servare Vota substantialia, & Regulam in iis, in quibus eum obligabat in Religione sub mortali. Ratio tertiæ est ; quia observantiæ monasticæ non obligantes sub mortali, non concomitantur inseparabiliter, Professionem trium Votorum substantialium, sed ordinatæ sunt, ut cum majori devotione, decore, & honestate status Religiosus servetur ; à quo, cum ejectus separetur, non videtur ad eas obligari.

7. Ex his cape sequentia Corollaria. *Primo* ; Professus ejectus obligatur strictè ad Castitatem, & consequenter ad abstinendum ab omni venere, ratione Voti Castitatis ; ut, habet Sotus, Laym. & communis. *Secundo* ; talis ejectus obligatur ad Paupertatem, unde bonorum, quæ acquirit solum habet usum, & administrationem ; ut habet Rodriqu. Laym. Molin. Sa. &c. dominium verò acquiritur, vel Ecclesiæ Diocesana, in qua habet beneficium ; vel Romanæ, si nullum habeat ; uti vult Abbas, Azor, & Navarr. vel certè, tale acquiritur Monasterio, unde est ejectus ; uti habet Molin. Less. & alii. *Tertiò* ; in ejecto virtualiter adhuc perseverat obligatio obedientiæ, etsi hæc ab eo in actum reduci non possit, eò quod non habeat Prælatum, qui eum dirigeret.

8. Dico septimò : Professus propter aliquod crimen ex Religione expulsi, tenetur se corrigere, & petere denuò recipi in Monasterium, vel Ordinem ; Prælati tamen eos recipere non tenentur ; maxime si rationaliter timeant de relapsu, vel alio Ordinis detrimento nascituro ex tali receptione. Primum habet Arrag. Sylv. Sotus, Mirand. contra Azorium, & Navar. Secundum tenet Rodriqu. Molin. S. Anton. Sanch. &c. Ratio primi est ; quia ejectus ob crimen admissum manet obligatus ad servanda tria Vota substantialia ; & Professione Religiosa obstrictus ; adeoque tenetur se qualificare per vitæ emendationem, & postulare denuò recipi in illum statum pristinae Religionis, in qua Vota & Professionem debitè exequi valeat. Secundum patet ; quia antiqua Jura ordinantia, ut superiores suos ejectos quotannis requirant, jam in desuetudinem abierunt ; & praxis in contrarium invaluit : ergo &c.

9. Dico octavò : Professus ejectus per definitivam sententiam obligari potest à Prælato ejiciente, ut vel hunc vel alium Ordinem ingrediatur ; & ejectus tenetur talem ingressum procurare ; vel saltem tentare : imò ab Ordinario ad hoc potest compelli. Ita S. Bonaventura, Corduba, Miranda, Laym.

& Sanch.

& Sanch. Ratio est; quia Prælatus ejiciens est verus Superior ejecti: ergo ejecto potest imponere obligationem redeundi, ut sic Vota semel emissa DEO securius persolvantur. Accedit, quod hujusmodi praxis Prælatorum sit valde laudabilis, salutaris ipsi ejecto, & continens cautelam efficacem, nè ejectus in sæculo vivens varia perpetret scandala, & perniciem suæ salutis operetur.

## CAP. VIII.

### De Regularibus, qui Fratres Minores de Observantia, & Reformatorem nuncupantur.

**N**Ota primò: Ordinem illorum Regularium, qui nuncupantur *Fratres Minores*, fuisse à S. Francisco Seraphico fundatum, in conformitate exacta primæ vitz Apostolicæ, & Evangelicæ, ac submissum à DEO tempore Innocentii III. Summi Pontificis, ut Ecclesiæ gravem ruinam minitanti operibus sanctis, doctrinâ, ac prædicatione succurreret, eamque sustentaret; uti referunt Chronica Ord. FF. Min. par. 1. & Lectiones Officii S. Francisci. Et fuit idem Ordo Divo oraculo certificatus, eundem perseveraturum usque ad finem mundi pro Ecclesiæ emolumento, & ope; uti habetur in *cit. Chronicis*, Et in *lib. Conformitat. Barth. Pisanii*. Et *annal. Wadingi; Sedulii*, &c. Et ideo

2. Nota secundò; ut autem præfatum Divinum oraculum tantò credibilius evaderet, memoratus Ordo FF. Minorum in quibusdam Observantiis Regularibus pro sæculorum varietate aliquando decrefcens, rursus per varias reductiones, & reformationes fuit restauratus, & pristina Evangelicæ conformitatis splendori restitutus. Unde deficienter inter quosdam Fratres primo spiritu S. P. Francisci, sanctus Antonius de Padua, & B. Joannes de Parma Generalis, & S. Bonaventura Ordinem Seraphicum mirè reduxerunt. Post hos F. Gentilis de Spoleto, Paulus de Trincis, & Joannes de Stronconio, strigas novas vivendi Reformationes in eundem induxere; ut taceam Amadeorum, Clarenum, & eorum qui de Coletaneis, & S. Evangelio, seu de Capucio cognominabantur, austeras Reformationes, quæ usque ad tempora Leonis X. floruerunt; sub quo Pontifice Ordo Minorum divisus fuit in duas Congregationes, Conventualium scilicet, & Obser-

vantium. Ex quibus Observantibus rursus prodierunt PP. Capucini; Item PP. Franciscani Reformati primævam Regulæ S. Francisci puritatem, ad literam zelantes, & observantes: Capucini quidem cum separatione totali à vero Ministro Generali totius Ordinis Seraphici; Reformati verò cum subjectione ad Ministrum Generalem, qui sine ulla interpolatione, tanquam verus S. Francisci successor sigillum antiquum Ordinis tenet. Utrosque in sancto salutarique opere adjuvit Clemens VII. Summus Pontifex; Capucinos quidem per Bullam *Religionis*, datam Viterbii An. 1528. Reformatos verò per Bullam *In suprema militantis*, datam Romæ An. 1532. Iisdem etiam FF. Reformatis Ordinationes varias salutares præscripsit Gregorius XIII. in Constit. *Cum illius*, & Pius V. in Constit. *Injunctum*, Clemens VIII. postea in sua Constit. *Ex injuncto nobis* &c. in laudem Franciscanorum Reformatorem ponit frequentia: *Moti proprio ex certa scientia, ac de Apostolica potestatis plenitudine harum serie decernimus, ac declaramus, quòd supradicti FF. Reformati, non novam; sed eandem Regulam, quam B. Franciscus condidit, & fel. rec. Honorius Papa III. Prædecessor noster confirmavit; quamq; etiam FF. de Familia, nuncupati Ord. Min. de Observantia observant; licet ipsi Reformati purius, & juxta ipsius Regula literam declaratam, per recolenda memoria Nicolæum III. & Clementem V. Romanos Pontifices, etiam Prædecessores nostros observant.*

3. Dico primò: Non quivis est capax ingressus Religionis FF. Minorum; sed recipiendus, & ingressurus debet regulariter habere sequentes conditiones; ut sit fidelis Catholicus, de nullo errore suspectus, legitime natus, debitis expeditus, reddendæ rationum administrationis bonorum aliquorum non obnoxius, conditione liber, ac nulla vulgari infamia notatus; & si pro Clerico sit recipiendus, ut habeat saltem 15. annos completos ætatis, & calleat perfecte linguam latinam, sit munitus Sacramentò Confirmationis, aut saltem in Novitatu illud recepturus; ut non descendat, vel originem ducat, & trahat usque ad quartam generationem ab Hebræis, Mauris, vel Hæreticis, quorum corpora, vel statua sunt combustæ; nec sit bannitus, vel condemnatus, nec corpore vitiatum, aut morbo gallico, vel aliâ contagiosâ infirmitate reserptus. Ita ordinatur in Constitutione general. modernis cap. 2. §. 1. n. 1. & n. 5. & 6. Et fundant se cit. Constitutiones generales in Constitutionibus variis Pontificiis Pii IV. Bulla, *Nos*. Et Sixti V. Bulla, *Cum de omnibus*,



omnibus. Et Clementis VIII. Bulla, *Altissima paupertatis*, Et Gregorii XIII. Bulla *Consuevit*. Et Gregorii XV. Bulla, *Circumspicilla*. Et Trident. *sess. 25. de Regular.*

4. Dico secundò : Suscipiens habitum à Prælatò Minorita Observante, vel Reformato, vel ab eorum vices gerentibus, potest ab omnibus censuris, & pœnis absolvi; ac in irregularitatibus auctoritate Apostolica dispensari. Ita habent Constitutiones generales modernæ *cap. 2. §. 1. n. 13.* Et Mare Magnum Sixti IV. *Regimini*. Bulla Clementis IV. *Volentibus*. Servatis tamen quæ in dictis Bullis Apostolicis mandatur.

5. Dico tertio : Alterius Ordinis professus ad Ordinem FF. Minorum de Observ. & Reform. non est recipiendus, nisi habeat suorum Superiorum consensum, & facultatem. specialem Apostolicam transeundi, si forsitan Ordo talis Religiosi manitus sit Bulla Apostolica cohibitoria; uti pleræque Religiones modò habent. Ita Constitutiones memoratæ generales Ordinis. *n. 22.*

6. Dico quarto : ut quis legitimè proficere valeat in Ordine D. Francisci de Observ. & Reform. debet imprimis observare ea omnia, quæ S. Tridentina synodus. *sess. 25. cap. 25. de Regular.* præcipit. Deinde ut habeat majorem partem suffragiorum, dandorum per Fratres illius Conventus, ubi Novitiatum egit, ut sese priùs expropriet penitus; ut Christianæ doctrinæ rudimenta, & Regulam, & jûsq; præcepta, æquipollentia, & præcepti vim habentia; monitiones item, & libertates Regulæ; conditiones etiam ingredientium; & recipientium sciat; uti & recitare Breviarium, si Clericus sit. Ita Constitutiones generales Ord. *cap. 2. §. 5.* sub variis numeris. Et Trident. *cit. sess. 25.* Et Sixtus V. Bulla, *Cum de cæteris*. Et Innocentius X.

7. Dico quinto : Ad custodiam voti Castitatis specialiori modo obligantur FF. Minores. Ita Expositores Regulæ Seraphicæ. Ratio est; quia *ex cap. 11. Regulæ Seraphicæ* FF. Minores obligantur etiam ad evitanda consortia suspecta cum mulieribus, quæ licet in se mala non forent, sed immunitas ab omni impuritate; tamen in aliquo, vel aliquibus nata sunt pignere suspicionem impudiciæ; modò suspicio talis non procedat ex metâ malitiæ, quæ curari non debet. Notant autem Expositores Regulæ Franciscanæ, quod suspiciōis ad hoc ut refuset suspēctum consortium à F. Minore, debeat dari occasio aliqua; qualis esset v. g. quæzere locum obscurum, sequestratum, vel solitarium, vel tempus nocturnum, aut aliud opportunum ad

colloquendum cum muliercula; vibrare aspectus fixos, vel lascivos in eandem; proferre verba dissoluta, vel impudica, vel scurrilia coram eadem, &c.

8. Dico sexto : Frater Minor Observans, & Reformatus obligatur vi voti Paupertatis emissi ad particularissimam, & altissimam Paupertatem præ cæteris Religionibus non Minoriticis. Ita constat ex Regula Franciscana *cap. 1. cap. 4. & cap. 6.* Item ex Decretalibus Nicolai III. & Clementis V. Corpori Juris Canonici insertis. Et ex Constit. general. Ordinis *cap. 6. §. 1.* ubi omnes appropriatio cibi, potus, vestimenti, librorum, loci, cellæ, Fratribus præfatis interdicitur; demandaturque in omnibus rebus necessariis vilitas, humilitas, & paritas habenda, ac simplex usus facti; non verò Juris: de quo ampliùs in commendationem Altissimæ Franciscanæ Paupertatis dissero *tom. 4. scholæ meæ Theologicae dist. 4. de Virt. Cardinal. q. 4.*

9. Dico septimò : Similiter ad votum obedientiæ respectu Summi Pontificis, & suorum superiorum specialissimo modo obligatur F. Minor in iis, quæ non sunt contrariæ animæ suæ, & Regulæ Minoriticæ. Et constat tum *ex cap. 1. & 10. Regulæ Seraphicæ*: tum ex Constit. general. Ord. *cap. 1. §. 1. n. 1. & 3.* ubi etiam gravissimæ statuuntur pœnæ committentibus inobedientiam erga præfatas personas.

10. Dico octavò : Fratribus Minoribus observantibus, & Reformatis hodie interdictus est transitus ad alias Religionēs quascunque. Ita Sorb. Politius, Sancti. &c. Et patet ex variis prohibitionibus Apostolicis super ejusmodi transitum dictorum FF. emanatis. Sic vetuit Observantes transire ad Minimos Julius II. Pius V. Et Gregorius XIII. idem præstitit S. Congregatio tempore Gregorii XIV. sic & Paulus III. Julius III. & Sixtus V. sub excommunicationis censura prohibuit, Capucinis recipere eosdem Minores Observantes absque Provincialium Observantium licentia. Sic & Martinus V. & Extrav. *viā ambitiosā* prohibuit dictos Minores, & omnes Mendicantes transire ad Monachos quoscunque exceptis Carthusianis. Et Paulus II. statuit, quod Fratres Minores Conventuales nequeant recipere FF. Minores Observantes, ad eos fugientes. Idem præstitit Julius II. Imò refert Politius in *cap. 2. Regulæ generatim* FF. Minoribus interdictum esse transitum ad quamcunque Religionem, etiam Carthusiensium. Itaque ut quis Minor Observans, vel Reformatus licitè & validè instituere possit transitum ad aliquam

quam aliam Religionem, ad hoc sedis Apostolica facultas specialis est necessaria.

11. Nota tertio: circa transitum Fratrum de Observantia ad Reformationem, & contra, praxis Romana Curia est sequens; quod nimirum transitus ab Observantia fiat in Capitulo, aut in Congregatione, de licentia utriusque Provincialis; vel Ministri Generalis. Transitus verò ad Reformationem ad Observantiam debet quidem fieri in Capitulo, vel Congregatione; sed de consensu tantum Ministri Provincialis, ac Diffinitorii Reformatorum; prout in Bullis Pauli V. Et Urbani VIII. ordinatur. Transeuntes autem præfato modo in sua quisque Provincia fruuntur loco, assiduitate, præcedentiâ, ac præminentia, etiam in iure subrogandi, si fuerint Patres Provinciae. Si autem contingat Observantem transire ad Reformationem, habet annum ad deliberandum, an in illi statu manere voluerit, quo expleto superior major Reformatum capiat informationes de vita, & moribus ex Conventu, ubi annum deliberationis transegit; & si cognoverit eum bene vixisse, poterit eum incorporare suæ Provinciae Reformatæ; uti habet S. Congregatio à Sanctissimo. D. N. Urbano VIII. consultationibus FF. Minorum de Observantia S. Francisci Cismontanæ Familiae præposita, referente Lantusca in theat. Reg. yer. transitus. In transitu verò Fratris Reformati ad Observantiam non præscribitur annus deliberationis; quare si anno nondum expleto voluerit redire ad Reformationem, indiget majori facultate, scilicet Protectoris, vel sacre Congregationis; quia habetur quoddammodo pro admissio: uti habet in Lantusca. Expleto autem anno si talis transiens Reformatus tenet redire ad Reformationem, id facere debet in Capitulo, vel Congregatione, & exponere se ad annum deliberationis, sicut Observans; uti habet idem Lantusca.

12. Dico nono: à Religione Franciscana nullus potest ejici, nisi sit incorrigibilis, & per annum in carceribus probatus in seculo & penitentia. Ita Lantusca, Sand. &c. Et habetur in quadam Ordinatione S. Congregationis Concilii Tridentini die 11. Septemb. 1624. de mandato Urbani VIII. prout extat in libello Decretorum.

13. Dico deinde: ut ejusmodi alicujus Minoris incorrigibilis rite & legitime fiat, debent in Capitulo, vel Congregatione generali in unaquaque Provincia eligi, & deputari sex Patres ex Gravioribus Religionis, de quorum Consilio, & assensu Generalis potest ejicere talem incorrigibilem. Ita Lantusca &c. DD. Et habetur in quadam Ordinatione S. Congregationis Cardinalium Concilii Tridentini Interpretum sub Urbano VIII. facta, & registrata in registro hujus Congregationis fol. 187.

14. Nota quarto: Si Generalis longæ absit à Provincia, in qua degit incorrigibilis, ita ut cum dictis 6. Patribus convenire nequeat; tunc ad eundem debent Patres præfati mittere processum plene instructum, cum plena causarum expulsionis expressione; ac voto, ut juxta illud Generalis possit ad sententiam exclusionis procedere; uti habet eadem resolutio, cit. S. Congregationis. Pro Provinciis autem Germaniæ, Flandriæ, & aliis remotis Orientalibus, & Occidentalibus, ac Insularum indulsit eadem S. Congregatio, approbante Papa Urbano VIII. sub dato An. 1625. die 17. Aug. ut etiam Commissarii generales Regimini, & Visitatores Provinciales, triennales à P. Generali missi ad visitandas Provincias, cum assentibus 6. Patrum graviorum in Capitulo, vel Congregatione generalis electorum pro unaquaque Provincia, incorrigibiles Minoritas ejicerent. Atque interea usque ad primum generale Capitulum, vel Congregationem proximam celebrandam annuit, ut ejusmodi sententia in requisita forma Decreti hac de re editi fieri possint à Commissariis, & Visitatoribus prædictis, una cum consilio, & assensu sex Patrum, quos ipsimet Commissarii, vel Visitatores in qualibet Provincia elegerint; uti habet eadem Ordination. cit. S. Congregationis.

15. Nota quinto: à Regimine ex Ordine S. Francisci adhuc ætetur servare Regulam Sederaphicam, quoad septem, ejus præcepta, scilicet, malia, duo inhibitoria, quatuor præcepta virtutis, & duodecim qui pollentia. Ex Declaratione Summi Pontificis. Ratio est; quia cum in hanc Regulam sit solemniter professus, & memorata præcepta in ea continentur, per ejedionem ab eorum observantia non absolvitur.

# TITULUS XXXII.

## De Conversione Conjugatorum.

### CAP. I.

An, & quando liceat, vel non,  
Conjugibus converti ad  
Religionem.

**N**Ota primò : solent nonnunquam ingressum Religionis etiam quærere personæ Conjugatæ ; quare *precedenti titulo*, qui agebat generaliter de Religiosis, & Religionem ingredientibus, ac profluentibus, à D. Papa conjungitur *presens* de Conversione Conjugatorum..

1. Dico primò : bene describitur Conversionis Conjugatorum, de qua hic, quòd *fit personarum matrimonio junctarum transitus ad statum Religiosum approbatum*. Iy transitus est genus; reliqua aptantur pro differentia.

3. Dico secundò : si certæ conditiones, & tempus observentur, licet possunt Conjugati converti, seu ingredi, & profiteri Religionem; aliter non. Ita Glossa, & communis DD. Et constat ex *cap. verum 2. hoc tit.* Conditiones autem requirit, & tempus exprimuntur sequentibus. Unde

4. Nota secundò : ut unus Conjugum licet converti, seu Religionem ingredi, & profiteri valeat, post consummatum Matrimonium requiritur consensus alterius Conjugis; insuper ut & alter Conjug, si juvenis sit, & in periculo incontinentiæ versetur, pariter Religionem ingrediatur, *cap. 1. 4. 8. & 13. hoc tit.* Et *can. Agathosa 21. caus. 27. q. 2.* Si verò alter Conjugum senex, aut talis sit, ut sine suspitione incontinentiæ in sæculo permanere possit, debet is votum incontinentiæ emittere in manibus Episcopi, *cui. cap. 4.* Et hæc omnia fieri debent interposita auctoritate Ordinarii *can. 5 vir, caus. 27. q. 2.* Quòd si tamen alter Conjugum in sæculo remanens non emitteret votum incontinentiæ, adhuc erit valida professio ingressi; uti constat ex *cui. can. Agathosa.*

5. Dico tertio : Conjug post Matrimonii consummationem sciente, & invito altero Coniuge licet ingredi nequit Religionem, nec valide profiteri; sed repeti potest ab altero, & cogi ad egressum à Religione; Ita constat ex *cap. 3. & 12. hoc tit.* Eiusmodi autem Conjug illegitimè professus, & ad uxorem rediens debitum matrimoniale quidem reddere

tenetur; exigere autem non potest; & post mortem Conjugis ad colendam perpetuam castitatem obligatur; unde quamvis non teneatur ad Monasterium redire (cum votum ejus fuerit irritum) aliam tamen uxorem ducere non valet *cap. cit. 3. Et cap. 12. hoc tit.*

6. Dico quarto : Similiter si Conjug ignorante altero Coniuge Religionem professus sit, invalida est professio, ita ut post mortem illius ad Religionem redire non obligetur; licet si mulier sit, consultius agat, & ad salutem congruentius, si fuerit reversa ad Monasterium, Ita constat *cap. Placet 12. hoc tit.* Et *can. una 6. caus. 33. q. 1.*

7. Dico quinto : si contingat consensum seu licentiam alterius Conjugis fuisse gravi & injusto metu extortam, Professio Conjugis conversi est irrita, & invalida. Ita constat ex *can. 2. junctâ Gloss. verb. licentiam, caus. 33. q. 5.* Et *cap. accedens 17. hoc tit.* Idem dicendum, si licentia ingrediendi, & proficendi Religionem sit obenta per gravem, & injustum dolum; uti constat ex *cap. veniens 16. hoc tit.* Si eveniat casus, quòd Conjuges mutuò consensu continentiam voveant, & uterque vel alter eorum profiteatur Religionem, unus alterum non potest repetere, seu revocare ad Matrimonium continuandum; uti constat ex *cap. Dudum 21. hoc tit.*

8. Dico sexto : tempus intra quod unus Conjugatus possit ingredi, & licet ac valide profiteri Religionem etiam alterò invitò, sunt duo menses Matrimonii rati, non consummati. Ita constat ex *cap. verum 2.* Et *cap. ex publico 7. hoc tit.* Quod si maritus infra hos menses à Jure concessos per vim consummet Matrimonium cum uxore, Uxor nihilominus poterit converti seu ingredi, & profiteri valide Religionem, uti habet Sanch. Vallens. Abb. Fagn. &c. Ratio est; quia maritus intulit uxori gravem injuriam per vim aut metum gravem eandem cogendo ad consummationem Matrimonii infra duos menses : intra quos non habet jus copulam extorquendi : unde uxor injuriam passa non est privanda suo Jure convertendi ad Religionem.

CAP.

## CAP. II.

Quædam alia circa Conversionem Conjugatorum resolvuntur.

1. **D**ico primò : si alteruter Conjugum adulteretur potest alter innocens converti, & licitè ac validè profiteri Religionem ; Ita constat ex *can. Agathosa, caus. 27. q. 2.* Et *cap. 15. 16. & 17. hoc tit.* Debet tamen adulterium prius legitime probare adulteranti, & separatio illa fieri auctoritate Judicis, uti notat Vallens. Quòd si autem & altera pars occultum commisisset adulterium ; quod probare non posset, non poterit ipsa Conjugem dimittere ut Religionem profiteatur ; in tali enim casu paria delicta mutuà compensatione tolluntur *cap. fin. de adulter.*

2. Dico secundò : si unus Conjugum amplectatur publicè hæresim, & judicìo Ecclesiæ fiat separatio, potest alter fidelis licitè ingredi Religionem, validèque profiteri. Ita constat ex *can. idololatria 1. & seq. caus. 28. q. 1.* Quod etiam verum est, etsi lapsus in hæresim reverteretur ab infidelitate *cap. ult. hoc tit.* Quòd si verò non fuerit judicìo Ecclesiæ instituta separatio, tunc tenetur Conjug fidelis alterum Conjugem nuper lapsum, sed reversum ad Ecclesiam, & emendatum recipere ; neque potest converti, & Religionem profiteri, ut colligitur ex *cap. de illa, de divortio.*

3. Dico tertio : sicut unus Conjugatus absque licentia alterius nequit converti quoad susceptionem, & professionem Religionis, præterquam in casu adulterii carnalis, & spiritalis, id est hæresis amplexatæ ; ita pariter vir nequit absque licentia suscipere Sacros Ordines ; Ita habetur *cap. Conjugatus 1. hoc tit.* Et *Extrav. antiqua Joan. 22. de voto.* Ordo tamen susceptus absque tali licentia & voto alterius Conjugis, tenet, propter indelebilitatem characteris, qui imprimitur eò ipsò, quòd quis ordinatur ; sed sic ordinatus redire debet ad uxorem, & ad hoc cogi potest, eique petenti tenetur reddere debitum. Itaque ut vir debetè & pacificè valeat suscipere Ordines Sacros, requiritur licentia uxoris, & ut illa voveat perpetuam continentiam si senex sit ; si verò juvenis, ut ingrediatur Religionem, *can. Episcopus, dist. 77.*

4. Dico quartò : ad hoc ut Conjugatus possit in Episcopum ordinari, debet necessariò ejus uxor prius vovere continentiam, sacrum sibi velamen imponere, vestemque Religiosam assumere ; Ita habetur *cap. 6. hoc tit.* Quod ordinatum est ab Ecclesia ob excellentiam dignitatis Episcopalis, ob quam deceps est, ut & uxores Episcoporum ad perfectioris vitæ institutum transeant. Et ne uxor remanens in sæculo associata aliis mulieribus sæpe adeat Episcopum pro gratiis obtinendis, & consanguineis dotandis, ut advertit Abbas.

## TITULUS XXXIII.

De Conversione Infidelium.

## CAP. UNICUM.

De Matrimonio Infidelis, & Conversi.

1. **N**Ota primò : Quia Papa *priori titulo* egerat de Conversione Conjugatorum ad Religionem ; hac occasione in isto agit de Conversione Conjugum Infidelium ad fidem. Quamvis autem nomine *Infidelis* communiter veniat quivis errans in Fide vera, & Catholica ; cujusmodi est tum Paganus, Saracenus, & Judæus ; tum hæreticus quivis ; hoc tamen *tit. per Isidelem* intelligitur solus Paganus, Judæus, & Saracenus.

2. Dico primò : inter Conjuges Infideles

est verum, & legitimum Matrimonium, quatenus importat quandam contractum civilem ; non autem Sacramentum, *cap. gaudemus, de divort.* Et *1. ad Cor. 7.* ubi Apostolus hortatur Conjugem ad fidem conversum manere cum Conjugè ; quod non faceret, si non esset Matrimonium verum, inter ipsos. Datur tamen facultas fidei discedendi ab infideli & contrahendi Matrimonium cum fidei ; de quo *infra tit. de divortio.*

3. Dico secundò : si unus Infidelium convertatur ad fidem Catholicam altero remanente in Infidelitate, communis proles assignatur converso seu fidei. Ita communis DD. Et habetur *cap. ex litteris 2. hoc tit.* Unde talis proles nata ex uno parente gentili, & altero

fideli potest baptizari; etiam contradicente Infideli, uti constat ex *cir. cap. & can. Judæi 10. canf. 18. q. 1.* Et quia Ecclesia habet jus illam prolem baptizandi

4. Dico tertio: Conversio ad Fidem Catholicam non patrocinator in gravioribus criminibus; unde si præfuit homicidium mariti patrum à viro adhuc in infidelitate existente, per infidias, & machinationes, is conversus ad fidem non poterit ducere in uxorem viduum occisi mariti. Ita communis DD. Et habetur *cap. laudabilem. hoc tit.* Quod si tamentalis occisio secuta fuisset absque machinatione, v. g. in bello, tunc homicida conversus poterit inire Matrimonium cum Uxore relicta occisi; uti habetur *cir. cap.*

5. Nota autem secundò: ut operetur præfatum impedimentum dirimens Matrimonium inter Occisorem Infidelem Mariti, & ejus uxorem, requiritur tam Occisor, quam mulier Occisi cooperati sint ad necem mariti; uti colligitur ex *cir. cap. 1. hoc tit.* Item ut ambo cooperati sint cum animo, scilicet intentione in eundem Matrimonium inter se; nam si ob aliam causam patrent homicidium, v. g. in vindictam, non contrahunt memoratum impedimentum criminis; uti rectè advertit Sanch. Pirh. & c. Infuper ut mors sequatur ex illorum machinatione; unde si culpâ Chirurghi, vel Physici, vel negligentia vulnerati sequatur, non irretiuntur dictò impedimento; uti colligitur ex *can. Si quis, canf. 31. q. 1.*

## TITULUS XXXIV.

### De Voto; & Voti Redemptione.

#### CAP. I.

#### De Quidditate; Divisione; & Materia Voti.

1. Nota primò: Quoniam in *superioribus* iuribus tractatum fuit de Regularibus, Conjugatis conversis, ac infidelibus ad Fidem Catholicam transeuntibus, qui omnes aliquò Votò Religionis, vel Fidei sese obstringunt; propterea Papa subjungit *hunc tit. de Voto* in genere, ejusque solutione, laxatione, seu redemptione.

2. Dico primò: rectè describitur Votum in genere, quòd sit *promissio deliberata & libera de meliori bono, facta DEO cum animo se obligandi.* Ly promissio est genus; reliqua collocantur pro differentia. Ex hac descriptione

3. Infertur primo: varias necessarias conditiones requiri ad Votum, ut sit legitimum. Et primò debet esse promissio deliberata; id est cum plena animadversione ejus, quod agitur. Item voluntaria, sine metu, & dolo injurioso elicitum; uti patet ex *cap. 1. & 2. de his qua vi metus causa &c.* Secundo, debet esse promissio de meliori bono, id est de tali opere, quod melius est, quàm ejus ommissio; uti habet S. Thomas, Less. Herincx, &c. Tertiò debet esse promissio facta DEO; nam tantum Vota DEO facta, & non homini rationem Voti habent, *cap. Magna 8. hoc tit.* Quarto dicta promissio debet fieri cum animo se obligandi, quia actus agentium non operantur ultra intentionem, à qua omnem vim habent.

4. Nota secundò: Variæ sunt divisiones Voti: & primò aliud est tacitum, aliud expres-

sum. *Expressum* dicitur, quod emittitur conceptis & expressis verbis. *Tacitum* quod omnium judicio censetur fieri eo ipso, quòd vovens aliqua agat, quæ Voti sequelam annexam habent; tale emittit suscipiens sacros Ordines. Secundo patitur in purum seu absolutum, & in conditionatum. *Primum* sit absque conditione addita; ut si promittam sic, *voveto peregrinationem ad limina SS. Apostolorum.* Secundo sit cum additione certæ conditionis; tale esset hoc; *voveto peregrinationem Hierosolymam, si convalescerit meus Pater infirmus.* Tertiò, in personale, reale, & mixtum. *Personale* est promissio quædam solam personam contingens; talis est votum visitandi Sepulchrum Dominicum Hierosolymis *cap. 2. hoc tit.* Reale est promissio alicujus rei externæ præstandæ; ut in *cap. ex parte 18. de censibus.* Mixtum est promissio utrumque involvens; tale esset votum eundi Hierosolymas, ut ab eisdem ejiciat armis Saracenos, *cap. non est, & seq. hoc tit.* Quarto, famosè dividitur in solemne, & simplex; *Votum solemne* generaliter dicitur illud, quod fit cum debitis solemnitatibus, puta acceptatione Ecclesiæ, publicitate, testibus, aut juramento adhibitibus, specialiter verò, & prout de eo hic agitur potissimè est illud, quod ab Ecclesia acceptatur, & ex ejus ordinatione est annexum susceptioni S. Ordinis: vel quod professione Religiosis Ordinibus à Papa approbati continetur, *cap. un. hoc tit. in 6.* Unde duo tantum sunt ejusmodi Vota solemnia, scilicet Votum continentis annexum Sacris Ordinibus; & professionis Religiosæ. *Simplex* est, quod caret ejusmodi solemnibus.



## Tit. XXXIV. De Voto, & Voti Redemptione.

117

solemnitate acceptationis Ecclesiarum. Ex his

5. Nota tertio: Votum solemnne, & simplex non differre essentialiter & intrinsecè; sed accidentaliter seu extrinsecè tantum, ratione acceptationis, & ordinationis Ecclesiarum; uti constat ex cap. unico hoc tit. in 4. Estque Ratio, quia Votum simplex coram DEO quæ obligat, ac solemnè; uti constat ex cap. rursus 6. Circa Materiam Voti

6. Nota quartò: nomine *Materia Voti* intelligi id, quod DEO potest promitti; sive hoc sit res ipsa, quæ DEO vowedetur, quæ vocatur *Materia remota* Voti: sive ipsa actio, & opus humanum votentis; quò etiam spectat abstinentia ab actione; quæ vocatur *Materia proxima*: sic v.g. *Materia remota* Voti dandi Eleemosynam est res materialis pecunia, panis &c. quæ à votente datur, proxima verò est ipsa operatio, seu datio hujus rei materialis.

7. Dico secundò: Ut *Materia legitima* Voti habeatur, & subsistat Votum, debet opus, quod votens promittit, esse in sua potestate. Ita Herincx, Less. Laym. Azor. &c. Ratio est; Tum quia DEUS non acceptat opera talia ad rationem Voti, quæ non sunt in potestate votentis. Tum quia est fluita promissio rei non existentis in potestate votentis v.g. ut cras fiat Papa; vel ut moriatur; quia est circa materiam moraliter impossibilem, in ordine ad quam nulla potest esse obligatio.

8. Ex his cape sequentia Corollaria. *Primo*: Votum de non admittendo ullo peccato Veniali esse invalidum; uti habet Rodriqui, Herincx, Tolet. &c. Ratio est; quia cum ordinatus auxiliis DEI non est in nostra potestate vitare omne Veniale. *Secundo*: pariter invalidum est Votum terminatum ad factum alienum. Ratio est eadem. *Tertio* validum tamen erit Votum terminatum ad omissionem omnis peccati mortalis; ut habent cit. DD. Ratio est; quia cum ordinatus auxiliis evitatio omnis mortalis est in potestate nostra.

9. Dico tertio: *Materia Voti* sub nullitate Voti debet esse opus DEO promissario gratum. Ita Herincx, Less. Tol. Layman. &c. Ratio est; nisi opus sit gratum, id est cedens in honorem, & reverentiam promissarii, DEUS id non acceptat ad rationem Voti.

10. Ex his resultant sequentia Corollaria. *Primo*: quosvis actus peccaminosos non esse materiam validam Voti; v.g. sacrificare hominem; sicut voluit Jephthe *Judic. 11.* Dare eleemosynam ob vanam gloriam; vel ad obtinendam vindictam; vel meretricari, ut ex quæstu partem DEO possit donare, &c. Quod verum est, est actus peccaminosus involverent

culpam tantum venialem. Ratio est; quia adhuc per hujusmodi Votum irrogatur Divinæ bonitati gravis injuria; & in eodem quædam irritio, & tacita blasphemia DEI continetur, ut inquit P. Herincx. *Secundo* non est *Materia valida* Voti actus indifferens; nisi hic elevetur bonâ intentione ad finem bonum, adhuc perseverantem. Ratio est; quia actus indifferens quæ talis abstrahit à bonitate, quæ in omni Voto debet relucere.

11. Dico quartò: *Materia valida* Voti semper debet esse de re meliori, quàm sit ejus ommissio. Ita S. Thomas, Less. Herincx, & communis DD. Ratio est; quia Votum importat quandam gratificationem DEO factam: sed hanc non importaret, si id, quod vowedetur, non esset gratus DEO, & consequenter melius, quàm ejus ommissio: adeoque *materia Voti* debet esse de re meliori.

12. Ex his nascitur sequens Corollarium: Vota de non suscipiendis Sacris Ordinibus; de non ingredienda Religione; non danda eleemosyna; de incundo Matrimonio, Votum de non vovendo non esse valida; uti habent cit. AA. Ratio est; quia opposita horum sunt meliora.

13. Dico quintò: Actus tamen præcepti, adhuc sunt materia valida Voti. Ita Richard. Less. Herincx, Durandus, & alii DD. Ratio est; Tum quia actus præcepti sunt DEO grati, & gratiores, quàm eorum omissiones. Tum quia Jacob Gen. 28. Votum voluit Domino, quòd ipsi soli velit cultum Patriæ præstare, & non Diis alienis; sicut colligitur ex illo dicto: *Erit mihi Dominus in DEUM*; Tum tandem, quia ita servat praxis fidelium laudata ab Ecclesia, quæ non solum vowedetur abstinentia à Matrimonio; sed etiam abstinentia ab illicitis voluptatibus carnis extra Matrimonium, quæ est præcepta omnibus.

## CAP. II.

### De Bonitate; & Obligatione Votorum.

**D**ico primò: Opus salutare est, Votum emittere de rebus puri Consilii, & eadem Vota reddere in ordine ad colendum DEUM. Ita Herincx, Less. noster Wetweis, & communis TT. ac Controversistarum; contra blasphemos Novatores Calvinum, & Lutherum, Vota Regularium impia proclamantes, & dicentes, SS. Franciscum, Dominicum, Bernardum, &c. damnatos esse ob eorum emissionem: nisi fortassis ea emisissent eo fine, ut liberent se à molestiis domesti-

cis uxorum, & filiorum; non autem ex intentione DEUM colendi. Ratio est; Tum quia Sacræ Literæ nos stimulant ad Votorum emissionem; ut patet in *Psal.* 75. dicente: *Fovere, & reddite Domino DEO vestro, omnes qui in circuitu ejus offertis munera.* Et *Deut.* 23. *Si Votum vo- veris non tar dabis reddere, quia requirit illud Domini, si mortuus fueris, reputabitur tibi in peccatum.* Tum quia ab ipsamet natura homini rectè intelligenti ingeritur, esse opus salutare DEUM colere Votis cadentibus super materiam consilii: quare hæc non solum practicantur plures SS. Viri in utraque Lege; sed & ipsi Ethnici Diis suis solverunt quædam Vota, tanquam actus Religionis, à natura debitos Numini. Tum quia est salutare opus, & cultus DEO placens, etiam secundum Hæreticos cit. *visitare viduas, & pupillos, & immaculatum se custodire ab hoc seculo.* ut habetur *Jac.* 1. ergo & emitte Votum de rebus puri Consilii: Tum quia David vovit Domino construere Templum; ut dicitur *Psal.* 131. Tum tandem, quia omnia Vota, de quibus agitur *Leviticus* 27. & *Deut.* 12. & 13. sunt de rebus non preceptis: ergo &c.

2. Dico secundò: Opera bona procedentia ex Voto simul, sunt perfectiora, quàm elicta absque Voto. Ita S. Thomas, Lessi. & communis Theologorum. Ratio est; quia talia pollent duplici bonitate; unâ, quam habent secundum speciem propriam; & alterâ, quatenus sunt actus Religionis. Deinde qui emittit Votum, & id exequitur, duo dedicat DEO, scilicet opus bonum, & boni operis facultatem; cum privet se facultate illius omitendi: unde in hoc assimilatur donatario donanti fructus arboris, & ipsam arborem; ut dicit D. Anselmus *lib. de similitud. cap. 84.* ergo talis ponit opera perfectiora procedentia ex Voto. Circa obligationem Votorum.

3. Dico tertio: Votum trahit secum obligationem præstandi id, quod promissum est; & quidem obligationem gravem ex genere suo. Ita communis DD. Et primum constat tum ex *cap. 5. hoc tit.* tum ex S. Scriptura *Concluf.* 1. citata. Tum quia ita sentiunt SS. PP. signanter S. Gregorius *Epist. ad Bonifac.* dicens: *Si enim inter homines bona fidei contra-ctus nulli silent ratione dissolvi; quanto magis pollicitatio, quam cum DEO pepigit (scilicet homo) sine vindicta solvi non poterit?* Ratio secundi est; obligatio Voti spectat ad Virtutem Religionis, & fidelitatem DEO præstandam; unde ejus transgressio est notabilis irreverentia, sacrilegium, & injustitia: ergo est ex genere suo gravis. Poterit tamen ejus transgressio fieri levis, vel ex parvitate materiz substratæ Voto,

v. g. unius Salutationis Angelicæ quotidie dicendæ; ut habet Valentia, Cajet. Lay. Rodriqu. &c. vel ob imperfectam deliberationem; ut habet Herincx, &c. AA.

4. Dico quarto: Vota, quamcunque materiam afficiant, habent obligationem ejusdem speciei. Ita Suar. Herincx, Sanch. &c. Ratio est; quia Vota omnia tendunt ad præstandam fidelitatem DEO; unde quorumcunque transgressio opponitur tantum Religioni, seu fidelitati erga DEUM meritò exercendæ; ergo quamcunque materiam afficiant, habent obligationem ejusdem speciei. Idcirco Pœnitens qui violavit aliquod suum Votum factum circa materiam Consilii meri, non obligatur in Confessione explicare materiam Voti; sed sufficit dicere a transgressus sum aliquod meum Votum, circa materiam non præceptam; uti docent cit. DD.

5. Dico quinto: si dubium oriatur de emissionem Voti, & post industriosa disquisitionem adhuc perseveret dubium, potest vovens resolvere pro sua libertate: si verò constet de Voti emissionem; dubium autem urgeat de sufficienti deliberatione, adhibita etiam ejusmodi disquisitione, debet resolvere pro Voto, quod proinde obligat. Ita Bardi, Herincx, & alii. Ratio primi est; quia stante tali dubiò, & eodem perseverante post diligens examen, censetur melior esse conditio possidentis libertatem, id est ipsius vovens; ergo tunc potest pro sua libertate resolvere. Ratio secundi est; quia si constet de Voti emissionem, possessio adjudicanda est Voto; & præsumitur de sufficienti deliberatione adhibita in emissionem Voti; nisi evidenter oppositum demonstretur: ergo tunc vovens debet resolvere pro Voto, & se agnoscere eodem obligatum.

6. Dico sexto: Vota interpretanda sunt modò sequenti. *Primo;* secundum intentionem vovens. *Secundo;* si de ea non habeatur certa notitia; tunc considerari debet materia Voti, & juxta ejus naturam, & conditiones Votum est adimplendum. *Tertio;* quòd si adhibita tali consideratione materiz, necdum intentio vovens assequi possit; tunc Votum interpretari debet secundum Verbum, à vovente adhibitorum, proprietatem, & communem usurpationem; ita tamen ut hujusmodi interpretatio fiat cum rigore, & stricto modo. Ita habet communis Canonistarum doctrina apud Abbatem, Laym. Herincx, Cajet. Sanch. &c. Primum colligitur ex *Deut.* 23. ubi mandatur *Facies, sicut promissisti DEO tuo, & propria voluntate, & ore tuo locutus es;* quibus verbis dicitur promissiones & Vota de-

## Tit. XXXIV. De Voto, & Voti Redemptione. 119

ta debere adimpleri secundum intentionis normam, & mensuram votentis. Secundum patet; quia deficiente norma expressa intentionis de servando Voto recurrendum est ad normam communem, quam natura, & conditio materialium Voti servandam exposcunt: sicut alicui non constaret de intentione Voti terminati ad jejunium unius diei, teneretur id perficere secundum normam communem Ecclesie, quam jejunium postulat; videlicet ut unicam tantum refectionem in die adhibeat; & hanc in cibis non carnalibus. Tertium, & quartum etiam patet; quia dum de aliqua obligatione agitur, rigorosa & stricta interpretatio adhiberi debet; ut inquit L. *Quidquid adstringenda. ff. de Verb. obligat.* Sed Vota important gravem obligationem; cum cedant in honorem & cultum DEI: ergo eorum interpretatio fieri debet cum rigore & stricto modo, secundum verborum proprietatem, & usitatum usurpationem. Tota hujus Conclusionis doctrina applicari potest, & debet ad interpretationem Juramentorum.

7. Dico septimo: Evolutio Votorum cum determinatione certi temporis editorum, sub mortali fieri debet tempore determinato; nisi iusta causa moram purges; editorum vero sine determinatione ad hoc, vel illud tempus, fieri debet pro data prima opportunitate. Ita Sylv. Abbas, Laym. Vallens, &c. AA. Ratio primi est; quia si contractus humani ad certam temporis differentiam limitati intra tempus determinatum adimpleri debeant; quanto magis promissa cum DEO inita. Idem patet etiam ex S. Scriptura *Deut. 23.* dicente: *Cum votumnaveris Domino, non tardabis reddere; quia requireret illud Dominus DEUS tuus: Et si moratus fueris, reputabitur tibi in peccatum.* Secundum constat ex *cap. non est s. hoc iit.* Tertium patet ex cit. textu S. Scripturæ *Deut. 23.*

8. Dico octavo: Vota personalia expressè limitata ad personam, solvi debent ab ipsomet votente; nec ab alio adimpleri possunt, cum sublatione personalis obligationis votentis. Ita Palud. Herincx, Laym. Sylv. & com. DD. Et ita colligitur ex illo Psalmi 65. *Reddam tibi Vota, que dissolverunt labia mea.* Ratio etiam est; quia materia Voti personalis est actio ipsiusmet votentis, & ex eius voluntate determinate procedens; adeoque Votum personale. Solvi debet ab ipsomet votente.

9. Dico nono: Vota reacia, non adimpleta à votente, transeunt cum onere adimplentionis ad hæredes. Ita Herincx, Less, Laym. Sylv. & communis AA. ita resolvitur in utroque Jure; Canonico quidem *cap. Ex parte, de*

*Censibus. Ex cap. Licet, de Voto.* Civili verò L. 2. ff. de Pollicitation. ubi habentur sequentia; *si forte qui decimam bonorum votis, decesseris, &c. heres ipsius hereditario nomine decima obstrictus est; voti enim obligationem ad heredem transire constat.*

10. Dico decimo: Votum tamen Patris factum de Filio impubere, ut Religionem ingreditur, non obligat Filium ad ingressum Religionis; nisi Filius attingens annos pubertatis id ratum habeat. Ita Glossa, Less. & communis Canonistarum. Et constat ex *cap. Cum simus, 14. de Regularibus.* Et *can. Illud autem, caus. 20. q. 1.* Et colligitur ex Trident. *sess. 25. cap. 17. de Regularibus*, ubi ordinat, ut puellarum professio ad Religionem sit libera; non esset autem libera, si Patris Votum esset obligatorium suæ Filii, ut Religionem ingreditur, & profiteatur.

11. Dico undecimo: Quando Vota Testatorum sunt mixta, partim inducunt obligationem ea solvendi in hæredibus; & partim non inducunt. Ita Palud. Less. Sylv. & S. Antonin. &c. Ratio est; quia si Votum Testatoris sit hujus Tenoris; Ego Petrus voveo peregrinationem Wartenstem in Silesia, & simul offertorium aureæ torquis; hæres ejus contrahit obligationem solvendi torquem auream: quia cum succedat in commodum reale hereditatis, sentire debet & hoc onus annexum: non contrahit autem obligationem ipsiusmet peregrinationis; cum hæc affecterit solum testatoris personam: ergo &c.

## CAP. III.

### De Redemptione Votorum; & primò per Irritationem eorundem.

**N**Ota primò: Votum potest redimi, solvi, seu tolli quinque modis: Irritatione scilicet, Commutatione, Dispensatione, Desitione Conditionis, & Desitione materiæ, vel temporis, dum Votum est temporale. Ita Navarr. Sylv. Less. Herincx, & communis Canonistarum. Ratio patebit ex inductione, & discussione particulari singulorum modorum.

1. Dico primò: Omnium illorum Votorum obligatio evacuat per Irritationem, quæ emissa fuere à personis, sub perfecta alterius potestate constitutis quoad materiam Voti. Ita S. Thomas, Laym. Less. Herincx, Palud. & communis. Ratio est; quia talia Vota emissa fuere in præjudicium alienæ potestatis. Deinde

inde dependet ab alterius consensu; quapropter secundum communem DD. doctrinam, ex natura rei, vel factum ex Jure communi includunt tacitam conditionem; nisi is cui subiaceo, contradixerit: qui si contradixerit, censentur irrita Vota, & omnem obligationem perdere: Et ita patet ex praxi ab Ecclesia, & DD. approbata.

3. Ex his cape sequentia Corollaria. *Primo*; etsi Vota particularia Religiosorum sint licita, & meritoria; uti habet Less. Sylv. Cajet. Palud. &c. tamen omnia similia irritari possunt à Superioribus legitimis, præter Votum arctioris Religionis; uti habet Soto, Angel. Sylv. Less. Herincx, & Navar. contra Cajetan. Ratio est; quia Religiosi sunt sub perfecta potestate, subjectione, & dependentia Superiorum legitimorum constituti. Dixi præter Votum arctioris Religionis; quia cum Jura taliter voventem firmiter etiam contradicente Prælati proprio transire ad arctiorem statum Religiosum, censentur etiam simile Votum ipsius in suo valore permittere; & quoad hoc ipsum eximere à potestate irritativa Prælati. Et quia Professio Religiosa censetur cum hac conditione facta, nisi arctiorem & meliorem elegero: uti habet Marchant. Herincx, Less. Navar. Laym. & alii AA. *Secundo*; Eandem potestatem irritativam Votorum habent Abbates, & alii Monialium Præfecti; respectu suarum Sororum; uti habet Herincx, Azor. Castro Palao, & alii DD. Ratio est; quia & Præfecti Monialium Soteres in eodem clauastro Regulari inclusa perfecte subiectæ, & subditæ sunt, non minus quam Monachi suis Prælati. *Tertio*; Prælati Regularium, & Præfecti Monialium, non obstante sua prioritate habitatione Voti à subdito, vel subdita emissi, id ipsum subsequenti consensu possunt dissolvere, & irritare; uti habet Partorm. Less. Sylv. Cajet. Herincx, & Navar. Ratio est; quia tales Prælati, vel Præfecti per consensum priorum prælatum circa Votum, non perdunt Jus Superioritatis; & dominationis in subditum quoad illum actum Voti: adeoque non obstante prior assensu, adhuc per posterorem dissentium possunt dissolvere Votum subditi, vel subditæ; & ipsi tenentur obedire.

4. Notant tamen bene Panormit. Cajetan. Less. & Herincx; peccare lethalius Prælatum, vel Præfectam irritando Votum subditi, vel subditæ jam temel satisfactum; si nulla iusta causa subest. Ratio est; quia licet materia talis Voti sit in potestate dominativa Prælati, vel Præfectæ; est nihilominus Supremis Numini obligata; & Superiores tales obicem ponunt, ne eadem offeratur.

5. *Quarto*; Superiores Regulares non possunt directe irritare, & invalidare Vota suorum Novitiorum; bene tamen indirecè; uti habet Navar. Laym. Herincx, Rodriq. & communis. Ratio primi est; quia Novitii necdum sunt perfecte mancipati obedientiæ Superiorum Regularium; per totalem subjectionem. Ratio secundi est; quia quando Vota Novitiorum Ordini præjudicium pariunt in executione, Prælati (idem est de Abbatibus respectu suarum Monialium) ea abolere, vel potius suspendere possunt.

6. *Quinto*; Parentes, Tutores, & Tutrices irritatione dissolvere & redimere possunt omnia Vota impuberum; uti habet S. Thomas, Herincx, Less. Laym. Sylv. Suar. & communis. Ita colligitur ex *can. Mulier, caus. 32. qu. 2.* Et ex *can. Puella, caus. 20. qu. 2.* Ratio etiam est; quia naturali æquitati valde consentaneum est, ut pacta, & promissiones impuberum sint revocabiles, ut potè frequenter indistincte, & inconsideratè factæ, ob defectum maturi iudicii. Quare Jure etiam Gentium introductum est; ut similes sponsones, semper censentur factæ cum tacita conditione, si Pater, Tutor, vel Tutrix non contradixerit; qui si contradicens penitus eam obligat evanescit; quod verum est; etsi Votum executione relata, & intentata fuisset pro tempore assecutus pubertatis; nisi puber factus ea de novo confirmasset ex plena scientia; ut observat Herincx, Lopez, Suarez, Laym. Navar. & Marchant. quia Vota talia erant conditionata; & tractu temporis aliter non transiunt conditionem, nisi per novam ratificationem seu confirmationem. Sed

7. Nota secundò; Sola illa Vota ab impuberibus edita irritatione dissolvi possunt, quæ vergunt vel in præjudicium patriæ, & tutoriæ potestatis, vel disciplinæ, vel domesticæ Regiminis, vel familiæ; non verò quæ principaliter spectant DEI, Sanctorumque cultum; ut habet Less. Herincx; Sylv. & Navar. Ratio est primi; quia sola materia dictorum Votorum v.g. peregrinationis longæ, quotidiani jejunii, & quorum executio ad regimen domesticum spectat; subiacet perfectæ potestati, & dominio Patris; & Tutoris; ergo sola illa Vota impuberum possunt irritatione dissolvi. Ratio secundi est; quia est contra materiam Votorum spectantium ad DEI, Sanctorumque cultum, quæ non subiacet potestati Patris, & Curatoris, v.g. materia Voti ingrediendi Religionem, sumendi S. Eucharistiam; suscipiendi SS. Ordines; persolvendi certas preces; ergo similia Vota à Patre, vel Tutore nequeunt irritari.

8. *Sextò*; Domini possunt irritare Vota suo.

CAP. IV.

De Redemptione Voti per Commutationem eorum.

fuorum famulorum, quæ debiti servitii præstationem impediunt; uti habet Less. Herincx, Sylv. & communis. Ratio est; quia & famuli sunt obligati ad perfectam subjectionem Dominorum; ab eisque dependent, quoad actiones certas servitiorum; unde monet Paulus ad Titum 2. *Servos Domini suis subditos esse, in omnibus placentes*; quare hi nequeunt vovere longas peregrinationes; recitationem quotidianam Breviarii; Charitatis proximi obsequia frequentia, ob quæ notabiliter Domini servitium negligere deberent. Possunt tamen vovere actiones compatibles cum famulatu suscepto; uti habent cit. DD.

9. *Septimò*: Maritus pariter potest suæ Conjugis omnia illa Vota facta in ipso Matrimonio irritare, quæ pariunt præjudicium Juri suo in Uxorem, vel prolibus, vel rei familiaris; ut docet Navarr. Angel. Less. Herincx, & Sylv. Ratio est; quia Vir est caput Mulieris, & ipsa in materia prædictorum Votorum est Viro subiecta; & de ejusmodi subjectione hic intelligitur ille textus D. Pauli, ad Ephes. 5. *Mulieres Viris suis in omnibus sint subjectæ, sicut Ecclesia Christo*. Unde potest Maritus dissolvere Uxoris Votum de jejuniis frequentibus, quibus redditur debilis, & impotens ad debitum reddendum; item de peregrinatione longa; humi cubatione; vestis rigidæ delatione, &c. ut habet Less. & alii DD.

10. Notat tertio: Non potest tamen Vir irritare Vota Uxoris, quæ pubes ante Matrimonium edidit; unde ejus Vota tunc non censentur esse modificata, tacitè tali conditionali, si Maritus non contradixerit. Nihilominus similium Votorum executionem potest Maritus falcem suspendere usque ad suam mortem, si ei molestia foret; uti colligitur ex *can. Noliis caus. 33. q. 1. post mortem autem reviviscunt*. Præterea Maritus non potest irritare illa Vota Uxoris, quæ nullum incommodum afferunt Juri ejus in Conjugem, nec efficiunt rei familiaris administrationi v. g. Votum de recitando quotidie Officio B. V. vel audienda Missa; danda stipe pauperibus de suis facultatibus; non petere debitum à Marito; ut habent Herincx, Less. Laym. Suar. &c. Quæ dixi de potestate Viri circa irritationem Votorum Uxoris, proportionè servatâ idem assero de potestate Uxoris respectu Votorum sui Viri.

Nota primò: Alius modus tollendi priorem obligationem emissi Voti communiter à DD. assignatur Commutatio, quæ nil aliud est, quàm *substitutio obligatoria novi operis boni in locum prioris DEO promissi*.

2. Dico primò: Omnis vovens proprio motu, & authoritate Vota à se semel edita commutare potest in alia opera, quæ spectatis omnibus apertè judicantur esse præstantiora, & meliora; nisi ea forent Summo Pontifici reservata. Ita Covarr. Angel. Major, Cajet. & communior; contra Hostiensem, Innoc. Sylv. & alios. Et ita deducitur ex *cap. Pervenit*; ubi dicitur; *Promissum non infringi, qui in melius illud commutat*. Ratio est etiam primò: quia in hujusmodi commutatione vovens promissioni suæ abundantius satisfacit; & DEO gravior cultus exhibetur, per præstantius opus. Ratio est secundò: quia nullâ Legè Divinâ, vel Ecclesiasticâ prohibita legitur talis Commutatio: adeoque eam licitè facere potest omnis vovens. Dixi; *nisi ea forent Summo Pontifici reservata*: taliter enim reservata egent Papæ authoritate ad sui commutationem; uti habet Arrag. Azor. Suar. & alii DD.

3. Dico secundò: Quando Vota in aliud opus æqualis bonitatis commutantur, necessariò intervenire debet authoritas, vel Ordinarii, vel Papæ, vel Prælati, vel horum Delegatorum. Ita Less. Herincx, Laym. Sanch. & alii, contra Lopez, Soto, & alios DD. Et Ratio est; talis Commutatio est actus Ecclesiasticæ Jurisdictionis exterioris, sicut est Dispenratio: ergo ad eum debite perficiendum accedere debet Authoritas Superioris Ecclesiastici, vel ejus Delegati.

4. Dico tertio: Si Votum alicujus Oblationis editum sit in favorem unius Loci Sacri, vovens propriâ authoritate poterit commutare illud Votum in evidentè melius, quod sit majus commodum alteri Loco Sacro, supposito quòd prior Locus Sacer necdum acceptaverit Votum. Idem dic de Eleemosyna alicui magis egeno danda. Ita Herincx, Less. Bonac, Cajet. & alii DD. Ratio est; quia in his & similibus Votorum Commutationibus in melius, offertur res DEO gravior: adeoque licitè fit Commutatio; si alter Locus



facer necdum Jus vi alicujus acceptationis acquiescit.

5. Dico quartò: Qui pollet facultate dispensativâ Votorum, pollet pariter potestate commutativâ Votorum; non autem e contra. Ita Sa, Sylv. Azor. Herincx, Soto, & alii plures DD. Primum constat ex *Regula 33. Juris in 6. Qui licet plus, licet utique quod est minus*: sed plus est dispensare, quàm commutare; quia dispensatione vinculum Voti simpliciter tollitur; per Commutationem verò secundùm quid; cùm tantùm de una in aliam materiam transferatur: ergo &c. Secundum sequitur ex hac eadem ratione; quia cùm Commutatio sit longè inferioris facultatis, quàm dispensatio, & absolute non tollat totam obligationem; sequitur illum, qui pollet autoritate commutandi Vota, non pollere autoritate eadem dispensandi.

6. Dico quintò: Quando propriò arbitriò commutatur unum Votum in aliud longè melius, nulla requiritur causa in ordine ad commutandum: quando commutatur in æquale, requiritur iusta causa Superioris, uti & in minus; quâ non habita Commutatio est invalida. Primum habet S. Bonaventura, Richardus, Azor. & alii DD. Secundum Suar. Laym. & Herincx. Ratio primi est; quia in Commutatione Voti in melius, DEI cultus augetur, & talis Commutatio DEO gravior est, ob excellentioris operis exercitium, quàm solutio Voti primò emissi: ergo nulla requiritur causa ad hujusmodi Commutationem faciendam. Ratio secundi; per Commutationem Voti in æquale, vel minus opus, aliqua pars obligationis, debiti, & cultus Divini remittitur, quare DEUS non videtur esse contentus, si talis Commutatio fiat sine sufficienti causa. Causæ porro sufficientes erunt; vel magna aliqua molestia in exequendo Voto; vel fragilitas magna cum periculo id violandi; vel repugnantia parentis, aut mariti; vel alia similis; cujus sufficientia ponderanda, & dijudicanda Viro prudenti, & conscientioso relinquitur.

7. Dico sextò: In Commutationibus Votorum servari debet hic modus; ut habens facultatem tantùm commutandi, non verò dispensandi, commutet Votum in æquale, vel propè æquale; item ut plerumque Vota realia commutet in onera realia; Personalia in onera Personalia; Mixta in Mixta; in hoc tamen arbitriò boni viri commutatis fieri potest permixtio. Ita Less. Laym. Sylv. Azor. & communis. Ratio primi est; quia *Lyci commutare* importat quandam æqualitatem; Privilegia, autem extendendi non debent ultra verborum propria-

tem, & acceptionem: adeoque commutans Votum debet hanc æqualitatem attendere, & observare. Ratio secundi est; quia si Commutatio non fiat in propè æquale secundùm moralem æstimationem; sed in notabiliter minus, jam invenitur dispensatio; quam suppono commutantem hic & nunc non habere. Ratio Tertii est; quia Commutans Vota debet pro possibili attendere materię æqualitatem, finem à vovente intentum, & DEI gloriam ac cultum; hæc autem optimè attenduntur, dum Vota realia commutantur in realia opera; & personalia Vota in opera personalia: ergo consultum est, ut hic modus in Commutatione Votorum plerumque servetur. Ratio Quarti est; quia aliquando opus purè personale, est magis proficuum voventi, & DEO gratius, quàm opus reale, in quod aliàs secundùm modum communem Commutationis Votum reale esset commutandum; sic v.g. Eleemosyna spiritualis (qualis esset bona instructio danda proximo in fide, in Virtutibus, in Statu Religioso, vel Sacrificia Missæ; item preces aliquæ efficaces offerendæ) sunt Petro voventi magis salutaria, quàm datio Eleemosynæ corporalis unius aurei: ergo expedit Votum reale de datione Eleemosynæ corporalis permiscere, & discretè transferre potius in illa opera personalia. Idem dic de Voto personalis, quandoque commutabili in reale; & mixto in merum reale. Unde *cap. 2. de Voto* permittitur, ut Votum mixtum peregrinationis in meram Eleemosynam permutetur, & iis redimatur.

8. Dico septimò: si contingat peractâ Commutatione Voti opus fieri impossibile, vel infructuosum, etiam cum culpa vovens; vovens censetur absolutus ab obligatione Votum implendi. Ita Laym. Sanch. de Graffis &c. AA. Ratio est; quia obligatio prior Voti vigore legiūm Commutationis censetur extincta: obligatio autem semel extincta amplius non reviviscit, per L. *Qui res ff. de solution.* quare si contingat opus Voti commutari fieri impossibile, vel infructuosum, vovens est absolutus ab obligatione Voti implendi.

9. Dico octavò: Peractâ ritè semel Commutatione alicujus Voti, vovens potest pro arbitrio suo, vel Votum primò editum exequi; vel illud, in quod per Commutationem translata fuit obligatio Voti; vel certè ab alio, potente commutare, novam postulare Commutationem Voti. Ita Sanch. Laym. Azor. Less. & alii DD. Et est Ratio; Tum quia ita permittit praxis temporariorum ab Ecclesia permissa. Tum quia Commutatio est facta in favorem vovens: *Quivis autem favori suo remn-*

*ciare*

*ciare potest*; ut inquit quidam textus Canonici: Tum tandem: *Quod in gratiam alicujus conceditur, non est in ejus dispendium retorquendum*, inquit Reg. 6i. in 6. Sed Commutatio est in gratiam voventis concessa: ergo nequit in dispendium ejus libertatis retorqueri, quò minis non possit, vel Votum primò emissum, vel opus Commutationis exequi, vel novam postulare Commutationem.

10. Dico nonò: In Religionis approbatæ Votum omnia Vota prius in sæculo edita commutari possunt; inò talis Commutatio eò ipsò censetur fieri à Profitente; nisi expresse tunc contrarium sentiat. Ita S. Thomas, Navarr. Arrag. Laym. Herincx, Sa, & communis. Primum habetur in cap. *Scriptura, de Voto*, ubi dicitur: *Rem fratri Voti non habetur, qui temporale obsequium in perpetuam noscitur Religioni obervantiam commutare*. Et Ratio est; quia Votum Religionis particularem quandam fortitur præcellentiam, & eminentiam, ob universalem, & perpetuam obligationem, quâ Profitens se, suasque actiones DEO consecrat; adeoque censetur alia omnia Vota in sæculo edita in se continere, & absorbere. Secundum etiam patet, primò ex rationibus jam adductis. Secundò; quia ita sentiunt DD. unanimiter; & hoc colligunt ex cit. Juris dispositione.

## CAP. V.

### De Redemptione Voti per Dispensationem, cæterosque Modos tollentes Votorum obligationem.

1. Dico primò: Bene describitur Dispensatio in Voto: quòd sit *Condonatio debiti, & obligationis Voti, nomine DEI, & Ecclesie facta ob justam causam, ab habente Jurisdictionem*. Ita Herincx, Less. Cajet. & alii DD. Ly *Condonatio* est genus; alia subeunt rationem differentiez. Dicitur *Condonatio debiti, & obligationis Voti*; quia Dispensatio non tantum est quædam interpretatio, indicans cessationem debiti, & obligationis; sed est vera relaxatio vinculi contracti, seu debiti, & obligationis Voti. Additur, *Nomine DEI, & Ecclesie*; quia dispensans in Votis operatur autoritate DEI primariò; deinde etiam autoritate Ecclesie, à Christo ipsi concessa, remittendo obligationem, & cedendo Juri, quod DEUS ex Voto acquisierat. Ly *ob justam*

*causam* insinuat ad omnem legitimam relaxationem Voti aliquam rationem, & motivum debere concurrere, ut statim dicam. Ly tandem *ab habente Jurisdictionem*, docet dispensationes non posse fieri à quovis; sed à solis personis ab Ecclesia ad hoc designatis.

2. Dico secundò; Certum est in Ecclesia residere auctoritatem dispensandi in Votis, Juramentis, aliisque obligationibus, quibus aliqua personæ se DEO obstrinxere. Ita plerique DD. Et constat primò ex S. Literis; perpetua Ecclesie Praxis; Traditione, & dictis SS. PP. Ex sacris Literis quidem; quia Apostolus 2. ad Corinthios cap. 2. fecit mentionem de Dispensatione quadam debiti ad penam propter culpam commissam sub nomine Condonationis inquit: *Nam & ego quod donavi, si quid donavi propter vos in persona Christi, si quibus inturret Apostolum pariter habuisse auctoritatem dispensandi, & condonandi debita propter Vota, & Juramenta*. Secundò talis potestas continetur in generali illa potestate solvendi, data Petro Christi Vicario, & deinde toti Ecclesie: *Matth. 16. Tibi dabo claves Regni cælorum, & quodcumque solveris super terram, erit solutum & in cælis*, quæ potestas sic indefinitè data, utique se etiam extendit ad solutionem Votorum per Dispensationem.

3. Dico tertio: Potestas dispensandi cum universalitate ad omnia Vota omnium Fidelium relaxanda, etiam solemnia Religiosorum, residet Jure Divinò ordinariò in Summo Pontifice; Ordinariò verò Jure in Episcopis quoad Vota omnia relaxanda suorum subditorum tantum, demptis iis, quæ Papæ sunt reservata: Et tandem in Legato Pontificio respectivè ad Provinciam Legationis, & Summa Pœnitentiaria Papæ. Primum habet Scotus, Palud. Richardus, Navarr. & communis Canonistarum. Et Ratio ejus est primò; quia non est ratio limitandi auctoritatem dispensativam, indefinitè à DEO concessam ipsi Summo Pontifici, per cit. verba *Matth. 16*. Deinde solemnitas Votorum à Religiosis editorum; de quibus solis hic est difficultas, est solâ Ecclesiasticâ auctoritate introducta; uti patet ex cap. *Voto, de Voto in 6*. Et ex *Constitut. Gregorii XIII. Ascendente Domino*: ergo cum Summus Pontifex sit supra omnem Ecclesiasticam auctoritatem, & ordinationem, ipse poterit dispensare in omnibus Votis, etiam solemnibus Religiosorum. Quare legimus Summos Pontifices actu dispensasse in similibus Votis, signatim Alexandrum III. cum Nicolao Justiniano Monacho, ut matrimonium inire va-

leret;

Jeret; & Cœlestinum cum quadam Moniali Rogerii Regis Siciliæ Filia, ut cum Henrico IV. Rege connubium celebraret. Ratio secunda est; quia Episcopus in sua Diœcesi est Princeps Sacrorum: ergo habere debet Jure ordinariò omnia requisita ad debitum Ecclesiasticum Regimen suorum subditorum: non haberet autem, si non posset relaxare omnia Vota suorum Diœcesanorum, exceptis expressè reservatis Papæ, cum judicaverit expedire pro salute subditorum: ergo &c. Deinde Jus Episcoporum circa Votorum relaxationem non legitur in Sacris Canonibus restrictum nisi in paucis, quæ Summus Ecclesiæ Pastor pro sua eminentia sibi reservat: adeoque in aliis censetur ipsis indefinitum; & illimitatum ordinarium permanere.

4. Nota autem primò: Vota reservata Summo Pontifici communi stylo, & usu Curie Apostolicæ esse tantum quinque: nimirum Castitatis perpetuæ, Religionis approbatæ, Peregrinationis ad Limina Apostolorum; ad S. Jacobum; & in Terram Sanctam. Etsi de ultimis tribus, si præcisè facta sint devotionis causâ, & non subsidii ferendi, sentiat Marchant. Tabiena, Wivaldus, & alii, ea posse etiam ab Episcopis relaxari. Ego tamen judico ea non esse relaxabilia ab Episcopis; ob consuetudinem, quæ jam passim contrarium præscripsit.

5. Ratio tandè Tertii, & quarti membri præfatæ conc. 3. est; quia Legatus, & Pœnitentiarius habent Jurisdictionem ordinariam Ecclesiasticam, & munus tale, cui ex Papæ Voluntate, annexa est autoritas dispensandi in Votis: ergo Jure ordinariò hæc eis competit.

6. Ex Conclusionem dictâ cape sequentia Corollaria. *Primò*; Episcopos habere auctoritatem relaxandi omnia Vota simplicia Castitatis non perpetuæ; uti habet Palud. Soto, Sanch. & Navarr. *Secundo*; Episcopus dispensare potest Votum Religionis non approbatæ; uti habet Less. & alii. *Tertiò*; potest dispensare in Voto de ingredienda stricta Religione, ut possit ingredi minùs strictam; uti habet Rodriqu. Azor. & Sylv. quia hic non dispensatur in ipsa substantia Religionis; sed in ejus circumstantia, & modo. Idem esto judicium de Voto peregrinandi pedibus Compostellam; ut peregrinus pergat in equo. *Quartò*; in Voto servandi perpetuam Castitatem conjugalem dispensare potest; uti habet Sanch. Laym. Herincx; *Quintò*; in Voto non petendi debitum conjugale, idem potest; uti habet Rodriqu. Sa, Herincx, &c. *Sextò*; in Voto non contrahendi Matrimonium; uti habet Arrag. Herincx, Navarr. & Valent. *Septimò*; in Voto non fornicandi; uti habet Less.

Herincx, & Layman. *Ottavo*; in Voto suscipiendi Sacros Ordines, & aliis similibus, quæ strictè, & integrè non sunt unum ex quinque reservatis supra recensitis, etsi sint aliqua pars eorum. Ratio est; quia cum reservationes à Jure communi, & ordinaria potestate Episcoporum exorbitent, strictè interpretandæ sunt; ideòque dum v. g. Votum Castitatis Papæ reservatur, explicare debet de Castitate perpetua, & simpliciter dicta; quales non sunt Castitas Conjugalis, & aliæ jam recensitæ; etsi aliquomodo ad eam reducantur, ut bene ex Sylvestro, & Suarez, notat Laymannus. Puto etiam probabile esse, quod plures tenent RR, DD. Episcopos posse dispensare in Voto perpetuæ Castitatis integræ, & perfectæ Papæ reservato in sequentibus casibus. *Primò*; si Votum Castitatis sit emissum ob metum; etsi non omninò gravem, & aliàs irritantem Votum; ut habet Angel. Herincx, & Navarr. Ratio est; quia reservatio, utpotè odiosa, interpretanda est strictè de Voto omninò voluntario. *Secundò*; si quis post editum Votum perpetui Cœlibatûs ineat Matrimonium, idque consummet; imò etiam ante consummationem, potest Episcopus dispensare in petitione debiti; ob periculum incontinentiæ; si difficilis sit accessus ad Papam; ut habet Less. Soto, & Angel. *Tertiò*; ob idem periculum incontinentiæ, potest dispensare cum Conjugibus, qui consummatò Matrimonio voverunt Castitatem; ut habet Angel. Tolet. Less. Herincx, & Rodriqu. *Quartò*; ob idem periculum, & dum tractatur de ineundo Matrimonio, potest cum quacunque persona Laica obstricta Voto Castitatis perpetuæ, etiam extra Matrimonium dispensare, quando ad Papam, vel ejus Delegatum non est facilis aditus: ut docet Sylv. Less. Soto, Navarr. &c. Quia tunc Papa non censetur sibi reservare tale Votum Castitatis. *Quintò*; si Votum Castitatis sit accessorium, & dependens ab alio Voto non reservato Episcopo; quale esset, si quis voveret non nubere, sub pœna servandæ Castitatis; ut docet Navarr. Less. & Herincx. *Sextò*; si Votum sit modificatum aliquâ conditione, necdum in re posita; ut habet Soto, Less. & Viçtor. *Septimò*; Si Votum sit modificatum aliquâ penalitate; ut habet Medin. Lopez, Covarr. &c. *Ottavo*; Si Votum sit affectum disjunctivâ aliquâ, v. g. si esset tale: voveo peregrinationem, vel jejunium; quò casu Episcopus potest dispensare de una parte eligenda; uti habet Herincx, Less. & alii AA. *Nonò*; in Votis dubiis perpetuæ Castitatis; uti habet Suar. Laym. Sanch.

7. Dico quartò: Etiam in Superioribus, feti

seu Prælati exemptorum Regularium residet authoritas ordinaria dispensandi cum suis subditis in iis Votis, in quibus dispensare possunt Episcopi cum suis Diæcesanis. Ita Sylv. Navarr. Less. Herincx, & communis Canonistarum. Ratio sumitur primò ex praxi omnium Religionum. Secundò; quia Prælati Regulares sunt Ordinarii Pastores suorum subditorum, cum Jurisdictione spirituali, sicut Episcopi: ergo circa Vota suorum subditorum possunt Jure ordinario, ea omnia dispensando præstare, quæ possunt Episcopi circa Vota suorum Diæcesanorum.

8. Dico quintò: Confessarii etiam Ordinarii Mendicantium, virtute suorum Privilegorum, possunt dispensare in Votis secularium, in quibus possunt Episcopi; & consequenter in omnibus eorum Votis, præterquam in quinque reservatis Summo Pontifici; idem à fortiori dic de commutatione Votorum. Ita Herincx, Navarr. Less. Lopez, Rodriq., & communis Canonistarum Regularium. Et constat ex eo; quòd ita eis Jure delegationis concessum sit à diversis Summis Pontificibus; ut videre est in Compendiis Privilegorum Fratrum Minorum, Dominicanorum, Carmelitarum, Societatis, Benedictinorum, &c. Unam alteramve solum adduco. Prima est Innocentii VIII. quam fecit vivæ vocis oraculo nobis Franciscanis. Secunda est Julii II. quam fecit Benedictinis, & Cisterciensibus. Tertia Martini V. facta pariter Benedictinis. Quarta Eugenii IV. facta Congregationi S. Justine. Quinta Clementis VIII. data Carmelitæ Discalceatis pro Missionariis, quæ est amplissima comprehendens etiam Vota simplicia Castitatis perpetuæ, & Religionis: in qua concessione participant omnes alie Religionæ Mendicantium. Quas Concessiones, & Privilegia Regularium Creusers, Bassæus, & alii putant valere non solum pro Votis illis dispensandis, quæ Jure ordinario ab Episcopis relaxari possunt; sed etiam pro reservatis Papæ, quæ propter extraordinariam necessitatem, v. g. ob incontinentiæ periculum, ob difficile accessum ad Summum Pontificem, &c. Episcopi possunt dispensare, quæ paulò antè recensui. Ratio præterea est: quia Concessiones hujusmodi, utpote favorabiles, possunt latè interpretari, non minùs quàm Jus Episcopis tunc concessum. Et quia refert Bassæus, hanc sententiam an. 1629. relatam ad Consistorium Cardinalium, visam & toleratam fuisse. Et tandem, quia authoritas delegata Episcopis dispensandi Vota, alioquin Papæ reservata, in circumstantia extraordinariæ necessitatis, manet per-

petuò annexa dignitati Episcopali; adeoque Jure ordinario eis competere videtur: ergo cum Confessarii Mendicantium possint dispensare in omnibus Votis, quæ Episcopi Jure ordinario dispensare possunt, poterunt & in similibus Votis Papæ reservatis dispensare cum secularibus in circumstantia necessitatis extraordinariæ.

9. Dico sextò: Præter recensitos, nempe Summum Pontificem, Episcopos, Regulares, aut aliàs speciali modò à Papa privilegiatos, vel delegatos, nullus dispensare valet in Votis, etiam minimæ considerationis; quâcunque dignitate Archidiaconali, Diaconali, Parochiali, &c. fulgeat; nisi legitimâ consuetudine similis fortassis acquisierit Jus ordinarium Episcopale. Ita Less. Palud. Archid. Sylv. &c. Ratio est; quia authoritas dispensandi in Votis est fori externi; quam censetur habere soli illi, qui Jure ordinario, vel Jure Privilegii, vel delegationis pollent; non verò qui solâ Jurisdictione, pro foro Sacramentali præditi sunt, quemadmodum se habent Archidiaconi, Decani, Parochi, &c.

10. Dico septimò: Ut dispensatio debitum sortiatur valorem, requiritur prævia aliqua justa causa. Ita S. Thomas, Navarr. Less. Herincx, Cajet. &c. Ratio est; quia DEUS nullam condonationem ratam habet, quæ est sine causa facta; sicuti patet in absolutione Pœnitentiali, quam DEUS ratam non habet, si fiat absque præviis dispositionibus necessariis: & in Indulgentiis datis sine causa; & dispensatio est etiam quædam condonatio: adeoque DEUS eam ratam non habet, si sine causa justa fiat: ergo ad ejus valorem requiritur causa justa.

11. Dico octavò: Justa autem causæ dispensandi sunt sequentes: Utilitas Ecclesiæ, & honor DEI; item utilitas voventis, ejusdemque magna fragilitas ad violandum Votum; difficultas adimplendi Votum; item necessitas, & utilitas magna Reipublicæ, vel familiæ; inconsideratio, ira, timor, moror, vel alia perturbatio animi, vel tenera ætas voventis. Ita Navarr. Less. Herincx, Laym. Abbas, Sotus, & alii. Primum, Secundum, Tertium, Quartum, & Quintum patet; quia si Dispensatio Voti cedat in DEI honorem, Ecclesiæ bonum, & utilitatem spiritualem voventis, ac vovens difficultatem adimplendi sentiat, censetur DEUS eam acceptare, & debitum contractum voventi remittere, &c. Sextum ostenditur; quia si v. g. unicus Filius Regis emisisset Votum Religionis, qui tamen Reipublicæ esset valde necessarius, & utilis pro regimine civili, præsumitur, DEUM velle con-

condonare obligationem talis Voti, & permittere, ut valide cum eo dispensetur in tali Voto; sicut colligitur ex *cap. i. de Voto*. Idem dic de aliquo Magnate, Voto peregrinationis longinquæ obstrictio, cujus tamen præsentia, & Reipublicæ, & suæ Familiæ regendæ esset valde necessaria: Septimum tandem etiam ostenditur; quia inconsideratio, ira, mæror, & similes passionēs, uti & circumstantiæ tenerræ ætatis, valde minuunt rationem voluntarii: adeoque sufficiunt ad inducendam dispensationem in emissio Voto.

12. Dico nonò: In Dispensationibus Votorum faciendis hæc servari debet forma: ut primò cognoscatur iustitia, & gravitas causæ: Secundo; ut Dispensatio peragatur actu aliquo externo perceptibili: Tertiò; debet Dispensatio verè acceptari à vovente: Ita Less. Sylv. Palud. &c. Ratio primi est; quia nisi dispensans præviè inquirat de iustitia, sufficientia, & gravitate causæ, facile exponet se peccato, & periculo faciendi actum invalidum contra Jus DEI, vel Superioris, & involvendi subditum multis peccatis, saltē materialibus, quæ omnia devitare debet dispensans. Ratio secundi est; Dispensatio Voti debet innotescere voventi; cum sit quædam condonatio, & remissio debiti: sed non innotesceret, nisi a quo aliquo externo, v.g. verbis, vel opere ipso, quò jubet dispensans contrarium fieri, ipsi significaretur: ergo hoc requiritur. Ratio tertiū; quia DEUS non remittit obligationem debiti, nisi volenti eò solvi: adeoque nec dispensans nomine DEI nisi volenti, & verè acceptanti. Circa reliquos modos auferendi obligationem Votorum

13. Dico ultimò: Desitione conditionis appositæ ad Votum; item desitione materiæ; vel lapsu temporis præfixi Voto temporali, etiam evacuat obligatio emissi Voti. Ita Less. Sylv. Abbas, Laym. Angelus, &c. Ratio primi est; quia dum evanescit conditio Voto appositæ, evanescit causa finalis, & principalis ipsius Voti: adeoque & ipsa obligatio Voti. Ratio secundi est; quia si materia prius subiecta Voto erat v.g. possibilis, vel licita, postea autem desinat esse talis, & fiat hic & nunc impossibilis, vel illicita, censetur absolvi ab annexa obligatione; sicut deducitur ex *L. Pluribus ff. de verb. obligat.* dicente: *Obligatio*

*gatio extinguitur, si in eum casum incidat, à quo incipere non potest.* Ratio tandem tertiū est; quia Vota non obligant ultra intentionem voventis: adeoque dum elapsum est tempus, cui voventis affixit suum Votum, censetur absolvi ab obligatione Voti.

## CAP. VI.

### De Redemptione Votorum in Ordine S. Francisci.

**D**ico primò: Fratres Minores Con-  
fessores obtinent facultatem redimendi Vota quæcunque Sæcularium per commutationem eorum in foro Conscientiæ in aliqua opera pia; exceptis Votis Religionis, Castitatis, peregrinationis ultramarinæ, Romam, & ad S. Jacobum. Ita Sorbus, Rodriqu. Gutier. Cord. &c. Et constat tum ex concessione Sixti IV. Et Innocentii VIII. pro Minoribus edita. Tum ex Bulla Pauli III. edita pro Patribus Soc. JESU, in qua communicant Minores. Vide plura circa hoc punctum suprà *cap. 5. concl. 5.*

2. Dico secundò: Superiores pariter majores Ordinis nostri Franciscani possunt redimere Vota dispensando cum Subditis suis regularibus in omnibus illis Votis, in quibus possunt Episcopi cum suis Diocesanis. Ita Herinex, Sorbus, &c. Et constat ex concessione Sixti IV. quam refert Sorbus in *Compend. Privil. Ord. Min. ver. absolutio quoad Sæculares, n. 20.* Et est Ratio; quia dicti Superiores sunt Ordinarii Pastores suorum Subditorum regularium, cum jurisdictione spiritali, sicut Episcopi; adeoque circa Vota dispensanda dictorum Subditorum possunt ea omnia, quæ possunt Episcopi cum suis Diocesanis.

3. Nota primò; quando Confessores Minores dispensant, vel commutant Vota Sæcularium virtute suorum Privilegiorum, vel aliqujus Bullæ; tunc non possunt hoc agere, nisi in Sacramento Pœnitentiæ. Quando verò Superiores Minoritæ non virtute Bullæ, vel Jubilæi; sed per viam autoritatis cum suis Subditis dispensant, vel commutant eorum Vota; tunc id fieri poterit in foro exteriori, & extra Sacramentum; uti observat Sorbus *ver. Votum.*



# TITULUS XXXV.

## De Statu Monachorum ; & Canonicorum Regularium.

### CAP. I.

#### Varia circa Monachos, & Canonicos Regulares Resolutiones.

**N**ota primò : Postquam Papa in *priori titulo* tractavit de Votis, quæ plerumque emittuntur ab illis, qui profitentur vitam monasticam & sunt Monachi, vel Canonici ; consequenter in *presenti tit.* agit de eorundem statu Monachali, seu Religioso, id est conditione vitæ. Sunt autem hic Monachi illi Religiosi, qui strictiori Regulæ subijciuntur : Canonici verò, qui laxiori. Dicuntur *Monachi* à Græco *Monos*, id est solus, seu à solitaria vita. Canonici verò *Regulares* à *Regula*, quam profitentur ; & hi distincti sunt à Canonici beneficiatis, eò quòd primi emittant Vota ; non verò secundi. Monachorum nomine in favorabilibus veniunt omnes Religiosi ; etsi non omnes strictè Monachi sint, sed Regulares, Mendicantes, ut FF. Minores, Prædicatores, Carmelitani, &c.

2. Dico primò : rectè describitur Status Monachorum, & Canonicorum Regularium, quòd *su conditio vite Monastica immobilis, per quam obstringuntur suis Superioribus, ac Regula, quam sumi professi sub triplici voto scilicet Castitatis, Paupertatis, & Obedientie.* Qualiter autem in varias classes discriminetur Status Monachorum, & Canonicorum Regularium, vide dicta suprà tit. 31. de Regularibus.

3. Nota secundò : circa Statum Monachorum varia esse constituta à sacris Canonibus. Et primò, Monachi, ac Canonici Regulares (idem dicendum de aliis Religiosis) ex Jure communi primævo sunt subiecti Episcopis ; posteriori tamen Jure plerique ab eorum subjectione exempti fuere per varia Privilegia Apostolica. Ita communis DD. Primum constat ex *cap. 1. hoc tit.* & pluribus Canonibus præfatis. Secundum patet ex *cap. Nimis iniqua 16.* Et *nimis prava 17. de excess. Prælat.* Et *Cleu. 1. & 2.* Et Trident. *sess. 25. de Reg. cap. 20.* Et nos Fratres Minores, & Prædicatores specialiter per Bullam, quæ dicitur *Mare Magnum Minorum & Prædicatorum.* Et per Bul-

lam auream *Regimini, &c.* exempti sumus à regimine, visitatione, & correctione Episcoporum.

4. Nota tertio : *Secundò*, tenentur omnes Monachi, & Canonici Regulares vivere, & vitam componere secundum præscriptum suarum Regularum, *cap. Cùm ad Monasterium 6. hoc tit.* Et Trident. *sess. 25. de Reg. cap. 1.* Quare obligantur specialiter colere Castitatem, Paupertatem, & Obedientiam. *Tertiò*, inhibetur omnibus Monachis indui camisis lineis, seu indussis ; quibus tamen uti possunt Canonici Regulares *cap. cit. 6.* *Quartò*, prohibetur Monachis omne peculium privatum propriè dictum, id est tale, quod tanquam suum proprium possideret, *cap. Monachi 2. hoc tit.* Et qui tale habuerit ab altaris communione removeatur : si verò cum eodem inventus fuerit in extremis, & dignam poenitentiam non egerit, nec oblationes pro eo fiant, neque inter Fratres Ecclesiasticam Sepulturam habeat, *cit. cap. 2.* Imò cum eo mortuus & sepultus debet exhumari *cap. 4. & 6. hoc tit.* Circa hoc

5. Nota tamen quartò : quòd Monachi possint habere peculium improprie dictum, id est, quoad solam ejus administrationem, ipsis ab Abbate concessam ; vel quoad usum facti dependentem ab arbitrio, & nutu Superioris ; uti notat Abbas, Azor. & Valleng. Item aliquam pecuniolam pro peregrinatione, vel itinere faciendi studiorum causâ ad Academias, vel pro sui sustentatione habere possunt : quod etiam procedit de vestibus, libris, & aliis utensilibus ; uti notat Pirh. Laym. &c.

6. Nota quintò : *Quintò*, Monachi non debent recipi ad Monasterium pro pretio *cap. Monachi 2. hoc tit.* Nec singuli, seu soli in Opicidis, aut villis per Parochiales Ecclesias quasque habitare permittendi sunt, absque speciali privilegio Ordini concessio ; vel nisi consuetudo vetus Regionis aliud permittat ; sed in Conventu commemorari debent ; *cit. cap. 2. Sextò* : Monachi in claustris certis horis servare debent silentium ; & abstinere à carnibus, *cap. 6. hoc tit.* Circa quod tamen plures modificationes sunt factæ. Plura alia salutariter statuntur in *cit. cap. 6.* *Septimò*, Monachi nequeunt propriâ autoritate migrare ab uno mona-

monasterio ad aliud, *cap. Joannes 5. de Regular.* Nec in diversis Monasteriis habere cellas, *cap. fin. hoc tit. Octavo*; Monachis nigris interdicitur notabilis, & superfluous excessus, & exquisitus Ornatus in vestibus, cibis, potibus, equis, & lectis, *Clem. ne in agro 1. hoc tit.*

7. Nota sextò: Canonici Regulares possunt præfici Parochiis, & curam animarum exercere, *can. In Parochia 31. & aliis, caus. 16. q. 1.* Sed nec hi, nec Monachi possunt se transferre ad curias Principum, ut Prælati suis damnum afferant; & hoc sub excommunicationis pena, *cit. Clem. 8. quia vero.*

8. Nota septimò: Monasteria Monachorum, & aliorum Regularium exempta à gubernio Episcoporum, & non habentia suos Visitatores Regulares, tenentur singulis trienniis celebrare Capitula Provincialia, *cap. in singulis 7. & cap. ea qua 8. hoc tit. Et Trident. sess. 25. cap. 8. de Regular.* In memoratis autem Capitulis tractari debet de correctione morum Monachorum, & Regularium, creari Visitatores, & alia peragi, quæ ordinantur in Clement. *Attendentes.* Ad ejusmodi Capitula obligantur venire omnes Abbates, & Priores, seu Præpositi, non habentes proprios Abbates; & plura alia in eis observari, quæ referuntur *cap. Advocent. pen. hoc tit.* Varia etiam circa visitationem, & correctionem in dictis Capitulis observanda ordinantur in *cap. 8. & ult. hoc tit.* quæ vide *ibidem.*

## CAP. II.

### Varia Resolutiones de Monialibus.

1. **N**ota primò: Occasione Monachorum placet quoque apponere hic nonnullas resolutiones canonicas circa Moniales, seu personas fœmineas DEO consecratas per statum Religiosum. *Primò* itaque ordinatur in Trident. *sess. 25. cap. 3. de Reg. Et cap. Periculoso 1. de Regular.* in 6. ne ad Monasteria Monialium plures personæ recipiantur, quàm ex redditibus ordinariis eorundem commodè sustentari valeant. *Secundo*, Moniales omnes tacite, vel expresse professæ obligantur de Jure communi ad clausuram servandam, *cap. Periculoso unic. de Statu Regular. Et Trident. sess. 25. cap. 5. de Regular.*

2. Nota tamen secundò: ob nonnullas causas Moniales excusari ab observantia clausuræ. *Prima* est, si in claustrò grassari incipiat lues epidemica; vel alius contagiosus morbus universalis; ita concedit Pius V. in Bulla *Decor.* *Secunda*, si aliqua Monialis efficiatur

leprosa, vel aliam talem infirmitatem contrahat, ut cum aliis absque gravi periculo, vel scandalo cohabitare nequeat, *cap. Periculoso unic. de Reg. in 6.* quo casu ad tempus pro cura exire potest; sed secutâ curatione tenetur redire. Et observandum est, quod ad egressum in tali casu non sufficiat, quod morbus sit molestus, & periculosus ipsi soli Moniali infirmæ; sed etiam aliis Sororibus. *Tertia*, si oriretur aliquod periculosum magnû incendium, *cit. Bulla Pii V. Addunt DD.* alias quoque causas; puta si hæreticorum, vel aliorum hostium irruptiones proximæ timeantur, uti tenet Azor. Barb. Sanch. &c. Sialiqua Monialis eligatur Abbatissa in alio Conventu: vel emitenda sit ad fundandum Conventum; vel transferenda sit correctionis causâ; vel se velit transferre ad strictiorem Ordinem; vel si Monasterium fabricandum sit in commodiori loco; uti habet Barb. Sanch. Pirh. &c. Sed consultus est, ut Sedes Apostolica in similibus rogetur pro facultate egrediendi è clausura.

3. Nota tertio: Licentiam Monialibus egrediendi è clausura ob dictas causas dare potest, & debet Episcopus solus respectu Monasteriorum sibi subditorum; respectu verò exemptorum tum Episcopus, tum Superior Regularis, scilicet Generalis, vel Provincialis in danda facultate unitim concurrunt; unî constat ex *cit. Bulla Pii V.* Moniales sine sufficienti causa, & facultate debita egredientes extra clausuram sui Monasterii ex *cit. Bulla Pii V.* incidunt in Excommunicationem majorem ipsò facto, sine alia declaratione, reservatâ Papæ; item in privationem dignitatum, administrationum, & officiorum obtentorum; nec non inhabilitationem ad illa, & alia imposteorum obtinenda. Idem dicendum de Superioribus concedentibus facultatem egrediendi ob alias, quàm supra relatas causas.

4. Nota quartò: Tridentinum *sess. 25. cap. 3. de Regularibus* cohibet omnes prorsus personas, etiam fœminas ab ingressu intra clausuram Monialium dicens; *ingredi autem intra septa Monasterii nemini liceat, cuiuscunque generis, aut conditionis, sexus, vel ætatis fuerint, sine Episcopi, vel Superioris licentia in scriptis obtenta, sub excommunicationis pena, ipsò facto incurrenda.* Dare autem tantum Episcopus, vel Superior licentiam debet in casibus necessariis; neque alitè ullo modo possit, etiam vigore cuiuscunque facultatis, vel indulti hactenus concessi, vel imposteorum concedendi. Per hoc tamen decretum non prohibetur pueris, vel puellis usum rationis non assecutis ingressus in clausuras Monialium. Per idem decretum etiam non prohibetur

cur ingressus puellis usum rationis habentibus, si ad educationem eò ingrediuntur; modò ultra 25. ætatis annum non retineantur; & non egrediantur durante educatione; & semel egressæ non recipiantur: uti habet Rodriquo. Mirand. &c.

5. Nota quintò: nomine clausuræ hic venit omnis locus, in quem aliàs Monialis potest ingredi, sive sit area, sive hortus, sive cella, ambitus; & constat ex *cit. Trident* illis verbis, *intra Septa*. Facultas quoad ingressum extra-neorum intra claustra Monialium exemptarum dari potest à solo Superiore Regulari; uti patet ex *cit. Trident*. quod disjunctivè loquitur; quoad egressum verò ipsarum Monialium, etiam Episcopi licentia requiritur; uti notat Sanch. Suar. Pirh. Et Episcopus, vel Superior Regularis qui aliis personis in certis casibus potest dare facultatem ingrediendi claustra Monialium, in iisdem casibus pariter & ipse ingredi potest; uti patet ex Bulla Gregorii XIII. *Dubius, &c.* Monialium Conventus non exempti debent quotannis visitari ab Episcopo: exempti verò à Superiore majore Regulari, Clement. *Attendentes 2. hoc tit.* Plura de Monialium Abbatissarum electione, & benedictione, vide *tom. 1. hujus operis lib. 1. tit. 6. cap. 11.*

### CAP. III.

#### De Monialibus subiectis Ordini S. Francisci de Observan. & Reform.

1. Nota primò: Omnes Moniales etiam primæ Regulæ S. Clara, quæ subiectæ sunt Ordini FF. Min. de Observ. & Ref. quotannis canonicè visitandæ sunt à Ministris Provincialibus, tanquam Ordinariis Visitatoribus; & si quæ Monasteria earum dictos Visitatores recipere nollent; aut aliter contumaciter inobedientes forent; vel ad Principes, Magistratus, vel tribunalia externa recurrerent pro auxilio: excommunicentur primò, deinde dimittantur à cura Ordinis; aut aliis opportunis Juris, & facti modis, ac pœnis earum contumacia coërceatur. Ita habent Constitutiones generales Ordinis modernæ *cap. 11. §. 2. & §. 10.* Fratres Observantes & Reformati absque speciali facultate nequeunt accedere ad Monasteria dictarum Sancti monialium Ordini nostro subiectarum; nisi ratione muneris publici id eis permiffum

fit, *ibidem §. 2.* Nec licet eisdem Fratribus, imò & ipsis Superioribus comedere in adiculis, quæ pro Confessionibus, & Visitationibus dictarum Monialium sunt deputatæ; nisi tempore visitationis generalis. Idem dicendum de Confessariis earum; nisi tempore Confessionum generalium, *ibidem*.

2. Nota secundò: quicunque necessariam ob causam quandòque admittendi sunt intrà claustra Monialium Ordini Seraphico de Observant. & Ref. subiectarum, specialem habere debent facultatem Superioris Localis Franciscani: penes quem erit ponderare diligenter casus necessitatis ingrediendi; & is extra hos neminem eò licentiarè potest, *ibidem §. 4.* Ingredientes autem licentiarum ejusmodi prætextu, & extra casus urgentes necessitatis, incurrunt eò ipso excommunicationem, & privationem dignitatum, beneficiorum, & Officiorum; uti & Moniales admittentes; ita habent *cit. Constit. generales.* Et Bulla Gregorii XIII. *ubi gratia.* Generalis ingressus Claustrum Monialium pro ejusdem visitatione, aut ob alia negotia urgentia, habere debet in comitatu 4. Socios; Provincialis verò duos; quos semper comitentur Præfecta, & antiquiores Moniales Monasterii, *ibidem*, ubi etiam pluribus numeris præscribitur idea, & constructio Clausuræ totius, parlatoiorum, rotarum, & fenestrellarum S. Communis; eaq; quotannis accuratè visitanda à Provincialibus ordinantur.

3. Notat tertio: Provinciales debent bona quæcunq; immobilia Monialium Ordini de Observ. & Reform. subiectarum diligenter recognoscere, & in inventariu Provinciale redigere, ut futuris fraudibus obvietur, *ibidem §. 7. v. 1.* uti & donorum accessiones, quæ vel viâ emptionis, vel venditionis, vel obventionis, vel censûs legitimi perpetui, vel temporanei, &c. acquirit Monasterium, annotare, *ibidem n. 2.* Prætereà iidem Superiores debent immobilium locationes recognoscere, quas si sine legitima Superioris facultate factas deprehenderint, adhibito peritorum consilio, & auditis Monasteriorum Syndicis, seu Procuratoribus, vel illas dissolvant, vel firment; prout consuetudo dicaverit, *ibidem n. 3.* Nec possunt Moniales præfatæ ullas pecunias sive ex dotibus, sive ex legatis, vel redditu redemptione, vel quacunque alia viâ Monasterio obvenientes ullis usibus, etiam instaurandæ clausuræ Superioribus inconsultis applicare; sed ex eis bona stabilia, vel redditus, vel census legitime compensare: minus possunt absq; eis bona aliqua

alienare, sub nullitate actus, *ibidem*, n. 5.

4. Nota quartò : Omnes Moniales stri-  
cto Franciscano Ordini subiectæ debent agere  
vitam communem in victu, & vestitu; nec  
ulla earum peculium proprium habere possit;  
unde quidquid alicui donatur, vel quodcun-  
que aliò titulo obvenit, id asservari debet in  
communi capsula eleemosynarum Conventus,  
ut Abbatisa, vel Præfecta tanquam com-  
munis mater ex eis, ac aliis Monasterii bonis  
cunctis Sororibus provideat. Ita Constitu-  
tiones generales *cap. 11. §. 11. n. 1. & 2.* In facien-  
dis muneribus, emptione, & venditione qua-  
rumcunque rerum Moniales subditæ require-  
re debent assensum Superioris, *ibid.* n. 2. Ut

& in alloquendis extraneis, mittendis literis,  
& iisdem recipiendis, *ibid.* §. 12. n. 1. & 2.

5. Nota quintò : Confessarii Monialium  
nostrarum habere debent ad minus annos  
40. Debent institui in Capitulo, vel Con-  
gregatione, & approbari ab Ordinario, *ibid.*  
§. 17. n. 1. & 2. Durant tantum triennio, & sunt  
subiecti Superiori Locali, *ibid.* n. 3. & 6. Quot-  
annis dictis Monialibus exhibendi sunt bis,  
aut ter extraordinarii Confessarii, *ibid.* n. n.  
Plures aliz valde salutares Ordinationes, quæ  
earundem instituta reddunt laudabilia, & be-  
ne reformata, videri possunt in cit. Constit. *cap.*  
n. per totum.

## TITULUS XXXVI.

De Religiosis Domibus, ut Episcopo sunt  
subiectæ.

### CAP. I.

Quid sentiendum de Religiosis  
Domibus.

1. **N**ota primò : Discussa in *Superioribus*  
titulis professione Religiosa, & statu  
Religioso; appositè Papa proponit  
hunc tit. de Domibus Religiosis. Et quamvis  
nomine *Domus Religiosa* in ampliori signifi-  
catione intelligi possint Ecclesiæ, ædes quæ-  
cunque sacre, quæ ad DEI cultum dedicatæ  
sunt: in proposito tamen in archiori signifi-  
cato veniunt scilicet Monasteria, & Collegia Re-  
ligiosorum; nec non Hospitalia (sic dicta ab  
*hospitiis* excipiendis, & tractandis) authorita-  
te Episcopi fabricata; uti sunt *Xenodochia*,  
in quibus peregrini seu pauperes recipiun-  
tur: & *Orphanotrophia* in quibus orphani e-  
ducantur: & *Gerontocomia*, in quibus senes  
collocantur: & *Bephotrophia*, in quibus enu-  
triantur personarum egentium proles: &  
*Nosocomia*, in quibus ægroti sustentantur; de  
quibus in *can. in qualibet*, *caus. 22. q. 8.* Item  
Confraternitates, & alia Collegia pia, quæ  
constructa sunt pro exercendis variis operi-  
bus misericordiz, & adjacent plerumque  
templis.

2. Dico primò : De Juri communi veteri  
cuncta Monasteria, & Ecclesiæ Parochiales  
cum annexis filialibus, ac Capellis sunt sub-  
ordinata gubernio, & jurisdictioni Episcopi  
Diocesani; nisi probetur aliquam ex memo-

ratis Religiosis domibus vel viâ præscriptio-  
nis, vel privilegiò Apostolicò esse exem-  
tam; uti exceptæ sunt hodie Regularium Ec-  
clesiæ, & Conventus maxima ex parte. Ita  
Glossa & communis DD. Et constat ex *can.*  
*Omnes Basilica 10. caus. 16. q. 7.* Et *cap. Cum olim*  
*18. junctâ Gloss. vet. præscriptione munitionum, de*  
*præscript. Et cap. Cum venerabilis 7. hoc tit. Et*  
*can. Monasteria, caus. 18. q. 2.*

3. Dico secundò : Similiter de eodem Ju-  
re omnia Hospitalia, Collegia ad pietatem e-  
recta, ac alia quæcunque loca pia authorita-  
te Episcopi fundata subjacent jurisdictioni  
ejusdem Episcopi Diocesani. Ita Vallenf.  
Zoës. Pirh. &c. Et habetur *cap. 3. 4. & 5. hoc tit.*  
Unde ad Episcopum pertinet providere, ne  
ejusmodi loca ad alios usus convertantur,  
quàm institutum sit à piis Fundatoribus eo-  
rundem: & constituere viros prudentes, ac  
pios, qui instar tutorum, & curatorum jura-  
mentum præstent de fideliter gubernando,  
& administrando eadem loca; qui & quotan-  
nis rationes reddant de tali sua administra-  
tione, Clement. *Quia contingit 2. hoc tit.*

4. Dico tertio : Si contingat aliquam Ec-  
clesiam, vel Monasterium, vel Hospitale ob  
factam ruinam, mortem incolarum, vel aliam  
causam uniri alteri Ecclesiæ, vel Monasterio;  
censetur ejusmodi Ecclesia, vel Monasteri-  
um, vel Hospitale manere subiectum illi E-  
piscopo, in cujus Diocesi est situm. Ita com-  
munis DD. Et constat ex *cap. Quia Monaste-*  
*rium 2. hoc tit.* Unde talis Episcopus Dioc-  
esanus

## Tit. XXXVI. De Religioſ. Domib. ut Epifcopo ſunt ſubjectæ. 131

ſanus poteſt illud viſitare, & alia juridiſtionis opera ibidem exercere.

5. Dico quartò : Quamdiu domus Religioſæ Monaſteriorum inhabitantur à Regularibus, nequeunt ab Epifcopo transferri ad Clericos Sæculares; etſi in eis Diſciplinæ Regularis collapſa eſſet; ſi tamen deficerent totaliter Religioſi incolæ eorum; tunc in ipſis Clerici Sæculares conſtitui poſſunt. Ita communis DD. Et habetur expreſſum *cap. inter quatuor 5. hoc tit.*

6. Dico quinto : Epifcopus poteſt viſitare omnia hoſpitalia, & alia pia loca, ac confraternitates, authoritate Epifcopi erecta, & intra ſuam Diœceſim ſita; tametſi ſint aliàs exempta, & eorum adminiſtratio pertineat ad Læicos, non obſtante quocunque privilegio, vel conſuetudine in contrarium. Ita ſtatuitur in Conc. Trident. *ſeſſ. 22. cap. 8. de Reformatione*. Imò & rationes quotannis exigere ab Officialibus eorundem poteſt, *ibidem cap. 9.* Excipiuntur hoſpitalia, quæ ſunt ſub immediata protectione Regum, *cir. Trident. cap. 8.* Vel niſi in lege fundationis eorum cautum ſit, ut talia loca non viſitentur ab Epifcopis; uti colligitur ex Clement. 2. *hoc tit.*

7. Dico ſextò : Hoſpitalia verò, & alia pia loca abſque Epifcopi facultate inſtituta, non ſubjacent Epifcopi juridiſtioni; nec ab eo viſitari poſſunt. Ita Fagn. Pirh. &c. Et colligitur ex *cap. Ad hac 4. hoc tit.* per ſenſum contrarium. Eſtque Ratio; quia talia loca non reputantur pro Religioſis domibus, etiamſi haberent connexum aliquod Oratorium; non enim conſeſſum eſt, cuilibet privato erigere in domo ſua Oratorium. Dummodo non habeat formam Eccleſiæ; nec Miſſæ ibidem celebrentur, *can. unicuique 32. & ſeq. diſt. 1. de Conſecr.*

## CAP. II.

### De novis Religionibus.

1. Nota primò : Poſt Concilium Lateranenſe celebratum ſub Innocentio III. nulla Religio nova propriè dicta cum ſuis domibus Religioſis inſtitui poteſt, ſine facultate, & approbatione Sedis Apoſtolicæ; uti conſtat *cap. Ne nimia 9. & ſult. hoc tit.* quod eſt depromptum ex *cir. Conc. Lateranenſi*. Et idem patet ex *cap. Religionem unic. hoc tit. in 6.* quod eſt deſumptum ex Concilio Lugdunenſi. Unde ſi quis proſtiteretur aliquam Religionem, ſeu collectionem viroꝝ, ſub certa regula, ritu, & habitu ſimul degen-

tium; ſed non approbatam à Papa, is non obligaretur ad ea, quæ promiſit in ſua profeſſione; uti conſtat ex *cap. 1. Clementina 2. hoc tit. in 6.*

2. Nota ſecundò : Non eſſe tamen per prædicta prohibitum, quin tam viri ſeparatim, & privatim ſolitariam vitam exercere poſſint, editò etiam votò caſtitaſtis, ac Obedientię, in manibus v. g. Epifcopi; quàm etiam fœminæ ſeparatim in ſuis ædibus ſub certo ritu, & modo vivendi DEO deſervire valeant; uti conſtat ex Clement. 1. *in fine hoc tit.* Et notat Gloſſa, ac DD. communiter.

## CAP. III.

### De Religioſis domibus FF. Minorum de Obſerv. & Ref.

1. Dico primò : Omnes Domus Religioſæ FF. Minorum de Obſerv. & Reform. id eſt, Eccleſiæ, Capellæ, Oratoria, Monaſteria, & alia loca Regularia, uti & Confraternitates ſunt exemptæ à juridiſtione Ordinariorum, & lege eorum, quoad regimen. Ita Brugnoli, & communis DD. Ordinis præſati. Et conſtat ex Mari Magno Minorum, & Prædicatorum Sixti IV. Et ex Bulla aurea *Regimini &c.* Item ex Clement. 1. & 2. Et *cap. Nimis iniqua 16. Et cap. Nimis prava 17. de exceſſ. Prælat.*

2. Nota primò : Ex dictis ſequitur; quod nullus Ordinarius poſſit viſitare perſonas, Eccleſias, Oratoria, Altaria, Sacriſtias, paramenta, hoſpitia, aliavè loca regularia Inſtituti noſtri; uti ulterius eandem viſitationem vetuit Pius V. Bulla *Eſſi Mendicantium*. Et Martinus V. Bulla *Sedes Apoſtolica*. Excipienſi aliqua Eccleſia noſtra haberet annexam curam animarum, in qua Epifcopus poteſt viſitare illud altare, quod eſt deputatum pro cura; & baptiſterium, ac tabernaculum Sanctiſſimi Sacramenti; uti habet quædam deciſio Romæ An. 1631. die 5. Aprilis emanata.

3. Dico ſecundò : Præſati tamen Minores pro erigendis ſuis novis Domibus Religioſis Conventuum, & Eccleſiarum dependent ab Ordinariis, ita ut eorum conſenſum requirere teneantur. Ita Lant. & communis DD. Et conſtat ex conſtit. Urbani VIII. Bulla *Romanus Pontifex*. Et Clementis VIII. *Quoniam ad inſtitutam*; ubi etiam ordinatur, ut Ordinarii locoꝝ non concedant ulli Ordini Mendicantium facultatem erigendi novos Conventus; niſi vocatis, & auditis aliorum Conventuum Procuratoribus, ac aliis intereſſe habentibus.

4. Notà



4. Nota secundò : Ad faciendam verò tantum translationem, seu mutationem novi Conventus Franciscani in eadem Civitate, vel Oppido de uno ad alium locum, non requiritur licentia Episcopi; ad hanc enim instituendam sufficientem habent facultatem.

ipsimet Superiores Ordinis, ex privilegio Clementis IV. uti habet *Compend. Privileg. Ordinis nostri*; & tenet Lantulca, Miranda, Rodriq. &c. Patetq; ulterius ex Sixto IV. & Sixto V..

## TITULUS XXXVII.

### De Capellis Monachorum, & aliorum Religiosorum.

#### CAP. UNICUM.

Quis præficiendus sit Capellis Monachorum.

1. **N**ota primò : Progreditur Papa tractare de rebus Monachorum, inter quas etiam sunt Capellæ. Nomen autem *Capella* in sacris Canonibus aliquando usurpatur pro altari erecto in aliqua sacra æde; aliquando pro Oratorio, sive sacra ædícula à templo sejuncta, vel ipsi templo adharens; aliquando pro sacra ædícula in ipso templo extructa, & cancellis ferreis, vel ligneis septa, unum vel plura altaria continenti; aliquando denique pro tota Ecclesia etiam Parochiali per se, & seorsim existente, dummodo non sit Collegiata. Sed hic usurpatur *Capella* pro aliqua Ecclesia Parochiali unita, seu incorporata Monasterio, seu Ecclesiæ Regulari.

2. Dico primò : quando Monasterium, vel Ecclesia Regularis habet sibi unitam aliquam Ecclesiam Parochialem cum cura animarum, & populo, eidem præfici debet non Monachus; sed Capellanus secularis, auctoritate Episcopi instituendus; de Consilio tamen, & præsentatione Monachorum. Ita Glossa, Abbas &c. Et habetur *cap. in Ecclesiis 1. hoc tit.*

3. Nota tamen secundò : Si defectus sit Sacerdotum Sæcularium habilium; aut consuetudo Regionis contrarium obtinuerit (uti obtinuit in pluribus Germaniæ Provinciis) vel Ecclesia talis Parochialis, seu Capella sit plenissimo Jure unita Ecclesiæ Regulari alicujus Monasterii; tunc Capellæ præfatæ ab Abbate præfici potest Monachus de illo Monasterio; examinandus tamen ab Episcopo, & approbandus; uti notat Pirh. Laym. &c. DD. Et consonat Trident. *sess. 25. cap. 11. de Regular.*

4. Dico secundò : In Capellis, vel Prioratibus Monasterio unitis, ubi Abbas plenissimum jus habet collocandi suos Religiosos, non potest collocare Monachos singulos, seu solitarios; sed pluribus associatos. Ita Glossa, Vallenf. Pirh. & communis DD. Et ordinatur in *cap. 3. hoc tit.* Quorum visitatio, & correctio primo loco pertinet ad Abbatem; quamvis Episcopus possit supplere ejus negligentiam, *cap. quanto 7. de offic. Judic. Ordin.* In pluribus autem Provinciis præfatus canon citatis *cap. 3.* de associandis Monachis in Prioratibus, vel Capellis existentibus, abiit in desuetudinem; ita ut Monachi Curati in Parochiis suis unitis, vel solitarii, vel cum uno tantum socio collocentur.

## TITULUS XXXVIII.

### De Jure Patronatûs.

#### CAP. I.

De quidditate, divisione, causis, & derogatione Juris Patronatûs.

1. **N**ota primò : *Præsentem titulum* de Jure Patronatûs profert Papa tanquam

appendicem ad plures alios superiores titulos hujus 3. libri, in quibus egerat de dignitatibus Ecclesiasticis, Ecclesiis Parochialibus, & Domibus Religiosis, in quibus frequenter sunt institutiones Clericorum ad præsentationem Patroni, cui competit Jus Patronatûs hic examinandû. Dimissis autem variis ejus usurpationibus, quas vide apud Abbat. & alios DD.

2. Dico

2. Dico primò: rectè describitur Jus Patronatûs, quòd sit *legitima auctoritas nominandi & presentandi Clericum instituendum in beneficio realiter vacante*. Ly auctoritas est genus; reliqua subeunt locum differentie.

3. Nota secundò: Jus Patronatûs duplex est; Ecclesiasticum scilicet, & Laicum seu Civile; uti constat ex *cap. Cum autem 24. hoc in. Ecclesiasticum* est, quod competit Collegio Ecclesiastico, aut personæ Ecclesiasticæ, ratione Ecclesiæ, aut dignitatis, seu beneficii Ecclesiastici, quod obtinet. *Laicum*, seu Civile, & sæculare est, quod competit Collegio sæculari, vel personæ privatæ, sive Laico, sive Clerico, non ratione Ecclesiæ, vel Ecclesiastici beneficii; sed ratione proprii patrimonii. Posset etiam addi tertia species, videlicet Jus Patronatûs *mixtum*, quod ex utroque constat, seu quod partim ratione Ecclesiæ, vel Clerico ratione beneficii Ecclesiastici, & partim ratione patrimonii competit alicui.

4. Dico secundò: quinque de causis duntaxat acquiritur Jus Patronatûs; nimirum vel ob Fundationem; vel ob Aedificationem; vel ob Dotacionem; vel ob Præscriptionem legitimam, ortam ex multiplicatis præsentationibus; vel ob speciale concessionem Summi Pontificis. Ita communis DD. Et sumitur ex pluribus Canonibus. De primis tribus causis constat ex Trid. *sess. 14. cap. 12.* sic ordinante: *Uti nemo cuiusvis dignitatis Ecclesiastica, vel secularis, quacunque ratione, nisi Ecclesiam, Beneficium, aut Capellam de novo fundaverit, & construxerit, seu jam erectam (quatenus sine sufficienti dote fuerit) de suis propriis, & patrimonialibus bonis competenter dotaverit; Jus Patronatûs impetrare, aut obtinere possit; & ut institutio referatur Episcopo.* De quarta patet ex eodem Trident. *sess. 25. de Reformat. cap. 9.* sic statuente: *Decerni S. Synodus, ut nullus Juris Patronatûs sit ex fondatione, &c. & paulò post: sive etiam ex multiplicatis præsentationibus, per antiquissimum temporis cursum, qui hominum memoriam excedat.* Ratio quintæ tandem est; quia hoc deducitur ex plenitudine potestatis Summi Pontificis, qui potest Ecclesiam, Capellam, vel Beneficium non affectum ullâ dependentiâ, ad aliquem Patronum, ob liberam sui erectionem, subicere alicui Patronatui, pleno Jure adoptando aliquem potentem Patronum, qui auctoritatem habeat ab eo, propulsendi occurrentes injurias. Et hæc viâ puto Imperatorem, Reges, Principes, similesque Magnates Jus Patronatûs acquisivisse, super Cathedralibus, aliisque insignes Ecclesias, dignitates, Personatus, aliisque eminentiora beneficia, quæ olim constructæ, ac dotatæ fuerunt communi-

bus Fidelium largitionibus, & donatis copiosis facultatibus.

5. Dico tertio: si contingat plures simul concurrere ad erectionem Ecclesiæ, vel Beneficii, ita ut unus fundet, alter dotet; vel omnes simul fundent, etiam inæqualiter; singuli efficiuntur in solidum Patroni illius: uti habet Glossa, Laym. Less. Abb. Garcias, &c. Et colligitur ex *can. filiis, caus. 16. q. 7.* Quare stante tali concursu præsentatio capienda erit à singulis.

6. Nota tertio: In casu pluralitatis Patronorum, actu præsentantium, collationem fieri sequentibus modis: *Primò*; si duo Patroni veri duo diversa præsentent subiecta, liberum erit Ordinario conferre beneficium, cui voluerit. Imò putat Less. ex Sylv. & Panormitano, Ordinarium in ejusmodi eventu posse collationem beneficii facere in tertium. *Secundò*; si eadem persona sit jam Ordinario præsentata à duobus Patronis, uno Ecclesiastico, altero Laico, non est in potestate Laici postea aliam personam de novo præsentare; sed prima institui debet in beneficium; ita Less. Panorm. &c. Quod verum est, etiam si illa alia persona à Laico de novo præsentata, majori polleret idoneitate; uti habent cit. AA.

7. Dico quartò: Quando Laicus Patronus variat in præsentandis subiectis, ad idem beneficium relinquatur arbitrio Ordinarii, investire beneficium quemcumque ex præsentatis. Ita DD. communiter: Et habetur in *cap. Cum autem; de Jure Patronatûs*. Secus dicendum, quando Patronus est Ecclesiasticus, & diversas proponit personas: tunc enim, ut dicitur cit. *cap.* primò præsentatus collationem beneficii obtinere debet; hic enim ex Juris dispositione currit illa Regula generalis Canonica: *Qui prior est tempore, potior est Jure.* Circa ult. artic. hujus Capituli

8. Dico quintò: Juri Patronatûs Ecclesiastici, imò iustis de causis etiam Laici potest derogare Summus Pontifex; idem potest præstare Legatus à Latere, circa Patronatum Ecclesiasticum, non verò Laicum. Ita Covarr. Less. Herincx, & communis DD. Ratio primi est; quia Summus Pontifex habet universale & plenissimum Jus in Ecclesiasticos, eorundemque Jura: adeoque quando judicat expedire Ecclesiarum utilitati, potest prævenire Patronorum Ecclesiasticorum præsentationem, & statim beneficium vacans conferre personæ dignæ. Ratio secundi est; quia quando Laici deficiunt in defendenda Ecclesiâ, vel dotacione præstanda, vel ingratos se exhibent erga Ecclesias, aut Sedem Apostolicam, licet potest Summus Pontifex Juri eorum derogare, quod eis Summi Pontifices, & Concilia in SS. Canonibus ideo possimum

R 3

confer-

concessiſſe, ut Ecclesiam potentia sua defendant, & congruam dotem præstent; ut ostendi supra Concluf. 2. ergo &c. Tertium, & quartum tandem resoluitur in *cap. Dilectus 6. de Officio delegati. Et in cap. Cum Dilectus 28. De Jure Patronatus.*

9. Dico sexto: Ordinarii tamen locorum regulariter neque Juri expresso Patronatus Laici, neque Ecclesiastici sua autoritate derogare licite valent. Ita Covarr. Less. Wiggers, Herincx, Abbas, & communis Canonistarum. Et Ratio est; quia nullus extat Canon hoc eis concedens: & aliunde non habent indefinitam, ut Papa, sed limitatam potestatem circa beneficia Ecclesiastica: ergo &c.

10. Nota quarto ex his sequentia Corollaria: *Primo*; Episcopum non posse licite absque consensu pollentis Jure Patronatus beneficia convertere, faciendo ex Ecclesia Curata Collegiatam; uti habet Lambertinus, Laym. Abbas &c. Ratio est; quia Patronus in tali casu amitteret Jus præsentandi Rectorem. *Secundo*; Episcopum similiter non posse, absque consensu Patroni, facere unionem beneficii Patronati cum alio: uti docet Cittadensis, Laym. Garcias, Azor, &c. Ratio est eadem, quæ supra. Potest tamen Episcopus hæc facere, si maneant Patrono saluum Jus Patronatus; vel si consensus eorum requiratur; & justæ emergant causæ hoc faciendi; uti conceditur *can. Decretum, caus. 10. q. 1.* Justæ porro causæ erunt, occurrens valde gravis Ecclesiæ necessitas; vel cultus Divini promotio; vel reddituum tenuitas; uti notat Abbas, &c. DD.

## CAP. II.

### De Personis capacibus Juris Patronatus, ac Juribus Patronorum.

**D**ico primo: Tam Clerici, quam Laici sunt capaces Juris Patronatus. Ita Zoëf. Abbas, Vallens. &c. Et constat ex *cap. Quoniam 3. hoc tit.* Nam quavis de rigore Juris Laicus nequeat habere Jus Patronatus; cum sit spirituale, vel saltè spirituali annexum quid; & Laicus non sit capax Jurium spiritualium, *cap. Decernimus, de judiciis.* Attamen Ecclesia hoc Jus Laicis concessit, tum remunerationis causâ; tum ut magis allicerentur iidem ad opera pietatis, scilicet ad fundandas, & dotandas Ecclesias, erigendâque beneficia Ecclesiastica; uti rectè notat Zoëf. & Vallens.

2. Dico secundo: Jus Patronatus compete-

re potest tam maribus, quam sceminis; tam puberibus, quam impuberibus; tam legitimis, quam illegitimis. Ita Azor. Abbas, &c. Et primum constat ex *cap. ult. de concess. præbend.* Ratio secundi de puberibus, & impuberibus est; nam non tantum puberes; sed etiam impuberes sunt capaces hæreditatum, quibus faspe adhærent Jura Patronatus. Tertium colligitur ex *can. Pie 26. Et seq.* Et *can. Filius 31. caus. 16. q. 7.* ubi generaliter dicitur, quod Jus Patronatus dari possit omni Christiano, qui extruxerit vel dotaverit aliquam Ecclesiam.

3. Dico tertio: Nec Infideles, ut Pagani, & Judæi; neque hæretici sunt capaces Juris Patronatus, etsi hi extruxissent Ecclesias, vel eadem dotassent. Ita Gloss. Fagn. Pirh. &c. Et primum de Infidelibus colligitur ex *cit. can. Pie, & can. Filius.* Secundum de Hæreticis inde patet; quod Jus Patronatus sit Jus Ecclesiasticum; Hæreticus autem est extra Ecclesiam; unde non competit ei Jus, & honor in Ecclesia solitus conferri, *can. Dudicimus 31. caus. 24. q. 1.* Circa alterum articulum hujus Capituli

4. Notaprimò: Quatuor tantum expressa Jura reperiuntur concessa Patronis, videlicet Jus præsentandi; honor, & primus in Processionibus ac sessionibus locus in illa Ecclesia, cujus est Patronus; & alimonia ex redditibus Ecclesiæ quam fundavit vel dotavit, ei præstanda, quando in egestatem incidit; uti constat ex *cap. Nobis 25. hoc tit.* Et *can. Quicumque, caus. 16. q. 7.* Et Jus defendendi Ecclesiam à se fundatam, vel dotatam, nè à potentioribus opprimatur, *can. Filius, caus. 16. q. 7.* quæ omnia Jura sequentibus versibus exprimuntur

*Patrono debetur honor, omnia, utilitatemque, Præfens ut præstet, defendat, alatur egenus.*

5. Dico quarto: Non competit Patronis etiam Ecclesiasticis potestas Bona Ecclesiarum, quarum Patroni sunt, administrandi, vel de illis liberè disponendi, instituyendo, vel destituendo Clericos in Ecclesiis patronatis; Ita communis DD. Et constat ex *cap. Preterea 4. hoc tit.* Et Trident. *sess. 25. cap. 9. de Reformat.* Possunt ergo Patroni tantum denunciare Ordinario Locum defectus, & negligentias obrepentes in administratione bonorum talis Ecclesiæ, ab eoque petere medelam. Similiter Patrono fundanti Ecclesiam Collegiatam non competit jus eligendi Prælatum; præsertim si Laicus sit, *cap. Nobis 25. hoc tit.* Nec etiam Jus habet nominandi vel præsentandi Prælatum seu Rectorem in præfata Ecclesia; sed solum in Capella, vel Ecclesia non Collegiata,

legiata, tamen si Parochialis sit; uti colligitur ex *cit. cap. Nobis*.

6. Dico quintò: Pariter Patronus nequit authoritate propriâ, sine consensu Ordinarii Jus Patronatus alienare; alicui temporale ab Ecclesia patronata, vel beneficio exigere; nec aliud onus eidem imponere; nisi pensio aliqua in primæva eius fundatione cum consensu Episcopi fuisset Patrono reservata; Ita habetur *cap. Præterea 23. hoc tit.* Et tenet communis DD.

### CAP. III.

#### De Translatione Juris Patronatus; ac Præsentatione à Patrono faciendâ.

1. Nota primò: secundum Glossam Vallens. & communem DD. quatuor modis potest contingere translatio Juris Patronatus in tertium aliquem, scilicet successione; donatione; permutatione; & venditione: de quibus singulis pono sequentes conclusiones, & notabilia. Et

2. Dico primò: per successionem omnino transfertur Jus Patronatus. Ita constat ex *can. Considerandum caus. 16. q. 7.* Et quidem non tantum ad hæredes consanguineos; sed etiam ad extraneos ex testamento succedentes, tam pupillos, quam adultos, tam masculos, quam feminas transit ejusmodi Jus, *cap. 1. hoc tit.* Idque mox adita hæreditate, etiam ante captam possessionem; uti notat ex Garzia Vallensis. Et quidem in solidum; quia Jus Patronatus est individuum seu indivisibile, *cap. 1. hoc tit.* In stirpe tamen; non autem in capita; ut si ex pluribus Patronis unius defuncti extent plures hæredes, hi omnes in præsentando obtinent unam vocem; cum hi omnes repræsentent unam personam defuncti, *Clement. 1. hoc tit.* Et nullus eorum seorsim ab alio potest præsentare; sed omnes communiter, *cit. cap. 1. hoc tit.* Ceterum ut facilius provideatur Ecclesiis, & evitentur discordiæ, permittum est in *Clement. Plurim. 2. hoc tit.* ut Patroni Jus præsentandi inter se dividant ratione temporis, & inter se conveniant de Rectore, ab eis alternis vicibus præsentando.

3. Nota secundò: si hæredes, vel Patroni discordent inter se in præsentando, & propterea Ecclesia careat Rectore, potest Episcopus imperare in Ecclesia cessationem à Divinis Officiis; uti habetur *cap. Perlatum 1. hoc tit.* Aut potest tollere reliquias extra Altaria posi-

tas, & ostia Ecclesiæ claudere, ut nullus ibi Missam legere valeat, *cap. 2. hoc tit.* Et demum potest instituere illum, qui plura habuerit merita, vel majoris partis consensum; si id sine scandalo fieri possit. Alioquin ipse Episcopus liberè absque præsentatione aliquem instituet, *cap. Quoniam 3. hoc tit.*

4. Nota tertio: Jus Patronatus potest etiam transferri per successionem hæreditariam ad Monasterium, seu Religionem, quando Monasterium est capax hæreditatis, uti habet Tambur. Pirh. &c. Similiter potest transire ad alium per legatum in testamento relictum; uti habet Sylv. Abbas, &c.

5. Dico secundò: Jus Patronatus etiam transfertur intertium per donationem, ita ut Patronus Laicus absque licentia Diocesani possit Jus Patronatus concedere alicui Ecclesiæ, vel Monasterio. Ita constat ex *cap. Illud 8. hoc tit.* Et *cap. Si Laicus, unic. hoc tit. in 6.* Ut tamen memoratum Jus validè donari possit Laico, vel etiam Clerico ut privatæ personæ, requiritur consensus Diocesani; uti colligitur ex *cit. cap. unic.* Et *cap. Illud 8. hoc tit.*

6. Dico tertio: Jus Patronatus pariter transfertur per venditionem non quidem per se; hoc enim esset Simonia; Sed tamen per accidens, & concomitante, scilicet cum universitate bonorum venditorum, v. g. alicujus Castri cui Jus Patronatus adhæret; Ita constat ex *cap. Litteris 7. hoc tit.*

7. Dico quarto: demum etiam Jus Patronatus transfertur per permutationem similis Juris Spiritualis accedente tamen consensu Ordinarii; Ita constat ex *cap. Ad questionem, de rerum perm. Non potest ejusmodi Jus permutari cum aliqua re merè temporali, cap. Ad quæst. 6. C. ult. de perm. Circa Præsentationem.*

8. Dico quintò: rectè describitur Præsentatio, quòd sit *persona per Patronum Ecclesiæ Episcopo, vel alteri ad quem institutio pertinet, legittime si illa exhibitio, ut eadem de beneficio vacante provideat. Ly exhibitio est genus; reliqua subeunt rationem differentiarum.*

9. Dico sexto: Patronus alicujus Ecclesiæ vacantis, vel beneficii, tamen si esset Clericus, & persona idonea, nequit præsentare seipsum; Ita habetur *cap. per nostras 26. hoc tit.* Potest tamen ejusmodi Patronus ab Episcopo motu proprio institui in illa Ecclesiâ, vel beneficio, si pro illa vice liberè renunciât Juri præsentandi, & nullum præcedat pactum cum Episcopo, ac absit scandalum, uti habet Abbas, Pirh. &c. Item quando plures Patroni Clerici, vel Clericus, alter Laicus concurrunt, tunc possunt unum ex seipsis præsentare; si aliquin

alioquin sit idoneus; ut constat ex *cap. Cum in Jure 33. de Elect. & tenet Azor. Abb. Vallens. &c.* Potest etiam filius idoneus à Patrono Patre præsentari ad beneficium vacans Ecclesiæ patronatæ; ut colligitur ex *cap. Consuluit 15. hoc tit.*

10. Dico septimò: Patronus tenetur semper ad Ecclesiam cujus est Patronus, & ad beneficia præsentare personas idoneas, & dignas; aliàs si præsentet indignas, peccat graviter. Ita Azor. Pirh. &c. Estque Ratio; quia non satisfaciunt muneri suo, & Ecclesiæ affert damnum, ac incommodum: unde nec Episcopus ejusmodi præsentatum admittere debet; ut habent *cui. DD.*

11. Nota quartò: Jura Canonica gravissimè vetant, ne Clerici emant, vel aliò titulo et si aliàs jussu acquirant Jus Patronatus, cum illa intentione, & ad illum effectum, ut filii, vel nepotes eorum in Ecclesiis patronatus ab iisdem præsententur, alioquin eodem Jure sunt spoliandi, *cap. Quia Clerici 6. hoc tit.*

12. Dico octavò: locò Patroni pupilli, vel minoris Septenniò, Tutor facere debet præsentationem; si verò Patronus sit major Septenniò, tunc ipse præsentare potest, etiam sine Tutoris autoritate; & præsentatus à tali Patrono præferendus est præsentato à Tutore, Ita Vallens. & colligitur ex *can. Decernimus, caus. 16. q. 7.*

13. Dico nonò: si Patronus Ecclesiæ sit Laicus, is licet variare possit in præsentando, seu mutare suam sententiam, & præsentare alium idoneum; quumdiu res adhuc est integra, seu institutio in beneficium nondum secuta; non autem si Patronus sit Ecclesiasticus. Ita communis DD. Primum patet ex *cap. Quod autem 5. hoc tit.* Et in *cap. Cum autem 24. eod.* Secundum habetur *cap. Cum autem 24. hoc tit.* Quando Clericus à Patrono Laico præsentatus repellitur ab Episcopo, & propterea appellet ad Summum Pontificem; interim autem dictus Patronus præsentet alium idoneum, isq; ab Ordinario instituatur in beneficio, tunc hic institutus est præferendus illi prius præsentato: quia hic currit illud axioma, *melior est conditio possidentis*, seu illius, qui ab Ordinario institutus est; & constat ex *cap. Pastoralis 29. hoc tit.*

14. Dico decimò: si contingat extare plures Patronos ejusdem Ecclesiæ, ad quos spectat Jus Patronatus ut singulos; tunc possunt singuli separatim facere suas præsentationes, non consultis, vel vocatis aliis; secus dicendum si Jus Patronatus spectet ad ipsos ut universos seu Jure Collegii, Ita Vallens. Garz. Ricc. &c. Ratio est; quia in primo casu non requiritur consensus simultaneus omnium; nisi

statutum speciale, vel consuetudo aliud obtineret: in secundo verò requiritur ejusmodi consensus.

15. Dico ultimò: Præsentatio debet à Patrono fieri intra certum tempus à Jure definitum: unde si Patronus sit Ecclesiasticus debet fieri infra sex menses; si Laicus, infra quatuor menses, numerandos à die vacationis cognitæ: & si infra ejusmodi tempus non sequatur præsentatio, Episcopus pro illa vice liberè instituire potest personam habilem in Ecclesia, vel beneficium vacante; Ita habetur *cap. 3. & 22. & 27. hoc tit.* Et in *cap. unic. hoc tit. in 6.* Memoratum tamen tempus non oberit, neq; obest illi Patrono, qui ignorat vacantiam Ecclesiæ, vel beneficii; nec illi, qui est legitime impeditus à præsentando, ut advertit Azor. Sylv. &c.

## CAP. IV.

### Varia circa Jus Patronatus resolvuntur.

1. Dico primò: Quando Jus Patronatus transferitur in aliam personam aliquo ex supradictis quatuor modis, puta successione, donatione, &c. talis persona non potest statim Ecclesiæ, vel Rectorem ejus mutare; nec possunt tunc pro arbitrio Patronorum Ecclesiæ permolari, Ita habetur *cap. Querimoniam 9. hoc tit.* Et tenent DD. communiter.

2. Dico secundò: Jura Patronatus possunt dari in feudum, vel emphyteusim; sed non nisi cum universitate rei, v.g. Castri, cui Jus Patronatus adhæret inseparabiliter; Ita sumitur ex *cap. Cum seculum 13. hoc tit.* Institutio in Ecclesia vacante facta ab Episcopo sine consensu vel præsentatione Patroni regulariter est irrita, uti constat ex *can. Decernimus 32. caus. 16. q. 7.* Et ex *cap. Ex insinuatione 14. hoc tit.* Excipe nisi Patronus sit negligens in præsentando intra tempus à Jure præfinitum: vel præsentatio fiat à Patronis in discordia, ita ut ex præsentatis sine scandalo nullus possit institui, ut notant Barbo. Garc. &c.

3. Dico tertio: Ordinarius nequit Ecclesiam vel beneficium, quod est Jus Patronatus concedere, vel unire alteri Ecclesiæ, beneficio, vel Monasterio, vel Canonicatibus, absque assensu Patroni, tamen hoc fieret ad augendas Præbendas Canonicorum; Ita constat ex *cap. Expensis 33. de Præbendis.* Estque Ratio; quia Patronus per ejusmodi unionem perdit Jus præsentandi, sicq; patitur grave præjudi-



præjudicium. Neque potest idem Ordinarius qualitates seu Conditiones beneficii in prima fundatione appositae, nec quidem cum consensu Patroni successoris, saltẽm in totum, & in perpetuum mutare; sed hujusmodi mutatio ad solum Papam, utpotẽ qui solus plenissimam habet dispositionem circa Ecclesias, & beneficia Ecclesiastica, pertinet; Clem. 2. *in prin. de Relig. domib.* Unde Papa ex plenitudine suæ potestatis Pontificiæ etiam potest derogare cuius Patronatus tam Laico, quàm Ecclesiastico, rationabilem ob causam, uti habet Glossa, Abbas, &c.

4. Nota primò: Variis modis deperditur Jus Patronatus. *Primò*; si Patronus committat crimen læsæ Majestatis, vel hæresis: nam in similibus casibus Patroni universa bona Fisco cedunt, & consequenter cum eisdem Jus Patronatus devolvitur aliò, *cap. Vergentis 10. de hæresis.* Idem dicendum si Patronus fiat Schismaticus, vel apostata, vel fautor hæreticorum, uti notat Barb. & Pirh. *Secundo*; si Patronus occidat, vel mutilet nefariè Rectorem Ecclesiæ, sive hoc faciat per se, sive per alium; quo casu privatur Jure Patronatus usque ad quartum gradum, *cap. In quibusdam, de poenis.* *Tertiò*, per cessionem liberam alteri factam; vel per remissionem, *cap. 1. hoc tit. in 6.* *Quariò*, si Patronus patitur Capellam converti in Ecclesiam Collegiatam, in qua non habet locum præsentatio; sed

electio, cui se Patronus immiscere nequit subtrahendo; quamvis interponere possit suas partes in tractatu electionis, uti habet Glossa, & Pirh. & colligitur *cap. Nobis 23. hoc tit. Quintò*, si Patronus sibi usurpet per artem, vel quæsito aliquo colore Jurisdictiones, census, bona, vel Jura Ecclesiastica, uti constat ex Trident. *sess. 22. cap. 11. de Reform.* *Sextò*, si simoniace acquisierit Jus Patronatus, eò est privandus, *arg. cap. Quia Clerici 6. hoc tit.* *Septimò*, si Ecclesia patronata penitus destruat terra motu, incendio, vel aliter sine spe reedificationis; vel si redditus ejus penitus deficiant; uti notat Zoëf. Pirh. &c. *Octavo*, si bona illa confiscentur, quibus Jus Patronatus adhaeret, etiam extra duos casus præstatos criminis læsæ Majestatis, & hæresis; uti habet Garz. & Valens. *Nonò*, si Patronus ipsum Jus Patronatus per se vendere, vel alio modo in alium transferre præsumperit contra præscriptum SS. Canonum *cap. Quia Clerici 6. hoc tit.* Et talis Patronus subijcitur excommunicationi, ac interdico per Trident. *sess. 23. cap. 9. de Reform.* *Decimò*, extinguitur ejusmodi Jus per extinctionem familiæ Fundatoris, si pro illis duntaxat erat constitutum; uti observat Pirh. &c. *Undecimò*, per non usum longissimi, vel saltẽm longi temporis; puta si Patronus non impeditus omittit saltẽm duabus vicibus præsentare Rectorem pro Ecclesia vacante; uti notat Barbos. &c.

## TITULUS XXXIX.

### De Censibus; Exactionibus; & Procurationibus.

#### CAP. I.

#### De Censibus.

1. **N**Ota primò: Postquam Pontifex priorius expedit tractatum de uno onere, quod communiter impositum est Ecclesiis, ac beneficiis, videlicet de Jure Patronatus; consequenter prosequitur *hoc tit. in 6.* reliqua onera eorundem, scilicet census, exactiones, & procuraciones. Nomen autem *Census* variè usurpatur: *primò*, pro æstimatione bonorum in ordine ad tributa solvenda, *L. 4. ff. de censib.* *Secundo*, pro ipso tributo, seu pensione annua, quam quis præstat secundum facultates Principi in recognitionem domini

supremi. *Tertiò*, & magis ad propositum capitur pro annuo redditu, qui solvitur Superiori Ecclesiastico ex proventibus Ecclesiæ, *cap. Constitutus 6. de relig. domib.* Unde

2. Dico primò: rectè describitur Censui, de quo hic, quòd sit *pensio quadam qua de proventibus certa Ecclesie, vel beneficii, Monasterii, vel alterius pii Loci solvitur Episcopo, vel alii Superioribus Ecclesiasticis in recognitionem subjectionis, vel ex alia causa.* Ita deducitur ex *cap. Constitutus.* *Ly pensio* est genus; reliqua ponuntur pro differentia.

3. Nota secundò: Censui varias patitur divisiones, quas vide in *Schola mea Theologica, tom. 4. tract. de Fort. Cardinal. dist. 12. q. 12. n. 7.* ad propositum accommodata ejus divisio est

in Censum antiquum, & novum: *Census antiquus* dicitur ille, qui fuit impositus tempore fundationis, vel consecrationis Ecclesiæ: nam illo tempore Episcopus sibi ipsi, & Patronis, ac Fundatoribus, vel aliis Clericis ex iusta causa, atque cum Fundatorum consensu moderatum Censum potest constituere per *textum*, & DD. in *cap. Præterea 23. de Jure Patronat.* Et *cap. Quanto 16. hoc tit.* Et *cap. Querelam 24. de elect.* *Census novus* dicitur, quem Episcopus primò post Fundationem, aut Consecrationem Ecclesiæ imponeret.

4. Dico secundò: Episcopus nequit Monasteriis, vel aliis Ecclesiis secularibus imponere novos census; nec veteres augere. Ita Glossa, & communis DD. Primum statuitur in *cap. Scientes 3. hoc tit.* Secundum constat ex *cap. Prohibemus 7. hoc tit.* DD. tamen excipiunt aliquos casus à priori regula. Primò potest Episcopus decrepito beneficiato renunciandi beneficium pensionem alimentorum constituere. Secundò pro sustentatione pauperum Scholarium. Tertiò pro reparatione Ecclesiæ Cathedralis. Quartò pro erectione Seminarii Juvenum Ecclesiasticorum. Similiter nec Clerici aliquibus Censibus novis Ecclesias onerare possunt; & si qui per collationem Ecclesiæ aliquam censualem constituerent, ab eadem amoveri debent, *cap. Cum Clerici 11. hoc tit.* Neque Patroni novum censum Ecclesiis, vel beneficiis patronatis imponere possunt, nec veteres augere, *cap. Gravia 15. hoc tit.*

5. Nota tertiò: tamen si ex aliquo Ecclesiæ consueverit dare annuam pensionem; non propterea ex sola solutione ejus probatur subjectionis talis Ecclesiæ, aut quasi possessio subjectionis; nisi exprimitur in hujusmodi solutione, eam fieri ratione subjectionis; vel nisi aliunde probetur subjectionis ex circumstantiis loci, temporis, vel personarum; uti advertit Tuschus, Abbas, Laym &c. Qui Censum exposcit ab aliqua Ecclesiæ debet exprimere causam, ratione cujus ei debeatur: nam ille Censum, cujus causam ignoratur, non est ex obligatione solvendus, *cap. Pervenit 5. hoc tit.*

6. Dico tertiò: Censum solvendus est in moneta antiqua, quæ tunc currebat, quando Censum fuit constitutus, si adhuc extet; alioquin in nova, quæ nunc currit; secundum tamen estimationem monetæ antiquæ, sive in illa quantitate, quæ eidem æquivalet. Ita Abb. Fagn. Valleng. &c. Et sumitur ex *cap. olim 20. hoc tit.*

## CAP. II.

### De Exactionibus.

Dico primò: rectè describuntur Exactiones, prout de eis hic agitur, quòd sunt subsidia quadam extraordinaria,

quæ penantur Prælati, iusta de causis ea petentibus. Colligitur ex *cap. 6. hoc tit.* *Ly subsidia* est genus; reliqua pro differentia statuuntur. Hujusmodi Exactiones sunt tributa quadam Ecclesiastica, & consistunt in collectis pecuniariis. Talia subsidia numerantur sequentiâ, videlicet portio Canonica; Synodaticum, seu Cathedralicum, quarta Decimationum; & subsidium Charitativum.

2. Nota primò: Episcopis debetur Exactio illa, quæ Portio Canonica dicitur; & quidem ex reliquiis, & proventibus Ecclesiis obvenientibus; cujusmodi sunt legata, quæ sunt Ecclesiis, aut aliis piis locis, *can. de his 7. Et seq. caus. 10. q. 1.* Similiter debetur ipsis Synodaticum, seu Cathedralicum *cap. olim 2. hoc tit.* quod consistit in solutione duorum solidorum, id est duorum aureorum circiter, qui quotannis Episcopo solvi debent ab omnibus, ad Synodum vocatis. Pariter quarta decimationum, seu decimarum eisdem debetur, *cap. Congruente 16. de Offic. Ordin.* Et *cap. Cùm olim 19. hoc tit.* Demum etiam debetur ipsis subsidium charitativum (quod est Exactio quædam extraordinaria propter manifestam, & rationabilem necessitatem, cum charitate à subditis postulata) uti constat ex *cap. Cùm Apostolum 6. hoc tit.*

3. Dico secundò: prætaxe Exactiones, seu subsidia præstari debent Episcopis ab omnibus Ecclesiis secularibus suæ Diocesis. Ita habetur *cap. Cùm olim 19. hoc tit.* Non item à Monasteriis exemptis; bene tamen à Capellis, & Parochiis eorundem incorporatis Monasterio, habentibus curam animarum; uti constat ex *can. inter cetera 8. caus. 10. q. 3.* Præterea exigì potest ab omnibus Clericis beneficiatis Episcopo subiectis; item à Capitulo, seu Canonicis Ecclesiæ Cathedralis, vel Collegiatæ; uti colligitur ex *Extrav. 1. hoc tit. inter Comm.* Non obligantur autem ad illud solvendum Clerici non beneficiati; etsi bona patrimonialia haberent, uti habet Azor. Barbosa. &c. Nec Laici, uti constat ex *can. quia cognovimus 6. caus. 10. q. 3.*

4. Nota secundò: causas manifestas & rationabiles, ob quas Episcopus potest petere subsidium Charitativum, esse sequentes: si opus sit multis expensis pro consecratione Episcopi, vel pro fabrica Ecclesiæ; vel pro negotiis communibus Diocesis pertractandis; vel pro professione ad Sum. Pontificem, aut Imperatorem ob Ecclesiæ suæ, vel universalis Ecclesiæ commune bonum; vel pro itinere ad limina Apostolorum visitanda; vel ad Concilium Generale; pro defensione Ecclesiæ contra hostes, &c. uti notat Barb. Azor. &c.

## CAP. III.

## De Procuracionibus.

**D**ico primò : Procuraciones rectè describuntur, quòd *sunt praestationes sumptuum necessariorum debite praelatis pro illo tempore, quo Ecclesias suae Diocesi visitant, praebendae ex redditibus Ecclesiarum visitatarum*; Ita colligitur ex *cap. Procuraciones 23. hoc tit. Ly Praestationis* est genus; reliqua habent rationem differentiae.

2. Dico secundò : Praelatis visitantibus Ecclesias suae Diocesis, debent procuraciones exhiberi : Ita habetur *cap. cit. 23.* Estque Ratio; quia cum nemo cogatur, secundum Apostolum *1. ad Corinth. 9.* suis militare stipendiis; meritò Praelatis in Visitatione seminantibus Spiritualia in Ecclesiis commodum, praestantur temporalia, seu Procuraciones in sustentationem. Et debentur ejusmodi Procuraciones Praelatis ab omnibus Ecclesiis, etiam Regularibus, Monasteriis; item à Capellis in Ecclesiis Collegiatis erectis, Oratoriis publicis auctoritate Ordinarii constructis; *cap. Cum Apostolus 6. Et cap. Cum instantia 17. Et cap. Super 14. hoc tit.*

3. Nota primò : Consistunt autem Procuraciones debite Praelatis in victualibus, id est, pertinentibus ad cibum, & potum honestum, moderatum, & sufficientem pro ipso Visitatore, ejusque moderato comitatu; uti & in pabulo pro equis, aliisque jumentis quibus utitur; in quibus suppeditandis consuetudo Provinciae, & facultates subditorum, qui visitantur, ac conditio Visitatoris attendi debet; uti advertit Zerola, Azor. Pirhing. &c. Unde juxta praesentem Constitutionem Innocentii IV. quae refertur in *cap. Romana 1. hoc tit. in 6.* quae renovata est per Gregorium X. in Concilio Lugdunensi, & refertur *cap. Exigit 2. hoc tit. in 6.* ordinatur, Procuraciones non esse accipiendas in moneta, seu pecunia. Sed Tridentinum *sess. 24. cap. 3. de Reform.* in optione reliquit, ut vel victualia, vel eorum loco pecunia observata debita taxa accipi possint. Et addit ne extra Procuraciones aliud quidpiam acceptetur, siue sit pecunia, siue munus quodcumque, & qualitercumque oblatum; sub poenae restitutionis dupli intra mensem facienda; ac aliis à Synodo Provinciali determinandis.

4. Dico tertio : Procuraciones debentur tantum Praelatis personaliter visitantibus, ut Archi-Episcopis, Episcopis, Archi-Diaconis, Legatis, & Nunciis Apostolicis, ac aliis Prae-

latis inferioribus; Ita habetur *cap. Procuraciones 23. hoc tit.* Quòd si autem praefati Praelati in persona non visitaverint Diocesim; sed alios ad hoc munus miserint; tunc non Praelatis, sed illis Delegatis Visitatoribus Procuraciones praestandae sunt, *cap. si Episcopus 37. de Offic. Ordinar. in 6.* Et Extrav. vel Electionis, unic. *hoc tit. inter communes.*

5. Nota secundò : si Visitator una die visitet plures Ecclesias, non potest à singulis singulas Procuraciones exigere; sed unicà Procuracione pro uno die contentus esse; & ad hoc omnes illà die visitatae Ecclesiae juxta proportionem suorum reddituum concurrere debent, uti notant DD. in *cap. Cum instantia. Et cap. Procuraciones 23. hoc tit. Et cap. 3. cod. in 6.* Si in aliquo loco nihil certè sit statutum circa procuraciones praestandas; attendenda est consuetudo vicinarum Ecclesiarum *cap. Super eo 22. hoc tit.* Et si ab aliqua Ecclesia cum consensu Patroni, in fundatione, Procuratio nullà adjectà quantitate determinatà, imposita sit alteri Ecclesiae solvenda; tunc illa non debet augeri; sed secundum modum solitum, siue consuetum solvi; nisi facultates gravatae ita notabiliter creviscent, ut absque magno gravamine possit solvere majorem Procuracionem, *cap. Quanto 16. hoc tit.*

6. Dico quartò : Jus ad Visitationes exercendas, ratione quarum Procuraciones debentur, habent soli illi, qui possunt Jurisdictione ordinaria in Ecclesiis, & habent Clericos subditos; quales sunt Papa, Patriarchae, Primates, Archi-Episcopi, Episcopi, Legati Pontificii à latere, Legati nati in casibus urgentibus, & necessitatibus, Archi-Diaconi, Decani, ac alii Episcopo inferiores, quibus Jus visitandi longa consuetudine competit. Ita habent Azor. Barb. Pirh. Et constat ex Trident. *sess. 24. cap. 3. de Reform.* Visitationes debent à praefatis personis institui quotannis saltem semel, *can. decrevimus 10. & seq. caus. 10. q. 1.* Et Trident. *sess. 7. cap. 8. de Reform.* Hæc ut ordinatae fiant, debet Episcopus secundum *cap. Romana 1. hoc tit. in 6.* prius Capitulum, & Metropolitanam Ecclesiam visitare; dummodo id commodè fieri possit, & sub sit causa Visitationis, uti notat Glossa. Insuper debet visitare non tantum majores; sed etiam minores; nec tantum Clericos, sed & populum, *cit. cap. Romana.*

7. Nota tertio : Non potest autem Episcopus visitare Ecclesias, nec consequenter Procuracionibus gravare Ecclesias Regulares exemptas v.g. Mendicantium Ordinum juxta Trident. *sess. 25. cap. 20. de Regular.* Nisi cu-

ram animarum haberent annexam; quo casu eas visitare quidem potest; sed in iis duntaxat, quæ curam animarum, & Sacramentorum administrationem concernunt, ex *cir. Trid. cap. 11. de Regular.* Similiter nec potest visitare

Ecclesias, quæ nullius sunt Diœcesis, id est, quæ habent territorium separatum cum omnimoda Jurisdictione quasi Episcopali in Clerum, & populum; uti constat ex Trident. *cir. cap. 9.*

## TITULUS XL.

### De Consecratione Ecclesiæ, vel Altaris.

#### CAP. I.

##### De Consecratione Ecclesiæ.

1. **N**Ota primò: Quoniam in *Superioribus* *tunilis* actum fuit de Jure Patronatus, quod acquiritur per fundationem, vel dotationem Ecclesiæ; & de Censibus, exactionibus &c. quæ tempore Consecrationis Ecclesiarum plerumque constituuntur; consequenter Papa addit *hunc tit.* de ipsa Consecratione Ecclesiarum.

2. Dico primò: bene describitur Consecratio Ecclesiæ, quòd sit *sacra delibutio, & dicatio adum ad cultum Divinum erectarum, cum speciali ritu facta ab Episcopo, ad hoc, ut populus Christianus in eis opera Religionis rite exercere valeat.* Ly *delibutio & dicatio* est genus; reliqua ponuntur pro differentia.

3. Dico secundò: Ecclesia legitime constructa priusquam in ea Divina mysteria peraguntur, regulariter prius, & quantocyus consecrari debet; & quidem ab Episcopo Diœcesano. Ita communis DD. Et habetur *can. Ecclesius, caus. 16. q. 7.* Et *cap. 1. de reg. domib.* Poterit tamen ejusmodi Consecratio à Diœcesano committi alicui alteri Episcopo, *cap. aqua, pen. hoc tit.*

4. Dico tertio: Consecratio est Ordinis Episcopalis; unde à solo Episcopo, & non à simplici Sacerdote fieri potest. Ita Sylv. Azor. & communis. Et habetur *cap. nemo 9.* Et *cap. nullus 15. dist. 1. de Consecrat.* Et *cap. aqua 9. hoc tit.* Idem dicendum de Altarium Consecratione. Ex speciali tamen commissione Papæ simplex Sacerdos consecrare posset Altaria, secundum Azor. Pirh. &c.

5. Nota secundò: Consecratio Ecclesiæ fieri debet inter Missæ celebrationem, *cap. omnis 3. & cap. de fabrica 24. dist. 1. de Consecrat.* Poterit tamen etiam perfici die profano, *cap. Tua 2. hoc tit.* Antequam verò peragatur ejusmodi Consecratio, debet Episcopo constare de competenti ejus dote, *cap. Cum sicut 8. hoc tit.* Erit autem competens Dos, si sufficiat

pro luminaribus *can. 1. caus. 1. q. 2. & ad honestam sustentationem Presbyteri cap. nemo, dist. 1. de Consecrat.*

6. Nota tertio: Consecratio semel Ecclesiæ alicui impenfa, non debet reiterari; cum instar baptismi accepti reputetur, *cap. Ecclesius 20. dist. 1. de Consecrat.* Præterquam in certis casibus. Et primò si oriatur dubium de ejus Consecratione; nec appareat ullum argumentum probativum de eadem Consecratione, per aliquam Scripturam, vel testes; tunc Ecclesia potest licite reconsecrari, *cap. Ecclesius 18. dist. 1. de Consecrat.* Præsumitur autem consecrata, & sufficit probatio, si id constet etiam per unum duntaxat testem de visu, vel auditu deponentem; uti notat Vallens. Vel per aliquam Scripturam in libros Ecclesiæ relatum; vel per tabulam marmoream, aut aliam, vel per signacula crucum in muris depictarum; uti habet Glossa. Et quia hujusmodi semiplenæ probationes tunc sufficiunt, quandoque nemini sit ullum præjudicium, *cap. sollemnitates 16. juncti. Gloss. ver. Scriptura, de Consecrat. dist. 1.* Secundo, similiter si tota moles Ecclesiæ destructa sit, etiam quoad muros principales; & propterea quasi ex toto reedificari debeat; quo casu Ecclesia prior nec physice, nec moraliter censetur eadem; prout constat ex *cap. de fabrica 24. & ibi Gloss. ver. insuranda, dist. 1. de Consecrat.* Tertiò, pariter reconsecratur licite, si Ecclesia sit absumpta à flammis, vel aliter, ita ut etiam muri interiores fuerint devastati, & abrafi majori ex parte, *cap. Ecclesius 20. dist. 1. de Consecrat.*

7. Nota quarto: Non eget autem reconsecratione Ecclesia, si ejus tectum tantum sit à flammis absumptum: aut muri non sint majori ex parte diruti, *cap. 6. hoc tit.* Nec si successiverit aliquæ partes murorum eximantur, & reparentur: quibus casibus sufficit aspersio aquæ benedictæ, *cap. de fabrica 24. dist. 1. de Consecrat.*

8. Nota quinto: Ecclesiam consecratam quinque modis posse violari, seu pollui, ita ut Divina in ea nequeant celebrari, priusquam recon-

reconcilietur. *Primò per injuriosam sanguinis effusionem, cap. Proposuit. cap. ult. de Consecrat. Ecclesie; & cap. ult. Tit. eodem in 6.* Ratio est; quia magna irrogatur injuria sanctitati Loci. Necessè est autem, ut percussio, seu vulnus infligatur homini existenti in Ecclesia; non super tecto, aut turri, aut in crypta Ecclesie; etiam si sanguinem ex vulnere jam extra Ecclesiam fundat, vel in strophium; dummodo data sit causa effusionis in Ecclesia: imò et si vulnerans extra Ecclesiam existat; quia æquè hoc casu contra sanctitatem Loci peccat. Deinde necesse est; ut factum sit notorium Juris, aut facti notitiâ; sicut ex communi docet Sa, Durand. &c. Item necesse est; ut injuria pertingat ad culpam mortalem; ita Suar. Con. &c. Unde si casu, vel in justam sui defensionem excutitur alteri sanguis; vel cum veniali tantum injuria; ut cum pueri ex veniali colera sibi sanguinem eliciunt; non violatur Ecclesia. Denique opus est; ut sanguinis non aliquæ guttæ tantum; sed plures è nribus eliciantur; quia effusio plus aliquid significare videtur; ut docet Abbas in *cap. Proposuit, de Consecrat.* Imò etiam si effusio copiosa sit; sitamen percussio, & læsio non sit gravis, Ecclesia non debet censi violata.

9. *Secundò violatur Ecclesia per homicidium injuriosum notorium*, quod, vel cujus causâ perpetratum est intra Ecclesiam, quamvis sine sanguinis effusione; ita habetur *cap. Proposuit cit.* Dixi, *vel cujus causa*; necesse enim non est; ut homo intra Ecclesiam moriatur (imò hoc ad rem non pertinet, quia si foris percussus intra Ecclesiam se reciperet, & moreretur; Ecclesia non violaretur) sed solum requiritur, ut aliquis non sine injuria mortali intra Ecclesiam plagam receperit, ex qua postea, etiam multis elapsis mensibus, mortuus sit. Nota etiam si percussio, strangulatio, &c. facta intra Ecclesiam injuriosa non sit percussio; sufficit tamen quòd sit injuriosa sanctitati Loci, ipsiq; DEO, ad contrahendam Ecclesie violationem; ut si quis seipsum vulneret; item si Judex reo mortis supplicium in Ecclesia interat.

10. *Tertiò violatur Ecclesia per illicitam, & notoriam humani seminis intra Ecclesiam effusionem*: habetur *cap. ult. de Consecrat. Ecclesie*. Et *cap. Ecclesiis, dist. 1. de Consecrat.* Sive ea fiat per voluntariam pollutionem; sive per carnalem copulam, etiam conjugalem: præterquam si carnalis copula, ob urgentem necessitatem, diu in Ecclesia manendo tempore belli v.g. habeatur, & probabile periculum incontinentiæ à culpa mortali excuset, ut docet Paludanus, Less. &c. Advertendum autem est hic: quòd secundum DD. hæc effusio debeat fieri

in vigilia, unde si in somno contingat; etsi causa ipsi data fuerit antea, non violatur Ecclesia.

11. *Quartò violatur per sepulturam hominis excommunicati; habetur cap. Consuluit, de Consecrat.* Requiritur tamen post Concilium Constantiense, ut sit excommunicatus non toleratus; id est, ut sit publicè denunciatus; vel sit notorius percussor Clerici; sicut notant Suar. Con. &c. Et Navarr. in *lib. 3. conc. 10. de hæreticis edit. 1. ad 4. quæst.* dicit, per sepulturam Hæretici, non denunciati nominatim, locum sacrum non violari; ita in *cap. Sacris, de sepulturis*. Imò neque per sepulturam hominis personatiter interdicti violatur Ecclesia: ita Suar. &c. quia nullum extat jus circa hoc.

12. *Quintò tandem violatur Ecclesia per sepulturam infidelis Pagani, & non baptizati; habetur cap. Ecclesiam 1. & 2. de Consecrat. dist. 1.* tametsi infans sit: si tamen in utero matris mortuus sit, unà cum matre fidelis sepeliri potest; quia mater cum foetu unum corpus censetur; ita Palud. & alii DD. Est autem notandum discrimen inter tres priores modos violandi Ecclesiam, & duos posteriores: quòd priores illæ violationes contrahantur per actionem culpabilem: ad posteriores verò non requiratur culpa. Circa omnia prædicta

13. Nota sextò: Pollutâ Ecclesiâ pollui simul Cæmeterium, si contiguum sit; ita ut ibi nemo possit sepeliri, antequam reconcilietur: non è contra; Ratio est; quia juxta communem Juristarum: Principale trahit ad se accessorium; non è contra; habetur etiam in *cap. unico, de Consecrat. Ecclesie in 6.*

14. Nota septimò: Locum sacrum in prædictis quinque casibus non censi violatum, nisi de eis publicè constet, sive evidentia facti; sive confessione authoris; sive alia ratione: quare quamdiu res manet occulta, sic ut non nisi pauci sciant, Ecclesia non est polluta; pollueretur autem quandocunque propalabitur; ita DD. apud Suar.

15. Nota octavò: si Ecclesia solum sit benedicta; potest per Sacerdotem cum aqua ab ipso benedicta reconciliari; uti colligunt DD. ex *cap. si Ecclesia, de Consecrat.* Et idem dic de Cæmeterio solitarie posito violato: si verò Ecclesia sit consecrata ab Episcopo, decet per Episcopum reconciliari, aquâ ab aliquo Episcopo benedictâ, cum vino, & cinere. Prælati tamen Regulares ex privilegio Leonis X. Bullâ 6. apud Rodriq. possunt suas Ecclesias consecratas quando pollutæ sunt, reconciliari; sed aquâ ab Episcopo benedictâ, cum vino & cinere; nisi Episcopus distet ultra du-



as dietas; dieta una continet 20. millaria Italica, seu 4. Germanica; tunc enim reconciliare possunt aquâ à se benedictâ. Ita Rodriq. Portel, &c. Imò ex privilegio Pontificis ejusdem possunt iidem Prælati suas Ecclesias, & Cœmeteria benedicere.

16. Nota nonò : contra Sa, Avilam, &c. Ecclesiam Violatam non reconciliari per præsentiam Corporis Christi; quamvis bonâ fide contingat in ea celebrari. Ita Portel. Præpositus, &c. Ratio est; quia Ecclesia non consecrata, per hoc non consecratur, vel benedicitur, quòd ibi Missa legatur; aliàs sanè etiam loca privata in quibus celebratur, consecrantur: adeoque nec violata reconciliatur. Si Ecclesia sub Missâ Sacrificio violetur, priusquam Canon inceptus sit; debet Sacerdos abstinere; si autem post Canonem inceptum, non. Ita Suar. Con. &c.

17. Nota ultimò : Discrimen esse inter Ecclesiæ violationem, & execrationem: nam pollutâ Ecclesiâ polluantur etiam omnia Altaria ejus; at verò execratâ Ecclesiâ per lapsum parietum, non idèò execrantur Altaria. Ita Abbas, Sylv. &c. DD.

## CAP. II.

### De Consecratione Altarium, & Cœmeterii.

1. **N**ota primò : Altare quodvis debet hodie esse lapideum; non verò ligneum, aut terreum, *cap. Altaria 3. dist. 1. de Consecrat.* Duplex autem reperitur Altare, portatile, & fixum. *Altare portatile* est, quod est mobile de loco in locum; & etiam Viaticum dicitur, *cap. ult. de Privileg. in 6.* Hoc per se consecratur, & consistere debet ex unico lapide integro, tantæ magnitudinis, ut pedem calicis cum patena saltèm quoad majorem partem capere possit. *Fixum* est, quod est immobile de loco in locum; hoc non consecratur per se, sed quatenus basi est affixum, cujus saltèm tabula, seu Ara superior debet esse lapidea, uti notat Sylv. Abbas, &c.

2. Nota secundò : Altaria aliquando etiam perdere Consecrationem, ita ut opus habeant resecratione. Et quidem Portatile exsecratur, quando lapis ita notabiliter frangitur, aut diminuitur, ut in nullâ ejus parte integra calix cum patena secundum majorem suam partem consistere possit; *cap. Ad hoc 1. Et cap. Quod in dubiis 3. Et cap. Ligneis 6. hoc tit.* Et maximè si fractura contingat in illa parte, ubi extat sigillum, seu Sepulchrum Reliquiarum sanctarum: uti notant DD. in *cicuta Capi-*

*tula.* Non censetur autem hujusmodi Altare exsecraturum, quando à ligno, cui inclusum est, separatur: nec si aliqua fractura modica in cornibus ejus contingat extra locum Sepulchri Reliquiarum; uti notat Sylv. &c. dummodo tantum de lapide remaneat, ut capiat calicem, & patenam secundum majorem partem earundem; uti habet Laym. &c. Altare fixum exsecratur, si lapis seu mensa superior à pede, vel columnis, quibus innititur, amoveatur, *cap. si motum 19. dist. 1. de Consecrat.* Vel si ita enormiter eadem mensa trangatur, maximè per mediū, vel ubi est facta Consecratio, ut ad usus sacros reddatur inepta, aut nimium disformis; quod judicio, & arbitrio Episcopi relinquatur examinandum; *cap. Ad hoc 1. hoc tit.*

3. Nota tertio : Per exsecrationem Ecclesiæ causatam per ruinam murorum principalium, non propterea exsecrantur Altaria; nec è contra; uti constat ex *cap. 1. infra hoc tit.* Sub una eademque Missa in eadem Ecclesia plura Altaria simul possunt consecrari; sicut & plures simul Episcopi, *cap. Cum sit 5. hoc tit.* Non verò in diversis Ecclesiis; uti notat Abbas. Et quidem quovis die eorum Consecratio fieri potest; uti ait idem Abbas.

4. Nota quarto : Cœmeterium benedicitur eodem modò, quòd Ecclesia; & Ecclesiâ consecratâ, censetur & adherens ei Cœmeterium consecrari; nam eodem ritu, & simul consecrantur; uti constat ex Pontificali Romano: quamvis aliàs etiam seorsim consecrari, vel benedici possit; uti notat Sylv. & Pirh. Cœmeteria benedicunt Episcopi, vel alii de eorum consensu; uti habet Azor. Mir. &c. Cœmeterium polluitur iisdem quinque modis, quibus Ecclesia; uti advertunt cit. DD. Et constat ex *cap. si Ecclesiam, unico, hoc tit. in 6.* & eodem pariter modò reconciliatur, scilicet per aquam solemniter ab Episcopo benedictam; *cap. Consulisti, hoc tit.* quod procedit, si Cœmeterium fuerit prius solemniter benedictum ab Episcopo: nam si nunquam fuit ab eo benedictum solemniter, vel ejus auctoritate deputatum; tunc à Rectore Ecclesiæ aquâ à se benedictâ reconciliari potest; juxta *cap. ult. hoc tit.*

## CAP. III.

### Quid possint Prælati Minorum circa Ecclesias, & Ecclesiastica Paramenta benedicenda.

1. **D**ico primò : Generales, Provinciales, & Guardiani, ac alii Superiores locales Ord. Min. de Observ. & Reior. possunt

Possunt omnes, & singulas sui Ordinis Ecclesiâs, Cœmeteria, & Oratoria; uti & paramenta, ornamenta, &c. alia omnia, ad Divinum cultum pertinentia, & usum Fratrum necessaria (in quibus tamen non intervenit Chrisma) solemnî benedictione benedicere. Item Ecclesiâs, & Cœmeteria peccaminosâ sanguinis, vel seminis humani effusione polluta reconciliare; & hoc cum aqua, etiam per prædictos

duntaxat Prælatos benedictâ, in locis remotis, seu dum Episcopus distat ultra duas dietas, id est 8. circiter miliaria Germanica, aliâs si præfens sit intra duas dietas, aquam ab eo benedictam adhibere debent, uti habet Portel. Rodriq. Ita Sorbus, Rodriq. &c. Et circa hoc extat privilegium Leonis X. relatum in Compend. Privileg. Ord. FF. Minorum.

## TITULUS XLI.

### De Celebratione Missarum; & Sacramento Eucharistiæ; & Divinis Officiis.

#### CAP. I.

##### De Celebratione Missarum.

**N**Ota primò: *Hunc titulum* Papa rectè subneçit *priori*; quia Missarum celebratio fieri debet regulariter in Ecclesiis consecratis, & super Altari consecrato; similiter & alia Divina in simili Ecclesia peragi. Hæc vox *Missæ* est antiquissima apud Ambrosii Augustini. Cassiani. Greg. & alios PP. Conc. Rom. sub S. Sylvestro; Carthag. 4. can. 84. ubi dicitur, omnes ab Episcopo debere admitti ad Ecclesiam usque ad Missam. Et secundum aliquos dicitur esse dictio Hebraica, eadem quod *Missachi*: secundum verò alios, & verius, est vox Latina; deducta à *Missione*; & hoc sive, quia in ea mittuntur ad DEUM preces, & vota: sive quia olim paulò post principium mittebantur extra Ecclesiam Catechumeni: hi enim licet essent in fide instructi; nondum tamè erant renati; & ideo nò erant de Corpore Ecclesiæ; & per consequens nec Sacris interesse debebant; sed dimittebantur: & nunc etiam in fine totus populus dimittitur, cum dicitur, *ite Missa est*. Ad propositum hîc Missa sumitur ex usu Ecclesiæ pro collectione omnium actionum, quæ sunt à principio sacri Eucharistici Sacrificii, usque ad finem; in quod Corpus & Sanguis Christi consecratur, & offertur.

2. Dico primò: In Missa nostra Catholica offertur à Sacerdote verum, & proprium Sacrificium. Ita Catholici. Et constat primò, ex Trident. sess. 22. can. 1. dicente: *Si quis dixerit, in Missa non offerri DEO verum, & proprium Sacrificium; Anathema sit*; quam veritatem cap. 2. ejusdem sess. mirâ gravitate, & sermonis majestate fusiùs explicat. Vide locum cit. Secundo colligitur ex ipsa Christi institu-

tione, quando dixit: *Hoc facite in meam commemorationem*; ubi verbum *facite*, æquivaleret verbo *sacrificate*: sic enim S. Scriptura interdum loquitur, *Levit. 15. Sumet unusquisque dabitque Sacerdoti, qui faciet unum pro peccato, & aliterum in holocaustum*. Tertiò patet ex innumeris antiquissimis Patribus, veritatem hanc attestantibus; unicum hic adduco Andream Apostolum; qui Ægeæ Proconsulî suadenti, ut Diis immolaret, respondit: *Ego Omnipotens DEO immolo quotidie, non tantorum carnis; nec hircorum sanguinem; sed immaculatum Agnem in Altari*; adeoque immolatio seu Sacrificatio jam à tempore Apostolorum fuit in praxi; hæc autem fit in Missa: ergo &c. Patet tandem quariò ex perpetua Ecclesiæ traditione; quæ semper intellexit in Missa offerri verum Sacrificium; & hoc ipsum in pluribus CC. definitur; ut in Nicænâ I. can. 14. Toletano I. can. 5. Antisiodorensi cap. 8. Lateranensi cap. 2. Florent. &c. Confirmant hoc etiam vetustissimæ Liturgiæ, (id est Latine *Missæ*); diversarum Ecclesiarum; ut Chrysostomi, Basilii, S. Jacobi Apostoli, & S. Marci Evangelistæ; quæ pro Sacrificatione SS. Eucharistiæ per modum Missæ sunt ordinatæ. Accedit tandem, quòd in Canone Missæ frequenter fiat mentio Oblationis, Hostiæ, & Sacrificii: quod Canon saltem à tempore D. Gregorii Papæ ante annum 1000. integer extabat, ut modò legitur; & licet usque ad tempora Gregorii aliqua verba in eo addita fuerint; adhuc etiam longè antè, & ab ipso Ecclesiæ initio majori ex parte extabat; uti in antiquissimis Græcorum Liturgiis legitur; & in Canonibus Apostolorum; & apud Clementem Papam; & Dionysium Areopagitam, qui ipsis Apostolis convixere.

3. Dico secundò: Valor Sacrificii Missæ est simpliciter finitus. Ita S. Bonavent. & Scotus Quodli.

*Quodl. 20.* Rich. Suar. Aret. Tolet. Navar. &c. Ratio est; quia si Valor Missæ esset infinitus, sufficeret una Missa pro omnibus vivis, & defunctis; & ita satisfaceret obligatus ad plures Missas, legendounicam; quod tamen est contra praxim Ecclesiæ, & Decreta S. Congregationis; habeturque inter propositiones prohibitas nuper ab Alexandro VII. adeoque Valor Missæ est simpliciter finitus.

4. Dico tertio: Sacrificium Missæ est propitiatorium pro peccatis; & hic est primus ipsius effectus. Ita communis T. T. Et constat ex Trident. *sess. 22. can. 3.* dicente, *Si quis dixerit Missæ Sacrificium tantum esse laudis, & gratiarum actionis, aut nudam Commemoratiōnem Sacrificii in Cruce peracti; non autem propitiatorium, &c. Anathema sit.* Et ostenditur etiam Ratione; quia si in antiquis illis Sacrificiis, quæ, tantum erant umbra hujus, fiebat expiatio, saltē legalis: ergo in hoc Sacrificio sit vera expiatio peccatorum. Deinde hoc ipsum indignant iusta verba S. Evangelii; *Hic est Sanguis, qui pro vobis effundetur in remissionem peccatorum.* Et alia S. Pauli ad Hebr. 1. v. 1. *Omnia namque Pontifex ex hominibus assumptus pro hominibus constituitur in his, quæ sunt ad DEUM, ut offerat dona, & Sacrificia pro peccatis.*

5. Dico quarto: Missæ Sacrificium est etiam impetratorium, & meritorium diversorum beneficiorum, gratiarum, bonorum tam corporalium, quam spiritualium; & hic est alter effectus. Ita communis T. T. Et constat ex eodem *cui.* Tridentino; dicente; *Si quis dixerit, soli prodesse sumenti, neque pro vivis & defunctis, pro peccatis, penis, satisfactoriis, & aliis necessitatibus offerri debere; Anathema sit.*

6. Dico quinto: Missa est etiam satisfactoria pro pœnis temporalibus inferendis. Ita DD. Catholici omnes. Et constat primo ex *cui.* Trident. *sess. 22. can. 2.* docente: hoc Sacrificium prodesse pro pœnis, satisfactoriis, &c. Secundo etiam Ratio est; quia Indulgentia in probabiliiori sententia est infallibiliter satisfactoria; ergo & Missa. Deinde Sacrificia antiqua paupertatis ab immunditia legali; adeoque à fortiori Sacrificium novum Missæ emundat à pœnatemporalis peccati.

7. Dico sexto: Missæ Sacrificium prodest animabus in Purgatorio existentibus ex opere operato, & infallibiliter ad remissionem pœnarum, per modum impetrationis ab ipsis consequendam. Ita Suar. Vasq. Amic. Con. Faber noster, & alii. Et constat ex Tridentino *sess. 22. cap. 2.* Et *can. 3.* ubi directè hanc vocat Apostolorum Traditionem. Ratio etiam est; quia cum animæ in Purgatorio sint

vera, ac viva membra Ecclesiæ, atque capacia fructus Sacrificii propitiatorii; non est ratio cur ipsis denegetur prodesse: esse autem viva membra, inde patet; quia sunt adhuc sub potestate, & dominio Ecclesiæ militantis; quamvis enim sint in termino merendi, & demerendi; non tamen sunt in termino solvendi debita contracta in vivis; & idè in forma Ordinationis Sacerdotis dicitur; *Accipe potestatem offerendi Sacrificium in Ecclesia pro vivis, & defunctis;* cum ergo sint sub dominio Ecclesiæ, poterunt Missæ infallibili lege juvari, sicut adjuvantur vivi.

8. Dico septimo: A puncto surgentis auroræ, usque ad meridiem licitum est omni presbytero celebrare Missam. Ita communis Canonist. & Summ. Et constat ex usitata Ecclesiæ praxi. Et conceditur ab Innoc. de *Consecrat. dist. 1. cap. 48.* Porro circa ascensum auroræ

9. Nota secundò: Punctum auroræ, calculò Mathematicorum incipere solidā mediā horā, antequam solare corpus radios vibret supra horizontem; èd quod sol adhuc distet 10. circiter gradibus ab horizonte.

10. Nota tertio: sufficere ad evitandam culpam, si Missa inchoetur modico tempore ante meridiem; vel etiam brevī pōst; uti habet Suar. Rodriqu. Laym. Con. & alii: hoc enim tempus non est ita mathematicè calculandum; cum nulla Ecclesiastica lex exprimat talem calculationem: Imò si deberet porrigi viaticum, & deesset particula consecrata; posset Missa inchoari ante auroram, & post meridiem, absque Episcopolicentia; qui aliàs ob realem, & rationalem causam v. g. presentiam funeris Principis vel similem, potest dispensare in tempore præfixo celebrationi Missarum.

11. Nota quarto: ut licitè & ordinatè celebretur Missa, plura requiruntur: & in primis necessaria est Ara, seu Altare, saltē portatile; uti patet ex variis Capitibus *dist. 1. de Consecrat.* Secundo requiritur calix cum patena; hic debet esse ex auro, vel argento; vel ratione paupertatis saltē ex stanno; uti habetur *cap. ut calix, de Consecrat. dist. 1.* nullò autem modò ex vitro; vel ligno; uti prohibetur *ibidem*: neque ex ære; vel auricalco; uti prohibetur *cap. ut calix*; quia ob vini virtutem æruginem parit, quæ vomitum provocat; ut dicitur *ibid.* Sufficit tamen, cuppam esse ex auro, argento, vel stanno; pes enim potest esse ex ære; vel simili materia; fortè tamen transfret calix ex cupro fortiter inauratus, quales in Urbe Romana in nonnullis Ecclesiis dicuntur esse, secundum Lug. *dist. 20.*

# Tit. XLI. De Celebr. Miss. & Sacram. Euch. & Divin. Offic. 145

12. Nota quintò : Calix cum patena debet esse consecratus ; uti habetur *cap. unic. de S. Multione*. De pyxide etiam, sive Ciborio (idem est de Lunula in Monstrantia seu Melchisedech) aliqui docent, debere esse consecratum : alii melius sistent, sufficere quamcumque simplicem benedictionem ejus ; quam adhibere possunt ii, qui possunt benedicere Corporalia, & reliqua apparamenta, in quibus Chrisma non intervenit. Materia pyxidis hujus non est determinata ; sed ex decencia debet esse eadem, quæ Calicis.

13. Nota sextò : Purificatorium, quod etiam requiritur ad celebrationem, non debet esse necellariò benedictum ; unde posset quis locò Purificatorii mundum aliud strophium sine scrupulo adhibere ; dummodo ipsum postea non applicet ad usus profanos : Ratio est ; quia nulla extat Benedictio Purificatorii in Pontificali.

14. Nota septimò : Requirit etiam ad celebrandum, amictum, albam, cingulum, manipulum, stolam, & casulam ; idque sub mortali secundum DD. communiter ; quamvis, teste Præposito, aliqui probabiliter putent, non fore mortale ; si unum, aut alterum omittatur in necessitate, v.g. cingulum, manipulus, vel stola ; illud etiam probabile est ; Sacerdotem posse uti stolâ pro manipulo, & cingulo ; & similiter manipuliò oblongò, pro stola : Ratio est ; quia similem habent benedictionem.

15. Nota octavò : Requirit similiter, ut Altare, in quo celebratur, sit coopertum mappa triplici ; vel saltè duplici ; quarum una totam ejus mensam tegat : sufficit tamen una longa duplicata. Et si sit necessitas, sufficit una simplex cum Corporali. Ita Azor. Præpositus, &c. hæc si Corporali sit paulò major, potest duplicari. Prædictæ mappæ solent esse ab Episcopo, vel alio potestate habente, benedictæ ; sine mortali tamen secundum DD. plures etiam non benedictæ adhiberi possunt ; maxime quando benedictæ commodè haberi nequeunt. Ita Vasq. &c.

16. Nota nonò : Requirit ulterius pro celebratione Corporale ; quod ex lino tantum esse debet ; nec fericò, vel aurò in medio intextum ; debet esse benedictum ab Episcopo, vel potestate habente, simul cum Palla, quæ censetur esse pars Corporalis. Tambur. tenet Corporale, & Pallam etiam posse esse ex cannabe ; quamvis enim istæ telæ specie physicâ differant ; in acceptione tamen communi hominum censentur linæ.

17. Nota decimò : Requirit etiam lumen

accensum, ex *cap. Lieras, de celebrat. Miss.* quòd verò in Missali præscribantur duæ candelæ, est solum de decencia ; unde in necessitate sufficit lucerna ex oleo ; imò & candelæ ex sævo. Requiritur etiam Crux, in medio Altaris ponenda. Ejus tamen omisso non esset peccatum mortale ; cum nullum Jus, vel consuetudo hoc dicat ; quare ob hujus defectum non esset Missa omittenda : uti notat Herincx, &c. DD. Tandem Altaris frons, seu anterior pars debet esse vestita antependiò. Vide reliqua in *Rubr. Missalis Romani novi*.

18. Nota undecimò : Per unius Missæ celebrationem super Altari non consecrato, ipsum Altare consecrari : Quod similiter dicendū de Calice, ac aliis ornamentis : secundum Diam, Castrum, & DD. complures.

19. Dico octavò : Modò regulariter non licet eidem Sacerdoti legere eodem die plures Missas ; præterquam in Nativitate Domini. Ita communis DD. Et habetur *cap. Consulisti, de Celebrat. Missar.* Et *cap. Te referente*. Dixi modò ; quia olim licitum fuit pluries in die celebrare ; & S. Leo Papa, ac Bonifacius Archi-Episcopus interdu septem, & novem Missas referunt celebrasse. Dixi etiam regulariter, quia à Conclusionē hac excipiuntur casus necessitatis, *eod. cap.* ubi dicitur, *Nisi causa necessitatis suadeat* ; quæ dum adest, pluries celebrare licet ; etiam ter, vel quater : quæ necessitas non debet esse extrema ; sed prudenter determinanda ; ut colligitur ex *cap. Sufficiat, de Consecrat. dist. 1.* Circa hanc

20. Nota duodecimò : Casus necessitatis quinque à Palud. referri : quos etiam admittit Anton. Nav. in *Sum. & Sylv. v. Missa*. *Primus* est ; si aliquis Pastor habeat duas Parochias, nec possit habere substitutum commodè ; hunc casum communiter admittunt DD. imò Vasq. hunc solum ; & prædicatur à nostris Missionariis in Anglia, Hibernia, & Albania. *Secundus* ; si Sacerdos moneatur post Communionem de communicando moribundo ; potest dicere alteram Missam : si autem ante Communionem, debet ex Hostia principali unam particulam reservare. *Tertius* ; in die Dedicationis Ecclesiæ, dum Ecclesia magnum populi concursum non capit ; vel quando peregrini tardè adveniunt die festo ; vel aliqua insignis persona v.g. Episcopus, Princeps, vel similis ; etiam die feriali. *Quartus* ; Pro nuptiis ; ut detur Benedictio. *Quintus* ; propter defunctum, sub Missa tumulandum ; ultimi duo apud me non aded certi sunt.

21. Nota decimo tertio: In casibus præfatis, si bis celebraretur, requiritur, ut Sacerdos dum primò sacrificat, sciat se postea iterum debere celebrare; adeoque ne sumat ablu-tionem; uti monent DD. si autem jam sum-psisset ablu-tionem, divisi sunt DD. alijs affir-mantibus; alijs negantibus, quòd possit se-cundò celebrare: Cæterùm lege Capitula hujus Tituli, clara ex se. Vide etiam pluri-mas resolutiones concernentes hanc materi-am in *Scholâ mea Theologica, tom. 3. de Sacra-mentiis, dist. 5.*

## CAP. II.

### De Sacramento Eucharistiæ.

1. **N**ota primò: *Eucharistia* vox Græca est, Latine sonat *bonam gratiam*; vel quia Christum gratiæ bonæ Auctorem continet realiter; vel quia futuram gloriam ex Christi gratia dandam significat; unde & futuræ gloriæ pignus dicitur. Alij transfe-runt *Gratiarum actio*; quia in honorem Pas-sionis, & mortis Christi in gratiarum actionem consecratur.

2. Dico primò: Eucharistia est propri-um, & verum Sacramentum. Ita constat *primò*, ex Florent. Concil. Lateranensi *cap. firmi-ter*; & Carthaginensi 3. *c. 14.* ante mille du-centos, & amplius annos celebrato. *Secun-dò* ex perpetua Ecclesiæ traditione, & omnium SS. PP. consensu. *Tertiò* ex S. Matth. 26. Mar-ci 14. Luc. 22. Joan. 6. ad Cor. 1. *cap. 11.* quibus in locis habetur ejus institutio. Etratio est; quia species panis, & vini sunt quid sensibile, à Christo ordinatum ad significandam gra-tiam. Deinde congruum fuit, inquit Scotus, ut Christus esset nobiscum in aliquo signo sensibili sacramentali, ut magis excitetur qui-libet ad reverentiam, & devotionem ad Chri-stum.

3. Dico secundò: Eucharistia bene de-finitur sic; *est Sacramentum ex institutione Di-vina veraciter significans sub speciebus panis, & vini, corpus & sanguinem Christi realiter conti-neri.* Ly *Sacramentum* est genus; cæteræ particulae sunt differentiales. Per ly *ex insti-tutione Divina* insinuaturs causa principalis; scilicet DEUS omnium Sacramentorum Au-thor. Per ly *veraciter significans*, insinuaturs forma Eucharistiæ, quæ est relatio signi ad si-gnatum. Per ly *sub speciebus panis & vini*, denotatur materia conversionis; quæ est fun-damentum proximum talis relationis. Ad-ditur *corpus, & sanguinem*; ut ostendatur ter-minus, & significatum talis relationis.

4. Dico tertio: Sacramentum Eucharis-tiæ est institutum in ultima Cæna. Ita com-munis TT. Et constat tum ex S. Evangelijs Matth. 26. Et Marci 14. Et Lucæ 22. Et Joannis 6. Tum ex Clement. unic. *de Reliquiis, & vene-ratione Sanctorum.*

5. Dico quartò: Sacramentum Eucha-ristiæ est institutum post Cœnam Legalem, seu Cæremonialem agni. Colligitur ex Trident. *sess. 22. c. 1.* dicente; *Celebrato veteri Pascha novum instituit Pascha.* Item ex Clement. u-nica *de Reliquiis.* Et ex illo Ecclesiæ Hymno: *post agnum typicum explevis epulis.* Habetur etiam apud S. August. *Epist. 118.*

6. Nota secundò: An autem sit institutum sub initium; an verò postquam fuit incepta; an denique sub finem Cœnæ Usualis seu Com-munis (quæ Cœna Usualis plerumque post Cœnam Legalem festinanter absolvi solitam, fiebat in magnis familijs, quibus unus agnus non sufficiebat pro explenda fame omnium) inter DD. controversitur. Ego puto fuisse institutum hoc Sacramentum sub finem Cœ-næ Usualis; Ratio mea sunt illa Hymni verba allata; *post agnum typicum explevis epulis.* Et illa verba S. Lucæ, & Pauli; *similiter & ca-licem postquam cenavit dicens*: Intellige de plena Cœna. Deinde Joannis 13. Christus di-citur, *lavisse pedes Discipulorum* (quos lavit ante institutionem Eucharistiæ) cœnâ factâ, utique Usuali; cum de ea subiungatur; *Sur-git à Cœna, & ponit vestimenta sua*; Cœna au-tem Legalis Agni Paschalis fiebat stando jux-ta legem: ergo cum dicatur sedisse Christus, sedit ad comestionem Usualis Cœnæ; & illâ factâ surrexit ad lotionem pedum, & factâ lo-tione iterum recubuit, ad instituendam Eu-charistiam: ergo &c.

7. Dico quintò: Materia idonea, neces-saria, & sufficiens ad consecrandum Corpus Christi est solus panis triticeus. Ita commu-nis Catholicorum. Et constat *primò* tum ex definitione Florent. *sess. ult.* ante Literas U-nionis. *Secundo* ex ipsi's Literis Unionis; & Decreto Eugenij, quod habetur post *sess. ulti-mam*, in quo definitur, Materiam Eucharistiæ esse panem triticeum, & vinum de vite. *Ter-tiò* patet ex facto Christi, qui hoc Sacramen-tum instituit in pane usuali; sed panis usualis fit ex tritico passim; nam omnis alius substi-tuitur tantum in defectum ejus; & panis tri-ticeus solo nomine panis venit; reliqui cum addito, v. g. panis hordeaceus, avenaceus, &c. Accedit tandem totius Ecclesiæ usus; & per-petua Traditio: SS. item Patrum consensus, in Conclusionem conspirantium: &c.

8. Nota tertio: Sed valde dissentiunt AA. quæ-



## Tit. XLI. De Celebr. Miss. & Sacram. Euchar. & Divin. Offic. 147

AA. quænam genera frumentorum sint verè triticum. Nam siliginem, far, & speltam multi putant esse essentialiter triticum (de hordeo, avena, milio communiter omnes negant.) Alij plures negant. Ego puto hanc esse regulam generalem servandam circa naturam tritici; ut illud genus frumenti assumatur pro Materia idonea Eucharistiæ, & dicatur triticum, quod communiter à peritissimis rei rusticæ in hac, vel illa regione censetur esse triticum, vel in specie infima, vel in genere.

9. Nota quartò: graviter peccare eum, qui in Materia aliqua, de qua inter DD. controversia est, consecrat. Ratio est; quia secundum Theologos circa Materiam, & formam Sacramentorum tutior opinio est eligenda; & quia hoc Sacramentum non est necessarium necessitate medijs ad salutem; facileque exponeretur irreverentiæ Venerabilissimum hoc Sacramentum.

10. Nota quintò: Circa *Siliginem* speculative loquendo putant AA. probabile valde esse, ipsum esse triticum speciem veram; minùs tamen præstantem, differentem tantum accidentibus, à perfectò tritico, ob terræ siccitatem seu sterilitatem, ob quam etiam usitatum triticum degenerat in siliginem; quare hanc esse Materiam aptam Consecrationis censet D. Thomas, & alij. Henric. Estius, Sotus, Præpositus hoc idem probabile censent de *Spelta*, & *ferre* delicatissima specie tritici; quæ videntur naturam tritici participare, odorem, saporem, ac efficaciam.

11. Dico sextò: Panis triticeus debet esse confectus ex pura farina triticea, & aqua naturali. Ita communis DD. Et constat ex *cap. 1. & 4. & 7. de Consecrat. dist. 2* Et quia Christus in ultima Cæna ejusmodi pane usus est.

12. Ex quo infero primò: quòd panis triticeus confectus ex farina, lacte, oleo, aut simili liquore non sit Materia idonea; talis enim non censetur esse panis usualis; sed placenta, aut aliud genus massæ. Idem dicendum si notabilis quantitas aquæ artificialis v. g. rosæ admisceatur: nam quamvis, ut dicit Cajet. & Ponc. oppositum sentientes, aqua rosacea non esset specie physica diversa ab aqua naturali (quod tamen negari potest; cum qualitates aquæ rosæ sint plurimum activæ, & specie diversæ) est tamen diversa specie morali; nam unum est in genere assumptorum ad aliquid ad placitum significandum; aliud verò non, quod maximam facit differentiam; ut patet in vocibus ad placitum assumptis ad diversos conceptus significandos.

13. Dico septimò: Ad validam consecrationem Sacramenti Corporis Christi assumi potest vel Azymus, vel Fermentatus panis. Ita omnes Latini, & Græci uniti. Et constat primò ex Florent. in Litteris Unionis dicentes. *Definimus in Azyzo, sive in Fermentato pane triticeo Corpus Christi veraciter confici, Sacerdotisque in alterutro ipsum Domini corpus conficere debere, nunquamque scilicet juxta sua Ecclesia sive Occidentalis, sive Orientalis consuetudinem.* Secundò etiam Ratio est; quia uterque panis verè, & propriè est panis triticeus, & usualis &c. Ratio de *Fermentato* particulariter est; quia hic est aptissimus ad usum sustentandi hominem; per quem usum effectus hujus Sacramenti significari debet. De *Azyzo* verò patet ex S. Scriptura, quæ dicit Christum consecrâsse panem, & vinum die Azymorum, in quo non licebat Judæis habere Fermentatum apud se; & quando manducavit cum Discipulis in Castello Emaus, ut habetur Matth. 26. Marc. 14. Et Luc. 22.

14. Dico octavò: Licet valida sit consecratio Eucharistiæ in utroque pane atamen tenentur Latini existentes in Latinorum terris, semper conficere in Azyzo, sub peccato mortali. Est communis TT. Et constat ex Concil. Florent. *cu. docente*; quòd qui viviteneatur ritum suæ Ecclesiæ sequi in conficiendo, cujus est membrum. Et hoc idem expressè etiam mandat Pius V. in Constitutione *Providabit &c.* quibus proinde Ordinationibus non licet contraire sub gravi culpa. Unde

15. Infero secundò: ex communi sensu DD. neque necessitas Viatici, ad celebrandum in Fermentato excusat apud Latinos. Quamvis Tannerus, & nonnulli alij oppositum etiam probabile censeant. Infero tertio: Latini Sacerdotes iter facientem per Græciam, & Græcum per terras Latinorum posse vel servare ritum suæ Ecclesiæ in celebrando; vel certè ritum Ecclesiæ, in cujus territorio peregrinatur. Primum constat ulterius ex Concilio Florent. *citato*, in quo dicitur, *Unumquemque juxta suæ Ecclesiæ consuetudinem conficere debere.* Secundum petitur ex doctrina S. Augustini, & Ambrosii, quæ habetur *can. illa, dist. 12.* docentium, quemlibet se posse accommodare Ecclesiæ moribus in qua versatur, etsi contrarietur moribus proprijs.

16. Nota tamen sextò. Si Latinus fixisset domicilium in Græcia, teneretur sequi ritum Ecclesiæ Græcæ; idem dicendum de Sacerdote Græco. Ratio est; quia ratione domi-

domicilij fit incola; adeoque obligatur ritibus, & legibus Loci. Excipe calum quò Latini in terris Græcis habent proprium aliquod templum Latini ritus; aut Græci e contra in nostris terris.

17. Dico nonò: solum vinum de vite est apta Materia ad Consecrationem Sanguinis Christi. Est communis Catholicorum, cum Scotus 4. d. 11. q. 7. Et constat *primò* ex Florent. in Decreto de Armeniis, & Trident. sess. 13. Estque communis, ac perpetuus usus Ecclesie, quæ nunquam alium liquorem admisit. *Secundò*, ex facto & institutione Christi Matth. 26. qui cum vinum consecrasset illis verbis, *Hic est sanguis meus*; statim subjunxit illa verba; *Non bibam amodo de hoc genimine vitis*. Idem habetur, Marc. 14. Congruentiam addit Scotus 4. dist. 11. q. 7. quia *secunda pars principalis invocationis, id est potus, principaliter consistit in vino, tanquam potu principali*. Et de hoc habetur de Conf. d. 2.

18. Ex his infero quartò: nullum alium liquorem, à vino vitis distinctum, esse Materiam sufficientem; Unde excluduntur *primò* vina ex pomis, malogranatis, moris, frumento, & similibus confecta; quæ improprie dicuntur vina; eò quòd colorem, vel similitudinem vini repræsentent. *Secundò* excluduntur aliqui liquores, qui licet sint ex uvis, non tamen sunt vinum usuale; talis liquor insufficientis est agresta, sapa, & acetum, si jam proprie sit acetum: tunc enim specie differt à vino, ut ex utrisque diversis proprietatibus constat. Excluditur etiam vinum aquatum, seu Lora; quia substantiam vini non habet; cum fiat ex maceratis aqua vinaceis post mustum ex acinis expressum. Ubi tamen fieri solet vinum cum aliqua aquæ infusione, vel in musto, vel in racemis, antequam exprimantur, ex vigore & fortitudine vini judicandum est, & proportionem aquæ, an talis potio vini substantiam retineat; hoc totum peritorum judicio committendum censeo. *Tertiò* excluditur à materia apta hujus Sacramenti Calicis, vinum in pane imbibitum, quia tale vinum non habet rationem potus, qualis debet esse Materia calicis: quamvis si post Consecrationem imbibatur, conservabitur ibi Sanguis Christi; donec vini species siccetur, & simpliciter corruptantur. Ratio est; quia quoad hoc plus requiritur ad consecrandum, quàm ad conservandum; quia in Consecratione debet verificari pronomen *Hic* ostendens per modum potus spiritualis sanguinem Christi; facta autem

semel Consecratione, talis demonstratio non est amplius necessaria; sed sufficit, si tantum retineat species vini.

19. Infero quintò: mustum esse etiam validam Materiam hujus Sacramenti. Ratio est; quia est verum vinum; imò occurrente necessitate consecratur in eo etiam licite: ut patet ex cap. *Cum omne crimen, de Consecrat. d. 2.* Extra necessitatem autem hoc non licet, propter impuritatem, & fæces permixtas; sicut illicitè consecratur vinum alijs liquoribus, vel etiam aromatibus permixtum.

20. Dico decimò: Vinum congelatum est sufficiens Materia Consecrationis. Est contra Alanum, Ledesnam, Armillam, Henricum, &c. Ratio est; quia, ut docet Scotus 4. d. 12. q. 4. vinum condensari potest, & rarefieri subsistente essentia vini; cum rarefactio, & condensatio substantiam vini non destruant; sicut congelatio aquæ, olei, & cujusvis liquoris fluxibilis non destruit præfatos liquores; quod patet ex eodem colore, sapore, vigore, post solum gelu, in eis reperitis; unde etiam si post Consecrationem accedat congelatio, adhuc permanet ibi Sanguis Christi: adeoque vinum congelatum est sufficiens Materia Consecrationis.

21. Dico undecimò: Quodcunque vinum de vite, album, rubrum, ex utroque mixtum, cujuscunque regionis, est unum ab alio fore specie distinctum, est materia Consecrationis. Ita communis DD. Ratio est; quia quodlibet habet veram, & essentialem rationem vini; nihilque est, unde vel leviter coniici possit, unam potius vini speciem, quàm aliam esse institutam: imò ex praxi Ecclesie constat contrarium.

22. Ex his infero sextò: vinum crudum, & certis pluviosis annis valde accesscens valide posse consecrari, etiam si tendens ad interitum; uti habet D. Thomas, Herincx, & alij. Estque ratio quia adhuc est verum vinum. Quòd si autem sit ita alteratum, ut non possit discerni, num vinum sit, vel acetum; non debet in eo celebrari, etiam præsentem maximo populo; & licet urgeat Communio Paschalis. Ratio est; quia plus urget reverentia Sacramento huic debita, quæ certam materiam postulat, quàm præceptum audiendi Missam, vel communicandi.

## Tit. XLI. De Celebr. Miss. & Sacram. Euch. & Divin. Offic. 149

23. Nota septimò : In Concil. Florent. fuisse acrem controversiam cum Armenis, utrum vino consecrando debeat aqua misceri: ipsi enim hæresi Eutychianâ infecti, noluerunt in Sacrificiis miscere aquam vino, nè in Christo duas naturas admittere viderentur, prout narrat Niceph. lib. 28. c. 53. Quos in hoc imitantur Lutherani, & Calvinistæ, qui in suo calice, aquam non admiscunt vino, totâque Ecclesiam propter hanc cæremoniam rident.

24. Dico duodecimò : In Calice Consecrationis est permiscenda aqua vino, in modica quantitate; non de necessitate Sacramenti, aut præcepto Divino; sed vi præcepti purè Ecclesiastici. Ita communis IT. Primum inde constat; quòd plura Concilia hanc aquæ mixtionem præceperint : ut Tolet. Carthag. Braccaren. Florent. in Decreto *fidei*, & tandem Trident. *sess.* 22. c. 7. quare omnes conveniunt AA. Sacerdotem gravissimè peccare, talem omittendo aquæ affusionem; idèoque si ante Consecrationem advertat aquam non miscuisse; tenetur semper illam apponere. Deinde idem fundatur in factò Christi, qui teste Trident. *cit.* creditur ita fecisse; non tamen tanquam esset de necessitate præcepti ejus Divini, nobis hoc idem faciendum; tandem quia per talem admixtionem bene repræsentatur mysterium illud, quòd de latefæ Christi exiit sanguis, & aqua: & illud aliud, quòd sicut aqua miscetur vino; sic populus, qui per aquam significatur, conjungitur Christo, qui per vinum figuratur. Ratio secundi, scilicet, quòd non sit necessaria talis mixtio necessitate Sacramenti, aut præcepti Divini, colligitur ex iisdem *cit.* CC. & signanter Florentino, præcipiente Armenis servare hunc ritum miscendi aquam vino, propter conformitatem Ecclesiæ; non propter veritatem Sacramenti. Et Trident. dicente *sess.* 22. *cap.* 7. hanc mixtionem debere tantum ex Ecclesiæ præcepto fieri. Accedit consensus omnium SS. PP. unicò Cyprian. exceptò. Remanet ergo tertium verum; quòd scilicet sit solum præceptum Ecclesiasticum de affusione aquæ in calicem.

25. Dico decimotertiò : Probabilius est, sola illa quatuor verba *Hoc est Corpus meum*, sufficere ad validam formam consecratiæ Corporis Christi. Ita Scotus, & alii DD. Ratio est; idèò alia verba præcedentia etiam spectarent ad essentiam validæ formæ Consecratiæ Corporis Christi; quia forma Consecratiæ ab eis pendet quoad hoc, ut proferatur forma in persona Christi, & non ipsius Consecrantis; sed forma Consecratiæ valida ab eis sic non dependet: ergo &c. Patet Min.

ut forma proferatur in persona Christi, totum pendet ex intentione Ministri volentis facere, quod fecit Christus; quod inde constat; quia si quis millies omnia verba præcedentia, & ipsam etiam formam Consecratiæ proferret, non habendo intentionem de prolatione eò modò, quò Christus ea protulit, tantum materialiter, & recitativè sine ulla Consecratione illa proferret: ergo &c.

26. Dico decimoquartò : Forma consecratiæ sanguinis in illis verbis solis essentialiter consistit; *Hic est calix Sanguinis mei*; vel in his æquivalentibus; *Hic est Sanguis meus*. Ratio est; quia credibile non est, Evangelistas, & Paulum 1. *Cor.* 11. ubi de institutione hujus Sacramenti loquitur, Formam debitam omisisse: imò tenendum est, singulos posuisse integrum ritum essentialem hujus Sacramenti; sed verba sola in Conclusionem specificata ponuntur ab omnibus; sequentia verò, vel aliqua à nullo ponuntur, vel saltem non ab omnibus; nam Matthæus, & Lucas omiserunt particulam *pro vobis*; Marcus ly *Remissionem peccatorum*; omnes omiserunt ly *eternum*, & *mysterium fidei*: similiter in Lyrurgia S. Jacobi, Marci, & Basilii, quibus utuntur Græci sine reprehensione, non ponitur ly *Mysterium fidei*: in Lyrurgia S. Matth. pro Æthiopibus composita, non habetur ly *Novi & æterni Testamenti*: Plura de hoc Sacramento Capitula vide in Corpore Juris, quæ clara sunt: & plurimas resolutiones circa idem in *Schola mea Theologica*, tom. 3. *Tract. de Sacramentis. dist.* 4. per totum.

## CAP. III.

### De Divinis Officiis.

1. Nota primò : per Divina Officia hoc *tit.* specialiter Papa intelligit Horas Canonicas. Et primò ordinat *cap.* 1. *hoc tit.* ut Presbyter recitet Horas Canonicas horis competentibus, cessante legitimo impedimento; etsi ex justa causa easdem persolvere possit manè usque ad Vesperas inclusive. Secundo prohibetur *cap.* *Dolentes* 9. nè Prælati Ecclesiastici vacent usque ad median noctem comestationibus superfluis, vel confabulationibus: & nè Matutinum continuâ Synopâ, id est syllabarum concisione, abbreviatione, vel omissione transcurrant. Tertiò ordinatur *cap.* *Gravi* 1. *hoc tit.* ut Superiores sollicitè curent, quatenus in Ecclesiis eorum horis debitis psallatur, & Officium Divinum diurnum & nocturnum debitè persolvatur.

2. Nota secundò : plurimas resolutiones concernentes Divina Officia seu Horas

Canonicas, vide in *Schola mea Theologica*, tom. 4. *Tract. de Religione*, diff. 2. per totum.

## CAP. IV.

### De Privilegiis Minoritarum circa Celebrationem Missæ.

**D**ico primò : Fratres Minores, uti & alii Regulares præterit Mendicantes possunt dicere Missas diebus Dominicis, & Festis, quæcunque horâ debitâ; etiam antequam Parochus Loci, vel Rector principalis Ecclesiæ celebraverit. Ita declaravit S. Congregatio Concilii, n. s. in Declarationibus, quæ ponuntur à Peyrino, super Conslit. 7. Pii V. §. 10. Et Leo X. Conslit. 21. *Intelleximus* &c. declarat audientes Missam in Festis, & Dominicis apud Regulares, Ecclesiastico præcepto satisfacere.

2. Nota deinde primò : Fratribus Minoribus, & cæteris Regularibus privilegiatis varias esse factas concessionem celebrandi unâ horâ antequam auroram; imò ex concessione Leonis X. statim post Matutinum, & post Meridiem, etiam usque ad horam 9. Hebraicam, hoc est, tertiam nostram pomeridianam, rationabili occurrente necessitate; quæ videri possunt in compendio Privilegiorum, verbo *Missæ*. Nec revocata esse hæc Privilegia per Tridentinum *sess. 22. contra aliquos docet Roderiq. tom. 1. q. 41. art. 1. Lugó, & alii DD.*

3. Dico secundò : Possunt omnes Sacerdotes Ordinis FF. Min. de Observ. & Ref. ac alii Regulares, de licentia duntaxat sui Superioris in Oratoriis, in domibus privatis erectis, debitè dispositis, & ritè conservatis, atque extra proprias Ecclesias in vim suorum Privilegiorum, seu principaliter, seu per communicationem concessorum, in requisitis Parochis, & quocunque alio Superiore, Missam celebrare, & SS. Eucharistiæ Sacramentum administrare. Constat ex Bulla Pauli IV. quæ incipit, *Cum sicut exponi*, edita ad instantiam F. Angeli Averla Ordinis nostri Seraphici Generalis. Et alia Clementis VII. quæ incipit, *Nuper nobis*. De his legatur noster Moronus, *Responsio 99.* ubi efficaciter probat, Regulares posse Missas celebrare, & SS. Eucharistiæ distribuere in Oratoriis Sæcularium privatis, in requisitis, & contradicentibus Parochis, ac Episcopis.

4. Nota secundò : FF. Minores, ac alios Regulares ubique locorum in Altari portatili sine licentia Episcopi posse Missam celebrare;

modò sit locus reverenter, & decenter accommodatus; non tantum tempore necessitatis; sed quocunque tempore, cum opportunum iudicatum fuerit. Et patet ex concessione Clementis VI. quæ incipit, *Virute conspicuus*. Idem concessit nobis Minoribus Alexander IV. Et Societati JESU Paulus III. Bulla incipit: *Licet debitum*; in qua Concessione communicamus nos Minores. Quod Privilegium concessum est etiam à Gregorio IX. & Archiepiscopo Linconienfi directum, atque Juri communi insertum *cap. In his, de Privilegiis, & excessibus Privileg.* in quo aperte hæc veritas pro Minoribus, & Dominicanis definitur.

5. Ex quo Privilegio 4. manifesta sunt. *Primum*, Minores, & Dominicanos illam facultatem ubique celebrandi in Altari portatili possidere. *Secundum*, illam facultatem à Jure esse confirmatam. *Tertium*, Esse independentem ab Episcoporum assensu. *Quartum*, Interpretationem illam, quæ ad facultatis huiusmodi usum, Episcoporum assensum desiderare videbatur, à Jure esse reprobam. Ita habetur in Bullario Roderici, inter Constitutiones dîctorum Pontificum.

6. Nota hic tertio : Quamvis prædictis privilegiis obflare videatur Decretum Tridentini *sess. 22. cap. un. de observandis, & evitandis in Celebratione Missar.* sequentis tenoris ad Episcopos directum; *necè patiamur privatis domibus, atque omnino extra Ecclesiam, & ad Devotum tantum cultum dedicata Oratoria, ab eisdem Ordinariis designanda, & visitanda, sanctum hoc Sacrificium a Sæcularibus, aut Regularibus quibuscunque agi; additurque in fine non obstantibus Privilegiis, &c.* Verumtamen dico cum Canonistis Regularibus Brugnoli, &c. quod si vis illius clausulæ, *non obstantibus Privilegiis*, afficeret Regulares, eorundem Privilegia; non propterea revocaret hoc Privilegium Gregorii IX. cum sit insertum Juri communi *cap. In his, de Privil.* Ratio est; quia inserta Corpori Juris, similibus clausulis revocatoriiis, *non obstantibus Privilegiis, &c.* minimè tolluntur: quod sic probò; idem prorsus Privilegium à Jure communi concessum fuit Episcopis, sicut & Regularibus; sed per dictam clausulam, quæ æquæ ad Episcopos, ac ad Regulares, ex vi verborum sese extendit, cum sit universalis, dictum Privilegium firmum subsistit pro Episcopis, & non censetur revocatum; uti constat ex Declaratione Cardin. referente Barbosâ, pronunciata 9. Septembris 1591. ergo nec revocatum est pro Regularibus. Ita tenet Brugnoli, Diana, & alii DD. apud ipsum p. 4. *tract. 4. Miscel. resolutione 106.* In hoc puncto tamen Privilegium sit clarum, & sine

Scrupulo

Scrupulo Regulares, præsertim Mendicantes, super portatili possint in quocunque loco honesto celebrare Missam; attamen pro pace conservanda inter nos, & Locum Ordinarium, quantum fieri potest commodè, remittantur pro facultate, seu annuentia ad Ordinarium sæculares, qui Missas à nobis desiderant in domibus.

7. Nota tandem: Esto quòd Tridentinum revocet prædictum Privilegium; quod firmiter negat Rodericus, & alii: attamen Regulares eò non obstant, in suis Missionibus, uti possunt Privilegiò Gregorii XIII. Societati JESU concessò, & per communicationem extenso ad alios Ordines.

## TITULUS XLII.

### De Baptismo, & ejus Effectu.

#### CAP. I.

De Quidditate, Institutione, Necessitate, Varietate, Materia, Forma, Ministro, Cæremoniis, & Patrinis Baptismi.

1. **N**ota primò: Post *tit. de Sacramento Eucharistia*, quòd nihil in Sacrificiis potest esse majus, *cap. nihil 8. de Consecrat. dist. 1.* meritò Pontifex subtexiit *hunc* de alio Sacramento, unicè necessario ad salutem, scilicet de Baptismo. Est autem hæc vox *Baptismus* Græcum vocabulum, & significat *lotionem, immersionem*, seu *lavacrum*: In Ecclesia verò instituta est ista dictio ad significandam specialem abluentionem animæ.

2. Dico primò: bene definitur Baptismus dicendo, *est Sacramentum abluentionis animæ à peccato, consistens in abluente hominis aliquantulum consentientis, facta in aqua ab alio ablente, cum intentione debita prolatis*. *Ly Sacramentum* est genus; *ly abluentionis animæ*, designat effectum Baptismi: *ly in abluente* designat materiam proximam: *ly facta in aqua*, significat materiam remotam; *ab alio ablente* ostendit Ministrum: *in verbis certis* denotat formam.

3. Dico secundò: Verisimilius Baptismus fuit à Christo institutus ante mortem; licet certum tempus assignari non possit, in quo fuerit peracta ista institutio. Ita Scotus *4. d. 3. q. 4.* Faber, Hicqu. Aret. Ponc. Brancatus, &c. Est hæc sententia jam communior cum S. Augustino *trakt. 5. c. 13.* & *11. in Joan.* Item *113. Origene rom. 7. in Joan.* Cyril. *lib. 2. in Joan. c. 12. c. 13.* Et constat ex ipsa Evangelica narratione; quia *Joan. 3.* habetur, Christum ante passionem, & mortem suam per Discipulos baptizasse; adeoque Baptismus fuit institutus ante mortem Christi.

4. Dico tertio: à quo Lex Evangelica ce-

pit obligare, Sacramentum Baptismi in re, vel in voto est regulariter omnibus parvulis, & adultis necessarium, necessitate mediæ. Ita communis D.D. Et constat primò; quia ita definitur in Tridentin. *sess. 6. c. 4.* Florent. in Decreto Eugenii. *Secundo*; quia ita sentiunt S.S. PP. & quidem Augustinus Conclusionem probat sermè ubique, ubi contra Pelagianos agit, maxime quoad parvulos. Deinde Cyprianus *Epist. 59.* dicit, universo Concilio visum esse, baptizandos esse infantes, etiam intra primum, & secundum diem à nativitate; quia, inquit, *si fieri potest, quantum in nobis est, nulla anima perdenda est*. S. etiam Bernardus specialiter de parvulis loquitur *Epist. 240.* Parvulus, inquit, *Christianorum Christi intercluditur vita, dum Baptismus negatur gratia, nec salutis propinquare sibiuntur. Salvatore licet pie clamante: sine parvulos venire ad me*. Ratio tertio est (præter totius Ecclesiæ consensum) quia, ut fides contra Pela. docet, omnes tam parvi, quàm magni (excipe Electam ex millibus) peccaverunt in Adam, poenæ æternæ obnoxii: adeoque egent de necessitate remedio salutis: sed nullum aliud congruentius assignari potest, quàm Baptismus: ergo &c. Præterea sicut unica via contrahendi originale peccatum, est nasci in Adam, ita unica via restaurandi primam gratiam, debuit esse renasci in Christo per hoc Sacramentum: ergo &c. Dixi notanter in Conclusionem: *in re, vel in voto*; quia certum est, & omnes PP. docent, in casu, quò Baptismi Sacramentum re ipsa ob aliquod legitimum impedimentum suscipi non posset, sufficere votum ipsius, vel virtuale, vel formale; Unde & Tridentinum *sess. 14. c. 4.* docet contritionem sine Baptismo in re suscepto aliquando sufficere.

5. Nota secundò: si loquamur de Baptismo suprà definito, unicus tantum est, dicente Paulo ad Ephes. *4. Unus Dominus, una fides, unum Baptisma.*



**Baptisma.** Verum cum vocabulum hoc latius patiatur sensum; ideo Theologi tres communiter distinguunt Baptismos, Fluminis, Fluminis, & Sanguinis: De quibus etiam fit mentio in Jure Canonico de *Consecrat. dist. 4. cap. Baptismi vicem.* Baptismus Fluminis, seu Aqua est ille Baptismus definitus suprâ. Baptismus Fluminis est desiderium, & votum formale, vel virtuale suscipiendi in re Sacramentum: formale quidem, si quis expressè cuperet Baptismum: virtuale, si quis invincibiliter ignorans necessitatem Baptismi haberet actum amoris supernaturalis, seu contritionis de peccatis, in quo virtualiter continetur quicumque alius actus DEO placens. Sanguinis est Martyrium propter DEUM acceptatum: de quo S. Cyprian. in *Exhortatione ad Martyres* dicit: *esse Baptisma in gratia majus, in potestate sublimius, in honore pretiosius, quod nos de mundo recedentes statim DEO copulat.*

6. Dico quartò: in defectu Baptismi fluminis sufficit Baptismus fluminis ad obtinendam salutem, & justificationem. Ita communis Catholicorum. Et constat ex omnibus illis Scripturis, in quibus promittitur justificatio, & peccatorum remissio hominibus verè pœnitentibus: cujusmodi est illa Ezech. 18. *si autem impius egerit pœnitentiam, vivit: & cum avertierit se impius, ab impietate sua animam suam vivificabit.* Sic legitur Act. 10. Cornelium Centurionem ante assumptionem Baptismi fluminis, fuisse justificationem per solum Baptismum fluminis. Consentit doctrinæ nostræ Tridentinum *sess. 14. c. 4.*

7. Dico quintò: etiam Baptismus sanguinis sufficit ad obtinendam justificationem, & salutem; quando non potest applicari Baptismus fluminis. Est pariter recepta doctrina apud Catholicos omnes. Et primò constat ex S. Scriptura Matth. 10. *Qui constituitur me coram hominibus, constitutebor & ego cum coram Patre meo.* Et Marci 8. *Qui perdidit animam suam propter me, & Evangelium, salvam faciet eam;* qui passus loquuntur de Martyrio, ut sufficiente ad salvandam animam: ergo &c. *Secundo patet ex SS. PP.* docentibus Martyrium conferre gratiam ex opere operato; adeoque per modum Baptismi sufficientem ad salutem: sic loquitur S. Cyprian. & August. *lib. 13. de Civit. Dei cap. 7.* ubi æquiparat, imò extollit virtutem Martyrii super virtutem Baptismi. Tertiò Ratio est; quia valde consentaneum est Divinæ misericordiæ, ut iustificet tam bene hos, qui pro DEI honore proprio consperguntur sanguine; quàm illos, qui aquâ baptismali abluuntur.

8. Dico Sextò: Sola aqua simplex naturalis, elementaris, est legitima Materia remota Baptismi. Ita definitur in Florentino: Et Tridentino *sess. 7. can. 2.* his verbis; *si quis dixerit, aquam veram, & naturalem non esse de necessitate Baptismi, atque ideo verba illa Domini Nostri JESU Christi, nisi quis renatus fuerit ex aqua, & Spiritu S. ad metaphoram aliquam detorserit; anathema sit.* Rationem quoque colligunt PP. & DD. ex illo Joan. 3. *nisi quis renatus fuerit ex aqua, & Spiritu Sancto.* Item *Act. 7. v. 36.* *Ecce aqua, quid prohibet me baptizari?* *Ad Ephes. 5. v. 26.* *mundans lavacro aquæ.* Nec aliter potest probari conclusio, inquit Scotus 4. *dist. 3. q. 3.* nisi ex voluntate Christi instituentis aquam veram, & naturalem pro Materia Baptismi. Subdit tamen hujus Institutionis Congruentias; quia aqua est frigida, fluida, lucida, necessaria, & communis; quæ proprietates illi humori conveniunt, in quo debet fieri Baptismus; quia Baptismus est institutus ad reprimendum æstus concupiscentiæ, ad flectendum rigorem inobedientiæ, ad illustrandam claritatem Fidei, ad introducendum in viam salutis, & est communis omnibus, & omnibus necessarius.

9. Ex his inferuntur sequentia Corollaria. *Primum;* vinum, sanguinem, lac, oleum, lachrymas, salivam, sudorem, urinam, phlegma, & similia corporis humani excrementa. Item liquorem, & succos herbarum, arborum, florum, granorum, & similibus; non esse materiam idoneam hujus Sacramenti. Ratio est; quia non sunt aqua naturalis. *Secundum* idem de nive, grandine, glacie, sale marino, nisi prius dissolvantur, esse dicendum. Ratio est; quia licet sint aqua elementaris, non tamen usualis; quia non sunt fluida aqua. *Tertium;* idem de aqua artificiali v. g. rosea, quæ scilicet fit per expressionem, vel distillationem alicujus mixti, esse judicandum. Colligitur ex *cap. penult. de Baptismo.* Ratio est; quia talis aqua non est elementaris; sed potius subtilior, & melior pars mixti. *Quartum* per oppositum, aquam elementarem, si ve calida sit, si ve frigida, pluvialis, fluvialis, lacunalis, fontana, marina, acidula, dulcis, vel sulphurea (ut est thermarum) pura & non mixta, turbida, vel parum lutosa, esse materiam idoneam Baptismi; quamvis extra necessitatem ob Sacramenti reverentiam istæ impuriore non sint adhibendæ. Ratio est; quia in his omnibus qualitatibus manet aqua secundum rationem veram aquæ. *Quintum;* & sit generalis regula in hac materia; si aqua elementaris sit ita notabiliter admixta, ut mutetur tota species, vel sal-

tem

tēm ut liquor magis participet de alio corpore mixto, ut sit in plegmate, saliva, cerevisia crassa, & bene cocta. Item si sit sic mixta, ut tali mixtione impediatur ablutio, v. g. in spongia, vel pasta; tunc non esse materiam sufficientem.

10. Sed quid sentiendum de quibusdam alijs alterationibus, ut de juscule tenui, cui parum succi carni est admixtum; de aqua farinata, cerevisia tenui, & malè cocta, lixivio &c? Respondeo in his, si necessitas extrema urgeat, posse baptizari sub conditione; repetendum tamen esse deinde Baptismum cum conditione.

11. Dico septimò: Materia proxima Baptismi est ipsa corporis in aqua ablutio, seu immersio corporis. Est communis TT. Et constat ex illo Matth. ultimo cap. baptizantes eos &c. id est abluentes: Et patet ex illa forma baptizandi usitata; *Ego te baptizo &c.* Unde Magister Sent. citans verba illa S. Aug. accedit verbum *adelementum*, & sit *Sacramentum*, subiungit; *non utique ipsum elementum fit Sacramentum, sed ablutio facta in elemento.*

12. Nota tertio: In Baptismo sufficere pro materia proxima tam unam, quam trinam immersionem, juxta consuetudinem Ecclesiarum; & quidem sufficere unam tradit S. Gregorius in Epist. ad Leandrum; & habetur de *Consecrat. dist. 4.* Item sufficere tam asperersionem seu affusionem aquæ ad corpus, quam immersionem corporis in aqua; uti communiter tenent DD. & observandam esse circa hoc consuetudinem Ecclesiarum.

13. Nota quartò: De fide esse, legitimam Formam Baptismi esse illam, quæ habetur Matth. ult. cap. *Baptizantes eos in nomine Patris, & Filij, & Spiritus Sancti*; sicut & illam aliam Græcorum; *Baptizetur servus Christi in nomine Patris &c.* Latinis tamen de factò non licet uti illâ Græcorum; quia fieret cum scandalo, & contra Ecclesiæ Latinæ consuetudinem. Quare autem Græci utantur illâ aliâ formâ in tertia persôna: rationem deducit Scotus 4. d. 3. q. 3. ex eo, quod refert Paulus 1. ad Corinth. 1. ortum fuisse dissidium inter Christianos; gloriabatur enim unusquisque de Ministro sui Baptismi, unde dicebant; *Ego sum Pauli, ego autem Apollos; ego vero sum Cephe*; & sic videbantur virtutem Baptismi adscribere Ministro: unde reprehendit eos Apostolus dicens; *Nonquid divisus est Christus? ad tollendum ergo hoc schisma inter eos ordinatum fuit, ut Minister non exprimeretur in propria persôna; quo*

scrupulo cessante tolli potuit illa Græca forma; nam Latina est institutioni Christi magis conformis; & significat Baptismum ministerialiter tantum procedere à Ministro.

14. Dico octavò: Ad essentiam Formæ Baptismalis ex Divina institutione, & secusâ speciali dispensatione, necessario proferenda sunt verba; quæ non solum actionem Ministri, persônâ item suscipientis; verum etiam probabilius tres Divinas Personas directè exprimunt. Est communis TT. Et Primum quoad actionem Ministri; habetur in Conc. Florent. in Decreto Eugenij. Estque Ratio quia, cum Minister humanò modò agere debeat, debet convenienter exprimere aliquid connotans ipsius actionem. Unde secundum multos est invalidus Baptismus, si dicatur; *baptizate Christum in nomine Patris &c.* quamvis alij oppositum sentiant; eò quod & hic attentis circumstantijs ministerij Ministri exprimatür actio.

15. Nota tamen quintò: non referre, quantum ad substantiam Formæ, sive verbis indicatîvi modo proferatur; uti nos Latini facimus dicendo; *Ego te baptizo*: sive ut Græci verbis Imperatîvi modî, sic? *Baptizetur servus Christi*: sive etiam deprecatorijs; dummodo vere actionem Ministri designent; similiter non est opus, ut exprimatür *ly Ego*, vel *Nos*; vel *à me*; vel *à nobis*. Quòd etiam *persona baptizati* per pronomen aliquod secundæ, vel tertiz persônæ, singularis vel pluralis numeri (quod non refert ad substantiam Formæ) sit exprimenda docent omnes TT. Et patet ex usu universalis Ecclesiæ Græcæ, & Latinæ: Et constat ex illo Matth. ult. cap. *Baptizantes eos*. Tandem verba Formæ debent designare eum, super quem cadit actio Ministri: unde non valet ista forma; *Ego baptizo in Nomine Patris &c.* Ratio secundi dicti conclusionis, nimirum quòd *tres Persone debeant exprimi*, est, quia ita patet ex institutione Christi, quæ legitur Matth. ult. cap. *Baptizantes eos in nomine Patris, & Filij, & Spiritus Sancti*. Item ex Jure Canonico cap. *Si revera, de Consecrat. dist. 4.* Congruentiam Scotus addit: quia deicit, ut in Forma, quæ datur Sacramentum primum, & initiativum fidei, exprimeretur causa principalis gratiæ, & effectiva Baptismi, primumque ac præcipuum fidei mysterium, quod est DEUS Unus, & Trinus; talis autem est forma in qua fit expressio trium Personarum: ergo &c. Deinde sicut inquit Doctor, Judæis datum est aliquod signum, signans Essentiam Divinam sub pro-

pria ratione, quod ipsi vocabant DEI *Tetragrammaton*; ita Christus dedit Ecclesiæ nomina significantia Personas sub proprijs conceptibus.

16. Dico nono: Quivis homo potens abluere, & proferre verba formæ cum intentione debita, cujuscunque statûs, sexûs, conditionis, aut Religionis sit, potest esse Minister extra-ordinarius hujus Sacramenti. Ita definit Florentinum in *Decreto Eugenij*. Idem etiam docuit Nicolaus Papa in *cap. à quodam Judeo; de Consecrat. dist. 4.* Et constat ex exemplo Ananiz *Aclor. 9.* baptizantis Paulum; cum tamen secundum Interpretes, nec Sacerdos, nec Diaconus fuerit. Ratio à priori non debet esse alia, quàm voluntas DEI; nobis manifestata ex praxi Ecclesiæ. Congruitas verò est, summa necessitas hujus Sacramenti, ob quam non debuit in casu necessitatis coarctari ad ullos Ministros in particulari.

17. Dico decimo: soli Episcopi, & Sacerdotes sunt Ministri ordinarii Baptismi solenniter administrandi: Diaconi verò per potestatem delegatam ab Ordinario. Primum habetur in Florent. cit. in *Decreto Eugenij*: Et tradit Clemens Rom. *lib. 3. dist. c. 11.* Congruitas ejus secundum Scotum est; quia per Baptismum recipitur baptizatus in collegium Ecclesiæ militantis; receptio autem alicujus in collegium pertinet ad Præsidentem, & habentem auctoritatem in collegio, cujusmodi sunt in proposito Episcopi, & Sacerdotes: ergo &c. Secundum patet ex Pontificali Romano; ubi in Ordinatione Diaconi committitur ipsi munus prædicandi, & baptizandi tanquam Sacerdotum delegato:

18. Nota Sexto: Nemo potest seipsum baptizare, etiam in necessitatis articulo, *cap. Debitum 4. hoc tit.* Unus Minister potest plures simul baptizare; & colligitur ex *Act. 2.* ubi Apostoli leguntur uno die tria millia baptizasse; quod vix fieri potuisset, nisi baptizando plures simul. Baptismus administrari debet regulariter in Ecclesijs, *Clement. præsent. univ. hoc tit.* nisi Regum, vel Principum filij essent baptizandi *cit. Clement.* quod extendit Glossa etiam ad filios Ducum, Marchionum, Comitum, Baronum, & aliorum Potentatuum liberos; vel nisi aliud suadeat necessitas *cit. Clement.*

19. Nota septimo: In Baptismo omnino regulariter adhiberi debent certæ Cæremoniz; ut constet ex Rituali Romano. Sunt autem Cæremoniz quidam actus externi Religionis, ad DEUM colendum accommodati. Ex his aliquæ præcedunt Baptis-

mus, & aliquæ sunt sequentes. Prima est *petitio in Ecclesiâ*, quam faciunt illi, qui cupiunt baptizari, & vocantur Catechumeni. Secunda dicitur *Scrutinium*, quo Catechumeni examinantur, an firmiter, & sincerè credant? Tertia est *abrenunciatio Sathana*, & operibus ejus sæpius repetita. Quarta *fidei confessio* facta. Quinta *signum Crucis* in fronte, & pectore à Sacerdote impressum. Sexta *Exorcismus*. Septima est *sufflatio*, quæ significat dæmonis expulsiō, & afflatio boni spiritûs. Octava *gnus salis*. Nona *saliva*, qua tanguntur nares, & aures, & dicitur *Epheta*. Decima *impositio manuum*, & benedictio Sacerdotis. Undecima *Unctio* in scapulis, & pectore. Duodecima *abstinentia* vini & carniū ante Baptismum: Hæ omnes præcedunt Baptismum. In ipso Baptismo prima est, *nomina impositio*; secunda *Patrinorum assignatio*; tertia *immersio*, seu *aspersio*. Post Baptismum prima Cæremonia est *osculum pacis*; secunda *unctio Crismatis* in vertice baptizati; tertia *gestatio vestis candidæ* per 9. dies: Quarta *datio cerei accensi* in manus baptizati: Quinta in Occidente dabatur lac, & mel gustandum.

20. Dico undecimo: quando in casu necessitatis confertur Baptismus, omisissæ Cæremoniz ab Ecclesiâ præscriptis, postea suppleri debent sunt Cæremoniz, si commodè fieri possit. Ita communis DD. Et patet ex praxi Ecclesiæ.

21. Dico duodecimo: Si omittantur Cæremoniz ab Ecclesiâ additæ, tenet quidem Baptismus, sed peccatur mortaliter contra Religionem ab omittente; nisi parvitas materiz excuset; vel necessitas manifesta. Ratio est; quia vergit in contemptum Ecclesiæ præcipientis, vel scandalum populi talis omisio.

22. Dico decimo tertio: In Sacramento Baptismi requiritur etiam Patrinus ordinariè, ut licitè administraretur. Ita communi DD. Et desumitur ex præcepto Ecclesiæ, quod habetur *cap. Vos autem, dist. 4. de Consecrat.*

23. Dico decimo quarto: munus Patrini est, suscipere sub suam curam tanquam parens spiritualis infantem, quoad res spirituales, præsertim quoad instructionem symboli, & Orationis Dominicæ. Ita communis DD. Et desumitur ex mente, ac praxi Ecclesiæ. Libentur tamen Patrini ab ista obligatione, ubi est consuetudo, ut baptizati in rebus Fidei instruantur à Parochiis, vel parentibus, vel pedagogis.

## CAP. II.

### De Effectu Baptismi.

- D**ico primò : Baptismus ritè ac finè obice collatus, per modum effectûs delet omnem culpam, & poenam, si- ve temporalem, si- ve æternam alterius vitæ. Est communis apud Theologos. Et constat primò ex determinatione Conc. Florentini, quod in *Decreto Fidei* dicit, hujus Sacramenti effectum esse remissionem omnis culpæ Originalis, & actualis, omnisque poenæ, quæ pro ipsa culpa debetur. Idem de culpæ Originalis, & Actualis deletionè clarè definit Trident. *sess. 5. in Decreto de peccato Originali*. De poenæ verò etiam temporalis amotione, loquitur eadem Synodus *sess. 6. c. 14.* ubi docet, in justificatione impij totam culpam, & poenam æternam per Pœnitentiam dimitti; sed de temporalis poenæ subjungit; *quæ in Sacra Lætera do- cent, non tota semper, ut in Baptismo fit, dimittitur*. Constat secundo ex Sac. Scriptura ad Ephes. 5. *Mundans lavacro aqua in verbo vite*. Ad Tit. 3. *Salvos nos fecit per lavacrum regenerationis*.

Et Joan. 3. & alibi. Et huc olim collimavit Spiritus S. quando per os Ezechielis 36. locutus est; *Effundam super vos aquam mundam, & mundabimini, ab omnibus iniquamentis vestris*. Sed non potest suscipiens Baptisma mundari, regenerari, renasci, si in eo maneat culpa Originalis & actualis peccati: ergo &c.

2. Dico secundò : Baptismus præterea etiam per modum effectûs confert fidem, spem, charitatem, & characterem specialem. Ita communis DD. Et patet tum ex *cap. Majoris 3. hoc tit.* Tum ex Tridentino *sess. 6. cap. 7.* quod dicit : *in ipsa justificatione impij (quæ habetur per Baptismum) cum remissione peccatorum, hæc omnia simul infusa accipit homo per JESUM Christum, cui inseritur, Fidem, Spem, & Charitatem* : Et de Characterè habetur *sess. 7. can. 9.*

3. Dico tertio : Virtualitè etiam virtutes morales in Baptismo infunduntur. Ratio est : quia Charitas, quæ in Baptismo infunditur, eminenter omnes virtutes morales continet; inclinatur enim animam ad omnes actus virtutum moralium; testè Apostolo, *Charitas patiens est, benigna est, &c.*

# TITULUS XLIII.

## De Presbytero non Baptizato.

### CAP. UNICUM.

De Sacerdote, qui absque Baptismo ordinatus fuit, & Sacramenta administrat.

- N**ota primò : *Iste titulus* brevis rectè proponitur à D. Papa post priorem agentem de Baptismo; ut appareat, quid sit sentiendum de Sacerdote, qui non ingressus per januam Sacramentorum, scilicet per Baptismum.

2. Dico primò : si quis Presbyter deprehenderet se non fuisse baptizatum, baptizetur, & rursus ordinetur. Ita dicitur *cap. 1. hoc tit.* Quia receptio Ordinis Sacerdotalis fuit irrita; cum Baptismus sit janua Sacramentorum, *cap. 3. & ult. hoc tit.* Quod si verò talis nollet ordinari, potest manere Laicus : & si contraxerit Matrimonium illud erit validum; quamvis non licitè contrahatur; cum tacitè videatur edidisse votum simplex Castitatis, seu conti-

nentia, *arg. cap. Cum quidam 12. de convers. conjugat.*

3. Dico secundò : Presbyter credens se probabiliter fuisse baptizatum Baptismo fluminis, si finè Baptismo moriatur; in fide tamen S. Matris Ecclesiæ, & in confessione Nominis JESU perseveravit, ab Originali peccato solutus est, & salvatus. Ita Glossa, & communis DD. Et habetur *cap. 2. hoc tit.* Est- quæ Ratio; quia talis Presbyter est salvatus cum Baptismate fluminis; talis enim sufficit, cum eo quis baptizetur interius per fidem Christi *cit. cap. 2.*

4. Nota secundò : Baptismus à Presbytero non baptizato collatus, non est reiterandus; cum ejus Minister possit esse quisvis viator, etiam non baptizatus, habens intentionem faciendi, quod facit Ecclesia, *cap. in necessitate*. Et *cap. Romanus diff. 4. de Consecrat.* Similiter nec Matrimonium, cui ejusmodi putatitius Presbyter adstipit est repetendum; uti docet ex Joan. Hon. Engel. Ratio est; quia Presbyter in Matrimonio non requiritur tan-

quam Minister Sacramenti, cum ipsimet contrahentes illud sibi ministrare intelligantur; sed requiritur per modum duntaxat testis

excellentis; unde fit, quod etiam invitus, vel excommunicatus valide assistat; uti notat Barb. Sanch. Engel. &c.

## TITULUS XLIV.

### De Custodia Eucharistiæ; Chrismatis; & aliorum Sacramentorum.

#### CAP. UNICUM.

Quò pacto S. Eucharistia, & Olea S. sint custodienda.

1. **N**ota primò: Papa continuat titulos præsentis ad Sacramenta, signanter Eucharistiæ & Baptismi. Et primò ordinatur cap. 1. *hoc tit.* ut Sanctissima Eucharistia, & Chrisma fideliter sub clavibus Clericorum asserventur; alioquin si is, ad quem spectat custodia, incautè & negligenter ea custodierit, tribus mensibus ab Officio suspendi debet; & si per ejus incuriam aliquid nefandum contigerit (v.g. furtum, sacrilegium, vel fortilegium) graviore poenâ plæctendus est.

2. Nota secundò: Secundo ordinatur in cap. 2. *hoc tit.* nè ponantur, vel admittantur in

Ecclesiis supellestiles Clericorum, vel Laicorum; nisi ob incursiones hostium, vel repentina incendia, vel alias necessitates urgentes. Tertio præcipitur ut Oratoria, vasa, corporalia, pallæ Altaris, & vestimenta Ministrorum Ecclesiæ munda ac nitida conserventur, *cit. cap. 2.*

3. Nota tertio: S. Concil. Tridentinum sess. 23. cap. 10. prohibet, nè Eucharistia intra Chorum, vel septa Monasterii Monialium asservetur; sed in tabernaculo in Ecclesia situato illud recondi oportet; & quidem in pixidibus argenteis, vel saltè eburneis, non verò in ligneis, vel lapideis, uti notat Vallens. Zerola. &c. Eucharistia in tabernaculo saltè singulis octo diebus renovanda est, etiam tempore interdicti, & in Ecclesia specialiter interdicta per cap. *Permittimus de sent. excomm.*

## TITULUS XLV.

### De Reliquiis; & Veneratione Sanctorum.

#### CAP. I.

##### De Reliquiis.

1. **N**ota primò: Nomine *Reliquiarum* intelligi corpora Sanctorum, justè defunctorum, eorumque portiones etiam minimas, vestes, ac alia, quibus usi fuere Sancti in hac vita ad suam necessitatem ministeriumque poenitentiae, ac mortificationis.

2. Dico primò: Sanctorum Reliquiæ statim ab exordio Ecclesiæ veneratæ fuerunt; & licet meritòque cultu honoratæ. Ita Catholici omnes. Et constat primò ex S. Scriptura, afferente exempla cultus diversarum Reliquiarum; sic narratur *Exod. 13.* quòd Moyses secum cum veneratione asportaverit ex Ægypto ossa S. Joseph Patriarchæ. Et 4. *Reg. cap. 13.* ipsimet DEUS etiam confirmans venerationem Reliquiarum corporis Elisei, cadaver

quoddam in sepulchrum dicti Prophætæ injectum contactu corporis ejusdem illicò suscitavit, nè videlicet cultus sacri corporis profano cadavere associato tolleretur. Et 4. *Reg. 23.* Josias everfis idolis, & sepulchris idololatrarum ejusdem Prophætæ ossa, casu reperta, jussit separari, & intacta manere; unde additur ibidem; *Et intacta manserunt ossa illius cum ossibus Prophætæ, qui venerat de Samaria.* Constat secundò rursus ex S. Scriptura, varios prodigiosos effectus Reliquiarum allegante, ex quibus earum veneratio, & cultus licitus meritisque colligitur; sic Act. 19. Sudaria, ac Semicinctia D. Pauli ægrotos miraculosè curarunt. Et sanè cum umbra sola D. Petri, ut in iisdem actibus Apostolicis legitur, miracula operata sit; quantò magis ossa, cæteræque Reliquiæ Sanctorum. Constat tertio ex SS. Conciliis Oecumenicis, Cultum Reliquiarum ut licitum & meritò ipsis impendendum definitum;



entibus; sic determinavit Nicænum II. quod Sacras Reliquias vocat *fontes saluatares*. Et *Athor. 7.* excommunicat contemntes Martyrum lypfana. Eundem Cultum approbat Lateranense III. sub Innocentio III. *can. 6. tit. de Reliq. & vener. SS.* Et in Clement. *cod. tit.* Et Trident. *sess. 25. in Decreto de invocat. SS.* Accedunt quoque Concilia Provincialia complura; signanter Carthaginense V. Braccarense III. Moguntinum. Et tandem Gangrense, proclamans anathema in eos, qui memorias Martyrum execrantur. Addi potest tandem etiam Jus Civile, Reliquiarum venerationem commendans *de Episc. & Cleric. L. decernimus.*

3. Nota secundò: ut licitè institui possit Cultus privatus aliquarum Reliquiarum, non requirit approbationem earundem ab Episcopo factam; ut rectè hic docet Herincx; sed sufficit, quòd per relationem fide dignam, aut alia indicia fundantia moralem certitudinem, constet eas reverà esse exuvias alicujus veri Sancti. Similiter ad ejusmodi Cultum non requiritur, ut sint Reliquiæ alicujus Sancti, jam ab Ecclesia actu solemnì Canonizationis in Divorum numerum relati; sed sufficit moralem habere certitudinem de ejus Sanctimonialia.

4. Nota tertio: ut autem Cultus publicus Reliquiarum aliquarum novarum, aut noviter inventarum licitè institui valeat, debent ex antiquam populo pro publica veneratione super altare, aut in alio Ecclesiæ loco exponantur, recognosci, & approbari ab Ordinario loci, adhibitis in Consilium Theologis, aliisque viris piis; imò in casu, quòd gravis aliqua difficultas circa hoc oriretur, resolutio Concilii Provincialis foret expectanda juxta Trident. *sess. 25. in Decreto de Reliq. &c.* Quæ doctrina intelligitur de Reliquiis, quæ exponuntur ut exuviae Sancti Canonizati, vel Beatificati; uti tenet Herincx, Barb. Sanch. Rodriq. &c. Quæ enim exponuntur tanquam Reliquiæ necdum Canonizati, etiam Summi Pontificis approbationem requirunt; uti habet Lateranense, relatum in *cap. 2. de Reliq. & venerat. SS.*

5. Nota quartò: Reliquias debite recognitas, & approbatas posse absolute publicè coli, tametsi in diversis locis perhibeantur esse; uti de S. Adalberto Episcopo, & Martyre contingit, cujus sacra lypfana à Boëmis asseruntur esse Pragæ in Boëmia in Metropolitana Ecclesia; à Polonis verò Gnesnæ in Polonia. Ratio est; quia Cultus Reliquiarum terminatur ad substantiam, id est ad os, vel alias exuvias Sancti; unde in substantia non erratur à co-

lentibus ubicunque illa existat; sed tantùm erratur in singularitate materiæ, dum nimirum colentes arbitrantur hanc materiam esse hujus Sancti; uti contingit in veneratione Reliquiarum plurium incognitorum, quæ à Catacumbis Romanis elevantur, & à Pontifice novo nomine Sancti insigniuntur, ac, ut dicitur, baptizantur.

6. Nota quintò: Reliquiæ SS. nequeunt venales exponi, *cap. ult. hoc tit.* Nec debent exponi extra caplam, seu loculum, in quo sunt conditæ populo ostendi, nè Christianæ Religionis detrahatur, *cii. cap.*

## CAP. II.

### De Veneratione Sanctorum.

1. Dico primò: Sanctis cum Christo jam actuali beatitudine fruētibus meritò & licitè impenditur Cultus Duliz. Ita communis SS. PP. & Catholicorum DD. contra complures Hæreticos. Et constat primò ex S. Scriptura, referente Cultum Sanctorum Angelorum, & quorundam eximiorum virorum adhuc Sanctorum in via constitutorum; sic narratur *Gen. 18.* Abraham adorasse cultu scilicet Duliz Angelos sibi apparentes: idem dicitur de Loth *Gen. 16.* Et de Josue *cap. 5. Josue.* Et Abdias refertur adorasse Eliam Prophetam *3. Reg. 19.* Filii Prophetarum Elisæum *4. Reg. 2.* Nabuchodonosor S. Daniele *Dan. 2.* nullusque istorum adorantium à S. Scriptura corripitur de ejusmodi cultu: adeoque Sanctis meritò, & licitè impenditur Cultus Duliz. Constat secundo ex SS. Conciliis; nam ejusmodi Cultum ut meritò, & licitè impensum Sanctis definivit VII. Synodus *Ath. 7.* pluraque alia antiqua Concilia; & rursus novissimè S. Synodus Tridentina *sess. 25. in Decreto de Invocat. Venerat. & Reliq. SS.*

2. Dico secundò: Invocatio Sanctorum semper fuit licita, & meritò praticata à populo fidei. Ita SS. PP. & Theologi pariter adversus Hæreticos. Constatque primò ex S. Scriptura, in qua extant varia exempla Invocationis Sanctorum non reprobatæ: sic *Gen. 48.* Jacob invocat & precatur Angelum, ut benedicat Filiis Joseph. Et Eliphaz supponit esse licitam, & praticabilem Invocationem Sanctorum Angelorum, dum ait *Job 1. Voca ergo, si est, qui tibi respondeat, & ad aliquem Sanctorum convertere.* Idem colligitur ex illo *Jeremia 15. si steterit Moyses, & Samuel coram me, non est anima mea ad populum istum.* Et Daniel *cap. 8. & 9.* Supplicat illuminari ab Angelo, & impetrat. Et in *lib. Tobiz, Zachariæ 1. & Apoca-*

lypsi *cap. 5. & 8.* Angeli intercedunt ad DEUM pro hominibus, offerunt DEO preces eorum, & varia conferunt beneficia eisdem; ergo, &c. Constat *secundo* ex Conciliis Invocationem Sanctorum approbantibus; unde VII. Synodus *Al. 1.* approbat epistolam Tharasi ad Joannem Presbyt. & Anachor, in qua dicitur, *postimus intercessionem Intemerate Domina nostra DEspare, Sanctorum item Angelorum, omniumque Divorum.* Eandem confirmat Concilium Calcedonense *Al. 11.* in quo exclamant Patres invocantes D. Flavium, *Flavius post mortem vivit, Martyr pro nobis oret.* Et Trident. *sess. 25. in Decreto de Invocat. SS.* ait: *bonum est utile est Sanctos invocare.*

3. Nota primò: circa servos DEI necdum beatificatos emanasse Decretum Urbani VIII. Summi Pontificis, editum an. 1625. die 13. Martii quò prohibentur sequentia. Primò ne Imagines eorum in Oratoriis publicis, & privatis, vel Ecclesiis pingantur cum signis venerationem, ac Cultum aliquem præferentibus, v. g. cum splendoribus, aut radiis circa caput, laureolis, & similibus. *Secundo*, ne ad Sepulchra eorum appendantur tabellæ votivæ, aut Imagines ex quacunque materia demùm forent; intellige stabiliter, & permanenter, ut idem Pontifex postea declaravit. Tertiò, ne ad eorumdem Mausolea, vel Imagines luminaria tolerentur. Quartò, ne libri, miracula, revelationes, aliæque ab eis gesta edantur: *declarans* tamen, quòd per suprà scripta præjudicare in aliquo non vult, neque intendit eis, qui aut per communem Ecclesiæ consensum, vel inmemorabilem temporis cursum, aut per Patrum, Virorumque sanctorum Scripta, vel longissimi temporis scientiâ, ac tolerantiam Sedis Apostolicæ, vel Ordinarii coluntur. Circa hoc Decretum, putat Basilius, & Herincx attendendam esse receptionem, & vigorem illius Urbanianæ ordinationis, quæ nonnullis in locis Christianitatis, maxime remotis ab Urbe, non viget; & aliter practicatur per longam consuetudinem, Ordinarii locorum desuper tacentibus.

4. Dico tertiò: Cultus, & Veneratio

Sanctarum Imaginum est licitus. Ita communis SS. PP. & TT. Et constat primò ex S. Pagina, quæ testatur figuras illas, in quibus vel DEUS, vel Angeli Sancti Patriarchis, aliisque viris apparuere, aliquo cultu, utique Dulz, veneratos fuisse ab iisdem; sic Abraham Gen. 22. Tres viros in Mambre apparentes adoravit, sive SS. Trinitatem, sive tres Angelos repræsentaverint. Et Loth Gen. 19. in specie sensibili apparentes duos Angelos pronus adoravit. Et Daniel cum magna reverentia alloquitur Angelum vestitum linceis, cuius corpus quasi Chrysolithus, Dan. 10. Et Moyses Exod. 3. nonne flammam Rubi, in qua Dominus apparebat, humiliter honoravit? Et nunquid Moyses, Josue, & Seniores expressuri Cultum Dulz venerati sunt arcam fœderis? Josue pronus (inquit textus Jos. 7.) cecidit in terram coram Arca Domini usque ad Vesperam, tam ipse quam Seniores Israël: eandem Arcam in signum Cultus solenni pompâ circumferebant Israëlitæ. Quare si Cultus Arcæ Domini, & aliarum figurarum fuit licitus olim; cur non & modò Cultus sanctarum Imaginum? Constat *secundo* ex diversis SS. Conciliis id definitis; signanter Nicæno II. & Romano sub Gregorio III. Et Synodo VII. Generali. Et Florentino, *sess. 5.* Et Tridentino *sess. 25. de Invocat. SS. & sacris Imagin.* dicente; *mandat S. Synodus, &c. Imagines Christi, DEspare Virginis, & aliorum Sanctorum in templis præferim habendas, & retinendas, etique debitum honorem, & venerationem impertientiam, non quòd credatur inesse aliqua in iis Divinitas, vel virtus, per quam sint celenda, vel quòd ab eis sit aliquod petendum, vel quòd fiducia in Imaginibus sit figenda, veluti olim fiebat à Gentibus, quæ in Idolis spem suam collocabant; sed quoniam honor, qui eis exhibetur, refertur ad prototypa, quæ illæ representant, ita ut per Imagines, quas osculamur, & coram quibus caput aperimus, & procumbimus, Christum adoremus, & Sanctos quorum illa similitudinem gerunt, veneremur.* Quo textu totus Cultus solitus à Catholicis impendi sacris Imaginibus circumstantionatè explicatur.



TITU-

# TITULUS XLVI.

## De Observatione Jejuniorum.

### CAP. UNICUM.

#### De Jejnijs.

**N**ota primò : Quoniam Veneratione Sanctorum etiam exercetur per Jejunia, in honorem, & cultum eorum assumpta; ideo priori titulo de Sanctorum Veneratione, additur à Papa iste, de Observatione Jejuniorum. Jejunium autem illud dicitur Ecclesiasticum, quod auctoritate Ecclesie institutum est.

2. Dico primò: rectè describitur Jejunium Ecclesiasticum, quòd sit abstinentia à cibis certis generis, & pluribus refectionibus eodem die naturali aliis solitis fieri, cum observantia determinati temporis, quò fieri debet unica refectio. *Ly abstinentia est genus; reliqua ponuntur pro differentia.*

3. Nota secundò: ex præfata descriptione liquet, tria necessariò in Jejunio Ecclesiastico servari debere: Primò, ciborum delectum, qui excludit regulariter omnem carnis, ovorum & lacticiuorum usum, ut constat ex S. Greg. relato dist. 4. c. 7. *Par est, inquit S. Pater, ut quibus diebus à carne animalium abstinemus, ab omni quoque, que sementinam carnis trahunt originem, jejunemus, lacte videlicet, caseo, & ovio. Secundo; unicam tantum faciendam esse refectionem. Tertiò; certa temporis differentia attendenda est, dum sit illa unica refectio; ut notant passim Canonistæ.*

4. Nota tertiò: Circa delectum ciborum, qui antiquissimus est, & commemoratur à Clemente Romano, Origene, Aug. Chryf. & alijs vetustis PP. ipsum graviter obligare; unde qui absque causa sufficienter excusante (cujusmodi est in partibus nostræ Germaniæ consuetudo firmata comedendi lacticia, & ova diebus Jejunij) dictum delectum non servat, mortaliter peccat: quiddid in contrarium blaterent cavillatores Heretici nostri temporis, qui ejusmodi delectum appellant ex Apostolo 1. ad Tim. 4. *Doltrina à seniorum, pertinentem ad Judaicæ Ceremonias, & inducentem Ecclesiam ad Judæizationem: sed absque veritate: nam longè alia ratione hic delectus ciborum ab Ecclesia proponitur, quàm à Priscillianistis (quorum dogma in spiritu prævidens Apostolus appellat doltrina demonio-*

*rum)* & Judæis, reputantibus aliquos cibos ex entitate sua physica, & ratione Legis Veteris immundos. Ecclesia enim ordinando Jejunium Ecclesiasticum censet omnes cibos quidem verè mundos; sed tamen à tempore Apostolorum præcipit quorundam abstinentiam ob alios altiores fines, puta refractionem, & mortificationem carnis luxuriantis, aliàsque spirituales utilitates, & laudabilem praxim plurium Sanctorum, qui in Veteri, & Nova Lege delectum quorundam esculentorum servarunt; ut patet in Daniele, Joanne Baptista, &c.

5. Nota quartò: Circa unicam refectionem; per eam non vetari repetitum assumptionem potus cujusque, sive in vino, sive in cerevicia fiat; uti docet Abbas, Richard. Medina, &c. DD. Ratio est; quia potus primariò non ordinatur ad alimentandam naturam physicam hominis; sed ad promovendum alimentum assumptum, ut debitè digeratur; vel ut calor languinis æstuantis, & sitim provocantis retundatur. Non vetatur pariter per unicam refectionem usus repetitus electuariorum, & similium, quæ instar medicinarum, ad finem curandi vires corporis deglutuntur; nisi in eis assumendis fiat excessus, ita ut rationem cibi potiùs, quàm medicinz habeant; uti bene advertit S. Thom. Herincx, Laym. & alij DD. Non vetatur tandem modica vespertina cænula, quam collationem appellant, longà jam consuetudine, & benignà Ecclesie Romanæ conniventia, introducta; cujus quantitas determinari debet prudentis, ac timorati viri iudiciò proportionaliter ad regiones frigidiores receptas consuetudines, & activiores complexionis; & meò iudiciò (salvo meliori) non debet plus notabiliter, quàm quarta matutinæ moderatæ refectionis pars assumi; in quam sententiam etiam inclinant Herincx, Reginald. &c. Qualitas ciborum, tamen non prohibitorum, secundum Cajet. March. Abul. Bonac. Herincx, Reginald. &c. non frangit jejunium: unde securè collatiunculam instituire potes sive in herbis, lactucis, fructibus, pane adjuncto, uti vult Tolet. Azor. Armilla &c. sive etiam in pisciculis fumatis, vel acetò maceratis, uti admittit cap. Presbyter dist. 52. sive etiam in parte exigua majoris piscis; uti habet Bonac. &c. sive in pluribus rebus eadem

dem refectiunculâ degustatis; uttenet idem Bonac. March. &c. imò five in calidis, five in frigidis escis, maxime quando adest aliqua causa, puta debilitas Stomachi, vel præcedens labor solidus. Ita Azor. & alij DD. modò quantitas debita non excedatur. Ratio horum omnium est; quia in sententia communi Philosophorum, qualitates non nutriunt; cum accidentia sint: adeoque sicut potus ex eo, quòd non nutriat, indifferenter assumi potest tempore Jejunij; ita dicendum de qualitatibus tenentibus se ex parte escarum esualium.

6. Nota quintò: Quòd adhuc censeatur esse unica moraliter refectio, & practicabilis absque peccato; etsi per superveniens negotium rationabile interruptatur prandium ad dimidium horæ, vel etiam integram horam; modò fervetur intentio continuandi prandium; uti habet Tolet. Regin. Less. Bonac. &c. unde ex hoc capite excusantur servitores mensarum in Cœnobijis, &c.

7. Nota sextò: si tribus, vel pluribus vici- bus unò die naturali diversæ refectiones instituuntur; non idcirco committi plures, vel distinctas transgressiones peccaminosas Legis Ecclesiæ præcipientis unicam refectiorem; sed unicum, & solum mortale resultat ex secunda refectiõne: ita Sylv. Sâ. Regin. Nav. Bonac. Herincx &c. Ratio est; quia pro una die naturali statuitur unum præceptum Ecclesiasticum servandum, & adimplendum unâ refectiõne illius diei; qui autem secundo jam est refectus, non potest amplius servare illud præceptum de unica refectiõne: adeoque qui secunda refectiõne voluntariè reficitur, amplius non peccat: cum peccatum non sit ubi impotentia servandi mandati adest.

8. Nota septimò circa tempus refectiõnis nunc: etsi olim regulariter fieret post Horam Nonam decantatam, id est horam tertiam pomeridianam horologij nostri Germanici, extra Quadragesimam; uti constat ex S. Aug. *Epist. 118. cap. ult.* Cassiano, & alijs; in Quadragesima verò circa Vesperam, uti ordinat Concilium Colonienfè; & memorat S. Bernardus *serm. 3. de Quadragesima*, cum alijs PP. subsequenti- bus tamen sæculis nostris ad consulendum virium physicarum deficientiæ notabili, consuetudo Ecclesiæ reduxit tam recitationem Horæ Nonæ in Officio Ecclesiastico, quàm refectiõnem, prope meridiem, & ob eandem rationem permisit etiam aliquam colatiunculam vespertinam in cibis licitis.

9. Nota octavò: In hoc tit. juris statuuntur Jejunia de præcepto observanda sequentibus diebus: scilicet in Vigilijs omnium Apostolorum, præter vigilias SS. Philippi, & Ja-

cobi, & S. Joannis Evang. cum horum dies festi incidant in tempus Paschale: & in Vigilia Pentecostes, ac Natalis Domini, *cap. Consilium 2. hoc tit.* Præterea etiam in Quadragesima jejunandum est ex Apostolica Institutione; ut videre est in Canone Apostolico 68. Item in quatuor Anni temporibus, quibus Ordines conferuntur, pariter ex Apostolica Institutione servandum est jejunium *can. 1. & 4. dist. 76.* Item quædam alia, uti in Vigilia Assumptionis B. V. MARLÆ, S. Joannis Baptistæ, Omnium Sanctorum, & ea quæ consuetudine locorum, aut diæcesano Statutò introducta fuere: de quibus videnda sunt Calendaria.

10. Nota nonò: si Festum Nativitatis Domini incidit in feriam sextam, possunt Catholici vesci carnibus; nisi aliqui speciali voto, vel regulari observantia à talis usu prohiberentur, *cap. Explicari 3. hoc tit.* Si Festum Nativitatis Domini, vel Assumptionis B. V. vel alicujus Apostolorum in feriam secundam incidit, tunc jejunium fieri debet Sabbatho præcedenti, *cap. Ex parte 1. hoc tit.*

n. Nota decimò: ob tres causas quasdam personas excusari à jejunio Ecclesiastico. Prima est *etatis physica imbecillitas*: ob hanc causam Ecclesia pia Mater secundum communem DD. sensum eximit à Lege Jejunij omnes illas personas, quæ necdum attigerunt 21. annum ætatis: eò quòd frequentiori, & copiosiori nutrimento indigeant eò tempore: etsi & his, quando vires jam habent, suadenda sit laudabilis jejunandi praxis. Secundò ob eandem causam excusantur senes 60. annorum, vel etiam 50. si defectus corporis citius incipiat. Deinde ægritudine aliquâ oppressi; convalescentes; exhausti viribus; uterum gestantes; lactantes; & pauperes; uti habet Nav. Sylv. Laym. S. Anton. March. Herincx &c. Secunda est *Pietas*, permittens, ut certæ personæ, ad actionibus altioris Ordinis, & perfectionis majoris, non faciliè compatilibus cum Jejunio Ecclesiastico occupatæ, plures refectiões in cibis licitis eodem die licitè facere possint: Hæc viâ excusantur à Jejunio, intendentes operib' Misericordiæ corporalibus, vel spiritualibus, cujusmodi sunt omnes ministri infirmorum, id est ipsi Infirmary; Sacramentorum Administratores, Lectores Scholarum, Verbi DEI Præcones actuales &c. notabiliter his exercitijs fatigati; uti habet Nav. Sylv. Herincx, Laym. &c. Item quidam persolventes opus Justitiæ; puta si Conjugi debitum matrimoniale reddere debeat, & exinde notabiliter debilitetur in viribus; uti habet Sanch. Sa. Less. &c. Item opus chari-

## Tit. XLVII. De Purificatione post Partum.

161

charitatis exercentes ; si videlicet Conjug judicatur esse expedientes ad impediendam , vel sedandam rixam Conjugis , ut altera vice cum eo reficiatur ; uti docet Medina , Laym. Nav. &c. Tertia causa est *labor fatigiosus subeundus* , pro quo vires unicâ refectione restauratz non sufficiunt. Hac de causa liberantur à Jejunio plures personæ Mechanicæ artes perficientes , v. g. Coriarii , Fabri ferrarii , & Lignarii , Fossiores , Impressores præli , rustica opera sectantes , Fullones , Cœmentarii , iter pedestre fatigiosum conficientes , & in univ. quotquot duris additi sunt laboribus , attenuantibus

vires phycas corporis , sive isti divites sint , sive pauperes ; uti constat ex quadam Declaratione Eugen. IV. Ita Bonac. Herincx , Sylv. Nav. &c.

12. Nota ultimò : dictas causas excusare quidem à Jejunio quoad unicam refectionem ; non tamen quoad abstinentiam à carnibus ; nisi cum his conjungatur evidens necessitas manducandi carnes v. g. gravis infirmitas , carentia ciborum jejunalium ; quibus casibus accedere debet in foro fori dispensatio Episcopi , vel alterius personæ habentis ad hoc facultatem.

# TITULUS XLVII.

## De Purificatione post Partum.

### CAP. UNICUM.

#### Quid sentiendum de Purificatione post Partum.

1. **N**ota primò : *Hinc tit.* brevem addidit Papa , ad majorem reverentiam Ecclesiarum , aliquomodo per Purificationem feminarum post Partum ostendendam ; sicut per jejunia *priori titulo* præscripta veneratio SS. peragitur. De Purificatione necessaria facienda ante templi ingressum agit Lex Mosæica , ordinans *Lev. 12.* ut mulier post partum reputetur immunda , & arceatur ab ingressu templi , & quidem per dies 33. quando enixa est masculum ; per 66. verò ,

quando femellam peperit. Ejusmodi tamen Legis necessitas Cæremonialis in Lege Evangelica evacuata est ; & propterea hodie mulieres statim absoluto partu Ecclesiam ingredi possunt , si velint , ad gratias DEO agendas ; nec aditus Ecclesie ipsis denegandus est , ne pena ( scilicet doloris ) illi conversi videantur in culpam ; si tamen ex veneratione , & reverentia abstinere aliquamdiu velint , non est earum devotio improbanda.

2. Nota secundò : à quibusdam Doctoribus hic tractari de abrogatione præceptorum cæremonialium Legis veteris ; sed de hoc puncto vide , quæ ex professo dico *tom. 3. Schola Theologica tract. de Legibus dist. 2. q. 2.*

# TITULUS XLVIII.

## De Ecclesiis ædificandis , vel reparandis.

### CAP. I.

#### De Ecclesiarum Ædificatione.

1. **N**ota primò : Postquam Papa in *superioribus tit.* egit de Ecclesiarum Consecratione , earumque , ac Sanctorum veneratione ; meritò proponit *hinc tit.* de earundem ædificatione , & restauratione. Venit autem nomine *Ecclesie* hic non collectio Catholicorum , de qua procedit *caput Ecclesie 3. de Consecrat. dist. 1.* Sed templum materiale , seu ipse ædes sacre , constructæ ex lapidibus &

lignis , ad quas populus Orationis & Sacramentorum suscipiendorum causâ accedit. Hodie variæ sunt Classēs Ecclesiarum ; uti notat Barbo. nam aliæ sunt *Basilica* , & sunt illæ majores , ac principes Ecclesiarum ; cujusmodi sunt Romæ Basilica Salvatoris , Basilicæ SS. Apostolorum Petri & Pauli , &c. Aliæ sunt *Cathedrales* , & sunt illæ , quæ Sedes Episcoporum constitutæ sunt. Aliæ sunt *Collegiata* , in quibus scilicet adest aliquis Clericus ut Caput , & aliqui Clerici Canonici ut membra , qui congregantur capitulariter , habentque Sigillum , & arcam communem. Aliæ *Regulares* , quæ erectæ sunt pro habitatione Religiosorum , sub

Er. Bernardi Sannig Schola Canonica Tomi. II.

certa

X



certa Regula à Papa approbata vivunt; de quibus potissimum procedit titulus de *Religiosis domibus*. Et titulus de *Capellis Monachorum*. Aliæ *Matricæ* (quò nomine aliàs etiam veniunt Cathedralis *cap. venerabilis, de verb. signific.*) quæ alias Ecclesias sibi habent subiectas, suntque instar Matrum respectu illarum ut filialium; de quibus procedit *tex. in Trid. sess. 21. de Refor. cap. 7.* Aliæ demùm *Baptismalæ*, in quibus sunt fontes Baptismi pro baptizandis parochianis.

2. Nota secundò: permittitur cuilibet Fidei absque consensu, & facultate Ordinarii privatum erigere Oratorium in ædibus propriis Orationis causâ; ut constat ex *cap. unicusque 33. dist. 1. de Consecrat.* Modò in eo non exponatur campana, quæ publicè pulsetur, *cap. Patentibus 10. de Privileg.* In huiusmodi tamen Oratorio nequit regulariter celebrari Missa; nisi priùs sit ad Divinum cultum dedicatum, ac ab Ordinario designatum, ab eoque visitetur, juxta Trident. *sess. 22. in Decreto de Observan. & eis. in celebrat. Missa.* Quid autem circa hoc operentur Privilegia Regularium, vide quæ dico in *Schola Theologica, tom. 3. tract. de Sacramentis dist. 5. q. 12.*

3. Nota teritiò: pro licitè autem ædificanda Ecclesia nova in loco publico accedere debet consensus Ordinarii, & præcaveri, nè alteri Ecclesiæ præjudicium afferatur; uti habetur *cap. nemo 91. dist. 1. de Consecrat.* Et *cap. ad hæc 4. de Relig. dom.* Et putat Azor. Abbas, Pirh. &c. Sufficere consensum tacitum Ordinarii, si videlicet is scivit Ecclesiam construì, & non impedivit; cum tamen faciliè potuisset. Ut autem regulariter procedatur in ædificatione Ecclesiæ publicæ, debet Episcopus accedere ad locum, in quo construenda est Ecclesia, ibidem publicè atrium designare, Crucem figere, lapidèmq; primarium ponere, *cap. nemo 9. dist. 2. de Consecrat.* Quæ tamen omnia etiam per alium delegatum præstare potest.

4. Nota quartò: Ecclesiæ Christianæ communiter ædificandæ sunt ob rationabiles causas; puta primò vel ob nimiam distantiam, vel aliam magnam difficultatem, aut incommodum adeundi Parochialem Ecclesiam ad percipienda Sacramenta, ac Divina officia audienda; quibus casibus intra fines prioris Parochiæ alia Ecclesia de novo construì potest, *cap. ad audientiam 3. hoc tit.* Et Trident. *sess. 21. cap. 4. de Reformat.* quod procedit tametsi Episcopus tali Parochiali Ecclesiæ veteri præstitisset juramentum, de rebus ejus non alienandis, *cap. ult. hoc tit.* Secundo similiter nova Ecclesia construì potest ob necessitatem leproforum; sine tamen gravi præjudicio Ecclesiæ

Parochialis, intra cujus limites nova construatur, *cap. cum dicat 2. hoc tit.* Tertio ob alias quoque rationabiles causas, ab Ordinario approbatas.

5. Nota quintò: forma Ecclesiarum Christianarum ex antiqua traditione consuevit esse oblonga, indicans naviculam D. Petri inter fluctus hujus Mundi salvantem. Item testatur Clemens lib. 2. *Apost. Constit. cap. 61.* Apostolos instituisse, ut Altare principale versus Orientem erigatur.

6. Nota sextò: ut nova Ecclesia Parochialis debite erigatur, varia præter suprà recensita requiruntur. Primò ut eidem competens dos assignetur, *cap. 9. dist. 1. de Consecrat.* etiam ex redditibus Ecclesiæ Matricis, si illi abundet, ita ut non obstante aliquâ subtractione eorundem, Rector Ecclesiæ competenter ali possit, *cap. ad audientiam 3. hoc tit.* Secundo ut citetur Rector Ecclesiæ Matricis; quamvis enim Ecclesia nova simpliciter construì possit ipsò invitò *cit. cap. ad audientiam 3. hoc tit.* Tercio requiritur, ut in circuitu talis novæ Ecclesiæ construendæ adfuit minus 10. Parochiani *arg. can. unio. 3. can. 10. q. 3.* Quarto, ut erectionem novæ Parochialis Ecclesiæ faciat Episcopus cum consilio & consensu Capituli sui. Ratio est; quia erectio talis Ecclesiæ causat dismembrationem reddituum Ecclesiæ Matricis, sicq; habet speciem alienationis, quæ fieri nequit absque consilio, & consensu Capituli, *cap. cum nos 2. de his, quæ fiunt à Prelat. sine cons. &c.* Quintò, ut Ecclesiæ Matrici in Ecclesia de novo erecta pro facultate loci, præter patronatum, servetur quoque competens honor, *cap. cit. ad audientiam.* Sextò ut jus præsentandi in Ecclesia nova servetur Rectori Ecclesiæ antiquæ, si ex talis Ecclesiæ redditibus fundata fuit, *cit. cap. 3.*

7. Nota septimò: Episcopus attendere debet, ut Ecclesia nova erigatur pietatis intuitu; non quæstus cupiditate, *cap. si quis Basilicam, dist. 1. de Consecrat.* Item nè vicinis ædibus noceatur, puta lumen earum demendo, vel legitimum spatium constringendo; quamvis enim favor Religionis sit summus; nihilominus ad iustitiæ normam est revocandus; uti notat Vallens. Si Ecclesia aliqua sit ædificata omiſsa dote, ejus ædificator nomine dotis rectò conveniri potest, *cap. cum sicut 1. de Consecrat.* Aut in subsidium ad Episcopum Consecratorem recurritur, *arg. cap. 2. de Prob.*

## CAP. II.

### De Ecclesiis reparandis.

1. **N**ota primò: Ecclesiæ Parochiales ruinam minitantes restaurandæ sunt ex quibuscunque redditibus, ac fructibus earum; ut patet ex *can. 1. & 2. caus. 10. q. 3.* Et Trident. *sess. 21. cap. 7. de Reform.* si verò dicti redditus, & fructus Ecclesiarum ruinosarum non fuerint sufficientes; tunc omnes Patroni earum, & alii, qui fructus aliquos ex dictis Ecclesiis provenientes percipiunt; aut in eorum defectum Parochiani omnibus remediis opportunis ad prædictam reparationem cogendi sunt; quacunque appellatione, exceptione, & contradictione remota; uti habet *cit. Trident.* Et demùm in defectu prædictorum etiam Rectores dictarum Ecclesiarum, ac alii Clericibeneficium ibi habentes, adigi possunt ad earum reparationem, *arg. can. Decretum 10. caus. 10. q. 1. Et cap. quicumque 1. hoc tit.*

2. Nota secundò: Ecclesia verò Cathedralis ruinosa restauranda est ab Episcopo ex quarta reddituum suorum, *can. quatuor 27. caus. 12. q. 2.* Nisi consuetudo aliud obtinuerit. Quòd si autem illa quarta pars non sufficiat, ob egestatem Episcopi; tunc Canonici tenentur ad reparationem, & compelli possunt ad contribuendum ex redditibus superabundantibus præbendarum, imò & distributionum quotidianarum, *cap. ult. de his quas sunt à*

*maior. par. Capit.* Et demùm in casu paupertatis utrorumque Clerici inferiores ex suis fructibus superabundantibus contribuere debent ad fabricam dictarum Ecclesiarum; uti notat Abb. Pirh. &c. *DD.*

3. Nota tertio: quando ob notoriam egestatem nemo planè contribuere potest ad reparationem Ecclesiæ Parochialis; nec sit spes futuræ reparationis; tunc Ecclesia talis ruinosam poterit destitui; ac ejus jura, & fundi dotales ad Matricem Ecclesiam, si filialis sit; vel ad aliam viciniorum auctoritate Episcopi transferri: in tali autem Ecclesia Matrice erigi debet Altare sub eadem invocatione, sub qua fuit Ecclesia diruta; uti habet Barb. Engel, &c. Lapidès verò, & ligna destructæ Ecclesiæ, quamvis olim non licuerit ad alium, quàm Ecclesiasticum usum converti, scilicet ad fabricationem alterius Ecclesiæ *cap. ligna 33. de consecrat. dist. 1.* hodie tamen Tridentinum concessit in *sess. 21. de Reform. cap. 7.* facultatem, eadem uti & locum ipsius Ecclesiæ in profanos usus etiam transferendi, non sordidos; erectâ tamen ibi Cruce.

4. Nota quartò: Ecclesia secularis Collegiata potest converti in aliam Collegiatam, vel Conventualem Regularem, cum consensu Ordinarii; ita tamen ut Clericis secularibus in illa Ecclesia, dum superstitès sunt, nullum fiat præjudicium, *cap. ad audientiam 5. hoc tit.* Et *can. si Episcopus 73. caus. 12. q. 2.*

# TITULUS XLIX.

## De Immunitate Ecclesiarum, Cœmeterii, & Rerum ad eas pertinentium.

### CAP. I.

#### De Quidditate, & Divisione Immunitatis Ecclesiasticæ, ac de Locali in Specie.

1. **N**ota primò: Visò in *priori tit.* modò ædificandi, & obligatione reparandi Ecclesias; *hoc tit.* Pontifex continuat tractatum de iisdem Ecclesiis, & præsertim agit de Immunitate earundem, ac cæterorum ad Ecclesias pertinentium. Describitur autem Immunitas in genere in *cap. 1. hoc tit. in 6.* quòd sit exemptio à muneribus publicis, quæ

alioquin sint communia. Sed clariùs ad propositum.

2. Dico primò: optimè describitur Immunitas Ecclesiastica, quòd *su jus, quo loca, rei, vel persona Ecclesiastica ab oneribus, & officiis secularibus libera sunt, atque exempta.* *Lyjus* est genus; reliqua ponuntur pro differentia.

3. Nota secundò: Immunitas Ecclesiastica (quæ etiam vocatur *Libertas*, seu *Exemptio Ecclesiastica*) alia est localis; alia realis; alia personalis. *Immunitas localis* est, quæ concessa est Ecclesiis, Cœmeteriis, Monasteriis, aliisque locis Ecclesiasticis. *Realis* est, quæ concessa est rebus, seu bonis ad Ecclesiam, vel Clericos pertinentibus. *Personalis* est,

quæ concessa est ipsis personis Ecclesiasticis. Circa localem

4. Nota tertio : Immunitas Ecclesiastica localis consistit in variis, quæ exerceri prohibentur in Ecclesiis, & aliis locis Ecclesiasticis, ob reverentiam loci. Et primo in eis tractari nequeunt causæ criminales, in quibus agitur de sanguinis effusione, vel corporali poena, *cap. cum Ecclesia s. hoc tit.* Secundo prohibentur quoque in iisdem locis Ecclesiasticis tractari causæ civiles, ad forum sæculare pertinentes ; cujusmodi sunt contractus emptio- nis, & venditionis, omnésque negotiationes, munditiæ, profanæ Societatum conventiones, consilia, publica parlamenta ; & omnes processus, ac sententiæ in eis factæ carent omni robore firmitatis, *cap. Decet 2. hoc tit.* Et à fortiori prohibentur in memoratis locis exerceri profana, scæda colloquia, ac omnia illa, quæ Divinum possent turbare officium. Tertio vetantur fieri in Ecclesiis, & aliis locis sacris comœdiæ profanæ, ludi theatrales, choreæ, convivia, aliorum similes actiones indecentes, *cap. cum decorem, de vit. & honest. Cleric.* Denique secundum Trident. sess. 22. in Decreto de abusu. & evitand. in Missa ita statuitur ad propositum : *ab Ecclesiis musicæ eas, ubi sive organo, sive cantu lascivum, vel impurum aliquid miscetur ; item secularis omnes alitiones, profana colloquia, deambulationes, strepitus, & clamores arceantur, ut Domus DEI verè Domus DEI videatur ; & Divinum Numen, ac Salvatoris nostri cum reverentia, & devotione adoretur, cap. 2. hoc tit. in 6.*

5. Nota quarto : Præterea quatio consistit Immunitas Ecclesiastica localis in hoc, nè domus Ecclesiarum, vel habitacula Clericorum, quæ actu incolunt deputentur, vel à Laicis conducantur pro hospitibus excipiendis *cap. 1. hoc tit.* Quinto nè in iisdem Ecclesiis recipiantur Suppelleciles privatorum ; nisi tempore gravis necessitatis, *cap. fin. de cust. Euchar. Sexto*, nè incalescent, seu muniantur, & in servitum redigantur à laicis, *can. Sancti- rum, caus. 10. q. 1.* præterquam tempore necessitatis de consensu Episcopi. Septimo, quòd Ecclesia, & alia loca Ecclesiastica sint asylos reorum eò confugientium ; & tales non possint inde extrahi *cap. Inter alia 6. hoc tit.* de quo Jure pono ex professo sequens Capitulum.

## CAP. II.

### De Immunitate Asyli.

1. Dico primo : Jure Ecclesiastico, & Civili competit Ecclesiis, aliisque locis pium Immunitas seu Asylum, qui etsi

Jure Divino introductus non sit ; ei tamen, & Legi naturæ valde conformis est. Ita Delbene, Herincx, Laym. &c. contra Decium, Lupum, Gonni, & alios quoad quartum membrum. Et primum sancitur in Concilio Arasicano I. can. 5. Et can. Idem constitutum, 17. qu. 4. Et *cap. Inter alia, de Immunit. Eccles.* Secundum patet ex *C. de his, qui ad Ecclesiam confugiunt.* Et Auth. de Mandatis Principum. Tertii, quòd scilicet non sit de Jure Divino, Ratio est ; quia etsi in Veteri Lege *cap. 20. Exodus & 21.* aliq. Civitates, & Templum Hierosolymitanum à DEO constituta fuerint pro Asylo ; illa tamen Lex Divina Vetus introducta novæ expiravit ; nec in Nova legitur ullibi restauratus Asylus ; Unde in Lege Nova sola Potestas humana Ecclesiastica, & Laica solum ad imitationem Synagogæ, aliqua Loca sacra affectit beneficio Asyli. Quartum tandem etiam ostenditur ; quia æquitas naturalis, & Sanctitas, ac reverentia Locorum sacrorum, postulare videtur, ut illa immunita sint à coercitiva potestate Laica, circa extractionem malefactorum.

2. Dico secundò : Immunitas, & Asylus locorum sacrorum est adeò fixè radicans in sacris Canonibus, ut nullà consuetudine possit contra eum præscribi. Ita Delbene, Gutier. Farinacius, Rebuff. Baconus, & plures alii ; contra Barbolam, Covarr. &c. Et constat ex Bulla Cœnæ, quæ singulis annis reclamatur contra omnes Consuetudines introductas in præjudicium Immunitatis Ecclesiasticæ. Et ex Bulla Urbani VIII. *Romanus Pontifex*, edita an. 1639. die 5. Junii, in qua annullat, reprobatur, & declarat semper fuisse nullas, & reprobas omnes consuetudines, invecas contra Immunitatem Ecclesiasticam. Idem patet ex *cap. Clericis, de Judicis.* Tandem consuetudo non potest præscribere id, quod Lex non potest statuere (sicut determinavit S. Rota Romana, die 26. Novembris, uti habet Delbene, & Farinacius) sed in materia Immunitatis Ecclesiasticæ, maxime quoad loca sacra, nec populus, nec ullus Princeps Laicus, nec ullus Prælati infra Papam quidquam statuere potest, defectu jurisdictionis ; ut patet ex *cap. solita, de Major. & Obed.* Et ex *cap. 1. de Consu. ergo &c.*

3. Dico tertio : Privilegiò Immunitatis Ecclesiasticæ, gaudent omnia loca sacra, auctoritate Episcopi erecta ; etsi necdum consecrata, vel benedicta, sed aliâ ratione v.g. Crucis erectione ad publicum Sacrificiū, & Sacramentorum usum deputata, quamvis necdum in eis Missæ lectiones sint ; aut alia Divina celebrata ; cujusmodi sunt Ecclesiæ, Capellæ, & Oratoria publica,

publica. Ita Abbas, Delbene, Laym. Herincx, Bac. Sylv. & communis Canonistarum. Et ita sancitur in *cap. Ecclesie, de Immunit. Eccles.* ubi dicitur; *Obsequiis Divinis dedicata, nullum sunt temerariis ausibus profananda.*

4. Dico quartò: etiam domus Religioforum cum toto Claustro, gaudent Jure Asyli; uti & Hospitalia Episcopi facultate constructa; Ordinaria domus Episcopi, Cardinalium Palatia; & Sacerdos actu deterens SS. Eucharistia Sacramentum, à quo proinde Reus confugiens nequit avelli; item omnia habitacula Ecclesiarum, vel Oratorii, cujusmodi sunt Sacristia, Porticus, Atrium, Cæmeterium, Turres, Valvæ, & alia quomodolibet Ecclesiæ adhærentia. Ita Delbene, Herincx, Laym. Glossa, Sylv. Clarus, & communis Canonistarum. Et Primum colligitur ex *cap. Ligna. dist. 1. de Consecrat.* confirmatque perpetua consuetudo. Secundum de Hospitalibus habetur *cap. Ad hec, de Religiosis domibus.* Tertium de *Domo Episcopi* constat ex *can. Id constitutum, 17. q. 4.* sive hujusmodi Domus sit intra quadraginta passus ab Ecclesia, sive extra; ut tenet Abbas, Laym. Covar. Diana. &c. De Cardinalium Palatiis intra, vel extra Urbem sitis idem habet longa rationabilis consuetudo; & tenet Barbo. Tufch. &c. Quarti de *Sacerdote deferente Eucharistiam*; Ratio est; quia præsumitur de mente Summi Pontificis, eum Privilegium Immunitatis Ecclesiasticæ etiam permittere extendi ad talem Sacerdotem; eò quòd Corpus Christi longè dignius sit locis sacris; imò ratio & fundamentum quasi immunitatis concessæ Locis Sacris: quidquid in contrarium dicat Glossa. Quintum de *Habitaculis* patet ex *can. Si quis contumax, caus. 17. q. 4.* Et ex *can. Quisquis.* Et *can. Deservit, eadem 4. qn.* ubi extenditur Jus Immunitatis ad domus, atria, & quæcunque loca adhærentia, & existentia in circuitu quadraginta passuum in majoribus Ecclesiis, in minoribus verò triginta passuum servit solummodò Reo jam existentem in loco Immunitatis, & ex eo progredienti; non autem eò primò fugienti; uti habetur *can. cit. Deservit.* dicente; *Qui Ecclesias petunt, per omnia licitum est eis in triginta passuum, ab Ecclesiis januis progredi.*

5. Dico quintò: Præfata Immunitas, & Asylum etiam remanet in Ecclesia; etiamsi Interdictò subijciatur, violeitur, polluat, etiam ante reconciliationem; item tametsi sit diruta casu, & imperfectè constructa; modò non desinat construi. Ita Abbas, Sylv. Azor. Delbene, &c. Ratio primi, secundi, & tertii est; quia per Interdictum, Violationem, & Pollutionem, Ecclesia non perdit suam Sanctitatem;

cùm hoc nullo Jure expressum reperiatur. Præterea, hujusmodi Censuræ, & Impedimenta sunt penalia, & odiosa: adeoque extendi non debent ultra casus à Jure positos. &c. Quartum habetur *L. ad Sacra ff. de contrah. empt.* Et *L. In tantum ff. de verb. divis.* Quintum tandem patet ex dictis; quia Ecclesia imperfectè constructa, autoritate Episcopi designata est ad Cultum DEI, & consequenter sortita est rationem Loci Sacri: ergo gaudet Immunitate Ecclesiasticâ.

6. Dico sextò: Regulariter quævis persona, expressè in Jure non excepta, sive Mas sit, sive Femina, sive Liber, sive Servus, sive Nobilis, sive Ignobilis gaudet Immunitate Ecclesiasticâ. Ita communis Canonist. Et colligitur ex *cap. Inter alia, de Immunitate Ecclesiastica.* Et *can. Frater. can. Miror. can. Deservit. can. Id constitutum.* Et *can. Si quis contumax, caus. 17. q. 4.* Estq; Ratio; quia Ecclesia non est acceptatrix personarum: & qualitas Maris, Fæminæ, Liberi, vel Servi, Nobilis, vel Ignobilis per accidens se habet. Ex his ulterius.

7. Dico septimò: Privilegiò Immunitatis Ecclesiasticæ gaudet Suspendus, vel Interdictus ab ingressu Ecclesiæ: item Excommunicatus etiam non toleratus: item Hæreticus in aliis criminibus, præter hæresim: Imò & Infidelis in criminibus, quæ contra Fideles non committit. Ita communis Canonistarum. Ratio primi est; quia Suspendus, vel Interdictus ab ingressu Ecclesiæ censetur solum removeri ab Ecclesiâ introitu ad audienda Divina; non autem arceri ab ingressu materiali, ut gaudeat ejus Immunitate. Deinde Ecclesia interdicta gaudet adhuc Immunitate Ecclesiasticâ: ergo & persona interdicta. Ratio secundi est; Excommunicatio inter suos effectus in Jure expressos, non habet hunc, scilicet privare Immunitate Ecclesiasticâ. Præterea Clericus Excommunicatus non perdit Privilegium fori, & Canonis: ergo nec Laicus Excommunicatus Immunitatem Ecclesiasticam. Ratio tertii est; Hæresis respectu aliorum criminum per accidens se habet: & ex alio cap. ubi crimen non est exceptum, non habemus fundamentum excipiendi personam ab Immunitate Ecclesiasticâ: sed alia crimina Hæreticorum, præter ipsam Hæresim, non sunt excepta in Jure: ergo nec ipsa persona Hæretici. Ratio quarti est; Canones citati pro Immunitate Ecclesiasticâ loquuntur indistinctè; unde Privilegium Immunitatis Ecclesiasticæ non tam est personale, quàm locale; & in reverentiam Locis sacri concessum: Locale autem Privilegium extenditur ad omnes in loco existentes: adeoque

adeoque & Privilegium Immunitatis Ecclesiasticæ ad Infideles ad Ecclesiam confugientes ob aliqua crimina. Deinde Privilegium Immunitatis est favorabile : ergolatè interpretandum, etiam pro Infidelibus, Saracenis, Judæis, & similibus. Dixi *In criminibus, quæ contra Fideles non committuntur* : quia si Judæus, Saracenus, vel alius Ethnicus flagitia committat in populum Fidelem, & ideo confugiat ad Ecclesiam; nequaquam gaudere debet ejus Immunitate; ut bene docet Covarr. Clarus, Ambros. Delbene, &c. quia par non est, quod ab Ecclesia defendatur, qui ejus membra infestant. Et licet talis Reus confugiens ab Ecclesia puniri non possit; gaudere tamen aliquod Privilegiò non meretur; uti habetur *L. Privilegia C. de Hæresi. & Manich.*

8. Dico octavò : Præterea eòdem Privilegiò Asyli gaudet captus, & fugiens ex carcere, vel exilio; item condemnatus ad mortem, & eripiens se è manibus Ministrorum Justitiæ, vel ab alio ereptus, & confugiens ad Ecclesiam; item condemnatus ad triremes, & confugiens ad locum sacrum; item qui præstitò juramentò de redeundo ad carcerem, se recipit ad Ecclesiam; item Clericus delinquens, comparative ad Judices sæculares; item alieno ære gravatus, & decoctor; verbò omnis alius gravis peccator Jure expressè non exceptus. Ita communis. Ratio horum omnium est; quia Privilegiò Asyli, cum generale sit, gaudere possunt omnes personæ, iisdemptis, quæ expressè in Jure Pontificio excipiuntur : personæ autem nominatæ in Conclus. non excipiuntur in Jure Pontificio : adeoque illæ omnes gaudent Privilegiò Asyli.

9. Dico nonò : Non gaudet autem Immunitate Ecclesiasticà publicus Latro; neque depopulator nocturnus agrorum; neque homicidæ, vel mutilatores in Locis sacris, aut Cœmeteriis; nec viarum grassatores; proditoriè occidentes proximum; assassinus; Hæreticus quæ talis; nec committens crimen læsæ Majestatis humanæ. Ita Abbas, Sylv. Herincx, Layra. Farrinac. Hostiens. & communis Canonist. Primum, *de publico Latrone*, constat ex *cap. Inter alia, de Immunit. Eccles.* ubi admittitur Asylus. Nomine latronis publici comprehenditur omnis deprædator, qui palam, vel cum violentia, sive in mari, sive in flumine, sive in domibus, sive in via spoliatur, uti habet Ambros. Delbene, Abbas, & alii. Secundum *de nocturno depopulatore agrorum* constat per *cap. cit. Et Constit. 10. Leonis X.* Et alià Gregorij XIV. hac dere ex professo emanatà, quæ passim refertur à DD. signanter à Delbene; cùtque septima in Bullario Roma-

no. Censetur autem esse nocturnus depopulator agrorum ille, qui in alienis campis nocte (non autem de die) segetes, vel in vineis uvas, similisque fructus devastat, vel furripit; ut dicitur *L. 1. C. Quando liceat*. Tertium *de homicidis & mutilatoribus* pariter constat ex *Constit. Gregoriana*. Et ex *cap. fin. de Immunit. Eccles.* Estque Ratio; quia (ut habet *cap. Inter alia*: Et *can. Ad Episcopos. 17. qu. 4.*) delinquens in Ecclesia, indignus est Immunitate Ecclesiæ. Et quia frustra (ut ait *cap. Qui frustra, de Hæresi, & L. Auxilium, de Minoribus*) legis auxilium invocatur, qui Legem contemnit. Nomine mutilatoris venit solus ille, qui truncat aliquod membrum, ad functiones corporis necessarium, & quod proprium habet munus ab aliis distinctum; uti sunt pes, manus, oculus, auris, lingua, membrum virile, mamillæ sceminarum, ut observat Ugolin. Reginald. Sayr. &c. non qui aut vulnerat, vel debilitat, vel aliquid abscondit, vel destruit, quod ita necessariū non est ad munus corporis, nec habet munus distinctum, cujusmodi sunt dentes, capilli, digiti aliqui, copia sanguinis, barba, cartilago aurium, mamillæ masculi, ungues, & testes; uti habent cit. DD. & Delbene, Molina, Avila, Filliuc. &c. Quartum *de grassatoribus* habetur in *cap. cit. Inter alia*; ibi, *qui dum itinera frequentata, vel publicas stratas obsident, aggressione insidiis*. Et in *Constit. Gregorij XIV. ibi: Viarumque grassatores, qui dum itinera frequentata, vel publicas stratas obsident, ac viatores ex insidiis aggredduntur*. Sunt autem grassatores aliqua species Latronum, in hoc tamen à Latronibus distincti, quod Latro vocetur is, qui extra urbem vias publicas obsidet; grassator verò in ipsa urbe, *L. Capital. §. Grass. ff. de pœnis*. Quintum *de proditoriè occidentibus proximum* determinatur per *cap. 1. de Homicidio*. illis verbis: *Si quis per Industriam occiderit proximum suum, & per insidias; ab altari meo avellatur enim, ut moriatur*. Item habetur in *Constit. Gregor.* sub hoc titulo comprehenditur omnis occisor, occidens per insidias proximum suum incautum, nullibi sibi præcaventem ab insidiis, ut dicitur *L. Propter insidias C. qui accusare non possunt*. Sextum *de assassinis* colligitur ex eadem *Constit. Gregoriana* recepta; & continua praxi Ecclesiæ, atque communi DD. sensu, privante omnes assassinos formales Asylò. Sunt autem assassini illi, qui pecunià, vel aliò æquivalente conducti, incautum aliquem occidunt; ut habet Menoch. Gutierrez, Clarus, Delbene, Imola, &c. Septimum *de Hæreticis* patet; quia hi pertinaciter discredentes Ecclesiæ propositionibus, indignos se reddunt, ut Ecclesiæ gremiò recipiantur, fugientes ad

eam



eam ob crimen hæresis, ob quod aliàs morte plecterentur; habetur enim horum exclusio ab Immunitate Ecclesiastica in *cit. Constit. Gregorii XIV.* Ultimam tandem de committentibus crimen læsæ Majestatis humane; inde constat, quia & isti à privilegio Immunitatis Ecclesiasticæ excipiuntur in dicta *Constit. Greg. XIV.* Et merito; quia tale delictum in Principis personam commissum est atrocissimum, ita ut infamis mors Reo propterea infligatur, sequatur bonorum confiscatio, & de eo etiam postfata possit fieri inquisitio, ac Rei memoria damnari; ut habetur *L. Quinquies. C. ad L. 1. Juliam Majest.* Hujusmodi crimen censetur committere, quisquis actionem damnosam in personam Principis exercet v. g. eum occidendo, vulnerando, percutiendo, conjurando, machinando, hostiliter insequendo, vel revelando hostilibus secretum Principis, ut ab iis capiatur. Idem esto iudicium de consulentibus, favorem præstantibus, ut habet Delbene, & alii DD.

10. Dico decimò: Immunitas Ecclesiastica, de qua hic, operatur sequentes effectus: Quod nullus audeat confugientes ad Ecclesiam, vel residentes inde abstrahere; neque quisquam impedire potest, quò minus eis præstentur alimenta, vestes, & alia necessaria vitæ. Ita communis Canonistarum. Primum deciditur in *cap. Inter alia, de Immunit. Eccles. Et c. De his, qui ad Ecclesiam confugiunt. Et can. Definivit. caus. 17. q. 4.* Unde si Reus per vim à Laica potestate abstrahatur à loco sacro, debet eidem, aut æquétuto, commodo, ac sacro loco restitui; uti habet Herincx, Delbene, Covarr. & communis Canonistarum; habeturque *cap. Inter alia, de Immunitat. Eccles.* Et extrahens potest excommunicatione compelli ad restitutionem; uti habetur *can. si quis, caus. 7. q. 4.* Secus dicendum si Reus sua sponte, vel inductus blanditijs, falsis promissis, & dolis egressus à sacro loco capiatur à Laica potestate; ut habet Navar. Bonac. & Farinac. Secundum expresse determinatur *L. 2. & L. præfenti. C. de his, qui ad Ecclesiam confugiunt.* Item *can. Nullus, can. Miror. Et can. Id constitutus, caus. 17. q. 4.*

11. Dico undecimò: Reus secularis in Asylo constitutus, non potest in loco sacro incarcerationi, neque vinculis ligari; neque aliò modò vexari, neque spoliari rebus secum in Ecclesiam allatis, neque alijs damnis affici; neque ad mortem, aut poenam aliquam corporalem damnari, sive per Judicem secularem, sive per Ecclesiasticum. Ita Covar. Decian. Bonac. Delbene, Abbas, Cartell, &c. Primum, Secundum, Tertium, Quartum, & Quintum;

apertè vetatur *L. Præfenti. C. de his qui ad Ecclesiam confug.* Et *can. Definivit, caus. 17. q. 4.* ubi indefinite prohibetur, nè existenti in Immunitate Ecclesiastica, aliqua vis, nocibilitas, vel damnum inferatur. Sextum habetur *cap. Inter alia, de Immunit. Eccles. Et can. Id constitutus, cit. caus. 17. q. 4.*

12. Dico duodecimò: Infringentes Immunitatem Ecclesiasticam, extrahendo Reum ex loco sacro, vel hoc mandantes, committunt Sacrilegium, incurrunt infamiam, poenam pecuniariam triginta librarum argenti, & Excommunicationem. Ita Delbene, Gutier. Sylv. Farinac. Zerola, & plures alii apud Delbene. Primum constat ex *can. Sacrilegium, caus. 17. q. 4.* Et quia infringentes Immunitatem Ecclesiasticam per extractionem Rei ex loco sacro, in re gravi lædunt sanctitatem loci sacri, in cujus honorem ab Ecclesia est investita Immunitas: & consequenter gravem faciunt injuriam loco sacro: ergo committunt Sacrilegium. Secundum habetur in *Lege Caroli IV.* quam vide apud Scortiam *Epist. 29.* Tertium ordinant antiqui Canones, renovati per Trident. *sess. 29. cap. 20.* & per *Constit. Gregor. cit.* Quartum habetur in *cap. Noveris, de sent. Excommunic.* Et *can. Sicut antiquitus. Et can. Frater. Et can. Miror. Et can. Quinquies. Et can. Si quis contumax, caus. 17. qn. 4.*

## CAP. III.

### De Immunitate reali, & personali.

1. Dico primò: Ecclesiæ, ac personæ Ecclesiasticæ, earumque res, regulariter sunt exemptæ utroque Jure à solutione Tributorum, & Gabellarum. Ita Bonac. Filliuc. Hugol. Lugo, Lessi. Azor. Layman. Herincx, Diana, & communis Canonistarum, ac Legisperitorum. Et primò de Jure Canonico constat ex *cap. Non minus. Et cap. Adversus, de Immunit. Eccles. Et cap. Quamquam, de Consensu, in 6.* Et *cap. 1. de Immunit. Ecclesiar. eodem lib.* Item in Clement. *Præfenti, de Consensu.* Et Bulla Cœnæ: quibus locis etiam intliguntur Excommunicationes, & Interdicta, exigentibus Vestigalia ab Ecclesiasticis. Accedit novissimè Trident. *sess. 25. c. 20.* Secundò de Jure Casareo sancitur *L. Sancimus, C. de SS. Ecclesijs. Et Auth. Item nulla communitas, C. de Episc. & Cleric. ex qua cape sequentia formalia: Item nulla communitas, vel persona publica, vel privata, collectas, vel exactiones angarias, vel parangarias Ecclesijs, vel alijs pijs locis, aut Ecclesiasticis personis imponere presumat.*

2. Dico

2. Dico secundò : Exemptio Ecclesiarum, & Ecclesiasticorum à gabellis, & tributis habet radicem, & fundamentum in Lege Divina, & Naturali, volente, ut à Summis Pontificibus, & Principibus secularibus, Status Ecclesiasticus, bonaque ei adjudicata per Leges humanas, omnino immunita reddantur; Et si Jure Divino expressò eò ipsò immunita non sint. Primum est Lug. Less. Bonac. Laym. Homoboni, Hugolin. &c. Secundum est Lessii &c. Tertium Covar. Mald. Victoriz, Arragon. Ledesma &c. contra Lug. Bonac. Laym. &c. Primum colligitur ex cap. *Quamquam, de Censibus*. Et Trid. sess. 25. c. 20. dicente; *Ecclesia, & personarum Ecclesiasticarum immunitatem DEI ordinatione, & Canonici Sanctionibus constitutam esse*. Et deducitur ex Veteri Testamento Gen. 47. ubi Joseph à Gabellis, & tributis exemit terram Sacerdotum. Item 1. *Esdræ* 7. Artaxerxes immunitatē Vectigalium præstitit Sacerdotibus, & Levitis: ergo, &c. Secundum de *Lege Naturali* patet; quia Personæ Ecclesiasticæ Divinis rebus sunt addictæ, orationibus, & Sacrificiis Regnorum calamitates poterit avertere, & Regna conservantes: ut proinde dixerint Constantinus, & Constanti Imperatores; *Scientia magis Religio-nibus, quam Officiis & labore corporis, vel studio Republicam nostram contineri*. Præterea ejusmodi Personæ communes Principum secularium, aliorumque Christi Fidelium Pastores, & Judices animarum efficiuntur, plurima eis beneficia salutis conferentes: quare Jus naturale dicat, eas eximendas per Imperatores, à secularibus oneribus gabellarum, & Tributorum, in gratitudinis vicem. Quare piissimus Imperator Constantinus, primò omnium exem-it Ecclesiasticas personas ab oneribus personalibus censuum publicorū; uti habetur *can. Qualibet, can. 23. q. 8.* Justinianus immunitatem præstitit in Causis civilibus, & quibusdam tributis; uti habetur *Novell. 23. & 123.* Et tandem alii Imperatores totaliter eos exemerunt; ut videre est in diversis eorum Satisfactionibus, & ordinationibus. Ratio tertii est; Tum, quia nullum Jus extat Divinum, expressè ipsò factò eximens Ecclesiasticas personas, & Ecclesias à solutione Tributorum Regiorum. Tum quia in principio Christiani fuerant subiecti Principibus secularibus; uti deducitur ex illo Apostoli ad Rom. 13. *Omnis anima potestatibus sublimioribus subdita sit*; in quem locum ait Chrysostomus: *Ostendens ista omnibus imperari, & Sacerdotibus, & Monachis, non solum secularibus*; quæ subiectio utique se extendebat ad solutionem Tributorum; Quare hujus solutionis praxis vigeat in primitiva Ecclesia; ut colligitur ex *can. si Tributum, 11. q. 1.* dicente: *Si Tributum*

*petit Imperator, non est negamus*; *agri Ecclesie solvant Tributum*. Et ex *can. Tributum, 23. q. 1.* Quod in ore piscis invenitur, pro Petro, & Domino dari jubetur; quia de exterioribus Ecclesie, quod constitutum antiquitus est, pro pace, & quiete, quæ nos defendere debent, Imperatoribus persolvendum est. Quam praxim non observasset Ecclesiæ, si extaret expressum Jus Divinum, eximens Ecclesiasticas personas, earumque bona, à solutione Tributorum.

3. Dico tertio : Privilegiò exemptionis solvendarum gabellarum, & tributorum, gaudent omnes, & soli sequentes Ecclesiastici; videlicet omnes Clerici Sacrorum Ordinum, & Beneficiati, Religiosi, & Religiosæ, sive perpetuò Claustrales, sive Mendicantes sint; Clerici etiam Minorum Ordinum, & Tonsurati, etiam Beneficiò, vel Obsequiò alicujus Ecclesiæ carentes; modò conjugati non sint; Novitii Regularium; præterea omnes Ecclesiæ, omniæque Loca pia, & Monasteria Regularium, quoad sua bona. Ita Lugos, Less. Covar. Mald. & communis Canonistarum. Ratio, de Clericis Sacrorum Ordinum, & Beneficiatis; item de Religiosis, Ecclesiis, Monasteriis, Locis piis, & bonorum omnium bonis, est; quia præfatæ personæ, Loca, & bona, Jure Canonico sunt propriæ personæ Ecclesiasticæ, loca, & bona Ecclesiastica: sed personæ Ecclesiasticæ, loca, & bona Ecclesiastica gaudent privilegiò exemptionis solvendarum gabellarum; uti habetur cap. *Quamquam; de Censibus, in 6.* Unde & in *Bulla Cane* excommunicantur imponentes, exigentes, & cooperantes his, onera similia civilia, his verbis; *Excommunicamus omnes, qui absque specialis, & expressæ Summi Pontificis licentia, imponunt collectas, decimas, tailias, prestantias, aut alia onera personis Ecclesiasticis, aut eorum bonis, sive Ecclesiarum, aut Monasteriorum ipsorum; aut imposita exigunt, aut à sponte dantibus recipiunt, aut his alibus quodammodo cooperantur*; ergo &c. De Clericis Minorum Ordinum, & initiatis primà tonsurâ colligitur ex *can. cap. Quamquam. Et L. Præbiteros, Cde Episc. & Cleric.* Et quia hi censentur esse veræ personæ Ecclesiasticæ. Diximò modo conjugati non sint; quia tales ex cap. *unic. de Clerico conjugato, in 6.* Et Trid. sess. 23. cap. 6. de *Reformat.* solvere tenentur. De Novitiis patet; quia hi in favorabilibus pro Religiosis habentur, & gaudent eorum Privilegiis, & consequenter exemptione à solutione gabellarum.

4. Dico quartò : Ecclesiastici tamen obligantur solvere tributa in sequentibus casibus. Primò; si negotientur; quò casu ex rebus emptis vel venditis tenentur solvere Vectigal. Secundo; quando acquirunt bonum aliquod, cui prius annexum erat onus reale perpetuum;

v.g. Censui servitutis. *Tertio*; quando exactio communis tributi, æquè cedit in particulare commodum, etiam Ecclesiasticorum; & quando Laicorum facultates reverà non sunt sufficientes, in ordine ad succurrendum publicis Reipublicæ necessitatibus. Ita Less. Lugo, Castro Palao, Bonac. Barbof. Suarez, &c. Primum constat ex cap. *Quamquam, de Censibus in 6.* quod caput Ecclesia ordinavit, in ordine ad deterrendos Clericos à negotiatione lucrativa; quare eosdem negotiatores spoliavit etiam Privilegiò clericali, cap. *Ex Literis 16. de vita & honestate Cleric.* sicut moniti à Superiore non desistant à negotiatione. Secundum deducitur ex cap. *Pastoralis*; *De Decimis*. Et quia dicit communis Regula Juris, cap. *Cum non sit, 33. Res quæcumque cum suo onere transit*. Tertium patet; quia æquitas naturalis dicitur, ut qui sentit commodum, sentiat & onus; quare si Ecclesiasticus æquè primariò sentiat commodum ex apertura alicujus fossæ, in quam defluere debent superflui humiditates in suos & totius alicujus Castri agros, sterilitatem inducentes; vel quando aquæ ductus trahendi sunt ad irriganda prata, tam sua, quam Castri; Ecclesiasticus pro rata Tributum dare debet ad horum faciendam; & ejusmodi onus subire; cùm ipse sentiat commodum particulare. Aliiter dicendum esset; si facienda essent aliqua, quæ directè, & primariò respiciunt bonum Communitatis; & secundariò tantum commodum Ecclesiasticorum: puta si pontes publici, muri, vel fontes Castri alicujus essent reparandi; uti tenet Bart. Panor. Sylv. Barbos. Salon, &c. Quantum tandem constat ex cap.

*Adversus*. Et cap. *Non minus*; *de Immunit. Ecclesiar.* ubi etiam dicitur, quod ad hoc requiri, & accedere debeat Episcopi, & Clerici consensus quoad capita majora v.g. Decanorum Foraneorum, Prælatorum Exemptorum, & Capituli Episcopalis, &c. Imò modò accedere debet regulariter consensus Summi Pontificis; uti patet in Bulla Cænz: præterquam quando periculum est in mora; uti habet Less. Sylv.

5. Dico quintò: Quando in dictis quatuor casibus Ecclesiastici reluctantur, & sunt negligentes in solvendis Tributis, vel gabellis, non possunt cogi ad solvendum à potestate seculari; sed ab Ecclesiastico Judice. Ita Sylv. Panorm. Felin. Lugo, Lopez, Hostiensis, &c. contra Baldum, Olanum, Murejam, Richardum, &c. Ratio est; quia Ecclesiastici per plura capita Juris Canonici; maxime autem per cap. *un. De Cleric. Conjug. in 6.* generaliter exempti sunt à Jurisdictione potestatis secularis, ita ut ab ea nec molestari, nec conveniri possint: adeoque etiam in casu relaxationis solvendæ gabellæ, & ubi vi coërcitivæ, seu coactivæ contra eos procedi debet.

6. Nota autem: in Jure graves pœnas esse statutas contra violantes Immunitatem Ecclesiasticam per Impositionem collectarum, & aliarum exactiõnum super Ecclesias, vel personas Ecclesiasticas. Et *Primò* excommunicari possunt, cap. *Non minus 4. hoc tit.* *Secundò* quicumque collectantes Ecclesias, vel Clericos ipsò facto incurrunt Excommunicationem, cap. *Clericis 3. hoc tit.*

## TITULUS L.

Nè Clerici, vel Monachi, sæcularibus negotiis  
se immisceant.

### CAP. UNICUM.

Quæ ministeria, & Officia sæcularia sint prohibita Clericis.

1. **N**ota primò: *Superiori tit.* ostendit Papa Immunitatem triplicem Clericis concessam à Sacris Canonibus; nunc isto ultimo tit. hujus tertii libri in medium affert illa opera, quæ dedecent statum tam in-

signem, Immunitate Ecclesiasticâ munitum, eaque prohibet; & sunt varia; Unde

2. Nota secundò: *primò* itaque prohibet cap. *1. hoc tit.* nè Clerici, vel Monachi munera injusta accipiant; vel etiam dent: nec pro aliquo sæculari quæstu pretio aliquem conducant: contentiones, lites, vel rixas non ament: in plateis cù sæcularib⁹ non disputent, exceptâ defensione Orphanorum, aut Viduarum: conductores sæcularium rerum, aut procuratores non sint; nec turpis verbi, vel facti jocolato

res, vel alcarum lufores; nec gulæ, & ebrietas sectatores; nec pondera iniusta, vel menfuras habentes; nec negotium injustum exercentes, &c. *Secundo* prohibet iisdem *cap. 2. nē* sint laicorum ministri, vel procuratores. *Tertio* vetat *cap. 3. nē* Religiosi profiteantur Leges; vel Phyticam, id est Medicinam; & qui egressi ex claustris ejusmodi professuras exercuerint, & intra spatium duorum mensium non redierint, excommunicandi sunt.

3. Nota tertio: præterea *quarto* inhihet *cap. 4. hoc tit. nē* Clerici, vel Monachi assumant, vel exercent procuraciones villarum, aut jurisdictiones sæculares sub aliquibus Principibus, seu judiciis præfint; sub pœna depositionis ab officio; aut graviore, si Religiosus sit: cum hoc (inquit *capitulum*) sit contra doctrinam Apostoli dicentis, *nemo militans DEO, implicat se secularibus negotiis*. *Quinto* iisdem interdicit Papa *cap. 1. hoc tit. exercere* judicium sanguinis; sub eadem pœna. *Sexto* limi-

liter *cap. 6. hoc tit. prohibet* ipsis omnes negotiationes lucrificas; & hoc sub interminatione anathematis. *Septimo* etiam vetat Papa *cap. 8. hoc tit. Clericis, & monachis* prædicare munus Tabellionis, seu Notarii. *Octavo* per alios canones inhihetur ipsis generaliter omnia illa opera, & officia, quæ avocant à contemplatione, & spiritualis vitæ instituto, cui mancipati sunt, *can. duo sum, caus. 12. q. 1.*

4. Nota quarto: Religiosi habitum Religionis malitiosè dimittentes in scholis, vel alibi, incidunt in pœnam excommunicationis ipsò factò, *cap. 6. hoc tit.* Eandem incurunt accedentes ad studia sine Prælati licentia, *cap. 2. hoc tit. in 6.* Monachi sæculariter viventes, & alios suo exemplo corruptentes, ad Observantiam Regularem compelli debent. Quòd si tales ausu temerario restiterint, illis ejectis alii inducendi sunt in Monasteria dictorum Religiosorum, *cap. 7. hoc tit.*

Finit Liber III. Decretalium; quem humiliter submitto emendationi S. Matris Ecclesiæ.



LIBER

# LIBER IV. DECRETALIAM D. GREGORII PAPÆ IX.

## PRÆNOTATIO.

**E**rminatò Librò III. Decretalium, tractante de Clericis Sacularibus, & Regularibus, ac de rebus, quæ Ecclesiasticis, & Laicis sunt communes; Summus Pontifex congruo ordine proponit Librum hunc IV. Decretalium, qui tractat de iis, quæ propriè spectant ad Statum solorum Laicorum, & pertinent ad forum, ac iudicium Ecclesiæ; cujusmodi sunt Sponsalia, Matrimonia, aliæque ipsis coherencia, cap. accedens, de procurat: de his ergo sit

## TITULUS I.

### De Sponsalibus; & Matrimoniis.

#### CAP. I.

De Quidditate; Divisione; Requisitionis; Obligatione; & Effectu Sponsalium.

**N**ota primò: Quia Sponsalia sunt quædam Matrimonii inchoatio, vel præcedens dispositio ipsius vinculi matrimonialis; idè eorum tractatum cum Papa præmitto in sequentibus Capitulis. Derivatur autem hæc vox Sponsalia teste Ulpiano à spondendo L. 2. ff. de Sponsal. eò quòd in more positum esset apud veteres, ut parentes, vel tutores, vel amici puellam viro sponderent, stipularentur, seu promitterent in Uxorem;

unde & puella sic stipulata dicebatur Sponsa, & vir Sponsus, cit. L. 2. & 3. ff. eod.

2. Dico primò: rectè describuntur Sponsalia; quòd sunt futurarum nuptiarum mutua promissio. Ita constat ex L. 1. ff. de Sponsal. Et can. nostrates, caus. 30. q. 5. Ly promissio est genus; reliqua ponuntur pro differentia.

3. Nota secundò: Sponsalia dividuntur primò in ea, quæ sunt de futuro; & in ea, quæ sunt de præsentì. Sponsalia de futuro (quæ propriè Sponsalia dicuntur cap. 2. hoc tit. & de quibus potissimè hisce Capitulis primis agitur) sunt illa, quæ in mox præmissa conclus. sunt descripta. Sponsalia de præsentì sunt mutui consensus maris, & femine in matrimonium; seu sunt ipsum matrimonium, contractum quidem, sed necdum consummatum,



*can. de sponsatam, caus. 27. q. 2.* Et *cap. 9. & 15. ac aliis, hoc tit.* Tale Matrimonium, & Sponsalia fuere inter D. Virginem MARIAM, & Joseph, Matth. 1. *cap. expressa illis verbis; cum esset desponsata MARIA Mater JESU Joseph.* Et sub hac acceptione etiam D. Virgo vocatur Sponsa Josephi; & D. Josephus dicitur Sponsus Virginis. *Secundo* dividuntur in pura; & conditionata. *Prima* fiunt sine conditione. *Secunda* cum adjuncta aliqua conditione, v. g. accipio te uxorem, si habeas tantam dotem. De his ex professo infra *tit. 5.*

4. Nota tertio: ut subsistant Sponsalia proprie dicta, seu de futuro, necessario requiruntur varia. *Primo*, ut sint liberè facta, & cum sufficienti deliberatione; uti habet communis DD. Ratio est; quia Sponsalia ordinantur ad Matrimonium: ergo sicut Matrimonium necessario requiritur, ut sit liberum, & cum sufficienti deliberatione factum; ita etiam Sponsalia. Præterea Sponsalia obligant sub peccato mortali: adeoque debent esse actus liber, & cum sufficienti deliberatione elicitus. Ex hoc sequitur, filios, & filias non posse à Parentibus, curatoribus, vel amicis, cogi ad Sponsalia; & si cogantur, sunt eò ipsò invalida: neque possunt à Sponsalibus contrahendis sine gravi causa impediri; uti habet communis DD. post D. Thomam 22. q. 142. *art. 3.* Et deducitur ex *can. Sufficiat, caus. 27. qu. 2.* Et *cap. Veniens 1. de Sponsalibus.*

5. Nota quarto: Si tamen gravis causa adesset, possent licitè liberi à Parentibus impediri à contrahendis Sponsalibus; etiam impioratâ Judicis autoritate; v. g. Si Filius cogit contrahere cum Sponsa multum dispari in conditione, ex quo Familiæ dedecus, scandalum, discordiæ, capitales inimicitiz, & similia incommoda resulerent. Imò si Sponsalia jam essent contracta, possunt absolute impediri, nè sequatur Matrimonium. Ratio est; quia versantur circa rem illicitam; puta Matrimonium contrahendum cum peccato; quod est læsivum charitatis, & pietatis; quare hic locum habet Regula Juris 69. *In malis promissis fidem non expedit servare.* Et ita docent etiam Gutier. Navar. Sanch. Brugnoli, &c.

6. *Secundo* requiritur, ut sint facta cum consensu mutuo utriusque, seu respectivo, id est ultrò citròque pariente obligationem; uti habet Brugnoli, Laym. Vallens. Nam quorum unum futurum est corpus, unus debet & esse animus, *can. de nepos, caus. 31. q. 2.* Unde est commune dictum DD. *Sponsalia non posse claudicare;* id est, non posse ex una parte esse consensum & obligationem; & non ex altera.

7. *Tertio* requiritur, ut Sponsalia non sint merus actus internus; sed aliquod signò externò, v. g. verbis, traditione annuli, Scripturâ, &c. expressus; ita communis DD. Et Ratio est; quia Sponsalia sunt verus contractus humanus; talis autem aliquò signò externò aptò innotescere, & celebrari debet, ut unus contrahens alterum intelligat: intentio namque mente retenta nihil operatur in humanis contractibus, *L. cum plures 60. §. locator ff. locati.* *Quarto* requiritur, ut Sponsalia non sint ficta; sed contineant veram, & seriam promissionem; uti habet Sanch. Pirh. Et fictè faciens Sponsalia peccat graviter. *Quinto* requiritur certa ætas, ita ut contrahentes intelligant, quid agant. Et hæc ætas communiter debet esse saltè Septennium completum; uti tenet communis DD. Et habetur *cap. 3. 4. & 5. hoc tit.* Et *L. de Sponsal. 14. ff. eod.* Nec hic suppletur ætas per malitiam; eò quòd Canonis expressè exigant Septennium completum; ut rectè contra Covarr. & Canis. observat Zoëf. de singulis his requisitis plura in sequentibus titulis dicentur ex professo.

8. Dico secundo: Sponsalia obligant sub mortali ad implementum. Ita S. Thomas, Sanch. Zoëf. &c. Et constat ex *cap. Ex litteris 10. Et cap. Requisivit 17. hoc tit.* Estque Ratio; quia Sponsalia sunt circa materiam gravem, & important contrahum reciprocum; adeoque obligant sub mortali ad solemnizandum Matrimonium. Unde

9. Nota quinto: Sponsi omnibus modis admonendi, & inducendi sunt, ut fidem datâ servent, *cap. Præterea 2. hoc tit.* Et Judex Ecclesiasticus resiliere volentem à Sponsalibus sine justa causa, & invito alterò Sponsò, post canonicam admonitionem censuris Ecclesiasticis compellere potest ad servandam promissam fidem, *cit. cap. 2.* Et *cap. Ex litteris 10. hoc tit.* Et quia generaliter *cap. 1. de pact. ordinatur, ut pacta iniuria suam retineant firmitatem aut conventus, si se non convenerint* (id est correxerit) *Ecclesiasticam sentiat disciplinam;* quia grave est fallere fidem; nihilque fidei humanæ tam congruum est, quàm ut pacta serventur, & adimpleantur, *L. 1. ff. de pactis.* Censuræ tamen Ecclesiasticæ non illicò infligendæ sunt volenti resiliere, *cit. cap. Ex litteris.* Sed prius is per alias pœnas congruentes, ut carceris, & similes, adigendus est ad implementum Sponsalium; ut notat ex Basil. Ponc. & aliis DD. Vallensis.

10. Dico tertio: Sponsalium de præsentati effectus est, quòd derogent Sponsalibus prioribus de futuro. Ita communis DD. Et constat ex *cap. Sicut 22. hoc tit.* Estque Ratio; quia

quia contractus Sponsalium de presenti, seu Matrimonii est fortioris vinculi; eò quòd contineat traditionem corporis. Imò eadem Sponsalia quando transeunt in Matrimonium per modum effectus derogant etiam secundis Sponsalibus de presenti, ac Matrimonio secundo, copulà carnali consummato, *cap. pen. hoc tit.* Unde si contingeret aliquem cum duabus successivè contraxisse Sponsalia de presenti, is adhærere debet priori Sponsæ, eamque habere uxorem, *cap. 1. hoc tit.* tametsi cum posteriori jam habuisset consuetudinem, *cap. 3. & fin. hoc tit.*

11. Nota sextò: Effectus autem Sponsalium de futuro est illa gravis obligatio implendi, & solemnizandi Matrimonium; de qua supra *Concl. 2. & not. 5.* Unde etiam per dispositionem Juris Canonici extincta est lex quæ habetur in veteri *C. hoc tit.* vigore cujus alterutri desponsatorum, vel patri, in cujus est potestate, licuit Sponsalibus de futuro renunciare.

12. Nota septimò: Obligatio instar effectus Sponsalia de futuro ita afficit, ut ea etiam, & sine testibus, ac arrhis contracta fuissent, obligent ex iustitia ad Matrimonium contrahendum; uti constat ex *can. Desponsatus 46. anst. 27. q. 2.* Et *cap. Ex literis 10. hoc tit.* Et confurgit præfata obligatio etiam in illo, qui Sponsionibus fictis Sponsalia referentibus induxit puellam ad copulam carnalem: quare eandem deinde tenetur ducere; uti habet *Rodrig. Armil. Sylv. &c. contra Ledesm. Gabriel &c.* Estq; Ratio; quia mulier tradendo copiam, & usum sui corporis, constituit contractum innominatum hunc; *do tibi corpus meum, ea lege, ut tu postea me ducas in uxorem;* in similibus autem contractibus, si una pars adimplevit, etiam altera ex iustitia adimplere obligatur; cum aliàs altera pars sine ratione damnificetur.

13. Nota tamen ultimò sequentes exceptiones ab hac generali doctrina. *Primò;* casu quo puella decepta esset malæ famæ, non tenetur eam fornicarius ducere. Ratio est; quia non ratione promissionis; quæ cum ficta fuerit, non inducit obligationem. Nec ratione damni; quia talis fœmina nullum est passa damnum singulare: quare satisfacit solvendo pretium culpæ; si illa fœmina consueverat corpus suum locare pro mercede. *Secundò;* non tenetur eam ducere, si fornicarium decipiat promittendo, se esse Virginem; cum reverà non sit; vel esse divitem; & tamen non est; ut habet *Regin. Ledesm. Vasq. Ratio est;* quia utrobique intercessit dolus. *Tertiò;* si puella post deceptionem cum alio copulam

carnalem habuerit, pariter non tenetur eam ducere. Ratio est; quia *frangenti fidem, fides frangatur eadem*, inquit *Regula Juris*: sed hic fuit tracta fides: ergo &c. *Quartò;* si puella sit notabiliter impar fornicario, in nobilitate, divitiis, aut potentia; & hoc sciebat puella decepta; etiam non tenetur eam habere uxorem, Ita *Vasq. Molin. Sanch. &c.* Ratio est; quia copula non censetur digna tantò pretiò; & puella debebat supponere, eum deceptorie agere: tenetur tamen fornicator eam competenter dotare. *Quintò;* non tenetur, si fornicarius timeat ex futuro Matrimonio cum tali puella rixas gravissimas, scandala, vel alia gravia damna oritura. Ratio est; quia hæc longè præponderant fidei servandæ illius contractus Sponsaliti.

## CAP. II.

De Arrhis; Solemnitate Sponsalium; deque Impedimento publicæ honestatis, ex eis resultantæ.

1. **N**ota primò: per *Arrhas* hic intelligi id, quod quasi pignoris locò sibi tradunt Sponsi; cujusmodi sunt catenæ aureæ, annuli &c. Hujusmodi Arrhæ non tantum Jure Civili, sed etiam Ecclesiastico intervenire possunt in contractu Sponsalium, si eas tradiderit una duntaxat pars, ipsas amittit si culpâ suâ resileat à Sponsalibus; adeoque Matrimonium non sequatur: redeunt tamen ad ipsum, si sequatur Matrimonium, *L. mulier 5. C. de Sponsal.* Quòd si utraque pars arrhas dederit, & receperit; tunc resiliens injustè & perdit suas, & acceptas restituere tenetur, si verò una pars tantum eas tradidit, & non suâ culpâ, sed alterius partis Matrimonium non sequatur; tunc ipsa perdit arrhas receptas; & insuper tenetur duplum restituere; vel plus, si ita conventum sit in contractu Sponsalium, *L. pen. C. de Sponsal.* Dummodò resiliens sit major 25. annis, nam minor 25. annis non tenetur amplius, quam accepit restituere, *cit. L. pen.* Circa pœnas

2. Nota secundò: Omnes pœnas propriè dictas, quas Sponsi adicerent contractui Sponsalium, v. g. certam partem patrimonii in casu resilientiæ tradendam solvendam à resiliente, tam per Jus Civile, quam per Canonicum irritas esse; uti patet ex *L. mulier 5. C. de Sponsal.* Et ex *cap. Gemma 29. hoc tit.* Circa solemnitatem Sponsalium

3. Notatertiò: ad valorem Sponsaliorum non requiritur præsentia Parochi, aut ullius testis;

testis; sed valent etiam clandestinè contracta. Ita declaravit sæpius S. Congregatio. Et Tridentinum præsentiam Parochi tantum requirit ad Matrimonium; circa verò Sponsalia nil ordinat: & meritò; quia ex clandestinis Sponsalibus non sequuntur illæ inconveniæ, ob quas Tridentinum annullat Matrimonium clandestinum; scilicet ad evitandum concubinatum spectò primò Matrimonio, clandestinè contractò &c.

4. Nota quarrò: Sponsalia de futuro per secutam copulam carnalem transibant secundum Jus antiquum in Matrimonium, etiam si præsentia Parochi non accederet, & verba de præsentia, *cap. 15. & 30. hoc tit.* Quod etiam procedit hodie in illis Regionibus, ubi Tridentini decretum, quod habetur *sess. 24. de Ref. matrim.* non est receptum. At secundum novum Jus Tridentini *cii. loc.* in locis, ubi est receptum, hujusmodi Matrimonia clandestina non subsistunt; unde Sponsalia de futuro per subsecutam copulam non transeunt in Matrimonium; nisi per verba de præsentia, sive per expressum consensum coram Parocho, & testibus Matrimonium rursus contrahatur: unde derogatur est in *hoc cii. Capitulo, Is qui 30. hoc tit.* Circa ultimum articulum hujus Cap.

5. Nota quintò: Impedimentum publicæ honestatis esse quandam quasi affinitatem, seu propinquitatem, inventam à Canonibus, præfectam ex Sponsalibus de futuro ob publicam honestatem morum: consonum enim videtur honestati, ut propter inchoationem Matrimonii, quæ fit per Sponsalia, prohibeatur Matrimonium cum consanguineis unius Sponsi cum altero. Itaque hodie oritur ejusmodi impedimentum publicæ honestatis ex Sponsalibus de futuro validis; non verò ex invalidis, ex quacunque causa talibus; uti habet Trident. *sess. 24. cap. 3. de Ref.* Et S. Congregatio Concilii apud Joan. Gallen. & notat Pirh. &c. DD. Sed tamen Sponsalia etiam valida primum gradum consanguinitatis non excedunt, tam in linea recta, quam transversa, *ex cii. Cone.* quare contrahens Sponsalia de futuro cum aliquo, vel aliqua, non potest deinde validum inire Matrimonium cum patre, vel matre, fratribus, vel sororibus, vel filiis Sponsi alterius, vel Sponsæ: potest autem cum aliis Consanguineis sive ascendentibus, sive descendantibus, sive collateralibus: nam hi alii omnes conjuncti sunt Sponsis ultra primum gradum, quem impedimentum hoc non excedit. Circa formam Sponsalium

6. Nota sextò: Forma Sponsalium consistit in verbis, aut signis exterioribus, quibus

declaratur consensus mutuus in Matrimonio: & verba magis apta sunt hæc, vel his similia; *promitto, quod te in uxorem accipiam: vel promitto, quod te in uxorem ducam: vel promitto, quod meus maritus eris: vel mea uxor eris. cap. pen. hoc tit.* toletantur & hæc formulæ: *volote cum contrahere: & volo te ducere: & volo te habere uxorem: & promitto quod te habeo uxorem: & ducam uxorem, & nullam aliam nisi te.*

## CAP. III.

Ex quibus causis dissolvantur Sponsalia de futuro.

1. Dico primò: Sponsalia puberum de futuro dissolvuntur mutuo contrahentium consensu. Ita communis DD. Et habetur *cap. Præterea 2. hoc tit.* Estq; Ratio; quia alii contractus naturæ suæ solubiles mutuo consensu dissolvuntur; adeoque & contractus Sponsalium. Deinde res per quas causas nascitur, per easdem dissolvitur, *cap. 1. de R. l. in 6.* Etnihil tam naturale est, quam eo genere quidquam dissolvi, quò colligatum est, *L. nihil 35. ff. eod.*

2. Dico secundò: Dissolvuntur etiam Sponsalia, si inter Sponsos aliquod impedimentum oriatur, v.g. si Sponsus carnaliter cognoverit sororem Sponsæ, aut illius consanguineam in secundo gradu. Ita communis DD. Et constat ex *cap. Cum in tua, de Sponsal.* hoc asserente.

3. Dico tertio: Solvuntur quoque Sponsalia per Professionem Religionis approbatam. Ita DD. omnes. Et habetur ex *cap. 2. de Convers. Conjugat.* Estq; Ratio; quia Matrimonium ratum solvitur per Professionem: adeoque & Sponsalia.

4. An verò solvantur ipsò factò per ingressum, sive susceptionem habitus? Controversia est: saltem ex parte ingredientis: communior autem opinio cum Sanch. Regin. Bonacin. Gutier. dicit, solvi Sponsalia, tam ex parte ingredientis; quam in sæculo remanentis. De remanente est res certa; quia ingrediens censetur suo juri cedere tacitè; adeoque altera pars poterit resilire. De ingrediente (intellige animo serio) etiam ostenditur; quia obligatio Sponsalium censetur facta fuisse cum hac tacita conditione: *Nisi melior sit astat eligatur*: per ingressum autem Religionis eligitur melior. Unde Novitius semel vestitus, si postea sine sua culpa egrediatur, secundum *cii. Doctores* non tenetur stare contractis prius Sponsalibus. Ratio est; quia obligatio semel extincta non reviviscit.

5. Dico

5. Dico quartò : Solvuntur etiam Sponsalia per Susceptionem Ordinis Sacri. Ita Doctores communiter. Ratio est ; quia Ordo est impedimentum dirimens Matrimonium ; adeoque & Sponsalia. Votum tamen suscipiendi Ordinem Sacrum ; uti & Votum simplex castitatis superveniens non dissolvunt Sponsalia ante contracta, juxta communio-rem opinionem, quæ est Navarri, Sylv. Palud. &c. quamvis multi oppositum probabiliter etiam doceant. Ratio est ; quia in contractu Sponsalium nec ex natura rei ; nec ex dispositione Juris ; nec aliunde subintelligi videtur conditio ista : *Nisi voluerò ducere vnam castitem ; aut suscipere Sacrum Ordinem*, sicut ex dispositione Juris subintelligitur ; *Nisi voluerò ingredi Religionem*. Ergo &c. Prob. Ant. quia aliàs consimili termi-ratione contendere posset, subintelligi posse hanc conditionem ; *Nisi postmodum voluerò à Matrimonio abstinere, & DEO liberius vacare*, etiam præciscendo à voto castitatis ; quod est falsum.

6. Nota primò : si Sponsalia fiant post emissum votum simplex castitatis, sunt invalida. Ratio est ; quia sunt promissiones de re illicita ; quæ proinde non obligant.

7. Dico quintò : solvuntur pariter Sponsalia per Matrimonium cum alia validè contractum ; etsi sint jurata. Ita communis Canonist. Et habetur in *cap. Scietur, de Sponsalibus*. Et *cap. Sicut ex Licitis, ibid.* si tamen aliud Matrimonium sit invalidum, videtur manere obligatio ad priora Sponsalia. Ratio est ; quia ex sua iniquitate non videtur quis reportare commodum. secundum Reg. Jur. Pars tamen innocens tunc liberabitur. Ratio est ; quia alter tentando aliud Matrimonium, fregit fidem ; & idè tacitè Juri suo cessisse videtur.

8. An autem priora Sponsalia solvantur per posteriora, cum alia contracta, cum qua habuit copulam carnalem ; variant DD. Ego judico cum Doctores aliquibus, non dissolvi priora ex parte fornicantis ; nisi prima Sponsa renunciaverit suo juri : non enim videtur copula cum altera Sponsa habere vim evacuandi jura primæ Sponsæ, & obligationem Sponsi : *Cum nemo ex iniquitate sua commodum debeatur reportare* : quare pars fornicans compelli potest ad nuptias.

9. Dico sextò : si Sponsa fornicetur post Sponsalia etiam jurata potest Sponsus resili-ri. Ita omnes Canon. Et constat ex *cap. Quemadmodum, de Jurejurando*. Et quia Sponsus idèd promissit Matrimonium, ut Sponsa fidem fervet. Idem dic de Sponsa, quando fornicatur Sponsus. Similiter si Sponsa vi oppri-

matur, & defloretur, Sponsus resili-ri potest à Sponsalibus. Ita Covar. Henricq. Con. &c. Et patet ex *can. Raptor, 27. q. 2.* junctâ Glossâ, verbo *Poterit*. Et est Ratio ; quia etsi non peccet Sponsa ; in assimilatione tamen humana fit notabiliter vilior ; propter quod etiam secundum Sanch. Gutier. &c. non datur compensatio delictorum ; si Sponsus, & Sponsa post Sponsalia fornicentur : etsi enim quoad fractionem fidei facta sit quædam compensatio ; non tamen quoad vilitatem notabilem ; quæ specialiter oritur in Sponsa ; ex cujus parte proinde supervenit notabilis mutatio, ratione cujus solus Sponsus potest resili-ri. Imò putant plures Authores, Sponsum posse resili-ri, si Sponsa permittat se turpiter tangi tantum ab alio frequenter ; si autem id permittat Sponsus, non idèd potest resili-ri Sponsa ; cum in Sponso non censeatur esse notabilior vilitas.

10. Dico septimò : si fornicata sit Sponsa ante contracta Sponsalia, & hoc scivit Sponsus, non potest resili-ri ; potest tamen, si non scivit ; & nolisset contrahere, si hoc scivisset ante. Ita Sanch. cum aliis DD. Ratio primi est ; quia scienti, & acceptanti vilem Sponsam, non fit injuria. Ratio secundi ; quia corrupta Sponsa censetur notabiliter vilior ; & consequenter non ducibilis, si sciretur à Sponso. Secus est de Sponso, qui etsi subinde prius fornicatus fuerit ; non idèd poterit Sponsa resili-ri. Ratio est ; quia fornicatio reddit Sponsam tantum vilio-rem ; non autem Sponsum. Deinde Sponsus ducens fornicariam, fit bigamus, & ineptus ad Sacros Ordines suscipiendos ; quod est magnum præjudicium. Quod si tamen Sponsus fuisset Scottator, & frequens nimis in fornicando ante Sponsalia ; item si habuisset prolem ex fornicatione, potest Sponsa post Sponsalia resili-ri. Ita Herincx, &c. DD.

11. Dico octavò : etiam propter fornicationem Spiritualem dissolvi possunt Sponsalia ; puta propter Apostasiam, vel Hæresim. Ita Sanch. Regin. &c. Ratio est ; quia fornicatio spiritualis etiam censetur notabilis foeditas, & mutatio, dan-que causam resiliendi sufficientem.

12. Dico nonò : Dissolvi quoque possunt Sponsalia, quando Sponsus ( idem dic de Sponsa ) insciâ Sponsæ, vel non consentiente, dimissâ patriâ se transfert ad aliam Regionem, sine animo redeundi. Ita passim Canonistæ. Et habetur *cap. de illis, de Sponsalibus*. Et est Ratio ; quia transferens censetur cedere juri suo.

13. Dico decimò : si tam Sponsus, quam Sponsa præsentem sint ; sed unus est in mora, nè Ma-



nè Matrimonium contrahatur; tunc si Matrimonio sit præfixus certus dies, eò elapsò, innocens pars sit libera à Sponsalibus. Ita Navar. Abbas, Con. Sanch. &c. Et constat per *cap. Sicut, de Sponsalibus*. Et quia Sponsalia fuerunt conditionata.

14. Dico undecimò: Quando supervenit quæcunque gravis mutatio; vel vitium, contractui Sponsaliti, v.g. lepra, paralyfis; notabilis corporis deformitas; morum asperitas; notabilis infamia; paupertas &c. Item si Parentes Sponsæ recuset dare dotem; tunc potest altera pars meritò resilire. Ita Sylv. Abbas, Angelus, Henricus. &c. Et patet ex *cap. Quemadmodum, de Jurejurando*. Estque Ratio; quia intentio spondentis non censetur se extendisse ad causam tam difficilem, deterrentem à Matrimonio.

15. Dico duodecimò: Dissolvi possunt etiam Sponsalia, quando ex futuro Matrimonio gravia scandala, vel mala meritò timentur, v.g. graves inimicitie inter Sponsos, vel consanguineos. Ratio est; quia non tenetur quis cum magno luo damno, aut proximi scandalo, stare promissis.

16. Denique est Regula generalis, & recepta apud Doctores; posse solvi Sponsalia, etiam jurata, quandocunque emergit nova causa; vel accidit mutatio; aut occurrit inconvenientia hujusmodi, quæ si ab initio fuisset, meritò, & rationabiliter homines talis status, & conditionis à promittendo recessissent. Ita Navar. Abbas, Sylv. Sanch. &c. Ratio est; quia promissio intelligitur facta rebus in eodem statu permanentibus.

17. Nota pro complemento hujus Cap. Si manifestè constet, sufficientem adesse causam dissolvendi Sponsalia, potest pars altera resilire propriâ autoritate, non expectatâ sententiâ Judicis; si verò dubitetur de sufficientia; requiritur sententia Judicis; ob probabile periculum injustitiæ, dum spoliatur alter in dubio jure sibi acquisito. Plura de Sponsalibus vide apud Sanchez, Coninch, Henricus. Paludanum, I edeslam, Sylvestrum, Navarr. Covarr. &c.

## CAP. IV.

De Quidditate; Institutione,  
Materia, Forma, & Ministro  
Matrimonii.

**N**Ota primò: *Matrimonium* sic dicitur, vel quia mulier nubit, ut mater fiat: vel quia partus magis onerosus, & la-

botiosus est matri, quàm patri. *Matrimonium* aliàs etiam in jure vocatur *Conjugium*, *Connubium*, & *Nuptiæ*, L. in eo jure 41. ff. de *rit. nupt.* *Conjugium* appellatur à iugo domesticæ curæ, cui vir & mulier pariter adstringuntur, *can. Cum iniquatur* 1. *caus.* 27. q. 2. *Connubium* verò, & *Nuptiæ* dicuntur à nubendo, id est velando; quia Sponsæ pudoris gratiâ caput suum obnubere solebant, antequam Sponsis traderentur, *can. nec illud, caus.* 30. q. 1.

2. Nota secundò: *Matrimonium* in *cap. Illud* 11. *de presump.* describitur, quòd sit *maris, & femina conjunctio, indivisibilem vite consuetudinem* (id est, cohabitationem) *retinens. Et insit, de patria potest.* in principio. Verùm quia secundum Scotum 4. *dist.* 26. q. 11. tria in Matrimonio distinguuntur, scilicet contractus Matrimonialis in fieri; vinculum ipsum inter Conjuges permanens; & ratio Sacramenti: ideò pono alias definitiones magis distinctas. Et

3. Dico primò: *Matrimonium*, ut dicit contractum in fieri, rectè definitur, quòd sit *maris, & femina mutua translatio corporum suorum pro usu perpetuo ad procreandam prolem, debite educandam*. Ut autem dicit vinculum, quòd sit *perpetuum, & indissolubile conjunctio, orta ex consensu, eorum verbis, aliisque signis expresso*. Ut demùm dicit rationem Sacramenti, quòd sit *expressio certiorum verborum, vel signorum æquivalentium, maris, & femina ad se invicem significantium traditionem mutua potestatis corporum, ad prolem debite procreandam, ex institutione Divina esse aciter significans gratiam, conferendam mutuo contrahentibus, ad conjunctionem mutuum amorem*. Ita in terminis Scotus cit. & post ipsum Scotistæ. Et Ratio est; quia hæ definitiones Matrimonii, in triplici sensu debite & distinctè explicant acceptionem Matrimonii triplicem.

4. Nota tertio: Triplex præterea reperitur *Matrimonium*; scilicet *Legitimum*, *Ratum*, & *Consummatum*. *Legitimum* est; quod consensu legitimo inter personas non prohibitas constitutum est. *Ratum* est; quod includit legitimum; & addit Rationem Sacramenti, per quam majorem firmitatem acquirit. *Consummatum* est; quod addente reali corporis usu perficitur, & completur. Ita Brugn. Layman. Sanch. &c.

5. Dico secundò: *Matrimonium* in ratione contractus indissolubilis fuit à DEO institutum, statim in principio mundi. Ita communis Theologorum, cum Scoto cit. S. Bonaventura, S. Thom. &c. contra Manichæos, docentes nuptias esse à malo Deo institutas. Et patet ex Genesi, ubi hujus Institutionis legitur promul-



promulgatio, ab Adam facta *cap. 2. Hoc nunc os de ossibus meis, & caro de carne mea: propter quod relinquet homo Patrem & Matrem, & adhaerebit uxori suae; & erunt duo in carne una: quae verba ponderans Tridentin. sess. 24. cap. 1. de Reform. ait; Matrimonium perpetuum, indissolubileque nexum primus humani generis parens Divini Spiritus instinctu pronuntiavit; cum dixit: Hoc nunc os de ossibus meis, & caro de carne mea: quamobrem relinquet homo Patrem, & Matrem, & adhaerebit uxori suae, &c. adeoque cum Adam tantum pronuntiaverit ex inspiratione DEI Matrimonium in ratione contractus, censetur DEUS ipse id instituisse in principio mundi.*

6. Dico tertio: Valde conformè fuit Legi naturae, ut Matrimonium in ratione contractus indissolubile institueretur. Ita Scotus cit. Branc. Hiq. &c. Ratio est; quia indissolubile Matrimonium valde conducit ad generis humani propagationem; ad bonam prolis educationem; & plurima inconvenientia evitanda, quae natura abhorret.

7. Dico quarto: Matrimonium Fidelium in Lege nova est propriè dictum Sacramentum, à Christo institutum. Ita Scholastici omnes; contra Hæreticos modernos. Et constat primò ex definitione Concilii Braccarenensis l. *Can. 11.* Item Tolet. l. i. in *Confessione Fidei.* Et Florentin. ac Tridentin. sess. 24. dicente; *Cum igitur Matrimonium in Lege Evangelica veteribus connubiis, per Christum gratiâ præfret, meritis inter Novæ Legis Sacramenta annoverandum Sancti Patres, Concilia, & universalis Ecclesiæ traditio semper docuerunt.* Patet secundò; quia, ut inquit Scotus, Christus *Matth. 19.* Matrimonium, quod prius erat contractus nūdus, exivit ad rationem Sacramenti, dum dixit; *Quod DEUS coniunxit, homo non separet.* Tertio, idem habetur in SS. Patribus; maxime S. Augustino lib. de *fide, & operibus*, cap. 7. dicente; *In Ecclesia nuptiarum non solum vivendum; verum etiam Sacramentum sua commendatur; ut non liceat viro uxorem suam alteri tradere.* Videatur etiam S. Ambrosius lib. 1. de *Abraham*, cap. 7. Cyrillus Alexandrinus &c. Quarto etiam Ratio est; quia valde congruum fuit, ut saltè pro Lege gratiæ, sicuti cætera Christi iuga suavia sunt, & lævia; ita & hoc tam firmum, & indissolubile iugum leve redderetur à Christo, per superadditionem virtutis, & efficaciam Sacramentalis, causando in ritè suscipientibus gratiam sanctificantem; per quam & Coniuges firmitus inter se animò, & corpore unirentur; & officium propagandæ, atque ad cultum DEI educandæ prolis

sanctius exercerent, ac remedium ingeniæ concupiscentiæ convenientius consequerentur; maxime ex quo Christus ipse repudium uxorum, quod antiquis fuit levamen, sustulit.

8. Dico quinto: Materia Matrimonii sunt corpora Conjugum contrahentium, mutuo tradenda; Forma est consensus, legiūmè & sensibilibiter ab eis expressus. Ita Antoninus, Palud. Covar. &c. DD. Ratio est; quia Materia & Forma hujus Sacramenti est eadem, quæ est Materia Contractus; Christus enim contractui in natura sua invariato, solum addidit dignitatem Sacramenti: sed contractus Matrimonialis Materia sunt corpora contrahentium; & Forma est consensus, sensibilibiter expressus; ergo &c. Quia tamen corpora contrahentium sunt contractui extrinseca, instar objecti, & materiæ circa quam; idcirco non sunt Materia intrinseca Sacramento, & essentialis, seu ex qua; quæ propriè hic non debet dari; sicut neque in aliis contractibus datur Materia ex qua; sed tantum circa quam; v. g. in venditione equi, equus est Materia tantum circa quam versatur contractus.

9. Dico sexto: Minister essentialis hujus Sacramenti non est Sacerdos; sed sunt ipsi contrahentes. Ita communis Doctorum apud Bellarm. lib. 1. de *Matrimonio* cap. 6. Sotum, &c. Ratio est primò; quia Minister Matrimonii est, qui verborum Formam profert, quibus Sacramentum perficitur; sed verba quibus hoc Sacramentum perficitur, Coniuges contrahentes proferunt, sive immediatè, sive mediatè per Procuratorem, vel Epistolam; ergo &c. Ratio est secundò; quia ante Tridentinum Matrimonium clandestinum, id est quod sine præsentia Sacerdotis celebratur, erat verum Matrimonium & Sacramentum, quod tribus perficitur, Materiâ scilicet, Formâ, & Ministrò. Itaque Sacerdos non est Minister essentialis, sed tantum accidentalis; quatenus ex officio jungit, & benedicit Coniuges contrahentes. Unde dicunt Theologi Sacerdotem in mortali assistentem Matrimonio non peccare; eò quòd non ministrat essentialiter; nec conficiat Sacramentum. Ita Sanch. lib. 2. *disp. 6.* Gutier. Henricus &c. DD.

## CAP. V.

De Consensu, tum Contrahentium, tum Parentum circa Matrimonium; & de Celebratione ejus per Procuratorem, vel Epistolas.

**D**ico primò: Ut Matrimonium debitum sortiatur valorem, omnino est necessarius mutuus liber Consensus contrahentium, per verba, vel signa alia æquivalentia, de præfenti expressus. Ita communis Canonistarum, & Theolog. Et Ratio est; quia Matrimonium est contractus, & mutua traditio, atque acceptatio corporum contrahentium: adeoque utrobique est necessarius mutuus consensus, sine quo præfata non subsistunt. Et ex Matrimonio resultat continua vitæ Societas; mutua Conjugum charitas; indissolubilitas; aliavè onera Matrimonii, quæ postulare videntur liberum, & mutuum Conjugum Consensum.

2. Dico secundò: Debitum Matrimonii valorem facit etiam solus Consensus Conjugum, sine assensu Parentum, vel Curatorum. Ita DD. Catholici; contra Lutherum, ejusque sequaces. Et constat ex Tridentino sess. 24. cap. 1. de Reform. anathematizante eos, qui falso affirmant, Matrimonium à Filiis familias sine consensu Parentum contracta esse irrita; & parentes irrita, vel irrita facere posse. Item per can. Sufficiat, caus. 27. q. 2. ubi dicitur: Sufficiat secundum Leges eorum Consensus, de quorum conjugationibus agitur. Et accedit Exemplum Sacre Scripturæ, in qua legitur Tobias ex Consilio Angeli, sine Parentum scitu, & assensu, legitimum contraxisse Matrimonium.

3. Nota tamen primò: Quòd celebraturi Matrimonium, Parentum, & Curatorum Consensum (quantum fieri potest) requirere, & obtinere debeant ex quadam congruentia, reverentia, & honestate; ut passim docent Doctores. Ab hoc tamen excusat causa iusta; puta si Parentes, aut Curatores molesto, vel difficili nimis Matrimonio eos vellent copulare.

4. Nota secundò: Quòd certæ pœnæ Contrahentium in quibusdam Regnis statuta, & ordinantes posse exhereditari contrahentes sine Consensu Parentum, & Curatorum, secundum Sanch. & alios DD. nullum habent valorem amplius in foro Ecclesiastico: quia Jus Canonicum potius favet libertati Matrimonii; jubetque causas, & leges Matrimonia-

les spectare ad Ecclesiam; & non ad forum Laicale; per cap. Tuam, de Ordine cogn. & Trident. sess. 24. Cap. 20.

5. Si objiciatur contra hoc; Ex Jure Canonico can. Aliter, caus. 30. quest. 1. dicens: Aliter legitimum non fit Conjugium; nisi ab his, qui super feminam dominationem habere videntur, & à quibus custoditur, uxor petatur, & à parentibus, & propinquisque sponsetur. Respondendo glossando Jus, & dicendo: per ly non legitimum hic non intelligi idem, quòd contra leges rigorosas; quasi invalidum, vel nullum sit Matrimonium: sed quòd non sit solemne, decens, & honestum, sicut de lege congruentia deberet esse. Et hic sensus colligitur ex contextu ipsius can. Aliter &c. ubi eodem tenore requirit, ut Sponsibiduo Orationi vacent; & ut Sponsa à Paranympis custodiatur, ac similes condiciones; quibus tamen omisiss Matrimonium est validum, & legitimum.

6. Dico tertio: Consensus merè internus ipsorum Conjugum non sufficit; sed debet esse exterius expressus. Et Ratio est; Tum quia ratio contractus humani, & mutux traditionis, atque acceptationis hujusmodi Consensum exterius expressum postulat. Tum, quia ipsa ratio Sacramenti hoc exigit, cujus pars essentialis est sensibilis expressio interni consensûs. Et perpetuus Ecclesiæ usus fuit, ut sensibilibus signis celebrarentur Consensus Matrimoniales.

7. Nota tertio: Præfata expressionem Consensûs non debere necessitò fieri verbis; sed sufficere etiam nutus, & alia signa, v.g. feria capitis ad interrogationem de traditione, & acceptatione inclinatio; manus porrectio ad factam petitionem; item secundum praxim aliquorum locorum, impositio; & acceptatio annuli, in digito: idem est, si parentes expriment Consensum nomine prolium presentium, & non contradicentium, cap. un. de Sponsalibus impub. in 6.

8. Dico quartò: Potest etiam per Epistolam inter absentes fieri contractus Matrimonii. Ita communiter DD. Et constat ex L. Mulierem, ff. de ritu nuptiarum. Usitatus tamen defectò in Ecclesia sit per Procuratorem; & quidem validissime; prout dicitur cap. finali, de Procurator. Ut autem servetur forma Tridentini præscripta, ubi est Tridentinum receptum, deberet fieri, ut Procurator Consensûs sui principalis, ejusdem nomine exprimeret, coram Parocho, & testibus.

9. Dico quintò: Potest hujusmodi Procurator esse tam masculus, quam femina. Est communis DD. Et Ratio est; quia Jura hic neutrum prohibent. Tale Matrimonium per

Procuratorem factum, omnino est verum Sacramentum ; ut habet Con. Sylv. Henric. Sanchi : quia ad sunt omnia essentialia Sacramenti ; nec requiritur presentia eorum, quibus ministratur, sicut in baptismo, & aliis Sacramentis ; cum hoc Sacramentum celebretur per modum contractus, qui fieri potest etiam inter absentes.

10. Nota quartò : Verba adhibenda à Procuratore, quando contrahit nomine alterius, debent esse ista, vel æquivalentia ; *Recipio te in uxorem nomine Cesaris* ; vel ista ; *Cesar accipit te in uxorem me mediante*. Similiter femina debet respondere ; *Ego te mediante duco Casarem*. Ita Covar. Sanch. &c.

11. Dico sextò : Procurator non peccat mortaliter, contrahendo Matrimonium nomine alterius in peccato mortali. Ita Brugnoti, &c. DD. Ratio est ; quia non pertinet ad ipsum ex Officio ministrare huiusmodi Sacramentum ; nec est Minister consecratus ad hoc munus. Contrahentes tamen peccarent, si in mortali essent, quia ponerent obicem gratiæ Sacramentali recipiendæ. Ita Rebellus, Con. Gutier. Unde absentes etiam tenentur esse in gratia eò tempore, quò probabiliter putant Procuratorem contracturum : tunc enim recipiunt Sacramentum, sive dormiant, sive vigilent ; imò etsi essent tunc amentes. Ita cit. AA.

## CAP. VI.

De Matrimonio coacto ; simulato ; deque Indissolubilitate Matrimonii ; & Polygamia.

1. Nota primò : Matrimonium propriè *coactum* dicitur illud, quod celebratum est ob gravem metum, id est, cadentem etiam in constantem virum, iniuste incussum, ad finem Matrimonii ; ut passim docent Doctores.

2. Dico primò : Coactio, violentia, & vis gravis iniusta ponunt impedimentum dirimens Matrimonii ; unde Matrimonium coactum, seu conclusum ob metum gravem iniuste incussum, est irritum, & nullum. Ita Canonistæ & D. Thomas, S. Bonaventura, Richard, Palud, &c. Et constat ex cap. *Cum locum*. Et cap. *Veniens*. Et cap. *Consultationis*, de Sponsalibus ; & alibi. Dixi in conclusione, ob metum gravem ; quia Matrimo-

nium celebratum cum incussione metus levis subsistit ; talis enim non censetur libertatem contrahentis adimere, unde & in cap. *Cum dilectus*, de his, quæ vi. Et in *L. nec timorem*, ff. de eo, quod metus causa, levis timor non æstimatur in hoc, & quovis alio contractu, etiam in professione Religionis, levi metu causata ; ut habet Sanch. Laym. &c. Dixi etiam *iniuste incussum* ; si enim iustò titulò incutiat à Iudice, vel à Lege v. g. Desforatori Virginis, ut cum ea copuletur, Matrimonium validum censetur ; uti habetur in cap. *Ex literis*, de Sponsalibus. Dixi ad finem Matrimonii ; quia metus, etiam gravis, incussum ex alia causa iusta, vel iniusta, non invalidat Matrimonium etiam occasione istius metus contractum. Est et Ratio ; quia non censetur quis tunc ab alio compelli ad Matrimonium ; sed ipsemet eligit hoc medium ad se liberandum.

3. Hinc sequitur primò : Validum esse Matrimonium cum Filia Judicis, celebratum à Petro, detruso in carcerem ob desolationem Petronillæ. Quia etsi metus carceris gravis sit, & invalidet alios contractus incarcerationi, per *L. Qui in carcere*, ff. de eo, qui metus causi. Quia tamen metus ille Petro non incutitur causâ extorquendi Matrimonium ; ideo Matrimonium subsistit. Secundo : Si Rex obfidiione gravi pressus Filiam alteri obsidentis Regi in Conjugem offerat, eò fine, ut pax sequatur ; Matrimonium habebit debitum valorem. Excipe nisi Rex obsidens ad extorquendum Matrimonium, castra plantasset ante urbem. Tertiò : Si genitor deprehendat Plautum in actuali concubitu cum filia, eumque gladiò velit transfodere ; Plautus autem spontaneè offerat Matrimonium cum illa filia violata, ut mortem evitet ; validum contraheretur Matrimonium. Quartò : si quispiam mortaliter ægrotus, promittat Medico, se duciturum ejus filiam in uxorem, si medicamentum curativum præbuerit, & re ipsâ de presenti contrahat Matrimonium ; validè contrahit.

4. Dico secundò : Matrimonium contractum cum solo metu reverentiali Patris, Matris, vel Curatoris &c. manet validum. Ita Sanch. Con. Less. Abbas, in caput cum virum n. 1. de Regular. contra Navar. Rodriq. &c. Ratio est ; quia talis metus non tollit libertatem ad Matrimonium requisitam, esto ipsam aliquantulum minuat.

5. Nota tamen secundò : Huiusmodi metum etiam irritat Matrimonium, si ei sint conjunctæ minæ Patris, vel Matris, vel sævitia : Item si timeatur gravis, & diuturna indignatio

Patris,

Patris, vel Matris, vel alterius Personæ, à qua contrahentis vita, & fortunæ pendent; ut habet Abbas, Ledesm. Lessi. Sanch. &c.

6. Dico tertio: Solæ preces importunæ, ac sæpius repetitæ, non sufficiunt ad invalidandum Matrimonium. Ita Brugn. Laym. & alii DD. Ratio est; quia hæc preces non censentur incutere metum injustum, cadentem in constantem virum.

7. Dico quarto: si autem cum importunis precibus iuncta sit reverentia personæ rogantis; v. g. si Princeps apud Tulliam intercedat pro Scipione, ut eum sibi in Maritum assumat, vel hoc jubeat; tunc redditur invalidum Matrimonium. Ita Sanch. Laym. Brugnoli, Lessi. Conink &c. Ratio est; quia duæ hic concurrunt impulsiones, hominis scilicet Auctoritas, & preçum importunitas; quæ duo libertatem adimere censentur. Circa *simulatum* Matrimonium

8. Dico quinto: Quando intercedit ex parte unius, actu contrahentis, simulatio animi, Matrimonium est nullum. Ita Laym. Brugn. Sanch. &c. Ratio est; quia nisi addit verus consensus, non oritur valor in Matrimonio, *can. sufficit, can. 27. q. 2.* Et *cap. Cum locum, de Sponsalibus.* at ubi est simulatio animi, non est verus consensus; & consequenter nullum Matrimonium.

9. Nota tertio: Quòd taliter simulans gravis peccati tam Sacrilegii, quàm injustitiz reatum contrahat; ut docent Theologi communiter; cùm & irreverentiam Sacramento, & injuriam alteri parti, bonâ fide contrahenti inferat; unde obligatus manet ad hoc compensandum pro verum consensum in Matrimonio; ut dicit Brugnoli, & Laym. Nisi mulier decepta à simulatore, falsò se jactasset Virginem; si enim Virgo non fuerit reperta, *Deceptio deceptione tollitur, ac mutuo compensatur.* Vel nisi ex tali Matrimonio infelices exitus succrescerent; puta rixæ inter cognatos, & uxorem, & alia scandala: vel nisi simulator esset altioris familiz; dummodò spe Matrimonii, copula non intercesserit: vel tandem, nisi simulator aliud postea Matrimonium verò consensu contraxerit; quibus omnibus casibus secundum Ledesm. Sylv. Henricu. &c. compensatio non potest alter fieri, nisi per verum consensum novum in Matrimonium cum decepta.

10. Dico sexto: Una pars contrahentium non tenetur alteri credere, etiam juranti, se cum simulatione animi iniisse Matrimonium. Ita Laym. Brugn. &c. Et constat juxta *L. Generaliter C. de numerata pecunia*; ubi dicitur *Nimis indignum est, ut, quod suâ quicque voce diluci-*

*de protestatus est, id proprio valeat testimonio confirmare*; & quia præsumi debet idem fuisse in corde, quod in ore; juxta, *L. Dabis ff. de suppl. leg. ubi dicitur: Non arbiter quicquam dicere, quòd non sit*: adeoque non tenetur altera pars, etiam juratoriè alleganti deceptionem, & simulatum animum credere, quousque dilucida indicia suæ deceptionis exhibeat coram Judice Ecclesiastico. Circa indissolubilitatem Matrimonii

11. Dico septimo: Matrimonium consummatum Jure Divinò est ita indissolubile, ut in nullo casu, præterquam tribus infra specificandis quoad vinculum possit dissolvi. Ita Catholici Doctores. Et primò hoc constat ex Conciliis Generalibus, statuentibus graves excommunicationes contra solventes Matrimonia consummata: sic in Concilio Libert. *can. 6. ordinatur: Mulier, quæ ob viri adulterium alteri nupsit, non recipiatur ad communionem, nisi post mortem prioris Mariti.* Et in Canonibus Apost. *can. 47.* sine ulla exceptione, excommunicari jubetur ille, qui uxore dimissâ, aliam ducit: Tandem novissimè Tridentinum *sess. 14. can. 5. & 7.* Conclusionem clarè definit. & *sess. 24.* in principio appositè sic dogmatizat. *Matrimonii perpetuum, indissolubileque nexum, primu humani generis parenti Divini spiritus insinila pronuntiatus, cum dixit: hoc nunc et ex ossibus meis, & caro de carne mea; quamobrem relinquet homo Patrem, & Matrem, & adheret uxori suæ; & erunt duo in carne una: adeoque Matrimonium consummatum est indissolubile.* Constat idem secundò ex illo Apostoli *1. ad Cor. 7. Mulier alligata est Legi, quanto tempore vir ejus vivit, quòd si dormierit vir ejus, liberata est, cui vult nubat.* Et illo qui *Matrimonio juncti sunt, præcipio, non ego, sed Dominus, uxorem à viro non discedere, quòd si discesserit, manere inuptam, aut viro suo reconciliari, & vir uxorem non dimittat.* Constat tertio ex SS. Patribus, signanter Aug. *lib. 2. de Adulter. Conjug. cap. 46.* dicente; *Hæc verba (subintellige modò citata ex Epist. 1. Cor. 7.) toties repetita, toties inculcata, vera sunt, viva sunt, sana sunt, plena sunt; nullius viri posterioris mulier uxor esse incipit; nisi prioris esse desierit, esse autem desinit uxor prioris, si moriatur vir ejus, non si fornicetur; licet itaque dimittatur Conjux ob causam fornicationis; sed manet vinculum prioris, propter quod sit reus adulterii, qui dimissam duxerit, etiam ob causam fornicationis.* Eadem verba Apostoli explanans S. Chrysost. *serm. de libello repudiij* ait; *Quando igitur licebit illi secundas nuptias contrahere? tunc, ubi à catena liberata fuit, quando vir morietur solum.*

12. Nota nunc quartò tres particulares casus,

fus, in quibus tantum Matrimonium etiam consummatum dissolvitur. *Primum* est; si moriatur alter Coniunx; & hunc exprimit Concilium Libert. & Apostolus citatus 1. ad Cor. 7. Patres, ac Theologi omnes. *Secundus* est casus conversionis unius Coniugis ad fidem, altero remanente in infidelitate, & nolente ullò modò converti; quo casu post certum tempus Coniunx conversus potest celebrare licet Matrimonium novum, dissolutò priori, etiam consummatò; circa quod tamen consulatur Papa; vel Ordinarius Loci. *Tertius* erat in veteri Lege, in qua referente *Dentern*, cap. 24. concessit DEUS Judæis libellum repudiij, in certis casibus; quo secundum DD. passim, & probabiliter Scotum in 4. d. 33. dissolvebatur prius Matrimonium, etiam quoad vinculum: etsi reclamant aliqui Interpretes, & Theologi dicentes, per repudium non fuisse solum Matrimonium quoad vinculum, neque unquam repudium licuisse; sed fuisse tantum à DEO permixtum, ob duritiam cordis Judæorum, tanquam minus malum, ad evitanda majora mala. Prima tamen Doctrina est receptior, & verior.

13. Dico octavò: Matrimonium tamen ratum est dissolubile per solemnem Religiosam Professionem unius Coniugis; item per Pontificiam dispensationem. Primum est communis Theologorum apud Scotum, Covar. Sanch. Pontium &c. Secundum est Navarr. S. Antonini, Reginaldi, Conink, Bellarm. contra Herinck, & alios AA. Primum definit Tridentinum sess. 24. can. 6. Et deciditur sub Alexandro III. cap. Verum, & cap. Ex publico, in Extravag. Joannis XXII. quæ incipit *Antiqua*. Secus est, si tantum voveatur continentia in sæculo, etiam in manibus Episcopi: Aut si alter Coniunx suscipiat tantum Ordinem Sacrum; ut declarat idem Joannes XXII. Extrav. tit. Et ex his DD. deducunt; quòd quivis Coniugum post quodcunque etiam longum tempus, quò tamen Matrimonium non consummat, possit ingredi Religionem; quod secundum cap. Ex publico, de convers. Coniug. non tenentur consummare per redemptionem debiti intra bimestre. Hoc tempore si Coniunx medians Religionis ingressum vi opprimatur ad consummandum Matrimonium, non quidem solvitur Matrimonium per Professionem; potest tamen ingredi Religionem. Ratio est; quia hic per alterius injuriam, non debet spoliari suo Jure: & alter debet sibi imputare; quòd tunc debeat in coelibatu permanere. Ratio secundi dicti conclusionis est; quia legimus Summos Pon-

tifices quandoque ob bonum aliquod insignem Ecclesiæ; vel ad tollenda scandala, dispensasse in similibus Matrimoniiis ratis; sic fecit Paulus III. Martinus V. Adrianus IV. & Pius IV. teste D. Antonino 3. parti. tit. 1. §. 3. & docet Navarr. Sanch. Gutier. Con. Reginald. Rebellus, &c. Ratio petitur ex suprema facultate, quam habet Summus Pontifex ad facienda ea, quæ sunt necessaria bono Regiminis Ecclesiæ. Et quia Pontifex potest dispensare in voto solemniori Religionis, quod majus est; & defectò dispensatum fuit cum Nicolao Monacho dein Rege Arragoniæ; Et cum Constantia Moniali Filia Rogeri Regis Siciliæ: adeoque à fortiori in Matrimonio rato id præstare potest. Circa Polygamiam.

14. Dico nonò: bene describitur Polygamia, quòd sit *pluralitas uxorum, vel maritorum simul, vel successive*. *Ly pluralitas* est genus: reliqua ponuntur pro differentia.

15. Dico decimò: Polygamia plurium uxorum, vel maritorum successive post mortem prioris Coniugis non est prohibita; sed licita. Ita Catholici, contra Montanum, & Cathaphryges, appellantes secundas nuptias fornicationem. Et constat ex D. Paulo ad Rom. 7. Et 1. ad Cor. 7. *Si dormieris vir ejus, liberata est, cui vult, nubat*. Accedit communis Ecclesiæ consensus, tolerans secundas nuptias. Et doctrina S. Augustini lib. de Bono Viduit. c. 12. conclusionem asserentis.

16. Dico undecimò: Polygamia plurium uxorum, vel maritorum simul est omnibus Christianis Jure Divinò prohibita. Ita communis Canonistarum, & TT. Et constat ex Tridentino sess. 24. can. 2. Et deducitur ex illo Matth. 19. *Quicumque dimiserit uxorem suam, & aliam duxerit, machatur*. Et ex illo Gen. 2. *Quamobrem relinquet homo Patrem suum, & Matrem, & adhaerebit uxori suæ, & erunt duo in carne una*; ubi nota, quòd uxori dixit; & non uxori bus. Estq; Ratio; quia unitas uxoris magis congruit educationi prolis; sinceriori inter Coniuges affectui; & ut evitentur rixæ, ac discordiæ domesticæ: Unitas etiam virorum magis prodest generationi prolis, aliisque bonis Matrimonialibus. Concessit nihilominus DEUS in Lege Veteri Polygamiam, quoad Uxores plures simul; sicut refert Vetus Testamentum de Abraham, Joseph, Davide &c. & hoc permisit DEUS, ut electus populus, & DEUM verum confitens, numero paucus, copiosius multiplicaretur post diluvium; maxime quando homines amplius non attingebant tam longam annorum feriem.



# TITULUS II.

## De Desponsatione Impuberum.

### CAP. UNICUM.

Variae Resolutiones circa Sponsalia Impuberum; & de ætate nubentium defectò.

1. **N**Ota primò: *Priori tit. generico* tractante de Sponsalibus, & Matrimonio in genere subnectit Papa istum specificum tractantem de Sponsalibus, & Matrimoniis impuberum in specie. Intelliguntur autem per *Impuberes* illæ personæ, quæ necdum sunt affectæ talem corporis habitum, seu aptitudinem, ut generare possint, *cap. 1. hoc tit.* Per *Puberes* verò intelliguntur illæ personæ, quæ affectæ sunt memoratum habitum; quod censetur fieri in femina anno 12. ætatis; in maribus verò anno 14. *cap. 2. hoc tit.* Dicuntur puberes à *pube*, id est à pudentia, seu pudore corporis; eò quòd hæc loca primò lanuginem ducant, *cap. 3. hoc tit.*

2. Dico primò: ut Sponsalia Impuberum valida sint, requiritur septennium completum in utroque Sponso. Ita communis DD. Et habetur *cap. 4. & 5. hoc tit.* Estque Ratio; quia ad ejusmodi contractum requiritur usus rationis, & aliqua prudentia, ac consequenter ætas septennis, in qua usus rationis & aliquis prudentia post transactam infantiam advenire solet, *L. in Sponsalibus 14. ff. de Sponsal.* Quòd si tamen unus Sponsorum finitò septenniò necdum esset affectus usum rationis; Sponsalia evadunt invalida, *cir. L. 14.*

3. Nota secundò: si duo infantes inter se, vel unus major septenniò, alter verò minor, Sponsalia contrahant ipsi, vel eorum locò parentes; ejusmodi Sponsalia sunt invalida, nec tractu temporis post expletum septennium convalescunt; nisi appareat aliquid ex verbis, vel signis eorum (puta si Sponsos se nominent, vel ut Sponsos osculentur, vel aliter Sponsalia ratificent; uti notat Vallens.) ipsos post septennium in eadem voluntate perdurare; uti dicitur *cap. si infantes 6. hoc tit.*

4. Nota tertio: Si ambo impuberes contrahant Sponsalia, neuter potest resilire ante pubertatem; post pubertatem verò uterque potest, uti habetur *cap. De illis 7. hoc tit.* Ratio etiam primi est; quia meritò hoc statutum est, nè propter ætatis inconstantiam sæpius con-

trahant, & iterum rescindant Sponsalia. Ratio secundi est; quia impuberes non omnino intelligunt quid agant; adeoque adeptà pubertate uterque eorum resilire potest. Et quidem is, qui citiùs pubertatem assequitur, non expectatà alterà pubertate alterius resilire potest; uti habet Covar. & Zoëf. sed talis qui priùs assequitur pubertatem, illico reclamare debet, nè videatur consentire in Sponsalia, *cap. 7. hoc tit.* Sufficit autem si talis reclamatio fiat intra triduum à pubertate obtenta, *arg. L. fin. C. de judic.* quia illicò dicitur fieri, quod intra triduum fit. Si contingat impuberes juramentò firmare sua Sponsalia; tunc neuter Sponsus etiam adeptà pubertate resilire potest: uti tenet probabilis Gloss. Covarr. Sanch. Zoëf. Et colligitur ex *cap. Ex literis 10. de Sponsal.*

5. Nota quartò: Parentes pro filiis puberibus nequeunt valida contrahere Sponsalia de futuro; nisi tales filii in Sponsalia sic contracta tacite, vel expresse, verbò, vel factò consentiant, *cap. Tua, 1. hoc tit.* Possunt tamen pro filiis impuberibus, quorum voluntas necdum discerni potest contrahere, *cir. cap. 1.* Quamvis nulla inducatur obligatio ex parte talium filiorum adimplendi Sponsalia; quia defectu consensùs ejusmodi Sponsalia fuerunt invalida, *can. non est cens. 30. q. 2.* Unde quando in *cir. cap. 1. hoc tit.* dicitur, filium affectu ætate debità teneri adimplere Sponsalia contracta à Patre, id intelligendum est, nisi reclamaverit illicò tempore opportuno; uti notat Barbof.

6. Nota quinto: si pubes contrahat Sponsalia cum impubere, tenetur hunc expectare usque dum venerit ad annos pubertatis, *cap. De illis, 7. hoc tit.* nisi metu gravi coactus ea fecisset, *cap. Ex literis 11. eod.* nam sicut metus gravis Matrimonium dirimit; ita & Sponsalia de futuro; uti notat ex Abb. Pirhingus. Si contingat aliquam puellam impuberem desponsari, & traduci in domum Sponsi; eaque effecta pubes postulet facultatem celebrandi nuptias cum altero; non est audienda, si Sponsus prior juret, se illam carnaliter cognovisse, *cap. continetur 6. hoc tit.* Nam credendum est viro *cir. cap.* cum pro eo stet præsumptio; nisi puella contrarium plenè probaverit. Impubes qui per verba consensum conjugalem exprimentia contraxit Sponsalia, est sæpius conatus sit Sponsam carnaliter cognoscere, sed irritò

irrito conatu; potest nihilominus adveniente pubertate resiliere à Sponsalibus; uti colligitur ex *cap. Atestationes 10. hoc tit.* Sponsalia contracta cum impubere minore septenniò, convalescunt, & inducunt iustitiam publicæ honestatis, per cohabitationem mutuam post septem annos, *cap. Duo pueri 12. hoc tit.* Ratio etiam est; quia post septennium præsumitur consensus mutuus intercessisse inter Sponso, uti notat Vivian. Pirh. &c.

7. Nota sextò: Sicut ad Sponsalia contrahenda ætas legitima est septennium completum, *cap. 4. hoc tit.* ita ad contrahendum Matrimonium legitima ætas est pubertas, sive annus 14. completus in masculis, in foemellis 12. completus, *cap. ubi non est 2. hoc tit.* Potest tamen Episcopus dispensare ex iusta causa, scilicet pro bono pacis, ut impuberes Matrimo-

nio jungantur; uti constat ex *cap. 2. hoc tit.* Imò putat Covarr. Matrimonium ante pubertatem initum valere simpliciter; dummodo adsit exercitium generandi, & discretio rationis ad se obligandum. Valet etiam Matrimonium, quod celebratum est à pubere, qui necdum potest cum foemina committere carnaliter, nec generare: cum alias adsit ætas legitima. Matrimonium pariter contractum, etiam ante pubertatem, si malitia suppleat ætatem; nisi violentia intercesserit, *cap. De illis 9. hoc tit.* Censetur autem tunc malitia supplere ætatem, si ante annos pubertatis adsit aptitudo ad copulam conjugalem, & prudentia, *cap. fin. hoc tit.* id est discretio, & iudicium rationis sufficiens ad cognoscendum statum conjugalem.

## TITULUS III.

### De Clandestina Desponsatione.

#### CAP. I.

##### De Matrimoniis Clandestinis.

**N**Ota primò: continuat Papa discutere materiam de Matrimonio, & assignare Impedimenta dirimentia ejusdem; & *hoc tit.* agit de vicio clandestinæ Desponsationis, quod quandoque solet afficere quædam Matrimonia, & ex quo resultat impedimentum dirimens Matrimonii contracti. Capitur autem hic *clandestina Desponsatio*, pro ipso Matrimonio clandestino, seu clam contracto, *can. Coniunx 9. caus. 27. qu. 2.* Censetur autem clandestina Desponsatio, seu Matrimonium clandestinum esse illud, quod celebratur omittis solemnitatibus à Jure requisitis, scilicet præsentia proprii Parochi, testium, & denunciationum; quæ alias faciunt Matrimonium solemne.

2. Dico primò: clandestinæ Desponsationes, seu Matrimonia clandestina etiam Jure antiquo fuisse prohibita, & illicita; si tamen aliqua ejusmodi contra Ecclesiæ prohibitionem contracta fuissent, erant valida. Ita Sylv. S. Thomas, & communis DD. Primum constat ex *can. nullus 2.* ac aliis, *totâ caus. 30. q. 1.* Et ratio; quia clandestinæ Desponsationes fovebant frequentia peccata adulterii, ac alia; nam quidam viri cum una foemina clam contrahebant, & cum alia palam, cumque ea in perpetuo adulterio vivebant. Insuper in hujusmodi Matrimoniis clanculati-

bus intercesserant quandoque impedimenta dirimentia; quæ defectu publicitatis Matrimonii ignorabantur. Secundum constat ex *cap. 2. hoc tit.*

3. Dico secundò: sed Jure novo Desponsationes clandestinæ sunt irritæ, ac invalidæ; unde hodie clandestinitas ponit impedimentum dirimens Matrimonii etiam contracti. Ita communis DD. Et constat ex Trident. *sess. 24. cap. 1. de Reform. Matrimonii* dicente; *qui aliter, quam præsentis Parochi, vel alio Sacerdote, de ipsius Parochi, vel ordinarii licentia; & duobus, vel tribus testibus Matrimonium contrahere attentabunt, eos S. Synodus ad sic contrahendum omnino inhabiles reddit, & hujusmodi contractus irritos, & nullos esse decernit.* Itaque Ecclesia irritavit Matrimonia clandestina ob rationes *conclus. 1.* tactas; nec tamen per hoc mutavit essentiam Sacramentorum à Christo institutorum; cum indirectè, per accidens, & mediatè annullaverit tantum contractum humanum, qui in Matrimonio adesse debet; quò annihilato irritum redditur & Sacramentum, quod fundatur in ejusmodi contractu.

4. Nota secundò: validæ tamen adhuc hodie sunt clandestinæ Desponsationes in illis locis celebratæ, ubi citatum Tridentini decretum vel non fuit promulgatum; vel non receptum; uti notat Zoëf. Sanch. Rebell. &c. Et colligitur ex ipso Tridentino, quod *ut. loco* decernit, ut hujusmodi decretum robur non habeat in unaquaque Parochia, nisi post 30. dies à prima die publicationis in eadem Ecclesia

clesia factæ numerandos. Peccant tamen sic clandestinè contrahentes in illis locis; si- cut etiam peccassent, si ante Tridentinum clam contraxissent: cum ex dictis *doncl.* clandestina Matrimonia semper fuerint prohibita & illicita.

## CAP. II.

De Solemnitatibus, quibus  
Clandestinae Desponsationes  
evacuantur.

**N**Ota primò: tres Solemnitates, uti dixi supra; requirit Matrimonium, ut non censetur esse clandestinum; sed solemne, scilicet præsentiam Parochi, testium, & denunciations. De prima

2. Dico primò: Validum est Matrimonium, siue celebretur præsentia Parocho Sponsi, siue Sponsæ; si sint sub dispositione diversarum Parochiarum. Ita communis DD. Et declaravit S. Congregatio teste Rebello *lib. 2. g. 8.* Et est Ratio; quia quilibet Parochus habet potestatem administrandi Sacramenta suis ovibus.

3. Dico secundò: Etiam extra Diocesim, & propriam Parochiam, potest proprius Parochus suos Parochianos validè copulare; licet à Curato Loci, ubi copulat, non obtineat facultatem. Ita Gutier. Conink, Regin. &c. Ratio est; quia Pastor potest oves suas pascere Sacramentis, ubicunque existant; cum administratio non sit actus Jurisdictionis contentiosæ, sed gratiosæ, qui secundum Doctores ubique potest exerceri. Ut tamen omnia licitè fiant, ordinarius salutandus esset.

4. Dico tertio: Validum erit Matrimonium, cui assistit Parochus proprius; etsi non sit Sacerdos; imò etsi sit suspensus, interdictus, vel excommunicatus, toleratus tamen. Ita Henriq. Ledesm. Rodriq. Sanch. Conink, *diff. 27. dub. 7.* Et Ratio est: quia assistere non censetur esse actus Jurisdictionis, vel administrationis Matrimonii; sed tantum actus testimonii, qui à præfatis validè præstatur; Unde Tridentinum tantum petit *verum Parochum præsentem*, abstrahendo ab aliis modificationibus; sed Parochus necdum Sacerdos, suspensus, & interdictus, & excommunicatus toleratus, adhuc censetur esse verus Parochus, nisi aliter in sententia suspensionis exprimitur: ergo &c.

5. Dico quartò: Matrimonio Vagorum quilibet Parochus validè propriâ autoritate assistit; non tamen licitè. Ita Sanch. Laym.

&c. Ratio primi est: quia vagorum quisque censetur esse Parochus in loco, ubi pro tempore copulationis degunt; & nulla jura hujusmodi Matrimonia invalidant. Secundum constat ex Trident. *sess. 24. c. 6.* ubi Parochis præcipitur, ne Vagorum Matrimonium intersint, nisi prius diligentem inquisitionem fecerint, & re ad Ordinarium delatâ, ab eo licentiam id faciendi obtinuerint.

6. Dico quintò: Invalidum est Matrimonium, celebratum coram Parocho illius Loci, ad quem Sponsus, vel Sponsa aliquoties tantum in anno, ad modicum tempus accedit, pro colligendis fructibus, vel causâ recreationis. Ita Navar. Sanch. Gutier. &c. Ratio est: quia ille Parochus non censetur esse proprius Parochus Sponsi, vel Sponsæ: cum in ejus Parochia Sponsus, vel Sponsa principale, vel stabile per notabilem partem anni non figat domicilium.

7. Dico sexto: Sacerdos quisque etiam Regularis, qui non est proprius Parochus, & tamen assistit Matrimonio sine licentia proprii Parochi, vel Episcopi, incurrit ipso jure novò Tridentini suspensionem; antiquò verò excommunicationem. Ita Canonistæ omnes. Et constat de suspensione, ex Trident. *sess. 4. c. 11.* Et de excommunicatione ex Clementina, de *Privilegiis*: quæ tamen modò putatur abolita, secundum Rebellum, & ceteros DD. De secunda Solemnitate *Testium*

8. Nota secundò: Duos saltem testes debere adesse Matrimonio solemnî, & quidem ita moraliter præsentis, ut intelligant, quid agatur, ut verè testificari possint, Matrimonium utriusque consensu esse celebratum; *arg. L. 209. ff. de Verb. signif.* Quod etiam de præsentia Parochi dicendum. Item debent esse testes, id est simul præsentis. Non est tamen necesse, ut sint rogati, vel vocati: sed sufficit, quod adsint, & ad hoc adhibeantur, siue metu, siue dolo adducti sint: uti habet Navarr. & colligitur ex *L. 1. ff. de Testibus*. Quod etiam de præsentia Parochi sentiendum.

9. Nota præterea tertio: Quod testes Matrimoniales possint esse quæcunque personæ, soli capaces, cujuscunque ætatis, & status, etiam impuberes, feminae, consanguinei, Pater, Mater, Infidelis, Excommunicatus, & similes; qui aliàs in alijs causis civilibus, & contrahibus repelluntur. Ita Conink, Ledesm. Sanch. Veracrux, &c. Ratio est: quia Tridentinum nullum excipit. Deinde causa Matrimonii est favorabilis, & consequenter amplianda quoad testium adhibitionem. Circa Denunciations

10. Nota



10. Nota quartò : Eas omnino debere præmitti Matrimonio ex ordinatione Concilii Lateran. & Tridentini *cap. 1. de Reform. Matrimonii*; & quidem trinas: tribus Festis continuis, vel Dominicis sibi succedentibus, hac de causa, ut detegantur impedimenta Matrimonii, si quæ adint. Quæ proinde denunciationes secundum DD. sine peccato mortali non possunt omitti à Curato, sine habita remissione Ordinarii. Dicunt tamen bene Canonistæ, & Theologi apud Sanch. Laym. &c. has denunciationes non spectare ad substantiam Matrimonii; unde si omitterentur, etiam malitiosè, validum esset Matrimonium.

11. Nota quintò : Episcopos posse dispensare, ut nullæ præmittantur denunciationes, si Matrimonia celebrentur inter Magnates, Senes, Sponfos disparis conditionis, ob pudorem Sponforum; & similes rationes; uti habet Conink, Rodriqu. Laym. Henriq. &c. Imò debet quandoque dispensare, si ex denunciationibus præmissis tumultus probabiliter oriretur inter consanguineos, malitiosè volentes impedire Matrimonium; aut timeretur sterilitas Sponsæ inducenda; si concubinaris, qui publicè putatur fuisse verus maritus, copulandus esset; si Matrimonia tempore Adventus, vel Quadragesimæ sint necessariò celebranda, &c. quæ omnia Tridentinum prudenti Ordinariorum iudicio relinquit.

12. Nota sextò : si periculum manifestum sit in mora, & Ordinarius non possit accedi; tunc potest Parochus Sponfos copulare sine denunciationibus tribus, vel factâ unâ pro

tribus; uti habet Sanch. Con. Rodriq. Sot. &c. Ratio est; quia potest tunc Episcopi uti, & declarare, hic cessare legem denunciationum; ut inquit Layman. hic, & alii DD.

13. Nota septimò : duas à Jure statui pœnas ipsis clandestinis Matrimoniis. *Prima* est illegitimatio prolium, ex clandestina desponsatione progenitarum; nam quamvis aliàs filii ex invalido Matrimonio nati, quando uterque Parens, vel saltè alter bonâ fide contraxit ignorans impedimentum, sint legitimi *cap. Ex tenore 14. qui sunt filii legitimi*. Nihilominus si illud Matrimonium invalidum sit ratione clandestinæ desponsationis; tunc filii ejus occasione prodeuntes erunt illegitimi, non obstante bonâ fide parentum ignorantium tale impedimentum; uti habetur *cap. Cum inhibito 3. hoc tit.* *Secunda* pœna est, ut illi, qui scienter præsumpserint clandestinè contrahere intra gradus prohibitos, separentur, & spe dispensationis Apostolicæ consequendæ careant, ex Tridentino *sess. 24. cap. 3. de Reform. Matrim.* Sunt pariter ordinatæ duæ pœnæ pro facientibus Desponsationes clandestinas. *Prima* est, quòd tales redduntur inhabiles, non absolutè ad ineundum Matrimonium; sed ad sic contrahendum, id est clandestinè; uti habet Trident. *sess. 24. cap. 1. de Reform. Matrim.* *Secunda* est arbitraria Episcopo ex *civ. Trident.* Tandem etiam Sacerdotibus illegitimè assistentibus Matrimoniis clandestinis, imponitur pœna suspensionis triennalis ab officio; vel alia etiam gravior *cap. Cum, inhibito 3. hoc tit.*

## TITULUS IV.

### De Sponsa Duorum.

#### CAP. UNICUM.

#### Resolutiones varæ de Sponsalibus geminatis.

1. **N**Ota primò : progreditur Pontifex in eadem materia matrimoniali, & *hoc tit.* adducit impedimentum dirimens Ligaminis, quod intervenit in geminatis Sponsalibus de præsentì.

2. Dico primò : Ligamen prioris Matrimonii ponit impedimentum dirimens Matrimonii; unde successivè contrahens Sponsalia per verba de præsentì cum duabus mulieri-

bus, debet adhærere primæ. Ita communis DD. Et habetur *cap. 1. hoc tit.* Estque Ratio; quia vinculum prioris Matrimonii est indissolubile. Si verò prius contraxerit Sponsalia tantum de futuro cum una; & postea per verba de præsentì cum altera, debet adhærere secundæ; uti habetur *ibidem*. Et Ratio est; quia Sponsalia de futuro, per Sponsalia de præsentì, tanquam perfectius vinculum, dissolvuntur.

3. Dico secundò : Sponsalia de præsentì, seu Matrimonium prius actu contractum, consummatum, per aliud subsequens Matrimoni-

um copulâ carnali consummatum non dissolvuntur. Ita communis DD. Et habetur *cap. 3. & 5. hoc tit.* Et Ratio est; quia vi primi Matrimonii translatus est in uxorem primam dominium corporis ad petendam copulam; unde nequit vir, qui non est amplius dominus sui corporis, illud transferre in aliam uxorem in ordine ad eandem copulam; uti observat Fagnan.

4. Dico tertio: lite pendente super Ma-

trimonio, sive sit interposita appellatio, sive non, nequit celebrari aliud Matrimonium cum alia. Ita communis DD. Et habetur *cap. 4. hoc tit.* Estque Ratio; quia si lite pendente in causâ Matrimoniali primum Matrimonium pronunciaretur validum; tunc secundum Matrimonium foret adulterium, & invalidum; ac propterea pendente lite nequit celebrari aliud Matrimonium.

## TITULUS V.

### De Conditionibus apposis in Desponsatione, vel in aliis Contractibus.

#### CAP. I.

#### De Conditionibus apposis in Contractibus Sponsalium, & Matrimoniorum.

**N**Ota primò: prioribus titulis Sponsalia, & Matrimonia concernentibus rectè addit Papa hunc de Sponsalibus sub conditione faciès, resolvendo varios casus circa ejusmodi, & alios conditionatos contractus. Per Conditionem autem intelligitur suspensio contractus in futurum tempus, & eventum incertum, *g. sub conditione, Instit. de V. O. explicatur* plerumque per voculam, *si* v. g. *despondeo te mihi, si pater tibi dotem mille aureorum dederit.* Sponsalia ergo conditionata sunt, quæ celebrantur cum appositione alicujus conditionis per verbum *si* expressæ. Conditiones porrò aliæ sunt generales; aliæ speciales. Generales sunt, quæ afficiunt omnes Contractus, & ipsis tacite insunt, licet non exprimantur; talis est in hoc contractu; *contrabo tecum Matrimonium, si vixerimus.* Speciales sunt, quæ certos duntaxat contractus modificant; & aliæ sunt *intrinsecæ*, quæ nimirum necessariò insunt contractui Matrimoniali, ita ut absque ipsis non subsistat; talis est in hoc Contractu Matrimoniali, *accipio te in uxorem, si non es mea consanguinea.* Aliæ sunt *extrinsecæ*, absque quibus potest subsistere contractus matrimonialis: talis est in hoc, *accipiam te in uxorem, si pater consenserit.* Rursus ex his quædam sunt conditiones possibiles, & contingentes; quæ scilicet non necessariò eveniunt. Quædam impossibiles, quæ scilicet non possunt evenire unquam; talis est in hoc contractu matrimoniali; *accipiam te in uxorem,*

*si stellas ex firmamento detraheris*; vel *si chymeram interfeceris.* Quædam *necessariæ*; quæ scilicet infallibiliter eveniunt; ut in hoc contractu, *contrabo tecum, si cras sol oriatur.* Iterum quædam conditiones aponibiles in Desponsationibus possunt esse honestæ; quædam turpes; quædam indifferentes seu impertinentes. Et ex turpibus quædam sunt contra substantiam, & bona Matrimonii; talis esset in simili contractu, *accipio te in uxorem, si procreationem proli evitaveris*; & in isto despondeo te mihi, *quousque venustiorer, aut locupletiorer te reperero.* Vel *si adulterata fueris.* Quædam verò ex turpibus non militant contra substantiam, & bona Matrimonii; talis esset in isto contractu, *accipio te in uxorem, si furium feceris.* Demum sunt etiam conditiones relatæ in tempus præsens; relatæ in præteritum; & relatæ in futurum.

2. Dico primò: Matrimonium conclusum cum addita conditione turpi, incompatibili cum ratione Matrimonii, seu ejus indissolubilitate: item incompatibili cum bono proli, & Fidei conjugalisi, est nullum. Ita Doctores communiter. Et habetur ex *cap. fin. de conditionibus appos.* dicente; *si conditiones contra substantiam Matrimonii inferantur; puta si alter dicat alteri, contrabo tecum, si generationem proli evites; vel donec inveniam digniorem; aut si pro questu adulterandam te tradas; Matrimonialis contractus quantumcunque sit favorabilis, caret effectu.*

3. Dico secundò: subsistit nihilominus Matrimonium, celebratum cum turpi conditione compatibili cum substantia Matrimonii; licet illa conditio nondum sit adimpleta, vel sub conditione impossibili. Ita Less. Gutier. &c. Et habentur hujusmodi conditiones per *cap. ult. de condition. appos.* pro non adjectis; modò



modò adhuc in contrahentibus fit verus consensus: adeoque subsistit Matrimonium cum iis contractum.

4. Dico tertio: Matrimonium modificatum conditione honestà, ut neuter copulam Matrimonialem petat; sed in perpetua castitate vivat; vel uterque Religionem amplectatur, est validum. Ita communis DD. Et Ratio est; quia Matrimonii essentia consistit in dominio mutuo unius in alterius corpus ad usum generationis; cum tali autem dominio consistere potest obligatio non utendi corpore ad hunc finem; cum usus distinguatur à dominio. Et hujusmodi Matrimonium celebrant Beatissima Virgo, & S. Joseph; ut docet Paludanus, Rebell. Ledesm. &c.

5. Dico quarto: si apponatur in Matrimonio conditio in futurum, v. g. *contraho tecum, si dies Judicii Universalis sit futurus*, statim oritur valor in Matrimonio. Ita Perez, Sanch. Brug. Rebell. &c. Ratio est; quia Sacra Litteræ infallibiliter attestantur, diem Judicii Universalis futurum; adeoque cum eventus ejus, per modum conditionis Matrimonio adjectus sit infallibilis, statim debet exurgere valor Matrimonii.

6. Dico quinto: si apponantur conditiones, relatae in praesens, vel praeteritum, dicendo; *Concludo tecum Matrimonium, si tu persona nobilis; vel si fuisse conversa nuper ad fidem*, pariter Matrimonii valor cò ipso inducitur. Ita S. Bonav. Laym. S. Thomas &c. Et constat per L. *Cum ad praesens*, ff. *de rebus creditis*. Et accedit Ratio; quia quilibet contractus ex partium contrahentium conventionem voluntaria vigorem acquirit: adeoque & contractus Matrimonialis Conditionalis, si conditiones veritate nitantur.

7. Dico sexto: si conditiones appositae ipsi contractui Matrimoniali sint relatae in futurum, v. g. *contraho tecum, si dotem 1000. aureorum obtinueris à Genitoribus; vel si parentes consenserint in meum contractum Matrimonialem*: suspenditur Matrimonii validitas, usque ad conditionis eventum; & eà adimpletâ statim validum censetur Matrimonium, sine novo consensu. Ita Abbas, Laym. Navarr. Conink. &c. Primum constat aperte ex cap. *Super eo*, de cond. appof. Et est Ratio; quia conditiones hujusmodi suspendunt alium contractum, cui apponuntur; iuxta cap. *De illis*, eod. Et L. *si ita stipulatus*, ff. *de Verbor. Obligat.* adeoque & Matrimonialem. Ratio secundi est; quia quivis contractus, celebratus cum conditione hone-

sta, relata in futurum, eà adimpletâ purificatur, ac perficitur: sicut habetur in L. *Potior*, ff. *Qui potiores in pignore*: adeoque & contractus Matrimonialis.

8. Nota denique: si Plautus cum Petronilla, & Paulina, per verba de praesenti, sub conditione de futuro contraxisset, fit maritus illius, cujus conditio prius adimpletur, uti habet Brugnoli. Ratio est; quia Sponsa, cujus conditio prius adimpletur, censetur esse potior jure. Si verò utriusque conditio simul adimpleatur; tunc neutrum Matrimonium validum celebrare potest; uti habet Sylvester, Ledesm. Conink. &c. Et Ratio est; quia ex cap. *Literis*, de Sponsalibus, incertitudo vivat Matrimonium.

## CAP. II.

### De Conditionibus appofitis in aliis Contractibus.

Nota primò: tangit Papa in hoc tit. etiam quosdam alios conditionatos contractus, & ponit resolutiones canonicas super eos. Et primò dicit, si in foundationibus Ecclesiarum, aut Collegiorum Ecclesiasticorum, vel beneficiorum, & similium, quae pietatis, & Divini cultus causâ sunt instituta, adjiciatur in donatione modus, statim valet donatio; tametsi non servetur modus: neque potest agi ad revocandam donationem; sed solum ut modus impleatur; nisi id sit cautum expresse in fundatione, cap. *Versum*, 4. hoc tit. Estque Ratio; quia modus adjectus tali donationi non est principalis causa finalis talis donationis; quippe quae censetur facta principaliter in honorem DEI, & pro salute animae, vel remissione peccatorum donantis. Quòd si tamen modus adjectus esset finalis principalis causa ipsius donationis; tunc recte agitur ad revocationem ejus, quod donatum est; quamvis non esset adjecta clausula revocatoria L. *Cum se 6. C. de pact. inter empta vendit.*

2. Nota secundò: praeterea resolvit Papa cap. *Cum sit 2. hoc tit.* si servus ideò manumissus sit sub conditione, ut fiat Monachus; is autem ante professionem deferat Monasterium; tunc iterum servituti subjiçendus est: si verò talis professus fuerit, deinceps cogendus est, ut in Monasterio maneat, nè voluntas manumittentis praetereatur.

# TITULUS VI.

Qui Clerici, vel Voventes Matrimonium contrahere possunt.

## CAP. I.

De Impedimentis Matrimonii in Genere.

1. **N**ota primò : *hoc, & aliquot sequentibus* tit. agit Papa de aliis impedimentis dirimentibus, ob quæ nequeunt celebrari contractus matrimoniales validi. Et in primis *istis*. adducit susceptionem Ordinis Sacri ; & emissionem voti solemnem continentie, quæ dirimunt Matrimonium, ac invalidant. Priusquam autem ad eorum specificorum examen descendam, præmittam doctrinam generalem, de Impedimentis Matrimonii. Unde

2. Nota secundò : Impedimentum Matrimonii generali sua acceptione est obex quidam Matrimonii, ritè contrahendi. Et discriminatur in dirimens ; & impediens. *Dirimens* impedimentum est, quod non tantum illicitum ; sed & irritum facit Matrimonium tam contractum, quam contrahendum. *Impediens* tantum est, quod quidem illicitum reddit Matrimonium contrahendum ; contractum tamen non invalidat. Numerum, ac Naturam utriusque sequentibus explanabo. Unde

3. Dico primò : In Ecclesia Catholica est potestas statuendi quædam Impedimenta Matrimonii, tam dirimentia, quam impediencia tantum. Ita Catholici contra Hæreticos. Et sic definit S. Tridentina Synodus *sess. 24. can. 3. & 4.* Patetque ex vetusta Ecclesie praxi, in diversis Conciliis, & Canonibus determinante quædam Matrimonii impedimenta. Et Ratio idem suadet ; quia si Principes seculares, & Respublica certis contractibus Civilibus possunt licitè apponere quasdam conditiones, ob bonum commune ; cur pariter Ecclesia non haberet potestatem apponendi contractui Matrimoniali certas conditiones, & Impedimenta, eum destruentia, aut impediencia, ob considerabilem Fidelium utilitatem ? Cui Christus reliquit omnem Auctoritatem, prudenter, & utiliter statuendi ea, quæ salutem Fidelium expedire iudicârit.

4. Dico secundò : Summus Pontifex, Concilia Generalia, & probabiliter etiam Episco-

pi in sua Dicecesi, possunt introducere impedimenta Matrimonii. Ita communis T. T. quoad primum, & secundum ; tertium habet Bonacin. Covar. Avers. Maltrius, Sanch. contra Suar. Cor. &c. Ratio primi, & secundi est ; quia in praxi hætenus observatum est, diversa Generalia Concilia, & Summi Pontifices, utpotè capita Ecclesie, apposuisse Matrimonii ea impedimenta, quæ hodie extant. Et Ratio idem suadet : quia in omni Republica bene instituta (qualis est Ecclesia Catholica) supremi Magistratus, & Summi Principes possunt abusus Contractuum Civilium tollere : & conditiones rectas eis apponere ; adeoque & Concilia Generalia, ac Pontifices contractui Matrimoniali, cum sint Supremi Magistratus, & Summi Pontifices Ecclesie. Ratio tertiæ est ; quia Episcopus vi Officii sui est perfectè Pastor, & Princeps in sua Dicecesi : adeoque plenam habet potestatem condendi leges in sua Dicecesi pro suis ovibus, & subditis ; & consequenter statuendi impedimenta Matrimonii, si sic requiratur salus subditorum.

5. Dico tertiò : Nullus purè secularis Princeps potest statuere impedimenta Matrimonii Fidelium. Ita Victoria, Conink, Henrich. Maltr. & communis Canonistarum. Et Ratio est : quia Ecclesia causas Matrimoniales, eò quod Matrimonia essent elevata à Christo ad rationem, & dignitatem Sacramenti, sibi reservavit : uti patet ex Tridentino *sess. 24. can. 3. & 4.* Et ex cap. *Tuam, de Ordin. cognis.* Et ex tit. *De consanguin. & affinitate.* Et ex perpetua Ecclesie praxi.

6. Dico quartò : Potest tamen Princeps, vel Magistratus fidelis, vel infidelis, statuere impedimenta Matrimonii respectu suorum subditorum Infidelium. Ita communis DD. Et Ratio est ; quia Matrimonium Infidelium subditorum, sunt merus contractus humanus, carens ratione Sacramenti : adeoque circa hos possunt plenè disponere Supremi Principes, & Magistratus, sicut circa alios humanos contractus, apponendo eis impedimenta dirimentia, & prohibentia.

7. Dico quintò : Princeps Infidelis non potest statuere impedimenta Matrimonii pro suis subditis Fidelibus. Ita Caspensis Mastrius,

**Tit. VI. Qui Cler. vel Vovent. Matrim. contrahere possunt.** 189

strius, Aversa &c. Et Ratio est; quia Matrimonia Fidelium subditorum sunt à Christo elevata ad Statum Sacramenti sublimiorem, & consequenter non censentur amplius comprehensa in potestate, & Lege cujusvis Principis secularis.

8. Dico sexto: Probabilius solemniter celebrantes Matrimonia cum impedimento dirimente, committunt peccatum mortale inobedientiæ, & Sacrilegii. Ita Ledesma, Mastr. Laym. &c. Et Ratio est; quia taliter solemnizantes Matrimonia abutuntur ritu, & nomine Sacramenti, cum ejus irreverentia, & injuria, & in te gravi agunt contra Jus Ecclesiasticum.

9. Nota deinde tertio: In universum Impedimenta dirimentia, moderno jure Tridentini esse 14. sequentibus Versibus complexa:

*Error, Condicio, Votum, Cognatio, Crimen,  
Cultus Disparitas, Vis, Ordo, Ligamen, Hone-  
stas,*

*Si sit Affinitas, si forte coire nequibis,  
Si Parochi & duplicis desit presentia testis,  
Raptique sit Mulier, nec parvi reddita iure;  
Hæc socianda vetant connubia, fallæ retractant.*

Impedimenta verò solum impedientia, ex crimine non orta sunt numero 5. sequentibus Versibus inclusa:

*Ecclesia Vetitum, nechon tempus Feriatum,  
Atque Catechismus, Sponsalia, junctio Votum;  
Impediunt fieri, permittunt fallæ teneri.*

Alia verò Impedimenta impedientia ex crimine orta numero 7. his Versibus communiter referuntur:

*Incestus, raptus, Sponsalia, Mors Mulieris,  
Susceptus propria Sobolis, Mors Presbyterialis,  
Vel si pœniteat solemniter, aut Monialium  
Accipiat, prohibent hæc Conjugium sociandum.*

10. Dico septimo: quando duo contrahunt cum impedimento dirimente, eò detecto debent separari, quoad cohabitationem, etiam communis Canonistarum. Et Ratio est; quia in his adest morale periculum carnalis commercii denuò practicandi, quod amplius licitum non est.

11. Dico octavo: Si unus Conjugum tantum sit conscius impedimenti lege Divina dirimentis, non potest alteri ignorantem debitum reddere, etiam sub dispensatione vitæ, famæ, & incursu excommunicationis à Judice Ecclesiastico infligendæ. Ita Sylv. Mastr. Medina, Nav. Victoria &c. Et constat ex cap. Inquisitioni, de sent. Excom. Et cap. Litteras, de restitutione spoliatorum. Et accedit Ratio; quia fornicatio nunquam

est licita, etiam ad vitandam quamcunque, jacturam; sed in casu Conclus. efficit fornicatio; cum nullum ibi sit Matrimonium: ergo &c.

12. Nota autem quarto: Consciū impedimenti dirimentis, cautè, & prudenter se debere gerere, ad evitanda specificata pericula, & damna; unde debet petere statim dispensationem, abstinendo interim ab omni copula carnali; & dispensatione obtentâ debet procurare consensum novum ab altera parte, nullitatem Matrimonii aliquomodo alteri parti ignaræ notificando; uti habet receptor doctrina Scoti 4. d. 31. q. 1. Adrian. Nav. Con. Sanch. Herinckx. &c. contra Cajet. Sotum, Cordubam &c. eò quod alioquin pars ignara nullitatis, per suum novum consensum tantum intenderet confirmare contractum, prius factum, quem credebat esse validum, sed interim fuit invalidus, & qui quâ talis non validatur per hunc approbativum tantum consensum. Ego tamen arbitror sufficere ad convalidandum Matrimonium, si alteri parti dicatur per modum cujusdam signi amoris; si non esse conjugatum, te accipere in Conjugem, & ex nunc accipio; & altera pars signata nullitatis respondeat; Et ego te accipere, & modo accipio. Hic enim intervenit verus novus Consensus, in novum etiam Matrimonium.

13. Sed quid si conjunx ignarus nullitatis, & repetens modò dicto novum consensum, esset ita dispositus, quod si sciret nullitatem sui Matrimonii, & qualitatem impedimenti, quamvis jam sublato, nullatenus tunc contrahere vellet; sed quia nescit, ideo suum consensum repetit? Respondeo cum distinctione; si sit ita dispositus in actu secundo, habens scilicet actualiter talem voluntatem, cum tali repetito consensu Matrimonium non perficit; uti bene docet Mastrus, Aversa &c. quia hæc voluntas directè repugnat intentioni conditionatæ: si autem sit ita dispositus habitualiter tantum, & in actu primo, Matrimonium subsistit; cum hæc non repugnet intentioni conditionatæ.

14. Nota denique quinto: Si Matrimonium sit nulliter contractum ab initio, ob occultum impedimentum dirimens, cum assentientia tamen Parochi, & testium; potest, obtentâ dispensatione, convalidari solo novo contrahentium consensu, absque assentientia nova Parochi; ut habet Mastrus, & alii DD. Ratio est; quia satis constat de validitate talis contractus in facie Ecclesiæ, quod Concilium Tridentinum requirit ideo, ut non oriantur incommoda diversa ex clandestinis Matrimoniis; si tamen impedimentum fuisset

notum factum Parocho, aut alicui ex testibus, ita ut in iudicio possit probari, debet adhiberi denuò Parochus, & testes obtentâ dispensatione; aliâs erit invalidum; uti habet de *Grassii*, *Hurt. Cord. Ledesmi*, *Diana &c.* Ratio est; quia in tali casu non constat de validitate contractûs; sed potius de nullitate in facie Ecclesiæ; unde solemnitate à Tridentino requisitâ, puta, præsentia Parochi, & Testium debet revalidari: nisi Pontifex dispensans in impedimento apponat clausulam, Parochum non esse necessariò adhibendum.

## CAP. II.

### De Impedimentis Matrimonii in specie sacri Ordinis; & voti continentia.

**D**ico primò: Susceptio alicujus sacri Ordinis, puta Presbyteratus, Diaconatus, vel Subdiaconatus ponit in Clerico impedimentum dirimens respectu Matrimonii postea contracti. Ita communis DD. Et habetur *cap. 1. Et 2. hoc tit.* Et in Trident. *sess. 24. de Sacram. Matrim. can. 9.* Excipiuntur tamen à Conclusionem casus sequentes. Primò si Clericus suscepisset sacrum Ordinem invalidè, defectu alicujus substantialiter requisiri; talis enim posset deinde contrahere validum Matrimonium; uti habet *Barbof. Gutier. &c.* Secundo similiter Clericus promissus ad sacrum Ordinem per vim illatam, vel metum cadentem in constantem virum; uti constat ex *cap. 1. Et cap. 6. de his, quæ vi, metusve causâ sunt*; Et tenet *Sanch. Pirh. &c.* Tertiò etiam Clericus suscipiens sacrum Ordinem ante pubertatem; uti tenet idem *Sanch. & Pirh. &c.*

2. Nota primò: Clericus post susceptionem alicujus sacri Ordinis celebrans de facto Matrimonium, efficitur irregularis; potest tamen ejusmodi irregularitatem tollere Episcopus, *cap. 1.* Dummodo cum unica, eaque Virgine contraxerit; secus si cum vidua, aut corrupta; vel si binas nuptias celebraverit, *cap. nuper 4. Et cap. ult. de biga, non ordin.*

3. Dico secundò: Susceptio tamen Ordinum tantum minorum non affert Clerico sic ordinato impedimentum dirimens respectu Matrimonii postea initi, aut ineundi. Ita *Azor, Pirh. Sanch. & communis DD.* Et constat ex *can. si quis 7. dist. 32.*

4. Dico tertiò: Susceptio Ordinis alicujus sacri non à Jure Divino, sed Ecclesiastico, statuta est pro impedimento dirimente

Matrimonium postea initum. Ita *Vallesi Sanch. Pirh. &c. DD.* Et Ratio est; Tum quia Papa potest in ejusmodi impedimento dispensare; quod signum est, ipsum non esse Juris Divini. Tum quia per Ordinem sacrum susceptum non fit totalis traditio hominis ipsi DEO; sed tantum ad cultum DEI, & Divinum Officium; cui non repugnat Matrimonium Jure Divino; cum per se sit licitus usus ejus, & Græcis Sacerdotibus permittus. Vide plura de hoc puncto *tom. 1. lib. 1. tit. 11. cap. 4. n. 6.*

5. Dico quartò: Susceptio alicujus Ordinis sacri non dirimit Matrimonium prius contractum; tamen id non fuisset consummatum per copulam carnalem. Ita *Vallesi Pirh. Sanch.* Et habetur *cap. Antiquæ, unic. in Extravag. XXII. de voto.* Quare si quis curaret se ordinari in Subdiaconum, vel Diaconum constante Matrimonio etiam nondum consummato, & hoc contra uxoris voluntatem, ab Episcopo est admonendus, & inducendus, ut institutum Religiosum amplexetur. Si autem hoc facere recuset, & uxor eundem repetierit, compellendus est censuris Ecclesiasticis ad consummandum Matrimonium, & reddendum uxori debitum; illud tamen exigere non valet: insuper talis suspensus est ab executione Ordinum, ac irregularis efficitur, *cui. Extravag.*

6. Dico quintò: Emisio voti solemnitis Castitatis per professionem in aliquo Ordine approbato ponit pariter impedimentum dirimens respectu Matrimonii rati, & subsequenter, sed postea contracti; sed Jure Ecclesiastico tantum. Ita communis DD. Et primum habetur *cap. 1. 2. Et 3. hoc tit.* Et in Trident. *sess. 24. de Sacram. Matrim. can. 9.* Ratio secundi est; quia quòd ejusmodi votum solemnne dirimat Matrimonium postea contractum, id habet tantum à solemnitate superaddita; uti patet ex voto simplici castitatis, quod non dirimit Matrimonium subsequens; ut dicetur infra; solemnitas autem voti ex sola Ecclesiæ constitutione seu Ecclesiastico Jure promanat *cap. unic. de voto, in 6.* adeoque Jure Ecclesiastico tantum emissio voti solemnitis castitatis per professionem in aliquo Ordine approbato ponit impedimentum dirimens Matrimonii subsequenter.

7. Dico sextò: Emisio voti solemnitis castitatis etiam per professionem duntaxat tacitam Religionis ponit impedimentum dirimens Matrimonii rati, & postea initi. Ita communis DD. Et constat ex *cap. 7. Et ult. hoc tit.*

8. Dico septimo: Emisio voti simplicis castitatis ponit quidem impedimentum impediens

## Tit. VI. Qui Cler. vel Vovent Matrim. contrahere possunt. 191

diens licitam Matrimonii contractionem; non tamen dirimens postea contractum. Ita Zoës, Vallenf. & communis DD. Primum constat ex cap. 3. Et 4. hoc tit. Secundum habetur cap. 6. eod. tit. Circa tamen vota simplicia Professorum Societatis JESU disposuit Gregorius XIII. in quadam constitutione *Ascendente Domino*, ut tria vota simplicia dicti Ordinis, & consequenter votum simplex castitatis, dirimant Matrimonium postea contractum: sicque Jus commune quoad professos Societatis emittentes votum simplex castitatis est limitatum; uti ex Sanch. ritè observat Pirhingus.

9. Nota secundò: Occasione Capituli 5. in quo refertur casus cujusdam feminae spon-

salia habentis cum quodam viro; sed postea emittentis votum simplex castitatis, disceptant DD. an votum simplex castitatis ponat impedimentum dirimens præcedentium sponsalium de futuro. Pro affirmativa stat Tannerus cum pluribus aliis. Pro negativa & magis fundata subscribit Sylv. Navarr. Zoës. Innoc. Sanch. &c. Et colligitur ex cap. *Veniens, hoc tit.* ubi mulieri voventi postea de fide sponsi mentita satisfactio est indicenda; quam indicare non esset necesse, si sponsalia dirimerentur per votum subsequens. Ratio etiam est; quia DEUS non acceptat votum, seu promissionem rei, prius alteri promissæ, & in ejus præjudicium.

# TITULUS VII.

De eo, qui duxit in Matrimonium, quam polluit per adulterium.

## CAP. I.

De impedimento criminis adulterii.

1. **N**ota primò: Prosequitur *hoc tit.* Pontifex discutere aliud impedimentum dirimens Matrimonii, quod vocatur impedimentum criminis. Statuitur autem in Capitulis hujus tituli duplex crimen impediens, & dirimens Matrimonium subsequens, scilicet adulterii, & homicidii qualificati; unde materia ejusdem tituli latius patet, quam ipsa rubrica. Circa primum crimen adulterii.

2. Dico primò: Crimen adulterii commissi affert impedimentum dirimens Matrimonii subsequens. Ita Glossa, Vallenf. Zoës. Pirh. &c. Et habetur cap. *significavit* 2. Et cap. *Veniens* 7. Et cap. *fin. hoc tit.*

3. Nota autem secundò: Ut hoc crimen censeatur impedimentum dirimens revera asserre, debent sequentia adfuisse. Et primò, debet verè intervenisse fides data adulterorum, & pactum de Matrimonio contrahendo post mortem Conjugis; aut quod contrahant actu vivente adhuc conjuge; uti constat ex cap. *fin. hoc tit.* Secundo ut adulterium commissum fuerit completum, & patratum durante Conjugio cum altero; quia aliàs non erit crimen perfectum, sed inchoatum tantum, quod non meretur juxta præsentis leges hanc

pœnam; & deficeret conditio, ob quam pœna præcipue imponitur; uti patet ex eod. cap. *fin. hoc tit.* Tertiò, debuit fuisse verum conjugium adulteræ cum primo marito tempore adulterationis; nam putativum conjugium non præstat impedimentum; uti colligitur ex cap. 2. hoc tit. Quarto, uterque adulter debet esse, conscius adulterii, & prioris Conjugii; ut habetur cap. 2. hoc tit. Unde si quæ mulier errore ducta, & ignorans cum alio marito tantquam cum cœlibe adulteretur, atque contrahat, non prohibetur defunctæ uxore illius, in novum Matrimonium cum illo convenire, cap. 1. hoc tit. Uti & si adulterium tantum intercesserit absque ullo pacto Matrimoniali, vel sponsalio admixto, cap. *Significasti* 6. hoc tit. Circa alterum sit

## CAP. II.

De Impedimento Criminis Homicidii.

1. **D**ico primò: Similiter crimen homicidii, seu machinationis factæ in mortem unius Conjugis ponit impedimentum dirimens Matrimonii subsequens, etiam seclusò adulterio. Ita Glossa, Zoës, Vallenf. & communis DD. Et habetur can. *Si quis* 5. caus. 31. q. 1. Et cap. 3. hoc tit. Sed

2. Nota primò: ut crimen homicidii seu machinationis necis inducat verum impedimen-



mentum dirimens Matrimonii sequentis, debent adfuisse sequentia: *Primò*, ut præfata machinatio necis fuerit efficax, seu re ipsa cædes alterius conjugis, *cit. can. Si quis. Secundo*, ut machinatio mortis alterius conjugis facta sit animò ineundi Matrimonium cum conjuge superstitute; uti notat Scotus, S. Thomas, Zoëf. Vallens. nam si alter conjugum necem intulit ex alia intentione, quàm contrahendi Matrimonium, non refultat impedimentum dirimens, *cap. Laudabilem, de conversis fidel. junctâ Glofsâ. Et colligitur ex cap. 1. de convers. infidel. Et cap. 1. de divorciis. Tertiò*, debet uterque ad machinationem concurrere, saltem consilio, aut mandato ad mortem cooperando; uti notat Mastrius, Herincx, & Bonac. Quare si unus tantum machinatus sit mortem,

alterò inficiò, non refultat ejusmodi impedimentum criminis homicidii; uti habent cit. DD. nisi accedat adulterium, *cap. Super hoc 3. hoc tit. Quarto* ut conjunx verè physice, vel moraliter occidat alterum; unde non sufficit rati habitio; uti habet Gutier. Henriq. Valent. Mastr. &c.

3. Dico secundò: similiter crimen machinationis cum effectu in mortem conjugis cum adjuncto adulterio, ponit impedimentum dirimens Matrimonii sequentis cum persona superstitute. Ita communis DD. Et habetur *cap. Super hoc 3. hoc tit. Ut hoc impedimentum exurgat, requiritur, ut mors sit in re secuta, & adulterium*; uti habet Vallens. & alii DD. Non requiritur autem, ut interveniat promissio futuri Matrimonii, *cap. cit. 3.*

## TITULUS VIII.

### De Conjugio Leprosorum.

#### CAP. UNICUM.

#### Variæ Resolutiones circa Leprosorum Connubia.

1. **N**Ota primò: Quoniam impedimentis Matrimonii videri posset morbum lepræ esse annumerandum; ideò D. Papa hunc specialem addit *tit.*

2. Dico primò: Pro impedimento dirimente Matrimonii jam contracti, & consummati non rectè statuitur morbus lepræ; quare uxores viros, & viri uxores leprâ superveniente resperfas adhuc sequi debent, & eis conjugali affectione ministrare; & Matrimonium eorum manet indissolubile. Ita communis DD. Et habetur *cap. Pervenit 1. Et 2. hoc tit.* Ubi etiam assignatur Ratio; quia per consummationem Matrimonii vir, & uxor efficiuntur una caro; ac proinde unus sine altero esse non debet. Imò hoc etiam procedit, etsi Matrimonium superveniente leprâ necdum fuisset consummatum. Ratio est; quia vinculum Matrimonii etiam sole consensu contractum est indissolubile; & nuptias facit non concubitus; sed consensus, *L. 30. ff. de R. I.*

3. Dico secundò: Quod si conjuges post supervenientem lepram nequeant sese affectione conjugali tractare, inducendi sunt ad perpetuam continentiam vovendam. Ita communis DD. Et habetur *cap. 1. hoc tit.*

4. Dico tertiò: Leprosi possunt injire Ma-

trimonia non obstante leprâ, si invenerint, qui eos accipere velint. Ita communis DD. Et habetur *cap. 2. hoc tit.*

5. Dico quartò: Conjunx sanus tenetur leproso regulariter reddere debitum, si id exigat. Ita communis DD. Et habetur *cap. 2. hoc tit.* Quod tamen DD. scribentes in *cit. cap.* temperant; nisi subit probabile periculum infectionis; cum nemo se obliget ad Matrimonii contractum cum vitæ incolumitate; uti putat Zoëf. Idem dicendum si conjunx laboret morbo Gallico, vel aliò contagioso. Neq. enim DEUS tentandus est, *can. si nulla, c. 23. q. 7.* Cæterum etsi sanus conjunx non teneatur fortassis reddere debitum conjugi leproso effecto; tenetur tamen præstare alia obsequia, quæ absque periculo infectionis alicujus præstari possunt; uti colligitur ex *cap. 1. hoc tit.* Et tenet Barbos. Zoëf. Navar.

6. Dico quintò: lepra superveniens dissolvit Sponsalia de futuro priùs contracta. Ita communis DD. Et habetur *cap. 3. & ult. hoc tit.* Estq. Ratio; quia alter Sponsus sanus ob supervenientem lepram meritò timere potest infectionem; qui metus cum sit gravis, rescindere potest contractum initum Sponsalium de futuro: similiter superveniens morbus Gallicus, paralyfis, epilepsia, vel alia infirmitas incurabilis, sufficit ad dissolvenda Sponsalia de futuro, secundum Sanch. cum censeatur notabilis mutatio in Sponso infirmo supervenire.

TITU.

# TITULUS IX.

## De Conjugio Servorum.

### CAP. I.

#### De Impedimento Erroris, circa Conditionem servilem habitū in Contractu Matrimoniali.

**N**ota primò: Papa continuat resolvere impedimenta dirimentia Matrimonii; & hoc ita. agit de impedimento Erroris, qui contingit in contractu Matrimoniali circa conditionem servilem alterius Sponsi; quando scilicet unus Sponsus est liber, & alter servus. Per *Servum* autem hic intelligitur non servus adscripticius, seu colonus perpetuò adstrictus ad colendam glebam; sed mancipium, quod nullà prorsus gaudet libertate, & quod vendi potest; & dicitur propriè *Servus*.

2. Dico primò: Error conditionis servilis, qui contingit, dum homo liber contrahit cum Serva, quam ignorat esse talem: vel è contra; ponit impedimentum dirimens Matrimonii contractū, & liber potest recedere à Serva, ac aliam ducere. Ita communis DD. Et habetur *cap. Proposuit 2. Et cap. Ad nostra 4. hoc tit.* Estque Ratio; quia talis Error excludit consensum in Matrimonii contractum; ut colligitur ex *L. Si per errorem, ff. de Jurisdic.* Præterea motivum, ex ejusmodi impedimentum sit ab Ecclesia constitutum, est; quia talis error circa conditionem servilem ignoratam, valdè adverfatur bonis Matrimonii: & primò adverfatur bono Sacramenti, ac individue Societati, atque cohabitationi conjugum; quia Servus debet servire Domino, & propterea habitare in domo Domini; potestque vendi; vel mitti in partes longinquas. Secundo adverfatur bono prolis; quia servus non poterit eam commodè alere; quidquid enim is lucratur laboribus, Domino lucratur: nec poterit eandem prolem debitè educare. Tertio adverfatur bono fidei conjugalis; quia non potest pro libitu reddere debitum conjugis; sed demùm per solutis servitiis Domini.

3. Nota secundò: si tamen liber Servum post habitam noticiam de ejus conditione servili, carnaliter cognoverit, Matrimonium fit

validum; nec potest dissolvi prætextu Erroris præhabiti circa servilem conditionem; uti constat ex *cap. 2. Et 4. hoc tit.* Quòd si etiam liber homo præhabuerit scientiam de servitute Sponsæ, & nihilominus eam duxerit, tale Matrimonium est validum, & indissolubile: uti habet communis DD. Et Ratio est; quia in contractu, talis Matrimonii liber homo non fuit deceptus; & remisit jus suum de dissolvendo Matrimonio, uti colligitur ex *can. Si servina, caus. 29. q. 2.*

4. Nota tertio: hoc impedimentum Erroris circa conditionem servilem non dirimere Matrimonium Jure naturali; uti opinatur Sylv. Sed Jure Ecclesiastico; uti habet Glossa, Valens. Pirh. Sanch. & communior DD. Ratio est; quia Error talis non est contra substantiam Matrimonii; nam servitus non tollit, neque impedit absolute, & simpliciter liberum usum Matrimonii; sed pro illo duntaxat tempore, quò Servus est distractus ad servitiū domini. Et quia Ecclesia non irritat Matrimonium à libero scienter contractum cum Serva; sed tantum contractum ignoranter, *cap. 2. Et 4. hoc tit.* Si autem servitus Jure naturali dirimeret Matrimonium, æque dirimeret utrumque, id est contractum scienter, & contractum ignoranter cum Serva.

5. Dico secundò: si Servus contrahat Matrimonium cum Serva, cujus servitus noticiam habuit, nullum exurgit impedimentum dirimens erroris circa conditionem servilem; sed Matrimonium est validum, & indissolubile, tamen si illud invitò Dominò fuisset contractum. Ita communis DD. Et habetur *cap. Dignum 1. hoc tit.* Rationem secundū reddit ipsum *cit. cap.* dicens; quia juxta Apostolum ad Gal. 3. in Christo JESU, neque liber, neque servus à Sacramento Ecclesie removendus est. Et quia Matrimonium Jure naturæ, & Divino, concessum est hominibus in remedium concupiscentiæ, ut vitarentur fornicationes; adeoque Servi ab hoc per Dominos nequeant impediri per dissolutionem ejus. Uterque tamen talis conjunx tenetur consueta servitiū præstare Domino; uti habetur *cit. cap. 1.*

6. Nota quartò: quod attinet partem secundam ex conjugio duorum quorum Pater est liber, mater verò serva; is secundum *L. par-*

*tum C. de rei vindic.* sequitur conditionem ventris, seu Matris; unde natus ex ventre servo subijcitur ei, qui ventris est dominus. Secundum tamen Jus Canonicum *cap. 3. hoc tit.* consuetudine locorum parius etiam sequi potest conditionem patris, ita ut si solus pater sit liber, proles efficiatur liberæ, non attentâ conditione Matris.

## CAP. II.

### De aliis Erroribus intervenientibus in Matrimonii Contractu.

**N**Ota primò: præter Errorem conditionis, de quo agit *iste tit. & præcedens Capitulum*; alii quoque duo Errores adesse possunt in contractibus matrimonialibus, scilicet Error circa substantiam, & Error circa qualitatem Sponsi, vel Sponsæ. Error circa substantiam, seu personam haberetur, si Jacob v.g. contraheret cum Lia, quam putat esse Rachælem; vel cum secundo genita, quam putat esse primogenitam. Error circa qualitatem esset: Si Plautus contrahat cum Petronilla, quam putat esse vel virginem, vel divitem, vel nobilem; postea tamenprehendit eam esse corruptam, vel pauperem, vel ignobilem.

2. Dico primò: Error circa Substantiam, seu personam, tam antecedens, quam concomitans, dirimit Matrimonium Jure Ecclesiastico, & naturali. Ita S. Bonaventura *4. d. 30. q. 1.* Scotus ibidem. S. Thomas, & communis DD. Et de Jure Ecclesiastico habetur *cap. Tua nos, de sponsalibus.* Et *can. Unico, caus. 29. q. 1.* De Jure naturali patet; quia Matrimonium est contractus, ad quem requiritur Jure naturæ verus consensus circa objectum substantiale contractus; sed ubi est Error antecedens, vel concomitans circa substantiam, seu personam, nullus est consensus in eam ut objectum substantiale; quia *L. 15. ff. de Jurisdic. dicitur: erranti nullus consensus*; & quia contrahentis intentio absoluta est, consentire præcisè in hoc individuum Plautillæ v.g. tanquam in determinatum, & substantiale objectum contractus Matrimonialis, & nequaquam in aliud: adeoque Jure naturæ Matrimonium cum Errore circa substantiam dirimit. Nec obest: quod Error concomitans non sit causa operis, sicut est Error antecedens; quia uter-

que aufert actuale consensum; & differunt tantum, quod prior faciat involuntarium, posterior autem actum non voluntarium esse.

3. Si obijcias: quod Jacob cum Lia contraxerit, erroneè quoddam substantiam; & tamen subsisterit Matrimonium. Respondeo ex *can. Unico, caus. 29. q. 1.* illud non fuisse verum Matrimonium ab initio; donec Jacob consensit positivè de novo in Liam.

4. Dico secundò: si tamen errans intendat contrahere cum præsentī persona, qualiscunque sit, est validum Matrimonium. Ita Brug. Con. Nav. &c. Et Ratio est; quia talis Error non vitiat objectum substantiale actus voluntarii; cum sit solum speculativus, non practicus: adeoque validum erit Matrimonium cum eo contractum.

5. Dico teritiò: Error circa qualitatem personæ non dirimit Matrimonium, et si oriatur ex dolo alterius contrahentis, & det causam contractui. Ita S. Bonaventura, Richard. & DD. communiter. Et constat ex *cap. Cum in Apostolica, de Sponsalibus.* Et *L. aliquis, ff. de contrah. Empt.* ubi dicitur: *Quod si ego me virginem emere putarem, cum esset mulier, id est corrupta, ut ait Glossa, valet emptio: in sexu enim non est erratum.* Et Ratio est; quia substantia hujus contractus consistit in consensu inter personas; Et qualitates opum, pauperiei &c. sunt extrinsecæ, accidentales, & rationes tantum impulsivæ; non autem objectum substantiale ipsius contractus.

6. Dico quartò: si tamen Error qualitatis transeat in Errorem substantiæ; item si qualitas fuit appositā in contractu per modum conditionis; tunc eā deficiente, irritatur Matrimonium contractum cum errore qualitatis. Ita Mastrius, Her. Brug. &c. Exemplum primi esset; si Ludovica contraheret per Procuratorem cum primogenito Regis Hispaniarum; erit irritum Matrimonium, si deinde substitueretur secundò genitus. Exemplum secundū; si Petrus contrahat cum Paula, cum expressione conditionis, si nobilis sit. Et Ratio primi est; quia determinatus consensus contrahentis tunc fertur primario, & determinatè in aliud individuum, tanquam objectum substantiale contractus; adeoque Matrimonium cum Errore tali celebratum est irritum. Ratio secundi est; quia consensus contrahentis tendit substantialiter, & expressè in veritatem appositæ conditionis: adeoque eā deficiente Matrimonium erit nullum.

# TITULUS X.

## De natis ex libero ventre.

### CAP. UNICUM.

#### Resolutiones concernentes hunc titulum.

1. **N**ota primò: *presentem tit.* Papa adiungit *priori* tanquam eidem connexum; quia enim in *priori* actum fuit de Conjugio servorum, & dubitare posset, utrum proles ex ventre libero, seu Matre libera, & Patre servo nate censenda sint pariter liberae, an verò servae; ideo hoc ipsum resolvit unicò Capitulo huius tit.

2. Dico primò: proles progenitæ ex libero ventre, id est Matre libera, vel libera, efficiuntur liberae, tamen si pater fuisset servus; & è converso erunt servae; si generatae sint ex ventre servo. Ita communis DD. Et resolvit *cap. unico, hoc tit.* Et *cap. ult. de serv. non ordin.* Et quia dum quæritur de libertate, vel

servitute alicujus proles, partus sequitur ventrem, id est conditionem matris *L. 1. §. 2. ff. de statu hom.*

3. Nota secundò: sufficit ad libertatem proles, ut Mater fuerit libera aliquo tempore, scilicet vel tempore conceptionis, vel tempore partus, vel tempore intermedio, etiam per minimum momentum à conceptione; quia non debet calamitas matri superveniens minime obesse partui, seu proli, quæ in ventre est, *Instit. de ingen. Et L. 1. cit.*

4. Nota tertio: aliàs proles legitime natae quoad familiam, nobilitatem, & dignitatem seu honores, sequuntur conditionem patris; non autem matris, *L. cum legitima 19. & ibi Glossa ff. de statu homin.* Estque Ratio; quia proles accipit esse à patre tanquam causa principali efficiente, & nobiliori principio suæ substantiæ; ac proinde quoad illa, quæ spectant ad esse, & familiam, quæque ei annexa sunt, sequitur patrem; uti notat ex Sanch. Pirhing,

# TITULUS XI.

## De Cognatione Spirituali.

### CAP. I.

#### De Quidditate; Contractione; Origine; & Conditionibus Impedimenti Cognationis Spiritualis.

1. **N**ota primò: progreditur Pontifex in Impedimentis dirimentibus Matrimonii assignandis; & hoc ut. affert impedimentum Cognationis Spiritualis. Dicitur autem *Cognatio* genericè omne vinculum, conjunctionem, seu propinquitatem importans. Hic verò specificè importat propinquitatem, quæ oritur juxta constitutionem Ecclesiæ inter aliquas personas ratione Sacramentorum Baptismi, & Confirmationis collatorum, vel receptorum. Dicitur *Spiritualis*; quia versatur circa rem Sacramentalem, seu Spiritualem, hæc Cognatio vulgò vocatur *Compaternitas, & Commaternitas.*

2. Dico primò: rectè describitur Cognatio Spiritualis, quòd sit quædam propinquitas inter personas ob administrationem, vel susceptionem Sacramenti Baptismi, vel Confirmationis orta, ex ordinatione Ecclesiæ invalidans, & dirimens Matrimonium. Ly propinquitas est genus; reliqua ponuntur pro differentia.

3. Dico secundò: ex administratione, & receptione Sacramentorum Baptismi, & Confirmationis surgit omnino in certis personis impedimentum Cognationis Spiritualis, dirimens Matrimonii. Ita communis Doctorum. Et statuitur *cap. 3. 4. 6. & 8. hoc tit.* Et *cap. eod. tit. in 6.* Et statuit Ecclesiæ hoc impedimentum ob reverentiam, quæ debetur baptizanti, & confirmanti, ac patris, tanquam parentibus Spiritualibus, ut hæc Cognatio non minus quàm carnalis parentibus carnalibus esset impedimentum dirimens. Unde ulterius

4. Nota secundò : Ex aliis Sacramentis præter Baptismum, & Confirmationem non oritur præfatum impedimentum, dirimens cognationis spiritualis ; prout habetur *cap. Quamvis 3. hoc tit.* Et Ratio est ; quia per alia Sacramenta non renascitur, & regeneratur homo ad vitam æternam, sicut per Sacramenta Baptismi, & Confirmationis, quæ conferunt esse quoddam spirituale, *can. 1. & 3. caus. 30. q. 3.* Nam in præfatis duobus Sacramentis tantum persona ea ministrans est quasi generans, susceptor verò seu Patrinus est quasi Mater, quæ nomine Ecclesiæ in suo gremio suscipit baptizatum, & confirmatum. Quare quemadmodum per natiuitatem carnalem oritur cognatio carnalis tanquam impedimentum dirimens, & impediens Matrimonium ; ita pariter per natiuitatem spirituales, confurgit spiritualis cognatio, dirimens, & impediens Matrimonium ; & hoc ob peculiarem reverentiam, quam alter alteri debet, cui plurimum aduersatur actus conjugalis.

5. Nota tertio : Olim Jure decretalium ex administratione, & receptione Baptismi, ac Confirmationis oriebatur triplex cognatio spiritualis dirimens Matrimonium. Prima vocabatur *paternitas* ; & conurgebat inter baptizantem, vel confirmantem ex una parte ; ac inter baptizatum, vel confirmatum ex altera parte. Secunda erat *compaternitas*, quæ oriebatur inter baptizantem, vel confirmantem, vel patrinus ex una parte ; & inter parentes baptizati, vel confirmati ex altera parte : atque ita parentes baptizati, vel confirmati erant compater baptizantis, vel confirmantis, & patrinorum. Et duplex hæc cognatio spiritualis etiam transfundebatur à viro in uxorem. Tertia erat *fraternitas*, quæ conurgebat inter liberos carnales baptizantis, vel confirmantis, vel patrinorum ex una parte ; & inter ipsum baptizatum, vel confirmatum ex altera parte : quare baptizatus vel confirmatus erat confrater liberorum baptizantis, vel confirmantis, *cap. Veniens. Et cap. fin. hoc tit. Et cap. 1. eod. in 6. Et can. 1. 2. 3. ac alius, caus. 30. q. 1.* Sed

6. Dico tertio : Jure novissimo Tridentini memoratæ species Cognationis spiritualis sunt contractæ, & ita restrictæ, ut hodie non nascatur cognatio spiritualis dirimens Matrimonium, nisi inter baptizatum, ejusque patrem, & matrem ex una parte ; ac inter baptizantem, & suscipientes ad summum unum, vel unam ex altera parte. Ita Vallens. Zoës. Sanch. & communis recentiorum Canonistarum. Et habetur in Trident. *sess. 24. cap. 2. de Reform. Matrimonii*, ubi etiam assignatur ratio

hujus constitutionis Ecclesiasticæ, per illa verba, *doces experientia propter multitudinem prohibitionum multoties in casibus prohibitis ignoranter contrahi Matrimonia, in quibus vel non sine magno peccato perseveratur, vel ea non sine magno scandalo dirimuntur. Volens itaque S. Synodus huic incommodo providere &c.* Ex his

7. Nota quarto : hoc impedimentum Cognationis spiritualis solo Jure Ecclesiastico esse introductum ; & primò quidem à Concilio Nicæno *can. 21.* Quamvis plures DD. putent fuisse traditionem Apostolicam.

8. Nota quinto : Catechismus seu instructio Catechumenorum ad fidem, quæ ante Baptismum alicujus baptizandi adhibetur, quæ durante sal benedictus ori baptizandi imponitur, per quem significatur cælestis sapientia, seu doctrina Christiana, *cap. sal cælestis 65. dist. 4. de consecrat.* Hujusmodi inquam Catechismus olim afferebat inter easdem personas, inter quas Baptismus, quoddam impedimentum, sed impediens tantum Matrimonii postea contrahendi ; non autem dirimens postea contracti ; uti habetur *can. cit. 21. Et cap. 5. hoc tit. Et cap. 2. eod. in 6.* Catechismus enim est quedam futuri Baptismi professio, ejusque initium, & quedam imperfecta regeneratio per fidem, quam proficitur catechizans, seu patrinus loco parvuli ; ideoque etiam quedam cognatio spiritualis ex ea nascitur, sicut ex sponsalibus de futuro. Ut autem talem contrahat Patrinus, debet durante toto Catechismo infantem tenere ; & insuper ad fidei interrogata respondere ; quando nimirum Sacerdos interrogat, an credat. Verum DD. probabilius tenent per Trident. *sess. 24. cap. 2. de reform. matrimonii*, tale impedimentum fuisse sublatum ; uti colligitur ex illis verbis Concilii, *omnibus inter alias personarum hujus spiritualis Cognationis impedimentis omnino sublatis.* Et ita tenet Zoës, Pirh. &c. Aut saltem restrictum est ad primum gradum Cognationis, sicut impedimentum ortum ex Baptismo ; uti advertit Zoës, & Vallens.

9. Nota sexto : ut autem à susceptoribus contrahatur vera Cognatio spiritualis ex administratione, & receptione Baptismi, & Confirmationis, requiruntur sequentia. *Primo*, ut teneatur infans in Baptismo actuali. Unde qui teneat infansem, quando solz solemnitates Baptismi in Ecclesia peraguntur circa infansem, domi ob imminuentem probabilem articulum mortis jam baptizatum, non contrahit cognationem spirituales. Ita Brug. & ceteri DD. communiter. *Secundo* requiritur, ut infans teneatur in Baptismo solemniter administrato : unde suscipiens in Baptismo

privatum



privatim administrato, non contrahit Cognationem spiritualem. Ita deducitur ex Tridentino *cit.* Et habet Brug. Sanch. Nav. &c. *Tertio* requiritur, ut contrahatur ista cognatio spiritualis; ut infans suscipiatur de manibus baptizantis statim ac baptizatus est; alioquin accipiens illum non dicitur suscipere, & levare ex fonte baptismatis. Ita habetur in *can. Post susceptum caus. 30. qu. 3.* Unde si commater ex manu alterius commatris infantem suscipiat, non contrahit cognationem. *Quarto* requiritur ad contrahendam hanc cognationem, ut verus tactus manibus suscipientis per actus interveniat: unde si suscipiens solâ veste infantem attingeret, non contraheret Cognationem spiritualem. Ita Brug. & DD. passim: Sufficit autem, ut tactus iste fiat per Procuratorem; uti habet Bonac. Rebellus, Conbranc. &c. *Nam qui per alium quid facit, per se fecisse videtur, L. Licet, de Constitutione pecunie:* Et ex Regulis Juris in 6. Quo casu Procurator nullam contrahit Cognationem; quia licet ipse immediate tangat; non tamen suo, sed alieno nomine hoc præstat. *Quinto* requiritur in suscipiente intentio tacita, vel expressa præstandi munus Patrini; uti consentiunt omnes DD. *Sexto* requiritur, ut non incedat error circa personam, quæ creditur tangi. Ita Brugnoli &c. *Septimo* requiritur, ut Patrinus suscipiens sit baptizatus; unde Infidelis non contrahit hanc Cognationem. Ita Maltrius, Brug. Ledesm. Rodriq. &c. *Octavo* requiritur, ut suscipiens sit designatus ad munus Patrini. Ita Tridentinum *cit.* & Sanch. Maltrius, Conink &c.

## CAP. II.

### Varia alia resolutiones circa Cognationem spiritua- lem.

**D**ico primò: Secundum antiquos *Carones* non nisi unus Patrinus mas, vel femina suscipere debebat infantem de Baptismo: si tamen plures suscepissent, singuli Cognationem spiritualement contrahabant; secundum verò Constitutionem novam Ecclesia possunt duo, id est unus mas, & una femina de Baptismo suscipere; sed non plures. Ita communis DD. Primum habetur in *cap. Quamvis 3, hoc tit. in 6.* Secundum in Tridentino *sess. 24. cap. 2. de reformat. matrum.* Quòd si tamen etiam plures quam duo, specialiter per incuriam Parochi, admitterentur, & verè susciperent simul infantem

ex Baptismo, ac assignati sint ab habente potestatem Patrinos designandi, videntur omnes contrahere Cognationem spiritualement, juxta *cap. 3. cit.* quod non est immutatum per Tridentinum. Et pro hoc stat declaratio Cardinalium, allegata à Tanner. Nec adverstatur Tridentinum *cit.* prohibens plurius, quam duorum admissionem; quia non irritat factum; sed tantum vetat illud; & est communis doctrina, quòd actus contra legis prohibitionem non sit irritus, si in ea non ponatur decretum irritans, uti notat Zoës.

**2.** Nota primò: Religiosi prohibentur suscipere infantes de sacro fonte, *cap. non licet Abbati 103. cum seq. de Consecrat. dist. 4.* Ne videlicet hac occasione ad secularia trahantur, *can. pervenit 20. caus. 28. q. 2.* Si tamen suscipiant, actus non est irritus; & consequenter contrahunt Cognationem spiritualement. Hi si assumantur in Episcopos, non prohibentur deinceps suscipere ex sacro fonte; uti habet Glossa, Sanch. & Zoës. nam tunc censetur absoluti à jugo monasticæ regulæ, *can. 1. caus. 16. q. 1.*

**3.** Nota secundò: Procurator deputatus, ut locò principalis infantem de sacro fonte levet, non contrahit cognationem spiritualement; uti habet Zoës. Cum is non habeat animum suo nomine suscipiendi infantem ex sacro baptismo; unde mandans videtur potius eam contrahere; cum res sit facti, quam principalis per alium faciens, ipse facere videtur. Et dicitur ita resoluisse S. Congregationem, teste eodem Zoës.

**4.** Dico secundo: Parens baptizans, vel patrinum agens ex ignorantia, vel in necessitate, nullam Cognationem spiritualement contrahit; nec jure petendi debitum conjugale privatur. Ita DD. communiter. *De ignorantia*; resolvit *can. si vir. De necessitate* verò resolvit *can. Ad limina caus. 30. q. 1.* ubi exprimitur hujus ratio, *Quia inculpabile judicandum, ad quod necessitas impulsit.*

**5.** Dico tertio: Si tamen Parens extra casum necessitatis, & ignorantia baptizet, vel levet infantem, aut Confirmationi ejus assistat ut Patrinus, peccat mortaliter, & probabiliter non potest petere debitum conjugale: potest verò reddere. Primum habet Sanch. Laym. Nav. &c. Secundum Suar. Sanch. Tertium habet communis Doctorum. Primum constat ex *can. 1. Et 2. caus. 30. q. 1.* ubi id severè prohibetur. Secundum patet; quia contrahit veram Cognationem spiritualement cum Conjuge, Ratio tertii est; quia alter conjunx innocens non amisit jus petendi: adeoque culpabilis tenetur reddere.

# TITULUS XII.

## De Cognatione legali.

### CAP. UNICUM.

#### De Impedimento Matrimonii orto ex Cognatione legali.

**N**Ota primò: evolutò *priori tit.* de impedimento dirimente Matrimonii, orto ex Cognatione Spirituali, rectè Papa subiungit *hunc tit.* de alio, quod confurgit ex Cognatione legali: & dicitur *legalis à legibus* Civilibus, per quas primò inuenta fuit *§ sed si quis, Instit. de nupt.* Deinde verò etiam à sacris Canonibus fuit acceptata, & approbata, *cap. unic. hoc tit.* Et *can. ita diligere, caus. 30. q. 3.* Est autem Cognatio legalis attinentia, & effectus adoptionis, facitque in locum filii transire adoptatum. Nam adoptio communiter à DD. describitur, quòd *sit extraneæ persone in filium, vel filiam, nepotem vel deinceps legitimam assumptionem.*

2. Dico primò: bene describitur Cognatio legalis, quòd *sit propinquitas quadam inter certas personas, orta ex adoptione, ex ordinatione Juris Ecclesiastici, & Civilis dirimens Matrimonium.* *Ly propinquitas* est genus; reliqua ponuntur pro differentia.

3. Dico secundò: Cognatio legalis ponit omnino impedimentum dirimens Matrimonium inter certas personas. Ita communis DD. Et habetur *cap. 1. hoc tit.* Et *can. ita diligere.* Et *can. per adoptionem, caus. 30. q. 3.* Et *L. adoptivus 14. ff. de ritu nupt.*

4. Nota secundò: tres porrò species Cognationis legalis passim afferuntur à DD. *Prima* est in linea recta inter adoptantem, & adoptatum, ac descendentes, seu liberos adoptati, puta filios, nepotes, & abnepotes, &c. Si existant in ejus potestate. *Secunda*, est quasi transversalis, scilicet inter ipsum filium adoptatum, & filiam naturalem, vel filiam adoptantis. *Tertia* est per modum cujusdam affinitatis, nempe inter uxorem Patris adoptantis, & inter filium adoptatum; & è contra, inter uxorem adoptati, & inter ipsum Patrem adoptantem, ac etiam inter ipsas uxores adoptantis, & adoptati.

5. Dico tertio: prima species Cognationis legalis impedit, & dirimit Matrimonium in perpetuum, etiam soluta adoptione per mortem adoptantis, vel emancipatione adoptati; unde

adoptans non potest contrahere Matrimonium cum filia, vel nepte adoptati. Ita Sylv. Sanch. Pirh. &c. Et constat ex *can. ita diligere i. caus. 30. q. 3.* Et ex *§. ergo non omnes; Instit. de nupt.* Et *L. adoptivus 14.* Et *L. quin etiam 55. de ritu nupt.* Et Ratio est; reverentia, quæ per potestatem semel contractam ab adoptante respectu adoptivi dissuadet nuptias cum filia, vel nepte adoptivi.

6. Dico quartò: Secunda species Cognationis legalis impedit, & dirimit Matrimonium non in perpetuum; sed duntaxat quàm diu durat adoptio, & potestas. Ita Pirh. Zoëf. Vallens. &c. Et colligitur ex *cap. unic. hoc tit.* ubi dicitur, quod inter personas secundæ speciei Cognationis legalis non consistat Matrimonium durante adoptione. Et constat etiam ex *L. per adoptionem 17. ff. de ritu nupt.* Et est Ratio; quia honestas non patitur, ut inter personas secundæ speciei Cognationis legalis, id est adoptatum, & filiam naturalem adoptantis contrahatur, cum durante adoptione (quæ est naturæ imitatrix) se habeant tanquam frater, & soror.

7. Dico quintò: tertia species Cognationis legalis impedit, & dirimit Matrimonium in perpetuum inter illas personas, quas afficit; etiam solutâ adoptione per mortem adoptantis, vel per emancipationem. Ita Laym. Vallens. Zoës. &c. Et habetur *L. adoptivus 14.* Et *L. quin etiam 55. de ritu nupt.* Estque Ratio; quia & hic affinitas quædam intervenit, quæ dissuadet Matrimonium inter personas hujus tertiz speciei. Ex his

8. Nota sequentiâ Corollaria. *Primò* inter adoptantem, & parentes filii adoptati licet, & validè posse celebrari Matrimonium. Ratio est; quia ex nullo capite Juris constat inter eos intercedere Cognationem legalem; uti rectè ex Sanch. & Vall. notat Pirhingus. *Secundò* pariter inter filium adoptivum, sed emancipatum, & filiam legitimam carnalem adoptantis contrahi potest Matrimonium; ut habet Glossa, De Nzo, & Pirh. Et Ratio est; quia in adoptivo tali filio jam emancipato cessavit adoptio, & patria potestas, quæ prius posuit impedimentum Matrimonio contrahendo. *Tertio* similiter inter ipsos fratres & sorores adoptatas ab eodè parente potest consistere Matrimonium; uti habet Vallens. Pirh. &c. Et Ratio est; quia inter ejusmodi personas non reperi-

reperitur à Jure inducta fuisse aliqua Cognatio legalis. Unde *capit. unsc. hoc tit.* procedit duntaxat de vera filia patris adoptantis, quæ incipit esse soror adoptivi fratris, adoptati à suo patre; adeoque impedita à contractione Matrimonii cum eodem fratre; uti rectè notat Vallens. *Quarto* tandem etiam inter filium illegitimum carnalem adoptantis, & filiam adoptivam ejusdem adoptantis; ac vicissim inter

filiam carnalem illegitimam adoptantis, & filium ejus adoptivum potest contrahi Matrimonium validum; uti habent Navar. Sanch. &c. Et est Ratio; quia illegitimi non censentur esse in potestate patris sui *§. si adversus; Instit. de nupt.* adeoque cum ipsis non contrahitur Cognatio legalis impediens Matrimonium.

## TITULUS XIII.

De eo, qui cognovit Consanguineam uxoris suæ; vel Sponsæ.

### CAP. I.

De Impedimento Affinitatis, contracto ex copula illicita, & incestuosa.

**N**ota primò: Papa provehit ulteriùs materiam impedimentorum Matrimonii; & discussis in *priori tit.* impedimentis Cognationis spiritualis, ac legalis; *hoc tit. & sequent.* agit de impedimento Cognationis carnalis; & primò de impedimento affinitatis. Est autem affinitas duplex, una quæ resultat ex copula illicita cum consanguinea uxoris suæ: & hæc examinabitur *sit. pref.* Altera, quæ oritur ex copula licita, cum uxore respectu consanguineæ ejusdem; & de ista proponitur *sequens tit.*

2. Dico primò: Ex incestu, seu copula illicita carnali, quam quis habuit cum consanguinea uxoris suæ confurgit impedimentum impediens Matrimonium aliquando contrahendum. Ita Glossa; Vallens. & communis DD. Et statuitur in *cap. Si quis 1. Et cap. Transmissa 4. Et cap. Ex litteris 8. Et cap. Jordanæ 11. hoc tit.* Estque Ratio; quia tales incestuosi intulerunt injuriam Matrimonio.

3. Dico secundò: similiter si uxor commiserit incestum cum consanguineis viri sui, ex ejusmodi illicita copula oritur impedimentum præfatum. Ita Vallens, Sanch. Pirh. &c. Et constat ex *can. Si quis viduam, caus. 32. q. 7. & can. Si quis cum matre, caus. 34. q. 2.* Estque eadem Ratio, ac de incestu viri.

4. Dico tertio: Viris committentibus incestum cum Consanguineis uxoris suæ, præter impedimentum præfatum, etiam infliguntur duæ aliæ pœnæ speciales; quòd scilicet nequeant petere debitum à propria uxore; &

quòd non possint contrahere Matrimonium mortua sua uxore, non solum cum filiastra suâ; sed nec cum quavis alia muliere in perpetuum. Ita communis DD. Et statuitur in *cap. 1. hoc tit.* quæ duæ pœnæ statutæ sunt in detestationem incestus, ne tam frequentes fiant. Quod pariter extendunt DD. ut Vallens. Sanch. Zoëf. &c. ad uxorem incestuosam. Et constat ex canonibus *cit. caus. 33. & 34.* Quamvis autem Conjux incestuosus nequeat petere debitum à suo Conjuge; reddere tamen tenetur, *cap. 4. hoc tit.*

5. Nota secundò: præfata pœna secunda non tantum afficit ipsos Conjuges incestuosos; sed etiam Consanguineos eorum, ita ut illi Consanguinei Conjugis, cum quibus alter Conjux incestum commisit, nequeant inire aliud Matrimonium; uti habent Vallens. Pirh. Sanch. &c. Et constat ex illis verbis *cap. 1. hoc tit. nec ille, nec filiastra ullo unquam tempore aliis se poterunt Matrimonio copulare.* Et Ratio est; quia & tales Consanguinei ingerunt gravem injuriam Matrimonio, non solum ratione adulterii, quod committunt; sed etiam ratione contrafactæ affinitatis inter Conjuges, ob quam impeditur usus Matrimonii. Et putat Vallens. ac Sanch. ejusmodi impedimentum pariter in Consanguineis esse perpetuum.

6. Nota tertio: ut porro censetur verè confurgere impedimentum dirimens ex incestu, debet is habere sequentes conditiones: *Primò*, ut sit incestus formalis, id est, cum illa, quam omnino scivir esse Consanguineam Sponsæ, vel uxoris; *cap. 1. hoc tit.* nam si adhuc erit ignorantia, non oritur ejusmodi impedimentum. *Secundo*, ut intervenierit copula consummata; uti habet Vallens. sicut enim copula licita non consummata non inducit

affinita-

affinitatis impedimentum; ita nec illicita non consummata. *Tertio*, ut incestus sit cum Consanguinea uxoris; non verò cum consanguinea propria; uti habet Covarr. Sanch. Zoës. &c.: quia textus Juris loquuntur tantum de consanguinea uxoris. Nec obest, quòd foedior sit incestus cum propria consanguinea, quàm Conjugis: quia in hoc impedimentum non tam inductum est propter gravitatem criminis; quàm propter injuriam, quæ fit Matrimonio per copulam cum consanguinea uxoris.

7. Nota quartò: Hujusmodi impedimentum non contrahitur à femina, quæ per vim carnaliter cognita fuit; uti notat Sanch. & Pirh. & colligitur ex *cap. Discretionem*, 6. *hoc tit.* Estque Ratio; quia sicut talis femina caret culpa, ita pariter caret pena. Nec contrahitur ex incestu cum cognata legali, vel spiritali; uti notat Zoës. Navarr. &c. Nam ejusmodi incestus non est propriè incestus. Nec ullus textus Juris ponit resultare ex tali copula impedimentum affinitatis.

8. Nota quintò: Contrahitur hoc impedimentum affinitatis à viro incestuoso, sive incestum commiserit vivente adhuc uxore; sive eà jam mortuà, *cap. 4. hoc tit.* Item sive incestus fuerit occultus, sive notorius; uti habet Vallens. & constat ex *cap. 6. hoc tit.* Item sive sententia Judicis præcesserit; sive non; uti habet Sanch. Item sive fuerit factus cum pubere, sive impubere, *cap. 7. hoc tit.*

9. Nota sexto: Secundum Jus Decretal. hoc impedimentum ex copula illicita cum Consanguinea alterius Conjugis ortum extendebat se usque ad quartum gradum, sicut ex licita; uti constat ex *cap. 6. hoc tit.* ubi fit mentio copulæ cum consanguinea Conjugis, non distinguendo gradum; qui proinde accipiendus est secundum *cap. Non debet, de consang. & affin.* ubi ex causa affinitatis indistincte usque ad quartum gradum ponitur impedimentum. Verum secundum Jus novissimum Tridentini *sess. 24. cap. 4. de reformat. matrim.* se se extendit memoratum impedimentum tantum usque ad secundum gradum inclusive.

## CAP. II.

### Varia circa hunc titulum resolvuntur.

**N**ota primò: Judex Ecclesiasticus non debet dirimere Matrimonium jam contractum, etsi ambo Conjuges as-

serant se illud contraxisse cum impedimento dirimente affinitatis, orto ex copula illicita cum consanguinea unius Conjugum; imò etsi sit rumor partis vicinæ, idem impedimentum proclamantes; nisi aliz rationabiles, & fide dignæ probationes accesserint. Ita communis DD. Et habetur *cap. Super eo*, 1. *Ex cap. De illo*, 3. *hoc tit.* Estque Ratio primi; quia non creditur viro, & uxori si constentur in præjudicium Matrimonii; ob præsumptionem collusionis eorum; uti habetur *cit. cap. 5.* Alias tamen creditur Conjugibus, & statut eorum confessioni in favorem Matrimonii, asserentium Matrimonium esse contractum, juxta *cap. attestatio*, 10. & ibi Gloss. ver. *evasisse*; de *spusal. impuber.*

2. Dico primò: Per affinitatem supervenientem ex copula incestuosa, non ponitur impedimentum dirimens Matrimonium prius contractum, & consummatum; imò nec inconsummatum. Ita communis DD. Et habetur *cap. Tua*, 10. *hoc tit.* Ratio etiam est; quia ejusmodi Matrimonium est indissolubile ex Apostolo: Incestuosus tamen propter publicam honestatem in continentia vivere debet, usque dum Conjux moriatur. Tenebitur tamen talis, reddere debitum conjugale parti innocenti petenti, quia affinitas post Matrimonium iniquè contracta non debet ei nocere, *cit. cap. 10.* Ratio secundi est; quia & Matrimonium non consummatum dicit vinculum indissolubile.

3. Dico secundò: Per copulam illicitam cum consanguinea supervenientem dissolvuntur priora sponsalia de futuro. Ita communis DD. Et habetur *cap. Veniens*, 2. *hoc tit.* Ratio etiam est; quia sponsus, & sponsa ratione talis copulæ sunt facti affines; affines autem nequeunt inter se contrahere Matrimonium, *cap. Non debet*, 8. *de cons. & affin.* adeoque sponsalia talium dissolvuntur. Quare poterit sponsus vel sponsa innocens licite alteri nubere *cit. cap. Et sequenti*.

4. Dico tertio: Fornicarius consummans copulam carnalem illicitam cum consanguinea sponsæ, non tantum redditur inhabilis ad contrahendum Matrimonium cum sua sponsa; sed etiam cum alia; sed tantum ad dies vitæ complicitis delicti, cum qua fornicatio fuit facta, poteritque de facili cum eo dispensari. Ita Sanch. De Nævo, Pirh. Vallens. &c. Primum habetur *cap. 1. hoc tit.* Et statuitur in penam delicti incestuosi. Secundum colligitur ex *cap. Duo pueri*, 12. *de desponsat. impuber.* illis verbis, *neutri altero vivente dabitur licentia contrahendi*. Tertium constat ex *cap. 2. hoc tit. ibi*, *poterit ex dispensatione cum alia*  
Matrimonium

*Matrimonium contrahere. Et cum in hoc sibi Papa non reservet dispensationem, videtur*

*eam tacite concedere Episcopis, secundum Innoc. Abbat. &c.*

## TITULUS XIV.

### De Consanguinitate; & Affinitate.

#### CAP. I.

##### De impedimento dirimente Consanguinitatis.

**N**ota primò : *Priori titulo de cognatione carnali, resultante ex affinitate mediante copulâ illicitâ contractâ, Papa subnectit hunc alterum de aliis duabus, quibus cognationis carnalis seu naturalis, scilicet Consanguinitatis, & Affinitatis ortu ex copula licita; deque earum impedimentis. Dicitur autem Consanguinitas quasi sanguinis unitas; eò quòd plures de communi sanguine descendant, caus. 35. q. 5.*

2. Dico primò : Rectè describitur Cognatio carnalis consanguinitatis, quòd sit propinquitas inter certas personas, ab eodem proximo stipite descendentes per generationem carnalem. *Ly propinquitas est genus; reliqua ponuntur pro differentia. In hac descriptione pro ly stipite intelligitur progenitor. Dicuntur proximo stipite; re putentur omnes homines esse Consanguinei, qui ab uno remoto stipite Adamo descendunt. Hic enim agitur de stipite, & progenitore propinquo, respectu cuius conceditur, vel prohibetur Matrimonii contractus, car. 1. caus. 35. q. 2.*

3. Nota secundò : Consanguinitas generaliter accepta dividitur à Jure Civili in agnationem, & cognationem specialiter dictam. *Agnatio est propinquitas inter illas personas, quæ progenitæ sunt ab eodem sanguine tantum per lexum virilem, seu per paternam lineam eandem duntaxat, §. 2. Instit. de legiti. agnat. successione.* Unde in rigore Juris civilis soli filii alicujus parentis, ac filiz ejus, & germani fratres, fratrumque filii, ac filiz, per eandem masculinam lineam duntaxat descendentes *Agnati* dicuntur; & hæc vocatur Consanguinitas stricta, & civilis. *Cognatio specialis est propinquitas inter illas personas, quæ generatæ sunt ex eodem sanguine tam per sexum virilem, quàm femineum; seu per lineam maternam, & paternam cit. §. 2.* Et hæc vocatur Consanguinitas laxa, ac naturalis. Et ejus usurpatio est propria in hoc tit. Quare nomine *Consanguinitatis* rectè veniunt omnes

prorsus agnati & cognati, mares & femine, per lineam paternam, vel maternam tantum, aut per utramque simul progeniti.

4. Nota tertio : Cognationem carnalem seu Consanguinitatem distingui per lineas; & lineam per gradus; uti notant communiter hic DD. *Linea* autem Consanguinitatis describitur bene sic, quòd sit ordinata collectio personarum consanguinitatem inter se habentium, completens certos gradus, & distinguens cognationes. *Gradus* verò, quòd sit distantia unius personæ ab altera in linea Consanguinitatis, quâ cognoscitur quæ persona sit stipiti propinquior. *Linea* est triplex in proposito; *prima* dicitur *linea recta ascendens* consanguineorum; & incipit à personis propagatis ad propagantem, puta à filio ad patrem, avum, proavum &c. *Secunda* dicitur *linea recta descendens*; & incipit à propagante ad propagatos, ut à patre ad filium, nepotem &c. *Tertia* vocatur *linea transversa*, seu *collateralis*, quando duæ personæ adsunt, quæ ambæ descendunt ab eodem, & neutra ab altera, ut frater, & soror consobriini.

5. Nota quartò : Ad cognoscendam propinquitatem, & computandos gradus ipsius Consanguinitatis, sequentes statui generales Regulas à Scoto 4. dist. 27. & à Canonistis. *Prima* : *In linea recta Ascendentium, & Descendentium, tot numerantur gradus, quot persona generantes*; Unde Pater, & Filius sunt conjuncti in primo gradu consanguinitatis; quia Filius à Patre una generatione descendit; & Nepos est conjunctus cum Avo in secundo gradu; quia ab eo descendit duabus generationibus; Proavus, & Pronepos sunt in tertio gradu; Abavus, & Abnepos in quarto, &c. Et circa numerandos, & supputandos gradus in linea recta tam ascendenti, quàm descendenti conveniunt Jus Canonicum, & Civile: sed differunt circa gradus lineæ transversæ. Quare

6. Nota quinto : aliter computantur gradus lineæ transversæ à Jure Civili; & aliter à Jure Canonico. Nam primò Jure Civili nullus est gradus primus in linea transversa *L. 1. §. 10. C. de grad. & affinis.* sed in Jure Canonico datur primus gradus: *Secundo* Jure Civili in transversali linea tot sunt gradus, quot ge-

neratio-

Fr. Bernardus Sannig Scholæ Canonicae Tom. II.

C c



nerationes; ideoque frater, & foror hoc jure secundum gradum constituunt *cir. L. 1.* quia interveniunt duæ generationes, scilicet fratris, & fororis: nam ascendendo à fratre ad communem patrem habes unam generationem; rursus descendendo ab eodem communi patre ad fororem habes secundam generationem, nempe fororis; ac proinde secundum gradum. At Jure Canonico aliter se habet; in quo frater & foror faciunt unum gradum, scilicet primum. Est autem computatio graduum secundum Jus Canonicum servanda quoad Matrimonium; de quibus Jus Civile nihil potest disponere: quoad hæreditarias verò successiones servari debet computatio eorum secundum Jus Civile, tam in foro seculari, quam Ecclesiastico. Unde

7. Nota sextò, & sit regula secunda: *In linea transversa aequali* (quæ est inter personas æqualiter distantes à communi stipite: *tot gradibus unus conjungitur alteri, & ab eo distat, quot quilibet conjungitur suo communi stipiti proximo, & ab eo distat.* Ratio est; quia ratione stipitis tantum conjunguntur inter se, & in ordine ad illum distant: Unde Frater, & foror sunt in primo gradu lineæ transversalis; Patruelus verò, & Consobrini in secundo; Nepotes, & Neptes ex Fratre, & Nepotes, ac Neptes ex sorore in tertio gradu: Pronepotes, atque Pronepotes ex sorore sunt in quarto gradu; & sic deinceps.

8. Nota septimò, & sit regula tertia: *In linea transversali inæquali* (quæ est inter personas inæqualiter distantes à communi stipite.) *tot gradibus unus conjungitur alteri, & ab eo distat, quot qui remotior est à communi proximo stipite, & ei conjungitur, ac ab eo distat:* quia inquit Scotus, personæ quæ sunt in linea transversali, non habent inter se propinquitatem, nisi ratione communis stipitis, à quo originantur; & ideo non possunt inter se propinquiùs conjungi, quam remotior eorum conjungatur stipiti: Unde Patruus, & Nepos ex Fratre sunt in secundo gradu, quia eodem distat Nepos ex Fratre ab alio, qui est stipes utriusque; & similiter Pronepos distat à Patruo in tertio gradu.

9. Dico secundò: In linea recta, tam Ascendente, quam descendente, primus gradus; imò probabilius quilibet gradus in infinitum dirimit Matrimonium; & quidem Jure naturæ. Ita Scotus 4. diff. 40. qn. iii. Bassolius, Hiqu. Branc. Maffrius, Bellarminus, Con. Vasqu. &c. contra Averfam &c. Ratio primi est; quia lumen rationis dicat, Matrimonium in primo gradu non esse contrahenda, ob re-

verentiam filiorum debitam suo principio; & ob conjunctionem naturalem filiorum, cum Parentibus, quorum sunt pars secundum carnem: ideo & gentes omnes bene institutæ connubia parentum cum filiis, & filiabus abhorrent. Ratio secundi est; quia, ut ait Doctor subtilis, in omnibus Ascendentibus, & Descendentibus invenitur ratio principii, cui reverentia debetur, & observantia; huic autem actus matrimonialis quasi substandaliter repugnat; unde & Summi Pontifices nunquam leguntur dispensasse in linea recta. Et quia omnes Ascendentes sunt veri Parentes, & principiantes respectu descendendum, & principiatorum, & consequenter eis debetur eadem reverentia, quæ immediatis Parentibus: sed cum immediatis Parentibus de Jure naturæ prohibitum est contrahi Matrimonium: adeoque cum omnibus in infinitum. Et ideo inquit Scotus hic, si Adam hodie viveret, nullam posset ducere uxorem, cùm omnium uxorum sit principium. Et quia *L. Nuptia*, Et *L. Jure gentium, de ritu Nupt.* absolute dicitur, inter Ascendentes, & Descendentes Jure gentium (quo nomine Juristæ appellant Jus naturæ) incestuosas nuptias contrahi, easque consistere non posse.

10. Dico tertio: Consanguinitas in linea transversali, dirimit Matrimonium tantum usque ad quartum gradum inclusivè. Ita communis DD. Et determinatur in Concilio Lateranensi, & refertur *cap. Non debet, de cons. & affin.* ubi etiam restringitur Jus antiquum, irritans Matrimonium usque ad septimum gradum.

11. Nota autem octavò: Causas hujus restrictionis esse has: *Primò;* propter commoditatem majorem humani commercii inter Fideles, ut per fœdera Matrimoniorum inter diversas familias magis ampliaretur amicitia. *Secundo;* ob majorem cautelam servandæ continentie inter sanguine junctos, qui frequenter sibi invicem cohabitant, quæ familiaritas peccatum incontinentie sæpius causaret, si non liceret Matrimonium contrahere, nisi usque ad septimum gradum. *Tertiò;* quia difficulter conservatur ab omnibus memoria usque ad 7. gradum; siquæ frequenter fierent invalida Matrimonium.

12. Dico quartò: Solo Jure Ecclesiastico, non naturali, fratris & fororis cæterorumque usque ad 4. gradum inclusivè Matrimonium dirimitur. Ita Maffrius, & Recentiores Scotistæ, ac Scotus, & Cajet. Hurt. Con. Diana, &c. contra Branc. Sanch. Vasq. Bonacin. Rebel, &c. Ratio primi est; quia etsi quædam partialis indecentia in copula fratris cum

forore

forore reperitur, ob quam etiam gentes passim eam prohibuere; non est tamen talis in ea indecentia, ob quam natura huiusmodi copulam prohiberet; cum nulla reverentia debita consanguineis, tanquam principio (qui neque Ascendentes, neque Descendentes sunt) adfit. Et in exordio Mundi debebant fratres ducere suas forores: Et Sylv. in Summa, verbo *Papa* refert, Martinum V. etiam in hoc gravissima de causa dispensasse: quæ omnia non subsisterent, si Matrimonium inter fratrem, & fororem Jure naturæ esset irritum. Secundum colligitur ex *cap. Gaudemus, de Divortio*; ubi infideles ad fidem conversi, etiam consanguinei sint in secundo gradu, permittuntur in Matrimonio; quod fieri non posset, si Jure naturalis illi gradus irritaret Matrimonia: adeoque solo Jure Ecclesiastico secundus, & alii sequentes gradus, irritant Matrimonia.

## CAP. II.

### De Impedimento Affinitatis, orto ex Copula licita.

1. Nota primò: *Affinitas* sic dicitur, quòd quasi *ad fines* Consanguinitatis accedat, uti rectè notat Scotus; seu quòd duz diversæ cognationes per nuptias copulentur, & finibus suis se contingant, *L. non facile 4. ad fines, ff. de gradib.* Unde Affines sunt cognati viri cum uxore; & cognati uxoris cum viro, *can. porrò, caus. 35. q. 5.* Nomina propria Affinium exprimuntur *cit. L.* & sunt Socer, Socrus, Gener, Nurus, Noverca, Vitricus, Privignus, Privigna, & Levir.

2. Dico primò: rectè describitur Affinitas (de qua *hoc tit.*) quòd *su propinquitas certarum personarum, orta ex copula carnali licita, & cum persona alteri consanguinea contracta.* *Ly propinquitas* est genus; reliqua ponuntur pro differentia. Dixi *orta ex copula carnali licita*; nam quamvis etiam affinitas vera oriatur ex copula illicita fornicaria, vel quocunque alio concubitu illicito, juxta illud 1. ad Cor. 6. *qui adheret meretrici unum corpus efficitur*, & consequenter affinis consanguineis meretricis; at tamen de tali Affinitate jam propositus, & discussus est *titulus 13. supra*; nec ejusmodi Affinitas pertinet *ad præsentem tit.*

3. Dico secundò: Copula carnalis conjugalitè habita cum uxore inducit impedimentum Affinitatis, impediens, & dirimens Matrimonium postea contrahendum cum ejus

consanguineis. Ita communis DD. Et habetur *cap. Ex literis*; Et *cap. Non debet 8. hoc tit.* Estq; Ratio; quia dum vir, & mulier carnaliter se cognoscunt, fiunt veluti una caro, *can. fraternitatis 1. caus. 35. q. 10.* & consanguinei trahuntur ad fines alterius; unde partim natura, partim honestas suadet, ut Matrimonium inter tales non inearur.

4. Nota secundò: ut autem oriatur præfactum impedimentum Affinitatis, debet intervenire copula carnalis perfecta, seu consummata; quare non sufficit sola claustris vaginalis referatio, seu penetratio vasis fœminæ; sed requiritur etiam seminatio, saltè viri intra vas fœminæ; uti notat Sanch. Et Ratio est; quia ut resultet hoc impedimentum, debent conjuges fieri una caro, *cit. can. fraternitatis*; fiunt autem una caro per copulam perfectam, seu consummatam duntaxat, sufficientem ad generationem prolis, quæ est sola illa, in qua fit seminatio in vas fœmineum; uti constat ex *can. lex Divina, caus. 27. q. 2.* Ex quo dicto habetur primò non oriri ullam Affinitatem ex coitu Sodomitico in vase præpostero; cum eo non possit sequi generatio; uti notat Pirh. Oritur tamen ex coitu cum fœmina dormiente, ignorante, coacta, ebria, & insana; cum ex his omnibus sequi possit generatio. Habetur secundò, pariter ex Matrimonio rato non oriri Affinitatem veram, & completam; cum desit seminatio; uti advertit Sanch.

5. Nota tertio: quamvis Affinitas orta ex copula conjugalitè licita propriè non habeat gradus, uti constat ex *L. 4. §. 5. ff. de gradib.* nam gradus assignantur ratione cognationis carnalis, & naturalis, quæ hic non est: nihilominus cum affinitas fundetur in cognatione carnali, & naturali; idcirco pariter ad ejusdem imitationem, quosdam dicitur habere gradus, seu distantias potius; numeratitque ad instar graduum Consanguinitatis. Unde regula generalis est, quam assert Scotus 4. *dist. 41. quo gradu Consanguinitatis quis distat ab alio, sive per lineam rectam, sive per transversam; eodem gradu affinitatis ab eodem sive per lineam rectam, sive per transversam distat illa, quæ est carnaliter cognita.* Et elicitur hæc regula ex *can. porrò, caus. 35. q. 5. v. g.* Si Petrus cognoscat Paulam, quæ habet fratres, forores, patrem, & matrem; tunc fratres, & forores Paulæ fiunt affines Petro in primo gradu lineæ transversæ; pater verò, & mater Paulæ fiunt Petro affines in primo gradu lineæ rectæ; & sic deinceps.

6. Nota quarto: secundum Jura est triplex genus Affinitatis. Primum, in quo maritus fit

affinis

affinis cum consanguineis uxoris ; & uxor cum consanguineis mariti, *cap. Non debet s. hoc tit. Secundum*, in quo consanguinei primæ uxoris sunt Affines etiam cum secunda uxore mariti ; & Nurus uxoris cum marito, *can. de propinquis 3. caus. 31. q. 3. Tertium*, in quo secundæ uxoris maritus, & maritus nurus sunt affines, *can. ubi est caus. Et q.* Exempli gratia, uxor fratris tui est tibi affinis in primo genere Affinitatis ; mortuo fratre tuo, si ipsa alteri nubat, ille vir erit tibi affinis in secundo genere : si demum uxore fratris tui mortuæ, ejus maritus relictus alteram uxorem ducat, hæc uxor erit tibi affinis in tertio genere affinitatis ; quia tibi conjungitur per eum, qui secundo Affinitatis genere tibi junctus fuit ; ita advertit Gloss. Hostiens Zoël. &c. Omnia ista tria genera olim ponebant impedimentum Affinitatis ; uti patet ex *cit. capitulo 1. & cit. canonibus, caus. 31. q. 3. Sed*

7. Dico tertio : Jure novo Affinitas inferens impedimentum dirimens Matrimonium, contrahitur tantum inter consanguineos uxoris ex una parte, & inter maritum ejus ex altera parte ; ac rursus inter cognatos mariti ex una parte, & inter uxorem ejus ex altera parte tantum. Ita communis Canonist. Et habetur *cap. Non debet s. hoc tit. ubi* Pæpa corrigit Jus antiquum, & autem impedimentum olim refusant in secundo, & tertio genere, *re lato notabili 4.* Et hoc ideo, nè prohibitio- num frequentia in hac materia faciliè causet peccatum, contractio ignoranter Matrimonio in gradibus prohibitis. Ex his

8. Inferitur primò : inter ipsos consanguineos mariti, & cognatos uxoris non consurgere ullum impedimentum Affinitatis ; sed liberè inter se possunt inire Matrimonia, *cap. Super his s. hoc tit.* Quare duo fratres germani Pauli possunt ducere duas sorores Petri. Item Pater, & Filius possunt contrahere Matrimonium cum Matre, & Filia alterius familiæ, v.g. filius Petri ex prima uxore potest ducere filiam ejusdem Petri ex alia uxore genitam. Item Pater Sponsi potest ducere matrem, & filiam Sponsæ. Item potest quis ducere matrem, vel filiam Vitrici, vel Novercæ. Item si frater, & soror contrahant Matrimonium, possunt iis mortuis viduus Superstes, & vidua inter se contrahere Matrimonium ; nisi forsitan obftet aliunde consanguinitas ; vel aliud impedimentum. Item potest quis successive ducere plures uxores, quarum mariti erant fratres germani ; uti notant Tanner. Laym. Pirh. Ratio horum omnium est ; quia inter omnes præfatas personas jure novo nulla est Affinitas.

9. Dico quartò : Affinitas ex copula licita orta dirimit hodie Matrimonium tantum usque ad quartum gradum ; & hoc probabiliter tantum Jure Ecclesiastico. Ita communis DD. Primum habetur *cap. Non debet s. hoc tit.* Estque Ratio ; quia cum per mutuum corporum conjunctionem Conjuges fiant una caro ; honestas suadet, ut alter ab alterius Consanguineis æque ac à propriis usque ad quartum gradum abstinere debeat *cap. 1. hoc tit. verb. æquæ enim.* Ratio secundi est ; quia nullum extat Jus Divinum de hujusmodi impedimento Affinitatis. Excommunicantur illi, qui scienter contrahunt Matrimonium prohibitum à Canonibus, intra quartum gradum, *Clement. eos qui, unio. hoc tit.*

### CAP. III.

#### De Impedimento dirimente justitiæ publicæ honestatis.

1. Nota primò ; Justitia publicæ honestatis habet propinquitatem quandam cum Affinitate : unde de ipsa etiam rectè *hoc tit.* agitur.

2. Dico primò : rectè describitur justitia publicæ honestatis, quod sit propinquitas quædam Jure Ecclesiastico interdixit inter certas personas, quæ sibi facta sunt propinqua ob Sponsalibus de futuro, vel Matrimonium ratum, non consummatum. Ly propinquitas est genus ; reliqua habent rationem differentiarum.

3. Nota secundò : hoc impedimentum dicitur justitia publicæ honestatis ; quia publica honestas dicitur, & exigit, ut Sponsus à cognatis Sponsæ suæ, vel maritus à cognatis uxoris suæ ; & è contra Sponsa à Consanguineis Sponsi sui, vel uxor à cognatis mariti sui abstineat ; cum facti sunt sibi propinqui, *cap. 3. Et 4. Et s. de Sponsal. Et unio. de Sponsal. in 6.* Hujusmodi impedimentum à Canonibus duplex assignatur ; uti patet ex conclusione præmissa. Unum quod oritur ex Sponsalibus de futuro ; de quo vide dicta supra tit. 1. Alterum quod oritur ex Matrimonio rato, & necdum consummato.

4. Dico secundò : tam ex Sponsalibus de futuro validis, quam ex Matrimonio rato, & nondum consummato oritur impedimentum justitiæ publicæ honestatis, dirimens Matrimonium contrahendum cum consanguineis alterius Sponsi. Ita Navar. Mastr. Brug. &c. Primum determinatur *cap. unio. de Sponsal. in 6.* Secundum colligitur ex *can. Si quis uxorem 14. Et can. Si quis de Sponsalibus 15. caus. 27. q. 2.* Et est Ratio ; quia si ex Sponsalibus de fu-

de futuro oriatur impedimentum publicæ honestatis ; quantum magis ex Matrimonio rato, quod est fortius vinculum, & maiorem conjunctionem importat.

5. Dico tertio : impedimentum iustitiæ publicæ honestatis ortum ex Sponsalibus contrahis de futuro dirimit Matrimonium cum Consanguineis alterius Sponsi tantum in primo gradu ; & ultra non se extendit : ortum

verò ex Matrimonio rato nondum consummato dirimit illud usque ad quartum gradum inclusive ; & ultra non progreditur. Ita Bonacin. Navar. Brug. &c. Et habetur in Concilio Trident. sess. 24. cap. 3. de Reform. Matrim. quod proinde correxit Jus antiquum, quod impedimentum iustitiæ publicæ honestatis se se extendebat usque ad quartum gradum consanguinitatis.

## TITULUS XV.

### De frigidis, & maleficiatis, & impotentia coeundi.

#### CAP. I.

#### De Impedimento, orto ex Impotentia coeundi.

1. Nota primò : Prosequitur Pontifex proponere Impedimenta dirimentia Matrimonii ; hoc tit. assignat impotentiam coeundi, seu perficiendi copulam carnalem cum conjugē, quæ ortum ducere potest, vel ex frigidityte, vel ex maleficio, imò & ex aliis causis, prout infra dicitur.

2. Dico primò : rectè describitur impotentia, quod sit *inhabilitas quadam ad consummandum Matrimonium*. Ly *inhabilitas* est genus ; reliqua ponuntur pro differentia. In ordine ad sequentes Conclusiones

3. Nota secundò : Impotentia variè dividitur. Primò, alia est impotentia ad prolis procreationem ; puta si vir, vel femina emitat quidem semen ; sed sterile, & infecundum. Alia est impotentia ad copulam carnalem perfectam ; quando scilicet vir nequit penetrare ad matricem, seu vas muliebre, immittendo eò semen : vel si femina sit nimis arcta, ut mulier fieri nequeat ; vel si viri semen ullò modò retinere nequeat, L. *queratur* 14. §. *mulierem* 7. ff. de *adulterio Edicto*. Causæ autem efficientes Impotentiam ad copulam carnalem perfectam, possunt essent variæ : prima est intrinseca, & naturalis ; si scilicet in viro adsit complexio, & constitutio naturæ frigide nimis, vel calidæ nimis, ob quam is vel omnino seminare non potest, vel non potest penetrare ob matricem femineæ, & semen eò injicere ; vel nimis propere emittit semen extra vas muliebre ; vel si sit defectus ætatis, ut in puero, qui ob defectum ætatis nequit reddere debitum, cap. 2. hoc tit. In femina verò si adsit complexio indisposita ad coitum ob nimiam arctitudinem ob quam à viro nequeat cognosci, & semen

transmitti in vas femineum, cap. 3. hoc tit. Secunda est causa extrinseca, & accidentalis, puta si Conjuges laborent aliquò morbò, impediēte copulam completam : vel si viro amputata sint genitalia, L. 6. ff. de *liber. Et posthum.* vel si collisi, aut contriti sint testiculi. Tertia est maleficii ; si nimirum vir, vel femina, vel ambo per veneficium, ligaturam, aut aliud opus maleficum Dæmonis impediuntur ab actu conjugali.

4. Nota tertio : Secundo, rursus impotentia ad copulam carnalem perfectam alia est perpetua ; alia temporalis. Perpetua dicitur illa, quæ omnino immedicabilis est ; & curari ac auferri non potest, nisi cum miraculo ; vel cum peccato v. g. incantatione ; vel cum gravi vitæ periculo v. g. incisione ; vel cum damno corporis alterius, cap. 3. Et 6. hoc tit. Temporalis dicitur illa, quæ tolli potest per medicamina, & alia media licita naturalia, vel spiritalia ; quæque citra miraculum, & absque gravi damno corporis, vel vitæ periculo curari potest, cap. 6. hoc tit. Tercio, item Impotentia perpetua ad copulam carnalem alia est absoluta ; & alia respectiva. Absoluta censetur esse illa, quæ dicit inhabilitatem consummandi Matrimonium cum quacunque persona, ita ut impotens cum nulla persona possit exercere copulam carnalem perfectam ; & talis est communiter in formaliter frigidis. Respectiva est, quæ importat inhabilitatem consummandi Matrimonium cum certa tantum persona ; quando scilicet vir cum hac duntaxat femina nequit exercere copulam carnalem, & talis est communiter in maleficiatis. Quarto, demum Impotentia alia est antecedens Matrimonium ; alia illud sequens, seu superveniens Matrimonio.

5. Dico secundò : vera Impotentia ad consummandam copulam carnalem perfectam antecedens, perpetua, & absoluta ponit impedi-

pedimentum dirimens Matrimonii contracti, five ea oriatur ex causa intrinseca; five extrinseca; five ex maleficio. Ita S. Bonaven. Brancat. Vallens. & communis DD. Et constat ex cap. 2. 3. 4. 5. & 6. hoc tit. Quare si alter Conjugum petat separationem ab impotente, & Impotentia rectò iudicio probetur, separari possunt; cit. cap. 3. & 5. Et in *Constit. 59. Sixti I.* Et est Ratio; quia ad subsistentiam Matrimonii pertinet obligatio tradendi corpus ad usum conjugalem; impotens autem nequit se obligare ad ejusmodi traditionem sui corporis; *impossibile enim nulla est obligatio*, secundum Reg. Juris Civ. 155. ff. de R. J. Et nemo potest alteri tradere potestatem rei, quam nullò modò habet, secundum Reg. Juris *Can. 30. in 6.* Adeoque Impotentia antecedens, absoluta, & perpetua ponit impedimentum dirimens Matrimonii contracti. Et hæc Ratio etiam probat, hujusmodi impedimentum Impotentix præfatæ dirimere Matrimonium planè jure naturæ.

6. Nota quartò: Et procedit præfata conclusio, five quis scierit, five ignoranter contraxerit Matrimonium cum femina laborante Impotentia antecedenti, perpetuâ, & absoluta; ita ut in utroque casu interveniat impedimentum dirimens Matrimonii, & nullitas ejusdem; uti notat Sanch. Zoës. Pirh. & c. DD. Et hoc probat Ratio præfacta pro Conclusionem. Cæterum in primo casu, quo quis scierit contraxit cum femina prædictis modis impotente, tamen si Matrimonium sit nullum ob præfatum impedimentum dirimens; ordinavit tamen Ecclesia, ut non separentur; sed vir habeat eam ut sororem cap. 4. hoc tit. Unde is debet abstinere ab ejus concubitu, & aliis, quæ aliàs solis Conjugibus permittuntur, cit. cap. 4. Si autem hæc abstinencia ei impossibilis videatur; tunc separatio instituenda est; uti habet Vallens.

7. Dico tertio: Impotentia ad perficiendam copulam carnalem subsequens, seu si superveniat Matrimonio semel valido, & rato, etsi nondum consummato, non affert impedimentum dirimens Matrimonii contracti, quamvis efflet perpetua, & absoluta. Ita Glossa, Vallens. Sanch. & c. Et colligitur ex *can. hi qui 25. caus. 32. q. 7.* ubi dicitur generaliter, quod conjugia non debeant solvi ob ullam infirmitatem, vel aliam impotentiam supervenientem. Et ex *can. si uxorem 18. caus. 32. q. 5.* ubi dicitur, retinendam esse uxorem, cui quis antea nupsit, five sterilis, five surda; five deformis corpore, cæca, clauda, vel alio horribili quocunque accedente deinde deteriorata fuerit.

8. Dico quinto: Impotentia ad copulam carnalem consummandam respectiva perpetua, antecedens, ponit impedimentum dirimens cum illa persona, respectu cujus est talis Impotentia. Ita communis DD. Et Ratio est; quia traditio corporis ad usum seu copulam conjugalem in taliter impotente censetur esse impossibilis respectu talis personæ; adeoque invalidat Matrimonium cum ea contractum.

9. Dico sexto: Impotentia ad copulam carnalem perficiendam temporalis, & quæ per media licita spiritalia, vel naturalia tolli potest, non ponit impedimentum dirimens Matrimonii subsequens. Ita communis DD. Et constat ex cap. *Fraternitatis*, ibi *quamvis igitur & c. hoc tit.* Eltque Ratio; quia affectu præfata Impotentia non censetur absolutè inhabiles ad usum, & copulam conjugalem perficiendam; sed tantum ad tempus; ideoque possunt facere traditionem sui corporis; & consequenter contrahere validè Matrimonium.

10. Nota quinto: Quando ab altero Conjugum allegatur impedimentum dirimens Impotentix v. g. frigiditas naturæ, non propterea is sua autoritate dissolvere potest Matrimonium jam contractum; sed id probandum erit, & expectandum Judicium Ecclesiæ. Et quidem si per probationes evidentes (v. g. ex aspectu corporis viri, cujus genitalia aut sunt absenta, aut ita arida, ut vi motiva destituta sint) constiterit Judici Ecclesiastico, revera adesse impedimentum dirimens; tum statim per eundem Judicem dirimi potest Matrimonium, nullò trienniò temporis expectatò, cap. 2. & 5. hoc tit. si verò non adsint probationes aliquæ evidentes; tunc integrò trienniò à die celebrationis Matrimonii, & copulæ attentatæ numerandò expectandum erit, & cohabitatio Conjugum continua, & exploranda natura frigida per copulas carnales: quo tempore elapso si ambo tateantur impedimentum frigiditatis v. g. revera adesse, & probent tale revera subesse, Judex Ecclesiasticus poterit eos separare, atque dissolvere concubium eorum; & tunc pars innocens poterit aliud inire, cap. *laudabilem 5. hoc tit.* ubi etiam dicitur, quod tales Conjuges, ad tollendam omnem collusionem inter ipsos, ambo debent jurare cum septem propinquis; vel septima manu vicinorum bonæ fidei, seu famæ, si desint propinqui; quod scilicet nunquam completam copulam carnalem habere potuerint: quo casu Conjuges, & vicini diversimodè jurare debent; scilicet Conjuges, quod absque dolo dederint ope-



ram copulæ per totum triennium; nec tamen Matrimonium consummare potuerint; & propinqui, quoddam verisimiliter existiment, Conjuges verum dicere; uti advertit Glossa, & Pirh.

2. Nota sextò: Si post legitimum iudicium Ecclesiæ separans virum frigidum à fœmina, eò quòd ambo post triennium jurassent de tali impedimento, uti & septem propinqui, vel vicini, vir reputatus frigidus, cum reuera talis non fuerit, aliud contrahat Matrimonium, & consummaverit illud, vel aliquam fornicariæ cognoverit; tunc ambo Conjuges perjury efficiuntur; & vir ab hoc secundo Matrimonio debet resilire, & reverti ad priorem uxorem, *cap. 1. & 5. hoc tit.* Quia prius Matrimonium fuit validum, & secundum invalidum. Nec hic obstat exceptio rei iudicatæ; cum sententia lata in Matrimonio quoad ipsum Matrimonium non transeat in rem iudicatam: unde quandocunque constabit de iniquitate sententiæ, propter periculum animæ; quod oritur ex tali sententia separante veros conjuges, & copulante illos, qui nequeunt esse Conjuges, retractari potest, viget *cap. Lator presentium 7. Et cap. Tenor. 10. Et cap. Consanguineus 11. de sent. & re iudic.*

## CAP. II.

### Varia alia resolutiones circa Impotentiam cœundi

1. Nota primò: Si vel solus vir, vel sola mulier reclamet contra Matrimonium allegando impedimentum Impotentia, non creditur ejus confessioni contra Matrimonium; sed tale impedimentum evidenti probatione, & signò doceri debet, ut, possit institui separatio: unde si vir alleget fœminam esse arctam nimis, debet Iudex ex officio jubere mulierem inspicere per matronas, vel obstrictas honestas, ac providas, seu peritas; & hæc jurare debent sub periculo animæ suæ, se credere mulierem esse habilem, vel inhabilem ad copulam carnalem, *cap. 6. hoc tit.* Viro tamen, & mulieri creditur, si stent & confiteantur pro Matrimonio inter se contracto, *cap. 2. de clandest. dispensat.*

2. Nota secundò: Vir, vel fœmina potest allegare impedimentum Impotentia etiam primò post multos annos; ut constet ex illis verbis *cap. 6. hoc tit. per multos annos morata &c.* ubi mulier post octo demum annos allegavit Impotentiam viri. Et est Ratio; quia Matrimonium invalidum non invalidatur tractu temporis; uti notat De Navo. Dum Iudex

Ecclesiasticus ad impedimentum Impotentia unius Conjugis insituit separationem Matrimonii, debet is quantum potest, inducere impotentem ad ingrediendam Religionem, & servandam perpetuam continentiam; uti constat ex *cap. 6. hoc tit.* Ratio etiam est; quia Matrimonii vinculum, si quod forsitan subsistat, eò ipsò dissolvitur; sicque altera pars separata citra periculum potest transire ad secundum Matrimonium.

3. Nota tertio: Si fœmina arctæ post separationem Matrimonii cognita fuerit, & penetrata ab alio viro, cui deinde nupserat, & is sit priori similis in ætate, robore, ac membro virili; tunc præsumitur talis fœmina potuisse cognosci, & penetrari à primo viro: quare primum Matrimonium fuit validum; & talis fœmina excusso posteriori Matrimonio tanquam nullo tenetur redire ad primum maritum; aut ingredi Religionem, *cap. 6. hoc tit.* Quòd si tamen vir prior, & posterior sint dissimiles; puta quia prior erat senex, vel debilis, aut defectus patiens in membro virili; posterior verò juvenis, robustior, & carens illo defectu; tunc facta semel separatione non restauratur primum Matrimonium ratione Impotentia mulieris arctæ dissolutum à Iudice Ecclesiastico; si per concubitum primi viri non possit reddi habilis ad copulam carnalem consummandam cum illo, licet per concubitum cum secundo sit effecta habilis; uti tenet Sanch. & Pirh.

4. Nota quarto: Spadones strictè accepti, & Eunuchi castrati utroque teste carentes habent impedimentum Impotentia: unde invalidè contrahunt Matrimonium; uti resolvit Sixtus V. in suo motu proprio, citato à Gutierrez. Estque Ratio; quia hi nequeunt emitte semen verum: neque satisfacere possunt fini secundario, qui est remedium concupiscentia. Similiter viri senes, & ita exhausti, ut nullò mediò juvari possint ad consummandam copulam, invalida ineunt Matrimonium; uti & fœminæ ita arctæ, ut non nisi incisione periculosa, vel miraculò dilatarì possint; uti habet Sanch. Laym. &c. Ratio primi est; quia tales senes censentur laborare perpetua Impotentia, antecedenti, absolutà. Secundum constat ex *cap. 3.* Si tamen viri senes adhuc possint exercere actum Conjugalem, & verum semen emitte, etsi per accidens impeditum & infecundum ratione caloris deficientis, tales poterunt validè contrahere Matrimonia. Ratio est; quia defectus caloris deficientis potest arte medica in similibus viris subinde restaurari, ita ut etiam interdum generent. Et quia Ecclesia tolerat in praxi simili

lia

# TITULUS XVI.

## De Matrimonio contracto contra interdictum Ecclesiæ.

### CAP. I.

#### Afferuntur Impedimenta tantum Impedientia Matrimonii.

1. **N**ota primò: postquam Papa *superio. tit.* expeditit assignationem impedimentorum dirimentium; demùm profequitur *hoc tit.* impedimenta impedientia tantum Matrimonii; & signanter interdictum Ecclesiæ: quibus Matrimoniorum celebrationes vetantur, & redduntur illicitæ; interea tamen si celebrantur, valida evadunt, *cap. 1. hoc tit.* Ejusmodi autem impedimenta tantum impedientia Matrimonii sunt varia, uti patebit ex sequentibus. Unde

2. Dico primò: Interdictum Ecclesiæ ponit impedimentum impediens celebrationem licitam Matrimonii. Ita communis DD. Et constat ex *cap. 1. hoc tit.*

3. Nota secundò: si tamen Matrimonium contrahatur contra interdictum Ecclesiæ, vel Judicis, propter hoc solum non dirimitur, *cap. 2. hoc tit.* imponenda tamen est contrahentibus pœnitentia condigna, & separandi sunt, donec cognoscatur de causa interdicti, *cap. 1. & 3. hoc tit.*

4. Nota terciò: præter præfatum interdictum Ecclesiæ impediens Matrimonium, assignantur complura alia à Sacris Canonibus Jure Ecclesiastico introducta; quæ tamen putat Navar. & Sanch. hodie per diuturnam consuetudinem esse sublata, quoad hoc, ut in eis opus non sit dispensatione Apostolica, vel Episcopali, quam aliàs Episcopus præstare posset; exceptò votò simplici Castitatis, & Religionis; uti arbitrantur DD. Verumtamen hæc opinio universaliter in omnibus Provinciis non verificatur. Primum autem eorum est tempus feriarum, quod olim erat tempus adventus usque ad Epiphaniam; & Quadragesimæ usque ad Octavam Paschæ; & dies Rogationum usque ad Octavam Pentecostes, *can. non oportet, caus. 33. q. 4. Et cap. 4. de feriis.* Sed Tridentinum hoc tempus modificavit

reducens ad duo tantum intervalla, *sess. 24. cap. 10. de reform. Matrim.* inquires: ab Adventu Domini nostri JESU Christi usque in diem Epiphaniæ; & à feria quarta cinerum usque in Octavam Paschæ inclusivè antiquæ solemnium nuptiarum prohibitionis diligenter ab omnibus observari S. Synodus præcipit.

5. Nota quartò: Secundum impedimentum tantum impediens est contractus prior validus Sponsalium cum alia Sponsa priori, qui ante sui legitimam dissolutionem impedit Matrimonii contractum cum alia Sponsa faciendum. Nam qui alicui mulieri fidem pœnitentiæ fecerit, non debet aliam ducere, inquit *cap. 1. de Sponsa duorum.* Tertium est cognatio (spiritualis, orta ex Catechismo, *cap. contracto, de cognition. Spiritual.* Hæc Cognatio putatur per Tridentinum totaliter sublata, *sess. 24. cap. 2. de Reform. Matrim.* uti docui supra *tit. 11. cap. 1. not. 6.* Quartum est votum simplex castitatis perpetuæ; vel Religionis ingrediendæ; vel suscipiendi Ordines sacros; vel Matrimonii non ineundi, *cap. Meminimus.* Et *cap. Consuluit;* Et *cap. Rursus, qui Clerici vel voventes, &c.* Quintum sunt crimina nonnulla, propter quæ quasi locò pœnitentiæ prædicti canones, criminosos impediverunt à licita connubiorum celebratione: Talia autem sunt crimen incestus cum Matre, vel filia, *can. si quis cum matre 9. caus. 34. q. 2.* Similiter incestus cum consanguineis suæ Uxoris saltè adhuc viventis, qui intra secundum gradum impedit, *cap. 1. & 4. de eo, qui cognovit Consangu.* Item crimen uxoricidii, *can. admonere.* Et *can. interfecit, caus. 33. q. 2.* nisi accessisset simul adulterium, cum priori conventionem, quo casu evadit impedimentum dirimens. Item cædes Presbyteri, si de eo fuerit in iudicio convictus *cap. Qui Presbyterum, de pœn. & remiss.* Item Matrimonium initum cum Moniali, professæ, *can. hi ergo 13. caus. 27. q. 1.* Item solemnitis, & publicæ pœnitentiæ quam diu durat, *can. de his, 12. caus. 33. q. 2.* Item susceptio proprii filii de Baptismi fonte in fraudem debiti conjugalís, ne scilicet alter Coniunx possit petere debitum, *can. de eo, 5. caus. 30. q. 1.*

## CAP. II.

## De Dispensatione in Impedimentis Matrimonii.

1. **D**ico primò : Summus Pontifex potest dispensare in omnibus impedimentis, solo Jure Ecclesiastico dirimentibus Matrimonii; non autem in dirimentibus legentur. Itaque communis DD. Ratio primi est; quia res per quas causas nascitur, per easdem etiam dissolvitur, secundum regulam Juris in 6. Cum ergo impedimenta solo Jure Ecclesiastico dirimentia sint à Supremo Conditor Canonum Summo Pontifice statuta, per eundem etiam poterunt dispensari. Et quia Papa quæ Vicarius Christi in terris habet summam potestatem dispensativam circa Canones, adeoque & circa impedimenta dirimentia Matrimonii à Canonibus constituta. Secundum inde patet, quòd Papa nequeat dispensare in lege naturæ; adeoque nec in impedimentis lege naturæ irritantibus Matrimonia, v. g. inter patrem, & filiam.

2. Dico secundò : Summus Pontifex regulariter debet habere justam causam dispensandi in impedimentis Matrimonii. Ita communis DD. Et constat ex Tridentino *sess. 24. cap. 5. de Reform. Matrim.* Et quia omnis dispensatio petit justam causam; ut habet idem Tridentinum *sess. 25. cap. 18.* adeoque & dispensatio impedimentorum Matrimonii.

3. Nota autem primò : Sequentes causas numerari ab Henrico. Sa, Sanch. Reginal. Ledesm. Gutier. Navar. & cæteris Doctoribus, ut sufficientes, & justas. *Prima*, est Bonum pacis per tale Conjugium obtinendum. Huc refer extinctionem inimicitiarum capitalium, litium civilium, & aliarum discordiarum, & præventionem similium, nè fiant; & nè homicidia, infamiae, pericula subversionis in

fide, & incontinentia oriuntur. *Secunda*, est defectus paris Conjugii in hoc loco, nisi cum sanguine junctis. *Tertia*, est exigua aut nulla dos, ratione cuius quis nequit inire Matrimonium cum extraneo æquali. *Quarta*, est Conservatio splendoris, & magnarum opum, quas hæres alioquin transferret ad extraneos, nisi sanguine junctam ducat in Conjugem. *Quinta*, est Recognitio excellentium, & memorabilium meritorum in Ecclesiam ex parte petentis dispensationem; vel ejus pro quo petitur. *Sexta*, est Convalidatio Matrimonii, bonâ fide celebrati, saltem ex una parte, quæ detectio impedimentò dirimente Matrimonium, supplicat pro dispensatione. *Septima*, est Refarcitio honoris ablati à muliere violata, & legitimatio, ac debita educatio prolis antea susceptæ. *Ottava*, est acceptatio notabilis multæ, vel alterius pii operis, quod supplicans vult præstare ob obtentam dispensationem. Hòc mediò frequenter petuntur dispensationes à Papa sub clausula *siue causa*; subintellige, ex illis septem, antea numeratis; sed non sine hac octava.

4. Dico tertio : In Impedimentis impedientibus tantum, potest dispensare Episcopus, exceptò votò simplicis Castitatis, & Religionis. Ita communis Doctorum. Et Ratio est; quia ita habet praxis Episcoporum, à Summo Pontifice tolerata, quæ jam videtur Jus consuetudinarium introduxisse in favorem Episcoporum; ut notat Zypæus in Analysis Juris Pontific.

5. Nota secundò : Episcopos etiam posse dispensare in Impedimentis, quæ superveniunt Matrimonio, impedientibus petitionem debiti; cujusmodi sunt affinitas, & Cognatio Spiritualis. Ita Sanchez, Sà, Henricus, & c. Et est Ratio; quia nullo Jure leguntur prohibiti Episcopi ab hujusmodi dispensatione.

## TITULUS XVII.

## Qui filii sint legitimi

## CAP. I.

## Qui censendi sint Filii legitimi; &amp; qui illegitimi.

1. **N**ota primò : tametsi rubrica *hujus tit.* solum loquatur de filiis legitimis; in eo tamen etiam tractatur de illegitimis. Et quia proles legitima est effectus, ex

legitimo Matrimonio prodians; idcirco Papa post discussa in præmissis variis titulis Matrimonia legitima, id est illa, quæ absque impedimentis Canonici contrahuntur; subdit *hunc tit.* de filiis, filiabusque legitimis, quorum variae sunt species; de quibus pono sequentes conclusiones.

2. Dico primò : legitimi filii censentur esse in primis illi, qui procreati sunt ex legitimo Matrimonio

Matrimonionio, seu iustis nuptiis. Ita Vallens. Et habetur in *cap. Causam 7.* Et *cap. Pervenit 11. hoc tit.* Et ejusmodi filii dicuntur naturales, & legitimi, utpotè quos natura & lex approbat.

3. Dico secundò : præterea legitimi filii pariter habentur illi, qui nati sunt ex putatio Matrimonio, id est tali, quod publicè bona fide utriusque, vel saltè unius parentis, & sine contraditione celebratum fuit; quamvis illud revera erat nullum ob latens impedimentum dirimens, v. g. Consanguinitatis, vel alterius ex suprà recensis, & propterea deinde dissolutum à Judice Ecclesiastico. Ita Pirh. Vallens. & communis DD. Et habetur *cap. Cum inter 2. hoc tit.* Et *cap. Perlatum, 8.* Et *cap. Pervenit, 11. eod.* Quare si contingat alicum conjugatum vivente prima uxore solemnizare Matrimonium cum secunda, hoc ignorante, proles ex tali Matrimonio secundo natæ erunt legitimæ quoad omnia, & habiles ad succedendum in feudis, & hæreditates; idque concedit Ecclesia favore prolis *cap. Ex tenore 14. hoc tit.*

4. Dico tertio : proles progenitæ ex soluto, & soluta, qui poterant inire legitimum Matrimonium tempore copulæ, quamvis ab initio illegitimi fuerint; attamen per subsequens Matrimonium legitimantur, & pro legitimis habendæ sunt. Ita Glossa, Abbas, & communis DD. Et habetur *cap. Tanta, hoc tit.* Estq; Ratio; quia Matrimonium subsequens abstergit omnem maculam, & vitium; quare præterea proles ita legitimæ habendæ sunt, ac si procreatæ fuissent ex legitimo Matrimonio.

5. Dico quartò : sed & illæ proles reputandæ sunt legitimæ, quæ quidem generatæ sunt extra iustas nuptias; sed deinde debitè legitimatæ à Papa, vel alio Principe, habente potestatem legitimandi. Ita Vallens. & communis DD. Et habetur *cap. Per venerabilem.* Et authent. *quibus modis natur. effc.*

6. Dico quinto : etiam filii infidelium converforum ad fidem Christianam reputantur legitimi, quamvis parentes ipforum in secundo, vel tertio gradu prohibito Matrimonia contraxerant. Ita Glossa, & communis DD. Et habetur *cap. Gaudemus 15. & ult. hoc tit.* Quod statutum est in favorem fidei, ita suadente publica utilitate, ut alii infideles citius convertantur.

7. Dico sexto : geniti quoque ex Matrimonio clandestino; sed postea ab Ecclesia approbato, legitimi judicandi sunt. Ita Glossa, Vivian. & communis. Et habetur *cap. Quod*

*nobis 9. hoc tit.* Quod procedit, etsi postea rationabili de causa Ecclesia faciat divortium inter tales conjuges. Estq; Ratio; quia approbatio Ecclesiæ superveniens retrahitur, & censetur in favorem Matrimonii adfuisse ab initio.

8. Dico septimò : demum etiam censentur esse legitimæ illæ proles, quæ per debitam adoptionem, naturæ imitricem, in filios, vel filias assumuntur. Ita communis DD. Et est Ratio; quia leges proles adoptivas pro legitimis reputant, & ad hæreditates admittunt. Circa alterum articulum hujus cap.

9. Nota secundò : filiorum illegitimorum, quos Græci unâ voce generali appellant *Nothos*, pariter diversæ sunt species; & omnes patiuntur defectum natalium, eò quòd ex illegitima conjunctione prodierint. Et alii sunt naturales tantum; alii non naturales, seu spurii; alii aliis nominibus appellantur. *Naturales tantum* de Jure Canonico dicuntur illi, qui nati sunt à parentibus solutis, inter quos Matrimonium tempore conceptionis, vel saltè nativitatæ citra omne impedimentum dirimens contrahi poterat. *Non naturales*, seu *Spurii* Jure Canonico nuncupantur illi, qui procreati sunt ex parentibus, inter quos tempore conceptionis, vel nativitatæ non poterat fieri Matrimonium; puta quia erant jam aliò Matrimonio ligati, vel aliò impedimentò laborabant. Hi dicuntur esse nati ex damnato concubitu, seu damnabili complexu.

10. Dico octavò : Omnes filii sub quacunque specie illegitimi reputantur inhabiles ad succedendum in hæreditatibus, & ad consequendas dignitates, atque beneficia Ecclesiastica, & Ordines suscipiendos; nisi priùs debitè legitimantur. Ita communis DD. Et constat ex variis Legibus Civilibus, ac Canonicis, quæ sub suis titulis sparsim in hoc opere allegantur.

## CAP. II.

### De Legitimatione filiorum illegitimorum.

1. Nota primò : Legitimationem illegitimorum posse fieri tribus modis; scilicet per subsequens Matrimonium; per rescriptum Papæ; & per rescriptum Principis.

2. Dico primò : per subsequens Matrimonium legitimantur soli filii naturales tantum, seu illi, qui nati sunt ex soluto, & soluta, inter

quos

quos poterat consistere Matrimonium tempore conceptionis, vel natiuitatis. Ita communis DD. Et habetur *cap. Conquestus* 1. *hoc tit.* Et *cap. Tanta* 6. *eod. tit.* Estque Ratio; quia Matrimonium subsequens purgat vitium præcedens, ita ut filii prius geniti Juris fictione, seu dispositione deinde reputentur, ac si ex legitimo Matrimonio prodissent.

3. Nota secundò: nequeunt autem per præfatum modum subsequens Matrimonii legitimi filii non naturales, seu spurii nati ex soluto, & conjugata, inter quos tempore conceptionis, vel natiuitatis non poterat subsistere Matrimonium. *cap. Causam*, 4. Et *cap. Tanta* 6. *hoc tit.* Unde ejusmodi illegitimi ex damnato coitu nati repellendi sunt ab hæreditatibus, *cit. cap. 6.* Imò & ab alimentis eos Lex Civilis excludit, *L. ex complexu ff. de incest. nupt.* Jus tamen Canonicum moderatur hunc rigorem Juris Civilis, & ordinat, ut pater necessaria alimenta proli spurie administret, *cap. Cum haberet; de eo, qui duxit in Matr.* Estque Juri naturali consonum, ut genitor genitam prolem alimentet.

4. Dico secundò: similiter filii legitimantur per privilegium seu rescriptum Summi Pontificis, qui potest legitimare quoscunque filios illegitimos, non solum quoad Ordines; sed etiam quoad beneficia, & dignitates Ecclesiasticas; imò & ad successionem hæreditatis in bonis temporalibus, in terris sibi jurisdictionaliter subiectis. Ita communis DD. Et habetur *cap. Per venerabilem*, 13. *hoc tit.*

5. Dico tertio: legitimantur quoque filii per rescriptum Imperatoris, Regis, vel alterius Supremi Principis; qui omnes potestatem habent quoscunque illegitimos legitimandi, & purgandi natales. Ita communis DD. Et habetur *Authent. quibus modis natur. offic. &c. §. illud.* Quamvis autem memorati possint legitimare naturales tantum, & spurios ad sæculares dignitates, honores, & officia publica; non tamen ad obtinendas Ecclesiasticas dignitates, beneficia Ecclesiastica, vel Ordines; uti habet Azor. Tanner. Pirh. Et hoc defectu potestatis circa spiritualia.

6. Dico quarto: tamen ad probandam legitimacionem natalium valeat multum fama communis vicinæ, asserens aliquem esse spurium: attamen sola non præbet sufficien-

tem probationem, sine aliis adminiculis, & præsumptionibus; quare debet accedere confessio parentum, cui statur. Ita Covarr. Abbas, &c. Et habetur *cap. Transmissa* 3. *hoc tit.*

7. Nota tertio: Non invalidatur legitimatio prolis per hoc, quod probetur Matrimonium inter tales genitores non subsistisse; sed oportet probare, ipsos parentes Matrimonium mala fide iniisse, *cap. Per vultus* 11. *hoc tit.* Nam semper in favorem prolis standum est, quousque mala fides contrahentium probetur. Et quia tale Matrimonium est contractum in facie Ecclesiæ, quod proinde censetur esse validum; nisi ostendatur mala fides prædicta.

8. Dico quinto: Legitimatio prolis efficaciter probatur per dicta uniformia testium debite deponentium aliquem esse legitimum; quamvis fama vicinæ, & tractatus parentum habeat contrarium. Ita Abbas cum aliis DD. Ratio primi est; quia quando adiunctæ præsumptiones sibi contrariæ hinc inde concurrentes; tunc standum est illi, quæ potentior, & illi, quæ in dubio est favorabilior: probatio autem per testes est potentior; est enim plena, & sufficiens, *cap. Cum causam*, 37. *de testib.* probatio verò à fama vicinæ desumpta est debilior, quia insufficiens, *cap. Tam literis* 33. *eod.* Ratio secundi est; quia probatio per testes est vera probatio; probatio autem per tractatum parentum est tantum præsumptiva; & talis tractatus potest esse ficticius: adeoque probatio per testes efficaciter probat legitimacionem; etsi tractatus parentum habeat contrarium.

9. Dico sexto: Quando suboritur questio natalium, seu de legitimacione filiorum, opposita petenti hæreditatem coram Judice sæculari, talis remittenda est ad Judicem Ecclesiasticum, ut ab eo cognoscatur; quamvis de illa non principaliter, sed incidentaliter agatur. Ita communis DD. Et habetur *cap. Lator* 1. *hoc tit.* Estque Ratio: quia causa natalium est merè spiritualis; cum sit accessorie annexa Matrimonio, quod est spirituale; idèque Iudex sæcularis nec principaliter, nec incidentaliter potest de ea cognoscere, *cap. Causam* 7. *hoc tit.* sicut nec de annexo spirituali, *cap. Quanto* 3. *de judic.*



# TITULUS XVIII.

Qui Matrimonium accusare possunt; vel contra illud testari.

## CAP. UNICUM.

De accusationibus, & testimoniis contra Matrimonia.

**N**Ota primò: Postquam Papa in *superior* tit. terminavit tractatum de validitate, & invalidate Matrimonii; deum *hoc, & sequent.* tractat de ejusdem dissolutione, & divortio. Quia verò ad instituenda ritè divortia prærequiruntur debitæ accusationes, ac testimonia; idcirco *istis* tit. de eis agit. Est autem hic *accusatio* idem, quod actio contra Matrimonium non subsistens.

2. Dico primò: Ad accusandum, seu ad agendum contra subsistentiam, & volorem Matrimonii, tanquam nullum ob impedimentum dirimens Consanguinitatis, primò omnium admittendi sunt parentes; his deficientibus propinquiore cognati; post hos deum extranei; & inter tales præferuntur maturiores, & antiquiores è vicinia, qui notitiam exactam Consanguinitatis habent. Ita Vallenf. Pirh. &c. DD. Et constat ex *cap. Videtur 3. hoc tit. Et can. 1. & 2. caus. 35. q. 6.* Estque Ratio; quia memoratæ personæ stirpis genealogiam, ac consanguinitatem inter contrahentes optimè norunt; ac proinde meritò præferuntur aliis in favorem Matrimonii, *cit. cap. 3.*

3. Dico secundò: Ad accusandum, seu agendum pro instituenda separatione tori duntaxat propter adulterium solus Coniunx innocens; similiter ad dirimendum Matrimonium ob impotentiam, soli conjuges admittuntur. Ita Abbas, Canis. Pirh. &c. Et Ratio primi est; quia solius Coniugis innocentis interest agere ad tori separationem, & non alterius; adeoque ipse solus debet admitti ad accusandum. Secundum constat ex *cap. Consultationi 4. de frig. & malef.*

4. Dico tertio: Omnes personæ aliàs habiles ad accusandum Matrimonium, pariter admitti possunt ad testificandum contra idem; si ex alio capite non impediuntur à testimonio ferendo. Ita Abb. Innoc. Pirh. &c. Et colligitur ex *cap. Videtur 3. hoc tit.* ubi parentes, & consanguinei censentur esse idonei ad accusandum, & ad testandum pro conjungendo,

vel dissolvendo Matrimonio. Et observa quòd in causa matrimoniali idem possit esse accusator, & testis, *can. Si duo, 4. Et can. de parentela 5. Et can. Episcopus 7. caus. 35. q. 6.* quando scilicet quæritur de consanguinitate Coniugum.

5. Dico quartò: Ab accusando Matrimonium repelluntur illi, qui accusant ob quæstum; & illi qui tempore denunciationum, præmissarum ante copulationem publicam habentes notitiam de impedimento dirimente futuri Matrimonii, tacerunt; nisi præfatas denunciations probabiliter ignorassent; vel nisi jurent se postea primò talis impedimenti notitiam assecutus fuisse. Ita Glossa, & communis DD. Primum habetur *cap. Significanti 5. hoc tit.* Secundum exat determinatum *cap. Cum in tua 6. Et ult. hoc tit.*

6. Dico quintò: Pro impediendo futuro contractu Matrimonii sufficit testificatio unus testis integræ æstimationis, deponentis se certò scire impedimentum; uti & fama publica. Ita Zoës, Abbas, Covarr. &c. Primum habetur *cap. super. de testib. Et cap. Præterea, de sponsal.* Estque Ratio; quia agit de peccato vitando, ne aliquo impedimento impediti agant in contractu futuro Matrimonii contra Canones. Secundum constat ex *cap. 2. de Consang.*

7. Dico sextò: Ad dissolvendum Matrimonium requiruntur duo testes jurati omni exceptione majores; nec sufficit confessio utriusque conjugis. Ita Zoës. Covarr. Sanch. Primum habetur *cap. 1. de Consang.* Secundum constat ex *cap. 3. Et 5. de eo, qui cognovit.* Et est Ratio; quia conjuges confitendo adversus Matrimonium, agunt in causa propria; agens autem in causa propria nequit testari pro eadem; uti tenet communis DD.

8. Dico septimò: Regulariter accusatio, & testificatio personaliter fieri, & proferri debet. Ita Glossa, Zoës. Pirh. &c. Et habetur *cap. A nobis 2. hoc tit.* Ratio est; quia securius proceditur per accusationes, & testimonia personalia præsentia; nam accusatores, & testes faciliùs calumniari possunt per scripturam, quàm per voces, seu personalem præsentiam, *can. ult. caus. 2. q. 8.* Huic tamen dispositioni Juris videtur longâ consuetudine in quibusdam regionibus derogatum fuisse; uti advertit Gail. D d 3 TI

## TITULUS XIX.

## De Divortiis.

## CAP. UNICUM.

## Variæ Resolutiones circa Divortia.

**N**Ota primò : quoniam *precedenti tit.* resolvit Papa, quoniam possint, vel non possint accusare Matrimonium, & contra illud testificari in ordine ad institutum Divortium ejus ; consequenter *hoc tit.* discurre de ipso Divortio, id est separatione, seu dissolutione connubii. Accipitur autem Divortium à Canonibus dupliciter ; aliquando pro dissolutione Matrimonii quoad vinculum substantiale ejus, *can. puto, caus. 32. q. 1.* tale contingit, quando separantur duo Conjuges propter aliquod impedimentum dirimens, præcedens contractum matrimoniale ; quo casu Juxta Ecclesiasticus declarat Matrimonium eorum ob ejusmodi impediens fuisse statim ab initio nullum, unde & conjuges tales sunt separandi. Dixi *precedens impedimentum dirimens* ; nam ob superveniens non potest institui Divortium. Aliquando accipitur pro dissolutione Matrimonii tantum quoad thorum, & cohabitationem, ac mutua obsequia, *cap. significasti 4. & alius, hoc tit.* Et de Divortio in hac secunda usurpatione procedunt capitula istius tituli.

2. Dico primò : Divortium, prout de eo hic agitur, rectè describitur, quòd *fit legitima maris, & uxoris separatio quoad thorum, cohabitationem, ac mutua obsequia, manente vinculo conjugali inter eos.* Ly Separatio est genus : reliqua ponuntur pro differentia.

3. Dico secundò : quamvis secundum Jura Civilia ob certas causas, etiam extra casus impedimentorum dirimentium potuerit institui Divortium Christianorum, etiam quoad vinculum, & post consummationem Matrimonii ; secundum tamen Sacros Canones non dissolvitur ullo casu verum legitimum, & consummatum Matrimonium ; præterquam in casu secutz mortis alterius conjugis. Ita Vallens. & communis DD. Primum constat ex  *toto tit. ff. de Divortio. Et tit. Cod. de repudiis.* Unde ob longam captivitatem mariti, vel aliam gravem causam uxor Jure Civili poterat separari à viro, & transire ad alias nuptias. Secundum habetur *cap. Gaudemus, hoc tit.* Et *can. puto, ac alius, caus. 32. q. 1.* Nam quod

DEUS conjunxit, homo non separet, *cap. ult. de translat. Episcopi.* Estque Ratio ; quia Matrimonium repræsentat unionem Christi cum Ecclesia per charitatem, & per naturæ conformitatem ; quare sicut illa inter eos indissolubilis, ita & Matrimonium quoad vinculum debet esse indissolubile ; uti rectè notat Vallens. Quare ulterius

4. Dico tertio : nequit validum institui Divortium, & dissolutio Matrimonii quoad vinculum ejus ob commissum adulterium duntaxat alterius conjugis. Ita communis DD. Catholicorum, contra Hæreticos recent. Hæc resolutio constat primò ex S. Literis, Marc. 10. & Luc. 16. proferentibus indissolubilitatem præfatam Matrimonii, illis verbis : *qui dimiserit uxorem, & aliam duxerit, machatur.* Et 1. ad Cor. 7. præcipio non ego, sed Dominus, *uxorem à viro non discedere : quod si discesserit manere inuptam ; aut viro suo reconciliari.* Et ad Rom. 7. *qua sub viro est mulier, vivente viro alligata est legi. Vivente viro vocabitur adultera, si fuerit cum alio viro.* Secundo idem constat ex Trident. *sess. 24. can. 7.* anathematizante oppositum dogma Hæreticorum. Oppositas rationes Erronum modernorum rectè solvit Zoëf. *hoc tit. & TT. passim in 4. Sent.*

5. Dico quartò : potest tamen conjunx innocens ob adulterium alterius reverà commissum, & probatum, instituere Divortium, seu separationem quoad thorum, & cohabitationem ; Ita Glossa, & communis DD. Et habetur *cap. Significasti 4. hoc tit.* Quod si autem & conjunx prius innocens fornicetur post separationem prædictam, tunc cessat Divortium factum, & Matrimonium redintegratur, ita ut conjuges separati sibi cohabitare teneantur, *cap. Ex literis 5. hoc tit.*

6. Dico quintò : potest etiam ritè institui Divortium, seu separatio thori, ac cohabitationis non tantum propter adulterium alterius conjugis patrum, sed etiam ob exercitum quemcumque alium illicitum concubium consummatum cum decisione feminis cum alia persona ; cujusmodi sunt Sodomia tam activa, quam passiva ; & bestialitas completa : non item ob actum mollitici cum alia persona commissum ; vel propter turpes tactus, & amplexus. Ita Sanch. Pirh. &c. Ratio primi est ; quia Divortium, seu separatio thori, & cohabitationis ritè fit tunc, quando alter

alter conjunx dividit carnem suam in aliam carnem, contra fidem Matrimoniale, explicatam Gen. 2. illis verbis; *erunt duo in carne una*, sicq; inferur notabilis injuria Matrimonio: contingit autem ejusmodi divisio carnis non tantum per adulterium alterius conjugis; sed etiam per quemcunque alium illicitum concubitus Sodomiz, vel bestialitatis: quare per ejusmodi concubitus potest rite institui Divortium thori, & cohabitationis. Ratio secundi de mollietate, seu pollutione, tactibus, & amplexibus est; quia in hujusmodi actibus peccaminosis non fit divisio carnis propriæ in aliam carnem; neque inferur notabilis injuria Matrimonio; & consequenter ob eos nequit institui Divortium thori, & cohabitationis.

7. Dico sexto: Potest præterea etiam institui Divortium thori, & cohabitationis, si alter conjunx labatur in hæresim, vel gentilissimum. Ita Glos. Vallens. &c. DD. Et constat ex *can. idololatria 1. & can. non solum 6.* Et ibi Glos. ver. *recede, can. 28. q. 1.* Et *cap. fin. de convers. conjugat.* Et *cap. Quæsit 2. hoc tit.* Quod statutum est propter periculum perversionis Catholici conjugis. Et quidem si uxor per judicium Ecclesiæ ob lapsum mariti in hæresim, vel gentilissimum se se separaverat à thoro, & cohabitatione ejusdem, non tenetur reverti ad eundem quando reversus fuerit ad Catholicam fidem; secus si autoritate propria ab eo recesserat, uti habetur *cap. De illa 6. hoc tit.*

8. Dico septimo: Si unus conjugum alterum nititur inducere, & pertrahere ad gravia peccata v. g. infidelitatis, poterit licite institui Divortium thori, & cohabitationis. Ita Sanch. & communis DD. Et constat ex *cap. Quæsit 2. hoc tit.* Estque Ratio; quia Jus naturale, & Divinum permittit, ut quisque periculum corporis evitare possit: ergo à fortiori periculum animæ: imò ad hoc tenetur; juxta illud Matth. 18. *Si oculus tuus scandalizat te, erue eum, & projice ab te.* Ceterum præter periculum inductionis ad peccata, ob nullum aliud crimen, quantumvis grave præter fornicationem carnalem, & spirituale, id est lapsum in hæresim vel infidelitatem, licitum est inter conjuges Divortium facere; uti constat ex *cap. 2. hoc tit.*

9. Dico octavo: Similiter, si unus conjugum nimium sæviat in alterum, ita ut periculum vitæ, & salutis corporalis ei imminet ex cohabitatione, permittitur metui passo institui Divortium, donec cesset periculum, & præstetur ipsi sufficiens cautio de malo in posterum non inferendo. Ita Vallens. Sanch. &c. Et constat ex *cap. Transmissa 8.* Et *cap. Litteras*

13. *de restit. spoliat.* Estque Ratio; quia non videtur ex quo capite quis obligetur cum ejusmodi periculo cohabitare Conjugi sævo.

10. Nota secundò: Divortium thori, seu separationem quoad thorum, & redditionem debiti potest conjunx innocens propriâ auctoritate facere, negare alimenta, & dotem, statim ac certitudinem moralem obtinuit de alterius adulterio: at pro separatione quoad cohabitationem instituendam ex dicta causa, expectare debet Ecclesiæ judicium; uti habet Abbas, Armilla, Conink, Sâ, &c. Et constat ex *cap. Porro 3. hoc tit.* Estque Ratio; quia talis separatio est publica, & potest generare scandalum, nisi Ecclesiæ judicio fiat. Idem dicendum de aliis casibus, in quibus ex dictis institui potest Divortium quoad thorum, & cohabitationem. Excipitur tamen casus, quod adulterium alterius esset omnino publicum, & notorium, *cap. significasti 4. hoc tit.* ob quod conjunx innocens propria auctoritate recedere potest ab adultero.

11. Nota tertio: Secundo Divortio inter aliquos Conjuges liberi educari, & alii debent penes conjugem innocentem; & quidem expensis Patris, si is dedit causam Divortio: si verò mater eam dederit, tunc apud patrem, expensis matris locupletis: excipe nisi pater non sit idoneus ad eos educandos; tunc enim apud matrem educari debent; uti habetur Authen. *si pater. C. Divortio factio.*

12. Dico nono: Potest etiam institui Divortium mutuo consensu conjugum ob causam honestam, & sanctam. Patet ex S. Augustino *Epist. 199. ad Ecdesiam.* ex S. Gregorio, Hilario, & aliis PP. qui passim laudant separationem Conjugum, factam mutuo consensu ob continentiam, quam DEO voverant. Imò ipsemet Christus Matth. 19. eam recommendat dicens; *Omnis qui reliquerit Fratrem, aut Sororem, aut Patrem, aut Matrem, aut Uxorem &c.* Et Apostoli uxorari separarunt se ab uxoribus, sequentes Christum; ut expressè docet D. Hieronymus *Epist. 50. ad Pamachium.* Et *lib. 1. adversus Jovinianum.*

13. Nota quarto: Causas honestas, & sufficientes pro instituendo Divortio mutuo consensu posse esse: Si scilicet perpetuam continentiam uterque Conjugum colere velit; uti habet *can. De Syracusane d. 28.* Item si unus suscipiat Ordinem sacrum, & alter ingrediatur Religionem, vel votum de colenda pariter continentia emittat; uti habet Concilium Agathense, *cap. 16.* Et *cap. Conjugatui.* Item si uterque Religionem velit intrare; juxta *cap. de Convers. Conjugat.*

14. Dico decimo: Potest quoque inter duos

duos Conjuges, quorum unus convertitur ad fidem Catholicam, & alter remanet Judæus, vel Infidelis Paganus, institui Divortium, quoad thorum; imò etiam quoad vinculum Matrimonii in certis circumstantiis. Ita Glossa, & TT. communiter. Primum constat ex *can. Judæi 10. caus. 28. q. 1.* Estque Ratio; quia si Judæus, vel infidelis Paganus, cohabitaret uxori conversæ, subesset periculum perversionis ejusdem. Secundum habetur *cap. Quanto 7.* ubi dicitur, si alter Conjugum (scilicet infidelium, vel Judæorum) ad fidem Catholicam convertatur, alterò vel nullo modo, vel non sine blasphemia Divini Nominis, vel ut cum pertrahat ad peccatum mortale, ei cohabitare volente; qui relinquitur, ad secunda, si voluerit, vota transibit; ac proinde confurgit inter tales Conjuges Divortium quoad vinculum Matrimonii in dictis circumstantiis. Et est Ratio; quia quamvis Connubium inter tales Conjuges olim contractum sit Matrimonium verum; non est tamen ratum; quia non repræsentat conjunctionem Christi cum Ecclesia *cir. cap. Quanto*; adeoque potest dissolvi etiam quoad vinculum, in dictis circumstantiis.

15. Dico undecimò: Si ambo conjuges infideles convertantur ad fidem Catholicam, nequeunt propterea instituere Divortium; sed

tenentur simul permanere in connubio, etiam si in gradu Jure Ecclesiastico prohibito contraxissent. Ita Zoës, & communis DD. Et constat ex *cap. Gaudemus 1. hoc tit.*

16. Dico duodecimò: Si quispiam Judæus secundum permissionem legis veteris, prius repudiasset suam uxorem, & ducat aliam; deinde autem convertatur ad fidem Catholicam, debet cum secunda etiam post Baptismum facere Divortium, & adherere primæ; si ea velit ipsi cohabitare, absque blasphemia Creatoris, & periculo perversionis; aut nisi fuisset fornicata. Ita communis DD. Et habetur *cap. Gaudemus 2. hoc tit.* Estque Ratio, quia cum tale repudium legitimæ Uxoris Christus reprobaverit in Lege Evangelica, Matth. 19. ideo non potest præstatur Judæus conversus licitè, & validè aliam uxorem, etiam post conversionem habere; nisi prima renuat, vel fornicata sit, vel cohabitaret cum blasphemia Creatoris, vel periculo perversionis conversi.

17. Dico decimo tertio: Si contingat aliquem Paganum ante suam conversionem habuisse plures uxores; post conversionem adhærebit tantum primæ. Ita communis DD. Et determinatur *cap. Gaudemus 2. hoc tit.*

## TITULUS XX.

### De Donationibus inter virum, & uxorem; & de Dote post Divortium restituenda.

#### CAP. I.

#### De quidditate Dotis, & Donationum inter conjuges; earumque valore; vel non.

1. Nota primò: Quando Judex Ecclesiasticus pronunciat sententiam Divortii, sive quoad vinculum, sive quoad thori separationem, & cohabitationem, duntaxat, simul etiam pronunciare debet de Donationibus factis inter virum & uxorem propter nuptias; ac de Dote. Quare Papa *priori titulo* de Divortii subnectit hunc de Donationibus propter nuptias; & Dote restituendis.

2. Nota secundò: Duplex potest attendi Donatio inter conjuges; una simplex; altera propter causam. Prima habetur, quando

fit gratis, ac ex mera donantis liberalitate *L. 1. ff. de donat.* Secunda habetur, quando conjuges ob aliquam causam sibi aliquid dant; talis est donatio ante, vel propter nuptias, quam facit maritus suæ uxori propter Matrimonium in compensationem datæ sibi Dotis.

3. Dico primò: Dos describitur benehica, quod sit illa pecunia, que ab uxore, vel alio ejus nomine datur, vel remittitur marito pro sustentendis oneribus Matrimonii. Ita constat ex *L. pro oneribus 20. C. de jure Dotum.* Hujusmodi Dos nequit repeti, quam diu subsistit Matrimonium; nisi maritus labatur facultatibus *L. si constante ff. soluto Matrimonio.* Aut nisi ejus bona inferantur Fisco *L. si marito, de repudiis.*

4. Dico secundò: constante Matrimonio invalida est Donatio simplex facta liberalitatis causâ inter virum, & uxorem. Ita communis DD. Et habetur *L. 1. 2. & 3. ff. de Donat. inter vir. & uxor.* ubi textus etiam affert Rationem; ne scilicet conjuges mutuo amore se invicem

invicem spolient profusâ in se liberalitate. Et ne contingat separari Matrimonia, si forsitan is non præstet aliquas Donationes qui potest; sicque Matrimonia evadant venalia; & conjugalis amor pretiò conciliari videatur. Et procedit conclusio etiam de Donationibus, quæ ante contractum matrimonialem fiunt; sed ejus effectus differtur in tempus contracti Matrimonii, *L. quod Sponse 4. C. de Donat. ante nupt.*

5. Nota tertiò: censetur autem illa Donatio simplex duntaxat inter virum, & uxorem facta esse invalida, ex qua donans sit pauperior, & recipiens locupletior; unde à contrario sensu, si donans fiat locupletior, & accipiens pauperior, valebit talis Donatio; uti notat Abbas, De Nævo, Pirh. &c. Fit verò donans pauperior tunc, quando donat de sua substantia taliter, ut imminuat suum patrimonium, *L. si Sponsus 5. §. si maritus ff. hoc tit.* Unde si maritus faciat Donationes de patrimonio necdum acquisito, seu donet tantum illa, quæ potest acquirere: v. g. si repudiet aliquam hæreditatem Donationis causâ, ut ea conferatur suæ uxori substitutæ; valer hujusmodi Donatio: uti advertit De Nævo: nam hoc casu non censetur maritus fieri pauperior.

6. Dico tertiò: Donationes, quas faciunt sibi mutuo conjuges remunerationis causâ, non sunt invalidæ, nec prohibitz; uti nec Donationes causâ mortis factæ. Ita Abbas, Sanch. &c. Primum constat ex *L. quod maruer 7. §. si vir ff. hoc tit.* Estque Ratio; quia hic fit mutua compensatio. Secundum patet ex *L. siemus 9. in fine, & seq. ff. hoc tit.*

7. Dico quartò: Donationes simplices invalidæ inter conjuges factæ convalescunt tribus modis: primò, morte naturali donantis: secundò, morte etiam civili ejusdem: Tertiò, si Donationi accedat juramentum alterius conjugis donantis de ea non revocanda. Ita Azor. Mol. Sanch. &c. Primum habetur *cap. ult. hoc tit.* Et *L. Papinianus 23. ff. eod.* Estque Ratio; quia in Donationibus factis causâ mortis cessat causa, ob quam Leges prohibuere Donationes simplices inter conjuges, ne scilicet se invicem spolient mutuo amore profusâ in se liberalitate. Secundum patet *arg. L. sed si mors 13. ff. hoc tit.* Estque Ratio; quia mors civilis v. g. ejectio in exilium donantis æquiparatur morti naturali. Non autem convalescit hujusmodi Donatio, si donans efficiatur servus hominis *L. cum hic status ff. hoc tit.* Ratio tertiæ est; quia Donatio facta

inter conjuges favore Religionis, & piz causâ confirmatur; adeoque etiam juramentò munita, cujus magna est Religio. Plura de Donationibus Conjugum vide *lib. 3. tit. 24. cap. 2. Concl. 3. & notab. 1.*

## CAP. II.

### De Dotis Restitutione.

1. Dico primò: si contingat dissolvi Matrimonium ex justa causa tunc Dos debet restitui mulieri; uti & Donatio propter nuptias viro. Ita Zoëf. Vallens. Abbas, &c. Primum habetur *cap. Mulierum 1. hoc tit.* Estque Ratio; quia Dos est accessorium quid ad nuptias; datur enim ad illius onera sustinenda, *cap. Salubriter 16. de usuris*; quare si dissolvatur Matrimonium, Dos restituenda est mulieri. Secundum constat *cit. cap. fin. ver. sanè.* Quæ procedunt, nisi vel pactis specialibus Conjugum de lucranda Dote, ac Donatione, vel consuetudine aliter sit introductum, *cit. cap. fin.*

2. Dico secundò: si contingat fieri Divortium, non tantum Dos à viro restituenda est mulieri; sed etiam ultra Dotem omnia bona, seu lucra, quæ constante Matrimonio communiter acquisita sunt utrique conjugi, æqualiter in eos sunt dividenda. Ita Glossa, & communis DD. Et habetur *cap. Significavit 2. hoc tit.*

3. Dico tertiò: illi, qui cum noticia impedimenti dirimentis contraxere Matrimonium, & postea instituunt separationem, perdunt ea omnia, quæ sibi mutuo donârunt, & ea sibi Fiscus vendicat; nisi per errorem, vel minorem ætatem excusentur. Ita Vallens. Glossa, & communis DD. Et habetur *cap. Necessè 5. hoc tit.* Et *L. qui contra 4. Et Ambem. incestus C. de incest. nupt.*

4. Dico quartò: quando fit Divortium ob adulterium à muliere commissum, ipsa perdit Dotem, illaque cedit marito. Ita Glossa, & communis DD. Et habetur *cap. Plerumque 4. hoc tit.* Sed si reconcilietur ejusmodi adultera marito suo, suam Dotem non perdit: censetur enim vir factâ reconciliatione remittere injuriam, prout eandem valet remittere, *cap. 3. de adul.* similiter si maritus consentit in adulterium Uxoris; aut ipse leno fuit, & illam prostituit, tunc non lucratur Dotem ejus: etsi conventus ab Uxore excipiat de adulterio.

ipsa replicabit de Lenocinio *L. mulier 47. ff. solut. Matrim.*

5. Nota primò: si conjuges habeant proles ex eodem, vel alio Matrimonio; tunc secutò Divoriò ob adulterium uxoris nec maritus lucratur Dotem; nec uxor Donationes propter nuptias; sed ea reservantur prolibus adulterz post mortem uxoris: dum autem vivit maritus, ad ipsum spectat ususfructus; uti habet Farinac. Pirh. &c. DD.

6. Nota secundò: si uxor efficiatur hæreti-

ca, & propterea fiat Divortium; Dos non credit marito; sed Fisco: uti habet Covarr. & Zol. Ratio est; quia talis mulier non tam in conjugem, quam in Rempubl. peccat suo lapsu in hæresim; quare is ab eadem Republica meritò vindicatur per Dotis confiscationem. Et facit pro hac resolutione *L. 3. ff. de bon. damnat.* ubi ob crimen læsæ Majestatis Dos addicitur Fisco. Et *cap. Vergentis, de heret.* ubi simpliciter Fisco deferuntur bona hæreticorum.

## TITULUS XXI.

### De Secundis Nuptiis.

#### CAP. UNICUM.

#### Resolutiones circa Secundas Nuptias.

1. **N**Ota primò: factò Divoriò Matrimonii quoad vinculum, sæpius transitur ad secundas nuptias, seu nova Matrimonia: unde Papa meritò *hunc* addit *tit. de secundis nuptiis.* Et intelliguntur hic nomine *secundarum nuptiarum* non tantum illæ, quæ celebrantur immediatè post primas; sed quæcunque subsequentes; etiam tertiæ, quartæ, quintæ, &c.

2. Dico primò: Ecclesia permittit, & approbat secundas nuptias, quotiescunque illæ fiant secundum ordinationes Sacrorum Canonum, & evacuato penitus primò Matrimonio. Ita communis DD. Et constat ex *can. apertian. 11. & seq. caus. 31. q. 1.* Et fundatur hæc permissio, ac promissio Ecclesiæ in Epist. Divi Pauli *ad Romanos*, 7. ubi habentur sequentia; *quæ sub viro est mulier, obligata est legi; si autem mortuus est vir, soluta est à lege viri.* Et ejusdem Epist. 1. *ad Cor.* 7. ibi; *si dormierit vir ejus, liberata est, cui vult, nubat.* Estq; Ratio; quia expedit concedere secundas nuptias, ne vidui proclives ad fornicationem, inciderent in incontinentiam. Quare meritò damnantur Hæretici Montanistæ, ac alii ejusdem malæ farinæ, contrarium conclusioni asserentes, *cap. ult. & penult. hoc tit.*

3. Dico secundò: ob solam absentiam diuturnam alterius Conjugis non dissolvitur Matrimonium quoad vinculum; quare præsens nequit inire secundas nuptias; nisi postquam certò constat de morte absentis conjugis. Ita communis DD. Et habetur *cap. Dominus 2.*

*hoc tit.* Quòd si tamen conjunx dubius tantum de morte prioris conjugis defectò transiret ad secundas nuptias; talis nullò modò potest petere debitum; reddere autem tenetur, *cit. cap. 2.* Et si postea priorem conjugem adhuc vivere constiterit, relictis adulterinis complexibus ad illum priorem conjugem tenetur reverti, *cit. cap. 2.* Estq; Ratio; quia Matrimonium primum legitimè celebratum non nisi morte dissolvitur inter Christianos, *can. 1. & 2. caus. 32. q. 7.*

4. Dico tertio: secundum priscum Jus Civile mulier fiebat infamis, aliàsque pœnas incurrebat, quæ transibat ad secundas nuptias intra primum annum lucus post obitum viri: verum secundum Jus Canonicum, cui hic standum est, quævis mulier citra omnem infamiam nubere potest etiam intra annum lucus. Ita Glossa, Vallens. Pirh. &c. Primum constat ex *L. 1. 2. 4. & 11. C. hoc tit.* ubi recensentur quinque pœnæ insignendæ mulieribus; intra annum lucus nubentibus; prima est; quòd infamiam contrahat. Secunda quòd nequeat secundo viro dare Dotem. Tertia quòd sit expers cujuscunque hæreditatis, legati, & fideicommissi. Quarta quòd privetur omnibus relictis à viro in ultima voluntate quoad proprietatem, & ususfructum. Quinta quòd teneatur medietatem bonorum dare filiis prioris Matrimonii: quæ pœnæ statutz sunt, ut evitetur turbatio sanguinis per secundum Matrimonium, & incertitudo prolis. Secundum statuitur *cap. Super illa 4.* Et *cap. Cum secundum 1. & ult. hoc tit.* Et fundat se Jus Canonicum in *citatis supra Epist. D. Pauli.*

5. Dico quarto: Secundæ tamen nuptiæ non debent à Sacerdote solemniter benedici, si uterque, vel alter conjunx in primis nuptiis

accipit



accepit benedictionem. Ita Glossa, & communis DD. Et habetur *cap. Capellanum 1.* Et *cap. Vis autem 3. hoc tit.* Estq; Ratio; quia non convenit eandem personam bis benedici; cum aliæ solennes benedictiones rerum, ut Ecclesiæ, altarium, virginum, non iterentur: aliàs vilescerent.

6. Dico quintò: Sacerdos benedicens se-

cundas nuptias incurrit pœnam suspensionis ab officio, & beneficio. Ita Glossa, Sanch. Pirh. &c. Et habetur *cap. 1. hoc tit.* Non tantùm poena infamiz; sed etiam aliæ quatuor suprà relatæ hodie evacuatz censentur per contrarium statutum Ecclesiæ, permittentis secundas nuptias etiam intra annum luctus; uti notat Zoëf.

**Finit IV. Decretalium D. Papæ Gregorii IX. quem  
humiliter quoque submitto Iudicio S. Sedis  
Apostolicæ.**



# LIBER V. DECRETALIU D. GREGORII PAPÆ IX.

## PRÆFATIO.

**Q**uoniam Summus Pontifex Lib. II. Decretal. egerat de ordine iudiciario, seu de rite instituendo, & terminando iudicio in decidendis causis civilibus, quatenus pertinentibus ad forum Ecclesiasticum civile; eandemque causas ventilavit in III. & IV. Decret. Tandem hoc V. tractat de ordine instituendi iudicium Ecclesiasticum pro terminandis causis criminalibus; & easdem quoque causas, seu delicta discutit; pœnasque pro ipsis taxat. Unde cum eodem proponitur

## TITULUS I.

### De Accusationibus; Inquisitionibus; & Denunciationibus.

#### CAP. I.

#### De Quidditate, & Forma Accusationis.

**N**ota primò: juxta communem DD. sensum causæ criminales tribus modis agitantur, & iisdem criminalia Ecclesiastica iudicia instituuntur; videlicet per Accusationem, per Inquisitionem, & per Denunciationem; uti constat ex cap. *Licet Heli 31. in prin. de Simon.* Et cap. *Qualiter 24. hoc tit.* Neque conceditur iudici per aliam procedere viam; aut privatâ notitiâ, vel arbitriò decidere lites. Circa primum modum

1. Dico primò: rectè describitur Accusa-

tio, quòd sit declaratio legitima alicujus criminis apud competentem Judicem, vindictæ publicæ causâ. Hæc descriptio colligitur ex *L. fin. C. de accusat.* & eandem sequuntur Zoëf. Vall. Clarus & c. DD. I. y delatio est genus; reliqua ponuntur pro differentia. Et ista descriptio convenit Accusationi publicæ (de qua potissimè hic agitur) & in qua agitur ad vindictam publicam criminis. ut videlicet Reus castigetur corporaliter, actali exemplo populus deterratur à patrandis criminibus. Accusatio autem privata sic bene describitur, quòd sit *actio legitima coram competente Judice facta de vindicanda aliqua privata injuria, sibi, vel suis illata;* uti notat Zoëf. & Farin.

3. Dico secundò: Accusatio criminalis debet

bite instructa est licita. Ita Zoëf. Pirh. & communis DD. Et est Ratio; quia hæc conducit ad publicam utilitatem, & Reipublicæ tranquillitatem, quam consequimur repressis criminalibus personis, seu malefactoribus; *can. non frustra. Et can. Regum, caus. 23. q. 1.* Quare Accusatio criminalis debite instructa non continet peccatum, quando abest rancor, & odium; *can. Officiis, cit. caus. 2. q. 1.* Est & Ratio; quia nemo tenetur remittere injuriam absque satisfactione.

4. Nota secundò: ut autem Accusatio debite fiat, debet legitima forma ejus, seu libelli accusatorii servari, & observare sequentes conditiones. *Primò* debet Accusatio criminalis, seu libellus criminalis continere nomen Judicis, coram quo agitur crimen commissum; ea de causa, ut sciatur an sit competens, *L. 3. libellorum 3. ff. de accusat. Secundo* pariter continere debet nomen Accusatoris, & accusati, *cit. L. 3.* quòd si nomen accusati ignoretur, sufficit in libello ejus habitum, officium, & alias circumstantias describere; uti notat Vallens. *Tertiò* idem libellus continere debet speciem criminis patrati, v. g. homicidii, vel adulterii, *cit. L. 3.* Et est Ratio; quia super ejusmodi speciem fundatur intentio accusatoris. *Quarò* in eodem libello exprimi debet tempus, seu annus, & mensis commissi criminis, *cit. L. 3.* Item locus in quo commissum fuit crimen; uti habet Clarus, Vallens. & *L. 3. cit.* Ratio etiam horum omnium est; quia absque allegatione temporis præfati, & loci accusatio redditur incerta, & Reo adimitur facultas faciendi suas debitas defensiones, petendas ex circumstantiis temporis, & loci, ad convincendos testes sibi oppositos, & probandam negativam, ad locum, & tempus determinatam; uti rectè ex Claro observat Pirh.

5. Nota tertio: in libello tamen criminali non tenetur necessariò accusator exprimere diem, & horam, quibus crimen commissum fuit; uti habetur *cit. L. 3.* Et est Ratio; quia aliàs nimium arctaretur potestas accusandi; sicque plura crimina defectu advertentiz ad diem, & horam, manerent impunita, cum præjudicio tranquillitatis, & utilitatis publicæ. Et quia diei, ac horarum quis facile oblivisci potest. Si tamen Reus inquit pro assignatione diei, & horæ, ut negativam restrictionem præfatum tempus diei, & horæ failius probare possit, ostendendo se, tali die, vel horâ fuisse in alio loco, remoto à loco delicti; tunc accusator diem, & horam assignare debet in libello, *L. opumam, C. de contrah. stipul.*

6. Nota quartò: requiritur præterea, ut in libello criminali exprimentur personæ, si quæ

fuerunt, cum quibus, vel in quas perpetratum fuit tale crimen; uti notat Vallens. Requiritur quoque inscriptio seu subscriptio accusatoris, distinctè apposita eidem libello, quâ is se subscribit ad subeundam pœnam talionis, si in probando crimine defecerit, *cit. L. 3. libellorum. Et L. ult. C. de accusat.* quâ promittit se profecturum accusationem usque ad finem sententiz, *L. si cui 7. ff. eod.* Quæ conditio libelli à Legibus præscripta est, ut restringatur temeritas accusatorum, *cit. L. 7.* Et homines deterreantur à calumniis, *L. pen. C. de accusat.* Notat tamen Clarus, Felin. Vallens. & Pirh. hanc conditionem subscriptionis ad pœnam talionis hodie in foro seculari jam abiisse in defuetudinem; eò quòd homines per eam multum retraherentur ab accusando, nolentes in se recipere onus probandi cum tanto periculo. In foro tamen Ecclesiastico adhuc viget, & est necessaria; uti constat ex *cap. Super his 16. Et cap. Qualiter 24. hoc tit.*

7. Nota quinto: si contingat in libello omissam fuisse aliquam ex præfatis necessariis conditionibus, adhuc in vigore existentibus; tunc nomen Rei aboletur, & fit potestas ex integro repetendi Reum, *cit. L. 3. libellorum.*

## CAP. II.

### De Personis habilibus; & inhabilibus ad accusandum.

1. **N**ota primò: de personis habilibus, & inhabilibus ad accusandum, vide primò, quæ dixi *tom. 1. hujus operis lib. 2. tit. 1. cap. 3.* agendo de judiciis in communi. Deinde cape sequentes resolutiones pro judicio particulari criminali, de quo *hic tit.* procedit. Unde

2. Dico primò: Omnes illæ personæ de populo possunt criminaliter accusare crimen publicum, quæ à Legibus ab ejusmodi actione instituenda expressè non repudiantur. Ita Glossa, Clarus, Vallens. Engel. &c. Et constat ex *L. qui accusare 8. ff. de accusat.* Estque Ratio; quia eæ actiones, quæ à Legibus non prohibentur, singulis concessæ videntur *cap. 2. junctâ Glossâ, ver. non incurritur, de trans. Episc.* Et *L. ab ea 5. ff. de probat.* Cæterum utroque jure variæ personæ repudiantur ab accusando criminaliter. Quare

3. Nota secundò: Imprimis Laicus nequit criminaliter accusare Clericum; ita habetur *can. 1. Et can. 2. Et can. 3. Et can. 8. Et can. 13. caus. 2. q. 7. Et cap. cum P. 10. hoc tit.* Quod sancitum est propter reverentiam, quam Clericis tanquam suis Pastoribus debent. Laici:

ci: & propter odium, quò plures Laici perfunguntur Clericos; ut dicitur *cit. can. Et cap. 9. de immunit. Eccles. in 6.* Ad prosequendam tamen injuriam sibi, vel suis illatam conceditur Laico accusare Clericum, *cap. De caetero 14. de testib. Uti & in criminibus excessivis, ac atrocibus, v. g. læsæ Majestatis, sacrilegio, hæresi, simonia, cap. 5. hoc tit. Et can. sanè 4. caus. 15. q. 3. Et cap. Tanta 7. de simon.*

4. Nota tertio: Præterea etiam Clericus nequit criminaliter accusare Laicum; *can. Si enim 6. caus. 2. q. 7.* Et Ratio assignatur in *can. si quis 30. cit. caus.* quia accusatio est genus illaudabilis intentionis; quare Clericus eam exercere non debet. Et quia Clericus non debet se immiscere secularibus negotiis, *101. tit. ne Clerici, vel Monachi &c.* Et tandem quia Clericus criminaliter accusans, si agatur de inferenda morte vel mutilatione, fieret irregularis.

5. Nota quarto: Repudiatur quoque à potestate accusandi criminaliter ille inimicus accusatus qui laborat gravi, vel capitali inimicitia erga eundem; uti & cohabitans tali inimico; ita habetur *cap. Repellantur 7. Et cap. Meminimus 13. hoc tit.* Estque Ratio primi; quia capitalis, seu gravis inimicus præsumitur accusare potius privatæ vindictæ causâ, quàm zelò justitiæ. Ratio secundi est; quia cohabitantes inimico, ob continuam familiaritatem cum eo censentur esse amici accusatoris, & inimici accusati *can. 1. dist. 93.* Gravis porro, & capitalis inimicitia tunc censetur adesse in accusatore, si is vitæ, vel majori parti bonorum accusati insidiatus fuerit; vel si eundem alia vice per calumniam de gravi crimine accusaverit, *cap. 10. hoc tit.* Et repudiatur inimicus gravis non tantum ab accusatione; sed etiam ab exceptione voluntaria, *cap. Meminimus 13. hoc tit.*

6. Nota quinto: Similiter rejicitur ab accusando criminaliter in illa causa is, qui tulit testimonium in eadem causa; uti habetur *cap. cum P. 10. hoc tit.* Estque Ratio; quia ex tali testimonio præsumitur orta fuisse inimicitia inter testem, & accusatum. Sed nec Frater Fratrem regulariter accusare permittitur in causa gravi criminali; uti constat ex *L. si malignum 13. C. de his, qui accus. pos.* ubi Fratri accusanti Fratrem poena exilii statuitur: nimis enim inhumanum videtur, ut Frater Fratri publicam desideret damnationem. Conceditur tamen Fratri accusatio adversus Fratrem, quando hæc necessaria est ad conservandam propriam vitam; ut quia Frater Fratri molitur insidias vitæ, *L. propter insidias C. cit.*

7. Nota sexto: Præterea accusare prohi-

betur mulier, ob sexus verecundiam, & fragilitatem, quâ faciliè inducitur ad habendum odium, vel amorem, *L. 1. Et L. qui accusare 8. ff. de accusat.* Similiter prohibetur pupillus per se accusare, *L. cit. 8. ff. de accusat.* Et *can. prohibetur 14. caus. 2. q. 1.* Et hoc ob defectum ætatis. Item miles, nè distrahatur à militia. Et Magistratus, nè distrahatur ab officio. Et suspectus de calumnia, seu corruptus, eò quòd falsum testimonium subornatus dixerat aliquando; talis enim præsumitur corruptus pecuniâ; item infames, ac criminosi; uti habent variz leges *cit. tit. qui accusare ff. de accusat.* Et de infamibus, ac criminosis idem habet *can. infames 17. caus. 6. q. 1.* Præfatæ tamen omnes personæ possunt accusare, quando necesse est prosequi injuriam suam, vel suorum, *L. si tamen, ff. eod. tit.* Et in criminibus exceptis, ut læsæ Majestatis *L. famosi 7. ff. ad leg. Jul. de Majest.*

8. Nota septimo: Repudiantur quoque ab accusando criminaliter Pagani; Judæi; & hæretici respectu Christianorum; & Catholicorum, *can. Pagani 25. caus. 2. q. 7.* Item liberi, liberti, vasalli, & à tenera ætate alimentati, respectu suorum parentum, patronorum, & alimentatorum; uti habet *L. qui accusare 8. ff. de accusat. Engel.* Hi tamen civiliter convenire possunt suos Parentes, Patronos, & alimentatores, si ab eis jacturam rerum suarum patiantur; juxta *L. si quis 5. ff. ad L. Jul. de vi privat.* Item criminaliter accusare nequeunt excommunicati excommunicatione majori, *cap. Invelleximus, 7. de judic. Et cap. 1. de exception. in 6.* Item accusatus criminaliter pendente accusatione nequit reaccusare accusatorem suum in pari, vel minori crimine; nisi suam, suorumque injuriam prosequatur, *L. 1. et 6. C. de his qui accusare non possunt.*

9. Nota octavo: Monachi possunt criminaliter accusare suum Prælatum, committentem aliquod crimen; uti constat ex *cap. Ex parte 11. hoc tit.* hi tamen pendente lite tenentur eidem adhuc obedire; uti habet Pirh. Cæterum alias personas extra Ordinem nequeunt Monachi accusare criminaliter; uti constat ex *cit. cap. 11.* Cùm censeantur mortui mundo, & respectu extraneorum non habere ullum velle, ac nolle; ut notat Glossa. Possunt tamen, & hoc facere, si consensus Abbatis accedat; vel Monasterii utilitas id petat, *can. Monachi 3. caus. 16. q. 1.* Arcetur & valde pauper homo à criminali accusatione, *L. nonnulli 10. ff. de accusat.* Ratio est; quia notabilis egestas sæpe cogit ad illicita. Si tamen pauper esset aliàs vir bonæ, & honestæ vitæ, admitti poterit ad accusandum; uti notat Glossa.

fa. Item remouetur suspectus de quaesturariis; ut qui duo iudicia aduersus duos Reos subscripta habet, nummosque ob accusandum, vel non accusandum accipit; ut notat Vallens, & Clarus. Quidam DD. etiam rejiciunt ab accusando socios criminis; delatos; fortilegos; Principes; & Clericum respectu suae Ecclesiae.

## CAP. III.

### Varia circa accusationem resolvuntur.

**N**ota primò : Ad formandam accusationem criminalem nemo invitus cogi potest, nec ad hoc obligatur; argum. *can. si quem peruenierit*. Et *can. si quis iratus, caus. 2. q. 3.* nisi crimen vergat in damnum spirituale, vel temporale Reipublicae; vel alia ratione impediri nequeat, nisi instituat processus criminalis contra Reum; uti habet Pirh. Sylv. &c. Potest etiam accusator ante libelli oblationem, & subscriptionem ab accusando desistere : quo casu ei imponendum est perpetuum silentium, ne deinceps eundem in eodem crimine accuset, vel infamet, *cap. Licet 14. hoc tit.* Post autem factam subscriptionem cogitur accusator prosequi accusationem; nec impunè citra abolitionem desistere valet; uti constat ex *L. quæsumus 1. ff. ad S. C. Turpill.* Quòd si accusator post accusationem jam inchoatam deprehendat se errasse, eò quòd falsò putaverit accusatum esse Reum de tali crimine; tunc tenetur desistere ab accusando; uti habet Lessi. Pirh. &c. DD. Et si accusator non compareat in termino à Judice dato pro comparando, amplius non est audiendus; nisi legitimam causam afferat suae absentiae, *can. quisquis unic. caus. 4. q. 5.*

2. Nota secundò : In causis criminalibus, ubi Reo condemnato poena capitalis, vel alia corporalis infligenda est, ad accusandum, & defendendum Reum regulariter non admittitur Procurator; uti constat ex *can. 2. caus. 1. q. 3.* Et *L. pen. ff. de public. judic.* Estque Ratio; quia aliàs de facili iudicium criminale redderetur elusorium, contra *L. si Praetor 75. ff. de judic.* sitamen Reus sit Monialis; vel Universitas, quæ comparere individualiter nequeunt; vel si Reus detineatur in carcere extra territorium Judicis; tunc Procurator admitti potest; uti habet Glossa, Barr. Clarus, &c. plures alios casus à priori regula exceptos quoque, assignat Barbosa; & alii DD. In causis tamen criminalibus, ubi sola poena pecuniaria, vel similis imponitur, po-

test intervenire Procurator, *L. 1. ff. an per aliam causam appell.*

3. Nota tertio : In iudicio criminali accusatorio, quando utraque pars, id est accusator, & Reus sunt praesentes, proceditur eodem modò, quò in civili : praterquam primò, quòd in criminali non sit necessaria conclusio in libello ad certam poenam; quia probato crimine, poena secundum leges imponi debet; uti habet Clarus, Pirh. &c. Secundo; quòd in criminali necessariz sint evidenter probationes, *L. ult. C. de probat.* Tertio, quòd Reo concedenda sit libera defensio, quamvis appareat, causam ejus non esse justam; & quidem etiam post causae conclusionem, ut notat ex Wesenbec. Pirhingus. Quando verò in iudicio criminali Reus est contumaciter absens, non potest contra eum fieri sententia definitiva condemnatoria secundum Jura Civilia, *L. absentem 1. ff. de penis.* Secundum verò Canonica, si liqueat de delicto lite contestata, potest ejusmodi sententia pronunciari; uti patet ex *can. Decernimus 10. caus. 3. q. 9.* quod procedit, si possit sententiae executioni mandari: nam si non possit; quia v.g. poena in sententia dictata est corporalis, v.g. incarcerationi, vel mors; tunc etiam non debet ferri talis sententia contra absentem; cum ejus latio sit frustranea.

4. Nota quartò : Non quævis persona potest accusari. Et primò contra mortuos nequit fieri accusatio, *L. 20. hoc tit.* Et *L. fin. ff. ad Leg. Jul. Majest.* Secundo nec pupilli minores 14. annis, furiosi, & mète capti, rectè accusantur; his enim delicta non imputantur, ob rationis defectum, *L. infans 12. ff. ad Leg. Corn. de sicariis.* Et *L. dives 14. ff. de Offic. Praesid.* Minores verò majores 14. annis, & pupilli proximi pubertati, ac doli capaces accusari quidem possunt; sed poena eisdem interdum habità ætatis, & prudentiae consideratione pro Judicis discretionem mitigatur, *L. auxilium, ff. de minoribus.* Tertio semel accusatus, & absolutus per Judicem, nequit rursus accusari de eodem crimine; de delicto enim unius hominis, saepius quæri non potest, *L. si cui §. 1. ff. hoc tit.* Et *L. licet §. ult. ff. nautae, campones &c.* nisi secundus accusator prosequatur suam injuriam, & doceat, se primam accusationem ignorasse; vel primum accusatorem prævaticatum fuisse, *L. 1. cit.* Et *L. si quis 11. C. eod.* Quarto sed nec contra illos accusationes cudi possunt, qui jam ante complures annos illa crimina patravérant; uti habet Engel; ita enim omnia delicta carnis regulariter abolentur lapsu quinquennii, *L. maris §. 6. mensum.* Et §. quinquen-

nium ff. ad Leg. Jul. de adult. excepto crimine raptus; & adulterii incestuosi; vel violentæ oppressionis, quæ 20. annos pro sui abolitione requirunt, *L. vim passa §. præscriptione ff. ad Leg. Jul. de adult.*

5. Nota quintò: Similiter quintò Legati Imperatoris, & Reip. Provinciarum, ac Magistratus durante eorum officio non possunt accusari *L. hos accusare 12. ff. de accusat.* nisi circa officium delinquant; aut crimen sit notorium; in reliquis autem differtur accusatio usque ad depositionem Officii; datâ interim cautione de iudicio, *L. si adulterium §. ult. de adult.* sed nec Reges, nec Imperatores, nec Papa, ob dignitatem suam accusari solent; uti habet Hostiens. Pirh. & Vallens. Sextò etiam absentes à iudicio de capitali crimine accusari nequeunt, *L. absentiem 6. C. de his qui absent.*

6. Nota sextò: Cæterum regulariter loquendo omnes alii, præter exceptos in *prior. 2. notab.* delinquentes possunt criminaliter accusari de quibuscunque delictis; tam liberi, quam servi; & sine sexus differentia, dummodo præditi sint usu rationis; uti notat Clarus, Pirh. Wefenb. & alii DD. Effectus porò accusationis criminalis sunt sequentes. *Primò*, quòd Reo post factam debitam probationem criminis, infligatur pœna, à Lege statuta, quando aliqua statuta est: aut alia condigna, v. g. Sacerdoti totâ nocte positanti, & non jejune sacrificanti, privatio beneficii; uti constat ex *cap. Si confiteris 12. hoc tit. Secundò*, quod pendente accusatione accusatus de aliquo gravi crimine, nequeat promoveri ad ullam dignitatem, vel honorem; uti constat ex *cap. Omnipotens 4. hoc tit.*

7. Nota septimò: Si petenti immissionem in aliquod beneficium Ecclesiasticum, obijciatur per accusationem crimen aliquod grave, v. g. homicidium; tunc si de tali crimine non sit publicè infamatus, collatio beneficii & immissio in beneficium fieri poterit: si autem publicè de crimine ejusmodi sit diffamatus, & accusator illud probaverit, non debet immitti in illud beneficium, *cap. accedens 23. hoc tit.* Et si jam immissus sit, eò privandus est, *cap. Post electionem 7. de conc. prob.* si verò accusator non probaverit crimen objectum, Reus absolvendus est. Et si accusator non compareat, accusatus amplius non gravetur, *cit. cap. 7.*

8. Nota octavò: Accusatio criminalis variè extinguitur. *Primò* morte accusatoris ante latam sententiam, ita ut hæredes eam prosequi non valeant, *L. libellorum 3. §. fin. ff. de accusat.* Nisi iudex ex officio eam vellet prosequi; uti patet *L. pen. ff. de pub. judic. Secun-*

do præscriptione, post elapsum scilicet tempus 20. annorum à die commissi criminis, *L. querela 12. C. ad Leg. Corn. de falsis.* quod procedit de criminibus illis duntaxat, quæ semel patrata cessant deinceps: non de continuatis, ut hæresi, vel apostasia continuata. *Tertiò* morte Rei, ita ut ab hæredibus pœna etiam pecuniaria non possit exigi, si sententia condemnatoria ante mortem non sit finita, *L. ex judicio 20. ff. de accusat.* Et *L. defuncto 6. ff. de preb. judic.* Nisi crimen fuisset de exceptis, ut læsæ Majest. hæresi, &c. in quibus pœna confiscationis bonorum infligi potest, etiam post mortem, cum hæredum damno; uti habet Farin. Clar. &c.

## CAP. IV.

### De Inquisitione.

1. **N**ota primò: Quoniam sæpius homines refugiunt Accusationes, ne onus probandi crimina in se recipere cogantur; & quia metuunt, ne defectum in probationibus se se exponant pœne talionis; propterea ne delicta cum ingenti Reipublicæ damno maneant impunita, Leges ordinârunt, ut iudex ex mero officio instituat Inquisitionem in notabiles malefactores, v. g. sacrilegos, latrones, homicidas, fures, &c. quare *L. congruis 13. de officio Præsidis* jubetur, Præles Provincie malos homines conquirat, puniatque. Et in *Novell. 128. §. juramus*, mandat Imperator, ut Magistratus per se requirant malefactores.

2. Dico primò: Rectè describitur Inquisitio, quòd sit *investigatio criminis manifesti, à iudice competente instituta, præcurrente famâ, vel alia iustâ causâ.* Ita habet Hostiens. Zoës. Vall. &c. *Ly investigatio* est genus; reliqua ponuntur pro differentia.

3. Nota secundò: Secundum Vallens. Engel, & alios DD. Duplex datur Inquisitio, videlicet generalis, & specialis. *Inquisitio generalis* est, quæ de nulla certa persona instituitur; sed ex officio fit; & generaliter de toto aliquo loco, vel districtu investigatur; talis est; si Episcopus ex officio visitet Dioecesium; vel Provincialis suam Provinciam, inquirendo, an non committantur in ea delicta: & de hujusmodi Inquisitione procedit *cap. Grave 29. de Preb.* Et *cap. sicut olim 25. hoc tit. Specialis* est, quæ instituitur de certa aliqua persona criminosa, v. g. de Clelio homicida. Et de hac potissimè agitur hic, & est descripta *concl. 1.*

4. Nota tertio: Ad Inquisitionem specialem



## Tit. I. De Accusationibus; Inquisitionib. & Denunciationib. 225

cialem ritē instituendam requiruntur duo. *Primum*, ut præcedat diffamatio, non à malevolis, & paucis; sed à providis, honestis, gravibus, & pluribus viris, qui talem personam de crimine tali v.g. homicidio suspectum habeant, *cap. Qualiter & quando 24. hoc tit.* Quare licet clam porrigatur Judici libellus infamationis, quò certa persona de gravi aliquo crimine defertur; non propterea is ad specialem Inquisitionem contra eandem procedere valet; nisi de eo fama quoque accusati sit læsa: ne inde nascantur injuriæ, unde jura nasci debent, Judicisque vilescent authoritas, *cap. Inquisitionis 21. hoc tit. Et cap. cit. Qualiter. Et cap. Oportet 19. eod.* fama enim est locò denunciatoris, vel accusatoris, *cit. cap. Qualiter.* Secundum est, ut capitula Inquisitionis Reo communicentur, *cap. 1. hoc tit. in 6. ut is contra ea possit excipere, de non facta v.g. legitima specificatione loci, temporis, aliarumque circumstantiarum, & ut obtenta ejusmodi specificatione, commodius suam innocentiam ostendere valeat, quòd forsitan tali tempore non fuerit commoratus in tali loco. Item dicta, & nomina testium sunt eidem Reo publicanda, ut suas defensiones ritē contra eandem instituere possit, cap. Cum oportet. Et cap. Inquisitionis. Et cap. cit. qualiter, hoc tit.*

5. Nota quartò: Si in Inquisitione speciali non servetur debitus Juris ordo, puta: quia contra non infamatum Judex inquisierit; & quamvis non constiterit de infamia, nihilominus inquisitum fuerit de veritate criminis; tunc debet idem Judex tempore opportuno errorem corrigere, & debitum ordinem observare, *cap. Qualiter 17. hoc tit.* Præterea si Juris Ordo servatus non fuerit, ita ut Judex sine prævia infamia, vel non traditis Capitulis ad Inquisitionem processerit; Reus autem non exceperit, vel protestatus fuerit; tunc Reus ex post facto nequit impugnare processum; sed Inquisitio tenet, *cap. Ad petitionem, hoc tit. Et cap. si is 2. eod. in 6.* si etiam Judex inquirat ad denunciationem publici Officialis, non est necesse præcedere infamiam inquisiti; uti habet Marant. Pirh. Uti & si fiat inquisitio non ad effectum puniendi; sed corrigendi, ac pro salute animæ; ut dum Episcopus visitans Ecclesiam se se informat de vita, & moribus præficiendi, vel ordinandi; uti habet Abbas, Vallens. & Marant.

### CAP. V.

#### De Denunciatione; & aliis modis procedendi in criminalibus.

1. Nota primò: Denunciatio subit vires Accusationis; & recipitur ad hunc finem, ut Judex postea possit ex officio inquirere super aliquo delicto, *cap. ult. hoc tit.* Circa hunc modum procedendi in judicio

2. Dico primò: Denunciatio in genere describitur, quòd sit *delatio, seu manifestatio alicujus criminis, legitime facta apud competentem Judicem; sed sine inscriptione.* Ita Hostiensis, Engel, Sylv. &c. Ly. *delatio* est genus; reliqua ponuntur pro differentia; & maxime per ly. *sed sine inscriptione* differt Denunciatio ab Accusatione; nam licet denuncians teneatur facere aliquam probationem criminis; non tamen punitur pena talionis, si in probando defecerit; dummodo appareat eum bono zelo, & non animò calumniandi processisse ad Denunciationem.

3. Nota secundo: Communiter triplicem assignant DD. Denunciationem, scilicet Evangelicam, Canonicam, & Civilem. *Denunciatio Evangelica* est, quæ demandata est à S. Evangelio *Matth. 18. Et Luc. 17.* & in ea observandus est Ordo sequens; ut videlicet frater peccans corrigatur, seu corripitur privatim; si autem ejusmodi correctio non fructificarit, rursus monendus est, adhibito unò, vel duobus testibus; & si nec talis admonitio eum à recidivando retraxerit; demum denunciandus est Ecclesiæ; uti habetur in *cit. locis S. Scripturæ. Et cap. Novus. 13. de judic. Et cap. Licet Heli 31. de simon. Et can. si peccaveris, caus. 2. q. 1.*

4. Nota tertio: *Denunciatio Canonica* est, quæ inventa est à SS. Canonibus, & est delatio alicujus Criminis apud competentem Judicem Ecclesiasticum, facta legitime absque inscriptione; uti constat ex *cap. 2. Et aliis hoc titul.* Hæc introducta est à S. Canonibus ad impediendum, ne fiat aliquid illicitum, v.g. ne eligatur, vel ordinetur, vel instituat aliquis indignus; item ne contrahatur matrimonium cum impedimento Canonico; vel ut sic contractum dissolvatur: item ut Prælati mali post binam correptionem incorrigibiles deponantur. Et de hac fit mentio *cap. 1. de offic. Castrod.*

5. Nota quartò: *Denunciatio Civilis* est, quam constituerunt leges Civiles, & fit per Ministros publicos ad hoc constitutos, ut denuncient Magistratibus crimina patrata, ac manifestent eorum actores, ut de iisdem instituat inquisitio, *L. ea quidem 7. junctâ L. seq. Et L. singuli 14. C. de accusat.* Ministris publicis denunciantibus non est credendum.

simpliciter; sed concurrentibus indicis moveri debet Judex ad inquisitionem instituentem, *cit. L. 7. & 14.* Et iidem puniendi sunt, si per calumniam detulerint *L. 1. C. de furiosis.* sin autem aliqui saltē probabiliter ducti denuncient, excusantur propter officii necessitatem *L. 6. ff. de custodia Reorum.*

6. Nota quintò: DD. solent præfatis tribus modis instituendi iudicium criminale, adhuc addere alios tres; scilicet procedendi per exceptionem; sinē ordine per notorium; & per implorationem officii Judicis. *Primo modo* scilicet per exceptionem proceditur, si Reus accusatoribus, vel testibus obijciat crimen vel nudè ad defendendum; vel ut repellatur ab accusatione, & testimonio ferendo *cap. 1. de except.* Quare hōc modò in iudicio criminali utens non habet necesse facere inscriptionem, *cap. super his 16. hoc tit.*; nec puniendus est ejusmodi excipiens, casu quo deficiat in probatione objecti criminis: siquidem præfata objectione utens duntaxat ad se defendendum, nemini affert injuriam, *L. injuriarum §. 2. ff. de injuriis.* Vel demum per exceptionem obijciat crimen, ut quis ab officio, vel beneficio, quod affectat, repellatur; & hoc quoque casu non est necessaria inscriptio; ut notat Vallens. *Secundus modus* sinē ordine per notorium adhibetur in casu, quò delictum patratum est omnino evidens, & notorium, adeò ut nullò testimonio, vel probatione egeat: & circa simile delictum non est necessariò servandus Ordo Juris; prout habetur *cap. evidentia 9. hoc tit.* Requiritur tamen sententia declaratoria Judicis, *L. qui sententiam 16. C. de penis.* Illud autem hic censetur esse notorium delictum, quod nulla tergiversatione potest celari, ut dum crimen patratum coram populo, aut collegio, aut majori ejus parte, *can. de manifesto 17. caus. 2. q. 1.* De Tertio Modo procedendi scilicet per implorationem Officii Judicis, vide Gloss. & Canonistas, latè prosequentes hanc materiam in *tit. de Officio Judicis.*

## CAP. VI.

Quid Juris Regularis de Accusationibus, Inquisitionibus, & Denunciationibus in Ordine S.

Francisci Observ. & Reform.

**N**ota primò: plures resolutiones concernentes iudicium Minoriticum, solitum fieri per Accusationes, Inquisitiones, & Denunciationes posui *tom. 1. hujus oper. lib. 2. tit. 1. cap. 6.* quas vide *ibidem.* Præ-

terea in conformitatem hujus tit. addo sequentia. Et primò quoad Accusationes ordinatum est in Constitutionibus generalibus Vallisoletanis, & novissimis Romano-Toletanis *cap. 10. §. 1. num. 5.* quòd nullus Frater Minor Oblervans, vel Reformatus possit quempiam accusare de aliquo crimine, quod probare nequit per idoneos testes; & qui contrafecerit, pleñdendus est pœnà talionis. Quà pœnà pariter puniendus est is, qui Confratrem suum accusaverit de illis, quæ tanquam falsa jam judicialiter fuerunt rejecta; nisi accusans sese obstringat, ejusmodi crimina per novas probationes ostensurum; in quibus deficiens, rursus talione mulñdendus est; *cit. consil. novissima n. 6.* Ut & accusans scienter de his, de quibus accusatus jam est legitime correctus; uti habent statuta Salmant. *cap. 10.*

2. Nota secundò: in tribunalis nostro Minoritico nullius accusatio est recipienda; nisi accusans prius juret, se non moveri malo zelo ad accusandum Fratrem suum; & nisi se obliget ad probandum sub pœna talionis. Quòd si autem ex inadvertentia, vel ignorantia id non fiat, declarari debet, quemlibet accusatorem ad pœnam talionis obligari; uti habent *cit. Stat. Salmant.* Similiter non est acceptanda accusatio facta in genere, & non expresso Accusatoris nomine. Quare ut Accusatio etiam in foro Franciscano legitima censeatur, debet libellus continere nomen accusatoris, delictum in individuo, cum loci, personarum, & temporis circumstantiis; uti habet Practica Criminalis Ordinis, verb. *accusatio.*

3. Nota tertio: Judex Minorita delegatus, vel inferior receptam semel Accusationem abolere nequit, sinē consensu accusatoris, vel autoritate Superioris Majoris; & vel maxime, si punitio criminis talis ad evidens Religionis emolumentum vergere dignoscatur, uti habent *cit. Practica Criminalis*, S. Severino, &c. Superior tamen Major Ordinis, ut Generalis, & Provincialis Accusationes quandoque mediante justitia abolere poterunt, si id pro pace inter subditos procuranda omnino expedire judicaverint; uti habet Sanctioris in *penal. cap. 10. q. 5. resp. 1.* S. Severino &c. Sicut nec Judex inferior, ita nec ipse accusans post accusationem receptam potest desistere à prosecutione accusatione, sinē Superioris consensu; nisi prosequatur propriam injuriam; quo casu potest suo Juri renunciare, juxta *L. fur. ff. de his, qui Et.* Et quando desistentia non inferret damnum communitati; uti habet Sanctior. *loc. cit.*

4. Nota quarto: in Ordine nostro nemo cogi potest ad accusandum; bene tamen ad denun-

denunciandum, maximè in cafibus gravioribus ; ut in crimine hærefis ; & in aétu Vifitationis Canonice ; & quando proditio, mors, vel scandalum grave Conventui, vel Ordini immineret ex non facta denunciacone ; uti habet Sanétior in *pænal. cap. 24.* & alibi. Et ex eo S. Severino, &c. AA.

5. Nota quintò : Frater Minor accusans Confratrem fuum de delicto, quod fcit fe probare non poffe, nifi femiplenè per unum teftem, fubterfugit quidem pœnam talionis, illud fic probando : nihilominus peccat ; uti habet Sanétior. *cit. loc.* Eftque Ratio ; quia finis accufationis eft punitio, & emendatio delinquentis, quem non aflequitur accusans, & producens unum duntaxat teftem. Similiter liberatur à pœna talionis ille Frater, qui bona fide accufavit : fed ob malitiàm teftium deinde non poteft probare delictum ; uti notat *cit.* Doctòr Ordinis.

6. Nota sextò : contra Prælatos Ordinis noftri Francifcani, ac infignes personas ejusdem, quales funt Patres Ordinis, & Provinciarum, Lectores Jubilati, & Prædicatores Clariffimi, accufationes non funt recipiendæ, nifi à perfonis, de quarum zelo non ambiguitur, quarumque vita omnino laudabilis æftimatur ; uti habet Præctica criminalis Ord. Et conftat ex *can. fi qui funt.* Et *can. quarend. cauf. 2. q. 7.* & S. Thoma, Claro, Sot. &c.

7. Nota feptimò : in Ordine noftro delicta præfcribuntur regulariter fpatio trium annorum : unde hòc elapsò Accufator, vel Denunciator, qui habuit antè notitiam criminis, ampliùs non eft audiendus ; fed tanquam publicæ tranquillitatis perturbator corrigendus pœnà privationis Officii fui, & infamiæ, uti habet Sanétior. & S. Sever. Nifi fceleris cognitio primò poft triennium ei advenerit ; ut habet *cit.* AA. Circa Denunciations

8. Nota oétavò : Minoritæ noftri tenentur tempore Vifitationis Canonice denunciare Confratrum delicta, quæ de Jure funt denuncianda Miniſtro Provinciali, vel alteri Canonico Vifitatori ; uti habent Conſtit. generales modernæ, *cap. 7. §. 6. n. 34.* Et qui reperti fuerint, ejusmodi delicta fubcuiffe tempore Vifitationis prædictæ, ob intentum fuum particulare, quod cum non fuerint confeuti, deinde ad alios Superiores deferunt, fuam exultantes malitiàm fub eo prætextu, quòd fiduciam non habuerint ad Miniſtrum Provinciale, vel alium Vifitatore priorè, caſtigandi funt tanquam confpiratores, & pœnà privationis perpetuæ aétum legitimorum

mulcandi ; nifi fortè eodem Vifitationis tempore proteſtentur coram tali vifitatore, fe ad alium recurſuros Superiorem, ad aliquorum delicta denuncianda ; uti habent Conſtit. *cit.*

9. Nota nonò : nemo Minor debet fraternè denunciare alium, maximè occultè delinquentem, nifi Evangelica circa ipſum correptione præmiſſa ; excepto caſu, quò judicialis correptione magis profutura crederetur ; aut nulla ſpes emendationis aſſulgeret. Et eò miniùs præmitti debet, ſi Frater remotis etiam labendi occaſionibus viderit emendatum : jam enim lucratus eſt Frater fuum, ſi is eum corripientem audiverit ; ut habet Præct. Crimin. verb. *Denunciatio.* Si tamen quis à Superiore adſtringatur per obedientiam, tenetur delictum confratris fui pateſcere ; tametiſ eundem jam in occulto ſecundùm S. Evangelium fraternè corripuerit ; item tenetur revelare confocium criminis ; & contrarium dogmatizans Privandus eſt aétibus legitimis, & carceri mancipandus ; ita Conſtit. generales moder. *cap. 10. §. 1. n. 3.* Et merito ; quia contraria doctrina, quam Conſtitutiones *cit.* vocant *peſſeram*, in perniciem Ordinis, & regularis diſciplinæ tendit.

10. Nota decimò : in judiciali denunciacone, ſi delicta ſint publica, opus non eſt fraternæ præviæ correptione ; uti habet Præct. Crimin. Ord. *loc. cit.* Conſentur autem eſſe publica delicta illa, quæ in publicum Religionis detrimentum vergunt ; cujuſmodi ſunt crimen læſe Majeſtatis Divinæ, vel humanæ, hærefis, blaſphemia, forilegium, profanatio Sacrorum, conſpiratio in Generalem, qui eſt Princeps Ordinis ; & in Provinciale, eorùmque Commiſſarios, ac Superiores Locales, ac talium vulneratio, percuſſio, homicidium ; item ſubornatio in eleétionibus, & ſimonia ; item peccatum nefandum, fornicatio, adulterium, quando periculum eſt, quòd hæc tria poſſint publicari ; aliàs autem inter privata delicta reſcentur.

11. Nota undecimò : Minor denuncians judicialiter, tenetur tempus, locum, & crimen annotare, ac teſtes nominare ; uti habet Præct. Crimin. Ord. verb. *Denunciatio.* Frater noſter purè denuncians non ſubjacet quidem pœnæ talionis ; cum non ſit accufator ; ſed ſolum aperiatur Judici viam ad inquirendum : at tamen ſi falſum denunciaverit, caſtigandus eſt pœnà extraordinariâ, *ibidem.* Et conſtat ex *can. placuit cauf. 6. q. 2.* Et *cap. Qualiter Et quando 1. de accuſat.* Si denunciatus poſt denunciaconem interpoſitam inſiſtat apud Judicem

eundem

eundem stimulando ad procedendum, & puniendum, tunc cogendus est, ut subscribat denunciationi, & ad probandum obligari debet; quia assumit personam Actoris sub titulo denunciatoris; uti habet Pract. Criminal. *cit. loc.*

12. Nota duodecimò: contra Prælatos Ordinis, & alios magni nominis Viros nullo pacto recipi debent denunciationes à personis infimæ plebis: sed contra ipsos ut plurimum per accusationes est procedendum; uti habet Pract. Crim. Ord. *cit.* Et notat Rodriqu. & alii DD. Ord. Circa Inquisitiones

13. Nota decimò tertio: Index noster Franciscanus in generali Inquisitione, quam facit in aliquo Conventu, non debet ab ullo Fratre extorquere juramentum; admonere tamen debet, ac per S. Obedientiam præcipere, ut singuli dicant, quæ DEI gloriam, Religionis, Provinciæ, ac Conventus talis candorem concernunt; dummodo occulta non sint; uti habet Pract. Crimin. Ord. In ea non debet perquirere de speciali persona, vel delicto occulto: & si de his perquisierit, ultra mortalem culpam quam committit, officio suo est privandus; & Fratres subditi licet adducti qui-

busvis præceptis, respondere non obligantur; utpotè juridicè non interrogati. Ab hac tamen generali doctrina eximuntur Ministri Provinciales nostri Ordinis, ad quos syndicandos à P. Generali destinantur Commissarii Visitatores Generales; quare hujusmodi Visitatoribus liberum erit de dictorum Ministrorum regimine in genere, & in specie nominatim inquirere, etiam nullâ infamiâ præcedente: non tamen possunt ad illorum vitam, & mores examinandos descendere, nisi præcedat diffamatio; quod etiam circa Prælatos Locales observandum; uti habent Constitutiones Vallisolet. *cap. 10. & 7.* Et tenet Pract. Crimin. Ord. Idem Visitatores poterunt etiam de suo Antecessore Visitatore inquisitionem generalem facere, juxta *cap. Ea, quæ, de Stat. Monach.* Plura de Inquisitione tum generali, tum speciali, vide in Pract. Crimin. Ord. verbo *Inquisitio*. Uti & de modo procedendi in Judicio nostro Franciscano per modum Exceptionis, *ibidem* verbo *Exceptio*. Ac de aliis compluribus ad Judicia criminalia Minoritica ritè exercenda necessariis, *ibidem*, per *diversa verba* coordinatis.

## TITULUS II.

### De Calumniatoribus.

#### CAP. I.

##### Varia Resolutiones de Calumniatoribus.

1. Nota primò: in proponendis accusationibus, & delationibus delictorum debet longè abesse calumnia: quare postquam Pontifex expedivit *tit. preced.* de accusatoribus; rectè subnequit *hunc* de calumniatoribus, quorum dicta calumnia omnino à Rep. statim in ingressu Judicii Criminalis repudianda, & castiganda sunt.

2. Dico primò: Rectè definitur Calumniator, quod sit *salforum Criminum coram Judice cum sententia, & dolo malo impostor*. Ita constat ex *L. 1. §. 1. ff. S. C. Turpill. Ly impostor* est genus; reliqua sunt pro differentia. Calumnia ergo erit dolosa impositio falforum criminum coram judice. Et alia est calumnia vera; alia præsumpta. Vera exercetur, quando quis dolosè, & scienter proximum arguit de falso crimine. Præsumpta autem, quando accusator crimen, de quo aliquem accusavit, non probavit, *cap. 2. hoc tit.*

3. Nota secundò: Calumniatori antiquitus ex Lege Rhemia inurebatur in fronte litera K. Deinde secundum *L. ult. C. de accusat. & L. ult. C. de Calumniat.* infligebatur talio; id est poenæ similitudo; ut scilicet calumniator idem pateretur, quod alterum pati voluerat. Demùm hodie eidem imponitur arbitrio Judicis, maxime in foro Ecclesiastico, poena extraordinaria, secundum qualitatem criminis, & personæ calumniantis, ac alias circumstantias; uti colligitur ex *cap. Super his 16. de accusat.* Et maxime si Calumniator non possit puniri poenâ talionis, ob incapacitatem aliquam; uti liquet ex *cap. cum foris 1. hoc tit.* ubi quia quidam Subdiaconus calumniatus fuerat Diaconum; ideò Subdiaconatu privatus fuit, & verberibus publicè, ac exilio castigatus; cum incapax fuerit poenæ talionis; id est privationis Diaconatus, quem necdum habuerat.

4. Nota tertio: adfunt nihilominus quædam causæ, quibus criminalis accusator à poenis calumniæ excusatur. Et primò, si errore probabili ductus accusavit; sed deinde deficiat in probatione criminis, *L. 1. ff. ad S. C. Turpill.*

*pill. Et L. qui non 3. C. hoc tit. Secundo*, licet accusator succumbat in probando; semiplene tantum per unum testem crimen probando; nisi is alias confueverit calumniari; uti habet Menoch Farinc. Pirh. &c. *Tertio*, si accusator sit deceptus à testibus, utpote qui extra iudicium promiserant se testaturos; in ipso vero iudicio id non præstiterunt. *Quarto*, si accusator probet crimen per testes tales, qui deinde in iudicio fuerunt repulsi, ob infamiam, vel aliam causam; ut habet Abbas, Pirh. &c. *Quinto*, si Accusator probet se criminale audivisse à talibus personis fide dignis; ita cit. DD. Pirh. Abbas, &c. *Sexto*, si Accusator ex officio teneatur ad faciendas accusationes; ut Fiscalis, Procurator, & Tutor, *L. 2. C. de his, qui accusare non possunt*. Et nonnullæ aliz causæ, quas vide apud Abbatem, Pirhing. Farinc. Menoch. &c. DD. relatos.

5. Nota quartò: vitium calumniæ non tantum committi potest ab accusatore; sed etiam à denunciatore; uti constat ex *L. cum patronum 10. ff. de iure Patroni*. Et *cap. cum dilectus 2. hoc tit.* ut si non probet sufficienter, esse vera ea omnia, quæ in sua denunciatione continentur. Aut si sufficienter ea probare nequeat; nisi iuramentò, aut aliter se purget, se non animo calumniandi denunciassè, *cap. Inquisitionis 21. de accusat.*

6. Nota quintò: Accusatores, & denunciatore præter calumniam quandoque etiam duas alias malitias committere solent, prævaricando scilicet; vel tergiverfando. *Prævaricator* autem est vera crimina abscondere; & falsa detegere, *L. ff. ad S. C. Turpill.* Et *Prævaricator*, dicitur is, qui obiter fungitur munere accusandi; sicque adjuvat partem diversam,

colludendo cum Reo, veras probationes dissimulando; falsas verò Rei accusationes, id est exceptiones admittendo, *cit. L. 1.* Huiusmodi puniendus est arbitrio Judicis. *Tergiverfari* est desistere in universum ab accusatione, *cit. L. 1.* scilicet sine licentia Judicis; quod non licet citra abolitionem, quæ reorum numerò Reus eximitur, aboleturque memoria accusationis, *L. si interveniente 12. ff. eod.* Huiusmodi delinquentis poena olim fuerunt quinque libraz auri, *L. 3. ff. de prævaricat.*

## CAP. II.

### Quid Juris de Calumniatoribus in Ordine nostro Franciscano.

**N**Ota primò: Minor noster, qui in Iudicio Ordinis calumniatorem agit, calumniam Contratri suo imponendo, vel ad hanc alios inducendo, incidit in casum reservatum 5. Ordinis, ex Constit. general. modernis *cap. 7. §. 3.* Præterea Calumniator Minorita falsò aliquem infamans poenà talionis puniendus est; nec absolvi potest, nisi famam meliori modo restituat, *ibidem §. 6. n. 63.* Item idem Calumniator falsum in iudicio deponens, vel deponi procurans; aut revocans, vel revocari procurans, quod verè depositum fuerat, est ipsò facto excommunicatus; & absolvi nequit, nisi à Provinciali, satisfactioe præmissa; insuper semestri carceri mancipandus est; ac perpetuà infamia notandus, *ibidem n. 64.* Et Constit. General. Reform. *cap. 7. n. 28.*

## TITULUS III.

### De Simonia; & ne aliquid pro Spiritualibus exigatur, vel promittatur.

#### CAP. I.

#### De Quidditate, Prohibitione, & Divisione Simonia.

**N**Ota primò: *hoc tit.* aggreditur Papa tractare crimina, quæ viâ Accusationis, Inquisitionis, & Denunciationis in iudicium criminale adducuntur, ventilantur, & pœnis perstringuntur; de quibus *1. ass. huius Lib.* actum fuit; ac circa quorum de-

positionem contingit quandoque calumniari, de quo *tit. 2. eod. lib.* Et primò locò proponit crimen *Simoniam*; sic dictum à *Simone Mago*, huius peccati gravissimi Authore, qui *Athor. 8.* pecuniam Apostolis obtulit dicens, *dote & mihi hanc potestatem, ut cuicumque imposuero manus, accipiat Spiritum Sanctum*; ex quo loco docemur Simonem mediante re materiali, scilicet pecuniâ voluisse emergere rem spiritualem, scilicet potestatem aliis Spiritum Sanctum pro denariis vendendi; quod est vitium Religioni oppositum.

2. Dico primò: Bene definitur Simonia, quòd sit *studiosa voluntas emendi, vel vendendi pretiò temporali aliquid spirituale; vel spirituali annexum*. Ita Glossa in *can. u. qui studet, caus. 1. q. 1.* & recipitur passim à D. Thoma, Alesi, Victoria, Herinex, Navar. &c. ly *studiosa voluntas* est genus: reliqua subeunt rationem differentiz. Dicitur *studiosa voluntas*: ad ostendendū quòd simonia consistat in actu voluntatis, cum debita deliberatione elicitò. Dicitur *Emendi vel vendendi*: quia termini secundum DD. Navar. Herinex, & Less, sunt ampliativi, & comprehendunt omnem contractum, ac pactum onerosum, in quo datur pretium temporale, vel ejus æstimatio, pro spirituali. ly *pretiò temporali* (quà particulà comprehenditur omnis pecunia, & quidquid pecuniæ æstimabile est) additur, ad excludendum à ratione Simoniz propriæ dictæ illos contractus, in quibus spirituale pro spirituali datur. Apponitur ly *aliquid spirituale*, ad exprimendum materiam simoniz, quò nomine venit omnis effectus à DEO ut Authore gratiz procedens; vel ad eum ut talem directus; ejusmodi sunt omnia dona Spiritus Sancti, Sacramenta, patratio miraculorum, absolutio, consecratio Ecclesiz, &c. ly tandem *vel spirituali annexum* indigitat, Simoniam committi non solum in præfatis rebus purè spiritualibus; sed etiam in rebus habentibus tantum connexionem cum spiritualibus; qualem connexionem habent beneficia, & Officia Ecclesiastica.

3. Dico secundò: Simonia est sub gravi reatu prohibita. Ita Herinex Laym. Lessius, Suar. Sylv. &c. Et ita colligitur ex Sacris Literis, *Actor. 8.* ubi D. Petrus acriter invehitur in Simonem Magum, hòc vitiò laborantem inquiring; *Pecunia tua tecum sit in perditionem; quoniam Donum DEI estimasti pecunià possideri posse*. Constat etiam ex Jure; quia sacri Canones graviter reprehendunt Simoniam; ut patet ex *can. Reperimus, caus. 1. q. 1.* ubi appellatur *execrabile flagitium*. Et ex *can. si quis Episcopus, eadem q.* ubi dicitur *Turpissimum lucrum*. Et ex *can. sane, caus. 15. q. 3.* ubi *instat publici criminis, ut lesa Majestatis, est puniendum*. Et tandem ex *cap. sicut 6. de Simonia*, dicitur, *Simoniaci pestis, qua sui magnitudine alios morbos vincit*. Ratio tandem pariter est; quia per simoniam committitur gravis irreverentia, Religioni opposita, ob indignam tractationem rei sacre, ac spiritualis. Quare Salvator noster *Matth. 10.* serò inculcat, ut spiritualia, quæ à DEO gratuito accipimus, gratis dispensemus; *Gratis* (inquit) *accepistis, gratis dante*; quem locum commentando D. Hieronymus dicit, *Ego Magister, & Dominus absque*

*pretiò hoc vobis tribui; & vos sine pretiò date; ne Evangelii gratia corrumpatur*. Ex quibus omnibus liquet Simoniam sub gravi reatu esse prohibitam. Circa divisionem Simoniz

4. Nota secundò: Simoniam primò dividi in eam, quæ est Juris Divini; & in eam, quæ est Juris humani. *Prima* est, cujus exercitium interdicitur Lege Divinà: & hæc exercetur emendo, vel vendendo res aliquas purè spirituales, v. g. Sacramenta. *Secunda* est, cujus exercitium prohibetur Lege Ecclesiastica; & hæc committitur in rebus, seculis Ecclesiæ prohibitione vendibilibus; sed tamen ab Ecclesia vetitis hic & nunc vendi, ob reverentiam rei sacre connexæ; talem committit vendens beneficium Ecclesiasticum secundum partem temporalem. *Secundo* dividitur in Mentalem, Conventionalem, & Realem. *Mentalis* est, quæ perficitur proposito interiori, quò vel dando alteri spirituale intendit eum obligare ad refusionem temporalis; vel conferendo temporale intendit eum obligare ad redditionem spiritualis, seclusò omni pacto externò. *Conventionalis* est, quæ perficitur & proposito internò jam dictò, & insuper pacto externò, seu conventione. *Realis* est; quæ perficitur tum proposito internò, tum pacto, tum executione; si v. g. actu aliquid pretiò temporali æstimabile, ex prævia conventionem, acceptatur pro spirituali.

## CAP. II.

De Labe Simoniacæ, resultante ex operationibus circa gratiam, Sacramenta, Sacramentalia, Ordines, Divina officia, ac officia Prædicationis.

Dico primò: Simonia peccaminosa committitur, quoties quis gratias purè spirituales, v. g. gratiam habitalem, seu sanctificantem; donum prophetiz, vel miraculorum, &c. vendit, aut emit. Ita S. Thomas, Suarez, Laym. Pirh. &c. Et constat ex facto Simoniacò Simonis Magi *Act. 1.* qui tentavit oblata pecunià emere potestatem ministerialem conferendi gratiam sanctificantem, & dona S. Spiritus; ut eadem potestea pretiò valeret vendere. Estque Ratio; quia ejusmodi venditio, & emptio continet gravem injuriam in DEUM, cujus Divina dona gratiz inæstimabilia vili pretiò æstimator, cum gravi irreverentia, & læsione Divinæ Excellentiz.

2. Dico



### Tit. III. De Simonia, & ne aliquid pro Spiritual. exigatur, &c. 231

2. Dico secundò : Similiter committitur Simonia, dum quis dat, vel accepit pretium pro septem Sacramentis, vel sacrificio Missæ. Ita communis DD. Et constat ex *cap. cum in Ecclesia 9. hoc tit.* generaliter prohibente ejusmodi dationem, & acceptationem : & variis aliis canonibus de Sacramentis in particulari idem vetantibus. Estque Ratio ; quia & Sacramenta, ac Missæ sunt spiritualia quædam dona Divina, à Christo eorum Authore nobis collata ; & quia gratiam suscipientibus conferunt ; adeoque itreverentia gravis committitur, si pro eisdem aliquid accipiatur. Ex his

3. Infero primò : Non carere Simoniâ, qui aliquid temporale exigit præcisè pro labore intrinseco rei spiritualis, v. g. pro absolutione, ipsa Baptizatione, Ordinatione, Collatione, & Dispensatione. Ita Herincx, & alii DD. Ratio est ; quia similes labores censentur cum re sua spirituali administrata, vel cui adhærent, constare unum opus ; ac proinde pretium aliquod temporale pro talibus laboribus acceptum, censetur pro ipsa re spirituali accipi, juxta illud quod in *can. si quis obfecerit 1. caus. 9. 3. habetur : Quisquis horum alterum vendit, sine quo nec alterum provenit, neutrum invenditum ac relinquit* : adeoque non vacat Simonia pacifici, vel aliquid temporale exigere, pro labore intrinseco rei spiritualis.

4. Dico tertio : Nullam tamen committit Simoniam Minister Sacramentorum, & sacrificans, qui accipit aliquid pretium, vel pretio æstimabile pro laboribus extrinsecis ; seu per accidens connexis cum re spirituali. Ita Castro Palao, Less, Herincx, Navar. &c. Estque Ratio ; quia ejusmodi labores connexi sunt pretio temporali æstimabiles, sive sint prævii, sive concomitantes ; v. g. obligatio quam habet Sacerdos celebrandi certò locò, tempore ; & iter factum ad locum celebrationis : Similiter privare se facultate, & libertate aliam actionem faciendi locò celebrationis Missæ, est pretio æstimabile. Idem dic de cantu adhibito pro Missa ; de Scripturis factis in procurandis Beneficiis Ecclesiasticis, expediendis Dispensationibus, &c.

5. Dico quartò : Similiter absque labe Simoniz Ministri Ecclesiæ à Fidelibus exigere possunt stipendia temporalia pro sustentatione necessaria ; & de similibus pacisci. Ita S. Thomas, Laym. Herincx, Cajetan. & communis DD. Ratio est ; quia ita colligitur ex S. Scriptura *Matth. 10. Dignus est operarius cibo suo* : sed Ministri Ecclesiæ sunt operarii Ecclesiæ, administrantes Fidelibus spiritualia : ergo &c. Idem pluribus probat D. Paulus 1.

*ad Corinth. cap. 9.* Estque Ratio ; quia æquitas naturalis postulat, ut illi à Fidei populo præstetur necessaria alimonia, qui in utilitatem populi se impendit ; & se privat libertate, & facultate rebus sibi proficuis vacandi : sed hoc faciunt Ministri Ecclesiæ : ergo hi absque labe Simoniz à Fidelibus exigere, possunt stipendia temporalia sustentationis ; & de similibus præstandis pacisci v. g. pro Missa legenda, Concione, vel Catechismo faciendi, &c.

6. Dico quintò : Simonia fit, si emanant, vel vendantur functiones, seu actus, ex potestate Ordinis procedentes ; cujusmodi sunt collationes Ordinum. Ita communis DD. Estque Ratio, quia quamvis ejusmodi actus in entitate sua physica sint materiales ; ex institutione tamen Christi, vel Ecclesiæ pertinent ad Ordinem supernaturalem, & spirituales sunt. Ex his

7. Infero secundò : Nec Episcopos, nec eorum officiales posse per Ordinibus conferendis, vel instrumentis, seu litteris desuper conficiendis, accipere pretium temporale ; neque ordinati simile dare ; uti constat ex *cap. in ordinando 1. hoc tit.* Et *can. sicut Episcopum, 4. caus. 1. q. 2.* Et Trident. *sess. 21. cap. 1. de Ref.* Idem dicendum de præsentante ad ordines, qui citrà labem Simoniz nullum pretium accipere potest, *cap. ex tua 10. hoc tit.* Et *cap. per tuas 37. eod.*

8. Dico sextò : Involvit quoque Simoniam, emere, aut vendere Divina Officia, seu preces publicas, quæ in Ordinatione Ecclesiæ fieri conveniunt per Ministros Ecclesiasticos in publicis processionibus, Litanis, & Choro. Ita S. Thomas, Suarez. &c. Et colligitur ex *cap. ad nostram 21. hoc tit.* Estque Ratio ; quia ejusmodi officia sunt spiritualia ; fiuntque nomine Ecclesiæ per potestatem ministerialem delegatam ab eadem Ecclesia ; & Ordinantur ad cultum DEI, ad impetrandam gratiam, & remissionem peccatorum ; aliâque beneficia Divina.

9. Dico septimò : Caret tamen labe Simoniz, si per modum stipendii aliquid à Ministris Ecclesiasticis pro talibus officiis petatur, & acceptetur, non per modum pretii ; sed pro sustentatione necessaria ; vel ratione consuetudinis, per modum Eleemosynæ. Ita Zoc's. Redoan. Suar. Sylv. Estque Ratio ; quia ut dicitur *Matth. 10. Dignus est operarius cibo suo*.

10. Dico octavo : Sapit quoque Simoniam, si prædicator pro ipso officio prædicationis pretium acceptet, aut petat, tanquam pretium actus prædicationis. Ita S. Thomas Pirh. Suarez. &c. Et constat ex S. Evangelio *Matth. 10. ubi*

10. ubi Apostolis Prædicatoribus dicitur, *cuntes predicatē &c.* & subditur infra, *gratis accepistis, gratis date.* Estque Ratio; quia Verbum DEI, quod prædicator tanquam DEI Legatus annuntiat, est spirituale quoddam donum, ordinatum pro animarum salute.

11. Dico nono: Caret tamen Simoniaca pravitare, etsi prædicator acceptet aliquid pro necessaria sui sustentatione. Ita Suar. Pirh. &c. Et constat ex *cap. cum voluntate 54. de sentent. Excomm.*

### CAP. III.

De Simonia interveniente in ingressu Religionis, beneficiis, & actibus Jurisdictionis Ecclesiasticæ.

1. **D**ico primo: Simonia committit, qui aliquid pretium dat, vel accipit pro ingressu in aliquam Religionem; vel professione in eadem. Ita Zoës. Suar. Less. &c. Et constat ex *can. nullus 3. caus. 1. q. 3.* Et *cap. Non satis 8.* Et *cap. veniens 19. de Regular.* Estque Ratio; quia status seu ingressus, & professio Religionis est res spiritualis, tum ratione principii, quod est Spiritus sanctus vocans; tum ratione finis, qui est cultus DEI perfectus, & spiritualis profectus ingredientis, ac animæ salus obtinenda.

2. Dico secundo: Si tamen ab ingrediente, vel proficiente aliquid offeratur sponte, & liberaliter sine taxa; vel pro sustentatione, & vestitu ejusdem ingredientis, vel proficientis; vel per modum Eleemosynæ, aut ad piam causam, fabricæ v.g. id citra labem Simoniz dari, & acceptari poterit. Ita Zoës. Sylv. Pirh. &c. Et primum constat ex Extravag. *Sane 1. inter communes.* Et Trident. *sess. 25. cap. 16. de Reg.* De reliquis Ratio etiam est; quia in ejusmodi oblationibus non censetur dari aliquid temporale pro spirituali tanquam pretium.

3. Dico tertio: Simoniacum est vendere pro pecunia, vel alia re temporali beneficium curatum; vel aliud habens jurisdictionem Ecclesiasticam; item non curata, Prioratus, Prælaturas, Capellanas, pensiones spirituales, & alia jura percipiendi redditus temporales ex officio spirituali. Ita Gloss. Suarez. Zoës. & communis DD. Et constat ex variis canonibus, signanter ex *can. ex multis 9. caus. 1. q. 3.* Et *can. Salvator 8. cit. caus. & quest.* Et *cap. non satis, hoc tit.* Estque Ratio; nam quamvis beneficium Ecclesiasticum, actus jurisdictio-

D. Gregorij Papæ IX.

nis, Capellaniz, & alia jura percipiendi aliquos redditus temporales secundum se sine pretio æstimabilia; quia tamen hæc annexa sunt officio spirituali, ac in eo fundata, ita ut alteri competere non possint, nisi Clerico, & propter officium Clericale; idcirco spiritualia evadunt; & dum ipsa venduntur pro pecunia, censetur & ipsum officium spirituale sic vendi; quod est Simoniacum. Ex his

4. Infero primo: Actum Simoniacum, committi, si Collator pecuniam, vel aliud temporale exigat pro collatione alicujus beneficii Ecclesiastici; ut habet communis DD. apud Laym. & Pirhing; cum collatio sit actus muneris spiritualis. Secundo, similiter si pro immisione, vel institutione alicujus Clerici in beneficium Ecclesiasticum aliquid exigatur, uti constat ex *cap. cum in Ecclesia 9. hoc tit.* Et *cap. Audivimus 41. eodem.* Tertio, si propter installationem alicujus Episcopi, Archidiaconi, vel Abbatis electi, vel ejus benedictionem, vel alio prætextu exigatur, aut extorqueatur aliquid, *cap. Ne DEI 43. hoc tit. Quar. 18.* si pro homagio, vel alio obsequio temporali præstando promittatur beneficium Ecclesiasticum, *cap. Ex diligentibus 17.* Et *cap. Cumes sent 12. hoc tit.* Quarto, si pro electione particularis personæ etiam aliis dignissimæ detur pecunia; ut habet Less. & Pirh. Vel pro suffragio promittatur beneficium, *cap. de hoc 11. hoc tit.* Sexto, si quis bona sua det alicui Ecclesiæ eo pacto, ut in Canonicum admittatur, & ex illis bonis instituat præbenda, quæ ipsi conferatur, *cap. Tua nos 34. hoc tit.* Septimo, si electus det pecuniam pro sua confirmatione, vel pro præsentatione; uti habet Azor. Pirh. &c. DD. Oportet, si Jus patronatus per se vendatur; uti habet Glossa. Est et Ratio; quia tale Jus est rei spirituali annexum: circa autem sic annexa committitur Simonia, *cap. Quæsumus, de rerum permut.*

### CAP. IV.

Varia alia circa Simoniam resolvuntur.

1. **D**ico primo: Simonia confidentialis prohibita committitur, dum quis alteri beneficium Ecclesiasticum cunctisq; Ordinis, sive curatum, sive simplex, sive regulare, sive seculare resignat; vel alterum præsentat, eligit, confirmat, postulat, instituit, vel in commendam dat, cum certa confidentialia, id est pacto expresso, vel tacito, ut is post lapsum certi temporis ipsimet resignanti, præsentanti, confirmanti &c. vel tertio

### Tit. III. De Simonia, & ne aliquid pro Spiritual. exigatur. &c. 233

tio idem resignet; aut pensionem, vel fructus ex eo præstet. Ita communis DD. Et habetur in Bulla Pii IV. *Romanum Pontificem*.

2. Dico secundò: Censetur etiam Simonia committi in venditione officiorum, etsi temporalium alicujus Ecclesiæ, qualia sunt officium Syndici, vel Procuratoris, vel Advocati Ecclesiæ. Ita Zoë. Suar. Pirh. &c. Et constat ex *can. si quis 8. caus. 1. q. 1.* Et *can. Salvator 8. caus. 1. q. 1.* Et in *cap. Consulere 38. hoc tit.* ubi generaliter prohibetur, ne pro pecunia vendatur administratio rerum Ecclesiasticarum.

3. Dico tertio: De Jure Ecclesiastico est irrita, & invalida electio, collatio, præsentatio, vel quævis alia provisio ad beneficium Ecclesiasticum simoniacè facta, si fiat sciente, & non contradicente ipsò provisò. Ita Garc. Abb. Fagn. Less. &c. Et constat ex *cap. Matth. 23. hoc tit.* Imò quamvis ejusmodi provisio simoniaca facta fuisset inscò provisò; uti liquet ex *cap. Ex infirmatione 26. hoc tit.* Et *cap. Nobis 27. eodem.* Et *Extravag. cum detestabile 2. hoc tit. inter communes*. Sententia tamen Judicis declaratoria talis invaliditatis accedere debet.

4. Dico quartò: Non est tamen Simonia, si post jus acquisitum in beneficio per electionem, postulationem, institutionem, &c. pecunià redimatur vexatio, quæ ad jus in beneficio acquisitum tollendum injustè infertur. Ita Glossa, Abbas, Azor. &c. Et constat ex *can. quæsum 4. caus. 1. q. 3.* Et *cap. Dilectus 28. hoc tit.* Si tamen pecunia ad redimendam vexam daretur pro jure in beneficio primùm acquirendo; etsi talis vexa esset injusta; committeretur Simonia; uti colligitur ex *cap. si quis 33. hoc tit.*

5. Dico quintò: Simonia est, vendere Reliquias Sanctorum. Ita Glossa, Abb. Zoëf. &c. Et constat ex *cap. ult. de Reliq. & venerat. SS.* Estq; Ratio, quia & Reliquiæ numerantur inter res spirituales.

6. Dico sextò: ut resultet vera Simonia, pretium interveniens debet necessariò esse aliquid temporale. Ita S. Thomas, Pirh. Suar. Et constat ex *cap. 8. Matth. de pretio pecuniario*, à Simone Mago pro dono DEL. Estq; Ratio; quia malitia Simoniz Simonis Magi desumitur ex disproportione, quæ est inter rem materiale, & spirituale. Unde permutare rem spiritualem pro alia merè spirituali, v.g. unas Reliquias sacras cum aliis Reliquiis, quibus nihil temporale est annexum; vel unum Jus Patronatus pro alio simili; vel unum beneficium Ecclesiasticum cum alio si-

milij; vel unum beneficium Ecclesiasticum cum alio simili, accedente Superioris Autoritate, non sunt Simoniacæ actiones; uti notat Suar. & alii DD.

7. Nota primò: pretium Simoniacum solet esse triplex; scilicet munus à manu; munus ab obsequio; & munus à lingua, *can. Ordinationes 113.* cum duobus sequent. *can. 1. q. 1.* Sub munere à manu venit in primis pecunia; & de hoc fit mentio *can. 1. Et ult. caus. 1. q. 3.* Et ad rationem talis pretii Simoniaci non requiritur, ut detur pecunia numerata; sed sufficit, quòd sit promissa, *cap. de hoc 11.* Et *cap. cum essent 12. hoc tit.* Pertinet quoque ad hoc munus à manu omnis alia res materialis, & pretiò æstimabilis; tam mobilis, quàm immobilis; corporalis, & incorporalis, ut Jura, & census, *can. totum 6. caus. 1. q. 3.* Item remissio debiti facta ab aliquo pro obtinenda respirituali, *cap. veniens 10. de test.* Item datio mutui ad eundem finem; uti colligitur ex *L. quisquis. C. si centum petat.* Sub munere ab obsequio veniunt quævis obsequia, seu servitia temporalia alicui præstita, vel præstanda sub obligatione conferendi eidem vicissim beneficium Ecclesiasticum, aut aliam rem spiritualem. Sub munere à lingua demùm veniunt laudes, commendationes, & preces, quæ pro aliquo interponuntur eò fine, ut ei res spiritualis coneratur, *can. sunt nonnulli 114. caus. 1. q. 1.* Et *cap. nemo 14. hoc tit.*

## CAP. V.

### De Poenis Simoniacorum.

1. Dico primò: pro Simonia purè mentali Canones nullam statuerunt penam Ecclesiasticam. Ita Vallens. Navar. &c. Et constat ex *cap. ult. hoc tit.* ubi dicitur, sufficere ejusmodi Simoniam per penitentiam coram DEO expiare.

2. Dico secundò: similiter pro nulla Simonia conventionali actu exteriori non completa, exceptà illà, quæ confidentialis dicitur, ulla pœna Ecclesiastica taxata est in Jure, præsertim novo. Ita Navarr. Vallens. Gutier. Et constat ex *Extravag. cum detestabile 2. hoc tit.* Ubi ordinantur pœnæ duntaxat in illos, qui conventionem faciunt actu complent dando aliquid, vel accipiendo; adeoque si absit à Simonia conventionali opus, seu actus dationis, vel acceptionis alicujus rei temporalis, nulla incurritur pœna spiritualis Ecclesiastica.

3. Dico tertio: pro Simonia verò reali actu exteriori completa statuuntur pœnæ Ecclesiæ.

flicæ diverſæ pro diverſitate ejusdem. Ita Vallens. Leſſ. Navarr. Et patet ex variis ſpecialibus Canonibus, mox citandis. Unde

4. Dico quæto : contra Simoniacæ ordi-  
nantes, & dantes munera pro ordinationibus  
fulminatur cenſura excommunicationis, & ſuſ-  
penſionis. Ita communis DD. *Primum*  
conſtat ex *Extrav. cum deſteſtabile 2. hoc tit.* Et  
*can. placuit 22. cauſ. 1. q. 1.* Et in Bulla Sixti V.  
edita contra malè promoventes, Episcopuſ  
Simoniacè conferens Ordines non tantum  
ipſo factò excommunicatur, & ſuſpenditur ab  
executione munerum Pontificalium, & inter-  
dicitur ab Eccleſiæ ingreſſu; ſed & contra præ-  
ſtatam ſuſpenſionem, & interdictum operans  
ſuſpenditur ab adminiſtratione Eccleſiæ, & à  
perceptione omnium fructuum; & abſolutio  
ab his Papæ reſervatur. *Secundum* habetur  
quoque in *cit. Extravag.* Ubi dans munus  
pro confequendo aliquo Ordine non tantum  
ipſo factò eſt excommunicatus; ſed etiam in-  
definitè ſuſpenſus ab executione omnium Or-  
dinum, quos habet; uti tenet Sylv. Vallens.  
&c. Et in Conſtit. Pii V. incipit, *cum primum*  
Simoniam committentes in Ordinum rece-  
ptione per decennium ſuſpenduntur, ſine ſpe  
diſpenſationis, & per annum jubentur incar-  
cerari. Veniunt autem nomine Ordinum  
tam Ordines majores, quam minores; uti no-  
tat Barboſ. imò & ſecundum Suar. Laym. &c.  
DD. contra Leſſium venit prima tonſura;  
Et putat etiam Avilaac Laym. quòd Simonia  
intervenire poſſit in Reverendis, ſeu Dimiſſo-  
riis; judicat tamen Ieſſ. & Pirh. Notarium ab  
ea excuſari, qui pro eorundem expeditione,  
vel ſigillo aliquid petit.

5. Dico quintò : ſimiliter qui committunt  
Simoniam tam dando aliquid, quam accipiendo  
pro ipſo ingreſſu in aliquam Religionem,  
vel profeſſione in eadem, incidunt in excom-  
municationem ipſo factò; & Conventus in  
ſuſpenſionem. Ita communis DD. Et con-  
ſtat ex *Extravag. 1. hoc tit.* Et *cap. Veniens 9. 10.*  
jubetur Simoniacè profeſſus tranſire ad aliud  
Monafterium; & Conventus tenetur reſtitue-  
re pretium acceptum. Imò *cap. Diſceſſus 30.*  
*hoc tit.* Prælati talis Conventus recipientes  
aliquid Simoniacè ab ingrediente Ordinem  
jubentur ab executione ſuorum Ordinum ſuſ-  
pendi, quouſque ſalutarem poenitentiam,  
propterea ipſis injunctam, agant. Non in-  
currunt autem præſtatæ poenæ, ſi adſint  
modificationes quædam, ſuprà *cap. 3. can. 2.*  
allatæ.

6. Dico ſextò : Simoniz utrimque com-  
pletæ, reſultanti ex acceptione, & largitione  
rei temporalis pro collatione alicujus benefi-

cii Eccleſiaſtici correfpondet poena excom-  
municationis, Papæ reſervatæ; præterquam  
in mortis articulo; inſuper proviſio eſt irrita;  
& beneficiatus efficitur etiam inhabilis ad il-  
lud beneficium obtinendum, ſaltem pro illa  
vice; infamia quoque inducitur: & tales Si-  
moniaci obligantur ad reſtitutionem. Ita  
communis DD. Et *primum* habetur *Extrav.*  
*cum deſteſtabile 2. hoc tit.* *Secundum* habetur in  
*can. ea, qua, &c. cum aliis, cauſ. 1. q. 3.* Et *cap.*  
*cum Clerici, de palli.* Et *Extrav. cu.* quod pro-  
cedit, etſi proviſio illa procurata fuiſſet igno-  
rante; vel etiam contradicente proviſò, *cit.*  
*Extravag.* *Tertium* conſtat ex *cap. Nobis 27.*  
Et *cap. Sicut tuis 33. hoc tit.* *Quartum* patet ex  
*can. Sane, cauſ. 15. q. 3. ſin. cauſ. 1. q. 3.* Et in-  
telligitur hic infamia juris; quæq; reſultat pri-  
mò poſt ſententiam judicis; ut notat Zoëſ.  
Vallens. & Suar. Ratio *Quinti* eſt; quia pre-  
tium Simoniacum nullò titulo poſſideri po-  
teſt; adeoque eſt reſtituendum.

7. Dico ſeptimò : Pro Simonia confiden-  
tiali taxatæ ſunt ſequentes poenæ; ſcilicet ſi ea  
committatur ab Epifcopo; vel alio Prælatò  
Superiore, interdicitur ab ingreſſu Eccleſiæ;  
inferior verò Prælatuſ, & aliuſ Clericuſ in-  
currit excommunicationem latæ ſententiæ,  
Papæ reſervatam; item reſignatio; vel collatio  
beneficii hòc modò facta eſt irrita, & renun-  
tians efficitur inhabilis ad idem beneficium  
obtinendum; ſimiliter idem Simoniacuſ con-  
fidentialis privatur omnibus beneficiis, ut  
penſionibus priùs habitis; ac ad alia quæcun-  
que obtinenda redditur inhabilis; ſed primò  
ſententiam latam à Judice: & demum benefi-  
cia obtenta per Simoniam confidentialem ſedi  
Apoſtolicæ reſervantur; & fructus interim  
malè percepti, applicandi ſunt Cameræ Apo-  
ſolicæ. Ita Vallens. Navarr. Suar. &c. Et  
conſtat ex Bulla Pii IV. incipit, *Romanum Pon-  
tificem.* Et Bulla Pii V. incipit *Intolerabilis.*  
Ut autem prædictæ poenæ incurrantur debet  
Simonia confidentialis intercurrenſ fuiſſe ope-  
re impleta datione, & acceptione beneficii in  
confidentiam; uti notat Pirh. & alii DD.

## CAP. VI.

### Reſolutiones de Simonia pro Ordine Minoritico.

**N**Ota primò : Prælatuſ Minor, vel Ca-  
pituluſ, ſeu Conventuſ committeret  
Simoniam, ſi pro ingreſſu in Religio-  
nem Seraphicam, vel pro habitu regulari, in  
pactum deduceret aliquod pretium tempo-  
rale, à Novitio, vel ejus Parentibus, vel Ami-  
cis

### Tit. III. De Simonia, & nè aliquid pro Spiritual. exigatur, &c. 235

cis solvendum; uti notat Sanctior in commentar. Statut. General. cap. 2. stat. 14. Et constat ex Extravag. Pauli II. *Cum detestabile*, de Simon. Et Bullis Urbani V. ac Gregorii VI. Si tamen Novitius, vel ejus Parentes, aut Amici spontè, & plena libertate aliquid Eleemosynæ locò obtulerint tempore ingressus, vel investitionis, aut professionis Novitii; id citrà labem Simoniz acceptari potest: uti habent cit. Pontifices Urbanus, & Gregorius. Prælatus præfatò modò Simoniam committens; imò & dantes Prælato aliquid pro ingressu Religionis, excommunicationem incurrunt: Capitulum verò suspensionem, Extravag. *Sanè*, de Simonia.

2. Nota secundò: Minores dantes, vel accipientes aliquid temporale pro obtinendo Officio aliquo in Ordine, v. g. Guardianatu,

vel Provincialatu, vel Generalatu, committunt Simoniam; uti habet Sorbus; & constat ex Bulla Pii V. quæ incipit, *Cum primum*, &c. Et sic promoti sunt ipsò Jure privati, ac inhabiles ad ea, & alia obtinenda Officia Religionis; uti habet idem Sorbus, & Sanctior. Et constat ex Extravag. Pauli II. *Cum detestabile*, de Simon.

3. Nota tertio: Prælati nostri Franciscani possunt Fratres suos absolvere ab omni Simoniacâ pravitate, ac dispensationis beneficium ipsis impertiri; uti habet Mare Magnum Sixti IV. Imò & cum Novitiis idem operari possunt; ut notat Sanctior. super Stat. General. 14. Quæ privilegia licèt in parte fuerint revocata à Sixto V. attamen postea per Clementem VIII. rursus revalidata fuere ex certa scientia; uti habet Hieron. Roder. &c.

## TITULUS IV.

Nè Prælati vices suas; vel Ecclesias sub annuo censu concedant.

### CAP. UNICUM.

Varia Resolutiones circa Vices, Jurisdictionem; & Ecclesiam, datas ad annum censum.

1. Nota primò: *hunc tit.* rectè annexit Papa priori tit. de Simonia tanquam appendicem quamdam ejusdem; & in eo tractat duas species Simoniz, scilicet de commissione, quâ Prælati sub annuo censu committerent vices, id est jurisdictionem suam aliis ad terminandas causas; vel Ecclesiam suam ad annum censum.

2. Dico primò: prohibetur Ecclesiarum Prælatis, Archi-Episcopis, Episcopis, Archidiaconis, &c. sub Simoniz incurfu, nè suas vices, seu jurisdictionem suam Ecclesiasticam, vel Regimen Ecclesiarum committant alteri sub annuo pretio, seu censu. Ita communis DD. Et habetur cap. 1. hoc tit. quod desumptum est ex Concilio Lateranens. sub Alexandro III. cap. 11. §. 1. cap. 2. eod. Estque Ratio; quia jurisdictio Ecclesiastica est Spiritualis; adeoque vendi nequit citrà Simoniam. Et prælatus sic committens, vel vendens suam Ecclesiasticam Jurisdictionem, officio suo privandus est, cit. cap. 1. Et insuper per sententiam reddendus infamis, cit. cap. 2.

3. Dico secundò: similiter prohibetur Rectoribus Ecclesiarum sub annuo censu locare secundum Jus antiquum ultra septennium; secundum verò novum ultra triennium suas Ecclesias; id est obventiones, seu proventus, ac fructus beneficiorum suorum Ecclesiasticorum. Ita Covar. Redoan. Pirh. &c. Et habetur in Extravag. *ambitiosè*, m. Pauli II. de reb. Eccles. alien. Et cap. *querelam* 4. Et ult. hoc tit. Quamvis si locarentur ejusmodi fructus quatenus merè temporales sunt & provenientes ex jurisdictione Ecclesiastica, nulla Simonia fieret cit. cap. fin.

4. Dico tertio: non sapit ullam Simoniam vendere, vel reservare Clericatum, vel Auditorium in Curia Apostolica quoad emolumentum temporale, resultans ex ejus administratione; modò jurisdictio ipsa spiritualis non vendatur: nec Simoniam continet, exigere Annatas, hoc est integros fructus primi anni, quos Summus Pontifex ex Episcopalibus, Prælaturis, aliisque beneficiis Ecclesiasticis vacantibus colligit, si annui redditus beneficii summam 24. aureos excedant. Ita Zoëf. Pirh. Azor. &c. Ratio primi est; quia in venditione, vel reservatione tali non intervenit temporale aliquod datum pro Spiritualis. Ratio secundi est; quia cum olim in Lege Mosiaca Summ. Pontifex citrà labem Simoniz po-

Fr. Bernardi Sannig Scholæ Canonice Tom. II.

tuerit

potuerit à Sacerdotibus, & Levitis minoribus decimas decimarum exigere, Num. *cap. 18.* pariter in lege nova Summ. Pontifex à reliquis Ecclesiæ Ministris poterit citra Simoniam exigere Annatas. Deinde hujusmodi Annatæ non exiguntur ut pretium aliquod pro collatione beneficii; sed pro ipsius fructibus primi

anni beneficii vacantis merè temporalibus ad Papam pertinentibus, & ab eodem justò titulo reservatis; puta in subventionem suæ dignitatis, & Sedis, ac in sustentationem Ministrorum suorum, quorum operâ eget pro gubernatione Ecclesiæ, toto orbe diffusa.

## TITULUS V.

### De Magistris; & nè aliquid exigatur pro Licentia docendi.

#### CAP. I.

#### Variae Resolutiones circa Magistros, Facultates, & Lectiones eorumdem.

**N**ota primò: Papa proponit *hunc tit.* in continuationem materiæ de Simonia, eò quòd quandam speciem Simoniz continere videatur, Magistros exigere pretium pro licentia docendi; cùm scientia sit donum DEI, & consequenter res spirituales, *can. Revertimini, 63. canf. 16. q. 1.* Intelligitur autem hic nomine *Magistri* illa persona, quæ artes liberales, ut Grammaticam, Rhetoricam, &c. vel Theologiam docet alios; ut patet ex *cap. 4. hoc tit.*

2. Nota secundò: gravissimas extare constitutiones canonicas, & conciliares, ut in loco Cathedralium Ecclesiarum, aut alio commodo Diœcesis constituantur Magistri artium liberalium, & Theologiæ; imò & in Collegiatis Magistri Grammatices, qui Clericos, & alios pauperes scholares gratis erudiant; uti habetur in Concil. Lateran. sub Alex. III. & refertur *cap. Quoniam 1. hoc tit.* Et in alio Concil. quoque Lateran. sub Innocent. III. Et *cap. 4. eod.* Et in Trident. *sess. 5. cap. 1. de Ref.* Magister Theologiæ jubetur constitui pro exponenda Scriptura: Et ut ejusmodi Magistro competens beneficium pro sustentatione assignetur, seu proventus unius præbendæ, *cir. cap. 4. § 1.* Munus porro talis Magistri Theologi erit, Sacerdotes, & alios in sacra Pagina erudire, & in illis principaliter instruere, quæ curam animarum concernunt, *cap. Quia nonnulli 4. hoc tit.* Et Trident. *cir.*

3. Nota tertio: Magistri Theologiæ à du docentes habent speciale privilegium, quòd percipere possint omnes fructus sui beneficii, etiam in absentia, *cap. Super specula 3. Et ultimo*

*hoc tit.* Et Trident. *sess. 5. cap. 1. de ref.* Distributiones tamen quotidianas, non percipiunt; nam tales dantur duntaxat præsentibus; & iis, qui actu interfunt Divinis Officiis, *cap. Licet 32. de Prob.*

4. Dico primò: caret omni labe Simoniz dare Magistris, vel accipere stipendium justum, seu mercedem pro munere docendi S. Theologiam. Ita Zoëf. Suar. Vallens. &c. Ratio est; quia licet Doctrina Theologiæ sit suò modò supernaturalis; ipsi tamen actus Lectionum Magistri Theologiam profitentis sunt merè naturales; adeoque pro ipsis dari, & accipi potest res naturalis, & temporalis, seu stipendium justum.

5. Dico secundò: tametsi spectatò Jure Divino, Simonia non sit accipere, vel dare aliquod pretium pro licentia, seu facultate docendi Theologiam, quatenus hæc importat actus ipsos Lectionum; Sacri Canones tamen graviter vetant simile pretium accipere, vel promittere. Ita Vallens. Suar. Pirh. &c. Ratio primi est; quia cùm actus prælectionum Theologiæ sint merè naturales, & non spirituales; propterea si pro eis interveniat pretium aliquod, Simoniam non importat; sed aliud peccatum scilicet inobedientiæ & injustitiæ. Secundum constat ex *cap. 1. 2. & 3. hoc tit.* ubi prohibetur pretium exigi, & promitti pro licentia docendi etiam sub prætextu alicujus introductionis consuetudinis; non quòd dare licentiæ docendi Theologiam sit Simonia propter ipsam Doctrinam; sed quia injustitiam continet denegare licentiam idoneæ personæ, nisi pretium numeretur; quæ res redundat in gravamen tum docentium; quia viri docti sunt potius invitandi ad docendum, quàm emungendi pretiò; tum ipsorum discentium maxime pauperum, qui à Magistris talibus de facili obligari possent, ad solvendas Lectiones, ut ita compensetur pretium, à Magistro datum pro licentia docendi.

CAP.



Tit. V. De Magistris, & nè aliquid exigatur pro licent. docendi. 237

## CAP. II.

### De Magistris in Ord. Scraphico Observ. & Reform.

1. **N**ota primò : in qualibet Provincia nostra debent studia Logices, Physicæ, Metaphysicæ, ac Theologiæ tum speculative, tum moralis esse instituta, & provisæ qualificatis Magistris, seu Lectoribus; uti ordinant Constitutiones Generales modernæ totius Ord. *cap. 5. §. 4. n. m. 3. & 4.* Et Constitutiones Generales Reformat. *cap. 9.* Magistri autem tales, seu Lectores SS. Theologiæ spatiò quatuor annorum tenentur prælegere in Scholis omnes materias, quæ continentur in 4. libris Sententiarum Scoti, concinnando vel Scripta ad mentem ejusdem Doctoris subtilis; vel explicando Cursum Theologicum ex recentiori Magistro Ordinis nostri; uti ordinant expressè Constitutiones modernæ Generales totius Ordinis *cap. 5. §. 4. n. m. 9.* & Constitutiones Generales Reformat. *cap. 9. n. 6.* Iidem Lektionen accommodare debent cum SS. Patribus, & Conciliis æcumenicis; uti habent Constat. General. Reform. *cit.* Et S. Bona-

venturæ doctrinam inspergere suadentur; uti habent eadem ambæ *cit.* Constat. Generales. Lector Philosophus spatiò trium annorum absolvere tenetur Cursum Philosophicum, ad mentem Scoti, secundum Constat. Reformat. *cap. 9. n. 7.*

2. Nota secundò : Magistri, seu Lectores instituendi sunt in Capitulis, & Congregationibus Provincialibus, juxta meritum Doctrinæ, & morum; uti habetur in Constat. General. Ordinis modernis *cap. 5. §. 4. n. 11.* Pro Studiis Generalibus instituit Lectores Generalis Minister, vel Commissarius Generalis Familiæ, *ibidem n. 8.* Tenentur singulis annis habere publicas Conclusiones, *ibidem n. 15.* & Reformat. *cap. 9. n. 9.* Lector Theologus nemo institui potest, qui non prius Cursum Philosophiæ prælegerit, *ibidem n. 22.* Inter Observantes Lector Theologus per sex annos absque interpolatione prælegens Theologiam assequitur gradum Ex-Diffinitorum Provincialium juxta Constat. General. Ord. *cit. n. 30.* Circa Magistros Ordinis, præsertim Jubilatos, vide plura in Constat. General. totius Ordinis *cap. 5. §. 7.* per totum.

## TITULUS VI.

### De Judæis; Saracenis; & eorum Servis.

#### CAP. UNICUM.

#### Variæ Resolutiones circa Judæos; & Saracenos.

1. **N**ota primò : *hoc tit.* Summ. Pontifex agit de speciali peccato infidelitatis quod vocatur Judaismus, & Paganismus; quodque opponitur veræ Religioni, veròque cultui DEI, & illud committunt Judæi, & Saraceni. *Judæi* sic vocantur à Tribu *Juda*, quæ olim erat cæteris bellicosior, & famosior; & est certum genus hominum, quod vetus duntaxat Testamentum recipit, Circumcisionem, ac alia Legalia observando. *Saraceni* sic se vocitant à *Sara*; cùm tamen Agarenos sese de jure appellare deberent; ut potè qui non à Sara Domina; sed ab Agar serva Abraham descendunt, *can. recurat.* Et *can. dicit Sara, can. 33. q. 4.* Hæc colluvies hominum est quasi pagana, *can. quam sit, 10.* Et *cap. ex speciali 18. hoc tit.* quamvis idola communiter non colat; nam nec recipit novum, nec vetus Testamentum, factè in totum; sed observat

varia deliria, & erronea dogmata, in Alcorano contenta: conflatur autem hodie ex Turcis, Tartaris, Persis, Arabibus, Mauris, Ægyptiacis, ac aliis Africanis, & Asiaticis nationibus; Et eorum nomine in Canonibus veniunt etiam omnes alii Pagani. Circa Judæos

2. Nota secundò : conceditur equidem Judæis habitatio in terris Christianorum, ita ut citra compulsionem ad Fidem Christianam inter eosdem habitare possint, *cap. sunt 9. hoc tit.* Item habere synagogas veteres, *cap. consult. 7. hoc tit.* Item suas exercere caeremonias, & ritus; citra tamen scandalum, & contumeliam Creatoris, *cap. quia super 4. hoc tit.* Et Clement. uni. *cod. Et cap. nonnullis 15. cod.* Item possunt pacificè possidere cæmeterium; & nemo exhumare valet inde corpora sepulchrorum Hebræorum; *cit. cap. 15.* Item conversi ad Fidem nullatenus spoliandi sunt suis possessionibus, *cap. Judæi 5. hoc tit.* Demum iidem conversi non sunt mulcandi; sed ab injurijs defendendi, *Extravag. dignum 2. inter communes, hoc tit.*

3. Notat tertio: è contra Judæis varia sunt inter-

interdicta per S. Canones. Et primo nullus potest inter Christianos fungi aliquod officio publico, potestate, dignitate, administratione, vel honore, *cap. cum sitis*. Et *cap. ex speciali* 18. *hoc tit.* Idem dicendum de Paganis: Secundo nequeunt Judæi erigere synagogas novas, *cap. Judæi* 3. *hoc tit.* Tercio: die Parasceves nequeunt habere fenestras, & ostia apertas, *cap. quia super*, 4. *hoc tit.* ne scilicet derideant Christianos in contumeliam Creatoris; ut habet Glossa. Quarto, non conceditur eis adhibere nutrices, & obstetrices, vel famulos, aut famulas domesticas Christianas, *cap. Epsi* 13. *hoc tit.* possunt tamen habere Christianum colonum adscriptum, vel originarium, *cap. Multorum* 2. *hoc tit.* Quinto, in diebus Passionis Dominicæ, seu in hebdomada S. non debent prodire in publicum, in contemptum, & odium Christianorum, *cap. In nonnullis* 15. *hoc tit.* Sexto, debent iidem Judæi deferre habitum, discriminantem eos à Christianis, *cap. cit.* 15. Septimo, Judæus nequit esse tutor non Judæi; uti habet Vallenf. Tholof. Buss. &c. Nec etiam possunt postulare contra Christianos; nec filijs substituere pupillariter; uti habent cit DD. si Judæus percutiat Clericum, non incidit in excommunicationem latam in *can. si quis* 29. *caus.* 17. q. 4. cum talis non sit subiectus jurisdictioni spiritali, juxta illud 1. ad Cor. 5. quid nobis de his, qui foris sunt; id est non nostræ jurisdictionis; ut ait Glossa. Talis ergo percussor à potestate seculari aliter castigandus erit pro qualitate delicti.

4. Nota quartò: Christianis varia prohibita sunt respectu Judæorum. Primo interdicitur ipsis generaliter assidua conversatio, & familiaritas cum ipsis, *cap. Ad hoc* 8. *hoc tit.* Cujus interdicti causa est, ne Judæi occasione ejusmodi familiaritatis perfrahant Christianos simplices ad suam perniciem. Secundo, specialiter prohibetur Christianis, ne in eadem domo simul morentur cum Hebræis, *can. nullus* 13. *caus.* 28. q. 1. Tercio prohibetur quoque eosdem assumere in Medicos; & medicinas, curasque ab eis accipere, *cit. can. nullus*. Nisi in casu necessitatis, quando non adest Medicus Christianus; vel non satis peritus; uti notat Sylv. Pirh. &c. Quarto non permittitur, ut Christiani simul balneent cum Judæis, *cit. can.*

*nullus*. Quinto & ne per modum ritus vescantur azymis eorum, *can. cit. nullus*. Cum sit cibus discriminativus Judæi à Christiano. Licet tamen est ijs vesci in casu necessitatis, & per modum simplicis panis; uti notat Gloss. Sylv. Pirh. Sexto, sed & convivia cum Judæis celebranda interdicta sunt Christianis, *can. Omnes*, *caus.* 28. q. 1. Cum plerumque Judæi non utantur cibis communibus Christianorum; sed eos contemnunt tanquam immundos. Idem dicendum de nuptijs eorum; ut notat Azor. Conceditur tamen Prædicatoribus, ut tempore, quo prædicant Judæis, possint eorum cibis vesci; item cum illis habitare, & colloqui familiariter, ut hæc viâ eos facilius convertant: & de his etiam intelligitur ille *can. ad mensam* 24. *caus.* 11. q. 3. in quo conceditur accessus ad mensam Paganorum. Septimo interdicitur Christianis servitium stabile apud Judæos, maxime in domo, *cap. Ad hoc* 8. *hoc tit.* Quia decens non est, ut Judæus sit dominus, & superior Christiano. Octavo similiter Christianis vetatur, assumere nutrices, & obstetrices Hebræas, *cit. cap. 8*. Christiani in præfatis casibus communicantes cum Judæis, grave committunt peccatum; uti notat, Sanc. & Pirh. Circa Saracenos

5. Nota quintò: Christianis quoque varia reperiuntur prohibita respectu Saracenorum, seu Paganorum. Et signanter *cap. Ita quorundam* 6. Et *cap. Ad liberandum* 17. *hoc tit.* interdicitur ipsis deferre, vendere, vel procurare arma, ferrum, & ligamina Saracenis; sub quibus intelliguntur secundum DD. Azor &c. omnia instrumenta artis militaris; cujusmodi sunt lorice, hastæ, Sagittæ, sclopi, tormenta, pulveres, funes, galeæ, scuta, & eorum materia, ut ferrum, chalybs, stannum, plumbum, aliaque metalla; item trabes, & tabulæ ad naves conficiendas; item cannabæ ad funes texendos. Idem dicendum de victualibus, ac alijs mercibus, Extrav. *Multa* 1. *hoc tit.* Et Extrav. *Copiosus*, *unic.* Joan. 22. *hoc tit.* Et Christiani deferentes præfata prohibita ad Saracenos, seu infideles, hodie ipsò facto sunt excommunicati, *cap. significavit* 11. *Et alijs* *hoc tit.* Et in Bulla cœnz; ubi etiam hujusmodi delatio est casus Papæ reservatus.

# TITULUS VII.

## De Hæreticis.

### CAP. I.

#### De quidditate, & requisitis Hæretici.

1. **N**Ota primò: prosequitur Papa discutere crimina; & postquam *priori iur.* posuit resolutiones circa Judaïsmum, & Saracenismum, qui afficiunt non baptizatos; consequenter *hoc iur.* agit de Hæresi, quæ in quibusdam baptizatis reperitur. Est autem hæc vox *Hæresis* Græcum vocabulum, & significat latinè *electionem*; seu *divisionem*; eò quòd Hæreticus eligat sibi opinionem singularem sectandam; & se dividat ab Ecclesiæ unitate, *can. Hæresis.* Et *can. qui in Ecclesia, caus. 24. q. 3.*

2. Dico primò: rectè describitur Hæresis, quòd *sit error singularis voluntarius quem persona baptizata proficitur pertinaciter contra aliquem fidei orthodoxæ articulum, sufficienter propositum.* Et Hæreticus, quòd *sit persona baptizata proficiens cum pertinacia singularem aliquem errorem voluntarium contra aliquem fidei orthodoxæ articulum sufficienter propositum.* Ita colligitur ex *cis. can. Hæresis.* Et *cis. can. qui in Ecclesia.* *Ly error* in prima definitione est genus; reliqua ponuntur pro differentia. In secunda *ly persona* est genus; reliqua habent rationem differentie. Ex his patent requisita ad formalem hæreticum; nam

3. *Primò*; ut quis dicatur formalis Hæreticus, requiritur, ut sit persona baptizata: nam quamvis Judæi, & Saraceni profiteantur plurimos errores contra fidem Orthodoxam; quia tamen baptizati non sunt; idcirco Hæretici propriè non dicuntur; cùm se non dividant ab unitate Ecclesiæ; eò quòd cum ipsa nunquam fuerint uniti.

4. *Secundo* requiritur, ut quis profiteatur cum pertinacia aliquem errorem; nam error solus non facit Hæreticum; sed si adjunctam habeat pertinaciam, *cap. Damnamus, de Sum. Trin.* Et in *can. qui in Ecclesia caus. 24. q. 3.* Unde *can. dixit cis. caus.* dicitur, *qui sententiam suam quævis falsam, atque perversam, nullo pertinaci animo defendunt; quærit autem veritatem, corvis parati cùm invenerint; nequaquam sunt inter Hæreticos deputandi.* Censetur autem is habere pertinaciam, qui quamvis sciat suam opinionem esse erroneam, & contra Ec-

clesiæ definitionem; nihilominus eandem proficitur, & manutinet.

5. *Tertiò* requiritur, ut quis profiteatur errorem singularem; nam si seminet doctrinam in toto contrariam definitionibus Ecclesiæ; talis non Hæreticus; sed Apostata dicendus est; ut rectè advertit Vallens.

6. *Quartò* requiritur, ut quis profiteatur errorem voluntarium: nam sicut alia peccata, ita & crimen hæresis formalis debet procedere à voluntate, habereque rationem voluntarij, seu liberi. Quare errans involuntariè seu indeliberatè circa aliquem articulum Orthodoxæ Fidei, non est tenendus pro formali Hæretico; uti observant communiter DD.

7. *Quintò* requiritur, ut quis profiteatur errorem contra aliquem articulum Fidei Orthodoxæ; quia qui dogmatizat propositiones aliquas singulares, quæ non opponuntur clarè articulis Fidei Catholicæ, de Sacramentis Ecclesiæ, aut alijs ab Oecumenicis Concilijs definitis; is formalis Hæreticus reputandus non est; uti constat ex *cap. Cum Christus 7.* Et *cap. Ad abolendam q. hoc iur.*

8. *Sextò* requiritur, ut quis erret circa aliquem articulum Fidei Orthodoxæ sufficienter ei propositum; quia si errans ignoret talem articulum Fidei, non censetur eundem hæretico Spiritu formali impugnare; sed materialem duntaxat committere hæresim; uti observat Sanch. Pith. Sayr. &c. DD.

### CAP. II.

#### De poenis Hæreticorum.

1. **D**ico primò: formalis Hæreticus ple-  
ctitur poenâ excommunicationis majoris latæ sententiæ. Ita communis DD. Et habetur *can. rescande, caus. 24. q. 3.* Et *cap. Ad abolendam q. hoc iur.* Et *cap. Excommunicamus, eod.* Et *cap. si quis 8. eod.* Et in Bulla cœnæ; ubi etiam hæresis est casus Papæ reservatus. Quare cum ejusmodi Hæretico nulla communicatio habenda; sed omnino vitandus est à Christi fidelibus, sepulturâ Ecclesiasticâ seu sacrâ privandus, ac alijs effectibus Excommunicationis Majoris subjiciendus. Ut autem præfata Excommunicatio incurrat requiruntur sequentes conditiones. *Prima*, ut quis hæresim mentalem externis signis manifestaverit, ita ut possit de hac consistere Eccle-

Ecclesiæ. *Secunda*, ut quis sit Hæreticus formalis; non autem materialis, seu carens pertinaciâ. *Tertia*, ut auctus externus manifestativus hæresis sit mortaliter malus. *Quarta*, ut hæresis externè sit manifestata cum animo eam profitendi; uti notant Sanch. Laym. Pirh.

2. Dico secundò: formalis Hæreticus pariter efficitur infamis. Ita communis DD. Et habetur *cap. infames, caus. 6. q. 1. Et cap. Excommunicamus 13. hoc tit.* Et non solum Hæretici ipsi; sed & fautores eorum, receptores, & defensores, infames evadunt, *cit. cap. 13.* Contrahitur autem ista infamia demùm post sententiam Judicis, declaratoriam criminis hæresis.

3. Dico tertio: formalis Hæreticus etiam punitur confiscatione bonorum suorum. Ita communis DD. Et habetur *cap. Cum secundum hoc tit. in 6. Et cap. Vergentis 10. hoc tit. Et cap. Excommunicamus 13. eod. Et cap. Cum secundum 19. hoc tit. in 6.* Et quidem bona Clericorum hæreticorum cedunt Ecclesiæ; Laicorum verò Fisco sæculari, *cap. 13.* In hujusmodi autem bonis confiscatis maritorum salvantur uxorum innocentium dotes, *cap. De crevit 14. hoc tit. idem dicendum de paraphernalibus uxorum, & donationibus ipsis sacris propter nuptias; uti notat Farinac. Pirh. &c.*

4. Dico quartò: formalis Hæreticus per modum pœnz arcetur quoque à testamento condendo; & inhabilitatur à successione hæreditatis; amittit patriam potestatem in filios; potestatem dominij in servos & vassallos; & jus exigendi debita à creditoribus. Ita communis DD. Et primum habetur *cap. Excommunicamus 13. hoc tit. Et L. Manichæos 4. de Heret.* Secundum constat ex *cod. cit. cap. 13. Et cit. L. 4.* Et Episcopi, ac Presbyteri instituentes hæredes Hæreticos, excommunicationem incurrunt, *cap. Si quis 5. hoc tit.* Tertium habetur *cap. fin. hoc tit. in 6.* Quartum extat in *cap. Absolutus 16. & ult. hoc tit.* Quintum habetur *cap. ult. hoc tit.*

5. Dico quinto: Si Clericus efficiatur formalis manifestus Hæreticus, in pœnam est prius degradandus; deinde verò tradendus Curiaæ sæculari. Ita communis DD. Et habetur in *cap. Ad abolendam 9. hoc tit.* Porro forma servanda in hujusmodi degradatione præscribitur *cap. Quoniam 1. hoc tit. in 6.*

6. Dico sexto: formalis Hæreticus potest etiam pœnâ corporalis mortis puniri, seu comburi. Ita Abb. Azor. Clar. Farinac. Et constat ex *L. Ariani 5. Et L. Quicunque 8. C. de Heret.* Et quia talis perturbat pacem, & tranquillitatem Reipublicæ. Et hodie pœna com-

bustionis eidem rectè inferitur; uti habent *ca. DD.* Evadit autem hanc pœnam, si respiciat, hæresim ejuret, & sincerè Ecclesiæ reconcilietur, *cap. ad abolendam 9. hoc tit.* Nisi fuerit relapsus; huic enim nulla venia est imperpetuenda, *cap. Accusatus 8. hoc tit. in 6.* Idem dicendum de Hæresiarchis; uti notat Zoëf. His tamen omnibus resipiscantibus Sacramentum Eucharistiæ; & Pœnitentiæ non sunt neganda; & mitiganda, si ita videatur, sententia, *cap. Super. Et cap. Ut commissi, hoc tit. in 6.*

## CAP. III.

### Varia circa Hæreticos resolvuntur.

1. **N**ota primò: rigorem pœnarum *priori* cap. relatarum ex Jure communi, hodie in Provinciis pluribus Germaniæ non observari circa Hæreticos formales; nec posse observari, propter cohabitationem necessariam Catholicorum & Hæreticorum, unde etiam ipse Summ. Pontifex Martinus V. in Concil. Constantiensi circa pœnam excommunicationis majoris, quam aliàs Hæreticus formalis incurrit, edidit constitutionem, quæ incipit *Ade vitanda*, in qua declaratur, ut nemo posthac teneatur abstinere, & se separare, neque evitare communicationem alicujus in administrando, aut recipiendo Sacramenta, aut in aliis Divinis; aut extra illa ratione alicujus sententiæ, aut censuræ Ecclesiasticæ; & consequenter etiam ratione Excommunicationis majoris, incurse ob hæresim; nisi talis esset specialiter, & nominatim excommunicatus; aut notorius percussor Clerici. Unde hodie in Germania, Anglia, & Polonia ubi permixtim vivunt Catholici, & Hæretici formales, iidem dicuntur *tolerati*; ac proinde Catholici civilia commercia cum ipsis habere possunt; cum non sint secundum cit. constitutionem Martinianam specialiter denunciati excommunicati. Item cum iisdem comitari funera; dummodo id non fiat animo favendi Hæreticis, ut Hæretici sunt; & absit scandalum Catholicorum; uti habet Azor. Sanch. Pirh. Item Catholici possunt templa Hæreticorum adire, & filios eorum ex Baptismo ibidem levare; dummodo is ritu Catholico administretur, uti habet Pirh. & Azor.

2. Nota secundò: vetitum est Catholicis Laicis disputare cum Hæreticis formalibus, præsertim Magistris errorum; uti habetur *cap. Quicunque 2. hoc tit. in 6.* Imò & Clerici indocti regulariter cum eisdem disputativè con-

gredi

gredi non debent, *can. cum quibus 36. caus. 24. q. 3.* Estq; Ratio; quia Laici plerumque, & Clerici indocti non sunt versati in controversiis Fidei; ac proinde possent in disputando cum Hæretico præsertim Magistro errorum succumbere cum scandalo aliorum, & præiudicio Fidei Orthodoxæ. Si tamen Laicus aliquis reperiretur eximie doctus, aut Clericus esset Theologus practicus in controversiis, & ex disputatione utilitas aliqua, puta confutatio, & confusio Hæreticorum circa sua dogmata; aut spes conversionis eorundem speraretur; tunc tales disputare poterunt cum Hæreticis; uti habet S. Thomas, Sanch. Farin. Pirh. &c.

3. Nota tertio: vigore Tridentini *sess. 24. cap. 6. de Refor.* possunt Episcopi absolvere ab hæresi occulta; & huiusmodi facultas videtur restricta ad solam personam Episcopi, ita ut per suum Vicarium, vel alium huiusmodi absolutionem regulariter præstare non valeat; uti notat Molin. Gutier. Garc. &c. Ne hanc facultatem Episcoporum esse revocatam contendit Laym. & Pirh. sed contrarium verius tenet Barbosa. Azor. Suar. & stat pro hoc declaratio DD. Cardinal. Congregat. Interpretum Conc. Trid. Barbosa. Azor. Suar. &c. Alii distinguunt dicendo, Episcopos valde remotos ab Urbe, uti sunt Episcopi Germaniæ, & Poloniæ non obstante annua revocatione Bullæ Cœnæ adhuc posse uti dictâ facultate in foro conscientię absolviendi ab hæresi non tantum occultâ; sed & publicâ; cum frequens sit conversio Lutheranorum, & Calvinistarum in illis regionibus; & occurrant evidentiâ impedimenta eos mittendi Romam; ut proinde huiusmodi casus Papales fiant Episcopales. Item cum in Germania non sint Inquisitores hæreticæ pravitatis iidem Episcopi sunt delegati Sedis Apostolicæ; ut proinde Hæreticos ibidem post abjuratam hæresim, & pœnitentiam impositam, eosdem ab excommunicatione contractâ, & Papæ reservatâ absolvere valeant, juxta *cap. de Officiis 11. hoc tit. in 6.* ubi est recursus difficilis valde ad Papam. Et ita docent Molin. Pirh. Farinac. Franc. Laym. &c. Præposito etiâ Generali Societatis JESU (& videntur in hoc per communicationem privilegiorum participare quoque alii Ordines, præsertim in partibus ab Urbe remotioribus, ut Germania remotiori) à Julio III. an. 1552. die 22. Octob. concessa est facultas per se, vel alios quoscumque absolviendi à casibus hæresis in foro conscientię; uti habetur in compendio Privil. Societ. ver. *absolutio.* Maxime dum

casus Papales sunt Episcopales, ob nimiam difficultatem remittendi ad Urbem neconversos, utpote pauperes, fœminas, senes, filios familias, subditos &c. Et quia Hæretici Germaniæ hodie post Conc. Constant. communiter tolerati; & à rigore antiquorum Canonum liberati: nisi aliqui eorum essent Hæresiarchæ, vel specialiter excommunicati.

4. Nota quartò: de Jure communi Hæreticus notorius Laicus ad Fidem Catholicam conversus remanet irregularis, & inhabilis ad beneficia Ecclesiastica, Ordines, & Officia publica; uti constat ex *can. Saluberrimum 21. caus. 1. q. 7.* Et *cap. Quicunque 2. hoc tit. in 6.* Et si Clerici fuerint, nequeunt ad ultiores Ordines promoveri; in susceptis tamen ante hæresim possunt ministrare, post absolutionem, *cit. can. Saluberrimum.* Si tamen hæresis Laici conversi fuit occulta, censet Layman, Avila, & Pirh. eum non contrahere tunc irregularitatem; & deducunt hoc ex *cap. ad abolendam 9. hoc tit.* Irregularitatem autem ob hæresim notoriam contractam dispensat solus Papa; uti habet Pirh.

5. Nota quintò: filii Hæreticorum de Jure communi privantur hæreditate, & omnibus bonis paternis, tametsi efficiantur Catholici; uti habetur *cap. Vergentis 10. hoc tit.* Et *cap. penult. eod. in 6.* Quod statutum est in errore criminis hæresis; si tamen patres eorum pœnituerint ante mortem, filii non sunt privandi hæreditate prætata, *cap. Statutum 15. hoc tit. in 6.* Sed & dicti filii, uti & fautores, defensores, & receptores Hæreticorum, sunt irregulares, ita ut ad Ordines promoveri nequeant, *cap. 2. juncto cap. cit. 15. hoc tit. in 6.* Et dispensatio in dictâ irregularitate est quoque Papæ reservata. Porro Fautores Hæreticorum censentur esse illi, qui auxilium præstant Hæreticis, vel favent in sua hæresi, excusando eos, laudando, commendando, visitando, occultando, &c. Receptores eorum censentur esse, qui recipiunt eos, nè veniant in manus Judicis. Defensores verò, qui eorum errores defendunt, vel personam timentur, nè capiatur, vel denunciatur, vel puniatur, &c. Filii autem Clerici Hæreticorum, quamvis in paterna hæresi non participaverint, privari debent suis beneficiis Ecclesiasticis, & Officiis publicis, si quæ possideant, *cap. Ut commissi 12. hoc tit. in 6.* Nec admitti ad alia ulla beneficia imposterum, *cap. Statutum 15. hoc tit. in 6.* Nisi patres eorum pœnituerint, *cit. cap. 15.*

6. Nota sextò: Receptores, Defensores, & Fautores Hæreticorum incurrunt Excom-

muni-

municationem; quam si contempserint, post annum efficiuntur infames, arcenturque ab omnibus Officiis publicis, & consiliis: admittuntur ipsis quoque potestas testandi; ac hereditandi; acta pariter eorum in iudicio evadunt irrita, & invalida, *cap. Excommunicatus 13. hoc tit.* Et in Bulla Cœnz. Item Clerici debent talibus pestilentibus hominibus denegare Sacramenta, & sepulturam Ecclesiasticam, *cit. cap. 13. §. sanè.* Nec ullus favor, consilium, aut patrocinium eisdem est præstandum, *cap. Si adversus 11. hoc tit.*

7. Nota septimò: nè autem crimen hæresis, tam perniciosum Reipublicæ, latè serpat, & profundiores figat radices, S. Canones prohibent in illis locis, ubi nata est hæresis aliqua, fieri clandestina conventicula *cap. Cùm ex inspecto, 12. hoc tit.* Similiter conciones clandestinas, & publicas citra consensum Episcoporum faciendas vetat *cap. Excommunicatus; cum sequent. hoc tit.* Et ordinat, ut Ordinarii faciant diligentes annuas visitationes in locis de hæresi suspectis, *cit. cap. Excommunicamus.* Et in ejusmodi visitationibus sibi adjungant Inquisitores, qui cognoscant de personis in hæresi suspectis, *cap. Per hoc 17. hoc tit. in 6.*

8. Nota octavò: Ordinarii Judices criminis hæresis sunt Papa, & Legatus à latere; uti notat Farinac. & Pirh. Quod munus oritur in eis ex eminenti dignitate, quæ in Ecclesia fulget Papa, & Legatus à latere. Similiter Episcopus in sua Diœcesi juxta constituitur super delicta hæresis, ex *Clementi 1. hoc tit.* Et *cap. Ad abolendam 9. hoc tit.* Idem dicendum de Capitulo Sede vacante, *cit. cap. 9.* Principes autem sæculares nullò modò sunt Judices super causas hæresis: etiam commissas à Laicis; uti constat ex *cap. In inquisitione 18. hoc tit. in 6.* Possunt tamen, imò & tenentur dare auxilium Episcopis, ac Inquisitoribus ab eis constitutis ad capiendos, carcerandos, & puniendos Hæreticos, eorumque Fautores, *cit. cap. 18.* Et *cap. Presidentis 6. hoc tit.* Principes quoque sæculares nequeunt condere statuta, quibus quòvis modò Inquisitores Hæreticorum impediuntur, aut retardentur in suis muneribus, *cap. Statutum 9. hoc tit. in 6.* Dicti Inquisitores debere influenti sunt Judices competentes, non quidem Ordinarii, sed delegati, in crimine hæresis; uti constat ex *Clementi 1. hoc tit.* Et *cap. Nè aliqui 19. hoc tit.* Possunt proinde in delegata tota sibi Provincia procedere tum contra ipsos Hæreticos; tum contra eorum fautores, receptores, & defensores; & hoc conjunctim, & divisim; si plures eorum

sint in eadem Provincia, *cap. Ut Officium 1. hoc tit. in 6.* Possunt pariter Hæreticis resipiscen-  
tibus beneficium absolutionis impertiri, habita-  
da ad hoc speciali facultate *cit. cap. 11.* Et tali-  
bus injungere, quod *can. quoties 9. caus. 1. q. 7.*  
inungi consuevit. Non possunt tamen contra  
ipsummet Episcopum inquirere in crimine  
hæresis; sed eum Sedi Apostolicæ denunciare,  
*cap. Inquisitoria 18. hoc tit. in 6.* Nec contra Se-  
dis Apostolicæ Officiales; vel Nuncios; sed  
eosdem suspectos pariter dictæ Sedi significa-  
re, *Extravag. Cùm Mathæus 3. & ult. hoc tit. inter communes.* Plura circa Inquisitores hujus-  
modi vide in *cap. Per hoc 17.* Et *cap. Ut commissi 12. in 6.* Et in *Extravag. Ex eo 1. hoc tit. inter communes.* Et *Clementi. Adulterum 1. hoc tit.*

9. Nota nonò: juxta *cap. Excommunicamus 13. hoc tit.* Et Constitutionem Pauli IV. tenentur Principes sæculares, & alii Domini Hæreticos denunciare ad Ecclesiam, ac ab eadem damnatos, eorumque complices exterminare omni possibili modo; sicq; purgare territoria sua: quòd si id facere neglexerint, cum tamen possint, anathemati subiacenti sunt; & si in eodem per annum persisterint, Papa vasallos eorum fideles absolvet à juramento; ac territoria dicta exponet aliis fidelibus Principibus occupanda, salvo tamen Jure Domini alti, seu Supremi; nisi & is sit in culpa. His consentit Constitutio Frederici Imp. *Auth. Carzaros C. hoc tit.*

10. Nota decimò: in causa hæresis procedi potest summarie, & de piano, absque ullo strepitu, & figura iudicii; quare in ea non est necessaria in Scriptis oblatio libelli, contestatio litis, feriarum observatio, dilationum concessiones prolixæ, exceptiones & appellationes frustraneæ, & c. uti notant Farinac. Pirhingus, & ceteri Doctores. Substantialia tamen Juris debent observari, ut ante faciendâ est citatio Rei, probationes afferendæ, defensiones necessariæ admittendæ. In hoc processu potest eadem persona agere testem, & accusatorem, vel denunciantem, *cap. In omni 4. de testib. modò prius juret, se non ex passione odii; ac levitate accusare, vel denunciare; uti notat Vallens.* Imò quisvis in hoc crimine potest pro teste admitti; quare etiam Laicus adversus Clericum de hæresi testificari potest, *cap. De cetero 14. de Testib. Et Socius criminis juxta Sanctionem Alexandri IV. allegatam à Vallens.* Et infamis, ac perjurus; modò hi non sint inimici Rei, *cap. In Fidei 5. Et cap. Accusatorum 18. hoc titulo in 6.* In hoc crimine



crimine quoque recipiunt testes, iuramenta, & depositiones eorum, etiam parte, contra quam fiunt, absente & non citatâ. Nec sunt publicanda nomina testium, & accusatorum, si ex publicatione tali timeatur grave periculum personis, aut bonis ipsorum accusatorum, vel testium; vel consanguineis eorum imminere propter potentiam inquisiti, *cap. ult. hoc tit. in 6.*

## CAP. IV.

### Resolutiones speciales de Hæreticis pro Ordine Franciscano.

**N**ota primò: ad Religionem Franciscanain de Observ. & Reformat. suscipi nequeunt Hæretici formales; nec de aliquo errore suspecti, nec descendentes ab Hæreticis usque ad quartam generationem, quorum corpora, vel statux sunt combustæ; uti habent Constitut. Generales totius Ordinis *cap. 2. §. 1. n. 1.* Et General. Reformat. *cap. 2. n. 2. & 3.* Et habetur in Constitutionibus Papalibus Julii II. *cap. 2.* Et prima duo puncta fundantur in Seraphica Regula, ibi, *examinens eos diligenter de fide Catholica, &c.*

Per *Suspectos* autem de aliquo errore, intelliguntur secundum Sanct. & S. Severinum laborantes tum suspitione levi, tum vehementi, tum violentâ, seu maximâ, quæ adducuntur in *cap. accusatus, de heret. in 6.* Et *cap. ad abolendam. Et cap. excommunicamus, de heret.* Et *cap. literas, de presumpt.* Sitamen tales suspecti congruâ purgatione propriam monstrassent innocentiam, uti dicitur *cap. Excommunicamus 1. de hereticis*, poterunt ad Ordinem suscipi; uti tenent *est. DD.* Nam tunc cessat omnis suspicio.

2. Nota secundò: Gregorius IX. concessit Fratribus nostris Minoribus proficiscentibus in terras Infidelium, ut Hæreticos, Apostatas, & Schismaticos inter Saracenos commorantes possint absolvere. Similiter Alexander IV. concessit Prælati majoribus Ordinis nostri, puta Generalibus, Provincialibus, & Custodibus regiminis plenariam facultatem quoscunque suos subditos regulares, etiam Moniales, & Tertiarios, in hæresim vel apostasiam lapsos, ac relapsos absolvendi, & cum eis dispensandi; uti refert Sorbus in *Comp. Privil. Ordinis Min.* Quid verò possint Minoritæ circa absolutionem secularium ab hæresi, remitto me ad dicta supra *cap. 3. not. 3.* Et *tom. 3. Schola mea Theol. tract. de Sacram. diff. 11. q. 9. n. 1. & aliis.*

# TITULUS VIII.

## De Schismaticis; & Ordinatis ab eis.

### CAP. UNICUM.

#### Quædam Resolutiones circa Schismaticos, & Recipientes ab eis Ordines.

**N**ota primò: continuando crimina pertinentia ad Judicium Canonicum, *ista sit.* Pontifex agit de crimine Schismaticis, & de Schismaticis. Est autem Ly *Schisma* vox Græca, Latine significans *S. ijsuram*, seu *Disjunctionem*, & *Dissenfamem*; per antonomasiam verò significat scissuram à vera Ecclesia Romana. Unde

2. Dico primò: rectè definitur Schisma, quòd sit *disjunctio, & divisio ab unitate vera Ecclesie, ejusque Capite, Romano scilicet Pontifice*; Schismaticus verò, quòd sit *homo separans se ab unitate Ecclesie verae, & Obedientia totali Summi*

*Romani Pontificis, veri Capitis ejusdem Ecclesie.* Ita constat ex *can. Schisma, caus. 22. q. 1.* Ly *disjunctio, & divisio* in prima descriptione ponitur loco generis; reliqua loco differentiz. In secunda verò Ly *homo* habet rationem generis; reliqua rationem differentiz.

3. Nota secundò: omnem Hæreticum esse simul Schismaticum; non verò è contra; quia Schisma potest stare cum credulitate omnium articulorum Fidei Orthodoxæ; cum ex sua natura importet solam separationem, & scissuram à vera Ecclesia, & defectionem totalem à capite ejusdem, quod est Romanus Pontifex, in quo differt ab hæresi, quæ semper aliquem articulum Fidei negat, *can. inter, caus. 24. q. 3.* Transiit tamen plerumque Schisma in hæresim; cum Schismatici plurimum constringant etiam aliqua dogmata contraria Ecclesie Romanæ, & Summo Pontifici, ut factum suum, & contumaciam cohonestent, &

defendant; recteque videantur ab Ecclesiæ veræ unitate recessisse; ut in priori sæculo apparuit in Henrico VIII. Angliæ Rege, qui excusâ obedientiæ Romani Pontificis, & recedens ab Ecclesiâ Romana Religionem seu sectam Anglicanam fabricavit, & se Caput Ecclesiæ Anglicanæ constituit.

4. Dico primò: Schisma est gravissimum peccatum mortale, & meritò punitur majori Excommunicatione latæ sententiæ. Ita communis DD. Et habetur in Bullæ Cœnæ. Et præterea Schismaticus privatur dignitate, aut cingulo, & omni officio, beneficio, honore, & Prælaturâ actu possessâ; bonis item mobilibus, & immobilibus, Juribus ac Jurisdictionibus præsentibus, *cap. unic. hoc tit. in 6.* Si verò nullam dignitatem, vel beneficium, &c. habeat, amittit omnem substantiam, & pellitur in exilium, *can. qui contra, caus. 24. q. 1.* Schismaticorum fautores pariter, ac defensores excommunicationem incurrunt, *cap. unic. hoc tit. in 6.* Schismatici quoque inhabilitantur ad beneficia, & dignitates Ecclesiasticas obtinendas, præsertim Episcopalem; etiam peractâ pœnitentiâ; uti constat ex *cap. Quia diligentia 1. de elect.*

5. Dico secundò; omnes Ordinationes à

Schismaticis factæ sunt irritæ scilicet quantum

ad executionem, & functionem; item omnes collationes dignitatum, beneficiorum, & bonorum alienationes per Schismaticos exercitæ, sunt invalidæ; & ad Ecclesiâ sine onere revertuntur. Ita Zoës. & Vallens. Et habetur *cap. Quod à prædecessore 1. hoc tit.* In similibus tamen ordinationibus character verè imprimitur, & Ordo per se subsistit; uti habetur *cap. 2. hoc tit.* Estque Ratio; quia Episcopus Schismaticus quâvis adhuc retinet potestatem ordinandi; quamvis jurisdictione privetur; cum sit extra Ecclesiâ, *can. Novatianus, caus. 7. q. 1.* Et *can. didicimus, caus. 24. q. 1.*

6. Dico tertio: Probabilior est sententia tenens, Schismaticos pure tales nullam incurere irregularitatem; unde tales post actam pœnitentiam ad Ordines possunt promoveri. Ita Azor. Zoës. Pirh. &c. DD. contra Vallens. &c. Ratio est; quia in nullo Canone reperitur similis aliqua irregularitas. Quòd sitamen cum Schismate eorum esset conjuncta aliqua hæresis (uti fieri plerumque solet) tales contraherent irregularitatem; juxta *can. inter, caus. 24. q. 3.*

## TITULUS IX.

### De Apostatis, & Reiterantibus Baptisma.

#### CAP. I.

#### De Apostatarum Quidditate, Diversitate, & Pœnis.

1. Nota primò: *hoc tit.* prosequendo crimina fori Canonici proponit Papa crimen Apostasiæ; & Reiterationis Baptismi. Si nomenclaturam *Apostata* spectes, est nomen Græcū, Latinis idem quod *desertor*, seu *rebellis*; & *Apostasia* idem quod *desertio*, seu *rebellio*; ut notat ex S. Thoma Vallens. & alii DD. In proposito ergo Canones nomine Apostatæ comprehendunt hominem Christianum temerariè à DEO recedentem; quod tripliciter contingere solet, scilicet recedendo à statu Fidei; recedendo à statu susceptæ Religionis; & recedendo à statu suscepti alicujus Ordinis Sacri; unde etiam tres in hoc titulo, & aliis Juris Canonici assignantur species Apostatarum, scilicet Apostata perfidie, Apostata Religionis, & Apostata Ordinis Sacri. Circa quos

2. Nota secundò: rectè describitur Apostata perfidie, quòd sit homo Christianus, deserens in totum Fidem Christianam semel susceptam, & transiens ad Paganismum, vel Judaismum, vel Mahometismum. De hoc procedit *can. non potest, caus. 2. q. 7.* Hic differt ab Hæretico, quòd Hæreticus Fidem veram in uno, vel aliquot duntaxat articulis reneget; Apostata autem perfidie in omnibus prorsus articulis. Pro his statutæ sunt pœnæ in Jure eadem, quibus Hæretici sunt obnoxii; uti patet ex variis Legibus, quas affert Vallens. *hoc tit.* Et docet Abbas, Hosliens. Sylv. &c.

3. Nota tertio: Apostata Religionis bene describitur, quòd sit homo Christianus sine facultate debita Superioris Regularis deserens propria temeritate totaliter statum Religiosum, quem semel legitime fuit professus, aut saltem ab obedientia Prælati Ordinis sese subtrahens, & vagationi se committens. De hoc procedit *cap. pen. hoc tit.* In hujusmodi Apostatam statuta est pœna excommunicationis, uti constat ex *cap. 2. hoc tit.* quæ probabilius est sententiæ ferendæ, secundum Gloss. Sanch. &c. Item pœna incarcerationis

tationis quousque desertum Religionis habitum reasumpserit *cap. 1. hoc tit.* Religiosi Apostatae fugitivi sunt quotannis requirendi, & in claustra deducendi, secundum Constat. Gregorii IX. *cap. fin. de Regular.*

4. Nota quartò: Apostata ab Ordine Sacro bene describitur, quod *sit homo Christianus, qui post editum votum continentie, & susceptum Sacrum Ordinem, ad statum Conjugalem vel laicalem conversationem, dimisso habitu Clericali, propterea temeritate revertitur.* De hoc procedit *can. fin. dist. 50.* Hujus poena est excommunicatio; sed terenda, secundum Abbat. & Menochi. Item poena infamiae; quare talis durante Apostasia repellitur ab accusando, & testificando, *can. alicui, caus. 1. q. 7.* Item amissio privilegii Ordinis Clericalis; non tamen fori, *cap. 1. hoc tit.* Item incarcerationio; ut habet Pirhingus.

## CAP. II.

### De reiterantibus Baptisma.

1. Nota primò: circa hanc partem rubricæ *huius tit.* vide dista *tom. 1.* huius Operis *tit. 16. cap. 2.* Deinde observare extare varias decisiones de Baptismo ritè collato non iterando, seu rebaptizando; ut *can. non licet 107.* Et *cap. cum itaque 112. dist. 4. de Consecrat.* Et novissimè in Tridentino sess. 7. *can. 9. de sacram. in gen.* Et *cap. 11. de Bapt.* Et sess. 14. *cap. 2.* Et iterantes scienter, ac culpabiliter Baptisma, efficiuntur irregulares, ita ut Ordines majores suscipere nequeant, *cap. 2. hoc tit.* Imò & Accolythi, Subdiaconi, & Diaconi præfatto modò reiterantibus ministrantes, *cap. Ex litterarum 2. hoc tit.* Horum autem irregularitas tollitur per ingressum in Religionem approbatam.

2. Nota secundò: sed & ipsi baptizati adulti, si notitiam prohibitionis de Baptismo non iterando, & sui baptismi habuerint, red-duntur irregulares, ita ut nulla ratione promoveri possint ad Ecclesiasticos Ordines; uti habetur *can. confirmandum 65. dist. 50.* Non item in casu, quo ignorarunt præfatam prohibitionem, & sui Baptisma jam antè ritè factum; modò non sit ignorantia crassa, seu culpabilis; uti habet Diaz, Covarr. Navar. &c. Et qd Ratio; quia memorata irregularitas inducta est à S. Canonibus in poenam delicti; in casu autem ignorantiae nullum intervenit delictum ex parte baptizati.

3. Nota tertio: præterea scienter reiterantes Baptisma, si Clerici sint, deponuntur, *cap. eos quos 118. dist. 4. de Consecrat.* si verò Laici sint, excommunicantur, *can. nls. dist. 51.* Et se-

cundum Jus Civile tam reiterantes Baptisma, quam baptizati ultimò supplicio afficiuntur, *L. 1. & L. 2. C. ne sacrum Baptisma iteretur.*

## CAP. III.

### Quid de Apostatis Minoritis sit specialiter statutum?

1. Nota primò: quamvis nomine Apostata à Religione in rigore veniat ille Religiosus, qui dimittit habitum cum voluntate ad illam non redeundi, *cap. 1. 3. & nls. de apostatis.* Et ille qui cum habitu vagatur, sed animo nunquam ad Religionem revertendi, uti notat ex Abbat. & Navar. Sanctus super stat. Nihilominus in Ordine nostro Franciscano de Observ. & Reform. nomen Apostatae etiam alijs, ut vagabundis, & contra obedientiam aliquò eunibus convenit; uti constat ex Constitutionibus Papalibus Julij II. *cap. 7.* ubi dicit *cis.* Pontifex, *intelligimus Apostatam omnem, qui sine licentia, vel contra obedientiam suorum Prælatorum per terras, loca, seu patrias, cum habitu, vel sine habitu cum Socio, vel sine illo iverit; atque quomodolibet discedentem.*

2. Nota secundò: in Ordine nostro Franciscano Apostasia præfata habet gradus, ita ut alia sit levis, levior, levissima; & alia gravis, gravior, gravissima; uti habent Constat. generales Ord. modernæ *cap. 2. §. 8. sub variis numeris;* quæ ibidem bene distinguuntur, & proportionatis poenis muldantur; uti & in Constat. general. Ref. *cap. 2. tit. apost.* quas omnes esset longum nimis recensere hic.

3. Nota tertio: Prælati Ordinis Minorum habent Apostolicam auctoritatem Innocentij IV. & Julij II. omnes, & singulos suos Apostatas declarandi Excommunicatos; uti habetur in Constat. general. Ord. *cis. loc. n. 3.* Et gener. Reform. *cis. n. 3.* quod fieri debet in communi refectione Fratrum immediate sequenti. Apostasiz Fratrum illico notificandæ sunt Ministro Provinciali, ut easdem notet in libro Apostatarum; sicque sciatur excessus, dum redierint, *ibidem.* Insuper Minister Provincialis informet Procuratorem generalem Romæ ad Curiam Apostolicam commorantem, de illis Apostatis, qui extra Provinciam abierint; uti habent Constat. gen. Reform. *cis. n. 17. & statuta totius Ordinis cis. n. 23.* Nec ullus Provincialis, vel Superior Localis potest retinere Apostatam ad suam Provinciam, vel Conventum accedentem; sed postquam ipsum absolverit, remittat cum litteris testimonialibus ad suam Provinciam; uti habent *cis. Constat. general. Ord. cap. 23.* Et general.

neral. Reform. *cit. n. 17.* ubi etiam taxantur pœnæ contravenientibus huic statuto. Circa modum absolventi Minoritas Apostatas, consule Constat. gen. totius Ord. *cit. n. 27. & n. 28.*

4. Nota quartò: Superiores quicumque Provinciarum, & Conventuum, invigilare, ac curare debent, ne per suas Provincias, & Conventus, atque vicinias eorum, vagentur Apostataz; sed curent eos capi, & carceribus mancipari; nam ad hoc facultatem habent ex Constat. gen. Ord. *cit. n. 30.* Et general. Reform. *cit. n. 22. & 23.* Et ex Bulla 7. Innocentij IV. Et ex Tridentinæ *sess. 25. de Reg. cap. 4.* ubi mandatur superioribus Regularibus, ut Regulares sine mandato superiorum vagantes tanquam desertores sui instituti puniant.

5. Nota quintò: Apostataz Minores postquam redierint, ac in quacunque Provincia existant, non possunt promoveri ad ullum offi-

cium, nisi prius per decennium post apostasiam laudabiliter vixerint; uti habent Constat. gen. Ord. *cit. n. 34.* Potest tamen Capitulum Provinciale circa ejusmodi pœnam dispensare, si in Apostata signa singularis emendationis adverterit; & personæ qualitas ita fuaserit, *ibidem n. 35.* Et Constat. gen. Rel. *cit. n. 25.*

6. Nota sextò: Apostataz nostri Ordinis singulis annis à superioribus perquirendi sunt, ut ad Religionem revertantur; quod si nolint amicabilem redire, debent dicti superiores eos cogere omni meliori modo, & remediò; uti habet Urbanus VIII. in *Constit. 26. §. 4.* Et dum redierint, idem superiores non debent remittere eis pœnas, etiam ad instantiam quarumcunque personarum extra Ordinem; uti habet Breve quoddam Pauli V. quod incipit *admonemus &c.* Et refertur à Lantusca in theat. reg. vet. *Apostata.*

## TITULUS X.

### De his, qui filios occiderunt.

#### CAP. UNIC.

#### Resolutiones circa Filicidium, & Parricidium.

1. Nota primò: prosequitur Papa ventilarare graviora crimina; & hoc tractat de homicidio; & signanter de gravissima specie homicidij, quod vocatur Filicidium, id est occisio filiorum, seu descenduntium; & Parricidium, id est occisio parentum, & aliorum ascenduntium.

2. Dico primò: gravissimè lege Divina, & humana prohibitum est Filicidium, & Parricidium. Ita communis DD. Et habetur in Decalogo Divo. Et *L. 1. ff. ad Legem Pompeianam, de Parricid.* Et *L. 1. C. de his, qui parentes, vel liberos occidunt.*

3. Nota secundò: Filicidij pœna, & crimen extenditur ad vitricos, & novercas occidentes privignum, vel privignam; & ad Socerum vel socrum, occidentes generum, vel nurum; uti constat ex *L. cit. 1.* Similiter Parricidij impietas, & pœna extenditur ad filios, occidentes avum, vel aviam, & quoscunque ascendentes in infinitum; *cit. L. 1.* Item ad generum, aut nurum occidentes socrum, vel socrum; *cit. L. 1.* Item ad occidentes Conanguineos transversales intra quartum gradum; uti habet Glossa, & Farinac. Reducuntur etiam ad hoc crimen grande occidentes Patro-

num, vel Patronam, *cit. L. 1.* Et occidentes uxorem; & è contra *cit. L. 1.* Imò & occidentes sponsam; uti habet Glossa, & Farinac. Item huc spectant illi extranei, de quorum jussu patrum est Filicidium, vel Parricidium *cit. L. 1.* Item auxilium ad ea præstantes, & quovis modo participantes de hoc crimine *L. ultimum 6. ff. eod.*

4. Dico secundò: secundum Jura Civilia Filicidij, & Parricidij pœna est primò verberatio occisoris, fascia virgis sanguineis; deinde insutio ejusdem in culeo, id est sacco coriaceo unà cum cane, & gallo gallinaceo, & vipera, & simia; & demum ejusdem sic insuti projectio in flumen. Ita communis DD. Et habetur *L. pen. ff. ad Leg. Pompei, de Parricid.* Et *L. unic. C. de his, qui parent. vel fil. occider.*

4. Nota tertio: secundum autem Jura Canonica, is qui parricidium commisit, per unius anni decursum ab ingressu in Ecclesiam arceri debet; tribus etiam annis debet abstinere à Sacramentorum receptione; uti & ab escu carnium, & potu vini, diebus Dominicis, ac festis, & tempore Paschali exceptis; item debet ter in septimana jejunare usque ad vesperam; pedes semper incedere, *can. laborum 15. caus. 33. q. 2.* Mater verò filicida, si vidua sit, inducenda est, ut pœnitentiam agat in Monasterio, *cap. 1. hoc tit.* Si verò sit conjugata, aliâ pœnâ proportionatâ est plectenda, *cap. 2. hoc tit.*

6. Nota

6. Nota quartò: si parentes infantem de nocte repofuerint in fuum communem lectum; & is deinde mortuus reperiatur; ipfi autem parentes ignorent, an eundem forfitan oppreflerint; tunc non funt extra omnem culpam; & indicitur ipsis pœnitentia trium

annorum, ita ut unus fit in pane & aqua, *cap. ult. hoc tit.* nam peccaffe cenfentur in hoc, quòd infantem in communem lectum pofuerint. Et monendi, ac proteftandi funt parentes, ne tenellos infantes fecum in lecto collocent, propter periculum fuffocationis.

## TITULUS XI.

### De infantibus, & languidis expositis.

#### CAP. UNIC.

#### Refolutiones circa infantes, & languidos expositos.

1. Nota primò: quia quoque speciem homicidij habet, fi genitores, vel alij infantes exponant; ideo poft homicidium, Papa de hoc crimine *flum tit.* fubdit, Circa quem

2. Dico primò: grave crimen continet expositio, & abjectio infantis, ac minoris, ut pereat; vel per alios miferatione ductos alatur. Ita communis DD. Et habetur in *Novel. 33. in fine.* Et *L. necare 4. ff. de agnos. & alienat. liber.* Et *can. si expositus, dist. 87.*

3. Dico fecundò: fimiliter graviter peccat, qui languidos, & infirmos exponit, quique ipsis alimenta impie denegat. Ita communis DD. Et habetur *cap. si à patre, nunc. hoc tit.*

4. Nota fecundò: si qui genitores ad talem redacti funt inopiam, ut proles fuas alere nequeant; non propterea eos exponere licet; fed allaborare debent, ut in hospitali,

vel alibi vivi conſerventur, & alantur; ſicut de ſervo decernitur, *L. 10. C. de latina libert. tollen.* Eccleſia, quæ in caſu expoſitionis infantis expoſito alimenta miſericorditer ſubminiſtravit, non poteſt ſuo tempore ea repetere; uti conſtat ex *can. Sacrorum 15. cauſ. 12. q. 2.* Si verò extraneus ea ſubminiſtràſſet; tunc eadem repetere poteſt, ſi ab initio proteſtatus ſit, ſe ea velle repetere; uti habet Pirhingus: ſuſcipiens languidos, & infirmos expoſitos in domum ſuam, & alimenta, ac curam eis impendens, non acquirit aliquod jus in eorum perſonas, *cap. fin. hoc tit.*

5. Dico tertio: exponentes infantes ut pereant, digni ſunt pœnâ homicidij. Ita communis DD. Et conſtat ex *L. 2. C. eod.* Et *L. nec filium C. de patr. poteſt.* Et ſi Pater hoc fecerit amittit præterea jus patris poteſtatis; ſi Dominus, jus dominicæ poteſtatis; item pater exponens privatur ſucceſſione filii, vel filij ab inteſtato decedentis: uti habet Valens. In tali enim caſu filius expoſitus cenſetur habuiſſe incertum patrem, qui filiò non ſit dignus; ac proinde is carere debet omni utilitate filij decedentis ab inteſtato.

## TITULUS XII.

### De homicidio voluntario; vel caſuali.

#### CAP. I.

De quidditate homicidij in genere ejusque diſiſione, & requiſitis ad pœnam injuſti homicidij incurrendam.

1. Nota primò: in *ſuper. tit.* actum fuit de aliquibus ſpeciebus homicidij; nunc Papa de eodem in genere proponit *hunc tit.* Derivatur autem ly homicidium ab hominis caede. Circa hoc

2. Dico primò: rectè deſcribitur homicidium in genere, quòd ſu violentia occiſio, ſeu caedes hominis ab homine facta. Ita conſtat ex *can. ſi homicidium 41. cauſ. 23. q. 5.* Ly occiſio, ſeu caedes ponitur loco generis; reliqua loco differentia.

3. Nota fecundò: homicidium corporale, de quo *hoc tit.* primò dividitur in voluntarium, & involuntarium, ſeu caſuale. *Voluntarium* eſt, quod dolo malo, & animo occidendi quoquo modo perpetratur, *L. 1. ff. ad Leg. Cornel. de ſicarijs.* ſub hoc comprehenduntur homicidia facta cum aperto Marte,

tum

tum infidijs, tum autoritate Judicis, tum veneficio, tum pharmacò, tum aliò quòcunque modò; ut notat Vallens. *Involuntarium*, leu *Casuale* est, quod casu fit, & præter intentionem agentis, ita ut nec in se, nec in causa sit volitum. De hoc procedit cap. 7. Et cap. 13. Et alia sequentia, hoc tit. talia sunt mortes secutæ ex vulneribus non lethaliibus inflictijs; sed causatæ maliciâ Medici; vel negligentia, & temeritate læsi, remedia opportuna non adhibentis; ut notat Vallens.

4. Nota tertio: homicidium voluntarium subdividitur in licitum seu justum; & in illicitum, seu injustum. *Primum* habetur, quod perficitur iusta de causa; tale est decollatio latronis v. g. legitime facta à Judice. *Secundum* habetur, quando quis alterum occidit sine causa; talis est occisio infantis facta à latrone. *Ultimum* rursus subdividitur in *voluntarium directè*; tale committitur, dum quis expressè intendit occidere hominem. Et *voluntarium indirectè*, seu in causa, quando quis non intendit directè mactare, tale fit, si quis poculum venenosum alicui præbeat, ex cujus bibitione moraliter sequitur ejus mors, quamvis ea non intendatur à præbente. Demum homicidium voluntarium justum aliud est *necessarium* ac defensivum; tale fit, dum quis alterum occidit ad defensionem necessitatis sui, de quo cap. 2. hoc tit. Aliud *punitivum*, quod fit publicâ autoritate Judicis, seu Magistratûs, ad puniendâ crimina atrocita.

5. Dico secundò: homicidium necessarium defensivum est justum, licitum, & permixtum, si fiat cum moderamine inculpatae tutelæ; similiter punitivum. Ita communis DD. Primum constat ex cap. 2. Et L. 2. § 3. Et 4. C. ad Leg. Cornel. de sicarijs. Estque Ratio; quia vim vi repellere licet cum moderamine inculpatae tutelæ, cap. Significasti 17. hoc tit. Et L. 3. ff. de just. & Jur. secundum constat ex can. quid culpatur, caus. 23. q. 1. Et quia homicidium necessarium punitivum certorum criminoforum conducit ad tranquillitatem, & bonum universale Reipublicæ.

6. Nota quartò: censetur autem homicidium necessarium defensivum fieri cum moderamine inculpatae tutelæ, quando ita perficitur, ut occidens non excedat limites defensionis; seu si non occidat ad vindictam sumendam; sed duntaxat ad injuriam propulsandam, ac vim arcendam, dum non suppetit alia via evadendi, cap. 2. hoc tit. tali modo censetur fieri occisio, dum viator latronem se invadentem occidit; aut miles aggredientem hostem, can. Cum homo, caus. 23. q. 5. Item dum fur nocturnus armatus ingrediens do-

mum mactatur; quia ignoratur an furandi, vel an mactandi animò ingreditur, cap. 3. hoc tit. Circa ultimum articulum hujus cap.

7. Nota quintò: ut aliquod homicidium voluntarium reputetur injustum, illicitumque factum, & dignum ut incurrantur poenæ statutz contra voluntarios injustos homicidas, requiruntur sequentia duo. *Primo* ut sit patratum cum expressa directâ ac spontanea voluntate occidendi, ita ut per eam mors ipsa in se fuerit intentus; vel saltem in sua causa proxima, & infallibiliter illativa talis mortis: Et hoc requisitum homicidij injusti constat ex cap. 1. hoc tit. ibi per industriam; & per infidias &c. Et ex cap. sicut 6. eod. ibi, qui animo occidendi &c. *Secundo* requiritur, ut mors ipsa in effectu sit secuta; & non sufficit sola internavitio de ea inferenda. Ratio est; quia est regula generalis hic, quod poenæ à Jure statutz, non incurrantur, nisi delicta sint consummata, id est, in effectum externum deducta; cum in poenis alijs miôr sit faciendâ interpretatio, uti habet regula ap. Juris in 6.

## CAP. II.

De poenis à Jure statutis contra homicidas voluntarios injustos; & de varijs speciebus eorum.

1. **N**ota primò: secundum Jus Canonicum homicida voluntarius injustus, si laicus sit, excommunicandus est; uti habetur can. utique 20. caus. 24. q. 3. Si vero Clericus sit, deponendus est ab omni ordine, & officio; non tamen privandus communione, can. Presbyter 12. dist. 81. Et cap. Cum non ab homine 10. de Judic. Et cap. si quis 1. hoc tit. Idem Clericus secus depositione in actum carcerem detrudendus est, ad agendam ibidem poenitentiam, cap. Tunc 6. de poenis. Et quidem saltè ad septennium, vel quinquennium, cap. Sicut dignum 6. hoc tit. Similiter idem Clericus privandus est omni beneficio Ecclesiastico, per Sententiam Judicis, cap. Clerici, s. ne Clerici, vel Monachi &c. Et cap. Ex litteris 10. de excessib. Pralat. Præterea Jure Canonico homicida voluntarius injustus efficitur irregularis; manetque talis, etiam peractâ poenitentia, cap. Inquisitionis 21. de accusat.

2. Nota secundò: quivis homicida voluntarius injustus privatur successione ejus, quem occidit; si ve hæreditas ab intestato, si ve ex testamento ad eum aliàs devolvatur: non in ca-



in casu Homicidii voluntarii iniusti Fiscus hereditatem occisi tollit ab homicida, deinde talis homicida olim deportabatur in insulam, ejusque bona confiscabantur, *L. 3. ff. ad Leg. Cornel. de Siccar.* Hodie verò plectitur poenâ mortis, §. *item Lex Cornelia, Instit. de public. Judic.* & procedit hæc poena Jure communi tam contra homicidam nobilem, quàm ignobilem; uti habet Clarus, Pirh. &c. Circa alterum articulum hujus cap.

3. Nota tertio: Varias posse considerari sortes homicidarum, de quibus dubium potest oriri. Et primo, Homicida voluntarius censendus est, & consequenter irregularis efficitur is, qui dat causam illi morti, quæ primò post longum temporis spatium sequitur; v.g. qui præbet lentum venenum, quod enecat primò post medium annum. Ratio est; quia qui dat causam damni, damnum dedisse videtur, *L. qui occidit 30. §. pen. ff. ad Leg. Aquil.* Secundo, formalis, & iniustus homicida, ac incurrens irregularitatem reputatur is, qui procurat abortum animatum foeminae prægnantis, *cap. Sicut 20. hoc tit.* Qui verò procurat abortum foetus nondum animati, non censetur homicida formalis; nec consequenter irregularis, *can. quod verò 8. Et can. seq. caus. 32. §. 2.* Uti & is, qui poculum sterilitatis viro, vel foeminae dedit; vel aliò modò fecunditatem abstulit; uti notat Farin. Quamvis talis per *cap. Si aliquis 5. hoc tit.* interpretativus homicida reputetur; seu instar homicidæ, quoad rationem delicti; non autem incurSIONem poenæ. Tertio, reputatur quoque effectu secuto homicida formalis iniustus, & irregularis, qui mandat, ut cædes alicui inferatur; nam quod quis facit per alium, perinde est, ac si faciat per seipsum, secundum *reg. Juris Can. 72. in 6.* Et aliam Juris Civilis; nihil interest, occidat quis, an causam mortis præbeat, *L. nihil 15. ff. ad Leg. Cornel. de Siccar.* Quarto, sed & is, qui mandat alicui verberari, licet expressè intendat, ne occidatur, irregularis fit, quando mandatarius fines mandati excedens, planè verberando occidit, *cap. ult. hoc tit. in 6.*

4. Nota quarto: præterea quinto, homicida formalis iniustus, & irregularis evadit is, qui consilium præbet ad patrandum homicidium voluntarium iniustum; uti constat ex *can. Perniciosè 23. dist. 1.* Sexto, similiter is, qui opem, & auxilium proximum, ac immediatum præstat ad occisionem voluntariam iniustam hominis, homicida formalis, & irregularis fit aliisque poenis homicidii plectendus, *L. unic. C. de raptor.* Et *cap. Sicut dignum,*

6. hoc tit. Septimo tandem etiam is, qui ex officio tenetur impedire homicidium voluntarium, & non impedit, cum possit citra grave suum damnum, secuto effectu, efficitur irregularis; uti habet Avil. Navar.

## CAP. III.

### Variae aliæ Resolutiones circa Homicidia.

**D**ico primò: qui commisit homicidium casuale, dando scilicet operam rei licitæ, ex qua deinde citra culpam sequitur mors aliqua, non censetur esse homicida formalis, nec consequenter irregularis, si debitam adhibuit diligentiam ad vitandum periculum mortis. Ita communis DD. Et constat ex variis Canonibus, referentibus varia homicidia casuality, & eadem excusantibus ab homicidio peccaminoso atque irregularitate; ut *cap. Dilectus, 13. hoc tit.* Et *cap. Ex litteris, 14. eod.* Et alio *cap. Ex litteris 15. eod.* Et *cap. Significasti, 16. eod.* Et *cap. Lator, 9. eod.* Et *cap. 22. & 23. & 25. eod.* Si verò quis det operam rei quidem licitæ; in qua tamen deinde culpa, seu negligentia vitandi periculum homicidii intervenit; tunc eo secuto incurrit irregularitatem, uti constat ex *cap. Prohiberetur, 7. hoc tit.* Et *cap. continebatur, 8. eod.*

2. Dico secundo: quando oritur dubium facti de commissio homicidio, v.g. an Plato verè mac'taverit Plautum; tunc Plato censendus est irregularis tam in foro externo, quàm interno; si verò oriatum dubium Juris de eodem homicidio, v.g. an in tali casu reverà sit irregularitas à Canonibus inducta; tunc Plato in neutro foro reputandus est irregularis. Ita Azor. Covarr. Suar. &c. Primum constat ex *cap. Ad audiensiam.* Estq; Ratio; quia in dubio facti pro utroque foro procedit illa regula canonica, quòd in dubiis tutior pars sit eligenda; quæ hic est, gerere se pro irregulari. Secundum habetur in *cap. 1. qui 18. de sent. excomm. in 6.*

3. Nota primò: si furiosus durante furore, aut dormiens quâ talis, vel penitus ebrius mac'tet hominem; non censetur formalis voluntarius homicida, & consequenter non efficitur irregularis; uti constat ex *Clement. Si furiosus, unic. hoc tit.* Et est Ratio; quia tales non censentur habere usum rationis. Secus est, si furiosus habeat lucida aliqua intervalla, & in eis trucidet hominem. Ratio est; quia talis trucidando utitur ratione, & voluntate deter-

minata; unde etiam potest ut homicida puniri in foro civili *L. & Marcus 15. ff. de offic. Presid.* Ubietiam punitur ebrius occidens non quidem poenâ homicidæ; sed alia mitiori; eò quòd rei illicitæ operam dederat, *L. omne delictum, 6. ff. de re militari.*

4. Dico tertio: qui cum moderamine inculpatae tutelæ occidit aliquem, ad defensionem necessariam sui corporis seu suæ personæ & vitæ, non efficitur irregularis; secus dicendum, si non servato dicto moderamine occidat. Ita Covarr. Suar. &c. DD. Primum constat ex *Clement. Si furiosus, unic. hoc tit.* Estque Ratio; quia vim vi repellere licet, maxime ad defensionem corporis, personæ, & vitæ propriæ, & propulsare invasorem injultum ejusdem *L. ut vim, 3. ff. de just. & jur.* Secundum colligitur ex *cap. Significasti 15. hoc tit.*

5. Dico quarto: qui verò occidit aliquem præcisè ad defensionem proprii honoris, & famæ, vel bonorum temporalium, irregularitate maculatur. Ita Avila, Navar. Sylv. &c. DD. Primum colligitur ex *Clement. unic. hoc tit.* Estque Ratio; quia honor, & fama læta aliis mediis competentibus reparari potest, quàm occisione; unde occidens in vindictam, & non servato moderamine inculpatae tutelæ, maculasse censetur. Secundum constat ex *cap. Si perfodiens 3. Et cap. Suscepimus, 10. hoc tit.*

6. Dico quinto: qui publica auctoritate concurrat proximè ad occisionem justam aliqujus, uti facit Judex, ferens sententiam mortis, incurrit irregularitatem. Ita communis DD. Et constat in *can. Sepè 29. & seq. caus. 23. q. 8. Et cap. Ex literis 10. de excessibus Prælat.* Dixi proximè; quia qui remotè, & quasi per accidens tantum concurrat ad talem occisionem, uti gladiifex, conficiens gladium carnificis, & faber lignarius construens furcam, non efficitur irregularis, secundum Molin. Pirh. &c. Nec incitans jumentum, cui suspendendus infidet, ut citò progrediatur; vel in via adhortans Reum, ut citò progrediatur; uti habet cit. Pirh. dummodo incitatio & auctoritatio non causet notabilem accelerationem mortis, uti habet Laym.

7. Dico sexto: etiam testis ita deponens in causa sanguinis, ut mors deinde sequatur, irregularis redditur; tamen si protestetur, se non testificari ad condemnationem Rei formandam. Ita Diaz, Covarr. Navar. &c. Et constat ex *can. de his 6. Et can. Si quis 8. dist. 50.* Estque Ratio; quia testis suo testimonio effaciter influit in sequentem mortem Rei; eò

enim movetur Judex ad ferendam sententiam sanguinis. Idem dicendum putant cit. DD. De Advocato contra Reum efficaciter advocate; & colligitur ex *cap. 2. hoc tit. in 6.* Spectatores autem quâ tales executionis sententiæ sanguinis non efficiuntur irregulares; modo non cooperentur ad supplicium; uti habet Navar. Suar. &c.

8. Dico septimo: maliciosè mutilantes, id est amputantes aliquod membrum hominis principale, quod distinctam habet functionem, v.g. manum, pedem, oculum &c. incurrunt irregularitatem. Ita Avila, Molin. Sylv. &c. Et colligitur ex *cap. Clericis sine Clerici, vel Monachi, &c. Et cap. in Archiepiscopatu 4. de raptor.* Qui verò tantum reddit aridum, & inutile membrum principale hominis, citra ullam mutilationem; nullam incurrit irregularitatem; uti habet Navarr. Pirhingus, &c. Nullo enim Canone irregularitas aliqua exprimitur, resultans ex simili actione arefactiva.

9. Dico octavo: Omnes occidentes in bello injusto, & occisoribus talibus auxilium præbentes per armorum subministrationem, facientes adhortationem, custodiam sarcinarum exercentes, aut aliò quòvis modò auxiliantes, irregularitate afficiuntur, securâ morte, vel mutilatione, etiam unius duntaxat personæ inimicæ. Ita Covarruvias, Avila, Navar. &c. Et constat ex *can. Si quis, 4. dist. 51. Et cap. Sicut, 6. hoc tit.* Non sunt autem irregulares Laici in bello justo necessario occidentes ad defensionem patriæ; uti habet Suarez. Pirhingus. Clericus tamen in tali bello occidens fieret irregularis, si absit casus inevitabilis necessitatis; uti constat ex *cap. Petitio, 24. hoc tit.* Possunt tamen Clerici in tali bello justo necessario citra periculum irregularitatis milites adhortari ad fortiter pugnandum contra hostes, *can. 7. Et 9. Et 10. Et 17. caus. 23. q. ult.* In propria autem persona non debent pugnare, *can. 5. & seq. cit. causâ;* præterquam in casu inevitabilis necessitatis: quando scilicet defuncti Laici defensores, & pugnatore; uti notat Abbas, & cæteri Doctores.

## CAP. IV.

### Quid specialiter de Homicidio statutum pro Ordine Franciscano.

**N**Ota primò: Homicidii voluntarii iniusti prohibentur recipi ad Ordinem Franciscanum de Observ. & Reform. si ex actis publicis constiterit, Iudices, & Curiam secularem de crimine Homicidii adversus eos suscepisse accusationem; vel instituisse inquisitionem; ut habet Sancti. Et statuitur in quadam Bulla Sixti V. *Ad Romanum Pontificem*. Et alia eiusdem *Cum de omnibus &c.* Casuales tamen Homicidii, & tales ex defectu lenitatis, (cuiusmodi sunt Iudices in causa mortis; & milites in bello iusto; & qui ad se

voluntario, vel casuali.

251

defendendum occiderunt;) poterunt recipi; uti habet Sanctior. Peirin. &c. Idem dicendum de Homicidis occultis; uti habent *cit.* DD. Et quorum crimen tantum deductum est coram Iudice Ecclesiastico; non autem saeculari; uti habet Portel, & Sanctior.

2. Nota secundò: Si contingat aliquem Minorem de Observ. vel Reform. aliquò instrumentò malitiosè percutere, & occidere Prælatum localem (quod facinus DEUS avertat) is mittendus est arbitrio Superioris ad trirèmes. Si verò hoc facinus commiserit in Provinciale, Generalis arbitrio ad trirèmes condemnandus est perpetuò; uti ordinant Constat. Gen. Ord. *cap. 7. §. 6. n. 53.* Quòd si etiam sic percussit, & occiderit tantum saecularem, pariter ad trirèmes condemnatur *ibidem n. 52.*

# TITULUS XIII.

## De Torneamentis.

### CAP. UNICUM.

#### Quædam Resolutiones circa Torneamenta.

**N**Ota primò: *prioribus tit.* de homicidio tum in genere, tum in specie, Papa relictè adjungit *hunc tit.* vel accessorium, agendo de nonnullis actibus, quibus plerumque datur occasio, & causa homicidii; & huiusmodi actus sunt Torneamenta. Dicuntur autem Torneamenta à voce Italica *torneare*, id est *circuire*, seu *gyrare*; nam Torneamenta sunt lusus, plerumque soliti fieri in gyrum.

2. Dico primò: bene describuntur Torneamenta, quòd *sunt certi lusus hastiles, quibus milites certis temporibus* (quæ nundinæ, seu feriae militares dicuntur) *ex consuetudine convenire solent, & ad ostentationem virium suarum, ac audacia temere congruunt, cum vite periculo.* Ita constat ex *cap. 1. hoc tit.* Et *L. cum lusus 10. ff. ad Leg. Aquil.* Ly lusus est genus: reliqua collocantur pro differentia.

3. Dico secundò: Torneamenta præfata sunt prohibita Christianis. Ita Glossa Tholosan. Pirh. &c. Et constat ex *cap. 1. hoc tit.* Et *L. cit. 10.* Estque Ratio; quia ut ait *cit. cap. 1.* Torneamenta suprà descripta, continent plerumque mortes hominum, & animarum pericula.

4. Dico tertio: in Torneamentis aliquem occidens Homicidii Reus, ac irregularis efficitur; insuper Sepultura Ecclesiastica ei deneganda est; postulant tamen non est subtrahenda pœnitentia. Ita communis DD. Et habetur *cap. 1. Et 2. hoc tit.* Si tamen aliquis spectandi causâ tantum accessisset tales ludos Torneamentorum, & ibidem casualiter obisset: aut etiam ipse exercens Torneamenta per casum mortuus fuisset, v. g. quia lapsus fuit ex equo; tunc sepultura Ecclesiastica ei deneganda non est; maxime si Extremam Unctionem, & Viaticum sumpsisset, *cit. cap. 2.*

5. Nota secundò: prædictæ prohibitiones, & pœnæ Torneamentorum procedunt duntaxat de Torneamentis præfatis Romanorum; & illis modernis, ubi mortes, & vitæ pericula solent plerumque intervenire; uti patet ex *cap. 1. Et 2. hoc tit.* Cæterum tolerantur lusus illi hastiles Christianorum, qui nonnunquam solent fieri in inauguratione, nativitate, adventu, vel alia festiva circumstantia Cæsarium, Regum, aliorumque Principum, quando carent periculis vitæ; nec exhibentur more antiquo; uti notat Vallens. & Zoës. Et propterea D. Papa Joannes XXII. in sua *Extrav. unica, hoc tit.* revocavit Constitutionem Clementis V. quâ sub pœna excommunicationis, & interdicti exhibitio Torneamentorum solita fieri in quibusdam regionibus prohibetur, absolvitque obnoxios simili censurâ; eò quòd per

per illam à subsidio Terræ S. & à militia revocantur complures, sub metu, nè dictas census incurrerent.

6. Nota tertio: agitationes Taurorum solite fieri in Hispania instar Torneamentorum sese habent, si fiant cum periculo vitæ plerum-

que: quare pariter prohibita sunt à variis Pontificibus, signanter à Pio V. Gregorio XIII. Sixto V. & Clement. VIII. Si tamen in eis adhibeantur debitæ cautela, ita ut cædes humana sequi nequeat; putat Navar. Gutier. & Azor. ipsas tolerari posse.

## TITULUS XIV.

### De Clericis pugnantibus in duello.

#### CAP. UNICUM.

##### Variæ Resolutiones de Duellantibus.

1. **N**Ota primò: continuat Papa discussionem criminum; & post Torneamenta *hoc tit.* tractat de Duellis, ex quibus crebræ cædes humanæ proficiuntur: Dicitur autem *Duellum* quasi *duorum bellum*: hoc quandoque Canones ex Græco appellant *Monomachiam*, quasi pugnam unius tantum cum altero; ut videtur est *can. Monomachiam, caus. 2. q. 5.* Unde

2. Dico primò: rectè describitur Duellum, quòd *sit pugna singularis duorum inter se, ex conditione ista.* Ita colligitur ex *can. cit.* Et habet Hostiens. Sylv. &c. *Ly pugna* est genus; reliqua ponuntur pro differentia. Solet autem committi Duellum ob quinque potissimum causas; puta vel ad probationem veritatis, seu criminis purgationem: vel ad vires corporis ostendendas; vel ad spectantium animos oblectandos; vel ad defensionem proprii honoris, seu ignominiam vitandam: vel ad terminandam aliquam litem civilem; uti notant Azor. Sayr. &c.

3. Dico secundò: Duellum est gravissimè prohibitum, ex quacunque causa præfata offeratur, vel suscipiatur, excepto casu, in *frà not. ult.* adductò. Ita communis Theolog. & Canonist. Et constat ex variis Juribus generaliter prohibentibus Duellum, signanter ex *can. Monomachiam 22. caus. 2. q. 5.* Et *cap. 1. & 2. hoc tit.* Et ex *L. unica C. de gladiatores lib. 11.* Et ex *Constit. Julii II.* Et *Clementis VII.* Et *Pii IV.* Et *Gregorii XIII.* Et ex *Tridentino sess. 25. cap. 19. de Reformat.* Ubi etiam Ratio principalis hujus prohibitionis tangitur, & dicitur: *Detestabilis Duellorum usus fabricante Diabolo introductus, necneciam corporum morte, animarum etiam perniciem lucretur, ex Christiano orbe penitus exterminetur; ubi etiam graves pœnæ taxantur pro Duellantibus.* Circa quas

4. Nota secundò: Clerici duellantes sunt primò deponendi ab officio, & beneficio; uti habetur *cap. 1. hoc tit.* *Secundò*, iidem efficiuntur irregulares, si in Duello occidant, *cap. 2. hoc tit.* Imò tamen tantum subornent alium pugilem ad Duellum, qui deinde occidat, *cit. cap. 2.* Et jubentur deponi Clerici duellantes etiam si non occidant, sed victores evadant in suscepio Duello, *cit. cap. 1. hoc tit.* Prælatas tamen pœnas non incurrunt Clerici solum provocantes ad Duellum, & actu illud non exercentes; uti notat Suar. Pirh. &c.

5. Nota tertio: pro Laicis Duellantibus in Concilio Tridentino *sess. 25. cap. 19. de Reformat.* statuta sunt sequentes pœnæ. *Primo*, excommunicantur Imperatores, Reges, Duces, Principes, Comites, & alii quicunque Domini temporales, concedentes locum ad Monomachiam. *Secundò*, iidem privantur jurisdictione, & dominio civitatis, castri, vel loci, in quo, vel apud quem Duellum fieri permiserint; si id ab Ecclesia obtineant: quod si sit feudum, id statim acquiritur, & redit ad Dominum directum. *Tertio* Pugnantes, & eorum Patroni excommunicationis, & omnium bonorum proscriptionis, ac perpetuæ infamiae pœnam incurrunt: & ut Homicidæ juxta Sacros Canones puniri debent. *Quarto*, si in ipso conflictu decesserint, perpetuè carent sepulturâ. *Quinto*, qui consilium ad Duellum tam Jurè, quam facto dederint: vel aliâ quacunque ratione ad id quemquam persuaserint; necnon spectatores, excommunicationis vinculo tenentur; non obstante quòcunque privilegio, aut pravâ consuetudine, etiam immemorabili. Et *Clemens VIII.* in *Bulla Missivica &c.* absolutionem duelli reservat Sedi Apostolicæ. Reginald. tamen Filliuc. & Laymputant Religiosos Mendicantes extra Italiam posse per sua privilegia absolvere duellantes, ac patinos.

6. Nota quartò: non videntur autem pœnas Duelli incurrere illi, qui ad terminandum aliquod bellum justum, & ad evitandas ejus calamitates, cum uno ex hostibus monomachiam

chiam ineunt cum facultate publica; uti habet  
Zoes Azor. Navar. Nam ratio boni publici  
hoc genus pugnae subeuntes excusat à culpa:

& coniequenter à poenis correspondentibus  
culpæ. Quò-modò certamen Davidis cum  
Philistæo est approbatum in Sacris Literis.

## TITULUS XV.

### De Sagittarijs.

#### CAP. UNIC.

Quid circa Sagittarios di-  
cendum?

1. **N**ota primò: in hoc tit. breviter affer-  
tur prohibitio contra exercitium  
quoddam periculosum, sæpe inferens  
crimen homicidij, quod exercent Sagittarij;  
& est ars, seu usus ballistarum, consistens in  
jaciendis sagittis adversus Christianos.

2. Dico primò: Sagittarius, de quo hic,  
rectè describitur; quòd sit homo jaciens peri-  
culosas sagittas adversus Christianos, & Carboli-

cos in bello injusto. Ita constat ex cap. unic. hoc  
tit. Ly homo est genus; reliqua habent ratio-  
nem differentia.

3. Dico secundò: est prohibitum Chri-  
stianis adversus Fideles in bello injusto agere  
Sagittarios. Ita communis DD. Et habetur  
in cap. unic. cit. Ubi etiam contra usum bal-  
listarum, seu artem mortiferam Sagittariorum  
fulminatur anathema; & eandem contra Fi-  
deles exercentes, cum secuta occisione, red-  
duntur irregulares. Estque Ratio hujus Ca-  
nonis; quia ars Sagittariorum plerumque  
exercetur cum occisione, & homicidio in-  
justo.

## TITULUS XVI.

### De adulterijs; & stupro.

#### CAP. I.

De quidditate, prohibitione,  
modis, accusatione, & pro-  
batione Adulterij.

1. **N**ota primò: presenti tit. persequitur  
Papa duo crimina carnis, quæ sunt  
Adulterium, & stuprum. Per con-  
nexionem autem materiæ de alijs quoque  
concupitiis illicitis, quibus vel thorus pro-  
ximi violatur; vel pudicitia læditur, agetur.  
Adulterium sic dicitur, quasi transitus *ad al-*  
*terius thorum*, uti notat Hostiens. Hoc se-  
cundùm Jura Civilia propriè committitur  
tantùm in alienam nuptam, seu conjugatam;  
non autem virginem, vel viduam, L. 6. §. 5.  
Et L. stuprum §. 1. ad L. fin. de adul. Cujus  
Ratio est; quia Civilia Jura attendunt adul-  
terium potissimè ex feminis confusione, & in-  
certitudine prolis; cum ex parte feminae  
adulteræ ignoretur, num proles secuta sit  
adulterina, an verò propria mariti. Et in  
hoc sensu etiam procedit definitio Adulterij,  
data can. non machaberis, caus. 32. q. 5. quòd sit  
alieni thori violatio. At secundùm Jura Ca-  
nonica adulterium etiam committitur in so-  
lutam, carnaliter cognitam ab uxorato, can. 19.  
Et fin. caus. 32. q. 5. Cujus Ratio est; quia  
hæc Jura attendunt adulterium etiam secun-

dùm fidem conjugalem, & castimoniam, quæ  
eadem requiritur in marito, ac in uxore, can.  
præcipit cit. caus. 6. q. Unde

2. Dico primò: rectè describitur Adul-  
terium, quòd sit concubitus carnalis illicitus inter  
utramque, vel unam saltem personam ligatam.  
Colligitur ex cit. caus. 32. Et varijs cap. hujus  
tit. Ly concubitus est genus; reliqua ponuntur  
pro differentia. Circa alterum articu-  
lum.

3. Dico secundò: Adulterium est gravis-  
simè prohibitum. Ita communis TT. & Ca-  
nonist. Et constat tum ex Decalogo Divo, il-  
lis verbis, non machaberis. Tum ex varijs  
Legibus Civilibus, & Canonicis, vetantibus  
hujusmodi illicitos concubitus; & gravissi-  
mas poenas pro iisdem statuuntibus, quæ in-  
fra afferentur. Circa tertium articulum.

4. Nota secundò: Adulterium committi  
potest tribus modis. Primò quando conju-  
gatus cum conjugata habet copulam carna-  
lem; quo modo vocatur alienæ matrismam-  
lias corruptio, L. fugitivum 25. ff. de V. S. Se-  
cundò si conjugatus exerceat concubitus  
carnalem cum femina soluta, puta vidua, vel  
virgine; & de hoc procedit can. 19. caus. 32.  
q. 5. sub hoc modo etiam comprehenditur  
concubitus ligati cum sponsa alterius de fu-  
turo; uti notat Zoës. Covarr. Cum sponsa  
tamen de præsentī sit adulterium primī modi:  
nam cum tali sponsa, etsi nondum cognita  
à viro

## CAP. II.

## De pœnis Adulterij, alijsq; ipsum concernentibus.

à viro suo, jam est matrimonium ratum suppositò, quod juxta Trid. adfuerit eis Parochus ordinarius. *Tertio* si è contra fœmina conjugata commisceatur carnaliter cum viro soluto. Et de hoc procedit etiam *can. præcipit caus. 32. q. 5.* Adulterium primi modi vocatur duplex; secundi verò, & tertij modi dicitur simplex.

5. Nota tertio: ad accusandum Adulterium admittuntur sequentes. *Primò* autè omnes, etiam ante patrem adulteræ, admittitur maritus adulteræ; uti habetur *L. 2. ff. ad L. Jul. de adult.* *Secundo*, post maritum nolentem, aut cessantem accusare, admittitur pater adulteræ, uti constat ex *L. cit.* *Tertio* post hunc cæteri cognati; puta frater, patruus, & avunculus adulteræ; uti & alij, quos verus dolor ad accusandum impellit, *L. quamvis 30. C. ad L. Jul. de adult.* *Quarto*, quamvis Jure Civili uxor non possit criminaliter accusare virum de adulterio, *L. 1. C. hoc tit.* Jure tamen Canonico id facere potest, *arg. cap. signis 4. caus. 32. q. 1.* Debet autem accusatio criminalis de adulterio commissio à marito, vel patre adulteræ interponi spatio 60. dierum utilium, computandorum à tempore soluti matrimonij per divortium, *L. non solum 3. Et L. jure 6. C. hoc tit.* Circa quinquum articulum hujus cap.

6. Nota quarto: crimen Adulterij, difficile probo probari per testes, documenta, seu instrumenta; cum plerumque patretur seclusis arbitris: quare per solas præsumptiones, seu conjecturas ejusdem probationes conficiuntur; uti notat Menoch. Pirh. Mascard. &c. Et colligitur ex *cap. Maritus 4. hoc tit.* Debet autem præsumptio seu conjectura, ut subministret sufficientem probationem commissi Adulterij, esse violenta, & quæ sufficit ad condemnandum: quare non sufficit sola suspicio probabilis, *cap. Afferre 2. Et cap. Litteris 12. de præsumpt.* Et tales præsumptiones violentæ essent sequentes: si litteræ amatoris mulieris fuissent inventæ, quibus ipsa fateretur præteritum concubitus cum tali viro; uti habet Menoch. & Pirh. Vel si solus cum sola, nudus cum nuda in eodem lecto reperiretur; uti constat ex *cap. 12. cit.* Vel si maritus per annum abiens deinde reversus inveniat uxorem gravidam; uti habet communis DD. Vel si mulier etiam post trinam prohibitionem debitè factam nihilominus suspecta colloquia faciat cum alieno viro, cùmque eo moretur, *Authem. signis ei, C. hoc tit.*

1. **N**ota primò: Adulterium habet à Legge Divina, Canonica, & Civili præscriptas pœnas. Lege Divina Deuteronomii 22. infligenda est adulteris lapidatio. Jure Canonico Laici adulterantes in adulterio perseverantes imprimis sunt excommunicandi, *cap. Intelleximus 6. hoc tit.* Præterea adultera detrudenda est in monasterium ad agendam ibidem pœnitentiam, *cap. Gaudeamus 19. de convers conjug.* Potest item pars innocens denegare debitum conjugale; & notoriè rea nequit illud exigere. Item potest agere ad separationem thori, & cohabitationis; seu procurare divortium, *cap. Ex litteris 5. de divorti.* Item mulier adultera amittit dotem post latam sententiam divortij, eamque lucratur maritus innocens, *cap. Plerumque 4. de donat. inter vir. & uxor.* Si verò Clericus Adulterium committat, deponendus est ab officio, & ordine Clericatus, acin monasterio pro agenda pœnitentia totà suà vità collocandus est, *can. signis 10. Et can. seq. dist. 81. Et cap. Cum ab homine 10. de judic.* Evadit insuper post sententiam intamis; uti habet Abbas. Presbyter per solam confessionem mulieris adulteræ purgare se debet purificatione canonica, cum manu quinta sui Ordinis; id est cum Presbyteris vicinis, in qua si defecerit deponendus est, *cap. 5. hoc tit.*

2. Nota secundo: Jure Civili quando agitur criminaliter decreta est pœna sanguinis, & gladij in adulterantes; ut constat ex *L. transgere, C. de transact.* Et *L. quamvis 30. C. ad Leg. Jul. de adult.* sed hanc pœnam postea Justinianus in fœminis adulteris propter sexus fragilitatem mitigavit, & commutavit in verberationem virgarum, ac monasterij detusionem; ita tamen ut intra biennium marito liceat uxorem suam adulteram sic castigatam recipere: quod si verò is eam recipere nolit, detinenda est toto tempore vitæ in monasterio, *Auth. sed hodie C. cit.* Imò jam per consuetudinem, & particulares singularum Provinciarum constitutiones plerumq; adulteri puniuntur vel pœnâ pecuniariâ, vel visitatione, vel carcere, vel relegatione, vel aliâ arbitrariâ; uti notat Eng. Farinac, Clarus &c. Si verò agatur civiliter de hoc delicto, scilicet ad separationem thori, tunc facta separatione, tam dotem, quam donationem propter nuptias factam lucratur pars innocens,



cens, *Novell. 117. cap. 8. Et L. consensu C. de repud.*

3. Nota tertio: maritus tenetur dimittere uxorem adulteram non respicientem; nec eandem durante prava hac consuetudine potest sibi reconciliare, *cap. si vir 3. hoc tit.* Nam aliàs esset patronus turpitudinis, utpote celans crimen suæ uxoris, *can. si quis 6. caus. 32. q. 1.*

4. Nota quarto: aliquando certis de causis cessant pœnz contra adulterantes statutz: & primò si conjuges utrinque adulterentur; nam tunc censentur crimina eorum ad invicem compensari, tam quoad amissionem dotis, & donationis propter nuptias; quàm quoad divortium, ita ut neuter præfatis pœnis afficiatur; uti constat ex *cap. Intelleximus 6. Et cap. Tue fraternitatis 7. hoc tit.* Et *L. viro 39. ff. soluto matr.* Secundo, si uxor sit violenter oppressa, *L. si uxor 13. ff. hoc tit.* Tertio, si maritus post patratum Adulterium nihilominus uxorem retinuit, vel eandem sibi reconciliavit, *arg. cap. quemadmodum 25. de jurejur.* Et *can. si illi 29. caus. 23. q. 4.*

5. Nota quinto: Episcopus potest dispensare cum suis Clericis in pœnis Adulterij, & aliorum criminum inferiorum, *cap. Cum non ab homine, de judic.* si tamen ob enormitatem criminis, eidem esset infligenda pœna sanguinis, id servatis servandis fieri debet à JUDGE laico, *cap. Sententiam.* Et *cap. Clericus; ne Clerici, vel Monachi.*

6. Nota sexto: Jure Civili receptum fuit, quòd pater filiam in Adulterio deprehensam poterat occidere simul cum adultero, *L. patri 20. ff. hoc tit.* Sed Jus Canonicum dicto patri ademit ejusmodi potestatem ob jacturam salutis, quam probabiliter subirent adulteri in tali statu; uti notat Covarr. & Azor.

### CAP. III.

#### De Stupro.

1. Nota primò: Stuprum in largo & stricto sensu posse accipi. In largo sumitur pro concubitu carnali cum quacunque soluta virgine, vel vidua integre vite, *L. inter litteras 6. Et L. inter Stuprum 101. ff. de V. S.* De stupro in stricto sensu

2. Dico primò: stuprum strictè sumptum rectè describitur; quòd sit defloratio illicita virginis, non præcedente nullo pacto conjugal. Ita defumitur ex *can. lex illa 2. caus. 36. q. 1.* Ly defloratio est genus; reliqua ponuntur pro differentia. Est autem Stuprum aliud non violentum, quod committitur, si virgo consentiat in sui violationem. Et aliud violentum, quod committitur, dum virgo per vim defloratur.

3. Nota secundò: secundum Leges Civiles laicus stuprator violentus punitur pœna Legis Juliz de vi publica, *L. in eadem ff. ad L. Jul. de vi publica.* Vel etiam pœnâ capitis, uti vult Glossa, Clarus &c. Sed circa supra hodie servatur Jus Canonicum, quod ordinat, ut omnis stuprator laicus aut dotet puellam stupratam; aut in uxorem ducat, *cap. 1. & 2. hoc tit.* Clericus verò violentus stuprator debet dotare puellam; & deinde est deponendus ab officio; uti vult Abbas, Clarus &c. Et in arcum monasterium detrudendus; uti habet Diaz, Pirh. &c.

4. Nota tertio: Puella vi, vel fraude deflorata, non tenetur stupratorem ducere in maritum; etiamsi offerat connubium; uti habet Pirh. Et si ipsa postea assequatur æquè commodum matrimonium, ac si non fuisset deflorata, eò quod stuprum manserit occultum; tunc nec deflorator tenetur ei dare ullam aliam satisfactionem, vel compensationem; uti habet Navar. Less. Pirh. &c. Si etiam puella liberè consentiat in sui deflorationem, stuprator non tenetur eam dotare, nec ducere; quamvis suasionibus, & precibus, eandem disposuisset ad copulam; uti habet Less. Molin. &c.

5. Nota quarto: quando stuprator promittit virgini matrimonium, & ipsa propterea consentit in concubitus, obligatur deflorator eam ducere in uxorem; uti habet Zoëf. Lugo, &c. Et est Ratio; quia talis deflorator ad matrimonium perficiendum tenetur ex contractu oneroso; postquam scemina adimplevit ex parte sua contractum. Quod etiam procedit, etsi deflorator talis prius, vel post emisisset votum simplex castitatis, vel Religionis; uti habet Lugo, Less. (quo casu tamen vir non poterit petere debitum, nisi accedat dispensatio, nec hac mortuâ aliam ducere;) &c. Excipitur casus, si deflorator sit vir notabiliter excedens conditionem scemina, idque ipsa sciverit; puta si vir sit nobilis, scemina verò rustica; uti notat Sanch. Pirh. &c. quo casu tamen tenetur illam dotare; uti habet idem Sanch. Zoëf. Less. &c. Item alter casus, si videlicet scemina se ante copulam fingat virginem; cum tamen non esset; uti habent cit. DD. Item tertius, si nimirum scemina post stuprum cum alio committat fornicationem; uti notant idem DD.

6. Nota quinto: puella stuprata in dubio præsumitur Virgo fuisse; & stupratori neganti eam fuisse virginem, incumbit probatio, quòd ipsa prius fuerit ab alio deflorata: sicut quivis

quivis præsumitur bonus, donec probetur malus, *L. morio ff. pro socio*. Præsertim si puella sit parata jurare de sua virginitate.

## CAP. IV.

De fornicatione, concubinato, incestu, sodomia, sacrilegio, mollitie & bestialitate.

**N**ota primò: *Fornicatio* sic dicitur, eò quòd meretrices in *fornicibus*, id est locis abditis & obscuris commorentur, uti notat Menoch. Describitur autem beneficium, quòd sit *concubitus carnalis personæ solutæ cum solutâ jam defloratâ*. *Ly concubitus* est genus; reliqua ponuntur pro differentia. Per *ly personæ solutæ* intelligitur mas, liber ab omni vinculo, puta conjugij, consanguinitatis, affinitatis, sacri Ordinis, Religionis seu voti. Hic concubitus dicitur *can. 7. caus. 36. q. 1.* simplex fornicatio, ad distinctionem aliorum delictorum carnalium.

2. Dico primò: Fornicatio est sub mortali prohibita. Ita communis DD. Et constat tum ex *Epist. D. Pauli ad Cor. 6.* Et ad *Gal. 5.* Et ad *Ephes. 5.* Et ex *can. nemo 4.* Et *can. meretrices 11. caus. 32. q. 4.* Et *Clement. ad nostrum 3. de heret.*

3. Nota secundò: de Jure communi Civili nulla quidem constituta est pœna pro simplici fornicatione, uti constat ex *L. 1. C. de concubin.* Hodie tamen ubique punitur per leges particulares Provinciarum: uti & Jure Canonico; quod tamen arbitrium relinquit Judicibus. Et si Clericus eam exerceat cum scandalo, deponendus est ab Officio, & beneficio; uti notat Menoch. & Farin. Fornicarius non quidem tenetur dotare scēminam, cum qua habet consuetudinem; alere tamen tenetur prolem, quam scēmina ex eo concepit, *cap. 5. & ibi DD. de eo, qui duxit &c.* Circa concubinatum.

4. Nota tertio: secundum Jura Civilia concubinarus dicitur ille, qui domui suæ locò uxoris retinet mulierem solutam, & cum ea carnaliter commiscetur, *tit. de concubin.* Secundum verò Canonica is propriè dicitur concubinarus, qui solutam, & corruptam mulierem in domo, vel foris tenet pro carnali commercio consuetudinarius. Unde sic potest describi rectè concubinatus, quòd sit *illicitum continuatus concubitus cum aliqua scēmina solutâ, & corruptâ in domo sua, vel alibi commorante*. *Ly concubitus* est genus; reliqua ponuntur pro differentia: & signanter per *ly continuatum* differt concubinatus à simplici fornicatione, quòd hæc fiat etiam unico actu

concubitus illiciti; concubinatus verò requirat consuetudinem, seu repetitum, & continuatum concubitus; uti rectè annotat Diaz, Farinac. &c.

5. Dico secundò: concubinatus à S. Canonibus est gravissimè prohibitus. Ita communis TT. & Canonist. Et constat ex *can. præter 6. dist. 32.* ubi concubinatus Clericis vetatur; & qui in hoc notoriè deliquerit, jubetur suspendi ab officio, & beneficio, quousque resipiscat. Et ex Trident. *sess. 24. de reform. matrim.* ubi concubinatus laicorum prohibetur; & concubinarij laici tam soluti, quam uxorati cujuscunque status, dignitatis, & conditionis existant, si postquam ab Ordinario etiam ex officio ea de re ter admoniti fuerint, concubinas non ejecerint, sēque ab eam consuetudine sejunxerint, excommunicatione feriendi sunt; à qua non absolvantur, donec reipsa admonitioni factæ satisfecerint. Et mulieres concubinæ post ternam admonitionem continuantes concubinatum, pariter puniendæ sunt ab Ordinario pro modo culpæ; & ejiciendæ extra oppidum, si ita bene visum fuerit eidem Ordinario. Secundum Jura autem antiqua Canonica Laici concubinarij puniebantur arbitrio Judicis; ut notat Clarus. Circa incestum.

6. Nota quartò: Incestum bene describi, quòd sit *illicitus concubitus carnalis cum consanguineis, vel affinibus in gradu prohibito*. Ita constat ex *can. Lex illa, caus. 36. q. 1.* *Ly concubitus* est genus; reliqua ponuntur pro differentia. Incestus itaque committitur si fiat concubitus cum ascendentibus, vel descendentibus per lineam rectam; puta si pater cum filia; vel avus cum nepote; vel nepos & avia, &c. copulam carnalem habeat. Item si exercentur concubitus inter cognatos, & affines in linea laterali, sive transversali usque ad quartum gradum inclusivè.

7. Nota quintò: Incestus aliquando committitur sine matrimonio; & aliquando cum matrimonio, quo casu dicuntur fieri nuptiæ incestuosæ, de quibus *Novell. de incestuosis nupt.* Et *L. fin. C. eod.* Incestus à Laico factus sine matrimonio de Jure Canonico puniendus est excommunicatione; & insuper si talis laicus sit uxoratus, privatur jure petendi debitum ab uxore; ac defunctâ uxore nequit contrahere matrimonium cum ulla alia scēmina, *can. si quis 5. caus. 35. q. 2.* Incestus verò Clerici puniendus est depositione perpetua ab Ordine, Officio, & beneficio, *arg. can. non debet 10. caus. 30. q. 1.* Et habet Abbas, Pirh. Engel &c. De Jure Civili Incestus punitur pœnâ Adulterii, id est capitis detractione, *L. miles 11. ff. ad Leg.*

ad Leg. Jul. Hodie autem poena incestus evasit arbitraria ; sicut & poena Adulterii, secundum Farinac, Engel, & alios DD.

8. Nota sextò : Si incestus sit commissus cum Matrimonio ; tunc Jure Civili bona incestuosi jubentur confiscari ; nisi extent liberi, qui præferuntur Fisco. Præterea idem privandus est omni dignitate, mittendus in exilium, & verberandus, si sit persona vilis : si verò sit altioris Ordinis, redditur infamis, *Auth. Incestus C. de Incest. Nups.* Circa Sodomiam.

9. Nota septimò : crimen turpissimum, nefandum, ac homine Christiano prorsus indignum Sodomia sic dicitur à Sodomia Urbe, in qua olim viguit frequens usus hujus peccati, quæque propterea ab igne cœlesti fuit absumpta. *Gen. 19. cap.* Sodomia rectè describitur, quòd sit illicitus concubitus contra naturam exercitus, non servato sexu, vel vase ordinario. Ita constat ex *can. usus 14. caus. 32. q. 7.* Ly concubitus est genus ; reliqua ponuntur pro differentia.

10. Dico tertio : crimen Sodomiz est gravissimè vitium. Ita communis DD. Et constat tum ex S. Scriptura Levit. 18. ibi, *cum masculo non commiscearis coitu femineo : quia abominatio est.* Et ex *cap. ut Clericatum 13. de vit. & honest. Cleric.* Et *Constit. Pii V.* incipit, *horrendum illud scelus, &c.* Et *§. item Lex Julia, Infit.* de public. Judic.

11. Nota octavò : Sodomiam reputari, sive masculus cum masculo concubat ; sive femina cum femina ; sive masculus cum femina non servato vase ordinario, à natura ad copulam carnalem instituto : sed adhibito præpostero ; quamvis Azor. & Tanner. velint hunc ultimum coitum masculi scilicet cum femina in vase præpostero non esse Sodomiam strictè dictam, & subiectam poenis pro Sodomia constitutis ; peccatum tamen contra naturam gravissimum, & meritò puniendum : poenà tamen minori, quàm Sodomia propriè dicta.

12. Nota nonò : Sodomia propriè dicta, id est concubitus masculi cum masculo, vel femina cum femina, Jure Canonico punitur primò in Laicis excommunicatione : in Clericis verò depositione ab Ordinis statu Clericali, & beneficio, ac detrusione in Monasterium ad agendam poenitentiam, *cap. Clerici 4. de excess. Prelat.* Et Clericus Sodomita notorius si celebret post suspensionem ab ordinum executione factam per Judicem, fit irregularis ;

non item occultus ; uti habet Azor. & Navar. Item ex Bulla *et. Pii V.* Clericus Sodomita debet degradari, & degradatus tradi Judici seculari, ut is statuatur in eum supplicium, quod in Laicos tales statuunt legitime sanctiones. Secundo Jure Civili Sodomita plerendendus est poenà capitis, *L. cum vir 31. C. ad Leg. Jul. ad adult.* Et *§. item Lex Julia Infit. de public. Judic.* In quibusdam etiam Regionibus consuetudo, vel lex municipalis obtinuit, ut Sodomitz igne concrementur ; uti notat Clarus. Consciscatur etiam meritò eorum bona : ut habet Glossa, Menoch. & Clarus. Plura de his vide apud Farinac. Ricc. & Clar. Circa Sacrilegium.

13. Nota decimò : Sacrilegium, prout est delictum carnis, rectè describitur, quòd sit concubitus illicitus cum persona, DEO dicata per votum Religionis, vel Ordinis, cui consentiente perpetuum votum est annexum. Ly concubitus est genus ; reliqua ponuntur pro differentia. Jure Canonico stuprator sacrilegus, si Laicus sit, excommunicatur ; si verò Clericus, privatur beneficio, deponitur ab Ordine, & detruditur in Monasterium ad perpetuò agendam poenitentiam, *can. Si quis Episcopus 6.* Et *can. Si qua Monacharum 28. caus. 27. q. 1.* Monialis verò quæ se carnaliter cognosci passa est, in strictius Virginum Monasterium detruditur, vel in carcerem, ut ibidem vacet poenitentiz, & orationibus, *cit. can. 28.* Jure Civili rapiens, vel violans Moniale capite punitur, ejusque bona Monasterio applicantur, *L. un. C. de raptu virginum juncta Novell. 103. q. 3.* Circa mollietatem & bestialitatem.

14. Nota ultimò : Mollietis, quæ & pollutio communiter vocatur ; sic bene describitur, quòd sit elicitio voluntaria seminis absque ullo concubitu, & applicatione vasis, à natura ordinata ad concubinum. Ly elicitio est genus ; reliqua ponuntur pro differentia. Bestialitas demùm quoque sic bene describitur, quòd sit carnalis coitus cum aliquo individuo bestie. Utrumque est grave crimen, & importans peccatum mortale. Ultimo annumerari potest crimen concubitus cum Dæmone succubo, vel incubo, transfigurante se in personam humanam.

## CAP. V.

Quid Juriſ regularis Francisca-  
ni circa Minoritas lapſos in  
peccata carnis.

1. **N**ota primò : Minores de Obſerv. & Ref. admittentes adulterium, vel quodcunque aliud peccatum carnis, opere voluntariè conſummatum, incurrunt caſum reſervatum Superiori Majori, puta Provinciali, & Generali; ita habent Conſtit. Gen. Ord. cap. 7. §. 3. Et Gen. Reformat. cap. 7. n. 1.

2. Nota ſecundò : contra adulteros, fornicarios, & alios Caſtitatis violatores, noſtra Religio ſequens condidit ſtatutum, quod habetur in Conſtit. General. Ordin. cit. loc. §. 6. num. 21. Et num. 22. Et num. 23. Quicumque conviſtus fuerit, domos ſuſpectas ingreſſum fuiſſe, ab eo loco omnino amoveatur, & graviter etiam ardeatur; & ſi conſeſſus fuerit, in fornicationem, vel gravioſiorem culpam incidiſſe; vel de eo legitime conſtiterit, pro prima vice ſemelti carceri mancipetur, & voce aſſivâ & paſſivâ, trienniò careat; & ſi in illud idem ſecundo inciderit, per annum in carceres detradatur, & omnibus Ordinis Officiis decenniò privetur. Quòd ſi tertio illud ipſum amiſerit, ad omnia Ordinis Officia perpetuò inhabilis exiſtat. & longiori tempore carceribus mancipetur; vel etiam ad trivemes mittatur Superiorum arbitrio, pro qualitate delicti, & ſcandaliratione. Si quis autem, quod a'ſis, Sacrilegium cum Moniali amiſerit, ad trivemes omnino claudetur, aut perpetuò carceris Superiorum arbitrio mancipetur. Quòd ſi quis de innotabili crimine (quod DEUS avertat;) propter quod venit a DEL in filios dif-

ſidentia, notatus fuerit, ac legitime conviſtus; nudus omnino cum ſolis ſæmor albus, Fratribus congregatis, manibus ligatis graviter flagelletur, & Pſalm. Miſerere recitet, ac leviusculis flammis igneis, hinc inde circumpoſitis quodammodo aduratur, & ad perpetuos carceres irrevocabiliſter condemnetur, ubi ſaltem tribus diebus in qualibet hebdomada in pane, & aqua jejunet, & vitam ſuam in dolore, & amaritudine anime deſteat.

3. Nota tertio: poterit tamen Muſter Generalis (proſequitur ſtatutum ibidem n. 24.) poſt aliquot annos à præſato carcere eum liberare, ſi tanta in eo videri contritionis indicia, ut eum veniâ, & miſericordiâ non indignum exiſtmet: Qui tamen omni ſuffragiorum jure perpetuò careat, & ad omnia Religionis officia inhabilis exiſtat: ſi vero iterum de eodem vitio neſando notatus, ac legitime conviſtus fuerit, ad trivemes perpetuò damnatus omnino mittatur.

4. Nota quarto: quando in præſato Statuto Generali Ordinis dicitur, ſi conſeſſus fuerit, in fornicationem, vel aliam gravioſiorem culpam inciſſe, &c. hæc gravior culpa eſt adulterium, raptus, ſtuprum, inceſtus, mollicies, concubitus cum bruto, vel dæmone ſuccubo; ut rectè annotat Sanctiorus, & S. Severino; non autem Sacrilegium cum Moniali; nec crimen peſſimum; cum de his duabus ſpeciebus luxuriæ ſpecialiter diſponat idem ſtatutum, ut ſuprà. Quando etiam dicitur in eodem ſtatuto, pro qualitate delicti, qualitas delicti judicari poteſt, vel ex qualitate ipſiusmet actûs talis luxuriæ; quia ſcilicet eſt vel Sacrilegus, & neſandus concubitus: vel quia eſt multiplicatus; quia trinus actus conſuetudinem indicat; & trina culpa reddit operantem famoſum; uti advertunt. cit. AA.

## TITULUS XVII.

De Raptoribus; Incendiariis; & Violatoribus  
Eccleſiarum.

## CAP. I.

De Raptoribus.

1. **N**ota primò : in continuationem examinis criminum variorum, Papa hoc tit. exagitat crimen Raptûs. Eſt autem Raptus duplex, ſcilicet mulierum; &

rerum aliarum. Circa primum vide, quæ dixi ſuprà lib. 4. in append. tituli 15. Præterea

2. Dico primò : rectè deſcribitur Raptor mulieris, quòd ſi violentus abductor ſæmine honeſte remittens de loco ad locum, cauſâ expulſæ libidinis, vel etiâ Matrimonii contrahendæ. Ly abductor eſt genus; reliqua ponuntur pro differentia. Ex hac deſcriptione.

3. Infer-

## Tit. XVII. De Raptor. Incendiar. & Violator. Ecclesiarum. 259

3. Inferitur primò: quatuor requiri conditiones ad hoc, ut quis censeatur esse verus Raptor mulieris, & incurrere penas statutas in Raptores. *Prima* est, ut quis rapiat foemina cum violentia iniusta, illata ipsi foemina: unde secundum Jus Canonicum, si puella extra patriam potestatem constituta consentiat in sui abductionem, abductor ejus non censetur Raptor; uti constat ex *cap. pen. hoc tit.* quamvis Jure Civili pro tali habeatur, *L. Raptores 14. C. de Episc. & Cler.* Si talis invitis parentibus, & libidinis causa abducatur, *L. un. C. de rapt. virg.* Idem & dum matrimonii causa abducitur, *cit. L. un.* *Secunda* conditio requiritur, ut abductio foeminae fiat causa libidinis exercendae, vel matrimonii; uti constat ex *can. Si quis, 3. caus. 36. q. 2.* Et *L. Si quis 3. C. de Episc. & Cleric.* Quare si abducatur ex alia causa, abductor non reputatur Raptor; uti notat S. Thomas, Clarus, &c. Praesumitur autem mulier fuisse rapta causa libidinis, si sit juvenis, & ad libidinem apta; secus si sit vetula; uti notat Farinac. *Tertia* conditio requiritur, ut foemina rapta traducatur de loco ad locum; uti notat Clarus, & Farinac. Unde si quis ab aliqua virgine, vel vidua extorqueat vi carnale commercium; sed eundem non traducat de uno loco ad alium locum, censetur quidem esse stuprator violentus, vel adulter; non autem Raptor mulieris; nec talis poenâ Raptoris plectendus erit, *L. mariti 29. ff. ad Leg. Jul. de adult.* *Quarta* demum conditio est, ut foemina rapta sit aliâ honestâ vitæ; uti constat ex *L. un. C. de rapt. virg.* Quare qui abducit aliquid scortum, non censetur verus Raptor, nec incurrit penas Raptoris, *cit. L. un.*

4. Nota secundò: secundum Jus Civile Raptor virginis, maximè DEO dicatur; vel etiam alterius mulieris honestae, puniendus est poenâ capitali, cum bonorum ademptione, quæ raptae addicuntur, vel aliis, juxta Ordinem *L. un. C. de rap. virg.* Et *Novel. 143. de rap. mulier.* Et *Novel. 150. de ea, quæ Raptoris suo nubit.* Item eodem Jure Raptoris ejusmodi interdicitur matrimonium cum rapta, *cit. L. un.* Tales etiam Raptores possunt in flagranti crimine deprehensi occidi à suis parentibus, vel consanguineis, vel tutoribus, vel curatoribus, patronis, vel dominis, *cit. L. un.* Demum si Raptores vilis conditionis fuerint, cremari debent *cit. L. un.* uti & eorum ministri, vel servi, *ibidem.*

5. Nota tertio: secundum autem Jura Canonica Raptores Laici non sunt puniendi

poenâ capitali; vel aliâ corporali; sed una cum suis cooperatoribus ad Raptum incurrunr Excommunicationem, *can. 1. & 2. & 3. & 6. caus. 36. q. 2.* Et ex Trident. *sess. 24. cap. 6. de Reform. matr.* ubi etiam iidem Raptores, & auxilium, ac favorem præstantes perpetuò infames fiunt, omniumque dignitatum incapaces. Demum Raptores tenentur dotare decenter raptas mulieres; nisi eas duxerint in uxores; quod non prohibetur fieri secundum Canones. Et bona confiscata rapientis monialem applicanda sunt monasterio, *can. Si quis raperit 30. caus. 27. q. 1.* Clerici verò Raptores, deponendi sunt de suo gradu, juxta Tridentinum *cit.* Et *can. de puellis 4. caus. 36. q. 2.* Et *cap. Si quis 4. de purg. canonic.* Circa secundum raptum rerum

6. Dico secundò: Raptor rerum, de quo hic, bene describitur, quod sit *injustus, & violentus ablator rei alienae mobilis, vel se moventis.* *Ly ablator* est genus; reliqua ponuntur pro differentia. Per *ly violentus* differt Raptor rerum seu bonorum à fure, qui absque vi, & clam auferit res alienas.

7. Nota quartò: in Raptores rerum Jura Civilia, si civiliter de rapina agatur, statuunt, ut infra annum utilem in quadruplum restituant, id est rem, & lucrum cessans, ac damnum emergens, ac triplum sit in poenam: post annum verò ut restituant simplum; id est rem ipsam, vel ejus estimationem, ac lucrum cessans, & damnum emergens, *Instit. vi bonor. raptor.* Et *L. Prætor 4. ff. eod.* Si autem agatur criminaliter contra Raptores violentum rerum; tunc si rapina facta sit cum tumultu, & armis, capite puniri debet, *L. ult. ff. de vi publi.* Hodie verò communiter plectitur poenâ Banni, sive excommunicationis Imperialis; uti notat Mynsing. si autem rapina facta sit sine armis, tunc punitur amissione tertiae partis bonorum, *J. item Lex Julia, de vi pub. Instit. de public. Judic.* Item amissione omnis dignitatis, ac infamia, *L. 1. ff. ad Leg. Jul. de vi privati.*

8. Nota quintò: Jura verò Canonica Raptores rerum jubent excommunicari ab Episcopo illius loci, ubi rapina facta est, quousque satisfaciatur competenter, *cap. De illis hoc tit.* Singulariter incurrit excommunicationem Bullæ Censæ, & casum reservatum Papæ, illi Piratæ, ac alii, qui deprædantur navigantes in mari Christiano; vel capiunt bona naufragorum. Præterea Raptoribus bonorum, maximè Ecclesiasticorum poenitentia deneganda est, quousque restituant, si possint, vel saltem securitatē de restitutione præbeant,

*cap. Super eo, 2. hoc tit.* Et si in contumacia usque ad obitum suum perstiterint; in extremis tamen poenitentiam petierint, illa concedenda est, data cautione de præstanda satisfactione, *cit. cap.*

9. Nota sexto: Judices Ecclesiastici possunt crimina Raptorum suæ Diocesis punire poenâ temporali pecuniariâ, flagellationis, vel aliâ: si verò opus sit poena capitali, vel mutilationis membrorum, ea per sæcularem Judicem infligi debet, *cap. in Archi-Episcopatu 4. hoc tit.*

## CAP. II.

### De Incendiariis; & Violatoribus Ecclesiarum.

1. **D**ico primò: rectè definitur Incendiarius, quòd sit persona scienter, & datâ operâ apposito igne incendens rem alienam, v. g. aliquam urbem, vel prædium, vel domum, vel aliam eadem, vel segetes, vel his similia aliena; aut præbens auxilium, vel consilium ad similem actum. Ita constat ex *can. pessimum 32. caus. 23. q. 8.* Ly persona est genus; reliqua ponuntur pro differentia.

2. Nota primò: secundùm Jura Civiliâ is, qui ob inimicitias, vel rapinam alienas ædes in urbe incendit, vivus excoriari, vel bestiis obijci jubetur, si sit persona vilis: si verò sit in aliquo gradu constituta, capite plæcti, vel deponi mandatur, *L. ult. ff. de incendi.* Qui autem extra urbem ædes aliquas sponte accendit, vel acervum frumenti juxta domum situm combusserit, vincius in ignem conjici jubetur, si sit vilis persona. Et in *Constit. pan. Caroli V.* generaliter omnis Incendiarius igne cremandus est.

3. Nota secundo: secundùm Jura Canonica Incendiarii Ecclesiarum, vel aliorum locorum Religiosorum, & piorum, imò & cæmeteriorum, ac contiguum ad 30. passus sunt ipso Jure excommunicati, *can. deservit 31. caus. 17. q. 4.* Et nominatim denunciati pro talibus à solo Papa absolviuntur ab excommunicatione contracta, *cap. Tu nos 19. de sent. excomm.* Incendiarii autem ædificiorum profanarum; uti & consulentes, ac auxiliantes sunt excommunicandi per Judicem Ecclesiasticum, *can. Si quis, 31.* Et *seq. caus. 23. q. 8.* & absolutio est Papæ quoque reservata. Infuper omnes Incendiarii voluntarii quorumcunque ædificiorum, obligantur ad resarcitionem omnium damnorum, *cap. 1. & seq. de injur.* Demùm idem Incendiarii carere debent Ecclesiasticâ sepulturâ, *can. pessimum 32. caus. 23. q. 8.* nisi in fine poeniteant, quo casu sepeliri possunt in loco sacro, *cap. 1. hoc tit.* Et hæredes Incendiariorum etiam compelli possunt juxta vires hæreditatis ad satisfaciendum pro damnis illatis *cap. 1. hoc tit.* Circa alterum articulum hujus cap.

4. Dico secundo: rectè describitur hic Violator Ecclesiarum, quòd sit violentus effractor Ecclesiarum, vel aliorum locorum piorum cum spolio eorundem. Ly effractor est genus; reliqua ponuntur pro differentia.

5. Nota tertio: contra Violatores Ecclesiarum fulminatur excommunicatio; & quidem secundùm Glossam, & DD. communiter ipsò factò incurfa, *can. Canonica 107. caus. 11. q. 3.* Et *can. 1. Et can. 21. caus. 17. q. 4.* Et *cap. Conquesti 22. de sent. excomm.* Infuper tales non debent admitti ad poenitentiam; nisi priùs resarciant damna, vel cautionem præstent de tali resarcitione.

## TITULUS XVIII.

### De Furtis.

## CAP. I.

### De Quidditate, Prohibitione, & Divisione Furti.

1. **N**ota primò: prosequitur Papa explanare, & punire crimina, & hoc tit. in specie insectatur Furtum, quod quidam volunt, sic dictum à *furto*, id est fusco seu nigro; eò quòd clam, & obscure fiat; ac plerumque de nocte; sed melius secundùm

*L. 1. ff. de furtis.* Et *habetur de oblig. ex delicto*, derivatur à *ferendo*. Definit autem Jurisconsultus *cit. L. Furtum* sic, quòd sit *contrælatio fraudulosa, lucrificandi gratiâ, vel ipsius rei, vel etiam usus ejus, possessionisve.* Sed clariùs

2. Dico primò: optimè describitur Furtum quòd sit *acceptio occultæ rei alienæ: rationabiliter in visis Domino ejus.* Ly acceptio est genus; reliqua ponuntur pro differentia.

3. Dico secundo: Furtum rei in quantitate notabili deliberatum est prohibitum sub peccato



## Tit. XVIII. De quidditate prohibitionis & divisione Furti. 261

peccato mortali. Ita communis DD. Et constitutum ex S. Decalogo; tum ex *Epist. i. ad Cor. 6.* ubi fures excluduntur à regno celorum; utique ob prohibitionem furti involventem peccatum mortale.

4. Nota secundò: circa quantitatem notabilem, sufficientem ad peccatum mortale, varias esse AA. sententias: celebriores ad duos ordines reduco. In primo ordine statuo eos, qui quantitatem notabilem sufficientem ad mortale, determinant ex solo iniquo furis animo possidendi rem alienam notabilem, absque respectu ad personas, quibus in vitis aufertur res pretio æstimabilis; vel ipsa pecunia. Huic principio inhaerendo Navarrus statuit pro peccato mortali esse sufficientem materiam, rapere rem valoris sequentis, vel ipsam pecuniam; puta medium Julium in moneta Italica, in Hispanica medium Regale, in Germanica inferiori medium Schellingum, seu medium solidum, in Germanica superiori duos circiter grossos, seu unum, & dimidium Pazium. Corduba, & Tolet. ponunt valorem rei, vel ipsam pecuniam, scilicet unum Regale, Julium, solidum, seu Schellingum, quatuor grossos, seu tres Pazios. Lessius & Medina duos Regales, Julios, solidos, octo grossos, seu sex Pazios. Soto, Valent. & Rebell. tres Regales, Julios, solidos, duodecim grossos, seu novem Pazios. Diana, & alij postulant quatuor Regales, Julios, solidos, sedecim grossos, seu duodecim Pazios. Wiggers statuit unum aureum, vel tres florenos Germanicos Rhenenses; aut res ipsas tanti valoris ablatas.

5. In secundo ordine colloco AA. qui docent quantitatem sufficientem materię ad mortale, determinari debere iudicio virorum prudentum, cum respectu ad diversitatem personarum, & temporum, ac æstimationem rerum ablatarum; cum unus alterò gravius possit damnificari. Huic principio inhaerendo docet Bonacin. Reginal. & Navar. quòd quantitas sufficiens ad mortale, sit ablatio unius aurei, trium florenorum Germanicorum Rhenensium in moneta Germanica superiori; in inferiori verò quindecim solidorum; in Italica quindecim Juliorum, in Hispanica quindecim Regalium, surreptorum personę illustri valde diviti; vel ablatio rerum tali pecunię æquivalentium hoc nostro tempore; communi autem diviti. qui ex suis redditibus vivit, ablatio quatuor Regalium, Juliorum, solidorum, sedecim grossorum, seu duodecim Paziorum: illi, qui ex opificio vivit, ablatio duorum Regalium, Juliorum, solidorum, octo grossorum, seu sex Paziorum: illi tandem,

qui ex quotidiano elemosinę quæstu, & mendicatione vivit ablatio unius Regalis, Julij, solidi, quatuor grossorum, seu trium Paziorum. Ratio horum omnium potest esse; quia in pretiis ablationibus, domini rerum, pro diversa qualitate suarum personarum, & temporum censetur inviti notabiliter damnificari in bonis Fortunę. Ego huic motivo DD. secundo ordine positorum, quidem subscribo; sed materiam ipsam paulò aliter determino, &

6. Dico tertio: tunc est quantitas notabilis, & materia sufficiens ad peccatum mortale, si graviter invitò Dominò furti surripitur pecunia, vel res valoris illius, quę regulariter, decenter, & moderatè viciando infumitur unò die ab illa persona, cui surripitur; nisi esset persona valde splendida v. g. Regia, Ducalis, & similis. In hanc sententiam etiam propendet Laym. Lugo, Herincx, & c. RR. Estque Ratio; quia per subtractionem pecunię, vel valoris victus diurni decentis, regulariter quis invitatus notabiliter sentit se damnificari in bonis suis, & ægrè fert; v. g. si illustri personę subtrahatur aureus, vel tres floreni Germanici; vel communi diviti tertia pars aurei, vel unus florenus Germanicus; & sic proportionaliter de alijs personis, habentibus mediocres, tenues, modicas, vel modicissimas facultates: adeoque quantitas notabilis & materia sufficiens ad mortale erit surreptio pecunię, vel reitanti valoris, quę in regularem, decentem, & moderatum victum, uno die ab eo infumitur, cui sit surreptio. Dixi in conclusione: *nisi esset persona valde splendida, v. g. Ducalis &c.* quia cum talis persona pro unico victu diurno valde notabilem pecunię quantitatem, & plures aureos infumere soleat; ideo pro mortali furto in eorum facultatibus, eriam minor quantitas, quàm pecunia, vel valor unius victus diurni, sufficit; v. g. ablatio duorum aureorum à Rege, vel Duce potentissimo; unius à Principe, vel splendidissimo Comite; in quo consentiunt Arag. Sà, Major, Navarr. Sylv. Tol. & c. Et est Ratio; quia quis talem quantitatem apprehendit pro materia gravi; quod & facit Labeo apud Vulpian: Jureconsult. in *L. & quis adfirmavit*, & seq. ff. de dolo. Et potentissimę etiam personę ægrè ferunt, spectatis tot suis expensis, pro decore suo, & publico, ac Provincię utilitate, duorum, vel unius aurei ablationem: siquidem frequens talis ablatio maximum detrimentum ipsis afferret.

7. Nota quarto: ex conclusione sequens Corollarium: esse sufficientem quantitatem pro mortali, subtrahere valde pauperi artificii

etiam vilissimum in se instrumentum subulz, vel acds, nautæ remum, scribæ calamum, pictori penicillum, & similia; si aliud subistuerè nequeant, quò victum suum diurnum lucrentur; vel mendico pauculos nummos elemosynariè collectos, quos in alimoniam diurnam insumpserunt erat.

8. Dixi etiam in conclusione; si *graviter invitò Domino surripiatur*; quia secundum communem sensum DD. ad furtum mortale prolium, uxoris, sanguine junctorum, familiarium, major requiritur quantitas, quàm pecunia, vel valor victus diurni; eò quòd circa horum furta, non consentant Domini tam citò graviter inviti: vel si sint graviter inviti, hoc fit non tam ob quantitatem furto ablatam; quàm ob modum occultum damnificandi; vel finem perniciosum, quem in ejusmodi furtis intendunt, v. g. potitationem, lusum, luxuriam, &c. Quare putat Herincx, Lessi, Laym. &c. si filiusfamilias Parentibus opulentis clam surripiat duos, vel tres aureos, necdum esse peccatum mortale, seclusà alià intentione lethali. Ego judico determinationem gravis materiæ, quoad similes personas proportionaliter secundum eorum, & Dominorum qualitates magis, minusvè invitorum; esse metiendam.

9. Nota quintò: circa divisionem Furti: illud dividi in simplex, & qualificatum. *Simplex* est, cui nulla adhæret circumstantia specialis; tale est acceptio injusta occulta v. g. 100. aureorum ex bursa Platonis Philosophi. *Qualificatum* est, cui adhæret specialis aliqua circumstantia, & malitia; tale est *Sacrilegium*, id est Furtum rei sacræ vel ex sacro loco, vel non sacræ ex loco sacro, secundum *can. Quisquis* *caus. 17. q. 4.* Item *Peculatus*, id est Furtum rerum pertinentium ad ætarium publicum Reipublicæ, vel Magistratus, ad fiscum supremi Domini, ut patet ex *ff. ad Legem Juliam peculatus*. Item *Crimen Plagij*, quale committunt, qui hominem liberum surripiunt, occultant, emunt, & vendunt pro servo &c. ut patet ex *ff. ad Legem Fabiam, de Plagiarijs*. Et *crimen abiegatus*, quod committunt abigentes ex pascuis pecora, *L. 1. §. 1. ff. de abiegis*.

## CAP. II.

### Varia resolutiones de pœnis Furti.

1. **N**ota primò: secundum Jura Civilia si civiliter agatur, Furtum manifestum simplex, scilicet in quo tur in

ipso actu turandi, vel in loco Furti deprehenditur, punitur pœnâ pecuniariâ in quadruplum; ita ut ultra rem furto ablatam cogatur solvere quadruplum: Furtum verò non manifestum punitur pœnâ in duplum *§. pœnæ, & §. ult. Instit. de obligat. que ex delicto &c.* Si verò criminaliter contra Furtum simplex agatur ad pœnam arbitriariam procedi potest. *L. fin. ff. hoc tit.* Et pœna mortis vel mutilationis pro eo non est infligenda, *Authent. sed novo Jure C. de serv. fugit.* Ex constitutione tamen Friderici Imperatoris, fur surripiens rem valentem 5. solidos (solidus autem valet duodecim groslos, secundum Goethred.) aut plus, laqueo suspendi jubetur; tollens verò rem minoris valoris, scopis & forcipe excoari, & tundi: quod & consuetudo obtinuit; maxime quando furta sunt in magna quantitate; vel si sint repetita; ut notat Menoch. & Zoëf. Fur etiam evadit infamis, *L. atleatus 4. ff. de his, qui not. infam.*

2. Nota secundò: secundum Jura Canonica si Clericus committat Furtum grave, etiam simplex tantum, deponendus est ab Ordine, & Officio Clericali, *can. Presbyter 12. dist. 81.* Et si talis post depositionem incorrigibilis maneat, excommunicandus est; ac crescente contumaciâ tradendus potestati seculari, ut legitimâ pœnâ feratur, *cap. Cum non ab homine 10. de judic.* Præterea Clericus Fur redditur infamis post condemnationem, *can. infames 17. caus. 6. q. 1.* Unde talis ad Ordines ulteriores promoveri nequit; nisi Furtum fuerit occultum, ob quod post actam pœnitentiam, & satisfactionem præsbitam super re furata, poterit Ordines suscipere, *cap. ult. hoc tit.*

3. Nota tertio: Furtum qualificatum Sacrilegij Jure Civili punitur pœnâ arbitriariâ; ita tamen ut juxta Furti, Rei, & personarum qualitatem etiam ad mortem possit extendi *L. Sacrilegij 6. ff. ad Leg. Jul. peculat.* Unde merito fures Sacrilegi aliquando damnantur ad bestias; aliquando vivi comburantur; aliquando in furca suspenduntur; aliquando capite plectuntur, *L. Sacrilegi 9. ff. eod.* Jure autem Canonico ejusmodi fures puniuntur tum pœnâ excommunicationis; nisi se se correxerint, & satisfecerint, *cap. conquestus 16. de fur. compet.* Et *can. indigne 21. caus. 12. q. 2.* Tum perpetuâ infamiâ, vel carcere, vel exilio, *can. attendendum 13. caus. 17. q. 4.* Tum pœnâ pecuniariâ, *can. quisquis 21. cit. caus. 6. q. 9.*

4. Nota quartò: Furtum qualificatum committens Plagij, secundum Legē Divinam veterem *Exod. 21. cap.* morte plectendus est. Secundum Jus Canonicum excommunicandus est; quò casu Plagiarius civiliter mori censetur; cum

cum excommunicatus à communione fidelium removeatur, *cap. Per venerabilem 13. qui filii sui legit.* Item Clericus Plagiarius post degradationem tradi potest curiæ seculari, quæ ipsum deinde morte afficiat; & in hoc sensu procedit *cap. 1. hoc tit.* Secundum tandem Jus Civile olim Plagiarius nobilis condemnabatur ad metalla; ignobilis verò ingenuus tamen, morte plectebatur; servus verò bestii obijciebatur *L. fin. & ibi Gloss. ff. ad Leg. Fabia. de Plagiar.* Et *L. quoniam 7. Et L. nli. C. eod.* Potest tamen & arbitraria eidem imponi, v. g. exilii, aut alia, *cit. L. fin. & C. eod.* Incurrit & pœnam Plagii, qui scienter emit pro servo liberum hominem *L. 1. ff. ad Leg. Fab. de Plagiar.*

5. Nota quintò: Furtum qualificatum Peculatus, quò res Fisci, vel etiam ærarii Reipublicæ vel Magistratus furripiuntur, punitur in privatis hominibus deportatione, *L. 3. ff. ad Leg. Jul. pecul.* Quia autem præfata pœna non viget amplius; idè eidem successit pœna arbitraria; uti notat ex Farinac. Pirhingus. Si Judices, vel Magistratus tempore sui officii furripiant pecunias publicas; uti & ad hoc scienter cooperantes, morte plectendi sunt, *ff. item Lex Jul. pecul. Infit. de public. Judic.* Si autem Clerici committant quasi crimen Peculatus sibi appropriando bona Ecclesiastica, vel alienando, excommunicantur; nisi ea celeriter restituant, *cap. si quis, de reb. Eccles. non alien.* Et si restituere nequeant, deponantur, *can. Diaconi 35. caus. 12. q. 2.*

6. Nota sextò: Furtum qualificatum Abi-

geatus, si repetitum fiat, punitur decapitatione; maxime si tale ferro, vel armis factum contingat, *L. 1. & 2. ff. de Abig.* Aliàs damnantur ad opus publicum ad tempus *cit. L. 1.* In honestioribus Abigeis habet locum pœna exilii & remotiois ab officio ac ordine; nisi hi in abigendo gladiò utantur *cit. L. 1.* Plura de Furtis vide *tom. 4. Scholæ mee Theol. tract. de virtut. Cardinal. dist. 10. q. 2. & seq.* ubi plurimæ ponuntur resolutiones, hanc materiam concernentes.

## CAP. III.

### De Furtis Minorum.

1. Nota primò: Frater Minor committens furtum rei sacre, vel alterius notabilis de rebus Monasterii, incurrit casum reservatum; uti habent Constit. General. Ord. Sanctiorum in *Comment. super Stat. General.* hunc casum incurri non tantum per furtum de rebus Monasterii; sed etiam de rebus secularium & aliorum extra Ordinem: eò quòd iste casus jam fuerit reservatus in Ordine cum ampliatione ad quodcunque furtum, ante determinationem Clement. VIII. Et suam interpretationem habuerit à voto paupertatis, à quo valde aliena debet esse surreptio quarumcunque rerum. Unde in hac sententia furripiens calicem ex aliena Ecclesiâ; vel nummos alicui seculari furans, in hunc casum reservatum incidere.

# TITULUS XIX.

## De Usuris.

### CAP. I.

#### De Quidditate; Divisione Usuræ; & Prohibitione Usuræ.

1. Nota primò: pergit Papa exagitare, & punire crimina; & hoc ut, invehitur contra Usuras: *Usura* autem sic dicitur ab *usu*; quare genericè loquendo significat usum alicujus rei. Hoc sensu usum luminis dixit *Usuram lucis* Cicero in *Verrem*. Inde autem hæc vox Usura transfertur ad significandum incrementum, vel lucrum, commodum, vel fructum, qui provenit ex usu alicujus rei. Et hinc factum est, ut lucrum, quod

ex usu, seu usura pecuniæ provenit, Leges appellent Usuram. Idem lucrum quoque vocatur fœnus *L. improbum fœnus C. ex quibus causis infamia &c.* De hoc

2. Dico primò: rectè describitur Usura, quòd sit *lucrum ultra sortem immediate, & principaliter proveniens ex mutuo tanquam debitum.* Ita Lugo, Less. Laym. Herincx, &c. DD. *Ly lucrum* est genus; & sub eo comprehenditur omne temporale, ac pretio æstimabile, quod accipitur ultra sortem mutuo datam, quasi ex Justitia debitum; uti constat ex *can. Plerique caus. 14. q. 3.* ubi habetur dictum S. Ambrosii; *Quodcumque sorti accidis, Usura est*: reliqua ponuntur pro differentia. *Ly ultra sortem*, id est quod ultra massam mutuo datam est. *Ly*

imme-

*immediatè, & principaliter proveniens ex mutuo*; indicat lucrum Usurarium debere procedere ex motivo proximo, & immediato rei mutuatæ, ut talis. *Ly tanquam debitum*; insinuat requiri ad rationem Usuræ, ut lucrum Usurarium quasi ex Justitia, & prævio contractu, seu pacto obligatorio detur. Ex his

3. Nota secundò : sequentia Corollaria : *Primò* : nullam committi Usuram ab eo, qui acceptat aliquid, quod mediante amicitia, liberalitate, vel gratitudine à mutuario, offertur ultro nec sine debito Justitiæ, & sine pacto prævio uti habet Herincx, Less. Soto, Navar. Molin. Laym. & S. Thomas, &c. Ratio est; quia tunc lucrum nec speratur, nec acceptatur ex mutuo, vel ob aliquod pactum immediatè; neque accipitur invito Domino; sed liberè ab eo obtinetur. *Secundò* : nulla pariter est Usura, si vi mutui quis prætendat obsequium aliquod spirituale; v.g. administrationem Sacramenti, vel Missam; quia tale non est lucrum temporale : unde solum Simonia hoc pacto committeretur. *Tertiò* : etiam non erit Usura alteri mutare, ut condonet privatam vindictam: vel injustam satisfactionem, pro fama, vel honore læsa. Ratio est; quia talis condonatio nullum apportat lucrum; sed tollit solum injustam vexationem. *Quartò* : nulla quoque committitur Usura, si paciscaris de re aliàs tibi debita ex justitia; modò non apponas novum onus. Ratio est; quia tali modo nullum injustum lucrum procuras; sed solum vexam injustam redimis.

4. Nota tertio : ex eadem definitione sequitur quinto; veram committi Usuram, si mutues cum pacto formali, ut mutuatius tibi remittat obligationem restituendi famam, prius à te injustè læsam; vel ut actionem injuriarum, quam justè contra te instituere potest, omitat; ut habet Navarr. Laym. Molin. Corad. &c. Et Ratio est; quia talis obligatio tibi onerosa, est pretiò æstimabilis; sicut est Jus Mutuatarii, actionem injuriarum contra te instituendi. *Sextò* : non caret etiam labe Usuræ, mutare denarios cù pacto formali, ut Mutuatarius iterum remutuate sit civiliter obligatus; vel frequentare Mutuantis Officinas, Molendina, Scholas; vel Officium præstare. Ita Navar. Laym. Cajet. Molin. Soto, Herincx, &c. contra Angel. Covarr. Less. &c. Ratio est; quia imponitur Mutuario ultra sortem onus, & gravamen pretiò æstimabile, dum obligatio Justitiæ, hæc & similia præstandi, in pactum deducitur: quæ deductio semper arguit Usuram: quia similibus læditur Mutuatarii libertas graviter. Circa alterum art. hujus cap.

5. Nota quartò : Usura primò dividitur in

realem & mentalem. *Usura Realis* est, in qua mutuantis expressè, vel tacitè lucrum ex mutuo deducit reipsa in pactum externum obligatorium. *Mentalis* est, in qua mutuantis non deducit quidem lucrum in pactum ullum externum; eà tamen intentione & animò mutuat, ut acquirat aliquod lucrum ex mutuo; & hoc non ex gratitudine; sed ex debito. *Secundò* dividitur in expressam, & tacitam. *Usura expressa*, (quæ & *formalis*, & *aperta* dicitur) est illa, in qua intervenit expressum pactum de aliquo lucro ex mutuo percipiendo. *Tacita*, (quæ & *virtualis*, & *palciata* dicitur) est illa, in qua non vi pacti alicujus expressi; sed tacitè aliquid ex mutuo capitur ultra sortem; talis committitur v.g. si Plato mutuet Ciceroni mille aureos, dicendo eidem Ciceroni, scis consuetudinem meam in mutuando; & deinde ab eodem Cicerone acceptet aliquid ultra sortem, sine ullo legitimo titulo, eò quòd solitus sit simile communiter acceptare à debitoribus suis. Vel si ob dilatam solutionem aliquid exigat, vel acceptet, tanquam sibi debitum.

6. Nota quinto : rursus tertio Usuræ aliæ vocantur *compensatorie*, & sunt illæ, quæ exiguntur pro mutuo ratione justì interesse; ratione scilicet damni emergentis; vel lucri cessantis; vel ratione periculi; vel ratione laboris, vel ratione expensarum, quæ probabiliter timeantur in recuperando mutuo. Hæc ab aliis vocantur *Usuræ restauratorie*. Aliæ dicuntur *Lucretorie*, in quibus ex pacto ultra sortem aliquod temporale lucrum solet dari, & causâ, ac nomine mutui principaliter exigitur. Aliæ appellantur *Punitorie*, in quibus paciscitur de subeunda aliqua pœna, solvenda per mutuatarium, propter ejus in mutuo reddendo moram. Aliæ vocantur *Centesima*, & habentur, quando in centum quolibet anno solvuntur duodecim. Aliæ *Trentie*, & sunt tertia pars centesimæ, quæ scilicet pro centum quotannis quatuor reddit. Aliæ *Bessales*, quæ sunt duæ trientales centesimæ partes, quando pro centum penduntur octo annuè. Aliæ *Semisises*, quæ sunt dimidia pars centesimæ, & quolibet anno sex pro centum redduntur. Aliæ *Quinquages*, quæ quintam Centesimæ reddunt, nempe quinque pro centum quòvis anno. Aliæ *Quadrantes*, cum tres quotannis solvuntur. Aliæ *Septantes*, cum septem penduntur. Aliæ *Doctrantes*, cum novem dantur. Aliæ *Dextantes*, cum decem præstantur. De quibus omnibus videnda *L. eos C. de nautar. fenor.* Et *L. cum quidam ff. de usur.* Et *L. liberto ff. de ann. & mens. oblig.*

7. Dico

7. Dico secundò: omnes Usuræ lucrati-  
væ, & propriè dictæ, cujusmodi sunt reales,  
tam apertæ & expressæ, quàm palliatæ, sunt  
prohibitæ sub mortali, tum Jure Divino, tum  
Canonico, & Naturali. Ita Covarr. Herincx,  
Vall. & communis DD. Primum de Jure Di-  
vino constat ex illo Deut. cap. 23. *non fanera-  
beris Fratri tuo ad usuram pecuniam.* Et Luc.  
6. *mutuum date, nihil inde sperantes.* Secun-  
dum de Jure Canonico constat ex cap. *Cen-  
suluit 10. hoc tit.* Et ex Decreto, *caus. 14. q. 3. Et  
101. hoc tit. de Usuris.* Et ex Clement. *unsc. eo-  
dem.* Tertium de Jure naturali probatur;  
quia Usuræ adversantur illi præcepto Decalo-  
gi, quod est Juris naturalis, *non furum facies*;  
laciens enim Usuras lucrativas reverà fura-  
tur, sine justo titulo pecuniam alienam ultra  
sortem acceptando, & detinendo Domino  
suo. Et quia contra Jus naturæ est, ut in  
commutatione unius rei pro alia plus exiga-  
tur, quàm res valeat; quod contingit in con-  
cessione pecuniæ, in cujus restitutione Usura  
tanquam aliquid plus redditur, & acceptatur.  
Objectiones pro Usuris vide solutas tom. 4.  
*Schole mee Theol. tract. de Vort. Cardin. dist. 12.  
q. 6. n. 7. & 8.*

## CAP. II.

### De Titulis excusantibus ab Usa- ra; & pœnis Usurarium.

1. **D**ico primò; titulus damni emergen-  
tis ex datione Mutui excusat à labe  
Usuræ; unde illæ Usuræ compen-  
satoriæ sunt licitæ, quibus ratione damni e-  
mergentis aliquid ultra sortem, seu interesse  
aliquod moderatum accipitur; & de hoc  
à principio potest pacisci. Ita S. Thomas,  
Molin. Navar. Engel. Palon. Ban. & commu-  
nis Theologorum, ac Canonistarum. Ratio  
est; quia tale damnum est pretiò, & pecuniâ  
æstimabile; neque æquitati consentaneum  
est, ut qui ob beneficium mutui, quò se in gra-  
tiam alterius usu pecuniæ suæ privat, dam-  
num reportet: quare pro tali licitum est ali-  
quod interesse moderatum ultra sortem acci-  
pere; sicque titulus damni emergentis ex  
datione mutui excusat à labe Usuræ. Deinde  
ratio naturalis dicit, quòd quisque possit se  
indemnem servare alteri beneficiendo: adeo-  
que cum mutans per mutuum proximo be-  
neficiat, potest is per compensationem alicu-  
jus moderati interesse aliquid ultra sortem ac-  
cipere citra labem Usuræ. Objectiones con-

tra hanc Conclusionem vide solutas tom. 4.  
*Schole Theologicae, tract. de Vort. Card. dist. 12  
q. 7. n. 4.*

2. Dico secundò: titulus quoque lucri  
cessantis ob datum mutuum excusat ab Usura,  
quantum prudentis viri arbitriò æstimabitur.  
Ita Panorm. Sylv. Lug. Navarr. &c. Ratio  
est; quia carentia lucri in spe habiti, seu lu-  
crum cessans ob sortem alteri datam, non mi-  
nus est pretiò, ac pecuniâ æstimabile, quàm  
damnum emergens ex mutui datione; imò  
est aliquid reale damnum; adeoque poterit  
pro eodem lucro aliquid accipi; & conse-  
quenter titulus lucri cessantis ob datum mu-  
tuum excusat ab Usura. Præterea piscator  
potest licitè vendere pisces, quos jactu retis se  
capturum sperat, *L. si jactum 12. ff. de alio.  
empt.* Ergo & mercator potest licitè vendere  
mutuario interesse, quod sperat ex sua pecu-  
nia ad negotiandum destinata se lucraturum,  
& quâ in gratiam ipsius se privat. Nec ob-  
stat ille textus Luc. 6. *mutuum date, nihil inde  
sperantes*: quia loquitur tantum de ipso mu-  
tuo secundum se spectato, pro quo nihil ultra  
sortem exigi potest: non autem secundum  
spem lucri ex mutuo, quâ quis se privat in  
gratiam mutuarij; uti notat Less.

3. Nota autem primò: certas requiri con-  
ditiones, ut quis ob lucrum cessans possit ac-  
cipere aliquid. *Prima* est; ut Mutuum verè  
sit causa cessantis lucri: sicut contingeret, si  
Mutuans denarios jam deputatos ad lucro-  
sam negotiationem, v. g. emptionem frumen-  
ti, ovium, &c. non applicaret negotiationi;  
sed mutuò daret Platoni. *Secunda*; ut non  
plus exigatur, & acceptetur, quàm quantum  
lucrum illud cessans valere potest, deductis  
expensis, & æstimatione laborum, quæ aliàs  
insumi solent, in faciendo illo lucro; v. g. si  
centum aureis datis Plato mutuans comparaf-  
set certò frumenta, & decem aureos ex di-  
venditis frumentis lucratus fuisset; non pos-  
set deductas expensas, & labores pro quibus  
venirent duo aurei, exigere, vel acceptare;  
nisi octo aureos in vicem lucri cessantis. *Ter-  
tia* est; ut id, quod pro lucro refundi debet  
à Mutuario, non illicò datò mutuò solvatur;  
sed postea.

4. Dico tertio: non est titulus sufficiens,  
accipiendi aliquid ultra sortem, sola carentia  
denariorum mutuò dandorum, aut non repe-  
tendorum, nisi elapsò tali tempore. Ita He-  
rinck, Less. & communis; contra Medin. &c.  
Ratio est; quia carentia denariorum, & obli-  
gatio eos non repetendi, nisi certò tempore,  
sunt denarijs mutuò datis, qua talibus intrin-

fecæ: adeoque sicut pro ipso mutuo denarium nil potest accipi; sic nec pro sola carentia, & obligatione eos non repetendi nisi certo tempore. Et quia secundum Scotum 4. diff. 15. q. 2. ac alios veteres Scholasticos, usurarium est vendere tempus; quod conringeret in sententia opposita.

5. Nota secundò: Laici Usurarii manifesti sunt ipso Jure infames *L. improbum 20. C. ex quib. caus. irrog. infam.* Et *can. infames 2. caus. 3. q. 7.* similiter & Clerici Usurarii ipsò factò infamia resparguntur ex Usuris exercitis, *cap. Inter dilectos 11. de excess. Prælat.* Item ijdem suspendendi sunt ab Officio & beneficio, *cap. Præterea 7. hoc tit.* Præterea Laici Usurarii manifesti excommunicari debent, donec præstiterint debitam satisfactionem, *cit. cap. 7.* Imò hodie tales ipsò factò sunt excommunicati, *cap. 1. hoc tit. in 6.* Quare non debent admitti ad S. Synaxim sumendam, *cap. Quia in omnibus 3. hoc tit.* Nec eorum oblationes debent recipi in Ecclesia, *cit. cap.* Et si decesserint impenitentes, carere debent Ecclesiasticâ sepulturâ, *cit. cap. 7. hoc tit.* In testamentis quoque conficiendis manifestorum Usurarium nemo potest adesse; nec talium peccatorum confessiones sunt audiendæ, nec absolutio eisdem impertienda, antequam restituant Usuras; vel de eis restituendis idoneam cautionem præstent, *cap. Quamquam 2. hoc tit. in 6.* sed & eorum testamenta sunt invalida ipso Jure, nisi prius restituerint, vel debitam cautionem dederint *cit. cap. 2.* Usurarii etiam aliunde advenientibus nequaquam concedendæ sunt domus pro exercendis sænoribus; & si quæ jam concessæ essent, infra tres menses ab eisdem sunt expellendi: & qui contra fecerit, si sint Ecclesiastici suspendendi sunt; si verò sint Laici, interdiciendi sunt, vel excommunicandi, aut aliter compescendi, *cap. Usurarium 1. hoc tit.*

### CAP. III.

#### Varie alia resolutiones circa Usuras.

**D**ico primò: in mutuo potest licite statui pena conventionalis de aliquo pretio, quod Mutuatarius solvere teneatur, si intra præfixum terminum non restituat sortem. Ita Scotus, Less. Gabr. Sylv. Ratio est; quia ejusmodi pena conducit mutuanti, ut se servet indemnem. Et quia Mutuatarius committit injustitiam, sortem ul-

tra terminum præfixum detinendo; adeoque merito statui potest aliqua pena ab eo subeunda; sicut rectè statuitur pro resiliente à contractu aliquo; ubi tamen.

2. Nota primò: ut autem præfata pena conventionalis rectè statui possit, de quæ ea pacisci, ac exigi, requiruntur sequentes conditiones. *Prima*, ut absit omnis fraus usuraria; qualis committeretur, si v. g. nimis brevis terminus reddendi sortem præfigeretur. *Secunda*, ut mutuatarius sit verè in culpa, non solvendo sortem tempore præfixo. *Tertia*, ut dicta pena sit moderata, & proportionata culpabili moræ mutuatorii. *Quarta*, ut mutuatarius intra notabilem moram lapsi temporis non reddat sortem.

3. Dico secundò: mutuum sub Usuris acceptum nequit alteri mutuum aliquod petenti mutuari. Ita Herincx, Lopez, Navar. &c. Ratio est; quia alter mutuarius invitatus, & injustè damnificatur ex ejusmodi oneroso mutuo, cui annexæ sunt Usuræ solvendæ. Insuper secundus mutuans committit veram usuram ab altero aliquid exigendo ultra sortem.

4. Nota secundò: Omnes recipientes Usuras, obnoxii sunt restitutioni earum, si sint Clerici, si Laici, *cap. 1. & 2. hoc tit.* Usuræ autem debent restitui primò illis à quibus sunt extortæ. Si verò tales non supersint; vel inveniri non possint, restituendæ sunt eorum hæreditibus, si hi ex testamento, si ab intestato sint successores; & si etiam illi non extant, debent erogari pauperibus; vel Ecclesijs; vel alijs locis pijs, prout constat ex *can. nemo 4. caus. 14. q. 5.* Quòd si Usurarius sit redactus ad inopiam, ita ut non sit solvendo Usuras; tunc liberatur ab earum restitutione, ita ut nullà aliâ penâ cogi possit ad restituendum, *cap. Cum tu, hoc tit.*

5. Nota tertio: etiam Judæi compellendi sunt ad restitutionem Usurarum, Christianis faciendam, tanquam iniqui possessores rei alienæ, *cap. Post miserabilem 12. hoc tit.* Et *cap. Quanto 8. eod.* Etiam hæredes Usurarium obligantur ad Usurarum restitutionem, factarum à suis parentibus, vel alijs, quorum facultates hæreditârunt, *cap. Tu nos 9. hoc tit.* Imò & omnes coöperantes ad exigendas Usuras, si sint causa efficax, cur Usuræ exigantur, ac solvantur; obligantur secundò loco ad earum restitutionem; si Usurarius nolit, vel non possit eas restituere; uti habet Azor, Less. Pirh. &c.

6. Nota



6. Nota quartò: Usurarius tenetur imprime restituere omne illud, quod ex pacto ratione mutui accepit ultra sortem à mutuatario; & quidem unà cum fructibus, quos ipse percepisset, si rem talem possedisset, seu retinuisset; etsi ipse mutuans illos non percepit, *arg. cap. Gravis 11. de rest. spoliat. Et L. in re s. ff. de cond. insti.* Imò Usurarius tenetur restituere omne damnum, quod ipse mutuatarius passus est propter solutionem Usurarum, v. g. si fuit coactus suas res villas vendere ad habendas pecunias pro solutione Usurarum; uti notat Azor. & Tholos. Demum tenetur idem Usurarius & lucrum cessans compensare mutuatario, quod obtinuisset ex illa pecunia pro Usuris solvendis data Usurario; uti habet Zoëf. Pirh. &c.

7. Nota quintò: Usuram committit, qui fructus pignoris sibi dati perceptos ex ipso pignore non computat in partem fortis, *cap. Plures 1. hoc tit.* Non tenetur tamen habens pignus fructus perceptos pignoris computare in partem fortis: si pignus datum absque hoc erat suum, vel aliàs sibi debitum; nec poterat aliter illud consequi, quam fructus ejus percipiendo, *cit. cap. 1.*

8. Nota sextò: pactum Antichrifeos initum inter creditorem, & debitorem ut tam diu creditor pignore fruatur, seu fructus pignoris percipiat salva sorte, donec fuerit solutum debitum, est usurarium, & à Jure Canonico damnatum, *can. 1. Et seq. caus. 14. q. 3.* Caret tamen labe Usuræ pactum censuale, seu contractus censualis, seu census realis tam perpetuus, quam temporalis, etiam vitalitius, & redemibilis per emptionem, & venditionem constitutus; modò pretium sit justum, tale scilicet, quod vel lege taxatum est, vel consuetudine approbatum; uti constat ex Extrav. *Regimini 1. de empt. & vendit. inter communes.* Non item venditio, quæ quis rem aliquam pluris justò pretiò vendit, solum ob dilatam pretij solutionem; uti constat ex *cap. In civitate 6. hoc tit. Et cap. Consuluit, 10. eod.*

9. Quæres primò: an Montes pietatis careant labe Usuræ? Pro intellectu quæstionis adverte: nomine *Montis pietatis* intelligi aliquem cumulum denariorum, vel aliarum rerum, congestum in sublevamen, & relevationem pauperum, mediante mutuo. Primum montem pietatis erexit in Italia Perusij quidam Frater Minor nomine Barnabas Interamnenis, qui efficacibus suis concionibus fideles complures adeò commovit, ut nota-

bilem elemosynarum pecuniarum quantitatem in commune conferrent, ad sublevandas necessitates egenorum, qui ab Usurarijs ad ultima usque exterminia suarum facultatum emungebantur. Ad instar hujus Montis B. Jacobus de Marchia, Angelus à Clavasio, B. Bernardinus Feltrensis, & plures alij Fratres Minores alios per Italiam Montes pietatis erexere. Respondeo nunc, &

10. Dico tertio: Montes pietatis erecti sub his modificationibus, ut ratione mutui nil exigatur; sed solum modicum quid pro indemnitate, & conservatione ipsorum Montium; item pro expensis Ministrorum, sine lucro dictorum Montium, immunes sunt ab omni labe Usuræ. Ita Navarr. Herincx, Med. & Less. contra Cajet. Soto, Sylv. &c. Estque Ratio primò; quia hujusmodi Montes approbavit Concil. Lateran. *sess. 10.* Idem præstitit Pius II. Paulus II. Sixtus IV. Innocentius VIII. Alexander VI. diversos Montes pietatis approbando sub dictis modificationibus. Secundò; quia ejusmodi Montes summam Reipublicæ Christianæ utilitatem, circa pauperum relevationem afferunt, exclusis tot execrabilibus Usuris, quæ usque ad triginta procentum exigebantur. Securitatem etiam præstant incolis distioribus, dum pecuniam suam in eo collocant, emendo census super Montibus fundatos; deinde pignora, quæ aliàs tota abliguriunt Usurarij, etsi majoris valoris, quam erat fors, fructuosè in defectu solutionis ibi oppignorantur, cum restitutione faciendi Mutuatarijs, quantum ad illam quantam, quæ remanet ultra sortem, & detrimenta passa mutantis.

11. Quæres secundò: an Cambia sint Usuraria? pro resolutione adverte: Cambium rectè describi, quòd *super permutatio nummorum pro nummis.* Ly *permutatio* est genus: reliqua ponuntur pro differentia. Cambium autem aliud est siccum; aliud reale, *Siccum* (sic dictum, quòd careat humore justij lucri) id est, quod nullo justo titulo nititur capiendi lucrum; & fingitur esse verum Cambium, cum tale non sit; sed Contractus verus Mutui: tale est si mutantur nummi, cum auctuario restituendi Romæ, qui tamen reverà restitui ibi nequeunt; sed in loco mutationis. *Reale* est; quod habet veram realitatem, & Justitiam Cambij, in quo proinde ex vera permutatione nummorum accipi potest aliquid ultra sortem. Hoc dividitur in Locale, & Minutum. *Locale* (quod & *Litterarium* dicitur) est permutatio præsentis cum absenti:

si v. g. Campfor det centum florenos Pragæ, ut eos recipiat Romæ; vel recipit Pragæ, ut det Romæ Platoni Campfario. *Minutium* (quod & *Manuale* dicitur, quia de manu in manum redduntur in eodem loco) est permutatio nummorum præsentium diversæ rationis, & speciei, v. g. ut aurei dentur pro argenteis scutis; vel major moneta pro minori; abradi nummi pro integris; vetiti pro legitimis; veteres pro novis; patrij pro forensibus.

12. Dico quartò: licita sunt illa Cambia Minuta, in quibus accipitur aliquid ultra justum valorem nummorum, hic & nunc taxatum; vel ratione operarum seu obsequiorum impenforum à Campfore; vel ratione lucri cessantis; vel perfectionis materiæ. Ita Herincx, Less. Lugo, Navar. Covar. Salas. &c. Ratio primi est; quia operæ, & obsequia Campforis, quæ ipse in Minutis Cambijs adhibet, in accumulando omnis fortis nummos permutandos; in expectando, & paratum se exhibendo ad Campfariorum arbitrium: in alimentando plures famulos, arti nummulariæ attendentes; sunt pretiò æstimabilia: ergo pro eis aliquid ultra valorem justum nummorum à Campfario licite accipere potest; & consequenter Cambia Minuta, hac ratione facta, sunt licita. Ratio secundi est; Campfor potest se servare indemnem in cambiendis pecunijs, v. g. aureis; quos in alium locum transferre decreverat, ubi elevatiorem, & majorem valorem habent; & tamen hic & nunc se privat aureis in gratiam Campfarij: adeoque pro spe lucri nunc cessantis potest aliquid exigere. Tertium patet; quia quando vel materia nummorum antiquorum est purior, & melioris ponderis, quàm materia novorum; vel quando moneta est aurea, quæ ad majorem negociandi commoditatem plurimum conducit, quàm cuprea, vel argentea; æquum est, ut Campfor privans se ejusmodi moneta nobili, & utili, valorem supra ordina-

riam talis monetæ taxam, augeat; & aliquod æstuarium accipiat, ac in ita mercis pluris vendat.

13. Dico quintò: etiam licita sunt Cambia Localia, in quibus aliquid exigitur ultra taxatum valorem pecuniarum; vel ratione translationis nummorum; vel ratione præstationis periculi; seu allecurationis; vel ratione damni emergentis, vel lucri cessantis. Ita Navarr. Gorad. Cajet. Less. Herincx, Med. & communis DD. Ratio primi est; quia translatio virtualis nummorum in Cambijs, in obsequium alterius facta, æquivalet translationi reali, & Campfarius idem percipit commodum ex illa, ac ex reali: adeoque est pretiò aliquò ultra taxatum valorem nummorum æstimabilis, sicut ipsa realis translatio. Secundum patet; quia Campfores plura subeunt pericula in trahendo pecunias per varia loca, & longas vias; & suscipiunt in se onus præstandi securitatem Campfarijs; unde si pecuniæ pereant, pereunt ipsi Campforibus: quæ pericula, & onera sunt pariter æstimabilia. Tertij, & quarti quoque Ratio est; quia solent quandoque subito mutari, & decrescere pretia, & valores nummorum, cum magno damno Campforum: item quia forsitan fuissent nummi Cambio subjecti alijs negotiationibus magis utilibus, & frugiferis applicati à Campforibus; vel fuerunt perfectioris materiæ, v. g. speciei aureæ: vel commodiores ad negociandum; quia erant v. g. meri thaleri, vel scuta; vel erant minoris pretij in loco, ubi eas extraxerit Campfor, quàm ubi Campfarius recipit: sed variatio nociva pretiorum, subtractio majoris utilitatis sperandæ ex nummis Cambio subjectis, perfectio materiæ nummorum, & eorum major valor in loco, ubi à Campfario accipiuntur, sunt pretiò æstimabilia: adeoque licite pro eis aliquid in Cambio Locali accipi potest ultra taxatum valorem nummorum.

## TITULUS XX.

### De Crimine Falsi.

#### CAP. I.

De quidditate Falsi; & modis varijs, quibus committi potest.

**N**Ota primò: progreditur Papa in examine Criminum; & hoc ita, discutit crimen Falsi: circa quod

2. Dico primò: Falsum, prout crimen importat, rectè describitur; quòd *fit versatis immutatio cum dolo, & falsura*; seu *imitatio damnosa & dolosa veri cum tamen verum non sit*. Ita constat ex *Authent. de instrum. censel. collat. 6. Ly permutatio, & imitatio sunt genus*; reliqua ponuntur pro differentia. Ex quibus descriptionibus sequitur, tria requiri ad Falsum; *primum* ut veritas immutetur, *Authen.*

*ibem. cit.* Secundum ut veritas immutetur animo dolo, seu intentione fallendi alterum, *L. nec ad exemplum C. ad Leg. Cornel. de Falsi.* Tertium ut falsitas committatur cum damno alterius; uti habet Glossa in *L. 23. C. hoc tit.* Circa alterum artic. hujus cap.

3. Nota secundò: crimen Falsi principaliter quatuor modis committi potest; scilicet dictò, scriptò, factò, & usu. Dictò committitur si quis verbo veritatem immutet: tale crimen committit testis, si in iudicio falsum deponat testimonium; vel malo dolo supprimit verum, *cap. 1. hoc tit.* ubi gravitas hujus falsi exagatur, & dicitur, quòd *falsidicus testis* tribus personis est obnoxius, id est obligatus; primò DEO, cuius presentiam contemnit; deinde Iudici, quem mentiendo falsus; postremò innocenti, quem falso testimonio ladit. De eodem Falso procedit *L. 1. & L. eos qui 27. ff. de Leg. Cornel. de falsi.* Tale etiam crimen Falsi Dictò committit is, qui subornat testem, eum donis, vel pretio corrumpeudo ad falsè testificandum in iudicio; vel utitur dictò falsi testis; uti habet Clarus. Tandem etiam Iudex crimen falsi Dictò committit, si pecunià correptus, vel aliàs dolo malo inductus sententiat contra Leges, *L. 1. ff. de Leg. Cornel. de falsi.*

4. Nota tertio: Scriptò committitur falsum; si quis conficiat falsam scripturam v. g. si quis scribat testamentum, vel aliud instrumentum falsum, signet, vel recitet, celet, aut subijciat, *g. item Lex Cornelia, Instit. de public. Jadic.* Item si quis in testamento adscribat legatum, vel fidei commissum, *L. si quis legatum 6. ff. hoc tit.* Item si quis prodat adversario instrumenta apud se deposita. Item si quis radat litteras alicujus scripti, & aliud eò inferat, *cap. olim de rescriptis.* Et huc pertinent novem modi recentiti in *cap. Licet. hoc tit.* quibus censentur falsificari Rescripta, seu Litteræ Apostolicæ; quos vide *ibidem*

5. Nota quarto: Factò committitur crimen Falsi variè; primò: si quis utatur falsis ponderibus, vel mensuris, sicque dolo malo fraudem facit, *L. penult. ff. hoc tit.* Secundo si monetam falsam cudat, *L. quicumque 8. ff. eod.* Dicitur autem monetam falsam cudere is, qui privata autoritate, sine concessione Imperatoris, seu supremi Principis monetam excudit, etsi aliàs probam, & justì ponderis, apressò signò, seu figurà Principis, qui illam cudi non fecit. Nam ad solum Imperatorem, vel alium Principem supremum spectat Jus monetandi *cap. 1. que sint regalia lib. 2. Feud. tit. 56.* Potest tamen Imperator, & alius supremus Princeps hoc jus alijs quoque concedere, imò & præscriptione temporis im-

morabilis alijs competere poterit, *Extrav. unic. Joan. XXII. hoc tit.* Præterea etiam ille censetur falsam cudere monetam, qui spurijs nummos efformat ex ære, stanno, vel cupro, vel alia materia, eosque tingit. Vel si nummos legitimos radat, ac diminuat, *L. quicumque 8. ff. hoc tit.* Item qui per artem chymicam alia viliora metalla transmutat, in aurum, & nummos inde cudit, *Extrav. unic. spondet hoc tit. inter communes.* Tertio crimen Falsi Factò quoque committunt, qui mercibus adulterinam, minùsque utilem materiam admiscunt; uti habet Molin. Pirh. &c. Quarto falsarius quoque Factò reputatur, qui alienum partum supponit, fingendo talem esse proprium filium; cum tamen non sit *L. qui falsum 19. ff. eod.* Quintò item qui duobus eandem rem in solidum vendit diversis contractibus, *L. qui duobus 21. ff. eod.* Sextò, qui cum fraude, & præjudicio tertij mutat sibi nomen, & cognomen, *L. falsi 13. ff. eod.* Septimò, item qui utitur insignibus alienis, *L. eos 27. ff. ad Leg. Cornel. de falsi.* Octavò item qui se fingit Sacerdotem, Diaconum, vel Nobilem, vel Doctorem, cum non sit; & aliquos actus ad præfatas personas pertinentes exercet; uti habet Farinac. & Pirh.

6. Nota quintò: Usu committitur crimen Falsi; si quis falsis litteris utatur; vel alleget falsas Leges *L. fin. ff. hoc tit.* Item si quis utatur falsis probationibus, ut si proferat scienter falsa instrumenta, vel scripturas in iudicio; uti habet Mascard. & Farinac. Item qui colligit falsam monetam, eandemque expendit, &c. ut habet Engel &c. Item qui pro milite se gerit, *L. eos, qui 27. ff. eod.* Plures alijs passim in Legibus reputantur, & ponuntur pro falsarijs, saltè ex interpretatione; ut notat Vallens. veluti apertores litteratum sigillatarum Principis *cap. Olim de potest. deleg. &c.*

## CAP. II.

### De pœnis Falsi.

Nota primò: pro crimine Falsi antiquæ Leges Civiles generaliter statuerunt quodam personas liberas deportationem, cum publicatione omnium bonorum; quoad servos verò ultimum supplicium, *g. item Lex Cornelia, de falsis; Instit. de pub. jud.* sed quia deportatio hodie non est amplius in usu; & pœna publicationis est correctæ per Authen. bona damnat. C. de bona prescrip. Ideo hodie pœna Falsi evasit arbitraria, accommodanda casibus emergentibus; uti notat Gloss. Farinac. &c.

LI 3

2. Nota

2. Nota secundò: extant præterea etiam particulares quædam pœnæ contra committentes specialia crimina Falsi. Sic Episcopus Sacerdos, vel Diaconus proferens falsum testimonium in iudicio, aut falsas litteras, deponendus est in perpetuum ab Officio, & in Monasterium detrudendus ad agendam ibi poenitentiam, & Laicæ communionem duntaxat reficiendus, *can. si Epis. 7. dist. 50.* Et omnes falsificantes litteras Apostolicas, seu Bullas, Excommunicationi subjacent; si Clerici sint quicunque omnibus officiis suis, & beneficiis ipso jure privantur; & post degradationem Judici seculari tradendi sunt, ut condignis pœnis secundum Leges Civiles, castigentur *cap. Ad falsarium 7. hoc tit.* Memoratam pœnam Excommunicationis incurrunt omnes coöperantes ad falsationem Bullæ, fautores, defensores, & utentes litteris jam falsificatis Apostolicis, *cit. cap. 7.* similiter Bulla Cœnæ anathemati subicit quoscunque falsarios Litterarum Apostolicarum, etiam in forma Brevis, ac supplicationum, gratiam vel justitiam concernentium per Rom. Pontificem, vel S. R. E. Vice-Cancellarium, vel eorum vices gerentes, aut de mandato ejusdem Rom. Pontif. signatarum.

3. Nota tertio: etiam falsificantes monetam specialem habent pœnam ex Legibus Civilibus, scilicet combustionem, & confiscationem omnium facultatum, *L. 2. C. de falsa moneta.* Ex Juribus etiam Canonicis falsarii monetæ excommunicantur ipso facto, & excommunicatione hæc reservatur Papæ, *Extrav. prædict. univ. Joan. XXII. hoc tit.* Et Alchymistæ fabricantes, & alij scienter distrahentes aurum chymicum pro vero, redduntur perpetuò infames. Et si Clerici fuerint, præterea etiam privandi sunt suis beneficiis, & efficiuntur inhabiles ad eadem, vel alia habenda,

*Extrav. spondent. univ. hoc tit. inter communes.*

## CAP. III.

### De crimine falsi, commissio à Minorita.

1. Nota primò: Frater Minor de Observ. & Ref. committens crimen falsi, deponendo falsum in iudicio, vel depolui procurans, aut revocans, vel revocari procurans quod verè depositum fuerat, incurrit catum Reservatum superiori majori; uti statuitur in *Constit. general. cap. 7. §. 3.* Et insuper ipso facto est excommunicatus; nec absolvi potest nisi à Provinciali, satisfactione præmissâ; ac etiam semestri carceri mancipandus est, sicut dicitur in *incit. Constit. §. 6. n. 64.* Convictus etiam scripsisse falsas litteras, falsaque memorialia composuisse, arbitrariâ severâ pœnâ castigandus est, & tanquam communis quietis turbator habendus, *ibidem num. 66.*

2. Nota secundò: iidem Fratres falsificantes per se, vel alios litteras, aut sigilla Prælatorum Ordinis nostri Franciscani; aut etiam alterius personæ notabilis, ipso facto incidunt in excommunicationem, & superiorum arbitrio carcerati sunt. Si verò sigilla, & litteræ fuerint Generalium, sine eorum assensu falsificatores è carcere liberati non possunt; ac præterea ad omnia Officia Ordinis perpetuò sint inhabiles, *ibidem num. 61.* Judex competens de falsitate commissâ circa litteras Generalium sunt primò ipsimet Generales, eorūque delegati. Deinde etiam Provinciales, in quorum Provinciis falsitas committitur; uti notat Sanct. in *pœnal. & ex eo S. Severino.*

# TITULUS XXI.

## De Sortilegijs.

### CAP. UNIC.

#### De Sortilegijs.

1. Nota primò: 1. fertur etiam inter crimina Sortilegium, id est usus sortium; non quidem omne; cum & in Lege Mosaica reperitur sortium quidam usus; sed Divinatorium, quod affert injuriam DEO; ut dicetur infra. Sortilegi mali sic circumscribuntur *can. 1. caus. 26. q. 1.* quod sint illi

homines, qui sub nomine fictæ religionis per quasdam, quas sanctorum seu Apostolorum sortes vocant, Divinationis scientiam profitentur, aut quatumcunque scripturarum inspectione futura promittunt.

2. Dico primò: Sortilegium propriè dictum bene describitur, quod *sub observatio aliæque casus fortuiti, juxta cujus eventum alio aliqua instituitur; vel occultum cognoscitur; aut futurum prædicatur.* Ly observatio est genus; reliqua ponuntur pro differentia. Et quia

quia Sortilegium innititur fortibus, estque usus quidam sortium; ideo etiam juxta earum multipliciter dividitur. Unde

3. Nota secundo: Sortes communiter tripliciter differentia assignari à DD. videlicet divinatorias, consultorias, & divinatorias. *Sortes Divinatorie* dicuntur illæ, per quas res, vel jus aliquod inter plures dividitur, vel litigium dirimitur; ut si inter plures cohæredes patrimonium defuncti, & bona hæreditaria forte dividantur, *L. 2. C. quando, & quibus quarta pars debeat, &c.* *Sortes Consultoriae* dicuntur illæ, in quibus occultæ veritatis manifestatio, aut consilii alicujus directio à Deo imploratur. Hòc modò deprehensum est peccatù Achan, qui de anathemate furtim furripuit, propter quod populus Israëliticus in bello fuit cæsus, *Jos. 7.* *Sortes Divinatorie* dicuntur illæ, quibus latentis veritatis manifestatio, vel consilii directio non à DEO; sed expressè, vel implicite à Dæmone petitur; sub his plerumque magnalæ superstitio, & idololatria, *can. Sors 1. caus. 26. q. 1.* Ex hac itaque triplici differentia sortium nascuntur Sortilegia Divisoria, Consultoria, & Divinatoria.

4. Dico secundo: Sortilegium Divisorium, seu usus sortium Divisiorum est licitus; modò non excludat Divinam Providentiam; & fiat ob necessitatem, vel utilitatem, vel justam causam. Ita Vallens. Engel, Pirh, &c. Et constat ex *can. 1. caus. 26. q. 2.* Et ex illo S. Scripturæ *Prov. 18. contradiçiones comprimunt foris; & inter potentes quoque dividit.* Et ex *L. sed cum ambo 14. ff. de jud.* Estq; Ratio; quia ejusmodi sortilegium, & usus sortium Divisiorum nullum per se continet superstitionem, aut divinationem, neque DEO per ipsum infertur ulla injuria; adeoque licitus est. Unde etiam S. Augustinus eundem approbavit, teste Gloss. in *caus. 26. q. 2.* scribens quibusdam, quando Civitas quædam erat obfessa, & dubitabatur, quinam de Clero deberent exire, & quinam remanere, forte rem esse decidendam.

5. Dico tertio: Similiter Sortilegium Consultorium, seu usus sortium Consultoriarum licitus est; sed rarissime adhibendus, & non nisi DEI jussu, vel quando nullum humanum Consilium suppetit, & negotium est grave, ob quod proinde DEUS meritò consulendus est; si id fiat cum debita reverentia, & petatur humiliter ab eo per specialem providentiam occulta sortium diremptio: si aliter fiat usus earum illicitus est. Ita Vallens. Engel. Pirhing, &c. Primum constat ex factò S. Petri, qui per sortes Consultorias elegit S. Mathiam in Apostolum locò Judæ, *Act. 1.* Et de simili

usu sortium etiam procedit illud *Proverb. 16. Sortes mittuntur in sinum; sed à Domino temperantur.* Secundum constat ex *can. Sors 7. caus. 26. q. 5.* Et *cap. 4. ibid.* ubi dicitur: non Mathia exemplo indifferenter sortibus credendum est; cum singulorum privilegia legem communem facere non possint; si qui tamen necessitate aliqua compulsi DEI M. putant exemplo Apostolorum sortibus consulendum, vident hoc ipsos Apostolos non nisi collecto Fratrum catu, & precibus ad DEUM suscipisse: Ex quibus habetur usum sortium consultoriarum non esse licitum, quando non fit ex causis in conclusione allegatis.

6. Dico quartò: Sortilegium Divinatorium, seu usus sortium Divinatoriarum non est licitus; sed graviter prohibitus. Ita communis DD. Et constat ex *can. 5.* Et *can. 7.* Et *can. 11. caus. 26. q. 5.* Estq; Ratio; quia sortes Divinatorie sunt medium improporionatum, & vanum ad talem finem ac effectum: nusquam enim DEUS promissit se sortes temperaturum, ad præsignificanda futura; vel aperienda occulta; unde habet admixtam saltem tacitam Dæmonis invocationem, ut is sortes regat, & occultum manifestet, per quod proinde DEO irrogatur gravis injuria. Et talia Sortilegia censentur esse, si invocetur Dæmon in libris, sicut faciunt legentes aliquos versus alicujus psalmi: item si fiant aliqua puncta in tabulis, ex quibus indicentur futura, aut occulta, v.g. furta, &c. uti notat Abbas. Ad Sortilegos hujus classis reducuntur quoque incantatores, arioli, auspices, augures, Magi, & similes farinæ homines pessimi; de quibus dicitur *Lev. 19. non declinetis ad Magos, nec ab Ariolis aliquid discite mini.*

7. Nota tertio: Sacri Canones prohibent regulariter usum sortium in electionibus ad Prælaturas, & ad beneficia Ecclesiastica, *cap. 3. & ult. hoc tit.* Ratio est; quia nulla est necessitas in ejusmodi electionibus regulariter recurrendi ad Sortes; cum per alias vias congruentes possint fieri. Deinde subesset in tali modo eligendi periculum, nè fors super indignos, vel minus dignos cadat cum præjudicio Ecclesiarum. Præterea, quia per tales electiones sorte factas quodammodo tentaretur DEUS, à quo petitur, ut ipse per miraculum revelet, quis sit eligendus, uti notat Abbas: Unde his modis eligendi non continetur inter approbatos modos faciendarum electionum, qui habentur *cap. Quia propter 42. de elect.* Prohibent quoque iidem Canones usum sortium pro furtis inquirendis, *cap. 1. hoc tit.* Uti & usum inspectionis astrolabii, vel alterius instrumenti Astronomici, *cap. 2. hoc titulo.*

8. Nota quartò: Jura Civilia statuunt contra Divinatores, & Sortilegos Divinarios pœnam capitis, & publicationis bonorum, *L. nemo s. C. de malefic.* Jura verò Canonica Clericos exercentes usum sortium Divinato-

rium jubent deponi ab officio, & beneficio, & detrudi ad monasterium, *can. 4. & seq. caus. 26. q. 1.* Si autem id ex aliqua simplicitate fecissent, suspendendi sunt à Divinis, & altaris ministerio, *cap. 2. hoc tit.*

## TITULUS XXII.

### De Collusione detegenda.

#### CAP. UNICUM.

##### De detegenda Collusione.

1. **N**Ota primò: *hoc tit.* discutit Papa aliud crimen, quod dicitur Collusio, quæ speciem Falsi habet; nam in Jure dicitur colludere is, qui aliud agit, & aliud simulat.

2. Dico primò: bene describitur Collusio hic; quòd sit *quadam latens fraudulenta conventio inter actorem, & Reum, vel eorum procuratores, quâ interveniente aliquando delicta manent impunita.* Ita Glossa, & communis DD. *Ly conventio* est genus; reliqua ponuntur pro differentia. Perficitur autem in re ejusmodi Collusio, si actor post factam denunciationem, ac litis contestationem adjuvet partes Rei, celando, vel dissimulando veras probationes; vel falsas defensiones, & exceptiones admitiendo; vel totaliter recedendo ab accusatione eò fine, ut Reus absolvatur, & evadat pœnas meritas; sicque Judicium publicum reddatur illusorium, uti ex Hostien. notat Pirh.

3. Dico secundò: Collusio in judiciis est graviter prohibita. Ita communis DD. Et constat ex *cap. 3. hoc tit.* Estque Ratio; quia per ejusmodi Collusionem sæpe contingit Judicia eludi, proximum damnificari, & pec-

cata gravia non castigari, cum gravi damno Reipublicæ

4. Nota secundò: potest autem Collusio contingere non tantum in causis criminalibus; sed etiam in civilibus; item tam in temporalibus, quam in spiritualibus seu Ecclesiasticis; uti notat Hostiens. Item potest committi tam ab ipsis partibus litigantibus, quam eorum procuratoribus ac advocatis; tam à personis laicis, quam Ecclesiasticis, secundum Vallens, & Hostiens.

5. Nota tertio: Si contingat in Judicio intervenire aliquam Collusionem, ita ut actor ab accusatione desistat; tunc Judex debet ex officio inquirere, an is per Collusionem desisterit ab accusando, vel non; uti constat ex *cap. Scripta 1. hoc tit.* Imò et si Reus jam sit absolutus per Collusionem à crimine, postquam Collusio Judici innotuerit, tenetur de novo contra ipsum inquirere, *cap. in tantum 4. hoc tit.*

6. Nota quartò: Laicus colludens punitur pœnâ extraordinariâ arbitrariâ secundum Abbat. &c. DD. & ab accusando repellitur *L. 1. ff. de prevar.* Clericus verò colludens in causa beneficiâ, subiciendo beneficium annuæ pensioni, beneficiò privandus est, *cap. Audivimus, 4. hoc tit.*

## TITULUS XXIII.

### De Delictis Puerorum.

#### CAP. UNICUM.

##### De Puerorum Delictis.

1. **N**Ota primò: delicta non tantum perpetrantur ab hominibus in adultæ ætate constitutis; verum etiam ab aliis in tenera adhuc ætate degentibus, quatenus sunt doli capaces; quales sunt complures pueri, qui varia mendacia, furta, perjura,

blasphemias, &c. committere solent, *cap. 1. hoc tit.* Unde merito Papa *hoc tit.* de horum delictis etiam agit. Censetur autem puer is, qui adhuc est impubes, & intra septimum, & decimum quartum annum est constitutus; & puella, quæ intra septimum, & duodecimum annum, *cir. cap.*

2. Dico primò: pueri, & puellæ doli capaces ob sua delicta gravia, v.g. homicidia, furta &c. puniendi sunt; pœnâ tamen mitiori.

Ita com-



Ita communis DD. Et constat ex *cap. Pueri* 1. Et *cap. referens* 2. *hoc tit.* Et quia in ejusmodi vera & quidem omnia peccata; præter consummatum carnis, cadere possunt *L. 1. ff. ad Sc. Silemianum*, ac proinde pro iisdem non minus, quam provectæ ætatis homines, puniendi sunt, *cap. 1. cit.*

3. Dico secundò : parentes ob delicta filiorum puerorum, vel puellarum impuberum non debent conveniri, vel mulctari pecuniaria. Ita Vallens. Gloss. &c. Et constat ex *cap. 2. hoc tit.* Et *L. 1. C. ne filius pro patre &c.* Et *Instit. de noxal. act. in fine.*

## TITULUS XXIV.

### De Clerico Venatore.

#### CAP. UNIC.

#### Quæ venatio Clericis prohibeatur.

1. Nota primò : *hoc tit.* proponit Papa prohibitionem Venationum quoad Clericos ; non quòd ea illicita sit ex se ; cum venari sit actus indifferens, & propterea Laicis permessa ; sed quia eadem dedecet aliquomodo statum eorum, qui in sortem Domini sunt vocati ; & quia est impeditiva exercitiorum ad Clericos pertinentium. Unde

2. Dico primò : personis Ecclesiasticis Jure Canonum vetita est venatio, & aucupium. Ita communis DD. Et habetur *cap. 1. Et 2. hoc tit.* Et in Trident. *sess. 24. cap. 12. de Refor.* Estque Ratio ; quia, ut dixi, Venatio & Aucupium dedecet statum Clericalem ; & abstrahunt multum ab exercitiis, & Officiis Divinis ; avocantque ab aliis spiritualibus utilibus occupationibus ; insuper frequentata præbent populo scandalum ; uti rectè notat Menoch.

3. Nota secundò : prædicta autem conclu-

sio intelligenda est tantum de Venatione, in qua solent intervenire feritas, cædes, armorum usurpatio, clamores, tumultus, cursus, & magni strepitus, canum ingens latratus, sylvaticæ evagationes ; item accipitrum, & falconum usus, longaque mora, & inutilis vigilia in aucupis ; uti constat ex *cap. 1. hoc tit.* Non autem de Venatione & aucupio quieto, & moderato, cum paucis canibus, cum retibus, & laqueis, & brevi mora ; maxime si hæc rarò fiant, & recreationis duntaxat causâ ; vel ob aliquam necessitatem, puta ad capiendas feras nocivas, devastantes segetes, vel vineas Clericorum ; vel causâ exercitii corporalis ; uti notat Gloss. Host. Sylv. &c. Cum lex non sit extendenda ultra rationem, quam habet adjunctam ; ut ait Zoëf.

4. Nota tertio : Episcopus frequentans venationes clamorosas per tres menses suspendendus est ab officio ; Presbyter per duos ; Diaconus verò ab omni, sed sine præfinitione temporis, *cap. 1. hoc tit.* Minoritate beneficiati arbitrio Episcopi puniendi sunt, *arg. cap. de causis 4. de offic. Jud. deleg.*

## TITULUS XXV.

### De Clerico Percussore.

#### CAP. I.

#### De Clerico Percussore.

1. Nota primò : *hoc tit.* Papa persequitur Clericos percussores ; hos enim decet mansuetudo, cui adversatur percussio, exercita factio, aut verberibus, aut aliò modò, indecente personas Ecclesiasticas.

2. Dico primò : graviter vetitum est personis Ecclesiasticis exercere percussiones. Ita communis DD. Et constat ex *cap. 1. Et 2. hoc tit.* Estque Ratio ; quia ut dixi ejusmodi

exercitium non coheret cum mansuetudine ; quæ personas Ecclesiasticas omnino decet, ad exemplum Salvatoris.

3. Nota secundò : Clericus sæpè alium, etiam Laicum illicitè percutiens jubetur deponi, *cap. 1. hoc tit.* Episcopus jubens aliquem Laicum delinquentem cædi graviter fustibus debet à celebratione Missarum duobus mensibus abstinere, *cap. 2. hoc tit.* Quòd si Clerici ipsi subditi graviter delinquant, Episcopus pro gravioribus criminibus potest quidem eosdem curare corrigi, etiam verberibus, *can. cum beatus 8. dist. 45.* Non potest

tamen Episcopus eosdem propriis manibus verberare, *can. non licet 25. dist. 36.* Sed hoc fieri debet per alium Clericum; & nullatenus per Laicum: aliàs tam Episcopus, quam talis Laicus incidunt in excommunicationem, *cap. Universis 24. de sent. excom.* Quòd si tamen Clericus delinquens esset penitus incorrigibilis, tunc is per Laicum licet verberari posset, *arg. cap. Ut fama 35. de sent. excom.* Imò & per Episcopum Clericus quisque delinquens verberari potest, si alius Clericus ad hujusmodi effectum non reperiatur; uti habet Glossa. Prælati etiam minores Episcopò suos Regulares criminosos causâ regularis discipline in persona verberare possunt; uti & per alios Religiosos ad hoc deputatos, quando necessitas id exigat, *cir. cap. Universis.* Attendere autem debent dicti Prælati, nè notabiliter excedant in præfata correctione; aliàs incident in excommunicationem, latam *can. Si quis suadente, &c.*

## CAP. II.

### De Percussore in Ordine Franciscano.

**N**ota primò: distingui in Ordine nostro inter percussorem levem, & gravem. Percussio levis censetur,

quæ fit pugno, palma, manu, pede, digito, baculo, lapide, &c. dummodo nullam maculam, seu fussionem relinquit; uti habet Sanctiorum in penal. Gravis censetur esse, quæ fit præfatis instrumentis, cum secuta fussionem, vel abscissione membrorum; uti habet idem Author.

2. Nota secundò: Frater Minor leviter percussus, deferre debet probationis capitulum per annum, & ad Superioris libitum incartari, uti habent Constit. General. Ord. *cap. 7. §. 6. num. 51.* Graviter verò percussus, gladio, baculo, vel pugio Fratrem, vel seculari, annuati carceri est mandandus; & omni suffragiorum jure, ac actibus legitimis perpetuo est privandus; & insuper poenitentia publicè ter quilibet hebdomadâ genuflexione in communitate, & appenditione illorum instrumentorum, quibus percussit, *ibidem num. 52.* Percussus autem graviter dictis instrumentis Prælatus, secutâ morte, ad trirèmes mittendus est. Si etiam percussio contingat fieri in personam Provincialis quovis modò, etiam leviter tantum, percussus quoque ad trirèmes damnandus est, arbitrio Generalis. Si autem in personam ipsius Generalis etiam levissimè fiat, percussus perpetuò trirèmbus addicendus est, *ibidem num. 53.*

# TITULUS XXVI.

## De Maledicis.

### CAP. UNICUM.

#### De Maledicis.

**N**ota primò: præf. tit. Summus Pontifex tractat de crimine Maledicti, quod sic dicitur à maledicendo: & contingit hoc crimen, dum quis aliquod malum de præsentî, vel futuro enunciat de proximo; vel dum lingua solvitur in DEI, Sanctorumque injuriam, blasphemando scilicet DEUM, aut Sanctos. Unde

2. Dico primò: rectè describitur Maledictus, quòd sit injuriosus contumeliator, seu oblocutor DEI, vel Sanctorum, vel proximi sui. Ly contumeliator est genus; reliqua ponuntur pro differentia.

3. Dico secundò: gravissimè prohibitum est Maledictum tum in DEUM, ejusque Sanctos; tum in proximos. Ita communis TT.

Primum constat ex *cap. Statuimus, 2. hoc tit.* Estque Ratio; quia per maledictum, seu blasphemiam DEI, ac Sanctorum maxima irrogatur injuria, & irreverentia eisdem; minuitur DEI Majestas, & Sanctorum excellentia, ac honor. Secundum constat ex *cap. Innocentius 1. hoc tit.* Estque Ratio; quia per maledictum seu oblocutionem calumniosam gravem proximo factam committitur detractio ejus gravis, & damnificatio in honore, ac ælimatione.

4. Nota secundò: Clericus maledicus in Summum Pontificem in depressionem Officii, & Beneficii graviter puniendus est arbitrio Judicis; uti constat ex *cap. 1. hoc tit.* Nam scriptum est Exodi 22. *cap. Principi populi tui non maledicis.* Si verò, Clericus in aliam quamcunque personam, maxime Ecclesiasticam maledicta effuderit, compelli debet ad veniz petitionem faciendam; & in casu relictæ

**S**antia ab Officio deiciendus; nec unquam reassumendus, *can. Clericus maledicus s. dist. 46.* Religiosus maledicus in Prælatos Ecclesiarum per duos menses subjacere debet pœnis, aliàs in Constitutionibus suis Regularibus ordinatis, *Clement. 1. de privil.* Laicus maledicus in Papam pœnâ rigorosâ arbitrariâ à Judice seculari puniendus est; uti habet Farin. Hostiens. Et constat *arg. cap. 1. hoc tit.* Maledicens verò proximo suo cuicumque, arbitriò Judicis corripiendus est. Quòd si maledictum fiat in forma libelli famosi, redditur infamis, & ad triremes est damnandus, ex *Constit. Gregorii XIII.*

5. Notat tertio: Maledicus in Cæsarem, vel alium supremum Principem secularem, plebendus est pœnâ arbitrariâ ipsius Cæsaris, vel supremi Principis; uti constat ex *L. unic. C. & quis Imperatoris maled.* Nam & de tali Principe procedit ille textus *Exod. 22. cap. Principi populi tui non maledicas.*

6. Nota quarto: Maledicus, & blasphemus in DEUM, ejusque Sanctos secundum Legem Moysicam lapidibus à populo obruebatur, *Leviti. 24. cap.* Secundum Jus Canonicum Clericus talis blasphemus deponendus est ab officio Clericali. Laicus verò excommunicandus, *can. Si quis 10. caus. 22. q. 1.* Præterea *cap. 2. hoc tit.* statuitur, ut Laicus blasphemus in DEUM, & ejus Cœlites publicam poenitentiam agat, juxta formam *ibidem* præscriptam; & pœnâ insuper pecuniariâ coërceatur. Quòd si verò recusaverit subire præfatas pœnas, interdicendus est ab Ecclesiâ ingressu, & privandus sepulturâ Ecclesiasticâ, *cir. cap. 2. De mûm* secundum Leges Civiles maledicus, seu blasphemus Divinæ Majestatis, ac Sanctorum subire debet extremum supplicium, seu pœnam mortis, juxta *Auth. ut non luxurientur homines coll. 6. nov. 77.* Putat autem Covarr. Clarus, & alii Legistæ, hanc pœnam in desuetudinem abiisse; unde hodie arbitraria tali maledico imponitur, spectatâ qualitate personæ, & facinoris; uti notat idem Clarus. Blasphemus etiam efficitur inhabilis ad testificandum, uti notat Covarr. & Pirh.

7. Nota quinto: censetur autem ille esse maledicus, & blasphemus in DEUM primo,

qui ei aliquid negat, dicendo v. g. quòd non sit omnipotens; vel quòd non habeat providentiam hominum, ac rerum humanarum, &c. *Secundo*, qui aliquid de DEO asserit, quòd ei non convenit; v. g. si dicat DEUM esse tyrannum injustum, aut aliò convitiò eum impetat. *Tertio*, qui aliquid tribuit creaturæ, quòd DEO debetur; v. g. si dicat, Dæmonem æquè cognoscere cordium secreta, vel futura contingentia, sicut DEUM. *Quarto*, si quis per falsos Deos juret. In Sanctos quoque committitur blasphemia, si impetantur convitiis; si denegetur eis advocatio apud DEUM; aut debita invocatio, aut debitus cultus Dulciæ, &c.

## CAP. II.

### De Maledicis in Ordine Franciscano.

**N**ota primò: Minorita Observans, & Reformatus maledicus in DEUM, vel Sanctos per blasphemiam DEI, aut Domini nostri JESU Christi, aut DEIPARÆ V. MARIÆ incurrit Casum reservatum, ex *Constitut. General. Ord. cap. 7. §. 3.* Maledicus autem in Summum Pontificem, vel summam ejus dignitatem in terris, vel in Apostolicis Constitutiones, Decreta, vel Sanctiones, semestris carceris pœnâ est multandus, ac aliâ graviore, ad arbitrium Superioris; uti habent Constitutiones *cir. cap. 1. §. 1. n. 1.* Temerè verò os laxans in S. R. E. Cardinales, aut eorum dignitatem in genere, vel in specie, & præsertim in D. Protectorem Ordinis, imò & in Episcopos, & alios Prælatos Ecclesiarum, per tres menses est incarcerationandus; *ibidem n. 2.* Contumeliosus verò in Ministrum, vel Vicarium, vel Commissarium Generalem, puniendus est eorum arbitriò; *ibidem n. 3.* Maledicus in Ministrum Provinciale, vel Commissarium, carcerandus est arbitriò eorum, & suffragiorum Jure privandus ad arbitrium Generalis; *ibidem n. 4. & 5.* Maledicus demum in Guardianum, vel Vicarium, vel aliquem gravem Patrem, arbitriò Provincialis puniatur; *ibidem n. 6.*

## TITULUS XXVII.

## De Clerico excommunicato, deposito, vel interdicto ministrante.

## CAP. UNIC.

## De Clerico in Censuris ministrante.

**N**ota primò: contingit nonnunquam, ut Clericus censurâ excommunicationis, suspensionis, vel interdicti innodatus, vel depositus, vel degradatus, in suo ordine ministret, & Missam celebret, ac Divinis Officiis sese ingerat; quæ delicta proinde Papa *ipso iur.* inflectatur, & punit. Unde

2. Dico primò: si Clericus excommunicatus excommunicatione majori, suspensus vel interdictus, celebret Divina Officia, & debite monitus non se emendat, deponendus est perpetuò ab officio & beneficio. Ita Abbas, & communis DD. Et constat ex *cap. Clericus 3. hoc tit.* Et *cap. 4. & 6. eod.* Quòd si autem post depositionem per contemptum, & superbiam aliquid de ministerio sibi interdicto agere præsumperit, & ab Episcopo suo correptus in incerta præsumptione perduraverit, per sæcularem potestatem ad Ecclesiæ requisitionem in exilium ejiciatur, *cap. Si quis, 2. hoc tit.*

3. Dico secundò: Clericus propter crimen commissum iuste depositus, seu degradatus à gradibus Ecclesiasticis, deinde celebrans Missam, vel ministrans in suscepto Ordine, post debitam admonitionem est excommunicandus. Ita Hostiens. & communis DD. Et habetur in *cap. Si quis Episcopus 1. hoc tit.*

4. Dico tertio: Clericus dubitans se censurâ excommunicationis majoris esse innodatum, quia scilicet per solam famam audivit, sententiam dictæ censuræ esse contra se latam; si postea celebret, incidit in pœnas Canonum decretas contra illos, qui celebrant Divina Officia in excommunicatione actuali; cum tali tamen misericorditer potest dispensari. Ita Glossa & communis DD. Et constat ex *cap. Illud Dominus 5. hoc tit.* Estque Ratio; quia talis stante dubio debebat abstinere à celebratione; cum in dubiis tutior via sit eligenda, *cit. cap. 5.*

5. Dico quarto: Clericis excommunicationis excommunicatione majori non possunt

conferri beneficia Ecclesiastica: & collationibus facta non tenet: Ita Glossa, Covarr. &c. Et constat ex *cap. Postulasti 7. hoc tit.* Et Ratio est; quia beneficia Ecclesiastica conferuntur regulariter propter Officium, juxta *cap. ult. de rescrip. in 6.* Excommunicatus excommunicatione majori est à Jure suspensus ab omni executione officii; ita ut si in excommunicatione celebret Divina, reddatur irregularis *cap. 1. & 2. de sent. excom. in 6.* Conferentes autem scienter alicui excommunicato tali beneficium, suspenduntur à collatione ulteriori beneficiorum, quousque à Superiore super hoc veniam consequantur, *cit. cap. 7.* Si autem conferatur beneficium tali excommunicato, & istempore collationis absolvatur, tenet collatio, *cap. Proposuit, 8. hoc tit.*

6. Nota secundo: innodatus solum minori excommunicatione celebrando graviter quidem peccat; attamen non efficitur irregularis, *cap. ult. hoc tit.* Et tamen talis prohibetur eligi; non tamen eligere; vel ea præstare quæ sunt jurisdictionis, *cit. cap. ult.* Præterea quamvis idem excommunicatus administrando aliis Sacramenta peccet; nullâ tamen afficitur irregularitate: & collatio dicta tenet; suumque effectum habet; uti notat Valens.

7. Dico quinto: Si alicui excommunicato excommunicatione majori conferatur beneficium, postea autem absolvatur à dicta censura, poterit cum eo misericorditer dispensari, ut illud retineat. Ita communis Doctorum. Et constat ex *cap. Postulasti 7. hoc tit.*

8. Dico sexto: Clericus censurâ excommunicationis majoris irretitus scienter exercens actum proprium Ordinis saltem majoris, v.g. Diaconus solemniter cantando Evangelium, vel Sacerdos celebrando, ipso facto redditur irregularis: idem dicendum de Clerico interdicto, & suspensio ministrante. Ita Covarr. Avila, Navarr. Et constat ex *can. Si quis Episcopus 6.* Et *can. Seq. caus. 11. q. 3.* Estque Ratio; quia Clericus in Sacris constitutus, & censurâ excommunicationis majoris irretitus, ipso facto est suspensus à ministracione in suo ordine; quare si nihilominus in eo ministret, redditur irregularis; uti notat Glossa, & cit. DD.

9. Dico

## Tit. XXVIII. De Clerico non ordinato ministrante. 277

9. Dico septimò: imò & Clericus Minorista præstatò modò excommunicatus, suspensus, vel interdictus, & ministrans in aliquo Ordine irregularitatem contrahit. Ita Hostiens. Sylv. Abbas &c. Et Ratio est; quia & Clerici Minoristæ veniunt nomine Clericorum; ut patet ex *can. 1. dist. 21.* Quare sicut Clericus in sacris constitutus efficitur irregularis, si in excommunicatione constitutus ministrat in suo Ordine, *can. si quis Episcopus 6. caus. 11. q. 3.* Ita & Clericus Minorista: nam Jus generaliter loquens, generaliter est intelligendum; nisi per aliud Jus distinguatur, ac

declaretur, *cap. quia circa, de privil.* si tamen talis Clericus Minorista excommunicatus, suspensus, vel interdictus cum inculpabili ignorantia ministrat in aliquo Ordine minori, non contrahit ullam irregularitatem; ut habet Avila, Lopez &c. Nam irregularitas ista à Canonibus statuta est in pœnam; uti constat *can. 6. & 7. caus. 11. q. 3.* Et *cap. 4. hoc tit.* ibi, *si deliquisse constiterit.* pœna verò non incurritur nisi ob commissam culpam: adeoque sit ad sit inculpabilis ignorantia, seu nulla culpa, consequenter non contrahitur ulla irregularitas.

# TITULUS XXVIII.

## De Clerico non ordinato ministrante.

### CAP. UNIC.

#### De ministrante in Ordine, quem non suscepit.

**N**Ota primò: punit *hoc tit.* Papa, grave crimen, quod committitur ab aliquo exercente ministerium, & functionem alicujus Ordinis, quem non habet. Unde

2. Dico primò: si Clericus quispiam præsumptuosè usurpaverit sibi Divina, aut Ecclesiastica officia, temerè ministrando in aliquo Ordine, quem non habet; aut baptizando sine ulla necessitate, excommunicandus est; & efficitur irregularis, ita ut altiores Ordines suscipere nequeat. Ita Glossa, & communis DD. Et constat ex *cap. 1. hoc tit.* ubi per ly *abjiciatur* in textu Suar. & alij DD. intelligunt *excommunicatur*: & per ly *non ordinetur* irregularitatem. Eadem irregularitas constat ex *cap. 2. eod.* similiter talis præsumptuosus usurpator ministerij Divini, vel Ecclesiastici, quod ad eum non pertinet, suspenditur ipsò factò ab usu, & exercitio illorum Ordinum, quos jam antea ritè susceperat, *cit. cap. 2.* Circa beneficium tamen cum eo misericorditer agi poterit per Episcopum, ne debità sustentatione orbatus ad sæculi negotia in opprobrium Clericalis status cogatur reverti, *cit. cap. 2. Clement. VIII.* verò in quadam Constit. *Esse alias*, ordinat, ut si non Sacerdos sacrificet, vel confessiones audiat, ab Ecclesia abjiciatur, & ab Ordinibus degradetur, & demum Judici sæculari tradatur, debitæ pœnis plectendus.

3. Nota autem secundo: ut autem Clericus Divini, vel Ecclesiastici ministerij præ-

sumptuosus, & temerarius usurpator censeatur, & præfatas pœnas incurrat, requiruntur sequentes conditiones. *Primò*, ut talis Clericus ministrat scienter in aliquo Ordine, quem non habet; ut notat Zoëf. Avila, Suar. &c. *Secundo*, ut ministrat in tali Ordine solenniter, & tanquam ex officio ad tale ministerium deputatus; ut habet Sylv. Avila, Pirh. &c. *Tertiò*, ut illud ministerium faciat seriò, & non per jocum tantum; uti habent *cit. DD.*

4. Dico secundo: si aliquis Laicus eò usque prævaricatus fuerit, ut sibi usurpaverit ministeria Divina alicujus Ordinis, vel statûs Clericalis; is & sit irregularis; & Judicis arbitriò graviter puniendus est. Ita Vallens. Navar. Avila &c. Primum constat ex *cap. 1. hoc tit.* quod generaliter, & absolute quemcunque ministrantem in aliquo Ordine, quem non habet, & consequenter Laicum, inhabilitat ad Ordines suscipiendos, seu irregularem efficit; quod à fortiori currere debet de Laico, utpote qui magis delinquit, quàm Clericus, qui saltè est constitutus in statu Clericali. Nec obstat, quod Rubrica *huius tit. sit, de Clerico non ordinato ministrante*; quia in pluribus manuscriptis Codicibus Rubrica sic ponitur; *de non ordinato ministrante*, teste Glossa marginali hic. Præterea, ut rectè observat Zoëf. & Pirh. ex Everhard. non semper valet argumentum à rubro ad nigrum; quia quandoque contingit, ut nigrum sit generalius rubrò; hoc est plus continet inscriptio Tituli; & vice versà, ut rubrum sit nigrò generalius. Ratio secundi est; quia cum Sacri Canones non imposuerint determinatam pœnam corporalem laicis, ministeria

Mm 3 Divina

Divina sibi usurpantibus (& hoc ideo, quia forsitan non æstimârunt Laicos eò temeritatis prorupturos, ut ejusmodi ministeria sibi usur-

parent; uti deinde aliquando factum fuit) ideo pro tali crimine Judex arbitrarîam pœnam statuere potest, & debet.

## TITULUS XXIX.

### De Clerico per saltum promotò.

#### CAP. UNIC.

##### De Ordinatione per saltum facta.

**N**ota primò: perstringit *hoc tit.* Papa aliud crimen Clerici, si nimirum curet se per saltum promoveri. Censetur autem per saltum promoveri, qui prætermisso inferiore aliquo Ordine, priùs necessariò suscipiendò, suscipit alium Ordinem superiorem; v. g. qui omisiss Minoribus suscipit Subdiaconatum, aut omisso Diaconatu curat se ordinari in Presbyterum; quod prohibitum est; quia Ordines cum quadam ferie, & gradatim, & non præpostero modo sunt suscipiendi, & conferendi, *can. sollicitudo dist. 52. Et 59. Et 60. alijsq̃ue.*

2. Dico primò: Ordinatio facta per saltum quidem tenet, & character imprimitur; sed taliter ordinatus est ipso Jure suspensus ab executione Ordinis suscepti; donec prætermisus Ordo inferior eidem conferatur. Ita Sylv. Avil. Suar. Pirh. &c. Primum colligitur ex *cap. Tue, unic. hoc tit.* ubi promotus per saltum non jubetur repetere susceptionem Ordinis Sacerdotalis, quem per saltum suscepit; sed suscipere Ordinem prætermisum; quod tamen fieri mandasset Papa; si Ordinatio per saltum facta non tenuisset, & character non fuisset impressus. Secundum colligitur ex *ead. cap.* ubi de illo Sacerdote per saltum promotò mandat Papa, ut Episcopus eum procuraret ordinari in Diaconum; & tunc ex misericordia permittat ipsum ministrare; adeoque supponit ipsum ipso Jure fuisse suspensum ab executione Ordinis Sacerdotalis; alioquin nulla opus fuisset dispensatione; ut rectè notat Avila contra Vallens.

3. Nota secundò: Episcopos posse dispensare cum ejusmodi Clericis per saltum promotis; si non ministraverint in suscepto Ordine, ut in Ordine sic suscepto deinde possint ministrare; imposità tamen priùs congruà pœnitentià, sublata suspensione, & suppletò

illò Ordine prætermisò, ut scilicet per subsequentem Ordinationem eidem priùs conferatur; uti constat ex *cap. unic. cit.* Et ex Trident. *sess. 23. cap. 14. de Reform.*

4. Nota tertio: si promotus per saltum non ministret in Ordine suscepto, non propterea est irregularis factus per talem Ordinationem; nusquam enim constat ex Jure de Canone inducente aliquam irregularitatem pro dicto casu. Et quia *cap. unic. hoc tit.* dicitur, quòd Episcopus possit dispensare cum promotò per saltum post suppletionem Ordinis prætermisiss, ut possit ministrare in suscepto per saltum Ordine; quod facere non posset, si aliqua irregularitas ex Ordinatione per saltum eo ipso accresceret ordinato; nam solus Papa in tali irregularitate potest dispensare; ut notat Zoëf. & Avil. si tamen ordinatus per saltum ante absolutionem suspensionis præsumat ministrare in Ordine per saltum suscepto, efficitur irregularis; Ratio est; quia communis doctrina Canonica est, omnem Clericum ligatum aliquà censurà excommunicationis, vel suspensionis effici irregularem, si quà talis ministret in aliquo Ordine, *can. si quis Episcopus 6. caus. 11. q. 3.* Similiter fit irregularis, si ministret in Ordine prætermisso; quia tunc ministrat in Ordine, quem non habet; quod inducit irregularitatem, *cap. 1. de Cleric. non ordin. ministr.*

5. Nota quartò: si Clericus prætermisò Sacramentò Confirmationis suscipiat Ordines, validè eos suscipit, nec propterea fit irregularis; nullo enim Jure talis invaliditas, aut irregularitas exprimitur; uti notat Zoëf. Avila &c. Tridentinum tamen *sess. 23. cap. 4. de Reform.* præcipit, ut Sacramentum Confirmationis præmittatur primæ tonsuræ: omissis autem nullam taxat pœnam. Et putat Avila, quòd secluso contemptu non sit mortale illud omittere. Baptismi tamen omissio invalidat susceptionem Ordinum; eò quòd ipse sit janua Sacramentorum; uti habet Glossa in *can. sollicitudo dist. 52. & habet communis DD. Sententia.*



## TITULUS XXX.

De eo, qui furtivè Ordinem suscepit.

### CAP. UNIC.

De furtivè ordinatis.

**N**ota primò: in *ssotit*. Pontifex invenitur contra Clericos furtivè suscipientes Ordines; quod pariter prohibent *SS. Canones*, tum *hoc tit.* tum alibi. Contingit autem susceptio furtiva Ordinum quatuor potissimum modis. *Primò*, si Clericus approbatus tantum ad suscipiendos Ordines Minores, eadem die etiam suscipit Subdiaconatum, de quo *cap. 2. hoc tit.* *Secundò*, si Clericus sine licentia, & consensu sui Episcopi, ac sine prævio examine se se intrudat inter Ordinandos; de quo *can. quando Episcopus, dist. 24.* Et *can. extra' consentiam dist. 44.* *Tertiò*, si Clericus contra prohibitionem Episcopi eodem tempore recipiat duos sacros Ordines, de quo *cap. ult. hoc tit.* *Quartò*, si Clericus curet se ordinari per saltum, de quo procedit *tit. preced.* De primis tribus furtivis Ordinationibus specialiter *hoc tit.* agit. Unde

2. Dico primò: Clericus qui suscepit furtivè Ordinem aliquo ex prædictis tribus primis modis, si adversus ejusmodi delinquentes lata fuerat excommunicatio, uti fieri solet passim, non potest talis Clericus ministrare in suscepto Ordine; nec ascendere ulterius ad alium superiorem Ordinem, absque Apostolica dispensatione; sed incurrit suspensionem. Ita Zoëf. Vall. Abbas, &c. DD. Et constat ex *cap. Veniens, hoc tit.* Et *cap. 3. eod.* si autem nulla excommunicatio præviè lata fuerat contra tales Clericos furtivè suscipientes Ordines, poterit Episcopus post injun-

ctam, & peractam poenitentiam cum eodem dispensare, tollereque suspensionem; uti constat ex *cap. 3. & 2. & 1. eod.*

3. Nota secundò: in Jure nullam reperiri irregularitatem, quæ propterea consurgeret in Clerico aliquo ex prædictis tribus modis furtivè suscipiente Ordinem; uti notat Zoëf. contra Abbat. Unde quando *cap. 3. hoc tit.* dicitur, quòd ejusmodi Clericus non possit ministrare in taliter suscepto Ordine; id non irregularitatem aliquam; sed tantum suspensionem ab executione talis Ordinis indicat, uti docet Covarr. & Zoëf.

4. Nota tertio: tamen si hæc suspensio statuta sit in *hoc tit. Decret.* contra Clericum furtivè suscipientem Ordines Majores: attamen eadem etiam contra suscipientes Ordines Minores extenditur, *cap. Cum illorum 32. de Sent. excom.* ubi simpliciter hæc pœna statuitur contra furtivè suscipientes Ordines Ecclesiasticos; de quorum numero sunt etiam Minores; uti notat Zoëf. Pirh. &c. Suscipientes tamen furtivè eodem die primam duntaxat tonsuram, & quatuor Minores, hæc pœna non ligat; cum prima tonsura non sit aliquis Ordo; ut notat Zoëf. &c.

5. Nota quartò: ubi consuetudo viget eodem die eidem Clerico possunt licite conferri quatuor Minores, & Subdiaconatus; si ita placuerit Episcopo ordinanti: nam Canones tantum prohibent collationem duorum Sacrorum Ordinum eodem die: nec Tridentinum *sess. 23. cap. 11.* talem consuetudinem reprobat. Alias autem regulariter distinctis diebus conferri debent Minores, & Subdiaconatus, *cap. 2. hoc tit.*

## TITULUS XXXI.

De Excessibus Prælatorum, & Subditorum.

### CAP. I.

De excessibus Prælatorum circa Clericos Subditos, ac Religiosos Diocæsis.

**N**ota primò: postquam Papa in *Superioribus tit.* egit de criminibus communibus omnium Clericorum;

nunc *hoc tit.* tractat de delictis particularibus Prælatorum erga suos Subditos; & Subditorum erga suos Prælatos; quæ delicta vocantur *Excessus*. Censetur autem tunc à memoratis personis particularibus committi *Excessus* (& sit descriptio *Excessus*) si transgrediantur limites à Legibus Canonis sibi præfixos, operando aliqua, ad quæ non habent potestatem: quod contingit plurimis modis, ita ut qui vel-

let omnes Excessus tales referre, deberet pœnæ omnes resolutiones sequentium titulum, ac plurium aliorum referre. Quare ad declinandam omnem prolixitatem, sub *hoc tit.* proferam solos excessus, registratos in *ead. tit.* Juris communis Canonici, prohibitos sub variis pœnis.

2. Dico primò: censentur Prælati Episcopi, alique Clerum subditum habentes committere excessum, si eundem iniquè gravent indebitis exactionibus, vel taliis, jure vel consuetudine non permisis; item si aliquem Presbyterum indebitè tractent, & sine judicio Capituli suspendant, vel excommunicent, vel Ecclesiam ejus interdicto supponant, non servato ordine judiciario. Ita communis DD. Et habetur *cap. Perennis 1. hoc tit.* Pœna pro tali Excessu ponitur arbitraria; *cit. cap. 1.*

3. Dico secundo: Præterea censentur Prælati Episcopi excedere, si absque legitima causa Ecclesias inferioribus Prælatis subditas eripiant ab eorum jurisdictione; vel si iidem, vel etiam Prælati beneficia suæ collationi aliàs reservata sibi ipsi retineant, vel conferant. Ita communis DD. Primum habetur *cap. Ad hoc 2. hoc tit.* Secundum verò extat *cap. Ad aut 3. hoc tit.*

4. Dico tertio: excedunt quoque Episcopi, ac alii Prælati, si beneficia Ecclesiastica vacantia, vel Ecclesias conferant indignis: item si imperent aliquid contra privilegia Clericorum subditorum; & in casu talis excessus Clericus subditus privilegiatus non tenetur parere Episcopo, vel alteri Prælato sic præcipienti. Ita communis DD. Et primum habetur *cap. Inter dilectos 11. hoc tit.* Secundum extat *cap. Sanè 5. hoc tit.* Unde si forsitan Prælatus Clericum subditum privilegiatum excommunicaret, eò quòd non paruerit suo imperio, talis excommunicatio non tenet; sed nulla censetur; uti constat ex *cap. Cum ad quorundam 7. hoc tit.*

5. Dico quarto: excedunt similiter Prælati, Episcopi, si dividant, vel uniant Episcopatus; quod solum ad Summum Pontificem pertinet; aut si vigore decreti Conc. Tridentini *sess. 23. cap. 18. de Reform.* quòd conceditur Episcopis applicare, & unire Seminario beneficia simplicia primò vacatura; velint unire illa, quæ in citato Decreto non continentur. Ita Vallens. &c. DD. Primum habetur *cap. Sicut 8. hoc tit.* Secundum constat ex declaratione Cardinalium, allegata à Vallensi, secundum quam Episcopus in vim citati Decreti Tridentini non potest unire Seminario beneficia vacantia, per resignationem conditionalem, in favorem scilicet tertii, & non aliter;

vel quæ sub reservatione pensionis; aut simili; vel quæ sunt Episcopalis collationis.

6. Dico quinto: præ Excessu etiam gravi reputatur, si Episcopus directè, vel indirectè præbeat anam homicidio; & eò secuto efficitur irregularis, privandusque est officio Pontificali, & Sacerdotali, ac removendus ab administratione Episcopatus. Exorbitat pariter gravissimè tum Episcopus, tum alius Prælatus, si adstringat Sacerdotem ad faciendas revelationes peccatorum, in confessione Sacramentali auditorum. Ita communis DD. Et primum habetur *cap. Ex literis 10. hoc tit.* Unde Episcopus tenens aliàs jurisdictionem temporalem, debet constituere Judicem secularem, pro tractandis causis criminalibus; nè si Episcopus ipse sese ingerat executioni pœnæ corporalis, puta occisioni Rei, vel ejusdem mutilationi, dictas pœnas *cit. cap. statutas* incurrat. Secundum habetur *cap. Dilectus 13. hoc tit.* Circa alterum articulum hujus cap.

7. Dico sexto: Episcopi, & Rectores Ecclesiarum, alique Clerici Cathedralium vel aliarum censentur excedere, si Religiosis viris quibusvis in sua Dioecesi, vel territorio habitantibus imponant aliqua ex quindecim gravaminibus registratis, *cap. Nimis iniqua 16. hoc tit.* & ex aliis triginta, relatis in Clement. *Frequens univ. hoc tit.* ac demùm, qui Fratres Minores, & Prædicatores molestant aliquò ex duodecim gravaminibus *cap. Nimis prava 17. hoc tit.* adductis. Ita Hostiens. Glossa, Vallens. Pirh. &c. Et constat ex *cit. capis.* Decretalium, & Clementinæ, *hoc tit.* quæ consule ibid.

## CAP. II.

### De Excessibus inferiorum Prælatorum, & subditorum circa suos Prælatos.

**D**ico primò: Prælati Episcopò inferiores censentur Excessum committere, si uniant Ecclesias sibi subiectas sine consensu Episcopi, aut Episcopalem jurisdictionem habentis; quod facere nullatenus valent. Ita Engel, Pirh. & communis DD. Et constat ex *cap. Sicut 8. hoc tit.* Quod tamen intelligendum est, nisi Prælatus Episcopò inferior v.g. Abbas habeat Jus uniendi per aliquod speciale privilegium Apostolicum; vel legitimà præscriptione; uti notat Abbas, Innoc. &c.

2. Dico secundo: excedunt quoque Prælati Episcopò inferiores, si judicialiter cognoscant

## Tit. XXXI. De Excessibus Prælatorum, & Subditorum. 281

scant causas matrimoniales : item si Prælati præfati injungant publicas solennes pœnitentias ; vel concedant Indulgentias ; quod de Jure communi pertinet ad solos Episcopos ; quamvis hujusmodi actus possint à Papa etiam alicui Prælato inferiori concedi. Ita Hostiens. Vallens. & communis DD. Et habetur *cap. Accedentibus 12. hoc tit.* Circa alterum articulum hujus cap.

3. Dico tertio : excedere dicuntur subditi Clerici in suos Prælatos, si ipsi quâ privati, & singulares sine Prælato, seu Superioris legitimi autoritate & consensu erigant collegium ; aut usurpent sibi sigilla, vel alia Jura collegiorum : item si violent interdicta ab iisdem Superioribus legitime facta. Ita communis DD. Primum habetur *cap. Dilecta 14. hoc tit.* Secundum verò extat in *cap. Tanta 18. eod.*

4. Dico quarto : Excedunt præterea Clerici subditi, qui contra juramentum, seu homagium suo Prælato præstitum, negant eundem esse suum Dominum ; vel in causa spiri-

tuali ipsum trahunt ad sæculare Judicem, de eodem conquerendo ibidem ; vel præbent consilium adversariis ejusdem contra ipsum. Ita communis DD. Et habetur *cap. Gravem 15. hoc tit.*

5. Dico quinto : Excessum quoque committunt prohibitum in Jure Vicarii Ecclesiæ, qui usurpant sibi personatum Ecclesiasticum, contra fidem, & juramentum præstitum : etiam excedunt graviter omnes tam Clerici, quàm Laici, qui peccata incontinentiæ, maxime quæ contra naturam sunt, committunt ; & demùm Clerici de suo crimine publicè gloriantes. Ita Hostiens. &c. DD. Primum habetur *cap. Illud 6. hoc tit.* Secundum ponitur *cap. Clerici 4. hoc tit.* Ubi Laici propter peccatum contra naturam perpetratum jubentur excommunicari. Clerici verò abjiciendi sunt de statu Clericali, aut in Monasterium trudendi pro agenda pœnitentia. Tertium exstat *cap. Quam sit, 9. eod.* ubi clariùs de commissio crimine glorians jubetur suspendi.

# TITULUS XXXII.

## De novi Operis Nunciatione.

### CAP. UNICUM.

#### De nunciatione novi operis.

1. Nota primò : inter excessus tam Prælatorum, quàm subditorum numerant quoque Canones ædificationes novorum operum, etiam priorum ; ut Ecclesiæ, Capellarum, &c. quas fieri verant iisdem Canonibus, quatenus ex sunt præjudiciose aliquomodo vicinis ; unde de similibus proponitur à Papa *iste tit.*

2. Dico primò : rectè describitur novi operis nunciatio ; quòd *si prohibitio sollemnis proximo facta, nè sit in alterius præjudicium ædificet novum opus ; aut jam capium prosequatur, donec de jure ædificationis constiterit.* Ita Hostiens. Vallens. &c. *Ly prohibitio* est genus ; reliqua ponuntur pro differentia.

3. Nota secundò : nunciationem novi operis solum fieri posse in illis operibus immobilibus, quæ solo conjuncta, aut conjurgenda sunt, fiuntque in eodem solo eo fine, ut fixa perseverent ; quare si quis messem colligat, aut arbores succidat, ad hoc editum nunciationis novi operis non spectat, *L. 1. §. hoc tit. autem editum 2. junct. Gloss. ver. in solo ff. hoc tit.*

4. Nota tertio : novum opus facere censetur, qui aut ædificando de novo, aut detrahendo immutat pristinam faciem operis, *cit. L. 1.* Unde si quis opus olim constructum duntaxat fulciat ; vel reparet ; non dicitur novum opus facere, quod hoc editò coerceri, & nunciari posset, *cit. L. 1.* Introducta est autem novi operis nunciatio ad conservandum Jus nostrum ; vel ad avertendum damnum imminens ex fabricatione novi operis ; vel ad avertendum Jus vicinum, *cit. L. 1.*

5. Nota quarto : nunciationem novi operis potest facere in primis is, cuius interest nunciare, seu dominus cui damnum imminet, *L. 1. §. pen. ff. hoc tit.* Deinde etiam emphyteuta, & feudatarius ; imò & superficiarius, *L. 3. §. Si ego ff. hoc tit.* Item creditor, cui prædium nomine hypothecario est subiectum, *L. creditor 9. hoc tit.* Item is, qui habet servitutem realem in fundo, in quo de novo fabricatur, *cit. L. 3. §. Si ego.* Non potest autem præfata nunciationem facere adversus dominum, seu proprietarium prædii, qui habet servitutem merè personalem, si talis dominus aliquid attentet in eo fabricare, *cit. L. 1. §. fin.* Præterea potest etiam Procurator facere nunciationem prædictam nomine sui principalis ; dum-

modò munitus sit speciali mandato ad hoc; uti notat ex Molina Pirh.

6. Nota quintò : nunciatio novi operis perfici potest tribus modis, scilicet vel simpliciter verbò, inhibendo nè opus tale faciat; vel autoritate Magistratús, seu Prætoris per publicam personam; vel per jactum lapilli in ipsum opus, *L. de pupillo 3. §. 10. ff. hoc tit.* Cessat porro ejusmodi nunciatio sex modis, ita ut vim, & effectum non habeat. *Primò*, si nuncians remittat nunciationem factam ædificanti novum opus; uti constat ex *cap. 2. hoc tit.* *Secundò* cessat, si nuncians acceptet cautionem à denunciato de opere demoliendo, si constituerit ipsum jus ædificandi non habere, *cap. 3. hoc tit.* *Tertiò* cessat, si nuncians recuset jurare coram Judice de calumnia, *cit. L. 3. de pupillo.* *Quartò* cessat, quando periculum est in mora, ita ut dilatio ædificii cæpti, vel incipienti causet probabiliter grave damnum; uti constat ex *cit. L. 1. & habet Abbas, Gail. &c.* *Quintò* cessat, si Prætor nunciationem novi operis revocet *L. si opus 16. ff. hoc tit.*

7. Nota sextò : effectus nunciationis novi operis est, quod eà debitè facta ædificans desistere debeat à cæpto opere; aliàs moles noviter ædificata, ex integro deinde demolienda erit expensis ipsius ædificantis; sive jure, sive absque jure molestalis facta sit, *cap. Cum ex in-*

*juncto 2. hoc tit.* Et *L. 1. ff. hoc tit.* Unde nunciatio ista est quædam appellatio extrajudicialis, quâ pendente nihil attentandum est; uti notat Gail. & Vallens.

8. Nota septimò : nè autem contingat in nunciationibus intercedere malitiosam retardationem, Canones statuunt, ut nuncians novum opus probet intra tres menses, tale opus fieri cum præjudicio, & injuria sua, *cap. 1. Et ult. hoc tit.* His elapsis ædificans oblata priùs latisdatione de opere suis sumptibus demoliendo in casu, quò pronuntiabitur injusta ejus ædificatio potest prosequi ædificationem novi operis, *cap. ult. hoc tit.* Et *L. unie. C. eod.*

9. Dico secundò : nunciatio novi operis etiam institui potest, quando quis ædificat capellam in præjudicium Ecclesiæ baptismalis; quæ demolenda est, comperta veritate, expensis constructentis. Ita communis DD. Et habetur *cap. Intelleximus 1. hoc tit.* Et in hoc conformat se Jus Canonicum Juri Civili dicens *cit. cap. quia verò sicut Leges non dedignantur SS. Canonum imitari* (proùt habetur in Auth. ut Clerici apud proprios Episcopos, &c. coll. 6.) ita et SS. Canonum statuta Principum constitutionibus adjuvantur; idèò mandat Papa quòd secundum Legales Constitutiones debet demoliri, scilicet Capella in præjudicium baptismalis Ecclesiæ constructa.

## TITULUS XXXIII.

### De Privilegiis; & Excessibus Privilegiatorum.

#### CAP. I.

#### De Quidditate, Divisione, Acquisitione, & Perditione Privilegiatorum.

**N**ota primò : committuntur etiam excessus circa privilegia, quando nimirum vel nervus eorum eliditur; vel favor in eis contentus cum abusu, & præjudicio extenditur; cùm tamen Privilegia non sint alteranda, sed integra, & illibata conservanda, excessusque circa ea cavendus, *cap. Porro 7. hoc tit.* Unde Papa *hoc tit.* invehitur contra excessus solitos fieri circa Privilegia, ponendo varias resolutiones. Dicuntur autem Privilegia quasi privata Leges, *can. 3. dist. 3.* Nam Privilegia alicui particulari personæ, communitati, corpori, vel loco concedunt speciale ac singulare Jus; ut colligitur ex *cit. can. 3.* Et *cap. Abbate de V. S.* Unde

2. Dico primò : rectè describitur Privilegium, quòd *su constitutio Principis, speciale fa-*

*vorem concedens certa personæ, communitati, loco, vel muneris, contra, vel ultra Jus commune.* Deducitur ex *cit. can. 3.* Ly Constitutio est genus; reliqua ponuntur pro differentia. Venit autem hic nomine Privilegii sic descripti, omne Rescriptum, Indultum, Bulla, Breve, Diploma, ac alia Scriptura, solemniter à Principe expedita, & favorem particularem continens, contra, vel ultra Jus commune; uti notat Zoëf: Circa divisionem Privilegii

3. Nota secundò : Privilegium variè dividitur. *Primò* aliud est clausum in Corpore Juris; aliud datum per speciale rescriptum. *Primum* est, quòd inter cæteras Leges Corpori Juris insertum est; talia sunt Privilegia Ecclesiarum, & Ecclesiasticorum, quæ extant passim tam in Corpore Juris Canonici, quàm etiam Civilis in *tit. C. de SS. Ecclesiis.* Et *C. de Episcopis, & Clericis.* *Secundum* est, quòd extra corpus Juris certæ alicui personæ, communitati, vel loco per speciales Litteras, Diploma, vel Bullam concessum est; uti notat Engel.

4. Nota

4. Nota tertio: præterea *secundo* dividitur in reale, & personale. *L. Privilegia ff. de R. J. Privilegium Reale* est, quod directè & principaliter conceditur alicui rei, loco, munerì, vel dignitati; tale est Privilegium concessum Monasterio, vel prædio, vel Ecclesiæ, vel dignitati Episcopali. *Personale* est, quod directè, & principaliter conceditur personæ: & propterea tale etiam dicitur sequi personam, & cum persona extingui, *cap. Privilegium, de R. J. in 6.* Tertiò partitur Privilegium in generale, & speciale. *Primum* est, quod conceditur omnibus personis talis communis. *Secundum* quod conceditur tantum uni, vel quibusdam de tali corpore, vel communitate. *Quartò* dividitur in merè gratiosum, & remuneratorium. *Merè gratiosum* est, quod datur sine ullo respectu ad aliqua merita. *Remuneratorium* est, quod datur cum respectu ad merita; talia sunt pleraque Privilegia Regularibus data à Summis Pontificibus ob præclara eorum merita in prædicatione, conversione Infidelium, defensione Ecclesiæ per literaturam, &c.

5. Nota quartò: rursus *quintò* Privilegium aliud est perpetuum, aliud temporale. *Perpetuum* dicitur illud, quod datur absque ulla limitatione temporis; tale est concessum dignitati, aut Sedi Episcopali; vel Ordini Religioso. *Temporale* dicitur illud, quod datur cum aliqua determinatione temporis v. g. ad decennium. *Sextò* aliud præterea est contra Jus. *Privilegium contra Jus* dicitur illud, quod derogat Juri communi; tale est exemptio Regularium à Jurisdictione Ordinarii. *Ultra Jus* est quod concedit favores peculiares in Jure non expressas; talia sunt amplæ facultates absolvendi, dispensandi, &c. à Summis Pontificibus concessæ Regularibus. *Septimò* tandem dantur Privilegia quædam concessa ad preces; & quædam data motu proprio. *Prima* dantur ad supplicationem certarum personarum. *Secunda* absque ulla supplicatione conceduntur: Plures alias divisiones vide in *Schola mea Theologica, tom. 3. tract. de Privileg. & Laym.* ac alios DD. Circa acquisitionem Privilegii.

6. Nota quintò: Privilegia tribus modis acquiruntur. *Primò*, actuali concessione Principis privilegiantis certam aliquam personam, communitatem, vel locum. *Secundò* per communicationem, quando videlicet Princeps Privilegium uni concessum, etiam extendit ad alterum. Hòc modò Summus Pontifex Clemens VII. Privilegia concessa va-

riis Religionibus, communicavit quoque, & extendit ad tres Ordines S. Francisci; ut videre est in Bulla 2. ejusdem. Tertiò acquiritur Privilegium consuetudine, vel præscriptione, præsertim illà, cujus principium excedit memoriam hominum, quæ communiter ipsi Privilegio æquiparatur; uti constat ex text. & DD. in *cap. Novis, de judic.* Et in *cap. Super quibusdam, de V. S.* Circa amissionem Privilegii

7. Nota sextò: pluribus modis amittitur, & interit Privilegium. *Primò* per interitum vel personæ privilegiatæ, *cap. 7. hoc tit.* Vel per interitum rei privilegiatæ; ut habet Engel. Si tamen domus v. g. privilegiata per ruinam, vel bellum, vel alium casum corruat, conservantur ejus Privilegia, & reviviscunt, si denuò reficiatur, *L. ade sacra ff. de contrah. empt.* Per mortem autem concedentis Privilegium non amittitur: nam gratia semel obtenta non cessat per mortem concedentis, *cap. Si super gratia, de offic. deleg. in 6.* *Secundò*, amittitur Privilegium per lapsum temporis, ad quod fuit restrictum; vel cessationem conditionis, cui fuit subiectum. *Primum* habetur *cap. 4. de offic. deleg.* Secundum patet; quia conditio continet in se tempus, quò proinde cessante, censetur & Privilegium cessare. Tertiò amittitur per abusum privilegiati; si nimirum is occasione Privilegii delinquat; v. g. si quis spe immunitatis in Ecclesia committat crimen, *cap. ult. de immunit. Eccles.* Et *can. ubi, dist. 74.*

8. Nota septimò: Præterea *quartò*, amittitur Privilegium cessante causà finali ejus, quæ est causà principalis concessionis talis Privilegii, à qua ita dependet tum in fieri, tum in conservari, ut eà cessante & ipsum cessare oporteat; cum tunc careat fundamentò, *cap. cessante, de appell.* *Quintò*, si Privilegium incipiat cedere in grave aliorum, vel communitatis detrimentum, censetur cessare; vel saltè revocari potest per sententiam concedentis, *cap. Suggeritum, de decim.* Et *cap. penult. de Cler. non resid.* *Sextò* quoque cessat Privilegium per renunciationem expressam ejusdem; id est voluntariam abdicationem Juris sibi concessi: nam quisvis potest renunciare favori pro se introducto, *L. pen. C. de pact.* Quod intelligendum est, si Privilegium personale favorem contineat; non verò si communem alicujus corporis, vel publicum Ordinis Religiosi, vel Clericalis; nam tali privata persona privilegiata renunciare nequit, v. g. Privilegio Fori, & Canonis, in favorem totius Ordinis Clericalis introducto, *cap. Si diligenti, de*

*foro comp. Et cap. Contingit de sent. ex-  
commun.*

9. Nota octavò : rursùs amittitur Privilegium *septimò* per renunciationem tacitam ; quæ Juris interpretatione censetur fieri per non usum Privilegii ; vel per usum contrarium ; uti tenent communiter DD. Sed altercantur inter se de tempore, & numero actuum ; quantum scilicet tempus, & quot actus requirantur, ut censetur Privilegium interire per non usum, vel contrarium usum : quæ altercatio oritur ex varietate textuum utriusq; Juris. Probabiliorem censeo opinionem Glossæ dicentis in *cap. Accedentibus hoc tit.* quod Privilegia perdantur eodem tempore, quò præscribitur contra Jus commune ; nam cum Privilegium sit quædam lex privata, conveniatur cum Jure communi Ecclesiastico in causa efficiente, materiali, & etiam formali majori ex parte ; meritò sentiendum est, ut cum eodem etiam conveniat in tempore sui interitus, puta vel 30. vel 40. annorum ; vel immemorabili tempore, juxta varias opiniones. Quoad numerum actuum contrarii usus dici potest, quod Privilegium semel receptum, & usitatum censetur per usum contrarium amitti tunc, si per annos 40. actus tali Privilegio contrarii continuentur, quo tempore præscribitur contra Legem Ecclesiasticam aliquando in usu positam. Privilegium verò nunquam in usum positum perdat, si per 10. annos actus ipsi contrarii ponantur, quo tempore præscribitur contra Legem Ecclesiasticam, nunquam usu receptam.

## CAP. II.

### Varie Resolutiones circa Privilegia.

1. **D**ico primò : ad valorem, & effectum Privilegii non requiritur necessariò, ut sit scriptum ; sed sufficit voluntas Principis sufficienter declarata vivæ vocis oraculò, vel aliter, quòd is Privilegium tale concedat. Ita Glossa, Azor, Sylvest. &c. Et constat ex *can. institutionis 7. caus. 25. q. 2.* Et Clement. *Dudum 2. §. nos etenim &c.* Et *Extrav. ult. post initium.* Expediuntamen est, ut Privilegium scriptò conficiatur, ad ejusdem majorem firmitatem, & probationem, *can. 7. cit.* Et jam Stylus Curie Romanæ obtinuit, & habetur in Regulis Cancellariæ Apostolicæ, quòd Gratia omnes per literas expediri debeant ; & ante earum ejusmodi expeditionem vocentur *informes* ; ac nulli suffragentur dispensationes in judicio, vel extra, ante-

quam luper iis Literæ Apostolicæ sint confectæ.

2. Dico secundò : omnis, & solus ille potest concedere Privilegium, qui pollet potestate legislativa ; cujusmodi sunt Summus Pontifex, Imperator, Reges, & Supremi Principes ; item etiam Prælati Papæ inferiores pro sua ditione, & contra Leges à se conditas, vel indifferentes ; non verò contra Jus commune. Ita Sylv. Suar. & communis DD. Ratio est ; quia Privilegium est quædam Lex privata : adeoque omnis, & solus ille potest tale concedere, qui pollet potestate legislativâ.

3. Dico tertio : Privilegia concessa contra Jus commune strictè sunt interpretanda, & potius restringenda ; quàm extendenda : similiter si cedant in præjudicio tertii : si autem sint concessa ultra Jus commune, & meram gratiam contineant, latè sunt interpretanda. Ita Glossa, Pirh. &c. Primum patet ex illa Regula 15. Juris in 6. *Odia sunt restringenda.* Et alia 28. *ibid.* Et ex *cap. Cum dilectus 1. & ibi Glossa ver. Juri communi, de consuet.* Estque Ratio ; quia sicut bonum commune est præferendum bono particulari ; ita & Jus commune Juri particulari, quale est Privilegium quando agitur de ejus interpretatione. Ratio secundi est ; quia Princeps privilegians non censetur velle alteri auferre situm Jus ; nisi id clarè exprimat ; quare meritò Privilegium cum præjudicio tertii datum, strictè interpretandum est. Tertium constat ex illa Regula 15. Juris in 6. *favores conveniunt ampliari.* Et ex *cap. Olim 16. de V. S.* ubi dicitur, quòd *beneficia Principum sunt interpretanda latissimè.* Regulas autem speciales ritè interpretandi Privilegia vide *tom. 1. hujus oper. in prol. tit. 4. cap. 1. & 2. posui.* Et apud Sylv.

4. Dico quartò : in Privilegio personali nequit fieri ulla extensio de persona Privilegiata ad aliam in Privilegio non expressam ; nec de casu in casum ; vel de actu in actum. Ita Glossa, Hostiens. & ceteri Doctores. Et constat ex *cap. Sanè 9. hoc tit.* Estque Ratio ; quia quod uni singillatim conceditur, non statim omnibus convenit *can. hinc est 39. caus. 16. q. 1.* Et quia Privilegium est Jus singulare, & sequitur personam, ac cum eadem extinguitur, *cap. Privilegium, 7. de R. J. in 6.* Et procedit dicta doctrina, quòd Privilegium non possit extendi ad personas, loca, & actus, etsi adsit similitudo rationis ; uti habet Suar. Cum Privilegii efficacia non consistat omnino in ratione ; sed & voluntate Principis.

5. Dico



5. Dico quintò: quando Privilegiainnovatur, vel confirmantur in forma communi, nihil juris novi per hoc attribuitur privilegiato: quando verò innovatur ex certa scientia, scilicet cum perfecta notitia illius, & tenoris ejus, ac omnium circumstantiarum, tunc novum Jus acquiritur privilegiato, ita ut ex invalido fiat validum; adeoque Privilegium etiam amissum revocetur in pristinum statum. Ita Barbof. Suar. Pirh. &c. Primum habetur *cap. Quia intentionis 29. hoc tit.* Ratio secundi est: quia renovatio facta ex certa scientia habet vim novæ concessionis.

6. Nota primò: si contingat instrumentum Privilegij deperdi, & propterea petatur ejus renovatio: tunc prius tria probanda sunt; primò quòd illud instrumentum Privilegij aliquando existerit; Secundò, quòd talis fuerit ejus tenor, qualis fuisse asseritur à privilegiato: tertio quòd idem instrumentum caruerit omni vitio, *cap. Cum olim 12. hoc tit.* Et stante petitione de obtinenda renovatio-  
ne dicti Privilegij, potest pars adversa, cujus interest, se opponere, & impedire innovationem ejusdem Privilegij, si probet de Jure suo, *cit. cap. 12.*

7. Dico sextò: Privilegium tunc demum sortitur suum effectum, ac Jus confert privilegiato, postquam ad ejus notitiam pervenerit, & ipse illud acceptavit, saltè per Procuratorem, vel epistolam. Ita Glossa, Laym. &c. Et constat ex *cap. 1. §. ex parte de concess. prob. in 6. Et ex cap. Si tibi 17. eod.*

8. Dico septimò: nullus privilegiatus obligatur ad usum sui Privilegij; sed potest illi renunciare. Ita communis DD. Et constat ex *cap. si de terra 6. in fine hoc tit.* ubi habentur sequentia ad propositum, *cum liberum sit unicuique suo Juri renunciare.* Estque Ratio; quia quod concessum est in favorem, non debet in ejus cedere gravamen, uti habet *reg. 61. dereg. Jur. in 6.*

9. Dico octavò: ex eo, quod aliquæ Ecclesie solvant Papæ annum censum, non probatur sufficienter Privilegium exemptionis earundem à jurisdictione Ordinarij; nisi appareat quòd talem censum solvant in finem immediatæ subjectionis, ac perceptæ libertatis. Ita Abbas, Glossa, &c. Et constat ex *cap. Recepimus 8. hoc tit.* Estque Ratio; quia solutio censûs annui potest etiam significare alia, quam exemptionem à jurisdictione Ordinarij, puta speciale protectionem Papalem, absq; ulla exemptione à jurisdictione Ordinarij.

10. Dico nonò: similiter Privilegium à Papa concessum alicui monasterio, ut fru-

ctus Ecclesie sibi subiectæ in suos usus possit convertere, non probat illam Ecclesiam esse exemptam à Jurisdictione Ordinarij. Ita communis DD. Et habetur *cap. Pastoralis 19. hoc tit.* Estque Ratio; quia Papa concedendo aliquod Privilegium non censetur velle derogare Juri Ordinariorum; nisi id exprimat, uti liquet ex *cit. cap. 19.* Et quia Papalia Privilegia semper censentur esse concessa absque gravamine tertij; uti notat Glossa.

11. Dico decimò: qui per Privilegium Apostolicum est exemptus à jurisdictione Ordinarij respectu unius loci, v. g. Capellæ Regiæ; non censetur esse exemptus respectu alterius, v. g. Parochiæ, quam ab Ordinario habet. Ita communis DD. Et habetur *cap. cum Capella 16. hoc tit.*

12. Dico undecimò: si contingat aliquod Monasterium obtinere à Papa Privilegium exemptionis ab Ordinario, non propterea censentur etiam exemptæ Capellæ ipsi subiectæ; nisi specialiter hoc exprimatur in Privilegio. Ita communis DD. Et statuitur in *cap. Ex ore 17. hoc tit.* Quare Episcopus in ejusmodi Capellis retinet omnia Jura Episcopalia, enumerata *cap. conquerrante 16. de Offic. Jud. Ordin.*

13. Dico duodecimò: exempta tamen per Privilegium Papale aliqua Ecclesia collegiata, vel conventuali, censentur etiam exempti Canonici, Monachi, & alij Ministri; & à fortiori ipse Abbas, seu Prælati Ecclesie. Ita communis DD. Et statuitur *cap. Per exemptionem 9. hoc tit.* Et arg. *can. Scire 7. caus. 7. q. 1.*

14. Dico decimotertio: personæ per Papalia Privilegia exemptæ à jurisdictione Ordinariorum, possunt nihilominus ratione delicti, contractûs, aut rei, de qua contra ipsos agitur, conveniri coram iisdem Ordinarijs, si delictum sit factum, vel contractus celebratus in loco non exempto; & res litigiosa non sit exempta: personæ verò exemptæ per Privilegia Apostolica specialia etiam ratione delicti commissi, contractûs initi, aut rei sitæ extra locum exemptum, cujusmodi sunt plerique Regulares, nequeunt conveniri coram Ordinarijs. Ita Glossa Fagn. &c. Primum constat ex *cap. Volentes.* Secundum patet; quia aliàs tale Privilegium speciale exemptionis nihil operaretur.

15. Dico decimoquarto: potest quis duplici Privilegio exemptionis, uno scilicet Papali, altero Episcopali uti ad se defendendum. Ita Glossa, & communis DD. Et constat ex *cap. Cum olim 14. hoc tit.* Estque Ratio; quia nemo prohibetur pluribus defensionibus uti, juxta *reg. Juris 20. in 6.*

16. Dico decimo quintò: Si quis Episcopus concedat alicui Monasterio Privilegium immunitatis à solvendis decimis, simpliciter, & indefinitè remittendo Decimas Episcopales, id est Quartam Canonicam, de Jure communi alias solvendam Episcopo ex decimis inferiorum Ecclesiarum, intelligitur tale Privilegium comprehendere remissionem non solum præsentium, & præteritarum; sed & futurarum; & extenditur quoque ad Decimas prædiorum postea emendorum. Ita Glossa Barbof. &c. Et constat ex *cap. Quia circa 22. hoc tit.* Estque Ratio; quia dispositio indefinita æquipollet universali *can. 1. dist. 19. Et L. Si servitum 23. de servit. urb. præd.*

17. Dico decimo sextò: Regulares aliqui, qui interdictio causam non dederunt, habent Privilegium in una Ecclesia illius loci, qui interdictio generali subjacet, semel in anno celebrandi Divina; exclusis excommunicatis, & interdictis; idem quoque conferetur concessum Episcopis. Ita communis DD. Primum constat ex *cap. Ut Privilegia 24. hoc tit.* Secundum statutum est *cap. Nonnullis 25. hoc tit.* Et Divinis memoratorum Privilegiatorum tunc interesse non possunt extranei; nisi & hi speciale Privilegium habent, quòd possint audire Divina in locis interdictis, *cap. Licet 11. hoc tit. in 6.* Bene tamen familiares dictorum Privilegiatorum, si Privilegium ipsis concessum, fuerit speciale, *cit. cap. 11.*

18. Dico decimo septimò: quando aliqui Regulares obtinent Privilegium tempore interdicti generalis liberè sepeliendi suos Fratres, id quoque extenditur ad illos Confratres, qui Fraternitati eorum fuerunt adscripti, & oblato Ordini, ita ut per habitum aliquomodo distinguantur ab habitu sæcularium; licet adhuc in domo sæculari morentur. Ita Glossa &c. Et habetur *cap. Ut Privilegia 24. hoc tit.*

19. Dico decimo octavò: Privilegium celebrandi super altare portatile habent Episcopus, Archi-Episcopus, & his superiores; item Minores, & Prædicatores ubique: ac demum Jesuitæ in Missionibus. Primum habetur in *cap. Quoniam 12. Et ult. hoc tit. in 6.* Secundum extat in *cap. In his 30. hoc tit.* Quod Privilegium non esse revocatum per Tridentinum ostendit Rodriquo. Brugn. &c. saltem non contradicente Episcopo, ut notat Portel. Et de hoc vide, quæ dico *tom. 3. Scholæ Theologicæ israel. de Sacram. dist. 5. q. 6.* Tertium patet ex Brevis Apostolico, concessio Societati JESU à Gregorio XIII. edito an. 1569. die 1. Octob. uti refert Pirh.

20. Nota secundò: in *hoc tit.* præterea af-

ferri diversa Privilegia, concessa varijs personis; sic primò studentibus in studio generali Romanæ Curie conceduntur omnia Privilegia, immunitates, & libertates, quibus gaudent studentes in alijs Universitatibus; ita ut si Clerici sint, integrè percipiant fructus suorum beneficiorum, ac si in eis residerent, *cap. Cum de diversis 2. hoc tit. in 6. secundo* Patriarchis quatuor principalium Sedium Patriarchalium datur Privilegium, quòd quascunque alias Sedes post Romanam præcedant; & inter se primum locum obtinet Patriarcha Constantinopolitanus; secundum Alexandrinus; tertium Antiochenus; quartum Jerosolymitanus. Item quòd iidem suis Suffraganeis dare possint Pallium, recipientes pro se ac Romana Ecclesia juramentum fidelitatis, obedientiæ, ac reverentiæ. Item quòd ubique terrarum possint sibi curare præferri Crucem; præterquam Romæ; & si Papa, vel ejus Legatus à latere adesset. Item quòd ad eos ab Archi-Episcopis possit appellari, *cap. Antiqua 23. hoc tit. Tertio*: Archi-Episcopis pariter conceditur Privilegium, quòd & ipsi in cunctis locis suæ Provinciæ sibi possint curare præferri Crucem; populo benedicere, Divina Officia publicè, vel privatim audire, & ea etiam in Pontificalibus celebrare cum pallio, & facere in sua præsentia celebrari, absque licentia Prælatis localis, etiam exempti, *cap. Archi-Episcopo Et Clement. 2. hoc tit. Quarto* Prælatis Episcopis inferioribus ut Abbatibus potest à Papa concedi Privilegium usus mitræ, ac aliorum Pontificalium; nec non potestas benedicendi solenniter populum dicendo, *su nomen Domini benedictum &c.* uti constat ex *cap. ut Apostolica 6. hoc tit. in 6.* Et *cap. Abbates 3. cod.*

## CAP. III.

### De excessibus Privilegiatorum.

1. Nota primò: per excessum Privilegiatorum hic intelligi abusum Privilegiorum; qui Jure Canonico est prohibitus; quia sicut Privilegia concessa non debent ab aliquo violari, *cap. Quando 26. hoc tit.* Nec maligna interpretatione ita restringi, ut evadant privilegiatis planè inutilia *cap. In his 30. hoc tit.* Ita pariter ipsi Privilegiati non debent pravâ interpretatione sua Privilegia contra & præter mentem Principis ea concedentis in præjudicium alterius extendere & producere; aut sub eorum prætextu aliqua operari, quæ fieri prohibentur; uti

notat

## Tit. XXXIII. De Privilegijs; & excessibus Privilegiatorum. 287

notat Vallens. & communiter alij DD. hic. Et si simile quid agant, excedere dicuntur; quod variè contingere potest. Unde

*hoc tit.* Violantes autem Privilegia Regularium determinatis pœnis *sequenti cap.* recensendis castigantur. Unde sit

### CAP. IV.

#### De Privilegijs Ordinis Seraphici.

1. Nota primò: Ordinij FF. Minorum plurima Privilegia, & gratias Apostolicas in forma authentica concessas, iustissimis de causis; scilicet primò propter statum professionis suæ Minoriticæ, indissolubili vinculo DEO, & S. Sedi Apostolicæ consecratum: item propter eorum virtutes, capacitatem, & indefessum laborem pro defendenda Ecclesia, & Papæ autoritate: item in peccatoribus, hæreticis & Infidelibus convertendis cum vitæ periculo, morte: item in Fidelibus, adhuc superfluis conservandis. *Secundò* propter promptam, & expeditam eorum obedientiam in exequendis Summorum Pontificum mandatis, in partibus Catholicorum, & Hæreticorum; in professione ad longinquas partes Orbis Novi, & aliorum Regnorum, propter animarum salutem, Ecclesiæ dilatationem, & Fidei Catholicæ plantationem. *Tertiò* propter eximiam eorumdem Regularium Sanctitatem, & Scientiam, ex quibus tot sancti Doctores, Episcopi, Patriarchæ, Cardinales, & Summi Pontifices prodierunt, cum magno Ecclesiæ incremento. *Quartò* propter maximos labores præstitos in administrandis Sacramentis, maxime Pœnitentiæ, quod nostris Regularibus, in eorum locis, plurimum incumbit.

2. Nota secundò: Privilegia porro concessa præfato Ordini Seraphico referuntur in specie à pluribus AA. ejusdem Ordinis, & alijs: signanter ab Alphonso de Casarubios, in *compend. Privilegior. FF. Minorum*. Et ab Hieronymo à Sorbo in *additio. ad dictum Compendium Privilegiorum*. Et ab Antonio de Corduba in *simil. addit.* Et ab Emmanuele Rodero in *quest. regular.* Et à D. Joanne Bapt. Confessio Proto-notario Apostolico in *colleç. Inter var. Apostol. Ord. Mendic. &c.* Et à Joanne de la Cruz in *tract. de stat. Relig. & Privileg.*

3. Nota tertiò: inter Bullas Apostolicas, concedentes Ordini FF. Minorum Privilegia, celeberrimæ sunt *Mare Magnum Sixti IV.* sic dictum, eò quod ingentem copiam Privilegiorum Apostolicorum continet; & *Bulla Aurea ejusdem Sixti IV.* quarum Synopsim vide in

3. Nota secundò: reputatur hic quoque pro excessu, si Privilegiati Religiosi sepeliant excommunicatos in suis Cœmeterijs, *cap. Ad hæc s. hoc tit.* Item si in privatis suis oratorijs existentibus intra domos Regulares habeant campanas, easque publicè pulsant, *cap. Patensibus 10. eod. tit.* Item si Hospitalarij, vel alij similes Religiosi mittant laicos illiteratos, Cruce tamen scilicet signatos ad colligendas elemosynas; vel celebrent in Ecclesia polluta; vel suspensos ab Episcopo restituunt ad celebrationem Divinorum; vel erigant Capellas in locis non exemptis, sine licentia Ordinarij, *cap. Thaurum 11. hoc tit.* Item si Privilegiati celebrent in locis interdictis, nisi secundum permissionem Juris, de quosupra; vel si excommunicatos, aut interdictos admittant ad Divina Officia, Sacramenta, vel sepulturam, *cap. Episcoporum 8. hoc tit.* Item qui novas Religiones sine licentia Papæ instituant, *cap. Cum & plantare 3. hoc tit.* Item qui Ecclesias alias jam Episcopo subjectas; vel decimas recipiunt de manibus laicorum, sine consensu Episcopi, *cir. cap. 3.* Item qui excommunicatos, vel interdictos ab Ordinario non vitant, *cir. cap. 3.* Item qui in suis Ecclesijs, quæ ad eos pleno Jure non pertinent, Presbyteros inconsulto Ordinario instituunt, vel destituunt, *cir. cap. 3.* Item Religiosi qui confratres suos, necdum in totum Ordini suo subjectos, eximunt à Jurisdicção Ordinarij *cap. cit. 3.*

4. Nota tertiò: omnes Privilegiati, qui quoquo modo excessus committunt abutendo suis Privilegijs, excedendo eorum fines, merentur eadem amittere; cum abutantur, permixta sibi potestate, *cap. Ut Privilegia 24. hoc tit.* Privilegiati quoque, qui excedunt aliorum Privilegijs derogando, proprijs suis, privandi sunt *cap. Dilecti 4. hoc tit.* Demum violantes Privilegia Privilegiatorum arbitrarie à Papa corpiuntur per censuras, vel aliter; uti colligitur ex *cap. Quanto amplius 26.*

de in *cit. collect.* Confettij: alia quoque plurima Indulta, & gratiz Apostolicæ extant in Bullis aliorum Pontificum, recitatis à *citatis* AA. & relatis à me in *Schola Theologica tom. 3. tract. de Privil. Regular. per totum.* Præfata Privilegia FF. Min. etiam post Tridentinum Concilium sunt valida, manentque in suo vigore; ijs exceptis, quæ Decretis, & Canonibus ejusdem S. Concilij contrariantur; uti patet ex Brevis Clementis VIII. anno 1597. emanato. Et ex Bulla speciali Pauli V. quâ post Tridentinum anno 1609. die 1. Decembris omnia Privilegia, indulta, gratias, prærogativas, concessionis, libertates, favoresque à Summis Pontificibus Ordini nostro & Clarissarum, ac Tertiatorum concessa in genere, vel in specie, etiam per modum communicationis, perpetuò approbavit, innovavit, ac confirmavit: Bullam hanc singulariter notandam, refert per extensum Lantusca in *theat. Reg. verbo Privilegia.*

4. Nota quartò: Ordo Fratrum Minorum communicat, & participat plenissimè in Privilegijs aliorum Ordinum Mendicantium; & non Mendicantium; uti constat ex Bulla 2. Clementis VII. quæ deinde etiam confirmata fuit à Paulo IV. Et à Pio IV. Et à Gregorio XIII. Et à Sixto V. &c. Omnes Moniales S. Claræ, & Tertiariæ claustraliter viventes, subditæ Minoritis; item etiam aliz Moniales, modò subditæ eisdem, gaudent Privilegijs Fratrum Minorum; uti habet Rodriquo. *tom. 1. quest. Reg. q. 55.* ubi ad hoc plures affert Bullas. Imò & Sorores oblatæ, ac utriusque sexus personæ de penitentia nuncupatæ, quæ votò continentiz emissæ vivunt sub directione Ordinis Min. quantum capacitas earum permittit, ex Bulla Leonis X. *Datum per nos &c.*

5. Nota quintò: Privilegia Minoritica, uti & aliorum Regularium, non censentur revocari per generalem revocationem Privilegiorum, quamvis in ea apponantur similia verba, *Privilegijs in contrarium penitus abrogatis, & exclusis;* uti habet Brugn. Oldradus, S. Thomas, Jafon, Rodriq. Mendos, Germ. Et constat ex Mari Magno Sixti IV. Et Bulla Sixti V. Eugenij IV. Et Leonis X. pro Benedictinis emanata (in qua communicant Minores) dicente, *quod non possit derogari ipsorum Privilegijs, nisi de ipsorum Ordine, & hujusmodi litteris fiat de verbo ad verbum expressa mentio.* Estque Ratio; quia hujusmodi Privilegia sortiuntur quandam excellentiam, ob quam expressior generalis requiritur revocatio. Et quia dicta Privilegia data sunt ob merita, suntque gratiz Summi Principis Ecclesiæ; in bonum Communitatis Seraphicæ concessæ; ac proinde æquantur Legibus, quæ Corpori Juris inferuntur, sicut aliz leges perpetuæ; ad quarum proinde extinctionem specialis clausula revocatoria adhibenda est.

6. Nota sextò: Superiores Ordinis nostri, & Capitula generalia habentia delegatam authoritatem Apostolicam specialem, possunt limitare, vel omnino tollere à Fratribus usum aliquorum Privilegiorum Apostolicorum; uti notat Brugn. Et constat ex concessione Leonis X. Unde sæpius renunciatum fuit in Capitulis Generalibus, quibusvis Privilegijs relaxativis Regulæ, à Sede Apostolica emanatis, utique ad instantiam aliquorum Fratrum laxorum. Plura de Privilegijs varijs Seraphicis in specie, vide in *Schola mea Theologica supra cit.* Et in diversis capitulis, in calce variorum titul. hujus Operis pro eorundem exigentia additis, in gratiam studiose juventutis Franciscanæ.

## TITULUS XXXIV.

### De Purgatione Canonica.

#### CAP. UNIC.

##### De Canonica Purgatione.

1. **N**ota primò: postquam Summus Pontifex in *superior. titulis* digessit varia crimina, quæ nonnunquam plenè probationibus ostendi nequeunt; ideo *hunc tit.* subjicit, quò docet compellendos criminosos ad faciendam debitam Purgationem; quæ duplex est, Canonica scilicet, & Vulgaris: de prima tractabitur *hoc tit.* de secunda *tit. seq.*

2. Dico primò: rectè describitur Purgatio Canonica, quòd sit *offensio innocentie de obiecto crimine, facta secundum præscriptum Canonum.* Ly *offensio* est genus; reliqua ponuntur pro differentia. Hæc Purgatio dicitur Canonica; quia à Canonibus introducta: & pro magna parte jam abiit in defuetudinem, & quoad solos Clericos adhuc in quibusdam viget Provincijs; uti testatur Ricc. Quare de eadem breviter hic differendum iudico.

3. Nota secundò: Purgatio Canonica ut ritè censeatur fieri, debent adesse sequentia.

*Primò,*

*Primò*, debet ea fieri, seu indicì à Iudice competente; aliàs est nulla, arg. *cap. Licet 5. de Offic. Leg.* Secundò, Reus tactis SS. Evangelij debet jurare, se obiectum crimen non commississe nec per se, nec per alium submissum; nec aliquem suo nomine se sciente id perpetrâsse, *cap. Quoties 5. hoc tit.* Tertio, præterea idem Reus debet adhibere certos compurgatores; aliquando duodecim, aliquando decem, aliquando septem, aliquando plures, vel pauciores, juxta arbitrium Judicis; uti constat ex *cap. 2. Et 10. hoc tit.* Et *varij Canonibus caus. 2.* Memorati verò compurgatores debent quoque tactis Evangelij jurare, se credere, quòd Reus obiectum crimen non perpetraverit; & eundem verum jurâsse, *cit. cap. 5.* Unde juramentum talium non est de veritate; sed de credulitate, *cap. De testibus 13. hoc tit.*

4. Notat tertio: porrò compurgatores ut legitimi sint, debent habere sequentes qualitates; oportet enim eos esse vitæ probatæ, & honestæ, ac vicinos, *cap. Cum dilectum 11. hoc tit.* Et *cap. cum P. 75. eod.* aut saltem de nullo crimine condemnatos, vel suspectos, *cap. Constitutus 9. hoc tit.* Et notam habere vitam & morestalis purgandi, *cit. cap. 7.*

5. Nota quartò: si diffamatus de aliquo crimine defecerit in Purgatione Canonica; puta vel quia jurare recusat; vel quia non reperit compurgatores; talis tanquam convictus de crimine, auctorq; sceleris puniendus est, *cap. De hoc 11. Et cap. Infamatum 13. de Simonia.* Unde si crimen tale sit, quod depositionem mereatur, tunc ei poena depositionis infligenda est, *cap. Cum P. 7. hoc tit.* Ratio est; quia præsumptio probabilis orta ex infamia tunc transit in violentam, quæ sufficit ad condemnationem, *cap. 2. de præsump.*

6. Nota quintò: Purgatio Canonica ritè peracta habet effectum absolutionis à crimine, ita ut canonice se purgans absolvendus sit à suspensione si præcessit; & ab infamia cri-

minis obiecti, *can. habet 6. caus. 2. q. 5.* Et canonice se purgans non potest amplius accusari de eodem crimine; nisi nova infamia ejusdem criminis suboriatur.

7. Nota sextò: Purgatio Canonica non passim indicì debet ob quamcunque levem causam; sed si quis publicè infamatus sit de crimine apud bonos, & graves viros, *cap. penult. §. fin. hoc tit.* Non debet indicì alicui, si is possit convinci per idoneos accusatores, vel testes, vel alias legitimas probationes plenè probantes, *cap. 2. Et cap. 5. Et cap. 6. Et cap. 8. hoc tit.* Nam ista Purgatio est introducta à Canonibus in subsidium aliarum probationum. Item indicì non debet, nisi adsint verisimiles suspiciones, vel præsumptiones criminis; uti constat ex *cap. 4. Et 12. hoc tit.* Item quando crimen est notorium, non potest, nec debet indicì ista Purgatio, *cap. Cum dilectus 15. hoc tit.* Nam tunc non est opus aliâ probatione, *can. manifesta 15. caus. 2. q. 1. Et cap. Evidentia 9. de accusat.* Potest autem indicì tam Clericis secularibus, quàm regularibus, quando hi publicè sunt infamati, & graviter suspecti, *cap. Moniales 3. hoc tit.* Item etiam Episcopis, & Sacerdotibus, & Diaconis; unde Episcopi secundum *can. omnibus 19. in fine caus. 2. q. 5.* se purgabant adhibitis duodecim alijs Episcopis; Sacerdotes adhibitis septem Sacerdotibus; & Diaconus tribus Diaconis, *cit. can. 19.*

8. Nota ultimò: præter Purgationem Canonice, etiam olim fuit in usu Purgatio per lumptionem Venerabilis Sacramenti Eucharistiæ; unde etiam Papa Gregorius VII. impetitus varijs criminibus ab Henrico IV. Imp. purgavit se lumptione S. Eucharistiæ, cum imprecatione, ut si crimina obiecta commisisset, susceptio SS. Sacramenti Eucharistiæ tenderet in perniciem animæ; uti narrat Hostiens. Zoëf. &c. Item vigeat Purgatio per juramentum ad SS. Martyrum reliquias; ut narrat Baron. *tom. 5. annal. ad an 412.* Et constat ex pluribus *can. caus. 2. q. 4.*

## TITULUS XXXV.

### De Purgatione Vulgari.

#### CAP. UNIC.

#### De Purgatione Vulgari.

1. *N*ota primò: hoc *cap.* tangitur altera olim famosa Purgatio, *Vulgari* dicta, eò quòd à vulgo esset introducta, & practicata; unde describitur, quòd sit illa Purgatio

quam sub varijs illicitis modis excogitavit, & invexit vulgus, ad offendendam innocentiam alicujus.

2. Dico primò: Omnis Purgatio vulgaris prout sub modis illicitis introducta est à vulgo, est prohibita à SS. Canonibus. Ita communis DD. Et constat ex capitulis hujus tit. Et

Fr. Bernardi Samig

Schola Canonica Tom. II.

can.

*can. 2. caus. 2. q. 5.* & alijs mox citandis. Et Ratio est; quia per ejusmodi Purgationes vulgares sæpè contingeret aliquem innocentem condemnari, qui esset absolvendus; & absolvi qui esset condemnandus, *cap. 2. hoc tit.* Et quia per plerasque tales Purgationes tentatur DEUS, v. g. per iudicium ferri candentis *cap. 3. & ult. hoc tit.* Item quia aliquæ earum Diabolo auctore constitutæ sunt; ut duellum pro designando fure, *cap. 2. hoc tit.* Descendendo autem ad singulas famosiores hujusmodi Purgationes.

3. Nota secundò: itaq; *imprimis* prohibita est illa Purgatio vulgaris per aquam frigidam, *cap. Ex inarum 8. de purg. can.* Secundo vetita quoq; est Purgatio per aquam ferventem; vel per iudicium ferri candentis, quæ si quis tetigerit illæsus, innocens reputetur, *can.*

*Mennam 7. §. ult.* Et *can. consilii 20. caus. 2. q. 5.* Et *cap. 3. hoc tit.* Tertiò prohibita pariter est Purgatio per monomachiam, vel duellum, in quo illæsus censetur innocens, *can. Monomachiam, 22. caus. 2. q. 5.* Et *cap. cura 1. hoc tit.* Quarto similiter inhibita est Purgatio per prunas ardentis, quas qui pedibus nudis calcet, & non aduratur, innocens sit: & plures similes ab Ecclesia jam pridem rejectæ. Huc etiam videtur spectare illud iudicium, quod capitur ex cadavere, quando ex sanguine inde erumpente ad talis hominis præsentiam concluditur ipsum esse occisorem, ut notat Zoëf. Item immersio veneficarius crine tonsarum in flumen, in quo si mergantur innocentes reputentur; si verò supernatent, sint reæ; ut notat idem Zoëf. & Delrio.

## TITULUS XXXVI.

### De Injurijs; & Damno.

#### CAP. I.

##### De Injurijs.

1. **N**ota primò: quoniam ex criminibus; & excessibus, de quibus in *super. tit.* actum est, sæpè nascuntur varix Injurix, & Damna, ad quorum reparationem seu satisfactionem Rei tenentur, ita dicente æquitate, quæ nulli invito patitur inferri iniquam conditionem, *L. non debet 74. ff. de R. J.* ideo Papa *hunc tit.* subneçit de ejusmodi injurijs, & damnis reparandis. Venit autem nomine Injurix generaliter consideratæ omne id, quod non jure fit. Unde etiam ex hoc suum trahit erymon *L. 1. ff. de injur.* Sed de Injuria specialiter considerata ad propositum *hujus tit.*

2. Dico primò: rectè hic describitur Injuria, quòd sit *contumelia alicui dicta, vel facta.* Ita constat ex *princ. Infit. de Injurijs.* & *y contumelia* est genus; reliqua ponuntur pro differentia. Ad hujusmodi Injuriam semper requiritur prævius dolus & fraus injuriandi; aliàs actio non censetur esse Injuria *L. Si non convicijs, C. hoc tit.*

3. Nota secundò: Injuriam ad præsens propositum quatuor communiter modis posse inferri: Primò *verbis*, quando quis convitiatur, seu verba contumeliosa proferit in contumeliam alterius, *L. 1. §. 1. ff. eod.* maxime si ejusmodi proferantur cum vociferatione, ac in cœtu hominum. Huc vocat si quis alteri dicat, *tu mentiris*; etsi addat *salvo honore tuo*; ut habet Covarr. Clar. & c. Item si alteri obijciat crimen, quod non probat; ut habe-

tur *L. 18. ff. hoc.* Secundò re, quando quis alicui manus infert, eundem vel pulsando, vel verberando; ut notat Vallens. Tertiò *scripto*; quando quis litteras, historiam, vel libellum famosum, vel carmen famosum in infamiam alterius exarat, vel evulgat; ut observat Hostiens. & Sylv. Quarto *gestu*, quando quis alteri medium digitum inter alios digitos compressum ostendit; vel cornua affigit alterius januæ; aut alia despectuosa signa, & gestus edit in contumeliam alterius; ut habet Sylv. Firh. & c.

4. Dico secundò: qui affert alteri Injuriam per libellum famosum enormiter infamantem, quæ est gravissima injuria, puniendus est pœnâ capitali, si criminaliter agatur; si verò agatur civiliter, condemnatus de tali Libello, efficitur inhabilis ad testandum. Ita communis DD. Primum habetur *L. unic. C. de famos. libell.* Secundum verò extat in *L. Lex Cornelias. §. si quis librum ff. hoc tit.* Ex quo patet dupliciter posse agi ad resarciendas Injurias, scilicet criminaliter, & civiliter. Criminaliter agitur quando injuriam passus petit, ut pœna extraordinaria ex officio Judicis Reo infligatur; puta vel corporalis, vel pecuniaria, Fisco applicanda, non actori; uti habet Glossa, & Clarus. Civiliter agitur ad æstimationem Injurix, quando actor petit sibi pœnam applicari; quæ potest esse arbitraria Judici, ut habent cit. DD.

5. Nota tertiò: tametsi pœna pro Injuria irrogata sit arbitraria juxta dicta *prior. Conclus.* attamen ea juxta æstimationem, & gravitatem



vitatem Injuriz taxanda erit. Sunt autem Injuriz aliz pertinentes ad læsionem corporis; ut si quis verberetur injuriosè: aliz sunt spectantes ad læsionem dignitatis; ut si honoratz matronæ abducatur comes: aliz sunt ad infamiam pertinentes; ut si quis contra pudicitiam alterius aliquid attentet, *L. 1. §. 2. ff. hoc tit.* Et aliz sunt spectantes ad læsionem rerum, ut in *tit. ad Leg. Aquiliam*. Et ex his quædam sunt atroces, quæ scilicet fiunt ex contumelia majori, habito respectu ad personam injuriatam, tempus, locum, & rem; quæ singula explanantur in *L. aus falsa §. 1. ff. de pen.* Et *L. Prator edixit, §. atrocem; cum Leg. seq. ff. hoc tit.* Quædam verò sunt leves, quæ proinde etiam levem merentur pœnam, arbitriam Judici.

6. Nota quartò: si contingat injuriatum retorquere in continenti injuriam illatam; ut si objicienti aliquod crimen furti, vel aliud convitium dicat, *tu mentiris*, talis nequit conveniri injuriarum crimine; ut habet Pirh. & c. DD. Estque Ratio; quia sicut permissum est, vim vi repellere in continenti, *L. 3. ff. de just. & fur.* ita & injuriam retorquere in injuriantem; quia honor & fama hominis præponenda est omni pecuniæ *L. si in duobus 104. ff. de R. L.* Et gravior est amissione oculorum, *L. infamia 8. C. de Decur.*

## CAP. II.

### De Damno dato.

1. **D**ico primò: quocunque modo affrens aliquod Damnum proximo suo, etiam ex levissima culpa, sive per se, sive per alium, vel alteri ferendo opem, obligatur illud refarcire, & satisfacere. Ita communis DD. Et constat ex *cap. 1. Et 2. Et seq. hujus tit.* ubi recensentur varia Damna data, & pro iisdem jubentur fieri à damnificantibus satisfactiones; puta pro percussione, lapide vel pugno facta, *cap. 1.* Item pro morte jumentorum, secuta ex apertura, vel fossione cisternæ, *cap. 2. eod.* Item pro internectione bovis, ab alio bove cornupeta secuta, *cap. 3. eod.* Item pro destructione vineæ per ingressum jumenti alieni, *cap. 4. eod.* Item pro devastatione acervi frugum, vel segetum, secuta ex igne egresso ab altero, *cap. 5. eod.* Item ex accensione domus alienæ, *cap. 6. eod.*

2. Dico Secundò: damnificans non tantum Damnum illatum debet refarcire; sed etiam refundere expensas litis, quas occasione litis injustæ motæ adversarius justè fecit. Ita communis DD. Et habetur *cap. Olim 7. hoc tit.* Et quia communiter victus victori in expensas condemnatur; etiam in causis civilibus, & pecuniarijs, *L. properandum ff. C. de judic.* Quare tamen si extaret juratum statutum, disponens de damnis non repetendis, nihilominus tenetur damnificans ad expensas litis refundendas, *cap. 8. hoc tit.* Estque Ratio; quia aliud est damnum; & aliud expensæ litis.

3. Nota primò: quia per Repressalias etiam interuntur damna; ideo merito quoque de ipsis breviter hic agendum. Sunt ergo *Repressalie* (latine idem quod *pignorationes*) litteræ quædam, in quibus Princeps suis subditis, vel militibus injustum damnum passis, concedit potestatem invadendi terras eorum, qui damnum tale intulerant, & occupandi bona incolarum, etiam innocentium, in compensationem damnorum illatorum; uti notat ex Sylv. Pirhingius. Ejusmodi Repressaliæ generaliter loquendo illicitæ sunt; cum per eos plures innocentes damnificentur. Si tamen concurrant certæ conditiones, reputantur licitæ, secundum Sylv. Covarr. Viñor. Pirh. & c. Et tunc Princeps alienus puniatur in suis subditis, etiam innocentibus. Conditiones autem sunt hæ: *Primò*, ut in indicente Repressalias sit authoritas Principis, potentis alias indicare bellum. *Secundo*, ut adsit justa causa indicendi Repressalias; & quidem talis, ob quam alias justum bellum posset moveri; v. g. si Respublica, vel Rex, contra quem Repressaliz fiunt, recusaverit vel neglexerit vindicare in suis subditis illud, quod improbè factum fuit contra indicentem Repressalias; vel noluit reddere, quod per injuriam fuerat ablatum ab iisdem subditis, *can. Dominus 2. caus. 23. q. 2.* *Tertiò*, ut damnum per Repressalias illatum non excedat damnum passum ab indicente; vel interesse datum. *Quarò*, ut Repressaliz non exercentur in personis ipsis innocentibus; sed in rebus eorum. *Quintò*, ut Respublica, & Princeps, contra quem fiunt Repressaliz, prius moneatur ad faciendam compensationem; & tamen negligat facere eandem.

# TITULUS XXXVII.

## De Pœnis.

### CAP. I.

De quidditate; & divisione Pœnarum; deque modo eas infligendi.

1. **N**ota primò: parum proficerent criminum prohibitiones, de quibus in plurib. *super. tit. cap.* tractatum fuit; nisi sequeretur in transgressores animadversio pœnalis; ut quos non deterret à perpetrando delictis virtutis stimulus; saltem cohibeat metus pœnarum. Quare rectè Papa *hoc tit.* differt de Pœnis; per quarum etiam infictionem Respublica suam assequitur tranquillitatem, quam criminosi intercipere solent. Derivatur autem ly *Pœna* à *pendendo*, ut vult Varro, & Vallens.

2. Dico primò: rectè describitur Pœna, quòd *su coercitio debita criminum, in vella à Legibus, vel eorum ministris, ad conservandam publicam disciplinam.* Ly *coercitio* est genus; reliqua ponuntur pro differentia. Pœna à multa discriminetur sicut genus à specie; multa enim est tantum pœna pecuniaria; pœna verò est ad eam, & plures alias, v. g. capitale, &c. genus. Circa divisionem Pœnarum.

3. Nota secundò: Pœna primò dividitur in pœnam ex contractu; & ex delicto. *Pœna ex contractu* (quæ & *conventionalis* dicitur) est illa, quæ apponitur alicui contractui ex consensu contrahentium, ut is videlicet solvat tantam quantitatem pecuniæ, qui contractum non servaverit. *Pœna ex delicto* est, quæ à Legibus, vel Judice taxatur pro aliquo delicto. *Secundo* dividitur in Civilem; & Criminalem. *Civilis* est, quæ infligitur non ad vindictam publicam; sed ad privatum commodum civiliter agentis. *Criminalis* est, quæ infligitur ad vindictam publicam. *Tertiò* dividitur in Legalem; & Judicalem. *Prima* est, quæ taxatur ab aliqua Lege vel pro reparatione damni illati, vel propter contumaciam; vel propter contractum. *Secunda* (quæ & *arbitraria* dicitur) est, quæ taxatur à ministro Legis, id est Judice. *Quartò* partitur in Temporalem; & Perpetuam. *Temporalis* est, quæ infligitur ad tempus. *Perpetua* quæ ad semper infligitur. *Quintò* rursus alia est *Pecuniaria* (quæ & *multa*, & *emenda*, & *compositio* di-

citur) quæ persolvitur ære. *Alia Corporalis*, quæ est afflictiva corporis, ut verberatio; vel famæ, ut infamia; vel libertatis, ut servitus. *Alia Spiritualis*, quæ sunt censura, excommunicationis, suspensionis, interdicti, & degradationis. *Alia Personalis*, quæ personam tantum afficit, ut excommunicatio. *Alia Realis*, quæ res afficit, ut privatio beneficii. *Alia Mixta*, quæ & personam, & rem afficit, ut interdictum. *Alia Capitalis*, quæ affertur supremum supplicium. *Alia non Capitalis*, quæ salvâ vitâ quis punitur in corpore, ut deportatione ad insulam. Circa tertium articulum hujus cap.

4. Dico secundò: Pœnæ debent infligi secundum tenorem Legum, easdem taxantium. Ita communis DD. Et habetur *dist. de offic. in pr.* ubi dicitur; Judicem sæcularem debere judicare secundum Leges Civiles. Et *L. 1. §. 1. ff. ad SC. Turpil.* ubi dicitur, à præscripta Jure pœna non esse recedendum. Et *cap. 1. de Constit.* ubi dicitur, Judicem Ecclesiasticum debere judicare secundum Canones; nisi subsit causa; quia tunc conceditur utrique Judici augere, vel diminuerè pœnam, vel etiam prorsus remittere, *cap. fin. de transact.* Et *L. 3.* Et *L. 4. ex quib. caus. irrog. infamia.*

5. Nota tertio: ut Judex debitè fungatur officio suo in infligendis pœnis, debet is prætereà prudenter reflectere ad sequentia. *Primò* oportet diligenter expendere, num delictum fuerit voluntarium, & cum plena deliberatione perpetratum; an verò involuntarium: nam tunc pœnis percelluntur malefacta, quando ex corde committuntur, uti notat Glossa in *cap. 1. de convers. Conjug.* *Secundo* debet pariter reflectere super statum, conditionem, gradum, ac qualitatem personarum delinquentium, *L. 2.* Et *L. 3. de termino moto.* *Tertiò* debet expendere differentiam temporis, in qua delictum commissum est; hæc enim sæpe plurimum facit ad distinctionem criminum, ac pœnarum infligendarum, *can. fin. dist. 14.* *Quartò* attendere quoque debet circumstantiam loci, quæ pariter in præfatis prodest, *can. ante terminum.* Et *can. aliter dist. 30.* *Quintò* consideranda etiam est quantitas; nam qui committit furtum unius duntaxat ovis, puniendus est ut tur: qui verò integrum gregem abigit, tanquam abigena tractandus est, *L. fin. ff. de abigis.* *Sextò* attendenda

denda pariter est recidivatio ejusdem delicti; nam qui frequenter eadem perpetrat crimina, majori pœnâ percellendus est, *L. servos §. vi. l. autem C. ad Leg. Jul. de vi publica. Septimò: Similiter delicti extensio est inspicienda; nam si ex eodem nascantur plures species delictorum, pluribus & totidem pœnis castigandæ sunt, L. 2. de privat. delict. Aut saltèm gravior pœna pro tali delicto originante infligenda erit, L. uni. C. de rapt. virg. Oclavò demùm criminum majoritas, vel minoritas bene est expendenda; & cum proportionem ad eandem Pœnæ taxandæ, *can. adulterii malum. Et can. flagitia. Et can. quod in nobis, caus. 31. q. 7.**

## CAP. II.

Ventilantur variæ pœnæ in specie *hoc tit. contentæ.*

1. **N**ota primò; Pœna depositionis verbalis, est perpetua muneris Clericalis privatio, per canonicam sententiam, cum debita solemnitate prolatam; ut notat Zoëf. Si itaque contingat Clericos patrare graviora crimina, iidem pœnâ depositionis ab officio, & beneficio, ac ad Monasterium detrusione castigandi sunt; uti habetur *cap. Quod in dubiis 5. hoc tit.* Hujusmodi pœna depositionis, vocatur etiam pœna degradationis verbalis simplicis, *cap. Degradatio 2. hoc tit. in 6.* Non est infligenda Clericis, nisi in casibus à Jure expressis; uti notat Vallens. Et fit per simplicem sententiam, quâ Clericus criminofus ab Ordinibus depositus declaratur; Solemnitates observandæ in tali depositione seu degradatione verbali ponuntur *can. 4. Et can. 9. caus. 15. q. 7. Et Gloss. hic.* Hæc tamen depositio non privat omni privilegiò Clericali; nec privilegiò Canonis.

2. Nota secundò; Depositio realis, seu Degradatio solemnis est pœna muneris Clericalis, & privilegii privato per sententiam, cum debita solemnitate à Canonibus præscripta. Hæc privat omni privilegiò Clericali, & privilegiò fori; ut notat Abbas, Diaz. &c. Hæc Clerici incorrigibiles, & gravissima perpetrantes crimina puniendi sunt, *cap. Degradatio 2. hoc tit. in 6.* ubi etiam Solemnitates in actu Degradationis solemnibus adhibendæ exprimuntur; ut in Trident. *sess. 13. cap. 4. de Ref.* Et summarie consistunt in publica ablatione omnium sacrarum vestium successivè; abscissione coronæ Clericalis; subtractioneque omnis vestigiū Clericalis; additâ certâ formâ ab Episcopo prolatâ. Sic degradationem relin-

quendus est deinde Curia seculari pro supremo supplicio eidem inferendo; ut habet Vivian. &c. Ecclesia tamen debet intercedere pro vita degradati, *cap. Novimus de V. S.*

3. Nota tertio: Pœna exilii est relegatio, seu ejectio alicujus de loco, vel Provincia, ubi aliàs morabatur delinquens. De hac procedit *cap. 1. de calum.* Hanc pœnam potest Judex pro certis criminibus infligere, *cit. cap. 1. Et can. cum beatus, dist. 45.* Et sæpe plurimum prodest ejusmodi pœnæ inflictiō; ut videlicet pro loci mutationem tollatur scandalum; & delinquenti subtrahatur occasio malorum, *can. valet, dist. 81.* Episcopus potest relegare tantum extra suam Diocesim; Archiepiscopus verò extra suam totam Provinciam, *cit. cap. 1.*

4. Nota quartò: Pœna privationis beneficiorum est remotio alicujus beneficiati à beneficio, ob delictum. Pœna verò subtractionis fructuum est demptio proventuum ex aliquo beneficio aliàs percipiendorum. Hæc etsi ipso Jure infligantur, non statim obligant, etiam in conscientia; sed adhuc egent sententiâ declaratoriâ Judicis, quâ Judex pronuntiet, & declaret, quòd delinquens pœnas juris incurrerit; uti habent communiter Interpretes per *cap. Cum secundum, de hæreticis in 6.* Nisi Canon ipse ob certa delicta, & causas in specie dicat, quòd talis delinquens ipso Jure sit privatus beneficio, & fructibus, etiam aliâ declaratione non secutâ; uti fit in Extrav. *Ambitiosa, de reb. Eccles. non alien.*

5. Nota quintò: Pœna carceris est reclusio alicujus in aliquo loco arcto, ut inde pro libitu exire nequeat. Hæc pœnâ uti potest etiam Judex Ecclesiasticus pro certis criminibus Clericorum, *cap. Quamvis 3. hoc tit. in 6.* Debet tamen carcer Clericorum esse non squalidus, aut sordidus; sed decens, & conveniens qualitati criminis, ac personæ, juxta Trident. *sess. 25. cap. 6. de Reform.* Nullus Clericus potest perpetui carceris pœnâ puniri; nisi in casibus à Jure expressis, *cap. penult. & ult. de hæreticis;* quibus scilicet secundum Leges Civiles aliàs inferitur mors corporalis, non simplex, sed atrox, v. g. mediante igne, damnatione ad bestias, membrorum laceratione; uti notat Diaz, Piafsec, Vallens. &c. DD. Et in casu talis incarcerationis perpetuæ incumbit Judici Ecclesiastico, attendere, ne Reus defectu alimenterum ibidem moriatur; aliàs ipse efficitur irregularis; ut notat ex Abbate Vallensis.

6. Nota sextò: Pœna verbeationis fit, dum delinquens cæditur virgis, loris, vel fustigatur. Hæc quoque uti potest Judex Ecclesiasticus pro gravioribus delictis Clericorum, *can. 1.*

*canf. 5. q. 1. Et can. nullus Clericus canf. 11. q. 1.* Debet autem verberatio Clerici fieri per alium Clericum; vel ipsum Judicem Ecclesiasticum non Episcopum, *can. Universitas 24. de sent. excom.* Et easi debet cum tali moderate, nè mors sequatur, vel mutilatio, & nè in vindictam sanguinis videatur transire, *cap. In Archi-Episcopatu 4. de raptor.* Hæc pœna debet esse rara in Judice Ecclesiastico, & Clerici maxime Sacerdotes plùs verbis, & aliò modò; quàm verberationibus corripiendi sunt.

7. Nota septimò : Pœna pecuniaria est mulctatio quædam in ære: Hæc à Judice Ecclesiastico non debet imponi pro criminibus; *cap. Presbyteri 2. hoc tit.* Nisi in casibus à Jure expressis; uti habet Glossa. Et si quam talem tunc imposuerit, & exegerit, ea non suis usibus reservanda, sed in pios usus, puta utilitatem Ecclesiæ, vel pauperum elemosynas impendenda est, *cui. cap. 2.* Ad hanc pœnam refertur condemnatio in expensas, quas victus victori post latam sententiam tenetur refundere, *cap. Calumniam 4. hoc tit.*

8. Nota octavò : reperiuntur & plures aliæ pœnæ sparsim in hoc, & aliis tit. ut Pœna conventionalis, quæ est illa, quæ adjicitur alicui contractui; ut dixi suprâ *cap. 1. not. 2.* Hæc etiam de Jure Canonico apponi potest contractui, & exigi, uti constat ex *cap. Snam, 9. hoc tit.* Item Pœna occidentium Episcopum proprium, quæ Jure antiquo est privatio feodorum, & beneficiorum Ecclesiæ, quæ sponsa fuit occisi Præfulis *cap. Ad amon 10. hoc tit.* Jure verò novo, qui Episcopum proprium occidit, vel bannivit, vel hæc fieri mandavit, vel aliter cooperatus fuerit, excommunicatur excommunicatione Papæ reservatâ; terra item, & civitas in hoc delinquens subjicitur interdicto, *Clement. Si quis 1. hoc tit.* Item pœna privationis Jurium, quæ quis obtinet in Ecclesia, & absolutionis subditorum à Juramento, quæ infligitur laico in excommunicatione sordescente, *cap. Gravem 13. et ult. hoc tit.* Et talis insuper est suspensus de heresi, si per annum persistat in dicta censura, *cap. Excommunicamus 13. de heret.* Item pœnæ persequentium Cardinales S. R. E. quæ gravissimæ statuuntur *cap. Felici 5. et ult. hoc tit. in 6.* Vide etiam pœnas detinentium, vel procurantium capi personas Ecclesiasticas, ut renuncient suis beneficiis: item eorum qui citati nolunt comparere coram Sede Apostolica, in *Clement. Multorum 2. hoc tit.* Et Religiosorum variè excedentium circa suas domos, prædicationes, sepulturas &c. in *Clement. Cupientes 3. hoc tit.* Pœna damnationis Clericorum ad triremes etiam

in usu est in partibus mari vicinis; de qua vide Diaz, Piafec, &c. Item Tortura eorundem, secundum Vall. & Diaz, quæ infligi potest, quando adfunt violenta indicia criminis commissi, per duos testes ad minus probata.

## CAP. III.

### De Pœnis in Ordine FF. Minorum.

Nota primò : Pœnæ communiore, 1. in quibus utitur Ordo FF. Minorum in puniendis Fratribus delinquentibus, sunt sequentes, videlicet privatio Juris suffragiorum; privatio actuum legitimorum; privatio officiorum Ordinis; incarcerationio; pœna talionis; Excommunicatio; Suspendio ab officio, &c. condemnatio ad triremes; disciplina-tio, jejunia, inhabilitationes variæ; exilium, ejectio ex Ordine; Probationis caputium; infamia, &c. quas explicant, & delictis accommodant *Constit. General. Ord. cap. 7. §. 1. Et Præf. Criminal. Ord. verbò pœnarum genera.*

2. Nota secundò : Superiores, & Judices Minoritici regulariter mulctare debent delicta pœnis à Statutis Generalibus, vel municipalibus præfixis; uti habet Præctica Crimin. Ord. verbò *Sententia.* Nisi circumstantiæ graves personæ, delicti, &c. suaderent rigorem pœnarum statutariorum in aliquo mitigandum, *arg. cap. fin. de transact. Et arg. L. 3. Et L. 4. ex quibus canf. irreg. infam.* Iisdem pœnis puniendi sunt delicta, etiam si dolum non oleant, prout in Statutis regularibus sancita reperiuntur: aliàs quæ in fragilitate fundantur, uti sunt delicta carnis, juniorum fractiones, injuriæ, homicidia, furta, &c. manerent impunita; cum in his dolus propriè non reperitur; & tamen sunt delicta gravissima, & pœnis condignis mulctanda; uti notat Sanctior: in *pœnal. & S. Sever.*

3. Notat tertio : Si Reus non sit capax pœnarum statutariorum, poterit Judex eidem aliam similem infligere, ex praxi Religionis; vel ex S. Canonibus elicita; uti notat Præf. Crimin. Ord. ex Bald. Berto, &c. Quando autem eidem delicto duplex assignatur Pœna, una ex Jure communi, & alia ex Statutis regularibus, v. g. pro homicidio assignat Jus commune mortem; statutum verò regulare triremes; tunc standum est pœnæ statuti: quia statutum moderat legem communem; uti habent *cui. DD.* Si demum eidem delicto diversæ pœnæ taxentur in diversis Statutis regularibus, quæ sint impossibiles; tunc arbitrio Judicis remitti possunt, & minor debet imponi:

imponi : Si tamen sint composibiles , & delicti atrocitas id suadeat , debet Judex unam alteri connectere , & prudenter accommodare delicto ; uti advertunt *cit. AA.*

4. Nota quartò : quando in Statutis imponuntur pœnæ privationis , carceris , excommunicationis , suspensionis , &c. non obligantur ad eas Fratres , nisi scierint , & deliberatè deliquerint . Et ubi ipsò factò incurrenda imponitur aliqua Pœna statutaria , nemo in eam incidit , nisi post declarationem à Prælato factam ; uti habent *Constit. Gen. Ord. cap. 7. §. 6. n. 40.*

5. Nota quintò : si Constitutiones regulares non expriment distinctè à quo talis pœna statutalis sit infligenda ; tunc ab illo Superiore debet infligi , seu declarari , coram quo legitime probatur excessus ; dummodò alias ad eundem pertineat ejusdem excessus correctio ; uti dicunt *Constit. Gen. Ord. cit. n. 42.* Non debent autem pœnarum statutariorum infligationes à Superioribus ordinariis inferioribus differri in Provinciis nostris usque ad adventum Provincialis , vel Generalis ; nisi causam legitimam talis dilationis ostendant , *ibidem n. 74.*

6. Nota sextò : Nullus Judex inferior Ordinis nostri potest pœnas à Superioribus im-

positas alterare , vel remittere , sub iisdem , & gravioribus pœnis , arbitriò Superioris infligendis , *ibidem n. 77.* Pœnas verò ab inferioribus injunctas Superiores non remittant ; nisi ob causam publicæ utilitatis ; vel aliam rationabilem ; & tunc remissio talis fiat cum matura consideratione , ex causis cognitis , ac maturè discussis , *ibidem n. 79.* Et quia per fidas causas , quæ tamen probabiles apparent , quandoque contingit extorqueri gratias , vigore quarum pœnæ injunctæ remittantur , aut minuantur à Generalibus , vel eorum Commissariis , qua ratione delicta etiam gravia manent impunita ; propterea statuunt *Constitutiones Generales cit. n. 79.* innixæ authoritatè Concilii Tridentini , ut Provincialis in Provincia sibi commissa residens de subreptione , & obreptione gratiæ , quæ super absolutione alicujus criminis , de quo ipse inquirere jam inceperat ; aut remissione pœnæ , ad quam criminofus justè jam condemnatus fuerat , per le ipsum summarè cognoscat ; ipsamque gratiam , postquam per falsi narrationem , aut veri taciturnitatem , obtinens esse legitime confiteri , suspendat , quousque Generali admonitò , ac informatò , desuper ab eo fuerit provisum , pro ut ei magis expedire in Domino videbitur .

## TITULUS XXXVIII.

### De Pœnitentiis ; & Remissionibus.

#### CAP. I.

##### De Pœnitentiis.

1. **N**ota primò : Post evolutas complures Pœnas fori externi , proponit Papa hunc tit. de Pœnis fori interioris arimæ , quæ Pœnitentiæ nomine veniunt . Et quia ejusmodi Pœnæ , seu Pœnitentiæ quandoque relaxantur per Remissiones seu Indulgentias ; propterea de his quoque *ead. tit. agit.* Circa primum

1. Nota secundò : Pœnitentia plures habet acceptiones ; ad propositum principales quatuor ejus attendunt Canones ; quatenus nimirum primò capitur pro speciali quadam virtute , in actu pœnitentis consistente . Secundo pro speciali virtute in habitu pœnitentis consistente , de utraque procedit *can. Ecclesiasticus tempus 39. de pœnit. dist. 11.* Et *can. 1. & 6. dist. 3.* Tertio pro Sacramento Pœnitentiæ ; de hac procedit *cap. Quod in te 11. hoc tit.* Quarto pro Satisfactione , & vindicta peccati , sive

sponte suscepta , sive à Sacerdote imposita ; De hac procedit *cap. Omnis iniquus 12. hoc tit.* Et *can. pœnitentia dist. 3.*

3. Nota tertio : Pœnitentia accepta pro actu specialis virtutis rectè describitur , quòd sit *descriptio , & dolor de peccato Theologico commissio , cum intentione pro eo satisfaciendi , & se reconciliandi DEO.* Pœnitentia verò accepta pro habitu specialis virtutis rectè definitur , quòd sit *habitus inclinans ad præfatos actus Pœnitentiæ actualis.* Pœnitentia accepta pro Sacramento bene describitur , quòd sit *absolutio hominis pœnitentis , facta certis verbis , cum debita intentione prolatis à Sacerdote Jurisdictionem habente , efficaciter significantibus absolutionem animæ à peccatis.* Pœnitentia capta pro satisfactione rectè describitur , quòd sit *operatio exterior laboriosa , & penalis , voluntarie assumpta ad vindicandum , ac puniendum peccatum commissum , ac ad placandam Divinam offensam.*

4. Nota quartò : Pœnitentia accepta pro satisfactione , alia est publica , & alia privata . Pœnitentia publica est illa , quæ imponitur , & per-

peragitur pro manifestis peccatis; de hac procedit *cap. Manifesta i. hoc tit.* Privata est, quæ imponitur, & peragitur pro peccatis secretis, in Confessione Sacramentali allegatis. Pœnitentia publica rursus subdividitur in publicam solemnem; & in publicam non solemnem. Publica Solemnis est, quam imponit Episcopus ob gravissima crimina, in principio Quadragessimæ peragendam, servatis certis solemnitatibus, expressis in capitulo in *capite 64. dist. 50.* Et *can. pœnitentis 63. ibid.* Publica non Solemnis est, quæ publicè quidem; sed absque ullis Solemnitatibus Juris imponitur ab Episcopo, vel Sacerdote: quando autem Pœnitentia publica sit imponenda, vide Trident. *sess. 24. cap. 3.*

5. Nota quintò: de Pœnitentia quatenus usurpatur pro speciali quadam virtute detestandi, & dolendi de peccatis Theologicis, vide plurima quæ dico ex professo *tom. 3. Scholæ meæ Theologicæ tract. de Sacramentis dist. 6. & 7. & 8. per totum.* Item de Pœnitentia quatenus accipitur pro Sacramento, vide quæ dico ex professo *cii. tom. dist. 9. & 10. & 11. & 12. uti & de ejus materia proxima, puta Confessione, Contritione, & Satisfactione; item de ejusdem forma, Ministro, aliisque hoc Sacramentum concernentibus amplè dissero. Demùm, de Pœnitentia capta pro Satisfactione, plurima quoque resoluta, & dicta vide *eod. tom. 3. dist. 12.* Quæ hic repetenda non judicavi; sed proferam eas duntaxat decisiones Canonicas, quæ in Capitulis hujus tit. continentur. Unde*

6. Nota sextò: pro peccato occisionis Presbyteri imponenda est Pœnitentia 12. annorum; v.g. Jejunii certis diebus hebdomadæ; vel peregrinationis. Item si occisor sit miles, privandus est cingulo militari toto tempore vitæ: Et demùm privandus quoque est facultate contrahendi Matrimonium, *cap. Presbyterum 2. hoc tit.* Pro peccato oppressionis filiorum in lætè, si eam procurant Sacerdotes conjugati Græci; vel studiosè negligant. Pœnitentia remotionis perpetuæ ab Altaris Ministerio imponenda est. Si verò ex incuria eorum mortui fuerint, & hoc sit occultum, arbitraria Pœnitentia ipsis est imponenda, & ad tempus abstineant ab eodem Ministerio, *cap. Quæstium 7. hoc tit.* Pro peccato omissionis annuæ Confessionis Sacramentalis, & Communionis Paschalis graviter omnem utriusque sexus fidelem obligantis, postquam ad annos discretionis pervenerit, juxta *cap. Omnis 12. hoc tit.* omittenti pœnitentia interdicti ingressus in Ecclesiam injungenda est; & si mortuus fuerit, carere debet Sepulturâ Ec-

clesiasticâ, *cu. cap. Omnis.* Pro peccato mulieris supponentis fraudulenter alienum vel spurium partum marito ignorante, Pœnitentia competens arbitraria imponi potest à Sacerdote, *cap. Officii 9. hoc tit.*

7. Nota septimò: Sacerdos debet in imponendo Pœnitentias esse discretus ac cautus, ut more periti Medici (inquit *cap. Omnis 12. hoc tit.*) *superfundat vinum, & oleum vulneribus sanctatis; & diligenter inquirat circumstantias peccatoris, & peccati, quibus prudenter consideratus intelligat, quale consilium ei dare debeat, & remedium adhibere, adversus experimentis utendo, ut sanet agrotum. Caveat autem omnino, ne verbò, vel signo, vel aliò quovis modo prodat peccatorem, &c. & qui peccatum in pœnitentia inducio sibi detectum revelare præsumpsit, non solum à Sacramentali Officio deponatur; sed etiam ad agenda perpetuam pœnitentiam in arduum Monasterium detraatur.* Huic Canoni consentit Tridentinum *sess. 24. can. 5. & 8. de Sacram. Pœnitent.*

8. Nota octavò: ad Pœnitentiam maxime disponendi, & adhortandi sunt infirmi, ut (*ait cap. 13. hoc tit.*) *Medicos advocent animarum, ut postquam fuerit infirmo de spiritali salute provisum, ad corporalis medicinæ remedium salubrius procedatur; cum causâ cessante cesset effectus.* Quare *cu. cap.* injungitur etiam ipsis Medicis, ut accedentes ad ægros adhortentur eosdem ad Pœnitentiam; alias ipsi ab ingressu Ecclesiæ sunt arcendi. Et ibidem in calce *cap.* dicitur: *Cum anima sit multò pretiosior corpore, sub interminatione anathematis prohibemus, ne quis Medicorum pro corporali salute aliquid agrotò suadeat, quod in periculum animæ convertatur.* Homini lapsò in mortale Pœnitentia adeò est necessaria, ut etiam tempore interdicti graviter infirmis, & morientibus concedenda sit; non autem aliis; *cap. Quod in te 11. hoc tit.*

9. Nota nonò: pro suscipienda Pœnitentia Sacramentali de Jure communi nemo potest sibi eligere Confessarium alienum; sed à suo proprio Sacerdote, ac Prælato habente in illum ordinariam jurisdictionem, absolvi debet, *cap. Omnis 12. hoc tit.* Unde Episcopus debet de Jure confiteri suo Archi-Episcopo; & hic suo Patriarchæ; & ut notat Hostiens. & Abbas. Verumtamen cum licentia proprii Sacerdotis, ac Prælati potest quis alieno Sacerdoti approbato confiteri, *cii. cap. 12.* Item per Privilegium Papæ, relato *cap. ult. hoc tit.* possunt Episcopi sibi Confessarium eligere sine licentia sui Archi-Episcopi. Similiter alii Prælati Superiores, ut Archi-Episcopi, Patriarchæ, & Primates; imò & Prælati minores exempti, ut citra sui Superioris licentiam possint eligere Confessarium, *cii. cap. ult.*

CAP.



## CAP. II.

### De Remissionibus, seu Indulgentiis; & Jubilæo.

**I.** Dico primò: rectè describitur Indulgentia, quòd sit *pœna temporalis*, *DEO debite*, *remissio extra Sacramentum*, *per applicationem Satisfactionis Christi*, & *Sanctorum*. Ita Clemens VI. in Extravag. *Unigenitum*, de *Pœnit.* & *Remiss.*

2. Dico secundò: est in Ecclesia potestas concedendi Indulgentias. Ita TT. omnes contra hæreticos. Et constat primò ex Conciliis: ut Tridentino *sess.* 21. hoc ipsum definiente. Item ex Concilio Lateranensi sub Innocentio III. *cap.* 62. & refertur *cap.* Cùm ex eo, de *Pœnit.* & *Remiss.* Item ex Concil. Lugdunensi, & Viennensi, concedentibus Indulgentias iis, qui interfunt Divinis Officiis, per octavam Corporis Christi. Constat secundo ex Summis Pontificibus, qui jam olim extra Conciliorum celebrationem, usurpârunt auctoritatem concedendi Indulgentias; Ita fecit Innocentius III. Eugenius III. Urbanus II. Gregorius Magnus, teste Alkifiodorensi, & S. Thoma. Et nê Indulgentiarum vestigia in statutis antiquissimorum Conciliorum, & Scriptis veterum Patrum deesse conquerantur Hæretici (è quibus Kemnitius impudenter mentitur, eas incepisse circa Annum 1200.) inspiciant Decreta Concilii Nicæni, *can.* 12. & antiquissimum Concilium Ancyranum, *can.* 6. Item vetustum Patrem S. Cyprianum Martyrem, *Epistola* 46. Et *Epist.* 11. alias *lib.* 3. *Epist.* 1. Imò putant interpretes: Apostolum 2. *ad Cor.* 2. dedisse jam pœnitenti Indulgentias, dum *vers.* 10. ait *Nam & ego quod donavi, si quid donavi, propter vos in persona Christi*. Eadem veritas fuit confirmata maximis miraculis, quæ S. Bernardus, ut habetur *lib.* 3. *vite cap.* 4. patravit, prædicans variis in locis Indulgentias, ab Eugenio III. concessas. Quibus accedit portentosa Indulgentia Portiunculæ, à Christo concessa S. Francisco, toti mundo nota. Eandem fuisse sufficenter illa verba Christi Math. 16. *Tibi dabo clava Regni Cælorum. & quodcumque solveris super terram, erit solutum & in cælis*: ex quibus patet, quòd per præfata verba data sit Ecclesiæ potestas in culpas; adeoque & in pœnas consequentes, relaxandas per Indulgentias.

3. Nota primò: Indulgentiam aliam esse plenariam ac totalem; aliam partialem. *Plenaria* dicitur illa, quæ omnem pœnam, in Pur-

gatorio pro peccatis luendam, remittit. *Partialis* est, quæ partem tantum remittit, sive in Purgatorio, sive in hoc sæculo etiam luendam; v. g. Indulgentia pœnæ unius anni, vel plurius: qualis pœna erat olim *Carena*, id est, carentia, sive jejuniū, in pane, & aqua per dies quadraginta: & *quadragesima*, quæ est remissio pœnitentiæ, quæ per quadagesimam subeunda erat; de quibus habetur mentio in Concilio Nicæno; & *cap. in capite dist.* 50. Quando autem dicitur in Bullis Pontificum, quòd datur *Indulgentia Septennii*, vel *Carena*: Sensus est; remitti tantam pœnam, quanta deleteretur per Pœnitentiam septem annorum, vel quadraginta dierum jejuniū.

4. Nota secundò: Indulgentiam ulterius dividi in *personalem*; & *realem*. *Personalis* dicitur; quæ per se directè personis conceditur, sine determinatione ad certam rem *materiale*. *Realis* verò dicitur; quæ alicui rei materiali v. g. Metallo, vel Rosario est affixa; vel loco, ut Altari, vel Ecclesiæ. Item alia est perpetua; alia temporalis. *Perpetua* est; quæ semper durat, durante persona, vel materiali, cui est affixa. *Temporalis* est; quæ certo tempore expirat.

5. Dico secundò: Indulgentiæ habent efficaciam tollendi pœnas Purgatorii; imò prout defectò conceduntur, eas tollunt. Ita omnes Catholici contra Hæreticos. Primum constat ex Decretis Sixti IV. oppositum damnantis. Estque Ratio: quia Indulgentiæ habent vim tollendi pœnas Purgatorii in Defunctis; ut dicitur infra; adeoque & in vivis. Deinde si per Indulgentias non possent tolli pœnæ Purgatorii: sed tantum Pœnitentiæ injunctæ in foro Sacramentali: ad quid esset necessarius thesaurus Satisfactionum Christi, & Sanctorum? Secundum patet ex sensu Ecclesiæ Summorum Pontificum, SS. Patrum, & Fidelium, firmiter tenentium ab antiquo, quòd per applicationem Indulgentiarum, eò ipsò tollantur pœnæ.

6. Dico tertio: Per Indulgentias absolute concessas non tantum tollitur pœna Purgatorii, correspondens Pœnitentiæ Sacramentali; sed etiam alia, quæ esset exsolvenda pro peccatis, in aliis Confessionibus, explicatis. Ita communis DD. contra Cajet. Ratè est: quia potest Papa alias quoque pœnas tollere: nec est ratio, cur restringat suam intentionem ad pœnas tantum correspondentes injunctis Pœnitentiis: imò contrarium constat eò ipsò, quòd absolute indulgentias plenarias concedat. Deinde sæpè conceduntur Indulgentiæ

multorum millium annorum; & tamen nulli tot annorum Pœnitentia imponitur. Tandem in multis sola venialia confitentibus, pro lucranda Indulgentia, plenariz Indulgentiæ forent inutiles; quod dici nequit: ergo &c.

7. Dico quartò: vivis conceduntur Indulgentiæ per modum absolutionis; defunctis verò per modum solutionis tantum, & suffragii. Ita communis DD. Primum constat ex *cap. Nostro, de Pœnit. & Remiss.* ubi Indulgentiæ vocantur *Remissiones*; quod sonat authenticam condonationem, seu absolutionem. Idem sonant formulæ, quibus Pontifices conferunt Indulgentias. Quando verò Papa sibi dat Indulgentias, dat sibi per modum solutionis puræ; cum Jurisdictio absolutoria cum potestate ligandi non sit ad seipsum; sed ad alium. Secundum patet *primò* ex formis, quibus utuntur Pontifices, & dicunt se concedere Defunctis Indulgentias per modum Suffragii. *Secundo* est Ratio; quia absolutio est actus Jurisdictionis; adeoque tantum in subditum exerceri potest: sed Defuncti non sunt subditi Papæ; qui præest tantum Ecclesiæ Militanti: ergo per modum absolutionis eis concedi nequeunt Indulgentiæ: adeoque tantum per modum Suffragii.

8. Sed Difficultas est; an Indulgentiæ pro Defunctis habeant certum, & infallibilem effectum; an verò tantum prosint secundum liberalem, & congruam DEI acceptantis voluntatem. Hunc effectum in Defunctis non esse infallibilem, docet Cajet. Petrus Soto, Canus, &c. Contraria tamen opinio melior est Dominici Soto, Navarr. Suar. & RR. communiter. Ratio pro hac sententia deducitur ex Bulla Leonis X. *ad Cajetanum*, in qua æqualiter, & absolute, tum vivis, tum defunctis promitti videtur liberatio à pœnis.

9. Dico quintò: ut Indulgentia licite, & valide concedatur; requiritur pia, & rationabilis causa. Ita Doctores communiter. Et colligitur ex modo loquendi Pontificum, qui semper dicunt, Indulgentias ex causa pia, & iusta posse concedi; ita loquitur Clemens VI. Extrav. *Unigenitus*. Martinus V. Leo X. in *Epistola informativa* ad suum Legatum Cajetanum. Deinde; Papa non est Dominus, sed dispensator Thesauri Indulgentiarum: dispensator autem non potest sine causa disponere de rebus Domini; aliàs esset dissipator. Et quia alioquin Papa posset unò verbo liberare omnes animas ex Purgatorio quotidie; quod est incredibile: Ita etiam sentit S. Bonaventura, &c. DD.

10. Nota tertio: ad lucrandas Indulgentias, varias dispositiones, seu requisita esse necessaria. *Primum* est, ut lucrans sit baptizatus. Ratio est; quia communis thesaurus

Satisfactionum est in Ecclesia, ut à Pastoribus fideliter dispensetur iis, qui sunt membra Ecclesiæ. Catechumenis tamen etiam censent multi posse concedi Indulgentias, non per modum absolutionis; sed per modum suffragii. *Secundum requisitum* est; ut lucrans Indulgentias sit subditus concedentis; uti constat ex *cap. Quod autem, de Pœnit. & Remiss.* Privilegiati tamen, & exempti etiam possunt frui Episcopalibus Indulgentiis; quia in hoc se subicere possunt Jurisdictioni Episcopi; uti habet Laym. Soto, &c. *Tertium requisitum* est; ut lucrans Indulgentias non sit excommunicatione majori ligatus. Ratio est; quia hæc privat hominem participatione spiritualium bonorum Ecclesiæ; de quorum numero est participatio Indulgentiarum. *Quartum* est; ut lucrans sit in statu gratiæ. Ratio est; quia reatus pœnæ nunquam aufertur, nisi ablata culpa: unde licet absolute necessarium non sit ad lucrandum Indulgentiam, ut aliquis opera præscripta omnia in gratia impleat; uti habet Soto, S. Antonius, &c. in statu tamen gratiæ debet esse, quando Indulgentiam consequitur. *Quintum requisitum* est; ut impleatur totum opus; unde licet per oblivionem etiam, vel justum impedimentum, aliquod operis omitteretur; non lucraretur Indulgentiam; nisi omnia pars operis esset moraliter parva. Hinc interitur; quod ille non lucratur Indulgentias, qui famulo mandavit dare talem elemosynam; famulus verò eam non dedit: uti habet Bonacin. Suar. & Sanch. *Sextum requisitum* est: ut lucrans Indulgentias per seipsum impleat præscripta opera, v. g. jejunium: Unde si per alium impleat, non lucratur Indulgentias. Excipe, nisi ille alius esset nudum instrumentum, materialiter tantum concurrans; sicut concurrat famulus, qui ex manu Domini elemosynam accipit, & transfert ad vicinum pauperem.

11. Nota quartò: Indulgentias potest Jure Divino concedere *primò*, Summus Pontifex; uti constat ex Extrav. Clementis VI. *relata supra*. Et Trident. *sess. 25. docente*, potestatem dispensandi Indulgentias divinitus datam esse Ecclesiæ; utique *primò*, & principaliter exercendam per caput Ecclesiæ. *Secundò*, potest eas concedere Archi-Episcopus; sed pro sua tantum Provincia: uti colligitur ex *cap. Nostro, de Pœnit. & Remiss.* Et quidè tantum ex concessione Papæ. *Tertiò*, possunt Episcopi pro suis Dioccesibus: uti habetur *cap. Cum ex eo, cod. tit. ubi etiam refertur ordinatio Concil. Lateran. cap. 62. decernentis*, ut Episcopi tantum possint concedere Indulgentias unius anni in Dedicatione Basilicæ: & in anniversario 40. dierum. Alii Prælati inferiores jure ordinario non possunt concedere

concedere Indulgentias; imò nec Capitulum Sede vacante; nec Cardinales; nec Generales; nec Provinciales Ordinum eas concedere possunt; nisi specialem ad hoc obtineant gratiam; sicut iam obtinuerunt Visitatores Generales nostrarum Provinciarum in suis Visitacionibus. De facultate Papæ; & gratia particulari, quisunque poterit concedere Indulgentias, etiam Laicus; concessio enim Indulgentiæ non est actus Ordinis; sed Jurisdictionis. Circa Jubilæum

12. Nota quintò: Jubilæum erat annus Quinquagesimus remissionis apud Judæos, in quo jubebantur abagricultura vacare; debita remittere; possessiones antiquis Dominis, absque pretio restituere; servos libertate donare; uti constat ex *cap. 25. & 27. Levitici*. Et dicitur à *Jobel* Hebraico, quod Latine sonat *initium*. Ad hujus similitudinem in Ecclesia institutus est annus Jubilæus, seu remissio omnium peccatorum plenissima. Bonifacius VIII. eum statuit centesimo quòque anno celebrandum. Clemens IV. ad quinquagesimum revocavit; cum paucorum hominum vita ad centesimum pertingat. Paulus tandem II. Jubilæum ad vigesimum quintum reduxit. Circa quod

13. Nota sexto: quòd Annò Jubilæi, secundum Bullas Gregorii XIII. & Clementis VIII. Omnes Indulgentiæ plenariæ suspendantur, quibuscunque Ecclesiis, Personis, vel Congregationibus, extra Urbem concessæ. Hæc tamen suspensio intelligitur tantum quoad vivos; non quoad defunctos. Unà cum Indulgentiis etiam suspenduntur aliæ facultates locales, & indulta, v. g. absolvendi à peccatis determinatis, &c. Sub suspensione tamen, solita fieri in Jubilæo, non comprehenditur Indulgentia plenaria Compstellana (ut ostendit Castro Palao) Item, nec Indulgentia illius S. Domus Portiunculae, quæ prope Assisium est; uti declaravit Urbanus VIII. Anno 1625. Item Clem. VIII. & Innoc. X. referente Lantscæver. *Indulgentia; in Theat. Reg.* Similiter non comprehenduntur sub generali tali suspensione facultatum, facultates absolvendi à casibus Episcopalibus; imò & à Papalibus; quando non sunt concessæ occasione Indulgentiarum eas consequendi; sed ob alios fines; v. g. quæ sunt concessæ Regularibus in ipsorum Privilegiis.

14. Nota septimò: quòd post annum Jubilæi; Item post incorporationem Papæ; & quando Ecclesia gravi aliqua difficultate premitur, soleat Pontifex Indulgentiam plenari-

simam etiam concedere, sicut in Anno Jubilæi Romani: circa quod observandum; quòd si quis ob infirmitatem, vel professionem, aliàve causam, non potuerit opera in Bulla præscripta exequi; conceditur facultas Confessori omnia, & singula in opus bonum, & ipsum, prout sibi visum fuerit, commutandi. Observandum item: quòd Confessariis tempore ejusdem Jubilæi detur potestas absolvendi in foro conscientiarum ab omnibus censuris, & penis, à Jure, vel ab homine latis; & à quibuscunque criminibus, etiam contentis in Bulla Cœnæ. Et ex hoc capite distinguitur Jubilæum ab Indulgentia plenaria, penes nimirum Jurisdictionem. Nulla tamen datur facultas dispensandi super irregularitate, etiam occultâ; ex defectu, aut inhabilitate quomodolibet contracta. Tandem datur facultas commutandi quælibet vota, exceptò Castitatis, & Religionis. Et hæc est secunda differentia Jubilæi, ab Indulgentia plenaria.

15. Nota octavò: veriorum esse illam opinionem D. Thom. Cord. Navar. & RR. (licet plurimi DD. contrarium probabiliter sentiant) quæ dicit, Jubilæum tale per duas septimanas communiter extensum, non nisi semel posse obtineri; ac consequenter non nisi semel à casibus reservatis absolvi. Colligitur ex ipsis formulis disjunctivis, non copulativis, sub quibus dictum Jubilæum publicatur; quæ proinde diligenter sunt inspicendæ: tantum enim valet Bulla, quantum sonat; ut habet communis Canonistarum. Accedit declaratio Clementis VIII. Notab. 5. cit.

16. Nota nonò: Opera præscripta in Bulla posse impleri in diversis locis v. g. in uno domicilio potest visitare Ecclesias; & in alio reliqua opera facere; uti tenet Castro Palao. Ratio est; quia favor Jubilæi non localis; sed personalis est. Qui Jubilæo ferè transactò, ex mera ignorantia, opera faciendâ omisisset; is posset confiteri ultimo die, & communicare; reliqua verò opera posset Confessarius prorogare insequentem septimam. Similiter si quis opera omnia explisset, exceptâ Communionem; & ultimo die inadvertenter aliquid cibi assumeret, posset Communio commutari in aliud opus pium, vel differri in proximum diem, & lucrari Indulgentia.

17. Nota decimò: Completò Jubilæo posset pœnitentem absolvi à Reservatis oblitis; modò saltè eò animò sit confessus tempore Jubilæi. Similiter & is absolvi potest, qui animò Jubilæum lucrandi confessus erat Reservata; etsi postea ipsum non lucretur muta-

tân-

et intentione; uti habet Herinex, & alii DD. Et si securius & conformius praxi sit, una hebdomadâ omnia opera absolvere: probabilis tamen etiam est sententia DD. Rodriq. Laym. docentium; quod possint opera dividi ex rationabili causa; ita ut unâ septimanâ visitet Ecclesias; alterâ communicet, vel jejundet. Iis, qui jejunium per tres dies præscriptum sine notabili difficultate, perferre non possunt; cujusmodi sunt Adolescentulæ, Infirmi, Pauperes, aliqui Mechanici, & similes; potest Confessarius loco jejunii alia opera æquivalentia injungere; similiter pauperibus, qui elemosynam dare nequeunt, v. g. recitationem Coronæ, auditionem Missæ, uti tenet Candidus, Henricq. &c. DD.

### CAP. III.

#### De Pœnitentiis, & Remissionibus in Ordine FF. Minorum.

**N**ota primò: Pœnitentias pro Casibus reservatis in Ordine FF. Minorum de Observ. & Reform. taxare, imponere, & ab iisdem absolvere possunt soli Prælati Regulares majores, id est Generalis, & Provincialis; ac eorum Pœnitentiarii ritè delegati; uti constat ex Constit. Clement. VIII. edita an. 1593. die 26. Maji.

2. Nota secundò: Subditi Minoritæ tenentur acceptare Pœnitentias salutares sibi à Superioribus, etiam localibus impositas pro delictis, & excessibus: & qui tales subire renuerit, de Discretorum consilio, & assensu trinâ monitione etiam non præmissâ carceri mancipetur; juxta Constit. Generales Ord. cap. 1. §. 1. n. 7. Ut autem Pœnitentiæ censeantur esse salutares, debent esse proportionatæ delictis, & conformes Legibus Ordinis. Circa Remissiones, seu Indulgentias Ordinis

3. Nota tertio: Fratribus Minoribus, ac aliis Regularibus olim plurimas à Summis Pontificibus fuisse concessas Indulgentias; ut videre est apud Rodriq. Sed propter earum incertitudinem, & confusionem Paulus V. an. 1606. die 23. Maji in Bulla *Romanus Pontifex* omnes revocavit, & novas 13. sequentes concessit; quæ in hodiernum usque diem vigent; & eas possunt securè consequi Religiosi omnes, & Religiosæ: videlicet:

*Primò*: Habitum Regularem legitime suscipiens, eodem susceptionis die lucratur Indulg. plenariam.

*Secundò*: Professionem emittens die Professionis pariter lucratur Indulg. plenariam.

*Tertio*: Quivis Religiosus in festo principali sui Ordinis celebrans vel communicans lucratur plenariam.

*Quarto*: In mortis articulo, confessus ac communicans; vel saltem contritè invocans nomen JESU, lucratur plenariam.

*Quinto*: Missam novellam celebrantes, & interestes: aut eodem die celebrantes, lucratur plenariam.

*Sexto*: Facientes Exercitia spiritalia per dies decem (nunc Alexander VII. pro Minoribus Observ. & Reform. reduxit ad octo) lucratur plenariam.

*Septimò*: Clausuraliter viventes, si visitent suas Ecclesias diebus Stationum: lucratur Indulgentias easdem, quas visitantes Ecclesias Romanas diebus Stationum lucrantur.

*Octavo*: Idem claustrales aliis diebus ante Altare suæ Ecclesiæ recitantes 5. Pater & Ave, pro qualibet die lucratur quinque Annos, & totidem Quadragenas.

*Nono*: Prædicatores & Lectores itinerantes cum licentia Prælati, dicentes quinque Pater & Ave ante quodlibet Altare; lucratur pariter 5. Annos, & totidem Quadragenas.

*Decimo*: Mentalem Orationem facientes mediâ horâ quolibet die per integrum Mensem: lucratur sex Annos, & totidem Quadr.

*Undecimò*: Accusantes culpas in propriis Capitulis; lucrantur tres Annos, & totidem Quadrage.

*Duodecimò*: Missiones ad terras Infidelium acceptantes, in accessu, & recessu, lucratur Indulg. plenar.

*Decimo tertio*: Orationibus 40. horarum, à Superioribus Ordinum ordinatis in Visitationibus generalibus, interestes duabus horis, lucrantur plenariam.

4. Has solas Indulgentias Paulus V. in cit. Bulla revocatoria concessit Regularibus, & pristinas omnes abolevit; quæ usque modò nequaquam sunt revalidatæ per Successores Pontifices; ut contendit P. Hieronymus Rodriq. in suo *Reductorio 99. Regular. Emmanuelis Rodriq. Resolut. 77.* contra P. Portel, verbo *Indulgentia*, pluribus solidis rationibus bene ostendentem, nunquam esse revalidatas Indulgentias Regularium à Paulo V. revocatas. Pro qua accedit novissima Alexandri VII. prohibitio, in editis propositionibus prohibitis Anno 1666. vetantis graviter hanc propositionem, *Indulgentia concessæ Regularibus, & revocata à Paulo V. hodie sunt revalidata.* Alias plures Indulgentias Ordinis nostri vide tom. 3. *Schola mea Theologica tract. de Sacrament. dist. 13. q. 4. & 5.*

# TITULUS XXXIX.

## De Sententia Excommunicationis.

### CAP. I.

#### De Censuris in genere.

**N**ota primò: Pœnis pro utroque foro in *preced. tit.* discussis, addit Papa hoc *tit.* pœnam solemnem Excommunicationis, quâ comprimuntur ij, qui rebelles, & retractarii existunt contra præfatas pœnas; unde etiam rebellium, & contumacium pœna vocatur in *can. Nullus. Et can. certum, caus. ii. q. 3.* Et quia Excommunicatio est censura quædam, per connexionem de alijs duabus specialibus Censuris, videlicet Suspensione & Interdicto, quoque hoc *tit.* agendum judico: & primò de Censura in genere. Hoc vocabulum autem *Censura* originem trahit à *Censuris* Romanis, qui supra mores exorbitantes Populi Censuras, id est certas pœnas pronuntiabant. Ecclesia deinde usurpavit hoc idem vocabulum pro pœnis quibusdam Canonis, quibus censurat, seu corrigit depravatos Christianorum mores.

2. Dico primò: rectè describitur Censura Ecclesiastica in genere, quòd *su pœna spiritualis, ac medicinalis delinquenti inflicta per potestatem Ecclesiasticam, privans hominem baptismum usque aliquorum bonorum spiritualium, donec recedat à contumacia.* *Ly* pœna ponitur loco generis; reliqua loco differentiz. Per *ly* aliquorum bonorum spiritualium, intelliguntur receptio, & administratio Sacramentorum, participatio suffragiorum Ecclesiæ, exercitium officiorum Ecclesiasticorum.

3. Dico secundò: Censuræ propriè dictæ tres duntaxat assignantur, scilicet Excommunicatio, Suspendio, & Interdictum: unde nec irregularitas, nec degradatio, nec depositio verbalis, nec cessatio à Divinis, sunt in rigore Ecclesiasticæ Censuræ. Ita communis DD. Primum constat ex *cap. Querenti 20. de V. S. Et cap. Statutum 13. Et cap. Is cui 20. hoc tit. in 6.* Ratio secundi est; quia irregularitas, degradatio, & depositio verbalis non sunt medicinales, nec infliguntur ab Ecclesiastica potestate, ut recedatur à contumacia, quod proprium est Censuræ Ecclesiasticæ. Cessatio à Divinis pariter non imponitur ad recedendum à contumacia; sed ad propulsandam injuriam factam Ecclesiæ; uti constat ex *Clement. hoc tit. cap. 1.* ubi appellatur *lumen uni-*

*cum ad repellendas injurias Ecclesiæ factas.* Ex quibus omnibus constat, nec irregularitatem, nec degradationem, nec depositionem verbalem, nec cessationem à Divinis esse Censuras propriè dictas; sunt ergo tantum pœnæ quædam Canonice.

4. Nota secundo: quamlibet ex præfatis tribus Censuris dividi in Censuram *latam à Jure*; & *latam ab homine.* Prima dicitur talis, quæ lata est à SS. Canonibus, & Statutis Ecclesiæ stabilibus. Secunda, quæ à Judice Ecclesiastico infligitur per sententiam. Ita Navar. Brug. Bonacin. & communis DD.

5. Nota tertio: quòd *Censura ab homine lata* rursus partiatur in *Generalem*; & *Specialem.* *Generalis* est; quæ infligitur per sententiam generalem pro culpis futuris; talis est, quæ fertur contra omnes Hæreticos. *Specialis*, quæ ob contumaciam nominatim infligitur, per sententiam specialem v. g. contra Platonem. Ita Navar. Brug. Bonacin. &c.

6. Nota quarto: quamlibet Censuram ex dictis tribus rursus subdividi in Censuram *late sententiæ*; & *ferende sententiæ.* *Lata sententiæ* est; quæ incurritur cum delicti patratione, sine aliqua Judicis sententiâ; talis est in *cap. si quis suadente*, de percussione Clerici & de tali dicitur *cap. Pastoralis*; quòd Excommunicatio late sententiæ executionem secum trahat. *Ferenda sententiæ* est, quæ non ipsò facto infligitur; sed eget Judicis declaratione. Ita Bonacin. Brug.

7. Nota quinto: Pro regula generali, ex sequentibus colligi, aliquam Censuram *late sententiæ* esse; primò, si feratur verbis præfatis temporis modi indicativi; ut si dicatur, *Excommunicamus, anathematizamus, suspendimus* qui hoc fecerit, *innotamus*, &c. uti constat ex *cap. Excommunicamus 1. Et 2. de Hereticis.* Secundò, quando fertur per verba præteriti temporis, ut *Excommunicavimus, excommunicatus est, suspensus est, &c.* uti constat ex *Clementina de Decimis.* Tertiò, dum similes voces apponuntur, *ipsò facto, ipso Jure, illico, mox proptinus*, & aliz æquivalentes; uti habet Brugnoli. Quarto, quando ad præteritum perfectum infinitivi modi additur antecedens verbum præfatis, vel præteriti temporis, v. g. si dicatur, *Novimus te esse excommunicatum, suspensum; declaro hunc esse excommunicatum*, & similia; uti habent pariter

ter DD. Quinto, quando Censura fertur per verbum imperativi modi, temporis præsentis v. g. si dicatur, *Qui id fecerit, incadat in Excommunicationem, suspensionem, &c.* ita tenet Bonacin. & plures alij DD.

8. Nota sextò: *Ferenda sententie* autem erit Censura; si vel verba sint futuri temporis, v. g. si dicatur, *Excommunicabitur, Excommunicabitur enim, &c.* vel si sint comminatoria verba; v. g. *Præcipimus sub pœna Excommunicationis, sub anathemate &c.* uti habent cit. DD.

9. Nota septimò: si dubia sit Censura, an sit lata, vel ferenda sententie: censeri potest, esse tantum ferenda. Ita sentit Azorius, Sayrus, Suar. &c. DD. Et Ratio est; quia odia sunt restringenda, & in meliorem partem interpretanda, per Regulam 15. & 40. *Juris in 6.*

10. Nota octavò: differentiam Censurarum inter se; ab alijs pœnis Canonicis, & ab Irregularitate: Primò enim omnes tres Censuræ generaliter differunt à pœnis Canonicis, depositionis, degradationis, infamiae; quòd Censuræ sint medicinales pœnæ, impositæ ut recedatur à contumacia: non sic aliæ pœnæ Canonicae. Ab Irregularitate verò; quia multæ Irregularitates nullum supponunt peccatum; neque tolluntur per absolutionem, sicut Censuræ; sed tantum per dispensationem. Inter se autem differunt tres Censuræ species ex effectu; nam Excommunicatio privat omnibus Sacramentis activè, & passivè; suspensio autem tantum activè; & Interdictum tantum aliquibus Sacramentis. Suspensio differt ab Interdicto in subiecto; quòd plæ possit ferri in solum Clericum; Interdictum verò in Clericum, & Laicum. Et in effectu; quòd suspensio priver tantum activam susceptionem Sacramentorum; Interdictum etiam passivam privare possit.

11. Dico tertio: in Ecclesia residet auctoritas ferendi Censuras Ecclesiasticas. Ita Catholici DD. contra Lutheranos, aliosque Hæreticos. Et constat primò ex Concil. Constantin. sess. 8. hoc definiente. Secundò ex perpetuo usu Ecclesiæ, Summorum Pontificum, & Concil. Generalium. Tertio ex facto D. Pauli, qui 1. ad Corinth. 5. excommunicat incestuosum. Quartò ex cap. *Ab Ecclesiis, de Officio Ordinarii.* Quintò ex Scriptura, quæ Apostolis, eorumque Successoribus dat generalem facultatem corrigendi; adeoque etiam per Censuras emendandi fideles; nam dicitur Matth. 18. *Quæcumque alligaveritis super terram, erunt ligata & in Cælis.*

12. Dico quartò: in solos baptizatos, viatores, doli, & rationis capaces, & subditos fer-

ri possunt Censuræ. Ita Conink, Navar. Herincx, &c. Et de Baptizatis colligitur ex cap. *Gaudemus, de Divorzijs.* Et cap. *de Judeis.* Et Paulus dicit 1. ad Corinth. 5. *Quid mihi de ijs, qui foris sunt judicare?* adeoque non baptizati non possunt censurari. De Viatoribus patet; quia *mortuorum causa*, inquit Leo 1. ad Rustic. Epist. 90. *De Iudicio reservanda est.* Et Ratio est; quia hi non possunt recedere à contumacia. Unde quando mortui quandoque leguntur Excommunicati fuisse post mortem, hoc Intelligendum est, quoad declarationem tantum, quæ significatur, eos in Excommunicatione mortuos fuisse: Vel dicendum est; quòd Excommunicati fuerint improprie; id est execrati, propter enorme crimen, ad terrorem populi; quòd passim intelligitur factum Innocentij I. Papæ excommunicantis Arfacium post mortem, in Epist. ad Arcadium Imperatorem. *De doli, & rationis capacibus* Ratio est; quia in non capacibus doli, & rationis, v. g. amentibus, pueris, furiosis &c. cessat finis Censuræ; cum à contumacia non dicantur recedere quæ tales. De Subditis pariter est Ratio; quia jurisdictio, & subiectio sunt correlativa: Si ergo necessaria est in eo, qui Censuram imponere debet jurisdictio, etiam erit subiectio requisita in patiente illam: adeoque solus subditus corrigi potest Censuræ.

13. Ex dictis infertur: Papam non esse capacem Censuræ. Ratio est; quia non habet Superiorem in terris; cum cunctis Superior sit, cap. *Cuncta per mundum* 9. qu. 3. Mirra de Censuris in genere vide tom. 3. *Schola Theologica tract. de Censuris, dist. 1. per totum.*

## CAP. II.

### De Censura Excommunicationis in specie.

1. Nota primò: inter species Censuræ, omnium famosior est Excommunicatio; sic dicta à communicationis exclusionem: nam in Jure Civili *ea verò ff. pro Socio.* Communicatio idem est; quod Societas; unde Excommunicatio importat privationem Societatis, scilicet Christi fidelium. Excommunicatio statim à primitiva Ecclesia fuit in usu; unde eam protulit D. Paulus contra quemdam incestuosum scandalosè 1. ad Cor. 5.

2. Dico primò: bene describitur Excommunicatio ut sic; quòd sit pœna spiritualis medicinalis, influcta ab Ecclesiastica potestate, privans hominem baptizatum communione fidelium



*hunc quousque à continentia recedat.* Ly pœna est genus; reliqua ponuntur pro differentia. Est autem secundum S. Bonaventuram 4. dist. 18. q. 1. triplex communicatio, seu communicatio fidelium inter se. *Primo*, in purè internis rebus, v. g. in gratia & Charitate, in quibus fideles inter se, & cum Christo mysticè copulantur; uti insinuat D. Paulus 1. ad Corint. 12. *Secundo*, in purè externis, puta in conviciu, colloquio, contractu, aliisque commercijs humanis. *Tertio*, in mixtis, nempe in actionibus externis, & cœremonijs; quæ tamen interiorum fructum ex sua institutione continent, v. g. in usu tam activo, quàm passivo Sacramentorum Ecclesiæ, omnibus suffragijs, Indulgentijs, applicatione satisfactionum Christi &c. Illa itaque particula definitionis, *privans Communionem Fidelium*, non intelligitur de Communionem primi modi; sed secundum, & tertium.

3. Nota secundò: Excommunicationem quandoque idem sonare, quod anathema; ut videre est in Trident. sess. 25. cap. 3. de Reformatione, quandoque tamen anathema usurpatur à Sacerdotibus Canonibus pro peculiari termino exprimente Sententiæ severitatem in excommunicandis Hæreticis, & accidentales quasdam alias solemnitates, ut denunciationem, & condemnationem adhibitis Cœremonijs, in aliorum terrorem, v. g. ut Episcopum 12. Sacerdotes circumfrent, qui lucernas ardentes in detectionem Excommunicati in terram elidunt; ut habet cap. Debet, 11. q. 3.

4. Nota tertio: Excommunicatio dividitur primò in Majorem, & Minorem, cap. Si quem 59. hoc tit. Major est pœna omnium gravissima in Ecclesia, can. corrumpantur 17. can. 24. q. 3. quem gladium spiritualem Iudex Ecclesiasticus non debet evaginare, nisi postquam alia media pœnæ, & monitiones non profuerint, secundum Trident. sess. 25. cap. 3. de ref. Consistit autem hæc Censura in privatione totali communis Fidelium; id est in privatione omnium Sacramentorum activè, & passivè, id est tam perceptionis, quàm administrationis eorundem; item in privatione publicorum suffragiorum Ecclesiæ; item in privatione convicijs civilis cum Fidelibus; in privatione sepulturæ, & pluribus alijs: Unde hæc Excommunicatio dicitur simpliciter privare communionem Fidelium. De quibus omnibus effectibus plura in sequentibus. Minor Excommunicatio est pœna spiritualis medicinalis, privans tantum passivâ perceptione Sacramentorum; non verò reliquis bonis spiritualibus Christi Fidelium; unde dicitur tantum secundum quid privare com-

munionem Fidelium, cap. pen. hoc tit. Vocatur autem Minor non propter parvitatem objecti; quia ex se est gravis res privari participatione passivâ Sacramentorum; sed per comparisonem ad Excommunicationem Majorem, superius descriptam.

5. Nota quartò: præterea Secundo partitur Excommunicatio in illam, quæ fertur ab homine, seu Iudice Ecclesiastico; & illam, quæ fertur à Jure ipso. Prima est illa, quæ infligitur per sententiam Judicis competentis. Secunda est, quæ fertur per ipsos Canones. Differentia inter has duas Excommunicationes est, quòd lata ab homine extinguitur morte, vel depositione inferentis; lata verò à Jure perpetuò durat, etiam post mortem Legislatoris; quousque lex contraria introducat. Tertio dividitur in illam, quæ est lata sententiæ; & illam quæ est ferenda sententiæ. Excommunicatio lata sententiæ est, quæ ipsò facto incurritur per criminis admissionem. Excommunicatio ferenda Sententiæ est, quæ demum per Sententiam Judicis incurritur. Quarto rursus Excommunicatio alia est generalis; quæ fertur in communi contra omnes, qui patrarunt tale crimen. Alia specialis, quæ fertur contra personas particulares criminosas, expressis eorum nominibus, v. g. contra Joannem, Paulum &c.

6. Nota quinto: ad Excommunicationem infligendam non est necessariò adhibenda aliqua determinata formula verborum: sed sufficit eam taliter proferri, ut de præsentì exprimitur signis externis scripturæ, vel voce determinata mens excommunicantis; ut notat ex Tannero Pirh, nam in Jure nulla assignatur determinata formula hujus Censuræ. Unde sufficit, si excommunicans dicat, vel scribat sic; *privo, segrego, separo Petrum à Communionem Fidelium*. Modus tamen procedendi ad Sententiam Excommunicationis assignatur in Jure cap. Cum Medicinalis. hoc tit. in 6. quem vide ibidem. Excommunicatio Major ex dictis supra not. 3. habet plures gravissimos effectus, quos hic per specialia Jura placet ostendere. Unde

7. Dico secundò: Excommunicatio ista privat usu passivo Sacramentorum omnium, ita ut excommunicatus non possit licitè percipere ulla Sacramenta. Ita Suarez, Herincx &c. Et constat ex cap. Cum illorum, Et cap. si qui etiam, de Sent. Excommun. Et cap. Apostolica, & pluribus alijs.

8. Nota autem sextò circa hunc effectum: licet existens in Excommunicatione peccet mortaliter, recipiendo aliquod Sacramentum; validè tamen illud suscipiet, quoad subje-

subiectum, licet non semper quoad effectum generale, cui obicem ponit; uti docet Bonacin. Nav. &c. Quod etiam verum est de Sacramento, si recipiens ignoret suam Excommunicationem; aut licet eam sciat, ignoret tamen inculpabiliter, se non posse accedere ad Pœnitentiæ Sacramentum, propter Excommunicationem: juxta Regin. Suar. Valent. &c.

9. Dico tertio: Excommunicatio Major privat etiam administratione activâ Sacramentorum, & Celebratione. Ita Suar. Herincx, Navar. & communis DD. Et constat primum ex *cap. illud de Clerico excommunicato*. Advertendum tamen est, quod in necessitate, & absentia alterius Ministri, Excommunicatus Minister possit administrare Sacramenta. Extra necessitatem, si Excommunicatus administret, validè quidem administrat, sed non licitè. Excipe Pœnitentiæ Sacramentum, quod invalidè ab Excommunicato administratur extra necessitatem, defectu Jurisdictionis. Ratio secundi sumitur ex *cap. Latores*. Et *cap. illud*. Et *cap. Fraternitas, de Clerico Excommunicato*. Excusat tamen nec sitis communicandi moribundum, gravis morbus, periculum infamiae; uti tenet Herincx, Præposit. &c.

10. Dico quartò: Excommunicatio Major privat etiam communibus Ecclesiæ suffragiis, Orationibus, & fructu resultantem ex concessione Indulgentiarum. Ita cit. Scholast. & Canonist. cum S. Gregorio *lib. 2. Dialog. cap. 23*. Et constat ex *cap. a nobis, de Sentent. Excommuni.* Et *cap. Sacris*. Unde dicit S. August. *tract. 27. super Joan. cap. 6. Nihil sic debet formidare Christianus, quam separari à Corpore Christi; tunc enim non vegetatur spiritu ejus*: subintellige per suffragia Ecclesiæ, Orationes, Indulgentias, &c.

11. Nota septimò: per communia Ecclesiæ Suffragia hic intelligi ea, quæ à Clero Ecclesiæ nomine, & tanquam ejus Ministris offeruntur pro Fidelibus; uti sunt sacrificia Missæ, Officia Divina, Supplicationes publicæ, & similia. Privata tamen suffragia, & opera pia quivis ut privatus homo suo nomine & Christi licetè potest offerre pro Excommunicatis; uti docet Covar. in *cap. Alma Mater*, Navar. Angelus, Sylv. &c.

12. Dico quintò: Excommunicatio Major privat etiam licentiâ frequentandi Divina Officia. Ita Red. Herincx, Navar. & communis. Sunt autem Officia Divina, Sacrificium Missæ audiendum, Horæ Canonicæ, Processiones communes, similesque functiones Ecclesiasticæ. Et constat per *cap. Alma Ma-*

*ter, de Sent. Excomm. per cap. Nuper*. Et per *cap. significavi*. Quod intelligitur de Excommunicatis non toleratis: tolerati enim non prohibentur his interesse.

13. Nota octavò: si Excommunicatus non toleratus sit in Ecclesia, debet Sacerdos sistere in Missa, quousque expellatur: qui si expelli nequeat, debet Sacerdos recedere ab Altari, etsi sit in Canone, modò adhuc sit ante verba Consecrationis; ut habent DD. Suar. *disp. 12. Sect. 1. Sylv. verbo Excommunic. §. n. 3. Laym. &c.* Quod si Consecratio esset incepta, vel peracta, Sacerdos usque ad Calicis sumpcionem inclusive peragere debet Missam; reliqua verò dicere in Sacrilia, vel omittere, si talis debitus locus non sit. Ita DD. communiter Henr. Layman. &c.

14. Nota nonò: licet ad publicam recitationem horarum non possit nec teneatur accedere Excommunicatus non toleratus; ad privatam tamen recitationem tenetur; non autem dicere *ly Dominus vobiscum*, cum hoc pertineat ad exercitium Ordinis; uti notat Herincx, Abbas, Avila, &c. DD.

15. Dico sextò: Excommunicatio Major privat similiter exercitiò Jurisdictionis: hinc ejus acta sunt invalida. Ita Castro Palao, Red. Herincx, & est communis DD. sensus. Et constat ex *cap. Audivimus 24. q. 1. Et cap. Si quis, de officio delegati in 6. Et cap. 1. de Officio Vicarii in 6*. Intelligitur autem Conclusio de Excommunicatis non toleratis. Nam acta Excommunicati tolerati post Concil. Constant. v.g. inflicta alteri Excommunicatio ab Excommunicato; item Ecclesiastici beneficii collatio &c. est valida; uti habet Lessius, Gutier. &c.

16. Dico septimò: Excommunicatio Major arcet Excommunicatum à Susceptione valida beneficii cujusvis. Ita Garcias, Lessius Navar. & communis. Et habetur ex *cap. Postulatus*. Et *cap. ult. de Clerico Excommunicato*. Conclusio autem ista verificatur, tam pro non toleratis; quàm toleratis; uti habet Her. Item pro ignorantibus etiam invincibiliter suam Excommunicationem; ut habet Covarr. Henricq. &c. Et tamen collatio beneficii esset facta à Papa motu proprio; nisi sciret Papa Excommunicationem; vel nisi Excommunicatum ob cautelam prius abolveret; uti fit communiter his verbis: *Ad effectum presentium dumtaxat consequendum*; uti habet cit. Her. & alij DD.

17. Ex his infertur; si Excommunicatus obtineat durante Excommunicatione beneficium, eum non facere fructus beneficii suos; sed teneri ante Sententiam Judicis ad restitutionem;

tionem; uti habent communiter DD. De fructibus, verò natis tempore Excommunicationis ex beneficio, quod ante Excommunicationem debite obtinuit, dicunt Excommunicatum hujusmodi fructus posse retinere, usque ad Sententiam Judicis. Ita Avila, Con. Sanch. &c.

18. Dico octavò : Excommunicatio Major removet à Communione forensi : unde nec Judicis, nec Tabellionis, nec Advocati, nec Testis munus agere potest Excommunicatus. Ita Reding, Castro Palao, Herinckx, & communis Canonist. Et constat de *Judice* per *cap. Decernimus, de Sent. Excomm. in 6.* De alijs verò per *cap. Ad probandum, de Sent. & re judicata.*

19. Dico nonò : Excommunicatio Major privat similiter omni politicà communione fidelium. Est communis Canonist. Et intelligitur per *politicam communionem*, omnis humana Societas, facta per verba, nutus, litteras, nuntium, munera, per contractus, commercia, cohabitationem, communem mensam; item iter, & convenientia socialis; non tamen casualis in eadem domo, balneo, &c. Breviter omnes actiones prohibitz cum Excommunicatis sequenti versu continentur :

*Orare, vale, communitio, mensa negatur.*

Et constat ex *cap. 2. de except. Etcap. Nuper. Et cap. Excommunicatio 11. q. 3.*

20. Nota decimò : etiam ipsos Fideles esse prohibitos, sub peccato cum Excommunicatis communicare, in discis actibus; uti habetur *cap. Illud DEUS de Clerico Excommunicato*; nisi adsint iustæ causæ, quæ sequenti versu exprimentur :

*Utile, lex, humile, res ignorata, necesse.*

*Ly utile* denotat notabilem utilitatem corporalem; vel spiritualem communicantis, vel Excommunicati, quæ excusat à peccato communicantem cum Excommunicato; uti habet Layman. *Ly lex*, id est Matrimonialis, ostendit Conjuges posse communicare, petere debitum, & alia necessaria secum tractare; uti habet Cajetan, Sanch. Laym. &c. *Ly humile* exprimit subjectionem, & permittit, ut liberi, nepotes, avi, & proavi, gener, nurus, pupilli, Minorennæ, & famuli possint cum Excommunicato Patre, cognato, affine, tutore, & Domino communicare licite; uti habet *cap. Quam 11. q. 3.* *Ly res ignorata* monstrat ignorantiam Juris, & facti, modò crassa non sit, vel affectata, excusare à culpa, si communicetur. *Necessitas* permittit communicationem omnibus illis, qui ob habitos contractus cum Excommunicato debent negotiari necessariò; Item

ut Excommunicatis pauperibus Eleemosyna detur, hospitio recipiantur &c.

21. Dico decimò : Excommunicatio Major privat Sepulturâ Ecclesiasticâ, si Excommunicatus in ea moriatur : Ita communis apud Navar. Barbof. & Canonist. Et constat per *cap. Sacris, de Sepultur.* Et Clementina *l. cod. 11.*

22. Nota Undecimò : hic doctrinam particularem; quòd privatio communionis Fidelium tam in sacris, quàm profanis negotijs cum excommunicatis, de qua in *superiorib. conclusion.* actum fuit non intelligatur de toleratis Excommunicatis; sed de solis non toleratis, & evitandis; vel si sint notorij Clericorum percussores. Nam Anno 1414. in Concil. Constantiensis ad Schisma inter tres Pontifices tollendum, Ecclesiæq; pacē restituendam, postea confirmata à Martino V. legitimo Papa, edita est Constitutio *ad evitanda &c.* quam refert Soto, Gutier. Navar. itemq; confirmata à Leone X. in Concil. Lateran. cujus summa hæc est : Ad evitanda animarum pericula statuit S. Synodus, ut nemo deinceps quemquam ratione alicujus Sententiæ, aut Censuræ Ecclesiasticæ à Jure, vel ab homine generaliter promulgatæ, in Sacramentorum administratione, receptione, aut ijs quibuscunque rebus divinis, vel externis vitare, aut interdictum observare teneatur; nisi sententia hujusmodi &c. specialiter à Judice publicata, vel denunciata fuerit; eò exceptò, qui ob sacrilegam manuum injectionem in Clericum, Excommunicationem Canonis notoriè incurrit, &c. Unde vigore hujus Constitutionis nunc in his nostris Septentrionalibus Regionibus evitare non tenemur Hæreticos, alioquin Excommunicatos; modò denunciati non sint;

23. Dico undecimò : Excommunicatio Minor non contrahitur defacto, nisi ob causam participationis in rebus prohibitis, cum Excommunicato Majori denunciato non tolerato, aut cum notorio percussore Clerici. Ita DD. communiter. Et constat ex *cap. Cum Excommunicato 11. q. 3. cap. Nuper, de Sent. Excommunicationis.*

24. Nota duodecimo : quòd hæc Excommunicatio incurritur, si quis communicet Excommunicato vivo, in Sacris, vel Civilibus; si vero mortuo, eum lavando, vestiendo &c. quia cum non communicemus vivo, nec mortuo debemus communicare, ex *cap. Nobis 2. de Sent. Excomm.* Eam verò non incurrit communicans cum Excommunicato tolera-

to; uti habet Constitutio Concilij Constant. *Ad evitanda.* Neque communicans cum Excommunicato Excommunicatione Minor; cū nullum Jus hoc doceat.

25. Dico duodecimò: duos tantum habere effectus Excommunicatio Minor, videlicet privationem perceptionis activæ Sacramentorum; & passivæ electionis, præsentationis, collationisq; beneficij Ecclesiastici. Ita communis Canonist. Et constat per *cap. Si exiles de Clerico Excommunicato ministrante.* Ex conclusione ista inferunt DD. eum peccare mortaliter, qui innodatus Minori Excommunicatione recipit Sacramenta. Non verò qui administrat, ut habet Regin. & Covarr. Imò nec venialiter quidem; uti habet Navar. Henricus Bonac. Filius, &c. Cū nec ratio, nec lex oppositum suadeat.

26. Nota decimo tertio: Excommunicatio Major, vel etiam alia Censura Ecclesiastica non debet infligi ob quodvis peccatum; sed ob mortale; uti constat ex Trident. *sess. 25. cap. 3. de reformatione.* Et quidem pro infligenda Excommunicatione Majori debet esse peccatum inobedientiæ, seu contumaciæ, uti colligitur ex *can. quicquid 19. caus. 2. q. 6.* Insuper debet esse peccatum externum; nam propter internum, & mente occultatum non solet Ecclesia censuras ferre; utpote quæ non judicat de occultis, *cap. Sicut 33. in fine de Simon.* Debet etiam esse completum peccatum, seu actus consummatus; uti notant DD. hic.

27. Nota decimò quartò: ut Excommunicatio lata à Judice incurrat, & sit valida, debet eam necessariò præcedere trina omnino monitio; uti habetur *cap. Sacro.* Et *cap. Si in unum.* Et *cap. Constitutionem hoc tit. in 6.* Unde non sufficit una pro tribus facta; nisi in ea contineatur tria interstitia; uti notat Vallens. Et quævis trium dictarum monitionum debet continere intervallum duorum, vel trium dierum ad arbitrium Judicis; uti habet Covarr. Debent etiam monitiones istæ fieri quoad potest personaliter ipsi Reo; nisi is malitiosè latet; quo casu sufficit, si citatio cum comminatione fiat ad ejus domum, vel ad valvas Ecclesiæ, vel ad alium locum publicum; uti habet Pirh. Et si is per contumaciam non compareat, etiam absens excommunicari potest; uti tenet Covarr. &c. Ad incurrendam verò Excommunicationem latam à Jure pro futura culpa, ad ejus valorem non requiritur trina monitio, *cap. reprehensibilis*, junci. Gloss. ver. *ipso suo genere, de appellat.* Quia hæc lex ipsa monet sufficienter.

28. Nota decimò quintò: ignorantia facti concomitans excusat ab incurso Excommuni-

cationis; ut si quis percussit Clericum; ignoret ipsum esse Clericum, *cap. Clericus 5. de vi. & honest. Cleric.* similiter excusat ignorantia inculpabilis, seu probabilis Juris Ecclesiastici, sive communis, sive particularis prohibentis aliquid sub Excommunicatione; uti habet Azor. & Suar. Præterea ignorantia invincibilis non tantum Juris Ecclesiastici prohibentis aliquid sub incurso censuræ; sed etiam sola ignorantia ipsiusmet pœnæ, sive Censuræ excusat ab eodem incurso; uti constat ex *cap. 2. de Constit. in 6.* Demum etiam ignorantia vincibilis, & culpabilis sive facti, sive Juris imponentis Censuram excusat ab Excommunicationis incurso; dummodo non sit crassa, aut supina; uti habet Sanch. Laym. Pirh. &c. Et colligitur ex *cap. cit. 2.* Excusat quoque metus gravis, cujusmodi est metus mortis, mutilationis, infamiæ &c. uti tenet Suar. & Pirh.

## CAP. III.

### Varia aliarum resolutiones circa Excommunicationes quasdam particulares.

1. Nota primò: plurimæ extant in Corpore Juris, Concilij, & Bullis Pontificijs species Excommunicationis, quarum usitiores vide in elenchum redactas in *Scholamæ Theologica, tom. 3. tract. de Censur. dist. 1. q. 4.* Quæ deinde tanguntur hoc tit. Juris, breviter in sequentibus evolvam. Prius autem ventilabo illam solemnem Excommunicationem, quam edidit Concil. Lateran. sub Innocentio II. *cap. 15.* contra percussantes Clericum, vel Monachum; & refertur *can. Si quis suadente 29. caus. 17. q. 4.* ubi dicitur, *si quis suadente Diabolo in Clericum, vel Monachum violentas manus injecerit, anathematis vinculo subiaceat: & nullus Episcoporum presumat eum absolvere, nisi mortis urgente periculo, donec Apostolico consensu præsentetur; & ejus mandatum suscipiat.* Capesingularum partium brevem elucidationem. Et

2. Nota secundò: ly *si quis* terminatur ad omnia individua sexus masculini, & foemini, cujuscunque ordinis, gradus, & conditionis, etiam in Ecclesiastico Ordine existentia, si aliunde sint capacia peccati, & excommunicationis; uti notat Molina, Avila &c. Ly in Clericum comprehendit tam Ordinibus initiatum, quam tantum primam tonsuram tonsuratum, *cap. Cum contingat, de atat. & qualitate Ordin.* Item Clericum

cum mortuum; ut habet Abbas in *cap. Anobis*, de *Sent. Excommunic.* Cum & huic injuria fieri possit in corpore.

3. Nota autem tertio: hoc Privilegium non favere Clericis omnibus; & Primò Clericis Bigamis non favet: hi enim omni Privilegiò Clericali dicuntur nudati, *cap. unic. de Bigamis* in 6. Unde percussus talem non excommunicatur. Secundò pariter non favet Clericis Conjugatis, etsi bigami non sint; nisi consuram, & habitum Clericalem gestantes alicui Ecclesiæ serviant; uti habetur *cap. ult. de Clericis Conjugatis*. Et in Trident. *sess. 23. c. 6. de Refor.* Tertio nec favet etiam Clericis Hæreticis, & Schismaticis; uti habet Carterius, Decianus, Portel &c. Quartò non favet Clericis immiscensibus se enormitatibus, v.g. Seditioni, prælio, aggressioni, & hujusmodi; uti patet ex *cap. Perpendimus*. Quintò nec Clericis etiam Majorum Ordinum, qui dimisso habitu negotijs secularibus se immiscunt, si tertio ab Episcopo moniti se emendare contempserint; uti dicit *cap. Contingit*, de *Sent. Excommunic.* Sextò neque Clericis ante baptismum suscipiendis Ordinibus, uti habet Brug. Septimò neque Clericis coactè ordinatis cum conditione, ut postea ordinationem retractent; uti tenet Ant. Sayrus, Sylv. &c. Octavò non favet Clericis per annum exercensibus artem ignominiosam mimi, vel hystrionis. Nec exercensibus officium Lanionis, aut Cauponis post admonitionem Episcopi; uti habet Clement. 1. de *vita & honestate Clericorum*.

4. Ly vel Monachum, complectitur Religiosos utriusque sexus sequentes. Primò Omnes Professos etiam FF. Laicos, Conversos, & Conversas in approbata Religione; uti patet ex *cap. Non dubium* de *Sent. Excommunic.* Secundò etiam Professos, qui in sæculo erant Bigami, uti habet Archi-Diaconus in *cap. Quisquis dist. 24.* Brug. &c. Tertio Novitios approbatæ Religionis; uti constat ex *cap. Religioso*, de *Sent. Excommunic.* Quartò Tertiarios, & Tertiarias cujuscunque Ordinis Regularis, collegialiter viventes, seu cum Claustralibus degentes; etiam Mulieres, quæ emissio expresso voto cœlibatûs, in habitu alicujus Ordinis vivunt. uti docet Leo X. in Bulla; *Ea, quæ per sedem*. Quintò Eremitas, qui emissio voto paupertatis in aliqua Congregatione, sub aliquo Prælatore vivunt stabiliter: Secùs dicendum de vagis; ita Glossa in *cap. Qui verè ib. q. 1.* Sextò Equites S. Joannis Hierosolymitani, S. Jacobi, Calatravæ, Alcantaræ, S. Lazari in Sabaudia, S. Stephani Floren-

tiz, & similes, qui tria vota Castitatis, Paupertatis & Obedientiæ emiserunt, & in communi vivunt; aut si non sic vivant, tamen communicata sint eis Privilegia Clericalia, cujusmodi videntur esse Melitenses, & Teutonici Equites; uti tenet Navar. Alterius, Hugolin. Bonac. &c. Ly suadente Diabolo postulat ad incurrendam hanc Excommunicationem, gravem injuriam, mortale peccatum, & externam actionem injuriosam. Ratio est; quia secundum Doctores, Ecclesiastici Canones ordinati pro Ecclesiastica disciplina externa, plerumque solent tantum punire graves excessus externos; Ly *Manus Violentæ* comprehendit quamvis contumeliosam, & injuriosam actionem externam circa Clericum consummatam, sive immediata sit, sive mediata; unde excommunicantur sequentes; Primò, Detinentes Clericum in publica custodia, vel alio loco, unde exire nequeat; uti tenet communis Canonistarum. Secundo; qui occidit Clericum cibo, vel potu intoxicatò; secundum Molinam, Barbosa, & Bonacin. Tertio verberans Clericum, etiam consentientem, in satisfactionem commissi delicti, *cap. Contingit 1. de Sent. Excommunic.* Hic enim fit injuria Ecclesiæ: Unde Clericus non potest consentire in talem verberationem sui. Quarto Clericus sibi ipsi verbera graviter infligendo, animo irato; secundum Navar. & Clarum cum alijs. Quintò violenter extorquens rem aliquam positam in manibus, vel corpore Clerici: veleundem conspergens aqua, pulvere, lapillis, vel ita persequens, ut in flumen, vel fossam labatur: injiciens manus in equum, cui Clericus insidet, occidens, vulnerans, mutilans, aut retentò frænò sistens equum eundem: & similia faciens, quæ in contumeliam manifestam Clerici, & læsionem injuriosam honoris debiti Clerico vergunt, *cap. Nuper*, de *Sent. Excommunic.* & docent communiter DD. post Suar. Laym. Brug. &c. Sextò Consulentes, & mandantes, ut violentæ manus injiciantur Clerico infonti; nisi hi efficaciter, & seriò retractaverint mandatum, & consilium ante opus executum. Similiter incidunt in eam non prohibentes, si ex officio aliàs teneantur: item ratam habentes percussionem suo nomine factam excommunicantur; uti habet Suar. Laym. Navarr. & Brug. Et deducitur ex *cap. Mulieres §. ult.* Et *cap. Quante*, de *Sent. Excommunic.*

5. Nota quartò: Ab in cursu hujus Excommunicationis excusari sequentes; Primò Exculantur pueri percussientes Clericum, non

habentes adhuc iudicium ad peccandum; uti tenet Henric. Farinacius, & Navar. *Secundo*, non baptizatus percutiens Clericum: uti colligitur ex *cap. Postulasti qualiter, de Judeis & Saracenis*. *Tertio* percutiens Clericum vestitum laica veste, & non deferentem tonsuram, probabiliter putans eum esse Laicum; sicut Constat ex *cap. si verò 2. vel putans eum esse inimicum suum sæcularem*. Uti habet Covarr. Bonacin. Sayr. *Quarto* volens colapho percutere Petrum Laicum, sed aberrat ictus, & infligitur Joanni Clerico, secundum Suar. Agidium &c. *Quinto* percutiens Clericum aggressorem sui, vel alieni corporis, servato tamen moderamine inculpatae tutelæ; uti Constat ex *cap. si verò, de Sent. Excommunic.* *Sexto* percutiens Clericum, quem invenit cum propria Uxore, Matre, Cognata, Filia, vel Affine, turpiter se gerentem, per oscula & turpes tactus; vel ipsum actum carnalem exercentem: Secus si cum aliena fœmina; uti deducitur ex *cap. si verò, tenetque Glossa, & Hostiensis in Summa*. *Septimo* Mulier ob defensionem castitatis, & honoris, colaphizans, vel aliquo modo verberans Clericum, osculantem vel tangentem se inhonestè, modo servet moderamen in defensione; uti docet Navar. Suar. Laym. Brug. &c. *Octavo* Magister, Pater, & Superior causâ correctionis leviter sine odio percutiens Clericum, ut habet Abbas, Suar. Laym. Brug. Et deducitur ex *cap. Ex tenore 1. Nonò*, mittens manum in Clericum, de mandato sui Superioris, eum capiendo; uti habetur *cap. Ut fame, de Sent. Excommunic.* *Decimo*, Exorcista verberans leviter Clericum obfessum à Dæmone, in contemptum Dæmonis; secundum Brug. *loc. cit.* *Undecimo*, apprehendentes, & detinentes Clericum, in flagranti deprehensum, & tentantem fugam; dummodo eum statim debito Superiori consignent *cap. si verò, & habet Abbas, Menoch. Hostiens. &c.* *Duodecimo*, percutiens Clericum jocò, sine indignatione, vel inimitia, uti tenet Glossa verbo *de familia*, in *cap. Cum voluntario, & Hostiensis, de Graffijs &c.* Item percutiens absque deliberatione, seu ex motu primo, dummodo retrahat manum, quando advertit se errare, secundum Barbosa & Brug. Idem est de percutente cum imperfectione actus, non pertingentis ad culpam mortalem, ut habet Suar. & alij DD.

6. Ly tandem *Et nullus Episcoporum ipsum absolvere presumat &c.* Offendit Censuram hanc Papæ esse reservatam; quod intelligendum est, si notoria sit, & enormis; si enim occulta sit, & non enormis potest Episcopus ab ea absolvere; uti Colligitur ex *cap. Pervenit, & Trident. sess. 24. cap. 6.*

7. Nota autem quintò: censeri levem percussione illam, quæ fit pugno, palmâ, pede, digito, baculo, vel lapide, nullam relinquens maculam, sussionem carnis, & quæ fit absque abscissione membri, sine effractione dentis, vel evulsionem multorum capillorum, & sine multi sanguinis effusione. Enormis erit primò: si intulerit quis mortem, mutilationem membri, effusionem oculi, magnam sanguinis effusionem ex vulnere. *Secundo*, illa quæ fuit commissâ in Episcopum, Abbatem, vel Superiorem Monasterij, in Sacerdotem vestibus Sacris indutum, pariter si Monachus percussit Clericum Sacramentem, ratione scandalî, si percussio fiat in præsentia Prælati, vel Judicis, si in Ecclesia tempore magnæ solemnitaris publicè, &c. secundum Brug. Sayrum, Astensem, &c.

8. Nota sextò circa Excommunicationes Capitulum hujus tit. speciales: si quis in fratrem suum Clericum occultè violentas manus injecerit, per quam incurrit Excommunicationem; pœnitentiâ autem ductus, & non convictus, occultè veniam petat, ab Episcopo loci monendus est, ut congruè satisfaciât illi, quem læsit, & pro absolutione Papam adeat, *cap. Porro 7. hoc tit.* Verùm hodie talis occultus percussor potest ab Episcopo absolvi, uti constat ex Trident. *sess. 24. cap. 6. de ref.* Præterea percussores temerarij Monachorum statim vitandi sunt, quam primum constat eos esse excommunicatos, quamvis nondum sint denunciati; occultus quidem occultè, publicus publicè, *cap. Cum non ab homine 14. hoc tit.* A Sententia etiam Excommunicationis late contra percussores tales non licet appellare, quando constat notoriè de tali percussione. Nec propter faciã appellationem quis impeditur à denunciando, vel vitando, *cap. Parochianos 9. eod.*

9. Nota septimò: occidens Clericum, qui enormitatibus se se immiscet, ut si commoveat seditionem, &c. non incurrit Excommunicationem latam contra percussores Clericorum *cap. Perpendimus 23. hoc tit.* Talis enim Clericus jam perdidit privilegium Canonis. Pœnitentia tamen competens tali occisori imponenda est ab Episcopo, *ibidem*. Percussores Clericorum à Cardinalibus, & à Legatis Apostolicis à latere absoluti, censentur de Jure communi verè absoluti ab Excommunicatione, incurfa *cap. Ad eminentiam 20. hoc tit.*

10. Nota octavò: Omnes hæretici utriusque sexus, eorumque fautores, receptores, & defensores Excommunicationem incurrunt, *cap. novus 49. hoc tit.* Et *cap. Gravem 53. eod.*

Item



Item edentes, & servari mandantes statuta contra Ecclesiasticam libertatem, *ibid.* Uti & Scriptores eorundem Statutorum, *ibidem* Item absoluti ab Excommunicatione, cum onere tamen comparandi tempore comodo, si non compareant, reincident in Excommunicationem similem priori, *cap. Eas qui 22. hoc tit. in 6.* Uti & absoluti à Papa, vel ejus Legato, cum conditione tamen, ut se præsentent suo Superiori immediato, *ibid.* Item qui Ecclesias effringunt, & spoliant, sunt ipso Jure excommunicati, *cap. Conquesti 32. hoc tit.* Item incendiarii Ecclesiarum sunt pariter ipso Jure excommunicati, *cap. Tua nos 19. hoc tit.* Item Clerici participantes scienter in Divinis cum excommunicatis à Papa sunt Excommunicationi subiecti, *cap. Significavit 18. hoc tit.* Circa absolutionem ab Excommunicatione, & aliis Censuris

11. Dico primò: absolutionem Excommunicationis, vel alterius Censuræ reservatæ, & latæ ab homine per sententiam particularem, impertiri possunt soli sequentes: nempe ferens Excommunicationem, vel Censuram; Superior ferentis; Successor ferentis; & delegatus legitime ad talem absolutionem. Ita Brug. Suarez, & Canonistæ communiter. Et de ferente constat ex *cap. Verbum d. 1. de Pœnit.* ubi dicitur *par est ipsi solvendi, & ligandi.* De Superiore habetur ex *cap. Sacro, de sent. Excommunic.* Estque Ratio; quia Superior ordinarius, habet ordinariam Jurisdictionem Excommunicationem, & Censuram ferendi, De Successore patet per *cap. Si Episcopus 11. q. 3.* Et *cap. 1. de Major. & Obedien.* De delegato, est Ratio; quia hic acquirit hujusmodi facultatem absolvendi vi delegationis, & agit personam Ordinarii.

12. Ex dictis infertur primò: Episcopos, & alios Superiores non posse Jure ordinario absolvere ab Excommunicationibus notoriis Papæ reservatis: nec unum Episcopum posse alterius Episcopi subditum, Excommunicatione & Censurâ ab altero vivente innodatum, absolvere: cum nec sint ferentes ulla Excommunicationes, & Censuram subditi alieni: nec Superiores, nec Successores Papæ, aut alterius Episcopi viventis. Unde dicitur *Can. 82. Concil. Nicæn.* Arabici, *Nullus Episcopus solvat, quem alius Episcopus ligavit, quamdiu ille, qui ligavit vixerit.* Infertur Secundo: Capitulum Sede vacante posse absolvere ab Excommunicationibus, & Censuris, ab Episcopo demortuo latis. Est enim succedens in Jurisdictione Ordinarii. Et habetur clarè *cap. 1. de Major. & Obed. in 6.*

13. Dico secundò: absolutionem Excom-

municationis, & censuræ reservatæ, latæ tamen ab homine per generalem sententiam, quivis impertiri potest, qui vel Jure ordinario, vel ex privilegio habet facultatem absolvendi à Censuris, per Jura, vel statuta positis. Ita Covarr. Tolet. Laym. &c. Et est Ratio; quia hujusmodi Excommunicatio, & Censura non censetur esse Sententia Judicis, simpliciter ab alio irrefragabilis, sine violatione Jurisdictionis: sed est tantum mandatum, sub tali pœna ordinatum; ac proinde æquiparatur Censuris Juris, & Statuti, sumptò argumentò, ex *cap. Nuper de sent. Excommunic.* ubi admittitur tantum duplex sententia Excommunicationis, Juris, & Judicis, quarum ultima absolvi debet ab ipso Judice; prima verò ab omni Ordinario, vel Privilegiato; nisi sit reservata auctori Excommunicationis, & Censuræ specialiter in ipso tenore Excommunicationis, & Censuræ.

14. Dico tertio: ab Excommunicationibus, & Censuris latis per Jura sine reservatione, absolvere potest quivis Jurisdictionem habens absolvendi à mortalibus. Ita Navar. Suarez, Avila & communis. Et constat ex *cap. Nuper, de sent. Excommuni.* Et Ratio est; quia non est limitata Confessoriorum facultas, nisi obstant Jura: adeoque quando Jura non reservant absolutionem Excommunicationis, & Censuræ, poterit quivis absolvere Excommunicationem, & Censuram.

15. Dico quartò: Episcopi possunt absolvere ab omnibus, casibus & Censuris Juris; item Antecessorum suorum, & Summ. Pontif. & hoc per se, vel suum delegatum; si tamen casus illi Pontificii sint occulti. Ita Bonac. Barbos. Suarez, Brugnoli, & communis DD. Et constat ex Trident. *sess. 24. cap. 6. de Reform.* hoc Privilegium Episcopis concedente: In quod etiam succedit Capitulum Sede vacante.

16. Notant tamen Molin. Sanchez & alii; Episcopos ex prædicto Tridentini Privilegio non posse ordinariè absolvere à Casibus, & Censuris Bullæ Cœnæ; nec ab Excommunicatione, & Censura incurfa ob violatam immunitatem Ecclesiasticam; uti declaravit S. Congregatio, Anno 1617. & refert Barbosa *Collect. Consilium. Apostol. verbo absolutio.* Possunt tamen etiam ab his Casibus, & Censuris Bullæ Cœnæ, ac violatæ Immunitatis absolvere eos, qui Pontificem adire nequeunt, ob pauperem, infirmum, vel si excommunicata persona sit scæmina, impubes, aut laboret simili impedimento; quod prudentis judicii ponderari debet: uti habet Navar. Henriqu. Vasq. Gutier: &c. DD.

17. Nota nonò: Quando alicui conceditur

Privilegium, vel authoritas delegata ad absol-  
vendum ab Excommunicationibus, & Censu-  
ris, in quo nil exprimitur determinatè de foro;  
potest is absolvere in foro conscientie inter-  
no, ac externo. Ratio est; quia beneficium  
latissimè est interpretandum, per *L. Beneficium*,  
*ff. de Confis. Principum*. Excipe; nisi ex cir-  
cumstantiis, & materia subjuncta colligi possit  
clarè, mentem concedentis fuisse pro solo foro  
conscientie, in favorem animæ, qualiter cen-  
setur esse, quando in Bullis Jubilæi conceditur  
Confessariis absolutio ab omnibus casibus,  
etiam enormibus Excommunicationibus &  
Censuris, quod volunt pro foro conscientie  
tantum valere; uti habet Covarr. Avila Gu-  
tier. &c. quia pro enormibus, & publicis ca-  
sibus videtur Papa velle vindictam publicam,  
& Reipublicæ satisfactionem in foro externo:  
Unde qui virtute Jubilæi esset in foro consci-  
entie absolutus ab Excommunicatione majori-  
notoria; adhuc abstinere deberet à Sacris,  
& aliis, in Excommunicatione illa contentis,  
ac si absolutus non esset, quousque absolutio-  
nis beneficium obtineat; vel usque dum con-  
stet publicè de legitima absolutione obte-  
nta, secus dicendum, si Casus illi enormes,  
& Censuræ annexæ essent occultæ, & jam sub-  
lata per absolutionem virtute Jubilæi.

18. Dico quintò: quivis Sacerdos simplex,  
etiam degradatus, excommunicatus, irregu-  
laris, & hæreticus in articulo mortis absolvere  
potest ab omnibus Excommunicationibus,  
Censuris, & reservatis casibus; si Superior, vel  
alius Confessarius haberi nequeat. Ita Coninck,  
Sá, Brug. & communis. Et constat ex *Trid.*  
*sess. 14. cap. 2. Conc. Carthag. 3. can. 32.* Et Ra-  
tionem dat Tridentinum; quia Ecclesia ferens  
Censuras neminem propter eas vult perire in  
articulo mortis.

19. Nota decimò: si taliter absolutus con-  
valescat; eum postea debere necessariò se siste-  
re legitimo Superiori, quam primum commo-  
dè poterit; uti habetur *cap. de cetero, de sent. Excomm.* non ut iterum absolvatur; quia  
verè in Excommunicatione in articulo mortis ab Ex-  
communicatione, Censuris, & reservatis; ut  
docet Zambranus, Barbosa, Riccius, &c. Sed  
ut ostendat se obedientem, ad recipiendam  
debitam medicinam; & ad exhibendam ma-  
jorem satisfactionem; uti habet Suar. & Covar.  
aliis hoc negligens reincidit in Censuras; ut  
declarat Bonifacius VIII.

20. Nota præterea undecimò: quòd à tali  
pœnitente ab Excommunicatione, & Censuris  
absoluto in articulo mortis, Confessarius ille  
simplex extorquere debeat, si capax sit pœni-  
tens, juramentum se sistendi, quam primum

poterit, ratione Excommunicationis, & Cen-  
surarum, si convaluerit; uti constat ex *cap. Eos qui de sent. Excommunc. in 6.* Et docet  
Suar. Vasqu. Brugnoli & alii. Non tamen  
ratione casuum præcisè reservatorum, qui  
nullam Censuram annexam habebant, si hos  
tantum sit confessus, ut habet Coninck, Hen-  
riqu. &c. quia nullum Jus petit talem  
comparisonem; sicut petit in consen-  
tibus reservata tempore necessitatis, extra  
mortis articulum, Confessario inferiori, ubi  
non est directæ absolutionis reservatorum, sicut  
in articulo mortis.

21. Nota duodecimò: talem pœnitentem  
à simplici Sacerdote absolutum ab Excom-  
municatione & Censuris in articulo mortis,  
satisfacere suo oneri ostendendi se, si se sistat  
Confessario, qui ratione Jubilæi, vel Privile-  
gii potest absolvere extra mortis articulum  
ab incurfa Excommunicatione, & Censuris;  
uti habet Henriqu. Sanchez, & Brugnoli. Ratio  
est; quia potest non uti Privilegiò primò,  
quò fuit absolutus ab Excommunicatione &  
Censuris, propter onus adeundi Superiorem;  
sed potest recurrere ad Confessarium habentem  
Jurisdictionem super Excommunicationem,  
& Censuras illas incurfas, & ab eo pete-  
re absolutionem. Circa Privilegia Regu-  
larium, quoad absolutionem à reservatis, Ex-  
communicatione, & Censuris tam suorum  
subditorum, quam secularium, remitto the ad  
alibi dicta in *Schola mea Theologica, Tract. de Sacra-  
ment. dist. 11. qu. 9.*

## CAP. IV.

### De Censura Suspensionis in Specie.

1. Dico primò: rectè describitur suspen-  
sio, quòd sit pœna spiritalis, inflata  
à potestate Ecclesiastica, privans Cleri-  
cum in totum, vel in partem, vel ad tempus exer-  
citiò Ordinis, Officii, & Beneficii, quod illi compe-  
tebat ratione alicujus potestatis, & Juris Ecclesi-  
astici. Ita constat ex *cap. Tuarum, de Privil.*  
Ly Pœna est genus: reliqua ponuntur pro  
differentia.

2. Nota primò: Suspensionem aliam esse  
à Jure, aliam ab homine latam. Item aliam  
esse ferendæ; aliam latæ sententiæ. Item  
aliam esse totalem, id est ab Ordinibus seu  
Officio, & Beneficio, & Jurisdictione simul;  
Aliam partialem, id est ab uno Ordine tan-  
tum, vel Beneficio, vel ab Officio. Alia iterum  
est à toto Officio, vel Beneficio: Alia tantum  
à parte

## Tit. XXXIX. De Sententia Excommunicationis.

311

à parte ejus. Alia est lata cum determinatione temporali, alia sine ea.

3. Nota secundò: Suspensionem censendam esse ab Officio, Jurisdictione, & Beneficio simul, si lata sit terminis absolutis indefinitis; uti habet Henricus. Her. Con. &c. Ratio est; quia ex Sermonis usu propositio indefinita, ob suam indifferentiam, æquivalet universalis.

4. Nota tertio: nullam extare determinationem formam suspensionis in Jure: debet tamen fieri in Scriptis, cum causæ expressione, sicut Excommunicatio; aliàs Judex Ecclesiasticus ipsemet incurrit Suspensionem; ut habet *cap. 1. de Sentent. Excommunic.*

5. Dico secundò: Ut Suspendio feratur legitime, debet præsupponere peccatum proprium. Ita Avila, Suar. Laym. Navarr. &c. Estque Ratio; quia Suspendio est pœna rigorosa: talis autem præsupponit culpam in eo, qui punitur, *arg. c. 2. de Constit.*

6. Dico tertio: peccatum, quod dat causam Suspensioni, communiter debet esse mortale. Ita Con. Henricus. Avila, Laym. &c. Et Ratio est; quia pœna debet esse commensurata culpæ; sed Suspendio est pœna gravis: ergo, &c.

7. Dico quartò: Suspendio absolute arceatur ab omni actione Clericali propria Clericis; quales sunt omnes actiones Jurisdictionis Ecclesiasticæ; omne exercitium Ordinis, &c. Ita Henricus. & communis DD. Et Ratio est; quia hæc est natura Suspensionis absolutæ. Et quia sic intendit suspendens.

8. Dico quintò: Suspendio specialiter ab Ordine tantum potest omnes actus Jurisdictionis exercere, ubi Ordinis usus non intervenit: Unde potest dare facultatem audiendi Confessiones, si Superior sit: Item eligendi Confessarium: potest eligere, &c. Ita Henricus. Navar. Hugol. Herincx, &c. Estque Ratio; quia Suspendio est odiosa; adeoque restringenda tantum ad illa, à quibus expressè suspendit, salvâ potestate alia disparata faciendi.

9. Dico sextò: Suspendio ab Officio tantum non suspenditur à Beneficio. Ita Palud. Sayr. & Hugol. Et est Ratio; quia sunt pœnæ disparatæ. Suspendio ab Officio, & Suspendio à Beneficio: potestque una infligi, non verò alia: Sunt insuper odiosæ, & consequenter restringendæ.

10. Dico septimò: Suspendio similiter à Beneficio, non ideò suspenditur ab Officio, vel Jurisdictione: Unde potest eligere, & conferre Beneficia. Ita Glossa, Herincx, Con. &c. Estque Ratio eadem, quæ pro priori Conclusionis.

11. Dico octavò: Suspendio absolute à Beneficio, nec potest temporaliter administrare beneficium; nec fructus ejus percipere; potest tamen omnes distributiones percipere, quæ non dantur intuitu beneficii, v. g. stipendia pro Anniversariis, pro frequentatione Horarum, & similia: imò portionem aliquam congruam sustentationis, etiam ex ipso beneficio natam. Ita DD. communiter. Et est Ratio primi, & secundi; quia hoc operatur ipsa natura Suspensionis ex intentione suspendentis. Tertium quoque patet; quia hujusmodi distributiones non spectant ad Beneficium, à quo est Suspendio.

12. Dico nonò: Suspendio à Jurisdictione tantum potest omnes actus Ordinis, seu Officii spiritualis exercere, non requirentes Jurisdictionem. Ita Suar. Cajetan. Navar. &c. Sic potest celebrare, in horis Canonicis Officiatorem agere, &c. Ratio est; quia talis Suspendio est limitatæ naturæ; adeoque non impedit ab aliis actionibus.

13. Dico decimò: Suspendio ab Officio, Ordine, aut Jurisdictione, in nullo loco potest exercere ejusmodi actus Ecclesiasticos. Ita habet Glossa, Abbas, Hugolin. Navarr. &c. Ratio est; quia Censura quævis immediate afficit censuratum; ideòque concomitatur eum extra territorium ferentis; & ut loquitur Abbas, *sequitur eum, sicut lepra leprosum.*

14. Nota ultimò: plurimas extare in Jure, Bullis, & Conciliis ab Ecclesiâ latas Suspensiones pro conservatione Christianæ disciplinæ inter Ecclesiasticas personas; earum quæ usu firmatæ sunt, videre est registrum in *Schola mea Theologica, tom. 3. tract. de Censur. dist. 2. qu. 7.*

## CAP. V.

### De Censura Interdicti in Specie.

1. Dico primò: rectè describitur Interdictum, quòd sit pœna spiritualis infligenda à potestate Ecclesiastica, privans usu Officiorum Divinorum, participatione Sacramentorum activâ & passivâ, & Septimâ à Ecclesiastica. Ita constat ex *cap. Non est ii. de Sponsal. Et cap. Quod in te ii. de penit. & remiss.* Iy pœna est genus: reliqua sunt pro differentia.

2. Nota primò: Interdictum dividitur primò in personale; locale; & mixtum. Primum est quod cadit super solam personam. Secundum quod cadit super solum locum. Tertium quod cadit super utrumque. Præterea Locale subdividitur in generale; & particulare.

re. *Generale Locale* est, quod interdicat locum plura loca continentem, v. g. regnum in quo continentur Civitates, villæ, & Castra, *cap. Cum in partibus 17. de V. S. Particulare Locale* est, quod interdicat locum unum particularem, v. g. Ecclesiam, vel Oratorium. Similiter Personale subdividitur in generale; & speciale. *Personale generale* est, quod interdicitur tota communitas, prout unum corpus Politicum constituit, v. g. Populus unius Provincie. *Personale speciale* est, quod interdicitur aliqua specialis persona; vel etiam plures aliqujus communitatis; non verò tota communitas.

3. Dico secundò: dum locus interdicitur, etiam personæ illius loci Interdictio innodantur, quæ interdictio causam dederunt, ubicunque morentur. Ita Herincx, Barbosa, & communis Canonistæ. Et colligitur ex *cap. Si sententia, de sent. Excommunic. in 6.* Cæteri autem extra locum interdictum possunt audire Divina; ut habent communiter DD.

4. Dico tertio: si Civitas Interdictio subijciatur, etiam habitacula proxima extra mœnia Interdictio involvuntur. Est communis apud Canonistas. Et colligitur ex *cap. Si Civitas, de sentent. Excommuni. in 6.*

5. Dico quartò: dum Ecclesiæ interduntur, etiam Capellæ, & Cœmeteria interduntur, si sint contigua, scilicet si non sint contigua. Ita communis sensus Doctorum. Et colligitur ex *cap. Si Civitas, cit.*

6. Dico quintò: Si populus Civitatis totius interdicatur, non perinde feriuntur Interdictio extranei, negotiationis, vel recreationis causâ eò accedentes; nec probabiliter Studio si Universitatis, ibidem existentes; nec Clerici, & Religiosi. Ita Herincx, & alii DD. Et deducitur ex *cap. Si sententia, de sent. Excommunic. in 6.* Et quia hi omnes non censentur strictè esse de corpore populi Civitatis; sed conficere aliud corpus. Circa effectus Interdicti

7. Dico sextò: Interdictum antiquò Jure Canonico inducebat generalem subtractionem celebrationis, & auditionis Divinorum Officiorum: hoc est tam celebrationis, quàm auditionis Missæ, & Horarum Canoniarum publicè; item prohibebat omnem orationem solemnem Ecclesiæ, & Benedictiones Ministrorum ejus: non tamen Concionem; cum non censetur esse Divinum Officium. Ita DD. communiter. Et constat ex *cap. ult. de sent. Excommuni. in 6.*

8. Dico septimò: Hic tamen effectus Interdicti, si id Locale Generale sit, deinde fuit limitatus. Ita habet communis Summistarum

modernorum. Et constat per *cap. Alma Mater*, ubi dicitur; quòd tempore Interdicti, singulis diebus in Ecclesiis Regularium ac Monasteriis Missæ celebrentur, & alia dicantur Divina Officia, sicut prius: submissa tamen voce, januis clausis, & campanis non pulsatis. In festis verò Natalis Domini, Paschæ, Pentecostes, & Assumptionis, quibus addidit Martinus V. & Eugenius IV. Festum Corporis Christi, & alii Pontifices festa specialia Religiosorum pro Religiosis, etiam januæ aperiri possunt, & campanæ pulsari in loco interdicto generaliter.

9. Nota secundò: quòd hoc Privilegium *Alma Mater*, extendatur etiam ad Oratoria privata; uti habet Navarr. Henricus. &c. & valet pro omnibus personis Ecclesiasticis, etiam Religiosis, & Monialibus; uti habet Cordub. Avila Herincx, &c.

10. Dico octavò: Interdictum etiam antiquò Jure per modum effectus causabat subtractionem Sacramentorum, tam quoad administrationem, quàm receptionem. Ita pariter omnes Canonistæ. Et constat ita dispositum fuisse in *cap. Alma Mater*.

11. Dico nonò: Huic tamen effectui à posteriori Jure appositæ sunt quædam limitationes. Ita communis Doctorum. Estque Ratio; quia modò tempore Interdicti potest administrari Baptismus, & Confirmatio, per *cap. Quoniam in 6.* Item Sacramentum Pœnitentiæ potest conferri omnibus, iis exceptis, qui sunt excommunicati; vel causam dedere Interdictio, per *idem cap.* Item communio potest dari pro viatico moribundis, per *cap. Quod in 16. de Pœnit. & Remiss.* imò cum sonitu campanellæ, ac facibus ad ægrotum publicè deferri; uti habet Navarrus Con. Sâ. Laym. &c.

12. Dico decimò: etiam Matrimonium tempore Interdicti potest celebrari licitè. Ita passim Canonistæ cum Henrico Sylv. Navar. Sanch. Her. &c. Etsi hoc negent de Extrema Unctione, & Ordine ob diversa Juris capita. Ratio est; quia Interdictum non prohibet fieri contractus politicos; Matrimonii autem celebratio est talis contractus; cui tamen accessit ratio Sacramenti à Christo. Deinde Interdictum prohibet administrationes Sacramentorum, à Ministro Ecclesiæ solitas fieri; Matrimonium autem administratur ab ipsis contrahentibus.

13. Dico undecimò: Interdictum etiam inducit per modum effectus privationem sepulturæ, ita ut in loco interdicto, si Locale sit Interdictum, nemo possit sepeliri. Ita communis DD. Et constat ex *cap. Quod in 16. de Pœnit. & Remiss.*

14. Nota tertio: quod hic effectus sit generalissimus, ita ut omnes, etiam infantes, & amētes nequeant in loco sacro interdicto sepeliri; uti habet Laym. Her. &c. Et si hujusmodi, & omnes qui interdicto locali generali causā non dedere, alibi in loco sacro, non interdicto sepeliri possint: uti habet Suar. Avila. & alii DD.

15. Dico duodecimò: si personale sit Interdictum; & persona interdicta nominata, & denunciata, nullibi potest sepeliri Sepulturā Ecclesiasticā. Ita Herincx, & alii Summistæ. Et constat per cap. *Alma Mater*. Secus tamen est, si non esset denunciata solemniter; uti deducitur ex Extravag. *Ad evitanda*.

16. Dico decimo tertio: Ecclesiastici violentes Interdictum locale, vel personale, peccant mortaliter. Est communis Theologorum. Estque Ratio; quia tales faciunt in materia gravi contra Obedientiam Ecclesiæ. Imò & Laici cum violentia, vel fraude sese ingerentes Divinis Officiis in loco interdicto, vel alibi: si sint personaliter interdicti, eundem reatum contrahunt; uti habet Suar. Sotus. Navar. &c.

17. Nota quarto: Pœnas violentium Interdictum esse sequentes: si violans sit Laicus, nullam pœnam juris incurrit. Si autem Clericus secularis, & exerceat actum Sacri Ordinis, sit irregularis; cap. *Is qui*. Fit præterea ineligibilis activè, & passivè; per cap. *1. de Postulatione Prælatorum in 6.* si violans sit Religiosus exemptus, incurrit Excommunicationem; Clement. *1. de Sentent. Excommun.* Tandem quivis præsumens sepelire hominem interdictum denunciatum in loco sacro, vel alios in loco interdicto, etiam incurrit Excommunicationem, ex Clement. *1. de Sepulturis*.

18. Dico decimo quinto: ut Interdictum tam personale totale, quam locale generale legitime feratur, debet precedere culpa mortalis. Ita Avila Sā verbo *Interdictum*, Laym. Suar. &c. Estque Ratio; quia debet esse commensuratio inter pœnam gravem, qualis est Interdictum totale personale; & inter culpam. Putat tamen Laym. Interdictum particulare personale ab una tantum re v.g. à Communionem, vel ingressu Ecclesiæ ad tempus posse fieri ob solum veniale peccatum.

19. Dico decimo quinto: absque Papæ licentia non potest interdicti integra Provincia, Villa, Castrum, Locus, vel Territorium, propter solum pecuniarium debitum. Ita Canonista, & Summistæ communiter. Et ita providetur in Extravag. *Provide, de Seni. Excomm.* Circa absolutionem ab Interdicto, vide reolutiona supra cap. *3. hoc tit.*

20. Nota quinto: Interdicto locali multum assimilari *Cessationem à Divinis*, quæ est quedam *defectio à Divinis Officiis, & Administratione Sacramentorum*, nata ex *simplici prohibitione*. Differt tamen ab eo, quod Cessatio non fit pœna; sed simplex tantum prohibitio, quam alluevit Ecclesia instar planctus, & signi gravissimi doloris, ob gravissimam sibi, aut honori Divino illatam injuriam assumere. Insuper violans Cessationem hujusmodi, non fit irregularis, sicut violans Interdictum. Quare si necessitas sit administrandi Sacramenta, possunt absolute administrari absq. ulla culpa, vel pœna, non obstante Cessatione à Divinis.

## CAP. VI.

### De Sententia Excommunicationis in Religione nostra Franciscana.

1. Nota primò: Prælati Ordinis nostri habentes ordinariam jurisdictionem, cujusmodi sunt Generalis Minister, & Commissarius: item Provincialis, & ab eis delegati, ac Guardianus, possunt legitime fulminare Sententiam Excommunicationis in suos subditos; & Fratres oppositum asserentes, tanquam errantes, & perturbatores graviter sunt puniendi arbitrio Superiorum; uti habetur in Constit. Gen. Ord. cap. *7. §. 6. n. 28.* Memorati tamen Prælati non debent Excommunicationis Sententias ferre temerè, aut ex levibus causis; sed cum magna circumspectione, & ob gravia motiva, *ibid. n. 29.* Pro rebus autè deperditis soli Generalis, & Provincialis, qui quasi Episcopalem habent auctoritatem, excommunicare possunt, *ibid. n. 30.* Idem dicendum de Commissario Visitatore, à Generali destinato ad omnes causas commissæ sibi Provincie; ut notat Sancti. in *penal.* Non itè de Commissario à Provinciali delegato; nisi ad hoc etiam specialem haberet delegationem; ut observat idem Sancti. & S. Sever.

2. Nota secundo: non licet subditis Minoritis Excommunicationem à Prælati inferioribus latam contempere; aut non formidare; quia non pertinet ad subditos, sed ad eorum Prælatos ejus cognitio; uti habent cit. Constit. *n. 31.* Possunt tamen subditi reclamare apud Superiores Majores Ordinis contra fulminatores illarū Excommunicationū, quæ sine discretionem, & maturitate fulminantur; uti notant cit. AA. Pro quibus porro in specie delictis fulminanda sit à Prælati Minoritis Sententia Excommunicationis, aut Sententia Suspensionis, exprimitur Constit. gen. cit. sub variis numeris; & alibi.

# TITULUS XL.

## De Verborum Significatione.

### CAP. I.

#### Quædam Resolutiones de Significatione Verborum in Jure.

**N**Ota primò : Summ. Pontifex secutus Compilatores Digestorum post propósitos quinque Libros Decretalium, quibus completur tractatum Universi Juris Canonici; demùm addidit duos Titulos generales, qui diffunduntur per universam ejusdem Juris materiam; scilicet de Verborum Significatione; & de Regulis Juris: primus concernit interpretationem verborum, quæ inventa sunt, ut dicentis exprimant sententiam: nam cum sæpè dubitari contingat de significatione terminorum, seu vocum ipsarum, meritò quædam doctrinæ generales de eorumdem intellectu, & acceptione apponuntur. Posterior verò Titulus concernit Regulas Juris in unum collectas, quæ in Corpore Juris dispersæ reperiuntur. Circa primum itaq; Tit.

2. Nota secundò: sequentes doctrinas generales. Primò, verba Legum, & Canonum sunt in propria significatione, & secundùm communem hominum usum accipienda, *L. non aliter 69. ff. de leg. 3.* nisi fortè aliter constet de mente Legislatoris; uti observat Glossa, Engel, &c. Vel nisi ex verbis sequeretur aliquid absurdum. Vel dispositio Legis, vel Canonis redderetur inutilis; quo casu verba potius sunt improprianda; quàm ut pereat dispositio, *cap. Abbati 25. hoc tit.* Unde

3. Secundò: verba Legis, & Canonis alicujus accipienda, & intelligenda sunt cum effectu, ita ut aliquid operentur; nec sint superflua, *L. 1. §. hoc autem verba ff. quod quisque Juris, &c.* Et *L. 3. in prin. ff. de Jurjur.* Et *cap. relatum, de Clericis non resid.* Sed Tertiò cum verba inventa sint, ut indicent proferentis mentem, *L. Labeo ff. de suppellect. legat.* Et quia verba intentioni, & non intentio verbis debet deservire, *cap. Secundò requiritur, de appellat.* Et *cap. Intelligentia hoc tit.* Idèò aspicienda, & observanda est mens Legislatoris, & secundùm eandem verborum significatio accipienda: & cum de tali mente constat, non est laborandũ de verborum sono, *cap. Intelligentia, Et cap. Nihil obstat. Et cap. Præterea hoc tit.*

4. Quariò in contrahibus, si verba sint am-

bigua, interpretatio fit contra eum, qui legem potuit apertius dicere, *cap. contra eum, de R. l. in 6.* Ita tamen ut servetur, quantum fieri potest, æqualitas inter contrahentes, *L. pen. C. communi dividendo.* Et ut ratio æquitatis habeatur, *L. Si id quod 7. in fin. ff. de rescind. vendit.* Quinò demùm verba semper sunt intelligenda secundùm subjectam materiam, & naturam actus, vel contrahus, *L. Si uno.*

5. Nota tertiò: tandem in hoc tit. proponuntur etiã variorum verborum explicationes, definitiones, & etymologiæ; ut ly *Novalius*, quòd sit ager nunc primùm præcisus, *cap. 1. cod.* Et ly *Unigenitus*, quòd aliquando in Scriptura accipitur pro illo, qui mox natus, sine nomine, quasi nunquam esset, de vita decessit, *cap. 3. cod.* Et *Patium* inter partes, quòd sit ex pace conveniens Scriptura, legibus, ac moribus approbata: dictum *patium*, quasi ex pace factum, *cap. 11. cod.* Et plura alia; quæ quia clara sunt, vidè in fonte ipso.

### CAP. II.

#### Qualiter Titulus de V. S. concernat Ordinem FF. Minorum.

**N**Ota primò: quoniam circa Regulam Seraphicam FF. Minorum à S. Francisco Institutore in clyro Ordinis Franciscani, seu FF. Minorũ promulgatam, à Christo dictatam, uti referunt concorditer omnes Añales & Chronica Ordinis Seraphici; emerferant varix hæsitaciones tum ex parte ipsorũ Fratrum; tum ex parte forensium; idcirco Summi Pontifices Nicolaus III. & Clemens V. duas solemnissimas edidèrè Decretales, Corpori Juris comunis Canonici insertas, sub hoc tit. in 6. & in Clementinis, quibus easdem hæsitaciones elucidarunt, & complanarunt. Circa primam Decretalem

2. Nota secundò: Summarium primæ Decretalis est hoc. Primò Papa Nicolaus III. mirè extollit Seraphicam FF. Minorum Religionem sub metaphora Terræ Bonæ, quæ secundùm S. Evangelium suscepit semen Divini seminantis Christi, & protulit germen sanctum Observantiæ Regularis. Secundò invehitur contra quosdam ejusdem Religionis mordaces impugnatores, & iniquos æmulatores.

Tertiò



*Tertio* allegat certam scientiam & experimentum, quod habet de sincero intellectu Regulæ Seraphicæ, quam declarandam assumit. *Quarto* declarat FF. Minores non obligari ex præcepto ad omnia consilia Evangelica in eadem Regula contenta; sed tantum ad ea, quæ præceptorie, vel inhibitorie, vel sub verbis æquipollentibus sunt expressa. *Quinto* asserit paupertatem Minoriticam, seu abdicationem proprietatis omnium rerum temporalium tam in speciali, quam in communi propter DEUM factam, esse meritoriam, & sanctam. *Sexto* dogmatizat cum præfata abdicatione adhuc stare simplicem usum facti rerum, necessarium temporalium; eundemque explicat, & docet esse separabilem à dominio. *Septimo* ostendit dominium rerum Fratribus Minoribus perfectè oblatum, concessarum, vel donatarum transferri non in ipsos Fratres; sed in Sedem Apostolicam; uti & Ecclesiariam, & Oratoriorum; item locorum pro habitatione: nisi Fundatores eorum dominium sibi reservaverint. *Octavo* ordinat, quarum rerum utensilium receptio licite fieri possit à Fratribus Minoribus. *Nono* ponit resolutiones varias circa receptionem elemosynarum pecuniarum pro Fratribus. *Decimo* ponit provisiones circa necessitates futuras Fratrum. *Undecimo* quid operandum cum pecunia superflua oblata Fratribus, habita necessitate determinata. *Duodecimo* docet, quid agendum cum illis rebus, quæ Fratribus relinquuntur testamentò. *Decimo tertio* discurrit de legatis indifferenter Fratribus relictiis. *Decimo quarto* agit de commutatione rerum mobilium. *Decimo quinto* de largitione vilium. *Decimo sexto* de vestimentis Fratrum. *Decimo septimo* de modo laborandi. *Decimo octavo* de Prædicatoribus. *Decimo nono* de modo recipiendi forenses ad Ordinem. *Vigesimo* de instituendo Custode Custodum ad Capitulum. *Vigesimo primo* de ingressu, & accessu ad Monasteria Monialium. *Vigesimo secundo* ostendit Testamentum S. P. Francisci non obligare suos Minores, sicut obligat Regula. *Vigesimo tertio* docet suam Decretalem declaratoriam Regulæ servandam tantum esse in iis, quæ habet communia cum Declarationibus Summ. Pontificum Antecessorum. *Decimo vigesimo quarto* addit suæ Decretali robur Apostolicum.

3. Nota tertio: Summarium verò Decre-

tales Clementis V. est hoc. *Primo* commendat dictus Papa Ordinem Fratrum Minorum sub metaphora Horti plantati à Divino agricola Christo; redditque causam, cur condita suam Decretalem declaratoriam Regulæ Franciscanæ. *Secundo* tractat de observatione præceptorum, ac consiliorum Evangelicorum, & de quibusdam articulis Regulæ æquipollentibus præcepto. *Tertio* resolvit, an liceat Fratribus recipere aliquid de bonis ingredientium Ordinem. *Quarto* agit de vestimentis Fratrum, & eorum vilitate. Item de calceamentis, & jeuniis. *Quinto* de præcepto non recipiendi pecuniam. *Sexto* de expropriatione Fratrum. *Septimo* de hæreditatibus Fratribus relictiis, & de redditibus. *Octavo* de assistentia Fratrum in Curiis, aut litibus, & executoribus testamentorum, hortis superfluis, granariis, & cellariis; item de ædificiis, valis, apparamentis Ecclesiasticis, equorum & similium oblationibus. *Nono* resolvit ad quem usum arcum teneantur Fratres ex Regula. *Decimo* tractat de electione, & confirmatione Provincialium, &c.

4. Nota quarto: edidit quoque Papa Johannes XXII. quamdam Extravagantem *Quorundam exigui* &c. cap. 1. hoc tit. inter Extravag. ejusdem Pontificis. Et aliam eod. tit. cap. 2. *Quia nonnunquam*, &c. Et aliam *Ad Conservandam Canonum*, &c. ibid. cap. 3. concernentes Regulam Ordinis FF. Min. sed quia tertia impugnatur distinctionem usûs facti rerum à dominio, sicque Fratres Minores dominos formales facit saltem rerum illarum, quæ unico usu sunt consumptibiles; quam doctrinam Ordo Seraphicus in altissima paupertate fundatus, tanquam contrariam Regulæ, & cit. Decretali Nicolai III. nunquam recepit. Et eidem Decretali, aliisque hanc materiam concernentibus postea ab aliis plurimis Summ. Pontificibus fuit plenè derogatum, uti testatur Paulus IV. Papa in Bulla, *Ex clementi Sedis*, &c. edita anno 1555. dicens, derogationem dictarum Extravagantium emisisse à Martino V. Eugenio IV. Nicolao V. & Sixto IV. Iisdem etiam derogavit novissimè Gregorius XIII. Bullâ 6. Quinimò ipsemet etiam Johannes XXII. ante obitum suum refertur teste Wadingo in annal. ad an. 1333. & Marchant, & aliis AA. hanc suam Decretalem revocasse, unâ cum aliis opinionibus privatis, quæ afferuerat prius circa animas separatas.

# TITULUS XLI.

## De Regulis Juris.

### CAP. UNICUM.

#### De Regulis Juris.

**N**ota primò : *hoc altero titulo generali, & ultimo V. Decretalium D. Papæ Gregorij IX. assignantur undecim Regulæ Juris : quibus adduntur in Sexto aliæ 88. quas amplissimè interpretantur Canisius, Barbof. Dynus, Streinius, Peckius, ac plures alij DD. Sunt autem Regulæ Juris quedam Sententiæ, axiomata, & propositiones generales, multarum decisionum causas, & principia continentis, traditæ, & hoc tit. à D. Gregorio Papa IX. & D. Bonifacio Papa VIII. collectæ, & proposuæ : suntque sequentes.*

## REGULÆ JURIS

Proposituæ à Gregorio IX.

*hoc tit.*

1. Omnis res per quasque causas nascitur, per easdem dissolvitur.
2. Dubia in meliorem partem interpretari debent.
3. Propter scandalum evitandum veritas non est omittenda.
4. Propter necessitatem illicitum efficitur licitum.
5. Illicitè factum obligationem non inducit.
6. Tormenta iudiciis non præcedentibus inferenda non sunt.
7. Sacrilegus est, offendens rem, vel personam Ecclesiasticam.
8. Qui facit aliter, quàm debet, facere non dicitur.
9. Committens unum peccatum, reus est omnium, quoad vitam æternam.
10. Ignorantia non excusat Prælatum in peccatis subditorum.
11. Pro spiritualibus homagium non præstatum.

## REGULÆ JURIS

Proposituæ à Bonifacio VIII.

*hoc tit. in 6.*

1. Beneficium Ecclesiasticum non potest licitè sine institutione canonica obtineri.

2. Possessor malæ fidei ullo tempore non præscribit.
3. Sine possessione præscriptio non procedit.
4. Peccatum non dimittitur, nisi restituatur ablatum.
5. Peccati venia non datur nisi correcto.
6. Nemo potest ad impossibile obligari.
7. Privilegium personale personam sequitur, & extinguitur cum persona.
8. Semel malus, semper præsumitur esse malus.
9. Ratum quis habere non potest, quod ipsius nomine non est gestum.
10. Ratihabitionem retrahit, & mandato non est dubium comparari.
11. Cum sunt partium jura obscura, reo favendum est potius, quàm actori.
12. In iudiciis non est acceptio personarum habenda.
13. Ignorantia facti, non juris, excusat.
14. Cum quis in jus succedit alterius, justam ignorantiam causam censetur habere.
15. Odia restringi, & favores convenit ampliari.
16. Decet concessum à principe beneficium esse mansurum.
17. Indultum à jure beneficium, non est alicui auferendum.
18. Non firmatur tractu temporis, quod de jure ab initio non subsistit.
19. Non est sine culpa, qui rei, quæ ad eum non pertinet, se immiscet.
20. Nullus pluribus uti defensionibus prohibetur.
21. Quod semel placuit, amplius displicere non potest.
22. Non debet aliquis alterius odio prægravari.
23. Sine culpa, nisi subsit causa, non est aliquis puniendus.
24. Quod quis mandato facit iudicis, dolo facere non videtur : cum habeat parere necesse.
25. Mora sua cuiuslibet est nociva.
26. Ea, quæ sunt à iudice, si ad ejus non spectant officium, viribus non subsistunt.
27. Scienti & consentienti non fit injuria, neque dolus.
28. Quæ à jure communi exorbitant, nequaquam ad consequentiam sunt trahenda.

29. Quod

29. Quod omnes tangit, debet ab omnibus approbari.
30. In obiculis minimum est sequendum.
31. Eum, qui certus est, certiorari ulterius non oportet.
32. Non licet auctori, quod reo licitum non existit.
33. Mutare consilium quis non potest, in alterius detrimentum.
34. Generi per speciem derogatur.
35. Plus semper in se continet, quod est minus.
36. Pro possessore habetur, qui dolo desijt possidere.
37. Utile non debet per inutile vitiari.
38. Ex eo non debet quis fructum consequi, quod nisi extitit impugnare.
39. Cum quid prohibetur, prohibentur omnia, quæ sequuntur ex illo.
40. Pluralis locutio duorum numero est contenta.
41. Imputari non debet ei, per quem non stat, si non faciat, quod per eum fuerat faciendum.
42. Accessorium naturam sequi congruit, principalis.
43. Qui tacet, consentire videtur.
44. Is qui tacet, non fatetur; sed nec utique negare videtur.
45. Inspicimus in obscuris, quod est verisimilius, vel quod plerumque fieri consuevit.
46. Is, qui in jus succedit alterius, eo jure, quo ille, uti debet.
47. Præsumitur ignorantia, ubi scientia non probatur.
48. Locupletari non debet aliquis, cum alterius injuria vel jactura.
49. In poenis benignior est interpretatio facienda.
50. Actus legitime conditionem non recipiunt neque diem.
51. Semel Deo dictum, non est ad usus humanos ulterius transferendum.
52. Non præstat impedimentum, quod de jure non sortitur effectum.
53. Cui licet quod est plus, licet utique quod est minus.
54. Qui prior est tempore, potior est jure.
55. Qui sentit onus, sentire debet commodum, & è contra.
56. In re communi potior est conditio prohibentis.
57. Contra eum, qui legem dicere potuit apertius, est interpretatio facienda.
58. Non est obligatorium, contra bonos mores præstitum juramentum.
59. Dolo facit, qui petit, quod restituere oportet eundem.
60. Non est in mora, qui potest exceptione legitime se tueri.
61. Quod ob gratiam alicujus conceditur, non est in ejus dispendium retorquendum.
62. Nullus ex consilio, dummodo fraudulentum non fuerit, obligatur.
63. Exceptionem obiciens, non videtur de intentione adversarij confiteri.
64. Quæ contra jus fiunt, debent utique pro infectis haberi.
65. In pari delicto vel causa, potior est conditio possidentis.
66. Cum non stat per eum ad quem pertinet, quod minus conditio impleatur, haberi debet perinde, ac si impleta fuisset.
67. Quod alicui suo non licet nomine, nec alieno licebit.
68. Potest quis per alium, quod potest facere per seipsum.
69. In malis promissis fidem non expedit observari.
70. In alternativis electoris est electio, & sufficit alterum adimpleri.
71. Qui ad agendum admittitur, est ad excipiendum multò magis admittendus.
72. Qui facit per alium, est perinde, ac si faciat per seipsum.
73. Factum legitime retractari non debet, licet casus postea eveniat, à quo non potuit inchoari.
74. Quod alicui gratiosè conceditur, trahi non debet alijs in exemplum.
75. Frustra sibi fidem quis postulat ab eo servari, cum fidem à se præstitam servare recusat.
76. Delictum personæ, non debet in detrimentum Ecclesiæ redundare.
77. Rationi congruit, ut succedat in onere, qui substituitur in honore.
78. In argumentum trahi nequeunt, quæ propter necessitatem aliquando sunt concessa.
79. Nemo potest plus juris transferre in alium, quam sibi competere dignoscatur.
80. In toto partem non est dubium contineri.
81. In generali concessione non veniunt ea, quæ quis non esset verisimiliter in specie concessurus.
82. Qui contra jura mercatur, bonam fidem præsumitur non habere.
83. Bona fides non patitur, ut semel exactum iterum exigatur.

84. Cùm quid unâ viâ prohibetur alicui, ad id aliâ non debet admitti.

85. Contractus ex conventione legem accipere dignoscuntur.

86. Damnum, quod quis suâ culpâ sentit, sibi debet, non alijs imputare.

87. Infamibus portæ non pateant dignitatum.

88. Certum est, quòd is committit in le-

gem, qui legis verba complectens, contra legis nititur voluntatem.

2. Nota secundò : circa præfatas Regulas Juris plurimas dari exceptiones : unde cum grano salis iisdem utendum est, in confirmatione aliquorum dictorum, & in casibus occurrentibus : valentque tam diu, quousque aliud Jus in contrarium adducatur.

Finit' V. Decretalium  
Quem Flexo poplite Censuræ S. R. E. suppono.

A. M. D. G.



INDEX

# INDEX RERUM PRÆCIPUARUM IN HOC TOMO II. CONTENTARUM.

*P. paginam. C. capitulum. N. numerum significat.*

A.

**A**bsolvere ab hæresi qui possint? pag. 241. n. 3. qui possint absolvere ab Excommunicationibus, & Censuris? p. 309. n. 11. 13. 14. & 15. quando alicui conceditur Auctoritas ad absolvendum ab Excommunicationibus, & Censuris, si nil exprimatur determinatè de foro, potest si absolvere in foro conscientie interno & externo. ibid. n. 17. Qualiter in articulo mortis quisvis Sacerdos simplex, etiam degradatus, Excommunicatus, irregularis, & hæreticus absolvere possit ab omnibus Excommunicationibus, Censuris, & Casibus reservatis p. 310. n. 18. & 20. taliter absolutus si convalescat ad quid obligetur. ibid. n. 19. & 21. Qualis absolventi potestas detur Confessariis tempore Jubilæi? p. 299. n. 14. Quid Fratres Minores possint circa absolutionem ab hæresi? p. 243. c. 4. n. 2. absolvere à casibus reservatis in Ord. nostro Franciscano qui possint? p. 300. c. 3. n. 1.

*Accusatio* quid sit? p. 220. c. 1. n. 2. Accusatio criminalis debetè instructa est licita. ibid. n. 3. ut debetè fiat, & legitima forma, & certæ conditiones observari debent. p. 221. n. 4. 5. & 6. Quid si omittatur aliqua ex necessariis conditionibus? ibid. n. 7. Qui criminaliter accusare possint, & qui non possint. ibid. c. 2. n. 2. & seqq. ad formandam accusationem criminalem an quis cogi possit, vel obligari? p. 223. c. 3. n. 1. Qui criminaliter accusari non possint, & qui possint. ibid. n. 4. & p. 224. n. 5. & 6. publice diffamatus de aliquo crimine si Accusator id probaverit, non debet immitti in beneficium Ecclesiasticum quod petit. ibid. n. 7. Accusatio criminalis variè extinguitur. ibid. n. 8. quoad accusationes in Iudicio Minoritico, quid ordinatum sit in constitutionibus nostris Generalibus? p. 226. c. 6. n. 1. qualiter in Tribunali nostro accusatio sit recipienda? ibid. n. 2. an accusatio semel recepta aboleri possit, & per quem? ibid. n. 3. in Ordine nostro nemo cogi potest ad accusandum. ibid. n. 4. Frater Minor accusans Fratrem suum de delicto, quod non nisi semiplenè per unum testem probare potest, peccat. p. 227. n. 5. Contra quos, & à quibus non sint recipiendæ accusa-

tiones. ibid. n. 6. Accusator qui habuit ante notitiam criminis, elapso triennio amplius non est audiendus, sed certis pœnis corrigendus. ibid. n. 7. Accusatores, quas quandoque malitias committant. p. 239. n. 6.

*Adulterii* commissi crimen avertit impedimentum dirimens matrimonii subsequents. p. 191. c. 1. n. 2. ut revera assertat tale impedimentum, quæ requirantur. ibid. n. 3. Adulterium unde dictum. p. 253. c. 1. n. 1. secundum jura Civilia in quas personas committatur, & secundum jura Canonica in quas? ibid. Adulterii descriptio. ibid. n. 2. est gravissimè prohibitum. ibid. n. 3. committi potest tribus modis. ibid. n. 4. ad accusandum Adulterium qui admittantur? p. 254. n. 5. difficile pro-  
bati potest per testes & documenta. ibid. n. 6. nec sufficit sola suspicio probabilis. ibid. per solas præsumptiones, & conjecturas violentas coniciuntur ejusdem probationes, & quæ sint illæ? ibid. Adulterium quas pœnas habeat præscriptas à Lege Divina, & à Jure Canonico? ibid. c. 2. n. 1. quæ pro Laicis & quæ pro Clericis adulterantibus statutz sint? ibid. Jure Civili quæ pœna decreta sit in adulterantes? ibid. n. 2. Uxorem adulteram non respiscen-  
tem maritus tenetur dimittere. p. 255. c. 2. n. 3. quibus de causis cessent pœnz contra adulterantes statutz? ibid. n. 4. quis dispensare possit cum Clericis in pœnis adulterii. ibid. n. 5. An Pater filiam in adulterio comprehensam possit occidere simul cum adultero. ibid. n. 6. in Ord. nostro adulterium vel quodcunque aliud peccatum carnis voluntariè opere consummatum admittentes incurrunt casum reservatum Superiori Majori. p. 258. c. 5. n. 1. contra adulteros, & alios Castitatis violatores qualia in Religione nostræ Franciscana condita sint statuta, & quæ pœnz taxatz? ibid. n. 2. 3. & 4.

*Ægrotans* Clericus percipit fructus beneficii. pag. 26. c. 1. n. 2. eidem tamen adjungendus est coadjutor. p. 27. c. 1. n. 3. ægrotantes Prælati in Ord. nostro Franciscano qui accendi ab officio? ibid. c. 3. n. 1.

*Affinitas* duplex est. p. 199. c. 1. n. 1. utriusq; affinitatis impedimentum in quotum gradum se olim extendebat, & in quorum nunc se extendat?

## INDEX

tendat? p. 200. n. 9. varia circa impedimentum affinitatis ortæ ex copula illicita, resolvuntur. ibid. c. 2. n. 1. & seqq. Affinitas unde dicatur, p. 203. c. 2. n. 1. Ejus descriptio. ibid. n. 2. quomodo inducatur impedimentum affinitatis impediens, & dirimens matrimonium contrahendum? ibid. n. 3. & 4. secundum jura est triplex genus affinitatis. ibid. n. 6. quos habeat gradus? ibid. n. 5. inter quos contrahatur affinitas inferens impedimentum dirimens Matrimonii? p. 204. n. 7. & 8. jure Ecclesiastico affinitas ex copula licita orta dirimit hodie matrimonium tantum usque ad quartum gradum. ibid. n. 9.

*Alienatio* duplex est, alia stricta, alia lata. p. 39. c. 1. n. 2. quibus, & quarum rerum Ecclesiasticarum alienatio sit prohibita? ibid. n. 4. & pag. 40. n. 5. & seqq. & quarum concessa, ac quomodo fieri possit? ibid. c. 2. n. 1. & seqq. imò quandoque iustus de causis fieri debet? p. 41. n. 5. quæ sint causæ justæ ad ritè instituendam alienationem rerum mobilium, & immobilium? ibid. c. 3. n. 1. forma seu solemnitas juris in alienatione faciendi in quibus consistat? p. 42. n. 2. varix pœnæ à Jure statuta contra alienantes res Ecclesiæ. ibid. n. 3. si fierent alienationes rerum prohibita, vel cum enormi latione Ecclesiæ, quid sit faciendum? ibid. n. 4. & 5. quomodo in Ordine nostro Franciscano rerum Ecclesiasticarum vel aliarum ablatarum alienationes fieri possint, & per quos? ibid. c. 4. n. 1. & seqq.

*Altare* quale hodie esse debeat? pag. 142. c. 2. n. 1. aliud est portatile, aliud fixum. ibid. quandoque Altaria perdunt suam Consecrationem. ibid. n. 2. Exconsecratis Altaribus, non exconsecratur Ecclesia; nec e contra. ibid. n. 3. In una Ecclesia sub una eademque Missa possunt consecrari plura Altaria. ibid. per unius Missæ celebrationem super Altari non consecrato, ipsum Altare consecratur. p. 145. n. 18. qualiter Fratres Minores, & alii Regulares, præsertim Mendicantes, ubique locorum in Altari portatili celebrare possint. p. 150. c. 4. n. 4. & seqq.

*Annata* quid sint? p. 235. c. un. n. 4. eas exigere non est Simoniacum. ibid.

*Apostasia* & *Apostata* vocabula græca latine quid significant? p. 244. c. 1. n. 1. Apostata in triplici sunt differentia, alius enim est Apostata perfidia, alius Apostata Religionis, & alius Apostata Ordinis Sacri. ibid. Apostata perfidia describitur. ibid. n. 2. similiter Apostata Religionis. ibid. n. 3. & Apostata ab Ordine Sacro pariter. p. 245. n. 4. In Ordine nostro Franciscano apostata qui censeatur? ibid. c. 2. n. 1. habet tamen Apostasia suos gradus. ibid. n.

2. Prælati Ordinis nostri habent Apostolicam Auctoritatem suos Apostatas declarandi excommunicatos. ibid. n. 3. quis desuper informandus? ibid. qualiter in suas Provincias remittendi. ibid. quomodo ipsis invigilandum ne circumvagantur, & qualiter perquirendi sint ut ad Religionem revertantur. p. 246. n. 4. & 5.

*Artha* nomine quid intelligatur? p. 173. c. 2. n. 1. quando perdantur arthæ, & quando restituendæ? ibid.

*Afflus*, vide *Immunitas*.

*Ancipium* quale peroris Ecclesiasticis Jure Canonum vetitum sit. p. 273. c. un. n. 2. & 3.

## B.

**B***aptismus* Græcum vocabulum, quid significet? pag. 151. c. 1. n. 1. Ejus definitio. ibid. n. 2. quando à Christo fuerit institutus? ibid. n. 3. Sacramentum Baptismi qualiter omnibus sit necessarium. ibid. n. 4. Baptismus unicus est, & triplex. ibid. n. 5. in defectu Baptismi fluminis sufficit Baptismus fluminis. p. 152. n. 6. etiam Baptismus sanguinis sufficit. ibid. n. 7. quæ sit legitima materia remota Baptismi? ibid. n. 8. & 9. & p. 153. n. 10. quæ materia proxima? ibid. n. 11. & quæ sufficiat? ibid. n. 12. quæ sit forma legitima Baptismi? ibid. n. 13. 14. & 15. Ministri hujus Sacramenti qui sint Ordinarii, qui delegati. p. 154. n. 17. & qui extraordinarii esse possint. ibid. n. 16. Nemo potest seipsum baptizare. ibid. n. 18. Unus Minister potest plures simul baptizare. ibid. ubi Baptismus Regulariter administrandus? ibid. quæ caeremoniæ regulariter adhibendæ? ibid. n. 19. quando supplendæ? ibid. n. 20. nunquam sunt omittendæ. ibid. n. 21. qui sint effectus Baptismi? p. 155. c. 2. n. 1. & seqq. Presbyter non baptizatus, baptizari & rursus ordinari debet. ibid. c. 1. n. 2. credens se probabiliter baptizatum, si sine Baptismo moriatur, an salvetur? ibid. n. 3. Baptismus à Presbytero non baptizato collatus non est reiterandus. ibid. n. 4. Scienter reiterantes Baptisma, & reiterantibus ministrantes, & baptizati adulti, qualiter efficiantur irregulares. p. 245. c. 2. n. 1. & 2. præterea si Clerici sint deponuntur; si Laici excommunicantur. ibid. n. 2. & secundum Jus Civile ultimo supplicio afficiuntur tam reiterantes Baptisma, quam Baptizati. ibid.

*Benedici* quæ possint à Prælati Ordinis nostri Franciscani? p. 142. c. 3. n. 1.

*Benefici* Ecclesiastici plura Synonyma. p. 18. c. 1. n. 2. coincidit cum præbenda. ibid. tripliciter



## RERUM PRÆCIPUARUM.

citer etiam usurpatur. *ibid.* n. 3. Ejusdem descriptio. *ibid.* n. 4. Beneficium Ecclesiasticum est multiplex, & variè dividitur. p. 19. n. 6. 7. 8. & p. 20. n. 9. & 10. an Beneficium Regulare possit conferri Clericis secularibus, & è contra? p. 20. n. 11. Beneficiorum secularium pluralitas quando vetita? *ibid.* c. 2. n. 1. & quando licita? *ibid.* n. 2. 3. & 4. etiam Beneficiorum Regularium pluralitas prohibita est. p. 21. n. 5. beneficia incompatibilia quæ? *ibid.* n. 6. sunt in duplici differentia. *ibid.* n. 7. & 8. Uniones diversorum beneficiorum, & Ecclesiarum quandoque fieri possunt. p. 21. c. 2. n. 1. & p. 22. n. 4. ad quem hæspiciunt. *ibid.* n. 2. Concilii Trid. Ordinationes circa easdem observandæ. *ibid.* n. 3. in Ord. nostro Franciscano defactò nulla extant Ecclesiastica beneficia propriè dicta. pag. 26. c. 7. n. 1. De beneficiorum reservatione, & collatione, vide verb. *Reservatio*, & verb. *Collatio*. De eorum institutione vide verb. *Institutio*. De eorundem vacantia vide verb. *Vacantia*. De Beneficii Diminutione vide verb. *Diminutio*.

*Bephatrophia* quæ loca vocentur? p. 130. c. 1. n. 1.

*Besialitar* quid sit? pag. 257. n. 14.

*Bona* Clericorum in triplici sunt differentia. p. 78. c. 1. n. 2. quorum bonorum Dominium verum sit in secularibus Clericis & beneficiatis? *ibid.* n. 3. 5. & 6. Bona Clericorum pura Ecclesiastica quædam sunt necessaria, quædam superflua? *ibid.* n. 4. Bonorum necessariorum habent verum Dominium, non verò superfluum. *ibid.* n. 5. & pag. 79. n. 6. & seqq. ad successionem Bonorum quæ Clericus ab intestato relinquit, qui succedant? pag. 87. c. 4. n. 4. & seqq. plura vide verb. *Peculium*. *Successio*. *Testamentum*.

## C.

**C**eremonie in Baptismo quid sint, & quæ? p. 154. n. 19. quando supplendæ? *ibid.* n. 20. nunquam sunt omittendæ. *ibid.* n. 21.

*Calix* cum patena debet esse consecratus pro Sacrificio Missæ. p. 145. n. 12. per unius Missæ celebrationem cum calice non consecrato, ipse calix consecratur. *ibid.* n. 18.

*Calumniator* definitur. p. 228. c. 1. n. 2. Calumniatori antiquitus inurebatur in fronte litera K. *ibid.* n. 3. quædam causæ excusantes criminalem accusatorem à penis calumniæ. *ibid.* n. 4. non tantum accusator, sed etiam denunciator potest committere vitium calumniæ.

p. 229. n. 5. quæ præterea malitiæ præter calumniam, ab iisdem quandoque committantur. *ibid.* n. 6. quas pœnas incurrat Frater Minor Calumniatorem agens? *ibid.* c. 2. n. 1.

*Cambium* quid sit? p. 267. n. 11. an Cambia sint usuraria? *ibid.* Cambii divisio. *ibid.* quæ sint licita? p. 268. n. 12. & 13.

*Canonici Regulares* unde dicti, & quomodo distinguantur à Canonis beneficiatis? p. 127. c. 1. n. 1. Canoniorum Regularium status describitur. *ibid.* n. 2. circa statum eorundem varia constituta sunt à S. Canonibus, *ibidem* n. 3. 4. & 6. Canonici Regulares possunt esse Parochi. p. 128. n. 7.

*Capella* nomen variè usurpatur in Sacris Canonibus. p. 132. c. un. n. 1. quid per eam hic intelligatur? *ibid.* tali Capellæ non Monachus, sed Capellanus secularis autoritate Episcopi, de consilio tamen & præsentatione Monachorum, præficiendus est. *ibid.* n. 2. in defectu verò Sacerdotum secularium ab Abbate Monachus præfici potest tali Capellæ, examinandus tamen & approbandus ab Episcopo. *ibid.* n. 3. an talis associatus, vel solitarius in Capella sit collocandus? *ibid.* n. 4.

*Capitulum* Sede Vacante quæ innovare non possit? p. 32. c. 1. n. 1. & seqq. & p. 33. c. 2. n. 3. & quæ facere possit? p. 33. c. 2. n. 1. & seqq. per Capitulum quid hic intelligatur? p. 34. c. 1. n. 1. qualis sit differentia inter requiri consensum, & requiri consilium Capituli? *ibid.* n. 2. In quibus actionibus teneatur Episcopus, vel alius Prælatus requirere consensum Capituli? *ibid.* n. 3. & seqq. & in quibus non? p. 35. n. 12. & 13. præfatus consensus Capituli quomodo fieri debeat? *ibid.* n. 11. à consensu Capituli in quibus dependeat Minister Generalis Ordinis nostri Franciscani? *ibid.* c. 2. n. 1. in quibus Provincialis, & Visitatores Provinciarum? *ibid.* n. 2. & p. 36. n. 3. ad aliquem actum gerendum debet non tantum major, sed & sanior pars Capituli consentire. *ibid.* c. 1. n. 2. & 3. quandoque tamen minor pars, etiam unus de Capitulo effectum talis actus impedire potest. *ibid.* n. 4. In Ordine nostro Franciscano illa electio sola est canonica, quæ fit à maiore parte Capituli. p. 37. c. 2. n. 1. Idem dicendum de aliis definitionibus, & decisionibus. *ibid.* n. 2. quæ pars Capituli censenda sit maior? *ibid.* n. 1. Capitula Provincialia, qui Monachi, & Regulares singulis triennii teneantur celebrare? p. 128. n. 8.

*Cardinalibus* à quo concessus sit habitus, & galerus rubeus? p. 5. c. 3. n. 4.

## INDEX

*Catechismus* ante Baptismum quid sit? p. 196.  
n. 8. quale olim afferebat impedimentum Matrimonii, & an nunc aliquod afferat? ibid.

*Causa Criminalis* agitantur tribus modis. p. 220. c. 1. n. 1. in causis criminalibus an & quando admitti possit Procurator? p. 223. c. 3. n. 2.

*Cautio* quid sit. p. 68. n. 6. est multiplex. ibi.

*De Celebratione Missarum* vide verb. *Missæ*.

*Censura* Etymologia. p. 301. c. 1. n. 1. Censuræ Ecclesiasticæ descriptio. ibid. n. 2. Censuræ propriè dictæ tres tantum assignantur. ibid. n. 3. quomodo quælibet Censura dividatur, & subdividatur. ibid. n. 4. 5. & 6. ex quibus colligatur aliquam Censuram esse *late sententia*? ibid. n. 7. & ex quibus desumatur eam esse *ferende sententia*? p. 302. n. 8. si dubia sit Censura, an sit latæ, vel ferendæ sententiæ, censi potest, esse tantum ferendæ. ibid. n. 9. quæ sit differentia Censurarum inter se; ab aliis pœnis Canonicis; & ab Irregularitate? ibid. n. 10. in Ecclesia residet Authoritas ferendi Censuras Ecclesiasticas. ibid. n. 11. in quos ferri possint? ibid. n. 12. & quis non sit capax Censuræ? ibid. n. 13. Clericus aliquam Censuram irretitus, Divina Officia celebrans, vel ministrans quid incurrat? p. 276. c. un. n. 2. 3. 4. 5. 6. & 8. & p. 277. n. 9.

*Census* nomen variè usurpatur. p. 137. c. 1. n. 1. Ejus descriptio. ibid. n. 2. Ejusdem divisiones. ibid. n. 3. an Monasteriis, vel aliis Ecclesiis secularibus novi Census imponi, vel veteres augeri possint? p. 138. c. 1. n. 4. Qui Census exposcit ab aliqua Ecclesia, debet exprimere causam, ratione cujus ei debeat. ibi. n. 5. In qua moneta census solvendus sit. ibid. n. 6.

*Cessatio à Diviniis* quid sit? p. 313. n. 20. quomodo differat ab Interdicto. ibid.

*Chriema* S. qualiter aservandum? p. 156. c. un. n. 1.

*Christianis* quæ prohibita sint respectu Judæorum, & quæ respectu Saracenorum? p. 238. n. 4. & 5.

*Clandestina Desponsatio* quid sit? p. 183. c. 1. n. 1. Clâdestinæ Desponsationes qualiter Jure antiquo fuerint prohibita, & tamè valida? ibi. n. 2. Jure novo irritæ sunt, ac invalidæ. ibid. n. 3. valida tamè adhuc sunt in illis locis, ubi Trident. vel non fuit promulgatum, vel non receptum. ibi. n. 4. ut Matrimonium non censeatur clandestinum quæ solemnitates requirantur? p. 184. c. 2. n. 1. Clandestinis Matrimoniis duæ statuta sunt pœnæ. p. 185. n. 13.

*Clausura* quò Jure à Monialibus servanda? p. 128. c. 2. n. 1. ob quas causas excusari possint ab observantia clausuræ. ibid. n. 2. quis illis dare possit licentiam egrediendi è clausura?

ibid. n. 3. egredientes sinè debita facultate & causa sufficienti excommunicantur. ibid. quæ personæ prohibeantur per Tridentinum ab ingressu intra Clausuram Monialium. ibid. n. 4. nomine Clausuræ quis locus intelligendus? p. 129. n. 5. quis extraneis possit dare licentiam ingrediendi intra clausuram Monialium exemptarum? ibid. Plura vide verb. *Moniales*.

*Clerici* Etymologia. p. 2. c. 1. n. 2. Ejusdem descriptio. ibid. n. 3. Clericorum bona alia intrinseca, alia extrinseca. ibid. n. 1. sub nomine *Clericorum* qui comprehendantur in materia favorabili, & qui in odiosa? ibid. n. 4. Clerici universi ad quid obligentur? ibid. n. 6. & ad quid in Sacris constituti? p. 3. c. 2. n. 1. interdictitur iisdem familiarior accessus ad monasteria Monialium. ibid. n. 2. quid ultra iisdem sectari, & à quibus alieni esse debeant? ibid. n. 3. & seqq. debent gerere tonsuram seu coronam congruentem. p. 5. c. 3. n. 1. & regulariter deferre habitum Clericalem statui suo convenientem. ibid. n. 2. qui moderatus esse debet in colore. ibid. n. 3. quis color pro vestibus clericalibus communiter adhibendus, & quæ forma? ibid. n. 4. non debent gestare annulos (exceptis excipiendis) neque nutrire comam, vel barbam. p. 6. n. 7. Clericorum secularium quæ vita olim. ibid. n. 8. in choro à laicis separati Divina peragant. ibid. n. 9. Clericus notoriè concubinarium qualiter puniendus? p. 8. n. 8. non potest tamen adstringi ad abjurandam concubinam: p. 9. n. 9. quid olim de tali Clerico statutum fuerit, & quid nunc? ibi. n. 10. quid intelligatur per Clericum conjugatum? ibid. c. 1. n. 1. Clerici Latini regulariter debent esse cœlibes, & qui præsertim. ibi. n. 2. Clericus minorista potest validè contrahere Matrimonium & nubere. p. 11. c. 3. n. 1. statim autem ut sit conjugatus amittit omnia beneficia, & ipso Jure etiam pensiones Ecclesiasticas, non tamen per sola sponsalia de futuro contracta; aut si contrahat Matrimonium invalidum ob aliquod impedimentum dirimens. ibid. n. 2. 3. & 4. ut talis Clericus Beneficium Ecclesiasticum obtineat quæ dispensare possit? p. 12. n. 5. quomodo quædam privilegia perdat, & quædam retineat? ibid. n. 6. & 7. in quibus causis privilegio fori gaudeat, & in quibus non? ibid. n. 8. Clericus in Sacris Ordinibus constitutus nequit ducere uxorem, ibid. n. 9. & si ducat, non est ipso Jure privatus beneficiò, sed eò privari potest in penam delicti. ibid. plures pœnæ assignantur. ibidem num. 10. quæ qualitates requirantur in Clerico ut promoveri possit ad beneficium? pag. 25. num. 3. & 4. Clericus



## RERUM PRÆCIPUARUM.

ægotans percipit omnes fructus beneficii. p. 26. c. 1. n. 2. eidem tamen adjungendus est coadjutor. p. 27. c. 1. n. 3. quæ negotia secularia prohibita sint Clericis, p. 169. c. un. n. 1. & seqq.

De Clericorum Bonis, Dominio, & Peculio, vide verb. *Bona, Dominium, & Peculium.*

De Clerico Excommunicato, &. ministrante, vide verb. *Censura, Excommunicatio.*

De Clerico non ordinato ministrante, vide verb. *Ordo Sacer.*

De Clerico percussore, vide verb. *Percussio.*

De Clerico per saltum promoti, vide verb. *Ordo Sacer.*

De Clerico qui surripit Ordinem suscepit, vide *ibid.*

De Clerico Venatore, vide *Venatio.*

Coadjutor dandus est Clerico ægotanti. p. 27. c. 1. n. 3. quibus solus Papa dare possit Coadjutorem? *ibid.* n. 4. Coadjutor Episcopi quid non possit, & ad quid teneatur? *ibid.* c. 2. n. 2. Ejusdem qualitates requiritur, officium, & potestas. *ibid.* n. 1. Coadjutor Parochi quis esse possit, & quot annorum esse debeat? *ibid.* n. 2. Coadjutoris officium quando finiatur? *ibid.* Quamvis Coadjutor Episcopo cum successione futura non sit facile dandus, quandoque tamen Summus Pontifex talem dare solet. *ibid.* n. 3.

Codicillus quid sit, & quomodo differat à Testamento? p. 80. c. 1. n. 1. ad ejus valorem quæ requirantur? p. 84. n. 5. quomodo fieri, & quis facere possit? *ibid.*

Cælibatus Clericorum est vetustissimus. p. 9. c. 1. n. 3. annexus est statui Clericali non Jure Divino, sed Ecclesiastico. p. 10. n. 4. ad collendum Cælibatum tenetur ordinatus cum ignorantia legis Ecclesiasticæ, & cum intentione interna expressa non continendi *ibid.* n. 5. non tamen ordinatus ante annos pubertatis, vel per metum injustum, aut quando ordinatio fuisset irrita. *ibid.* n. 6.

Cæmeterium quid esse debeat? p. 88. c. 1. n. 2. quando polluitur? p. 141. n. 13. eodem modo benedicitur quò Ecclesiæ, iisdemq; modis polluitur. p. 142. c. 2. & eodem pariter modo reconciliatur. *ibid.* quomodo Cæmeteria à Prælati Ordinis nostri Franciscani reconciliari possint? *ibid.* c. 3. n. 1.

Cognatio quid genericè, & quid specificè importet? p. 195. c. 1. n. 1. cur dicatur spiritualis? *ibid.* quomodo vulgò aliter vocetur? *ibid.* Cognationis spiritualis descriptio. *ibid.* n. 2. unde confurgat impedimentum Cognationis spiritualis dirimens Matrimonium? *ibid.* n. 3.

ex aliis Sacramentis, præter Baptismum, & Confirmationem, non oritur tale impedimentum. p. 196. n. 4. olim ex administratione, & receptione Baptismi, & Confirmationis oriebatur triplex cognatio spiritualis dirimens Matrimonium. *ibid.* n. 5. Jure novo qualis, & inter quos oriatur? *ibid.* n. 6. hoc impedimentum Jure Ecclesiastico quando sit introductum? *ibid.* n. 7. ut à susceptoribus contrahatur vera Cognatio spiritualis ex administratione, & receptione Baptismi, & Confirmationis, quæ requirantur? *ibid.* n. 9. Cognatio legalis unde dicatur, & quid sit? p. 198. c. 1. n. 1. ejus descriptio. *ibid.* n. 2. ponit impedimentum dirimens Matrimonii inter certas personas. *ibid.* n. 3. tres sunt species Cognationis legalis. *ibid.* n. 4. omnes tres species an & qualiter impediant, & dirimant Matrimonium? *ibid.* n. 5. 6. 7. & 8.

Cohabitatio mulierum & Clericorum quid sit? p. 7. c. 1. n. 2. prohibita est Clericis etiam secularibus, & ob quas causas? *ibid.* n. 3. cum certis tamen personis eis licita est. p. 8. n. 4. & 5. Clerici scandalosam cohabitationem & conversationem cum fœminis insituentes, ac notoriè concubinarij qualiter puniendi? *ibid.* n. 6. 7. & 8.

Collatio beneficii Ecclesiastici quid sit? p. 23. c. 5. n. 1. alia est libera, alia non libera. *ibid.* per liberam rectè acquiruntur beneficia Ecclesiastica. *ibid.* n. 2. Summ. Pontifex legitime conferre potest omnia beneficia Ecclesiastica. *ibid.* n. 3. & ab eo tribus modis fieri potest Collatio beneficiorum. p. 24. n. 4. à quibus præterea Collationes beneficiorum fieri possint? *ibid.* n. 5. & seqq. Dignis immò dignioribus conferri debent beneficia p. 25. c. 6. n. 1. & 2. quæ qualitates requirantur in Clericis ad Collationem beneficiorum? *ibid.* n. 3. & 4. Plura vide verb. *Institutio.*

Collegium vide *Domus Religioſe.*

Collusio describitur. p. 272. c. un. n. 2. colludere quis dicatur in Jure? *ibid.* n. 1. Collusio in Judiciis est graviter prohibita. *ibid.* n. 3. in quibus causis, & à quibus personis possit contingere Collusio? *ibid.* n. 4. si contingat in Judicio intervenire aliquam Collusionem, Judex ex officio de ea debet inquirere. *ibid.* n. 5. quâ penâ puniatur Laicus colludens, & quâ colludens Clericus? *ibid.* n. 6.

Commodatum unde dicitur? p. 47. c. 1. n. 1. ejus definitio. *ibid.* n. 2. quæ res commodari possint? *ibid.* n. 3. Commodatarius ad quid obligetur? *ibid.* c. 2. n. 1. 2. & 3. ex contractu Commodati quæ nascantur? *ibid.* n. 4.

Communitio votorum, vide *Votum.*

## INDEX

*Concubinatus* quid sit? p. 256. c. 4. n. 4. Concubinarius quis dicendus? ibid. Concubinatus est gravissimè prohibitum Clericis, tum Laicis, & sub quibus pœnis, ibid. n. 5.

*Conditio* in contractu apposita quid sit? p. 186. c. 1. n. 1. conditionata sponsalia quæ sint? ibid. Conditiones sunt variz. ibid. cum quibus Conditionibus Matrimonium reddatur nullum? ibid. n. 2. & cum quibus subsistat? ibid. n. 3. & p. 187. n. 4. 5. & 6. ac cum quibus suspendatur Matrimonii validitas? ibid. n. 7. & 8. Conditiones appositæ in aliis Contractibus quid operentur? ibid. c. 2. n. 1. & 2.

De *Condueto* & *Conductore* vide verb. *Locatum-Conductum*.

*Conjugium* unde dicatur? p. 176. c. 4. n. 1. Conjugati quomodo possint admitti ad Clericatum, & Sacros Ordines in Ecclesia Latina? p. 10. c. 2. n. 1. & quomodo ad beneficia Ecclesiastica? p. 11. c. 2. n. 3. Clerici præfati non sunt admittendi ad dignitates Ecclesiasticas Ecclesiæ Latinæ. ibid. n. 4. Ecclesiæ tamen aliqui deservientes, ac habitum & tonsuram deferentes gaudent privilegiis Status Clericalis. ibid. n. 5. Conjugium Clericorum in Sacris Ordinibus constitutorum est invalidum. p. 12. n. 9. pœnz Clericorum Conjugium ineuntium quæ? ibid. n. 10. Conjugatorum conversio describitur. p. 114. c. 1. n. 2. quando Conjugati licitè & validè possint converti, seu ingredi, & profiteri Religionem, & quando non? ibid. n. 3. & seqq. si alteruter Conjugum adulteretur carnaliter, vel spiritaliter, potest alter innocens converti, & licitè ac validè profiteri Religionem. p. 115. c. 2. n. 1. an vir sine licentia uxoris possit suscipere Sacros Ordines? ibid. n. 3. & ut talis possit in Episcopum ordinari, quid uxor prius præstare teneatur? ibid. n. 4.

*Connubium* unde dicatur? p. 176. c. 4. n. 1.

*Consanguinitas* quid sit? p. 201. c. 1. n. 1. ejus descriptio. ibid. n. 2. ejusdemque divisio. ibid. n. 3. Consanguinitas distinguitur per lineas, & lineæ per gradus, ibid. n. 4. ad cognoscendam propinquitatem & computandos gradus Consanguinitatis statuuntur Regulæ generales. ibid. n. 5. & p. 202. n. 7. & 8. aliter computantur gradus lineæ transverzæ à Jure Civili, & aliter à Jure Canonico. p. 201. c. 1. n. 6. in linea recta tam ascendente, quam descendente primus gradus, imò probabilius quilibet gradus in infinitum dirimit Matrimonium Jure naturæ. p. 202. n. 9. Consanguinitas in linea transversali dirimit Matrimonium tantum usque ad quartum gradum inclusivè solo Jure Ecclesiastico, non naturali. ibid. n. 10. & 12. Causæ hujus restrictionis quæ? ibid. n. 11.

*Consecratio* Ecclesiæ describitur. p. 140. c. 1.

n. 2. Ecclesia legitime constructa à quo Episcopo consecranda sit? ibid. n. 3. Consecratio est Ordinis Episcopalis. ibid: n. 4. an etiam simplex Sacerdos consecrare possit Altaria? ibid: quando Consecratio Ecclesiæ fieri debeat? ibid: n. 5. non debet reiterari. ibid: n. 6. excipiuntur certi casus. ibid: quando Ecclesia non egeat reconsecratione? ibid: n. 7. Ecclesia consecrata quinque modis potest violari vel pollui. ibid. n. 8. & p. 141. n. 9. 10. 11. & 12. consecrari possunt sub una eademque Missa in una Ecclesia plures Episcopi, & plura altaria. p. 142. c. 2. n. 3.

*Contractus* alius est latus, alius strictus. p. 43. c. 1. n. 2. Contractus stricti definitio. p. 44. n. 3. variz ejusdem divisiones. ibid. n. 4. 5. 6. & 7. quatuor modi perfectivi Contractus. p. 45. n. 8. qualis inde nascatur obligatio? ibid. n. 9. Species Contractus sunt Precarium, & Precaria seu Precariz. ibid. c. 2. n. 1. De his vide verb. *Precarium*.

*Conversio* Conjugatorum, vide *Conjugium*. *Conversio Infidelium*, vide *Infidelis*.

De *Crimine Falsi*, vide *Falsum*.

De *Cultu Reliquiarum*, & Sanctorum vide *Reliquie*, *Sancti*.

## D.

**D***amnium* quocunque modò afferens proximo suo obligatur illud resarcire & satisfacere. p. 291. c. 2. n. 1. Damificans non tantum Damnum illatum debet resarcire, sed etiam refundere expensas litis. ibid. n. 2.

*Decime* unde dictæ? p. 95. c. 1. n. 1. earum descriptio. ibid. n. 2. Aliæ sunt prædiales, aliæ personales, aliæ mixtæ. ibid. n. 3. sub gravi obligatione solvendæ sunt Ministris Ecclesiarum. ibid. n. 4. & sub diversa consideratione debentur ipsis tum Jure naturali, & Divino, tum Jure Ecclesiastico. ibid. n. 5. & 6. quibus personis Decimæ prædiales sint solvendæ, & quibus non? p. 96. c. 2. n. 1. 2. 3. 4. 5. & 6. & cui Ecclesiæ Parochiali solvendæ sint Decimæ personales, & mixtæ? ibid. n. 7. qui obligati sint ad solvendas Decimas? p. 97. c. 3. n. 1. & 2. & qui à solutione earundem exempti sint? ibid. n. 3. quò tempore & locò sint solvendæ? ibid. n. 4. & 5. de quibus rebus Decimæ præstandæ sint? p. 98. c. 4. n. 1. solus Papa potest concedere legitimum Privilegium exemptivum à solutione Decimarum. ibid. n. 2. Privilegia exemptiva à solvendis Decimis quomodo amittantur? ibid. Decimæ Novalium cui Ecclesiæ solvendæ? ibid. n. 3. manifestè detinentes Decimas Ministris Ecclesiæ variè puniuntur. ibid. n. 4. an Jus Decimarum percipiendarum



## RERUM PRÆCIPUARUM.

darum transferri possit in Laicos? ibid. n. 5.

*De Delictis puerorum.* vide *Impuberes.*

*Denunciatio* in genere describitur. p. 225. c. 5. n. 2. alia est Evangelica, alia Canonica, alia Civilis. ibid. n. 3. Denunciatio Evangelica quid sit? ibid. quid sit Canonica? ibid. n. 4. & quid Civilis? ibid. n. 5. quando Fratres Ordinis nostri ad denunciandum cogi possint? p. 226. c. 6. n. 4. Denunciator qui habuit ante notitiam criminis, elapsō trienniō non est amplius audiendus, sed certis pœnis corrigendus. p. 227. n. 7. Minorit̃ nostri tenentur tempore Visitationis Canonice denunciare fratrum delicta, quæ de Jure sunt denuncianda. ibid. n. 8. an occulte delinquentem teneatur Frater Minor denunciare? ibid. n. 9. in denunciatione judiciali si delicta sint publica, opus non est fraterna prævīa correptione. ibid. n. 10. Minor denuncians judicialiter ad quid obligetur? ibid. n. 11. contra quos, & à quibus non sint recipiendæ Denunciationes? p. 228. n. 12. Denunciatores quas quandoq; malitias committant? p. 229. n. 6.

*Denunciations* quando & quot præmittendæ sint Matrimonio? p. 185. n. 10. an sinē his validum esset Matrimonium? ibid. quando in his Episcopi dispensare possint? ibid. n. 11. & quando Parochus sinē illis copulare possit? ibid. n. 12.

*Deposum* quid sit, & unde sic dictum? p. 48. c. 1. n. 1. ejus descriptio prout sumitur pro Contractu. ibid. n. 2. res Ecclesiæ possunt depositari. ibid. n. 3. Depositarius ad quid teneatur & obligetur? ibid. c. 2. n. 1. & 2. & ad quid non teneatur? p. 49. n. 3. & 4. quis obligetur rescire damnum si culpa Clerici vel Religiosi Depositarii res deposita pereat, vel deterioretur? ibid. n. 5. ex contractu Depositū quæ nascantur? ibid. n. 6. in locis Regularibus Ordinis Nostri Franciscani Deposita sinē gravi causa nullatenus sunt acceptanda. ibid. c. 3. num. 1.

*De Dispensationibus.* vide verb. *Sponsalia. Matrimonium.* Et de *Dispensatione clandestina.* vide verb. *Clandestina.*

*Dignitates Ecclesiæ* descriptio. p. 19. n. 5. etiam in Ordine nostro Franciscano extant quædam Dignitates Ecclesiæ. p. 26. c. 7. n. 2. quæ officia non censeantur inter Dignitates? ibid. n. 3.

*Diminutio* beneficii potest contingere quatuor modis. p. 37. c. 1. n. 2. Sinē ulla diminutione contrendum est beneficium. ibid. n. 3. & seqq.

*Disparitas cultus* quid sit? p. 208. n. 2. quale ponat impedimentum Matrimonio, & quo jure? ibid. n. 4.

*Dispensatio* in voto quid sit? p. 123. c. 5. n. 2. in Ecclesia residet Auctoritas dispensandi in votis, juramenti, &c. ibid. n. 2. in quibus resideat hæc potestas, & respectu quorum? ibid. n. 3. & p. 124. n. 7. in quibus votis solus Pontifex dispensare possit? ibid. n. 4. & in quibus possit Episcopus? ibid. n. 6. Confessarii etiam Ordinum Mendicantium possunt dispensare in votis secularium, in quibus possunt Episcopi. p. 125. n. 8. qui dispensare non possint? ibid. n. 9. ut dispensatio sit valida requiritur aliqua justa causa. ibid. n. 10. quæ sint illæ? ibid. n. 11. in Dispensationibus votorum quæ forma servanda? p. 126. n. 12. Dispensare quis possit in impedimentis Matrimonii, & in quibus? p. 210. c. 2. n. 1. 4. & 5. debet adesse justa causa dispensandi, & quæ sint illæ? ibid. n. 2. & 3. Superiores Ordinis nostri Franciscani quomodo & in quibus votis dispensare possint cum suis subditis Regularibus. ibid. c. 6. n. 2. & 3. Confessores Ordinis nostri non possunt dispensare in votis cum secularibus, nisi in Sacramento penitentia. ibid. n. 3.

*Distributiones* quotidianæ Ecclesiæ quid sint? p. 16. n. 10. qui habeant jus ad percipiendas Distributiones quotidianas Cathedralium, & Collegiarum Ecclesiarum, & qui non? ibid. n. 11. afferuntur nonnullæ causæ, ob quas etiam chorum non accedentes jus habent ad percipiendas Distributiones. p. 17. n. 12. qui in eadem Cathedrali gaudet duplici beneficio, & officio, probabilius non potest percipere duplices Distributiones. ibid. n. 13.

*Divortium* dupliciter accipitur p. 214. c. un. n. 1. Ejus descriptio. ibid. n. 2. vinculum Matrimonii consummati non dissolvitur nisi secuta morte alterius Conjugis. ibid. n. 3. quale Divortium possit institui ob commissum adulterium alterius Conjugis? ibid. n. 4. & 5. in quibus præterea casibus possit institui Divortium thori, & cohabitationis? ibid. n. 6. & p. 215. n. 7. 8. & 9. Divortium thori cuius auctoritate fieri possit, & pro divorio quoad cohabitationem cuius judicium expectandum? ibid. n. 10. secutō Divortiō à quo Conjugum liberi sint educandi & alendi? ibid. n. 11. potest etiam institui Divortium mutuo consensu Conjugum ob causam honestam. ibid. n. 12. quale possit institui Divortium inter duos Conjuges, quorum unus convertitur ad fidem, & alter remanet infidelis? ibid. n. 14. sed si ambo convertantur, nequit propterea institui Divortium. p. 216. n. 15. Si Judæus prius repudiasset suam uxorem & duxisset aliam, deinde conversus ad fidem Catholicam debet facere Divortium cum secunda, & adhaerere primæ. ibid. n. 16. & si Paganus plures habens uxores conver-

## INDEX

convertatur, post conversionem adhærebit primæ. ibidem n. 17. qui cum noticia impedi-  
menti dirimentis contraxere Matrimonium,  
per Divortium quæ perdant, & quis ea acqui-  
rat? p. 217. c. 2. n. 3.

*Dominiū* verum an resideat in Clericis læ-  
cularibus, & beneficiatis, & respectu quorum  
bonorum? p. 78. c. 1. n. 3. 5. & 6. & p. 80. n. 11.  
12. & 13.

*Domus Religioſæ* quæ loca vocentur in latio-  
ri & arctiori ſignificatione? p. 130. c. 1. n. 1. quæ  
ſubjaceant juriſdictioni Episcopī Diœceſani? ibid. n. 2. 3. & 4. quàm diu Domus Religioſæ  
nequeant ab Episcopō transferri ad Clericos  
ſæculares? p. 131. n. 5. tam viri quàm fœminæ  
poſſunt ſeparatim & privatim in ſuis Domi-  
bus ſolitariam vitam exercere, edito etiam vo-  
to Caſtitatis & Obedientiæ in manibus Episco-  
pi. ibid. c. 2. n. 2. Omnes Domus Religioſæ  
quæcunque Ordinis noſtri exemptæ ſunt à ju-  
riſdictione Ordinarii. ibid. c. 3. n. 1. niſi  
aliqua Eccleſia noſtra haberet annexam ca-  
ram animarum. ibid. n. 2. pro erigendis tamen  
novis Domibus Religioſis Conventuum &  
Eccleſiarum requirendus eſt conſenſus Or-  
dinarii. ibid. n. 3. ad faciendam verò tan-  
tùm translationem novi Conventūs in una  
Civitate, vel Oppido, de uno loco ad alium  
non requiritur licentia Episcopī. p. 132. c. 3.  
num. 4.

*Donationis* Etymon. p. 74. c. 1. n. 1. Doni &  
Donationis deſcriptio. ibid. n. 1. & 2. Donatio  
dividitur in Donationem inter vivos, & Do-  
nationem cauſâ mortis. ibid. n. 3. Utraque  
ſieri poteſt duobus modis. ibid. n. 4. & 5. qui  
poſſint facere Donationes inter vivos, & qui  
non poſſint? p. 75. c. 2. n. 1. & ſeqq. per totum.  
Donatio liberalis inter vivos certam quanti-  
tatem excedens quæ invalida, & quæ valida?  
p. 76. c. 3. n. 1. 2. & 3. an & quando revocari  
poſſit Donatio liberalis? p. 77. n. 4. quomodo  
Donationes inter vivos factæ jure veteri per-  
ficiébantur, & quomodo jure novo perficiantur  
? ibid. n. 6. circa Donationes latiſſima faci-  
enda eſt interpretatio in favorem Donatarii.  
ibid. n. 7. Donatio inter Conjuges eſt duplex,  
alia ſimplex, alia propter cauſam. p. 216 c. 1. n.  
2. quando Donatio ſimplex inter virum &  
uxorem ſit invalida? ibid. n. 4. & p. 217. n. 5.  
quæ Donationes inter illos non ſint invalidæ,  
nec prohibitæ? ibid. n. 6. Donationes ſim-  
ples inter illos factæ quot modis convale-  
ſcant? ibid. n. 7. Franciſcani non poſſunt fa-  
cere formales Donationes de rebus Ordinis.  
p. 77. c. 4. n. 1. quomodo eorum Prælatis poſ-  
ſint ſubditos ſuos Fratres licentia ad aliquod  
largiendum intra vel extra ordinem? ibid. n.

2. quales largitiones poſſint facere? ibid. n. 3.

*Dos* deſcribitur. p. 216. c. 1. n. 3. Dos reſtitu-  
enda eſt mulieri, & donatio propter nuptias  
viro, ſi contingat fieri Divortium ex juſta cau-  
ſa. p. 217. c. 2. n. 1. non tantùm Dos reſtituen-  
da mulieri, ſed & bona ſtante Matrimonio  
communiter acquiſita, æqualiter inter eos ſunt  
dividenda. ibid. n. 2. ſi fiat Divortium ob adul-  
terium à muliere commiſſum, ipſa perdit Do-  
tem, eamque cedit marito. ibid. n. 4. quando  
nec maritus lucretur Dotem, nec uxor dona-  
tiones factas propter nuptias, & ad quem hæc  
ſpectent? p. 218. c. 2. n. 5. ſi uxor efficiatur hæ-  
retica, & propterea fiat Divortium, quis lu-  
cretur Dotem? ibid. n. 6.

*Duellum* unde dictum? p. 252. c. un. n. 1.  
græcè vocatur Monomachia. ibid. Ejusdem  
deſcriptio. ibid. n. 2. ſolet ob quinque potiſſi-  
mum cauſas committi. ibid. graviffimè eſt  
prohibitum. ibid. n. 3. Clerici duellantes quas  
pœnas incurant? ibid. n. 4. & pro Laicis duel-  
lantibus quæ pœnæ ſtatutæ ſint? ibid. n. 5. qui  
duellantes non videantur pœnas Duelli in-  
currere? ibid. n. 6.

## E.

*Eccleſie* nomine quid quandoque intelli-  
gatur? p. 39. n. 3. & p. 88. n. 6. & p. 140.  
c. 1. n. 2. Eccleſia legitime conſtructa à  
quo Episcopō quantocyus conſecranda ſit?  
p. 140. c. 1. n. 3. Eccleſia conſecrata violatur  
quinque modis. ibid. n. 8. & p. 141. n. 9. 10. 11.  
& 12. polluta Eccleſia polluitur ſimul & Cœ-  
meterium, non tamen è contra. ibid. n. 13.  
quando locus ſacer non cenſeatur violatus?  
ibid. n. 14. ſi Eccleſia ſolum ſit benediſta, quo-  
modo & per quem poſſit reconciliari? ibid. n.  
15. quomodo Prælati Regulares ſuas Eccleſias  
conſecratas, quando pollutæ ſunt, reconcilia-  
re poſſint? ibid. Eccleſia violata non reconci-  
liatur per præſentiam Corporis Chriſti. p. 142.  
n. 16. quale ſit diſcrimen inter Eccleſiæ viola-  
tionem & execrationem? ibid. n. 17. quomodo  
Eccleſiæ à Prælatis Ordinis noſtri Franciſcani  
reconciliari poſſint? ibid. c. 3. n. 1. in Eccleſiis  
non admittendæ ſuppellectiles Clericorum  
vel Laicorum. p. 156. c. un. n. 2. Eccleſiæ aliæ  
ſunt Baſilicæ, aliæ Cathedrales, aliæ Collegia-  
tæ, aliæ Regulares, aliæ Matrices, aliæ Baptis-  
males. p. 161. c. 1. n. 1. pro licitè ædificandis  
Eccleſiis novis in loco publico accedere de-  
bet conſenſus Ordinarii. p. 162. n. 3. ob quas  
rationabiles cauſas communiter ædificandæ  
ſint? ibid. n. 4. forma Eccleſiarum quæ, & quid  
ſignificet? ibid. n. 5. ut nova Parochialis de-  
bitè erigatur, varia requiruntur. ibid. n. 6. &



## RERUM PRÆCIPUARUM.

7. ex quibus redditibus Ecclesiæ Parochiales restaurandæ sint? p. 163. c. 2. n. 1. & ex quibus Ecclesiæ Cathedrales? ibid. n. 2. si Ecclesiæ Parochialis restaurari non possit, quid faciendum? ibid. n. 3. Ecclesiæ secularis Collegiata in quam aliam converti possit? ibid. n. 4. De Ecclesiæ Parochiali plura vide verb. *Parochia*, De Immunitate Ecclesiarum, vide verb. *Immunitas*.

*Electio* canonica & valida in Ordine nostro Franciscano sola illa est, quæ fit à maiore parte Capituli. p. 37. c. 2. n. 1. quæ pars censenda sit major? ibid.

*Emphyteusis* vocabulum græcum, latine quid significet? p. 58. c. 3. n. 1. Ejus definitio. p. 59. n. 2. cum quibus habeat quandam affinitatem? ibid. n. 3. ab iisdem quomodo differat? ibid. Emphyteusis alia est Ecclesiastica, alia Laica. ibid. n. 4. ad valorem utriusque quæ conditiones requirantur? ibid. quando Prælati possint bona Ecclesiæ dare in Emphyteusim, & quando non? ibid. n. 5. si contingat Emphyteutæ profiteri Religionem, ad quem tunc Emphyteusis rerum immobilium transeat? p. 60. n. 6. Emphyteusis in quibus conveniat cum feudo, & in quibus ab eo differat? p. 64. n. 2.

*Emptio Venditio* quid sit? p. 49. c. 1. n. 2. Contractus Emptio-Venditionis debet esse ultrò citròque obligatorius. p. 50. c. 2. n. 1. ut sit validus, requiritur mutuos consensus contrahentium. ibid. n. 2. & 3. & ut careat culpa debet pretium pro mercibus dandum esse iustum. ibid. n. 4. quæ Emptio præterea sit licita, & quæ illicita? p. 51. n. 9. & 12. & p. 52. c. 3. n. 2. qui seclusa necessitate gravi Emptionis & Venditionis negotiationem licite per se exercere non possint? p. 52. c. 3. n. 1. qui fructus pertineant ad Emptorem? p. 53. n. 9. & 13. in Emptio-Venditione retractus quid sit licitus? p. 54. n. 15. ex Contractu Emptio-Venditionis quæ oriuntur? ibid. n. 18. quæ res possint emi, & quæ non? ibid. c. 4. n. 1. & seqq. Fratres Ordinis nostri Franciscani nequeunt per se celebrare contractus formales Emptionis, & Venditionis. p. 56. c. 5. n. 1.

*Error conditionis servilis* quomodo contingat in contractu matrimoniali, & quale ponat impedimentum? p. 193. c. 1. n. 2. quomodo contingat error circa substantiam & error circa qualitatem? p. 194. c. 2. n. 1. Error circa substantiam quale ponat impedimentum Matrimonii, & quo Jure? ibid. n. 2. 3. & 4. & quale impedimentum ponat error circa qualitatem? ibi. n. 5. & 6.

*Eucharistia* vox græca est, latine quid significet? p. 146. c. 2. n. 1. Eucharistia est proprium & verum Sacramentum. ibidem n. 2. Ejus definitio. ibid. n. 3. quando Eucharistia Sa-

cramentum institutum sit? ibid. n. 4. 5. & 6. quæ sit materia idonea necessaria & sufficiens ad consecrandum corpus Christi? ibid. n. 7. & 8. & p. 147. n. 10. 11. 12. 13. 14. 15. & 16. quæ materia sit apta ad consecrationem Sanguinis Christi? p. 148. n. 17. 18. 19. 20. 21. & 22. in Calice Consecrationis est permiscenda aqua vino. p. 149. n. 24. quæ sit valida forma consecrativa Corporis Christi? ibid. n. 25. & quæ Sanguinis? ibid. n. 26. Eucharistia fideliter asservanda. p. 156. c. un. n. 1. ubi recondenda, & quando renovanda? ibid. n. 3.

*Exactiones* quid sint? p. 138. c. 2. n. 1. quæ Exactiones debeantur Episcopis? ibid. n. 2. à quibus Ecclesiis sint iisdem præstandæ? ibid. n. 3. assignantur cause rationabiles ob quas Episcopus petere possit subsidium charitativum. ibid. n. 4.

*Excessus* quid sit, & quando censeatur committi? p. 279. c. 1. n. 1. quando Episcopi & alii Prælati censeantur committere Excessum? p. 280. n. 2. 3. 4. 5. 6. & 7. & quando alii Prælati Episcopo inferiores. ibid. c. 2. n. 1. & 2. qualiter & quomodo è contra subditi Clerici excedere dicantur in suos Prælatos? p. 281. c. 2. n. 3. & 4. Excessum quoque in Jure prohibitum quando committant Vicarii Ecclesiarum? ibi. n. 5. & quomodo excedant omnes tam Clerici quàm Laici? ibid. per Excessum Privilegiatorum quid intelligatur? p. 286. c. 3. n. 1. quando Religiosi Privilegiati censeantur excedere & abuti Privilegiis. p. 287. c. 3. n. 2. & 3. Privilegiati omnes quoquo modo Excessus committentes abutendo suis Privilegiis, quid mereantur? ibid. n. 4.

*Excommunicationis* Etymon. p. 302. c. 2. n. 1. Ejus descriptio. ibid. n. 2. an Excommunicatio idem sit quod Anathema? p. 303. n. 3. Ejusdem divisio. ibid. n. 4. & 5. ad Excommunicationem infligendam non requiritur necessario aliqua determinata formula verborum. ibid. n. 6. Excommunicatio major quos habeat effectus, & quas privationes importet? ibid. n. 7. & 8. & p. 304. n. 9. & seqq. & p. 305. n. 18. usque ad n. 22. Excommunicatio minor quomodo contrahatur? ibid. n. 23. & 24. duos tantum habet effectus. p. 306. n. 25. quale debeat esse peccatum, ut Excommunicatio major, vel alia Censura Ecclesiastica infligatur. ibid. n. 26. ut Excommunicatio lata à Judice incurrat, & sit valida, quid debeat præcedere? ibid. n. 27. quæ ignorantia & quis metus excuset ab incurfu Excommunicationis? ibid. n. 28. Excommunicatio major, & minor quos effectus habeat in Clericis, & si hac vel illâ innodati Divina Officia celebrent, vel ministrent, quid incurrant? p. 276. c. un. n. 2. 4. 5. 6. & 8.

## INDEX

6. & 8. & p. 277. n. 9. Excommunicatio edita contra percipientes Clericum vel Monachum breviter elucidatur. p. 306. c. 3. n. 1. & 2. & p. 307. n. 3. & 4. & p. 308. n. 6. ab incurfu hujus Excommunicationis qui excusentur? p. 307. n. 5. quando occidens Clericum non incurrat Excommunicationem? p. 308. n. 9. omnes hæretici utriusque sexus, eorumque fautores, receptores, & defensores incurrunt Excommunicationem. ibid. n. 10. in Ordine nostro Franciscano qui fulminare possint sententiam Excommunicationis in suos subditos? p. 313. c. 6. n. 1. non licet subditis Minoritis Excommunicationem à Prælati inferioribus latam contemnere, aut non formidare; possunt tamen reclamare apud Superiores Majores Ordinis, si sine discretione fulminata sit. ibid. n. 2.

*Executio* Testamentorum ad quem spectet? p. 84. n. 8. Executores qui esse possint, & ad quid obligentur? ibid.

*Exemptionem* à solutione Tributorum & Gabeliarum quæ personæ habeant, & quo Jure? p. 167. c. 3. n. 1. & seqq.

*Expositio*, & abjectio infantis ut pereat, vel per alios miseratione ductos alatur, grave crimen est. p. 247. c. un. n. 2. similiter graviter peccat qui exponit languidos, & infirmos, quique ipsi alimenta impie denegat. ibid. n. 3. si genitores proles suas alere nequeant, non propterea sunt exponendi. ibid. n. 4. exponentes infantes ut pereant, quæ poenâ digni sint? ibidem n. 5.

## F.

**F***alsicia* detractionem facere ex legatis factis quid sit? p. 83. c. 2. n. 3. quando hæc fieri possit, & quando non? ibid. n. 4.

*Falsificansum*, iustas mensuras, & pondera, quæ olim poena, & quæ nunc? p. 54. n. 17.

*Falsum* prout crimen importat, describitur. p. 268. c. 1. n. 2. quibus quatuor modis principaliter committi possit? p. 269. n. 3. 4. 5. & 6. pro falsariis, tum Laicis, tum Clericis, quæ poenæ statutæ sint? ibid. c. 2. n. 1. & p. 270. c. 2. n. 2. Falsificantes monet, quæ poenâ afficiendi? ibid. n. 3. Frater Minor committens crimen? alii quid incurrat, & qualiter puniendus? ibid. c. 3. n. 1. Fratres falsificantes literas, aut sigilla Prælatorum Ordinis nostri Franciscani quæ poenâ castigandi. ibid. n. 2.

*Feloniam* committere quid sit? p. 66. c. 3. num. 6.

*Feudum* unde dictum, & à quibus primitus institutum fuerit? p. 63. c. 1. n. 1. dupliciter accipitur. ibid. & describitur. ibid. n. 2. Feudum cum Emphyteusi in quibus conveniat, & in

quibus ab ea differat? p. 64. n. 3. variz ejusdem divisiones. ibid. n. 4. quædam dubia circa Feuda resolvuntur. ibid. c. 2. n. 1. & seqq. quæ res per se nequeant in Feudum dari? p. 65. n. 6. Feudatarius nequit alienare Feudum sine consensu Domini directi infeudantis. ibid. n. 9. potest tamen cum consensu ejusdem. p. 66. n. 10. tribus modis acquiruntur Feuda. ibid. c. 3. n. 1. quomodo *pactis* cum investitura Feuda acquirantur? ibid. quomodo acquirantur *Præscriptione*, & *Successione*? ibid. n. 2. qui à successione in Feudis excludantur? ibid. n. 3. & 4. ex quadruplici causa Feuda amittuntur. ibid. n. 5. & 6.

*Fideicommissum* quid sit, quomodo coincidat cum Legato, & ab eo differat? p. 80. c. 1. n. 1. quibus fieri possit? ideicommissum? p. 84. cap. 6.

*Fidejussoris* Etymologia. p. 70. c. 1. n. 1. dupliciter sumitur. ibid. quomodo distinguatur à Constitutore, Mandatore, & c. ibid. n. 2. Ejus descriptio. ibid. n. 3. qui regulariter admittantur pro Fidejussoribus? ibid. c. 2. n. 1. & qui non? ibid. n. 2. quando Clericis permittatur fidejubere? p. 71. n. 3. Fidejussores adhiberi possunt in omni genere obligationum. ibid. n. 4. Jure competunt illis duo beneficia seu exceptiones. ibid. n. 5. in tribus casibus Fidejussor potest agere contra debitorem. ibid. n. 6. Nemo ex Ordine nostro Franciscano potest agere Fidejussorem formalem in causis bona temporalia concernentibus. ibid. c. 3. n. 1.

*Filicidium* quid sit? p. 246. c. 1. n. 1. gravissimè lege humana & Divina prohibitum est. ibid. n. 2. Filicidii poenæ & crimen ad quos extendatur? ibid. n. 3. secundum Jura Civilia Filicidii poenæ quæ? ibid. n. 4. an parentes culpandi, qui infantem de nocte reposuerunt in suum communem lectum, & is deinde mortuus reperiatur? p. 247. n. 6.

*Fornicatio* unde dicatur? p. 256. c. 4. n. 1. ejus descriptio. ibid. est sub mortali prohibita. ibid. n. 2. an pro simplici fornicatione aliqua poenâ constituta sit? ibid. n. 3. Fornicarius ad quid obligetur? ibid. Clericus Fornicarius cum scandalo deponendus est ab officio & beneficio. ibid.

*Furtum* unde dictum, & quid sit secundum Juris Conf. ? p. 260. c. 1. n. 1. ejus descriptio. ibid. n. 2. Furtum rei in quantitate notabili deliberatum est sub mortali peccato prohibitum. ibid. n. 3. quæ sit quantitas notabilis sufficiens ad peccatum mortale? p. 261. n. 4. 5. 6. & 7. & p. 262. n. 8. Furti divisio. ibidem n. 9. Secundum Jura Civilia, & Canonica, ac Divinam Legem pro diversitate furtorum, diversæ statutæ sunt poenæ tum pro Clericis, tum pro

Laicis

## RERUM PRÆCIPUARUM.

Laicis. p. 262. c. 2. n. 1. 2. 3. & 4. & p. 263. n. 5. & 6. Frater Minor committens Furtum rei factæ, vel alterius rei notabilius de rebus Monasterii incurrit casum reservatum. *ibid.* c. 3. n. 1.

### G.

**G**eneralis Minister Ordinis nostri si moriatur extra suam Familiam, quid faciendum? p. 28. n. 4. dum ingreditur intra claustra Monialium quot Socios habere debeat? p. 129. c. 3. n. 3.

*Gerontocomia* quæ loca dicantur? p. 130. c. 1. n. 1.

*Gradsu Consanguinitatis* quid sit? p. 201. c. 1. n. 4. Plura vide verb. *Consanguinitas*.

### H.

**H**abitum Clericalis quis censeatur decens & conveniens? p. 5. n. 3. cuius communiter coloris, & formæ esse debeat? *ibid.* n. 4. qualis concessus sit Cardinalibus, Episcopis, & quibusdam Prælatibus? *ibid.* Habitum Clericalem non deterentes quas pœnas incurrant? p. 6. n. 5.

*Hæreses* qui institui possint, & qui non? p. 87. n. 12. Hæresis substitutiones qualiter licite fieri possint? *ibid.* c. 2. p. 2. si filius hæres se sentiat gravatum fideicommissio, vel legatis in testamento factis, quid agere possit? *ibid.* c. 2. n. 3. Hæres necessarius an possit renunciare hereditati? p. 84. n. 7. nullus Ordinis nostri Franciscani potest institui hæres formalis in Testamentis. p. 85. c. 3. n. 2. quis sit hæres peregrini in locis remotis intra hospitale detentus? p. 87. c. 4. n. 3. De successione ab intestato, vide *Successio*.

*Hæresis* græcum vocabulum, latine quid significet? p. 239. c. 1. n. 1. Ejus descriptio. *ibid.* n. 2. quæ requirantur, ut quis dicatur formalis hæreticus? *ibid.* n. 3. 4. 5. 6. 7. & 8. Hæreticus formalis plectitur pœnâ Excommunicationis majoris latæ sententiæ. *ibid.* c. 2. n. 1. ut præfata Excommunicatio incurratur quæ conditiones requirantur? *ibid.* quas pœnas ultra incurrat formalis Hæreticus? p. 240. n. 2. 3. 4. & 6. si Clericus efficiatur formalis & manifestus Hæreticus, qualiter cum eo procedendum? *ibid.* n. 5. cur rigor pœnarum non observetur, nec observari possit circa Hæreticos formales? *ibid.* c. 3. n. 1. quibus vetitum sit disputare cū Hæreticis formalibus? *ibid.* n. 2. qui possint absolvere ab Hæresi occulta & publica in foro conscientie? p. 241. n. 3. de Jure

communi Hæreticus notorius Laicus ad Fidem Catholicam converteri remanet irregularis. *ibid.* n. 4. filii Hæreticorum, etiam Catholici effecti, quibus priventur? *ibid.* n. 5. dicti filii, uti & fautores, & receptores Hæreticorum sunt irregulares. *ibid.* & hi præter excommunicationem quas pœnas incurrant? *ibid.* n. 6. nè latius serpat crimen Hæresis quæ ordinata à S. Canonibus? p. 242. n. 7. Criminis Hæresis ordinarii Judices qui? *ibid.* n. 8. ad quid obligentur Principes sæculares in exterminandis Hæreticis? *ibid.* n. 9. in causa Hæresis quomodo procedi possit? *ibid.* n. 10. omnis Hæreticus simul est Schismaticus, non tamen è contra. p. 243. c. un. n. 3. qui Hæretici ad Religionem nostram Franciscanam nequeant suscipi? p. 243. c. 4. n. 1. & quid Fratres Minores possint circa absolutionem ab Hæresi? *ibid.* n. 2.

*Hermaphroditus* qualiter admittendi ad contrahendum Matrimonium? p. 208. c. 2. n. 5.

*Homicidii* crimen ponit impedimentum dirimens Matrimonii subsequentis. p. 191. c. 2. n. 1. & ut verum impedimentum inducat quæ requirantur? *ibid.* n. 2. & p. 192. c. 2. n. 3. Homicidii derivatio. p. 247. c. 1. n. 1. describitur in genere. *ibid.* n. 2. dividitur in Voluntarium & involuntarium seu casuale. *ibid.* n. 3. Voluntarium subdividitur in licitum seu justum, & in illicitum seu injustum. p. 248. n. 4. Homicidium necessarium defensivum quando sit justum, licitum, & permissum? *ibid.* n. 5. quando censeatur fieri cum moderamine inculpatae tutelæ? *ibid.* n. 6. ut aliquod Homicidium voluntarium reputetur injustum, illicitumque factum, quæ requirantur? *ibid.* n. 7. Secundum Jus Canonicum quas pœnas incurrat Homicida voluntarius injustus? *ibid.* c. 2. n. 1. & 2. quas si Laicus, & quas si Clericus sit? *ibid.* n. 1. variz sortes Homicidarum, & variz pœnz eorundem. p. 249. n. 3. & 4. qui non sint censendi Homicidæ formales, nec consequenter irregulares? *ibid.* c. 3. n. 1. & 3. & p. 250. n. 4. & qui incurrant irregularitatem? p. 249. c. 3. n. 2. & p. 250. n. 5. & seqq. an & qui Homicidæ ad Ordinem nostrum Franciscanum possint recipi? p. 251. c. 4. n. 1. quâ pœnâ puniendus esset Frater Minor si (quod DEUS avertat) occideret suum Superiorem localem, vel Provincialem, vel etiam tantum sæcularem? *ibid.* n. 2.

*Honestas* à Clericis requisita alia est interior, alia exterior. p. 2. c. 1. n. 5. quznam in specie exposcat Clericorum honestas? p. 3. c. 2. n. 1. & seqq. quæ honestas vitæ requiratur in Cleri-



# INDEX

cis Minoriticis seu Ord. Fratrum Minorum?  
p. 6. c. 4. n. 1. & seqq.

*Hora Canonica* horis competentibus debet  
perfolvendz. p. 149. c. 3. n. 1.

*Hospitalia* unde dicantur? p. 130. c. 1. n. 1.  
cententur inter domos Religiosas. ibid. au-  
thoritate Episcopi erecta jurisdictioni ejusdem  
subjacent. ibid. n. 2. si unum Hospitale unia-  
tur alteri, manet subiectum illi Episcopo in cu-  
jus Diocesi situm est. ibid. n. 4. quæ Hospita-  
lia Episcopus visitare possit, & quæ non? p. 131.  
n. 6. & 7.

*Hypotheca*, vide *Pignus*.

## I

**J***eiunium* Ecclesiasticum quod dicatur? p.  
159. c. n. 1. Ejus descriptio. ibid. n. 2. in Je-  
junio Ecclesiastico tria necessariò servan-  
da. ibid. n. 3. 4. & 5. & p. 160. n. 8. quomodo  
adhuc censeatur unica moraliter refectio,  
etiam si illa interruptatur? ibid. n. 6. etsi in die  
Jejunii plures fierent refectiões, unicum ta-  
men peccatum mortale erit. ibid. n. 7. quibus  
diebus statuta sint Jejunia de præcepto obser-  
vanda? ibid. n. 9. si Festum Nativitatis Domi-  
ni incidat in feriam sextam, licitum est vesci  
carnibus. ibid. n. 10. si aliquod Festum habens  
Vigiliam cum Jejunio incidat in feriam secun-  
dam, Jejunium servandum est Sabbatho præ-  
cedenti. ibid. ob tres causas quædam personæ  
excusantur à Jejunio; ibid. n. 11. non tamen ab  
abstinentia à carnibus. p. 161. n. 12.

De *Illegitimis*, eorūque legitimatione, vi-  
de verb. *Legitimi* & *Liberi*.

*Imaginum* sanctarum cultus est licitus. pag.  
158. n. 4.

*Immunitas* describitur in genere. p. 163. c. 1.  
n. 1. clarior Immunitatis Ecclesiasticæ descri-  
ptio. ibid. n. 2. vocatur etiam Libertas, seu  
Exemptio Ecclesiastica. ibid. n. 3. Immunitas  
alia est localis, alia realis, alia personalis. ibid.  
localis consistit in variis. p. 164. n. 4. & 5. quo  
Jure competat Ecclesiis, aliisque locis piis  
Immunitas? ibid. c. 2. n. 1. contra eam nulla  
consuetudine potest præscribi. ibid. n. 2. quæ  
loca sacra gaudeant privilegio Immunitatis  
Ecclesiasticæ? ibid. n. 3. & p. 165. n. 4. & 5. quæ  
personæ gaudeant ejusmodi privilegio? ibid.  
n. 6. & 7. & p. 166. n. 8. & quæ non gaudeant?  
ibid. n. 9. Immunitas Ecclesiastica quos ope-  
retur effectus? p. 167. n. 10. & 11. infringentes  
Immunitatem Ecclesiasticam committunt Sa-  
cilegium, & quid incurrant? ibid. n. 12. Ec-  
clesiæ, ac personæ Ecclesiasticæ, earūque res  
regulariter immunes sunt & exemptæ utroq;  
Jure à solutione Tributorum & Gabellarum,

ibid. c. 3. n. 1. hæc exemptio fundata est in Le-  
ge Divina & naturali. p. 168. n. 2. privilegio  
hujusmodi Exemptionis qui gaudeant. ibid.  
n. 3. in quibus casibus Ecclesiastici obligen-  
turolvere tributa? ibid. n. 4. & si relucetur,  
à quo possint cogi ad solvendum? p. 169. n. 5.  
quas pœnas incurrant violantes Immunita-  
tem Ecclesiasticam per impositionem exactio-  
num? ibid. n. 6.

*Impedimentum* Matrimonii generaliter ac-  
ceptum quid sit? p. 188. c. 1. n. 2. in quibus sit  
potestas statuendi Impedimenta Matrimonii  
tam dirimentia, quam impediencia tantum?  
ibid. n. 3. 4. & 6. & in quibus non? ibid. n. 5.  
& 7. solemniter celebrantes Matrimonia cum  
Impedimento dirimente qualiter peccent? p.  
189. n. 8. Quid sit Impedimentum publicæ ho-  
nestatis, & unde orlatur? p. 174. n. 5. & p. 204.  
c. 3. n. 4. & 5. Ejus descriptio. ibid. n. 2. est du-  
plex hujusmodi Impedimentum. ibid. n. 3.  
Impedimentum dirimens Matrimonii po-  
nunt Coactio, violentia, & vis gravis injusta.  
p. 179. c. 6. n. 2. Impedimenta dirimentia Ma-  
trimonii quot, & quot impediencia tantum?  
p. 189. n. 9. & p. 209. c. 1. n. 4. & 5. quid facien-  
dum si contrahatur Matrimonium cum impe-  
dimento dirimente occulto? ibid. n. 10. &  
quid si unus Conjugum tantum sit confcius  
hujusmodi Impedimenti, & alter ignoret? ibi.  
n. 11. 12. & 13. quomodo Matrimonium nulli-  
ter contractum ab initio ob occultum Impe-  
dimentum dirimens possit convalidari? ibid.  
n. 12. & 14. in Impedimentis Matrimonii quis  
dispensare possit, & in quibus? p. 210. c. 2. n. 1.  
& 5. debet adesse justa causa dispensandi, &  
quæ sint illæ? ibid. n. 2. & 3.

*Impotentia* descriptio. p. 205. c. 1. n. 2. Ejus  
divisio. ibid. n. 3. & 4. causæ efficientes Impo-  
tentiam variz. ibid. n. 3. quæ ponat Impe-  
dimentum dirimens Matrimonii contracti? ibid.  
n. 5. & p. 206. n. 6. & 8. & quæ non ponat tale Im-  
pedimentum dirimens Matrimoni contracti,  
& subsequenti? p. 206. n. 7. & 9. allegatà Im-  
potentiâ cujus autoritate dissolvendum sit  
Matrimonium jam contractum? ibid. n. 10.  
quid si ambo Conjuges de tali Impotentia fal-  
se jurassent, & vir reputatus frigidus aliud  
contraxisset Matrimonium, illudque consum-  
masset, aut aliam fornicariæ cognovisset? p.  
207. n. 11. & c. 2. n. 3. nec soli viro, nec soli fo-  
minæ alleganti Impedimentum Impotentiz  
credendum est. ibid. c. 2. n. 1. hoc Impedimen-  
tum etiam primò post multos annos allegari  
potest. ibid. n. 2. qui habeant Impedimen-  
tum Impotentiz ad valide contrahendum  
Matrimonium? ibid. n. 4.

*Impubertas* qui dicantur? p. 182. c. 1. n. 1. ut  
Impube-

## RERUM PRÆCIPUARUM.

Impuberum sponsalia valida sint, quæ ætas requiratur? *ibid.* **n. 3.** an tractu temporis sponsalia Impuberum convalescant? *ibid.* **n. 3.** quando Impuberes resiliere possint? *ibid.* **n. 4.** an Parentes pro Filiis puberibus, vel Impuberibus valida possint contrahere sponsalia de futuro? *ibid.* **n. 5.** an si pubes contrahat sponsalia cum Impubere teneatur hunc expectare usque ad annos pubertatis? *ibid.* **n. 6.** quis possit dispensare ut Impuberes Matrimonio jungantur? *p. 183. n. 7.* puer censendus is qui adhuc est Impubes & intra **7.** & **14.** annum constitutus, & puella intra **7.** & **12.** annum. *p. 272. c. un. n. 1. pueri* & puellæ delicti capaces ob sua delicta gravia qualiter puniendi? *ibid.* **n. 2.** parentes ob delicta filiorum puerorum vel puellarum Impuberum non debent conveniri, vel mulctari pœnâ pecuniariâ. *p. 273. num. 3.*

*Incediarius* definitur. *p. 260. c. 2. n. 1.* Secundum Jura Civilia & Canonica quæ pœnæ Incediariis infligendæ? *ibid.* **n. 2.** & **3.**

*Incestus* quale afferat impedimentum Matrimonii? *p. 199. c. l. n. 2. & 3.* præter Impedimentum quas pœnas incurrant Incestuosi? *ibid.* **n. 4.** & **5.** ut ex Incestu verè censetur conjugere Impedimentum dirimens, quas debeat habere conditiones? *ibid.* **n. 6.** quando hoc Impedimentum non contrahatur à femina? *p. 200. n. 7. & quando* contrahatur à viro incestuoso? *ibid.* **n. 8.** Incestus descriptio. *p. 256. c. 4. n. 6.* committitur aliquando cum, aliquando sine Matrimonio. *ibid.* **n. 7.** Incestus tum Laici, tum Clerici qualiter puniendus? *ibid.* si Incestus commissus sit cum Matrimonio, quæ pœna Jure Civili statuta sit? *p. 257. n. 8.*

*Indulgentia* descriptio. *p. 297. c. 2. n. 1.* in Ecclesia est potestas concedendi Indulgentias. *ibid.* **n. 2.** Indulgentia variè dividitur. *ibid.* **n. 3.** & **4.** Indulgentiæ quem habeant effectum? *ibid.* **n. 5.** & **6.** quomodo concedantur vivis, & quomodo defunctis? *p. 268. n. 7.* & quomodo Papa sibi det Indulgentias? *ibid.* an Indulgentiæ pro defunctis habeant certum & inalterabilem effectum? *ibid.* **n. 8.** ut Indulgentia licitè & validè concedatur requiritur pia & rationalis causa, *ibid.* **n. 9.** ad lucrandas Indulgentias quæ requisita sint necessaria? *ibid.* **n. 10.** qui possint concedere Indulgentias? *ibid.* **n. 11.** Fratribus Minoribus ac aliis Regularibus olim plurimæ à Summis Pontificibus fuerunt concessæ Indulgentiæ. *p. 300. c. 3. n. 3.* quæ adhuc sint in vigore? *ibid.* quando soleat Pontifex Indulgentiam plenissimam concedere sicut in anno Jubilæi? *p. 299. n. 14.*

De *Infantibus*, & *languidus expositis*, vide verb. *Expositus*.

*Infidelis* quis communiter censendus? *p. 115. c. l. n. 1.* inter Infideles Conjuges quale sit Matrimonium? *ibid.* **n. 2.** & *p. 208. n. 3.* si unus Infidelium convertatur, alter non, cui assignanda sit communis proles? *ibid.* **n. 3.** quale inter illos institui possit Divortium? *p. 215. n. 14.* Conversio ad Fidem Catholicam non patrociniatur in gravioribus criminibus. *p. 116. n. 4.* exemplificatur hoc ipsum. *ibid.* & **n. 5.**

*Injuriæ* Erymon. *p. 290. c. 1. n. 1.* Ejus descriptio. *ibid.* **n. 2.** *Injuria* quatuor communiter modis potest inferri. *ibid.* **n. 3.** quæ pœnâ puniendus is, qui affert alteri Injuriam gravissimam per libellum famosum? *ibid.* **n. 4.** dupliciter potest agi ad refarciendas Injurias. *ibid.* quædam Injuriz sunt atroces, quædam leves, unde juxta gravitatem Injuriz pœna taxanda erit. *ibid.* **n. 5.** si Injuriatus retorquat in contententi Injuriam illatam, talis nequit conveniri Injuriarum crimine. *p. 291. n. 6.*

*Inquisitio* quid sit? *p. 224. c. 4. n. 2.* alia est generalis, alia specialis. *ibid.* **n. 3.** ad Inquisitionem speciale ritè instituendam quæ requirantur? *ibid.* **n. 4.** sin Inquisitione specialis non servetur debitus Juris Ordo, ad quid Judex obligetur? *p. 225. c. 4. n. 5.* in Inquisitione generali quomodo se gerere debeat Judex Franciscanus? *p. 228. n. 13.*

*Institutio* beneficii alia est justa, alia injusta. *p. 28. c. 1. n. 1.* Institutionis justæ & canonicæ varij sunt modi. *ibid.* variè etiam sumitur Institutio. *ibid.* **n. 2.** *Ejusdem descriptio.* *ibid.* **n. 3.** quis possit instituire Clericos in beneficiis? *p. 32. c. 2. n. 1. 2. & 3.* & quis non possit? *ibid.* **n. 4.** Instituti in aliquo beneficio qualitates requiritæ. *ibid.* **c. 3.** quot ordinariè pro uno loco instituendi sint? *ibid.* **n. 7.** Institutionem sequitur investitura. *ibid.* **n. 4.** Institutio quibus necessaria? *p. 30. n. 5.*

*Interdicti* descriptio. *p. 311. c. 5. n. 1.* Ejusdivisio. *ibid.* **n. 2.** dum locus interdicatur, etiam personæ illius loci interdictio innodatur, qui Interdictio causam dederunt, ubicunque morantur. *p. 312. n. 3.* si Civitas Interdictio subijciatur etiam habitacula proxima extra mœnia Interdictio involvuntur. *ibid.* **n. 4.** non tamen extranei eò certis de causis accedentes, nec probabiliter Studioſi Universitatis ibidem existentes; nec Clerici, & Religiosi? *ibid.* **n. 6.** dum Ecclesiæ interdiciuntur etiam Capellæ & Cœmeteria interdiciuntur? *ibid.* **n. 5.** Interdictum antiquo Jure Canonico quos habebat effectus? *ibid.* **n. 7.** & **10.** fuerunt tamen deinde

# INDEX

limitati. *ibidem* n. 8. 9. & 11. quæ Sacramenta possint administrari tempore Interdicti? *ibid.* n. 11. & 12. Interdictum etiam inducit per modum effectus privationem sepulturæ. *ibid.* n. 13. & hic effectus est generalissimus. p. 313. n. 14. & 15. Ecclesiastici imò & Laici violantes Interdictum locale vel personale peccant mortaliter. *ibid.* n. 16. quæ sint pœnæ violantium Interdictum? *ibid.* n. 17. Ut Interdictum legitime feratur debet præcedere culpa mortalis. *ibid.* n. 18. absque licentia Papæ non potest interdicti integra Provincia. *ibid.* n. 19. Interdicti locali multum assimilatur *Cessatio à Divinis*. *ibid.* n. 20. quomodo ab eo differat? *ibid.*

*Investitura* ritus varii pro diversitate locorum. p. 29. c. 3. n. 4. ad quem de Jure communi spectet? *ibid.*

*Jubilæum* quid fuerit, & quid operabatur apud Judæos? p. 299. n. 12. unde derivetur? *ibid.* in Ecclesia annus Jubilæus quid sit? *ibid.* in anno Jubilæi quæ Indulgentiæ plenariæ suspendantur, & quæ non? *ibid.* n. 13. Jubilæum quomodo distinguatur ab Indulgentia plenaria? *ibid.* n. 14. an Jubilæum per duas septimanas extensum, sæpius quam semel possit obtineri? *ibid.* n. 15. opera in Bulla præscripta quomodo possint adimpleri, & commutari? *ibid.* n. 14. 16. & 17. an omnia opera unâ hebdomadâ sint absolvenda? *ibid.* quomodo completo Jubilæo pœnitens possit absolvi à Reservatis obliis? *ibid.*

*Judæi* unde dicti? p. 237. c. un. n. 1. qualiter concedatur Judæis habitatio in terris Christianorum? *ibid.* n. 2. quæ est contra iisdem sint interdicta? *ibid.* n. 3.

*Judex* ut debite fungatur officio suo in infligendis pœnis ad quæ se prudenter reflectere debeat? p. 392. c. l. n. 5. Judex Minoriticus regulariter debet punire delicta pœnis à Statutis Generalibus, vel Municipalibus præfixis. p. 294. c. 3. n. 2. quid possit, si Reus non sit capax pœnarum statutarum; vel eidem delicto duplex assignetur pœna, una ex Jure communi, & alia ex Statutis Regularibus; vel si eidem delicto diversæ pœnæ ex diversis Statutis taxentur, quæ sint impossibiles? *ibidem* n. 3.

*Judicium* Ecclesiasticum criminale instituitur tribus modis. p. 220. c. l. n. l. an & quando in Judicio criminali accusatorio procedendum, sicut in Civili? p. 223. c. 3. n. 3. Judicium criminale adhuc aliis tribus modis institui potest. p. 226. n. 6.

*Jus Patronatus* describitur. p. 133. n. 2. Jus Patronatus aliud est Ecclesiasticum, aliud Laicum, aliud Civile, & aliud mixtum. *ibid.* n. 3. quinq; de causis acquiritur Jus Patronatus.

*ibid.* n. 4. si concurrant plures ad erectionem Ecclesiæ vel Beneficii, singuli efficiuntur in solidum Patroni illius. *ibid.* n. 5. si plures Patroni actu præsentent, quomodo fieri debeat Collatio beneficii? *ibid.* n. 6. quomodo verò si plures præsententur à Laico Patrono, & quomodo si à Patrono Ecclesiastico? *ibid.* n. 7. Utrique Juri Patronatus, & Laico, & Ecclesiastico qui possint derogare, & qui non possint? *ibid.* n. 8. & p. 134. n. 9. & 10. qui sint capaces Juris Patronatus, & qui non sint? *ibid.* c. 2. n. 1. 2. & 3. quot & quæ Jura sint concessa Patronis? *ibid.* n. 4. quid eis non comperat? *ibid.* n. 5. & 6. Juris Patronatus translatio potest contingere quatuor modis. p. 135. c. 2. n. 1. quomodo transferatur per successionem? *ibid.* n. 2. & 4. si hæredes, vel Patroni discordent in præsentando, quid possit Episcopus? *ibid.* n. 3. quomodo Jus Patronatus transferatur per donationem? *ibid.* n. 4. quomodo per venditionem, & per permutationem? *ibid.* n. 6. & 7. cum qua intentione Jus Patronatus à Clericis nec emendum, nec aliò titulo acquirendum. p. 136. n. 11. quando Jus Patronatus transfertur in aliam personam qualiter nihil sit immutandum? p. 136. c. 4. n. 1. Jura Patronatus quomodo possint dari in feudum vel Emphyteusim? *ibid.* n. 2. absque consensu Patroni nequit Ordinarius Ecclesiam vel beneficium quod est Juris Patronatus concedere vel unire alteri Ecclesiæ, &c. *ibid.* n. 3. Jus Patronatus deperditur variis modis. p. 137. n. 4.

## K.

**K** Litera antiquitus inurebatur in fronte Calumniatoris. pag. 228. cap. l. num. 3.

## L.

**L** *Audemum* quid sit? p. 52. n. 4. *Lectores* Philosophiæ & Theologiæ, vide *Magistri*.

*Legatum* quid sit? p. 89. c. l. n. l. & p. 84. n. 6. qui legare, & quæ legari possint? *ibid.*

*Legitima* detractio ex legatis factis quid sit? p. 83. c. 2. n. 3.

*Legitimi filii* qui censeantur esse? p. 210. c. l. n. 2. & p. 211. n. 4. 5. 6. 7. & 8. & qui illegitimi? *ibid.* n. 9. Illegitimi græcè vocantur *Nothi*, *ibid.* omnes filii illegitimi ad quæ reputentur inhabiles? *ibid.* n. 10. Illegitimorum legitimatio fieri potest tribus modis. *ibid.* c. 2. n. 1. & 2. & p. 212. n. 4. & 5. qui filii per subsequens Matrimonium legitimari non possint? *ibid.* n. 3. ad probandam legitimationem naturalium



## RERUM PRÆCIPUARUM.

Alium quid requiritur? ibid. n. 6. & ad invalidandam legitimationem quid probari oporteat? ibid. n. 7. Legitimatio prolis per quæ efficaciter probetur? ibid. n. 8. quæstio natalium cognoscenda est à Judice Ecclesiastico. ibid. num. 9.

*Lepra* morbus non rectè statuitur pro impedimento dirimente Matrimonii jam contracti & consummati. p. 192. c. un. n. 1. si Coniuges post supervenientem lepram nequeant sese affectione conjugali tractare, ad quid inducendi sint? ibid. n. 3. Leprosi possunt inire Matrimonia non obstante lepra ibid. n. 4. an Coniunx sanus teneatur leproso regulariter reddere debiquam, si id exigat? ibid. n. 5. Lepra superveniens dissolvit sponsalia de futuro prius contracta. ibid. n. 6.

*Liberi* in multiplici sunt differentia. p. 85. c. 1. n. 4. 5. 6. & 7. quomodo succedant in hereditatibus, & qui præferendi? ib. Proles genitæ ex libero ventre efficiuntur liberæ, etsi pater fuisset servus, & contra. p. 195. c. un. n. 1. ad libertatem prolis sufficit ut Mater fuerit libera aliquo tempore. ibid. n. 3. aliàs proles legitime natz quoad familiam, nobilitatem, & dignitatem sequuntur conditionem patris, & non matris. ibid. n. 4. quandoque etiam quoad libertatem sequuntur conditionem patris. p. 193. c. 1. n. 6.

*Ligamen* prioris Matrimonii ponit impedimentum dirimens sequentis. p. 185. c. 1. n. 2.

*Lancea* Consanguinitatis quid sit, & quatuorplex? p. 201. c. 1. n. 4. Plura vide verb. *Consanguinitas.*

*Locatum-Conductum* pro quo sumatur? p. 96. c. 1. n. 1. Locatio-Conductio describitur. ibid. n. 2. aliquæ res Ecclesiasticæ locari possunt ad breve tempus, nulla tamen ad longum tempus. p. 57. c. 2. n. 1. & 2. quod breve, & quod longum tempus censeatur? ibid. conclusio contractû Locatio-Conductionis ad quid regulariter teneatur & cogi possit Locator & Conductor? ibid. n. 3. & 4. quas Locationes prohibuerit Concilium Tridentinum. ibid. n. 5. res locata rursus alteri locari potest. ibid. n. 6. si contingat rem locatam divendi, Emptor censetur esse potior. ibid. n. 7. quando Conductor absolvatur ab onere reddendæ pensionis? ibid. n. 8. & 9. & quando non? ibi. n. 10. quid Locator pro reparatione aut reparatione rei locatæ præstare teneatur? p. 98. n. 11. ante elapsum tempus non potest Conductor spoliari usu, vel usufructu rei locatæ. ibid. n. 12. & 13. Locanti personales suas operas reddi debet iustum pretium. ibid. n. 14. Conductor ad quid obligetur, & ad quid non, respectu famuli sui locantis personales suas ope-

ras? ibid. n. 15. & seqq. Non licet Fratribus Minoribus aliquid locare in beneficium Ordinis sui. p. 60. cap. 4. n. 1.

## M.

**M**agistri nomine qui intelligantur? p. 136. c. 1. n. 1. Magistri Artium Liberalium, & Theologiæ, & Grammatices in quibus locis Duceſſis constituendi? ibid. n. 2. ejusmodi Magistro competens beneficium pro sustentatione assignandum est. ibid. Magistri Theologi munus quod? ibid. Magistri Theologiæ actu docentes quale habeant speciale privilegium? ibid. n. 3. an sit aliqua simonia dare Magistris, vel accipere stipendium iustum pro munere docendi S. Theologiam? ibid. n. 4. & 5. pro studiis Philosophiæ, & Theologiæ in Ordine nostro Franciscano qualificati Magistri seu Lectores insituenti sunt in Capitulis & Congregationibus Provincialibus. p. 237. c. 2. n. 1. & 2. intra quod tempus Cursum Philosophiæ & Theologiæ absolvere teneantur? ibid. n. 1. ad quid obligentur? ibid. n. 1. & 2. quando quis possit institui Lector Theologiæ? ibid. inter Observantes Lector Theologiæ 6. annorum quale Privilegium habeat? ibid.

*Maledicus* describitur. p. 274. c. un. n. 2. Maledicti crimen qualiter contingat? ibid. n. 1. hoc crimen gravissimè est prohibitum. ibid. n. 3. Maledicus in Summum Pontificem sive Clericum, sive Religiosum, sive Laicum, qualiter puniendus? ibid. n. 4. Maledicus in Cæsarem, vel alium Supremum Principem sæcularem, quâ pœnâ plectendus? p. 275. n. 5. Maledicus in DEUM, ejusque Sanctos si Clericus sit, vel Laicus quâ pœnâ afficiendus? ibid. n. 6. quis censendus sit Maledicus in DEUM, & Sanctos? ibid. n. 7. Frater Minor maledicus in DEUM, vel Sanctos, in Summum Pontificem, D. Protectorem Ordinis, alios Cardinales in genere vel in specie, in Episcopos, & alios Ecclesiarum Prælatos, in suos Superiores Majores, & minores, quibus pœnis castigandus? ibid. c. 2. n. 1.

*Matrimonium* unde dictum? p. 176. c. 4. n. 1. Ejus descriptio. ibid. n. 2. Ejusdem definitio, primò, ut dicit contractum in fieri? secundò ut dicit vinculum, & tandem ut dicit rationem Sacramenti. ibid. n. 3. triplex reperitur Matrimonium. ibid. n. 4. Matrimonium in ratione contractus indissolubilis fuit à DEO institutum statim à principio mundi. ibid. n. 5. conformè fuit legi naturæ, ut in ratione talis contractus institueretur. p. 177. n. 6. Matrimo-

# INDEX

nium fidelium in Lege nova est propriè dictû Sacramentum à Christo institutum. ibid. n. 7. quæ sit Materia Matrimonii, & quæ forma? ibid. n. 8. & quis Minister essentialis hujus Sacramenti? ibid. n. 9. ut Matrimonium debetum sortiatur valorem qualis consensus contrahendum sit necessarius? p. 178. c. 5. n. 1. 6. & 7. an sufficiat solus consensus Conjugum sine consensu Parentum vel Curatorum? ibid. n. 2. 3. 4. & 5. potest etiam per Epistolas vel per Procuratorem fieri contractus Matrimonii. ibid. n. 8. & 9. quæ verba adhibenda à Procuratore? p. 179. n. 10. contrahentes Matrimonium in peccato mortali qui peccet, & qui non? ibid. n. 11. Matrimonium propriè coactum quod dicatur? ibid. c. 6. n. 1. quis metus sufficiat ad invalidandum Matrimonium, & quis non? ibid. n. 2. 3. 4. & 5. preces importunæ quæ sufficiant ad invalidandum Matrimonium, & quæ non? p. 180. n. 7. & 8. Matrimonium nullum est quando ex parte unius actu contrahentis intercedit simulatio animi. ibid. n. 8. taliter simulans qualiter peccet? ibi. n. 9. de hac tamen simulatione etiam juranti non est credendum. ibid. n. 10. Matrimonium consummatum est indissolubile, exceptis tribus particularibus casibus. ibid. n. 11. & 12. Matrimonium tamen ratum per quæ sit dissolubile? p. 181. n. 13. quæ ætas requiratur ad contrahendum Matrimonium? p. 183. n. 7. quæ solemnitates requirantur, ut Matrimonium non censetur esse clandestinum? p. 184. c. 2. n. 1. cujus Parochi præsentia requiratur ut Matrimonium sit validum? ibid. n. 2. 3. 4. & 5. & coram quo Parochus celebratum sit invalidum? ibid. n. 6. quam pœnam incurrat Sacerdos assistens Matrimonio sine licentia proprii Parochi vel Episcopi? ibid. n. 7. quot testes requirantur & qualiter adesse debeant Matrimonio solemnii? ibid. n. 8. qui possint esse testes? ibid. n. 9. Matrimonium actu ratum non consummatum, per aliud subsquens consummatum non dissolvitur. p. 185. c. 1. n. 3. lite pendente super Matrimonio nequit celebrari aliud. p. 186. n. 4. ad accusandum Matrimonium qui admittendi sint? p. 213. c. un. n. 2. & 3. qui possint admitti ad testificandum contra idem? ibid. n. 4. ab accusando Matrimonium qui repellantur? ibid. n. 5. pro impediendo futuro contractu Matrimonii quot sufficiant testes, & quot requirantur ad dissolvendum Matrimonium? ibid. n. 6. & 7. regulariter accusatio & testificatio personaliter fieri debet. ibid. n. 8. Plura vide verb. *Conjugium.* De *Matrimonio clandestino* vide verb. *Clandestina desponsatio.*

*Mercium* nomine quid intelligatur in contractu. *Empio* - *Venditionis*? p. 50. c. 1. n. 3.

*Mercis* vitium vel defectum occultum an Venditor id sciens teneatur manifestare Emptori? p. 52. c. 3. n. 3. & 5. si res venditæ deteriores, vel pereant, quis debeat subire iacturam? p. 53. n. 7. & 8. Mercis carius vendere extraneis, quam indigenis non est licitum. p. 54. num. 16.

*Missa* qualis vox sit, Hebraica, vel Latina? p. 143. c. 1. n. 1. quid per eam intelligatur? ibi. in Missa nostra Catholica quid à Sacerdote offeratur? ibid. n. 2. Sacrificii Missæ valor est simpliciter finitus. ibid. n. 3. qui sint effectus Sacrificii Missæ? p. 144. n. 4. 5. 6. & 7. quo tempore licitum sit omni Sacerdoti Missam celebrare? ibid. n. 8. licite & ordinatè Missa celebretur, quæ requirantur? ibid. n. 11. & p. 145. n. 12. 13. 14. 15. 16. & 17. In Nativitate Domini, & in casibus necessitatis licet eidem Sacerdoti plures Missas legere, alias non. ibid. n. 19. quot & qui sint illi casus necessitatis? ibid. n. 20. si bis celebretur quid requiratur? p. 146. n. 21. quo tempore Fratres Minores, & alii Regulares præsertim Mendicantes celebrare possint Missam? p. 150. c. 4. n. 1 & 2. quomodo & qualiter ubique celebrare possint in Altari portatili? ibid. n. 3. 4. & seqq.

*Mollities*, quæ & Pollutio vocatur, describitur p. 257. n. 14.

*Monachus* unde dictus? p. 127. c. 1. n. 1. Monachorum status describitur. ibid. n. 2. Monachorum nomine in favorabilibus veniunt omnes Religiosi. ibid. n. 1. circa statum Monachorum quæ sint statuta à Sacris Canonibus? ibid. n. 3. 4. & 6. quale peculium habere possint? ibid. n. 5. qui Monachi & Regulares teneantur singulis trienniis celebrare Capitula Provincialia? p. 128. n. 8. quæ negotia secularia prohibita sint Monachis? p. 169. c. 1. n. 1. & seqq. Monachi seculariter viventes ad Observantiam Regularem compelli debent. p. 170. num. 4.

*Monasteria* quæ jurisdictioni Episcopi subiecta? p. 130. c. 1. n. 2. si unum Monasterium uniatur alteri manet subiectum illi Episcopo in cuius Diocesi situm est. ibid. n. 4.

*Moniales* quot personas recipere possint ad sua Monasteria? p. 128. c. 2. n. 1. de Jure communi obligantur ad servandam clausuram. ibid. ob quas causas excusentur ab observantia clausuræ? ibid. n. 2. quis iisdem dare possit licentiam egrediendi & clausuræ? ibid. n. 3. egredientes sine sufficienti causa & facultate debita in quam Excommunicationem incidunt? ibid. Monialium Conventus exempti & non exempti quando & à quibus debeant visitari? p. 129. n. 5. Moniales Ordini nostro subiectæ quando & à quibus canonicè visitandæ? ibidem

## RERUM PRÆCIPUARUM.

ibid. c. 3. n. inobedientes contumaciter qualiter coercendæ? ibid. ad earum Monasteria accedere Fratribus nostris prohibitum est. ibid. nec licet iisdem, imò nec ipsis superioribus comedere in ædificulis pro Confessionibus & Visitationibus deputatis. ibidem. qui, quomodo, & quando ingredi possint intra claustra Monialium? ibid. n. 2. non possunt. pecunias expendere, vel aliqua bona alienare inconsultis Superioribus. ibid. n. 3. Omnes Moniales Ordinis nostri debent agere vitam communem in omnibus, nec ulla earum peculium proprium habere potest. p. 130. c. 3. n. 4. Earum Confessarii quot annos habere debeant, quando instituendi, & à quo approbandi? ibid. n. 5. quoties per annum iisdem, exhibendi sint Confessarii extraordinarii? ibid.

*Montis pietatis nomine quid intelligatur?* p. 167. n. 9. primum Montem pietatis quis erexerit? ibid. Montes pietatis sub quibus modificationibus erecti sint sine labe Usuræ? ibid. n. 10.

*Mutuum unde dictum?* p. 72. c. 1. n. 2. Ejus descriptio. ibid. n. 3. qui possint contrahere Mutuum? ibid. n. 4. & qui non possint? ibid. n. 5. quando Prælatus Ecclesiæ possit contrahere, & dare Mutuum nomine Ecclesiæ? ibid. n. 6. in Mutuo potest licite statui pœna Conventionalis de aliquo pretio, quod Mutuatarius solvere teneatur, si intra præfixum terminum non restituat sortem. p. 166. c. 3. n. 1. ut autem præfata pœna conventionalis rite statui possit, deque ea pacisci, & exigi, quæ requirantur condiciones? ibid. n. 2. Mutuum, sub usuris acceptum, nequit alteri mutuari. ibid. n. 3.

## N.

*Nofocomia quæ loca appellantur?* p. 130. c. 1. n. 1.

*Novitius Regularis quibus gaudeat privilegiis?* p. 107. n. 7. accipit aliquale jus ad professionem. ibid. n. 8. an obligetur ad observantiam Regulæ, & præceptorum Prælati? ibid. n. 9. Sufficiens habitus à Prælato Ordinis nostri Franciscani, vel ejus vices gerente, à quibus absolvi, & in quibus dispensari possit? p. 112. n. 4.

*Nunciatio novi operis describitur.* p. 281. c. un. n. 2. in quibus operibus Nunciatio novi operis fieri possit? ibid. n. 3. novum opus facere quis censetur? ibid. n. 4. Nunciationem novi operis qui possint facere? ibid. n. 5. Nunciatio novi operis perfici potest tribus modis. p. 282. n. 6. quis ejus effectus? ibid. n. 7. n. c.

in Nunciationibus intercedat malitiosa retardatio, Nuncians intra tres menses probare debet, tale solum opus fieri cum præjudicio, & injuria sua. ibid. n. 8. Nunciatio novi operis etiam institui potest, si quis ædificet. Capellam in præjudicium Ecclesiæ Baptistimalis. ibid. n. 9.

*Nuptiæ unde dictæ?* p. 176. c. 4. n. 1. Nuptiarum secundarum nomine quæ intelligantur? p. 218. c. un. n. 1. qualiter Ecclesia permittat & approbet secundas nuptias? ibid. n. 2. ob solam absentiam diuturnam alterius Conjugis nequit alter inire secundas nuptias. ibid. n. 3. antiquo jure civili mulier fiebat infamis transiens ad secundas nuptias intra primum annum luctus post obitum viri, aliisque pœnas incurrere. ibid. n. 4. novo jure hæc sublata sunt. ibid. n. 4. quando secundæ Nuptiæ à Sacerdote non debeant solemniter benedici? ibid. n. 5. illas benedicens quam pœnam incurrat? p. 219. n. 6.

## O.

*Oblationes describuntur.* p. 99. c. 5. n. 3. quomodo differant à Decimis? ibid. n. 4. ex natura sua sunt voluntariæ? ibid. n. 5. à quibus personis recipere Oblationes prohibitum sit? ibid. n. 6.

*Officium Divinum horis competentibus debet persolvendum.* p. 149. c. 3. n. 1.

*Ordinis Sacri susceptio ponit in Clerico impedimentum dirimens respectu matrimonii postea contracti.* p. 190. c. 2. n. 1. excipiuntur aliqui casus. ibid. Clericus post susceptionem alicujus Ordinis sacri celebrans matrimonium efficitur irregularis. ibid. n. 2. quis ejusmodi irregularitatem possit tollere? ibid. Susceptio tamen Ordinum Minorum tantum, non affert tale impedimentum dirimens. ibid. n. 3. susceptio Ordinis sacri à quo jure statuta sit pro impedimento dirimente? ibid. n. 4. non dirimit matrimonium prius contractum, etsi non fuisset consummatum. ibid. n. 5. Clericus ministrans in aliquo Ordine, quem non habet, quas pœnas incurrat? p. 277. c. un. n. 2. ut autem taxatas pœnas incurrat, quæ condiciones requirantur? ibid. n. 3. si quis Laicus sibi usurpaverit ministeria Divina alicujus Ordinis, vel status Clericalis, quibus pœnis afficiendus sit? ibid. n. 4. Ordinatio facta per saltum tenet quidem, & character imprimitur, sed taliter ordinatus est ipso jure suspensus ab executione Ordinis suscepti. p. 278. c. un. n. 2. quis censetur per saltum promotus? ibid. n. 1. quomodo Episcopi possint dispensare cum ejusmodi Clericis per saltum promotis?

# INDEX

motus? *ibid.* n. 3. an per saltum promotus in Ordine suscepto ministrans efficiatur irregularis? *ibid.* *n. 4.* Baptismi omisso invalidat susceptionem Ordinum, non verò omisso Confirmationis. *ibid.* *n. 5.* suscepcio furtiva? Ordinum contingit quatuor modis. p. 279. c. un. *n. 1.* Clericus, qui furtivè suscepit Ordinem incurrit suspensionem, non tamen Irregularitatem. *ibid.* *n. 2. 3. & 4.* an eodem die eidem Clerico possint licitè conferri quatuor Minores, & Subdiaconatus? *ibid.* *n. 5.*

*Ordo Religiosus, vide Religio.*

*Orphanotrophia* quæ loca vocentur? *p. 130. c. 1. n. 1.*

## P.

**P** *Actum* Antichriscus est usurarius, non tamen pactum censuale. p. 267. n. 8. & p. 69. c. 3. n. 2.

*Parochie* originitio. p. 94. c. 1. num. 1. ejus descriptio. *ibid.* *n. 2.* quæ requirantur ut aliqua Ecclesia censeatur verè esse Parochialis? *n. 3.* Jura Parochialis Ecclesiæ quæ? *ibid.* *n. 4.* *Parochia* Rector quas habeat obligationes? *ibid.* *n. 5.* Parochiarum limites nequeunt præscribi. *ibid.* *n. 6.* Parochiarum origo prima. *ibid.* *n. 7.* quæ Ecclesiæ Parochiales subint. jurisdictioni Episcopi? p. 130. *c. 1. n. 2.* si una Ecclesia uniatur alteri, manet subiecta illi Episcopo in cujus Diocesi sita est. *ibid.* *n. 4.* De Parochialibus Ecclesiis unitis seu incorporatis Monasteriis seu Ecclesiis Regularibus. vide verb. *Capella.*

*Parricidium* quid sit? p. 246. *c. 1. n. 1.* gravis-simè Lege Divina & humana prohibitum est. *ibid.* *n. 2.* Parricidii impietas, & pœna ad quos extenditur? *ibid.* *n. 3.* qui præterea ad hoc crimen grande reducantur? *ibid.*

*Patrini* requiruntur in Sacramento Baptismi. p. 154. *n. 22.* munus Patrini quod? *ibid.* *n. 23.* quot olim Patrini admitterebantur, & quot nunc? p. 197. c. 2. *n. 1.* qui non possint esse Patrini? *ibid.* *n. 2.* Procurator deputatus pro Patrino non contrahit cognitionem spirituales. *ibid.* *n. 3.* nec Parens baptizans, vel Patrum agens ex ignorantia, aut necessitate. *ibid.* *n. 4.* secus dicendum si id faciat extra casum necessitatis: simulque peccat mortaliter. *ibid.* *n. 5.*

*Patronus* Ecclesiæ, vide verb. *In Patronatus.*

*Peculii* derivatio. p. 78. c. *1. n. 1.* triplex peculium reperitur apud Clericos beneficiatos. *ibid.* *n. 2.* an in Clericis secularibus & beneficiatis resideat verum Dominium, & respectu quorum bonorum? *ibid.* *n. 3. 5. & 6. & p. 80. n. 12. & 13.* de superfluis Beneficii fructibus

qualiter disponere teneantur? p. 79. *n. 6.* & qualiter peccent si eosdem dissipent? *p. 80. n. 10.* Peculium quale possint habere Monachi? *p. 127. c. 1. n. 5.*

*Pensio* Ecclesiastica quid sit? p. 38. c. 2. *n. 1.* regulariter non licet Beneficiatis imponere Pensiones. *ibid.* *n. 2.* ob justas tamen causas sum; Pontifex, & Episcopus eas beneficiis annexere possunt. *ibid.* & *n. 3.* ut eas quis rite obtinere possit quæ conditiones requirantur? *ibid.* *n. 4.* Pensiones quando communiter extinguantur? *ibid.* *n. 5.* Pensionarius ad quid obligetur? *ibid.* *n. 6.* de Pensionibus Beneficio assignandis quid statuerit Tridentinum? p. 39. *n. 7.* Pensionis reservatio quando & cum, cujus consensu fieri possit? *ibid.* *n. 8.* Pensio tamen dicta debet esse moderata. *ibid.*

*Percussio* graviter vetita est personis Ecclesiasticis. p. 273. c. *1. n. 2.* Clericus spe alium, etiam Laicum illicitè percutiens debet deponi. *ibid.* *n. 3.* quam pœnam incurrat Episcopus jubens Laicum delinquentem cadi graviter fustibus? *ibid.* an & quomodo Episcopus Clericos subditos graviter delinquentes verbis corrigere possit? *ibid.* Percussio quæ censenda sit gravis, & quæ levis? p. 308. *n. 7.* & quæ in Ordine nostro Franciscano censetur levis, & quæ gravis? p. 274. c. 2. *n. 1.* percutiens leviter vel graviter in Ordine nostro qualiter puniendus? *ibid.* *n. 2.* Percussores Monachorum statim sunt vitandi. p. 308. *n. 8.*

*Permutatio rerum* dupliciter accipitur, latè & strictè. p. 61. c. *1. n. 1.* strictè sumptæ descriptio. *ibid.* *n. 2.* quæ res permutari possint, & quæ non? *ibid.* *n. 4.* & seq. res spirituales & Ecclesiastica cum alia re spirituali & Ecclesiastica permutari licitè potest. p. 62. c. 2. *n. 1.* quæ conditiones ad hoc requirantur? *ibid.* *n. 2.* Permutatio beneficiorum Ecclesiasticorum cum conditionibus requisitis facta quomodo subsistat? *ibid.* *n. 3.* quæ beneficia Ecclesiastica permutari possint? *ibid.* *n. 4. 5.* quæ non? p. 63. *n. 5.* in Ordine nostro Franciscano Syndici Apostolici possunt permutare res Ordinis, non verò Fratres. *ibid.* c. 3. *n. 1.*

*Pignus* unde dicitur? p. 67. c. *1. n. 1.* sumitur dupliciter. *ibid.* ejus descriptio. *ibid.* *n. 2.* Pignus & Hypotheca quomodo inter se distinguantur, & conveniant? *ibid.* *n. 3.* Eiusdem divisio. *ibid.* *n. 4.* quæ bona tacito Pignore seu tacitâ Hypothecâ oppignorentur, & hypothecentur? p. 68. *n. 5.* quæ res possint, vel non possint oppignorari seu hypothecari? *ibid.* *c. 2. n. 1. & 2.* Pignoris effectus duo. *p. 69. c. 3. n. 1.* ejus contractui varia pacta solent apponi, & quæ pacta sint illicita? *ibid.* *n. 2.* ex Pignore constituto oritur duplex actio,

una



## RERUM PRÆCIPUARUM.

una pignoratice, altera hypothecaria. *ibid.* *n.* 3. quomodo actio hypothecaria differat à pignoratice? *ibid.* variè Pignus dissolvitur. *ibid.* *n.* 4. Fratribus Minoribus prohibitum est res Convētūs vel Ordinis oppignorare seu hypothecare. p. 70. c. 4. *n.* 1. qualiter ratione Pignoris usura committatur? p. 167. *n.* 7. & 8.

*Pœna* etymon. p. 192. c. 1. *n.* 1. ejus descriptio. *ibid.* *n.* 2. ejusdemque multiplex divisio. *ibid.* *n.* 3. Pœnæ debent infligi secundum tenorem Legum easdem taxantium. *ibid.* *n.* 4. ut Judex debet fungatur officio suo in infligendis pœnis, ad quæ se prudenter reflectere debeat? *ibid.* *n.* 5. Pœna Depositionis tum verbalis tum realis quid sit? p. 193. c. 2. *n.* 1. & 2. Pœna exilii quid? quid Pœna privationis beneficiorum? quid pœna carceris? & quid pœna verberationis? *ibid.* *n.* 3. 4. 5. & 6. quid sit pœna pecuniaria? p. 194. *n.* 7. plures adhuc aliæ pœnæ referuntur. *ibid.* *n.* 8. Pœnæ communiore, quibus utitur Ordo FF. Minorum in puniendis Fratribus delinquentibus, quæ? *ibid.* c. 3. *n.* 1. Superiores Minoritici regulariter punire debent delicta pœnis à statutis Generalibus, vel Municipalibus præfixis. *ibid.* *n.* 2. si Reus non sit capax pœnarum statutariorum, quæ eidem sit infligenda? *ibid.* *n.* 3. si verò eidem delicto duplex assignetur pœna, una ex Jure communi, altera ex statutis Regularibus, quæ sint incompossibiles, quæ pœna tunc imponenda? Reo? *ibid.* quando Fratres obligentur ad pœnas? p. 195. *n.* 4. à quo superiore pœna statuta sit infligenda? *ibid.* *n.* 5. nec differri debent pœnarum statutariorum inflicciones à superioribus inferioribus, usque ad adventum Superioris Majoris. *ibid.* nullus Judex inferior Ordinis nostri potest pœnas à Superioribus Majoribus impositas alterare, vel remittere, sub quibus pœnis? *ibid.* *n.* 6.

*Pœnitentia* nomine veniunt pœnæ fori interioris animæ. p. 195. c. 1. *n.* 1. Pœnitentia plures habet acceptiones, principales tamen quatuor. *ibid.* *n.* 2. & secundum has Pœnitentia variè describitur. *ibid.* *n.* 3. Pœnitentiæ pro satisfactione acceptæ divisio. *ibid.* *n.* 4. pro certis peccatis certæ Pœnitentiæ imponendæ. p. 196. *n.* 6. Sacerdos in imponendis Pœnitentiis debet esse discretus. *ibid.* *n.* 7. ad Pœnitentiam maxime disponendi, & adhortandi sunt infirmi. *ibid.* *n.* 8. pro suscipienda Pœnitentia Sacramentali sine Confessarius accedendus? *ibid.* *n.* 9. Pœnitentias pro Ca-sibus reservatis in Ordine nostro Francisca-

no taxare, imponere, & ab iisdem absolvere qui possint? p. 200. c. 3. *n.* 1. subditi Minoritæ tenentur acceptare Pœnitentias salutaris sibi à Superioribus etiam Localibus impositas pro delictis, & excessibus, & qui tales subire renuerit quæ pœnâ sit afficiendus? *ibid.* *n.* 2. quæ censeantur Pœnitentiæ salutaris? *ibid.*

*Pollutio* describitur. p. 257. *n.* 14. *Polygamia* quid sit? pag. 181. *n.* 14. quæ sit prohibita, & quæ non? *ibid.* *n.* 16. & 15.

*Portio Canonica* cur dicatur? p. 20. c. 3. *n.* 2. est varia. *ibid.* cui Ecclesiæ, & de quibus hæc portio debeatur? *ibid.* *n.* 1. & 3. quæ debeatur Episcopo? *ibid.* *n.* 4. qui exempti sint à solutione quartæ funeralium? p. 92. c. 5. *n.* 6. 7. & 8.

*Præbenda* derivatio. p. 18. c. 1. *n.* 1. Præbenda, Canonica, beneficium Ecclesiasticum, & Canonicatus quomodo inter se distinguantur? *ibid.* *n.* 2. aliquando pro synonymis accipiuntur. *ibid.* Præbenda tripliciter quoque usurpatur. *ibid.* *n.* 3. Eiusdem descriptio. *ibid.* *n.* 4. Plura vide verb. *Beneficium*.

*Præsentatio* ad beneficium vacans quid sit? p. 135. c. 3. *n.* 8. præsentare seipsum non potest Patronus alicujus Ecclesiæ, vel beneficii vacantis, etsi Clericus sit. *ibid.* *n.* 9. semper præsentandæ sunt personæ idoneæ & dignæ. p. 136. *n.* 10. loco Patroni pupilli Tutor præsentationem facere debet; si verò Patronus sit major septennio, tunc ipse præsentare potest. *ibid.* *n.* 12. in præsentando quis Patronus variare possit, & quis non possit? *ibid.* *n.* 13. Præsentatio quomodo fieri debeat, si Jus Patronatus spectet ad plures ut singulos, & quomodo si spectet ad plures ut universos? *ibid.* *n.* 14. intra quod tempus Præsentatio fieri debeat à Patrono? *ibid.* *n.* 15.

*Precarium* unde dictum? p. 45. c. 2. *n.* 2. sumitur dupliciter. *ibid.* sumptum pro Contractu definitur ab Ulpiano. *ibid.* sed paulò clarius describitur. *n.* 3. quomodo differat à Donatione, & à Commodato? *ibid.* *n.* 4. quando finiat? p. 46. c. 2. *n.* 5. Precarii contractus quando licitus, & quando prohibitus? *ibid.* *n.* 6. inter Precarium & Precarias an aliqua sit differentia? *ibid.* c. 3. *n.* 1. Eiusdem descriptio. *ibid.* *n.* 2. contractus Precariæ seu Precarium quomodo differat à contractu Precarii? *ibid.* *n.* 3. contractus Precarium quando licitus, & quando non? *ibid.* *n.* 4. debet singulis quinquenniis renovari. *ibid.* *n.* 5.

# INDEX

*Pretii nomine quid intelligatur in contractu Emptio - Venditionis?* p. 50. c. 1. n. 3. Pretium dandum pro mercibus debet esse iustum. *ibid.* n. 4.

*Primitiæ* describuntur. p. 29. c. 5. n. 1. earum oblatio unde sumperit originem? *ibid.* n. 2. obligatio eas solvendi abolita est, *ibid.*

*Privilegi* Etymologia. p. 282. c. 1. n. 1. Eius descriptio. *ibid.* n. 2. variè dividitur. *ibid.* n. 3. & p. 283. n. 4. & 5. Privilegia tribus modis acquiruntur. *ibid.* n. 6. & pluribus modis amittuntur, & intereunt *ibid.* n. 7. & 8. & p. 284. n. 9. ad valorem & effectum Privilegii quid requiratur? *ibid.* c. 2. n. 1. quis possit concedere Privilegium? *ibid.* n. 2. quæ Privilegia strictè sint interpretanda, & potius restringenda quàm extendenda? *ibid.* n. 3. in Privilegio personali nequit fieri ulla extensio. *ibid.* n. 4. quando in Confirmatione vel innovatione Privilegiorum attribuitur Privilegiato novum jus? p. 285. n. 5. si instrumentum Privilegii deperdatur, & propterea petatur ejus innovatio, quæ prius probanda sint? *ibid.* n. 6. quando Privilegium fortitur suum effectum? *ibid.* n. 7. nullus Privilegiatus obligatur ad usum sui Privilegii, sed potest illi renunciare. *ibid.* n. 8. ex eo quòd aliquæ Ecclesiæ solvant Papæ annuum censum, non probatur sufficienter Privilegium exemptionis earundem à jurisdictione Ordinarii. *ibid.* n. 9. Similiter Privilegium à Papa concessum alicui Monasterio, ut fructus Ecclesiæ sibi subiectæ in suos usus possit convertere, non probat illam Ecclesiam esse exemptam à jurisdictione Ordinarii. *ibid.* n. 10. qui per Privilegium Apostolicum exemptus est à jurisdictione Ordinarii respectu unius loci, non censetur esse exemptus respectu alterius. *ibid.* n. 11. Monasterium potest habere Privilegium Exemptionis ab Ordinario, non propterea Capellæ ipsi subiectæ censendæ sunt idem habere. *ibid.* n. 12. exempta tamen Ecclesia aliqua Collegiata vel Conventuali per Privilegium Papale, etiam censetur exempti Canonici, Monachi, & alii Ministri. *ibid.* n. 13. Personæ exemptæ à jurisdictione Ordinarii, quando nihilominus conveniri possint coram iisdem Ordinariis? *ibid.* n. 14. ad se defendendum potest quis duplici Privilegio uti. *ibid.* n. 15. si Episcopus concedat alicui Monasterio Privilegium immunitatis à solvendis Decimis, simpliciter & indefinitè remittendo Decimas Episcopales, qualiter illud intelligendum? p. 286. n. 16. qui Regulares Privilegium habent in locis interdictis Divina celebrandi? *ibid.* n. 17. ad quos extendatur hoc Privile-

gium? *ibid.* n. 18. Privilegium celebrandi super Altare Portatile qui habeant? *ibid.* n. 19. varia Privilegia concessa variis Personis. *ibid.* n. 20. Privilegia privilegiorum violentes à quo, & qualiter puniendi? p. 287. n. 4. Ordini nostro Franciscano quibus de causis à diversis summis Pontificibus plurima Privilegia fuerint concessa? *ibid.* c. 4. n. 1. Bullæ Apostolicæ concedentes eidem Privilegia quæ sint celeberrimæ? *ibid.* n. 3. Ordo noster communicat & participat plenissimè in Privilegiis aliorum *Ordinum*. p. 288. n. 4. Privilegia Minoritica, & aliorum Regularium per generalem revocationem non censentur revocari. *ibid.* n. 5. an Superiores Ordinis nostri possint limitare, vel omnino tollere à Fratibus usum aliquorum Privilegiorum Apostolicorum? *ibid.* n. 6. De Privilegiarum Excessibus, vide verb. *Excessus*.

*Procuraciones* describuntur. p. 139. c. 3. n. 1. quibus Prælati Procuraciones debeant exhiberi? *ibid.* n. 2. & 3. in quibus consistant dictæ Procuraciones? *ibidem* n. 3. quæ Procuraciones dandæ Visitatori, si una die, plures visitet Ecclesias? *ibid.* n. 5. jus visitandi qui habeant, ut eis Procuraciones exhibeantur? *ibid.* n. 6. quas Ecclesias Episcopus non possit gravare Procuracionibus? *ib.* n. 7.

*Professio* Religiosa ut sit valida quæ requirantur? p. 105. c. 4. n. 1. & seqq. Profittendi duplex modus. *ibid.* n. 1. quid requiratur ad debite ratificandam Professionem invalidam? p. 106. n. 1. effectus Professionis quæ? *ibid.* c. 5. n. 1. & seqq. Professus ad quid obligetur? p. 107. c. 6. n. 1. specialissima cujuslibet Professi obligatio est, servare tria vota substantialia. p. 108. n. 2. ad quæ obligetur vi voti Castitatis? *ibid.* n. 3. ad quæ vi voti paupertatis? *ibid.* n. 4. & 5. & ad quæ vi voti Obedientiæ? *ibid.* n. 6. obligatio obediendi ad quæ se extendat, & ad quæ non? p. 109. n. 7. & 8. Professus debite ob culpam ex aliquo Ordine ejectus, quæ adhuc servare teneatur? p. 110. n. 6. & 7. an teneatur denuo petere recipi ad Ordinem? *ibid.* n. 8. & ad quid talis obligari possit à Prælato ejiciente? *ibid.* n. 9. an Professus alterius Ordinis ad Ordinem nostrum Franciscanum recipi possit? p. 112. n. 5. ut quis legitimè proficiteri valeat in Ordine nostro quæ observanda? *ibid.* n. 6. ad tria vota essentialia specialissimo modo qualiter obligetur Frater Minor? *ibid.* n. 7. 8. & 9.

*Proles*, vide *Liberi*.

*Provincialis* Ordinis nostri ob gravem causam ex Provincia discessurus, prius instituire debet Commissarium Provinciale. p. 17. c. 4.



## RERUM PRÆCIPUARUM.

c. 4. n. 3. quomodo dictus Commissarius sit, eligendus? *ibid.* Provincialis si moriatur extra Provinciam, in officio ei succedit dictus Commissarius sub titulo Vicarii Provincialis; & si moriatur Commissarius in absentia Provincialis, regimen devolvitur ad digniorem Provinciæ Patrem. p. 27. c. 3. n. 2. si Provincialis moriatur in Provincia quid faciendum? p. 28. c. 3. n. 3. Provincialis quid possit circa bona immobilia Monialium Ordinis nostri? p. 129. c. 3. n. 3.

*Puberes* unde dicantur? p. 182. c. un. n. 1. de his plura vide verb. *Impuberes*.

*Purgatio* duplex est, Canonica, & vulgaris. p. 288. c. un. n. 1. Purgatio Canonica describitur, *ibid.* n. 2. ut hæc ritè censetur fieri quæ debeant adesse? *ibid.* n. 3. Compurgatores ut legitimi sint quas debeant habere qualitates? p. 289. n. 4. qui in Purgatione Canonica defecerit, pro convicto habendus est, & ut Author sceleris puniendus, *ibid.* n. 5. Purgatio Canonica quem habeat effectum? *ibid.* n. 6. quando indicenda sit? *ibid.* n. 7. præter Purgationem Canonicam etiam olim fuit in usu Purgatio per sumpcionem Venerab. Sacramenti Eucharistiæ, *ibid.* n. 8. Purgatio Vulgaris quid sit, & unde sic dicta? *ibid.* c. un. n. 1. Omnis Purgatio Vulgaris prout sub modis illicitis introducta est à vulgo est prohibita à sacris Canonibus, *ibid.* n. 2. quæ sint illæ famosiores Purgationes Vulgares prohibita? p. 290. n. 3.

*Purificatio* lex in Evangelica Lege evacuata est. p. 161. c. un. n. 1.

## R.

**R**aptus est duplex, scilicet mulierum, & rerum aliarum. p. 258. c. 1. n. 1. Raptus mulieris quid sit? p. 208. n. 5. & quale ponat impedimentum matrimonii? *ibid.* n. 6. si mulier rapiat virum non dirimitur matrimonium, *ibid.* n. 7. Raptor mulieris describitur, p. 258. c. 1. n. 2. quæ requirantur ut quis censetur esse verus Raptor mulieris? p. 259. n. 3. secundum jus civile Raptor Virginis, maxime DEO dicatur, vel etiam alterius mulieris honestæ quæ pœna sit puniendus, *ibid.* n. 4. & secundum jus Canonicum quæ pœna afficiendi Raptores tum Clerici, tum Laici? *ibid.* n. 5. Raptor rerum describitur, *ibid.* n. 6. in Raptores rerum Jura Civilia quid statuunt, & quid Jura Canonica? *ibid.* n. 7. & 8. Judices Ecclesiastici quæ

pœnâ possint punire Raptores suæ Diocesis? p. 260. n. 9.

*Regula Juris* quid sint? p. 316. c. un. n. 1. quot sint à Gregorio IX. propostæ, & quot à Bonifacio VIII. *ibid.* circa Regulas Juris plurimæ dantur exceptiones? p. 318. n. 2. qualiter iis utendum, & quousque valeant? *ibid.*

*Regulares* unde dicti? p. 100. c. 1. n. 1. communiter etiam vocantur Religiosi, & unde? *ibid.* Plura vide verb. *Professio Religio*, De Regularium *Privilegiis*, vide verb. *Privilegium*, De *Sepulchris* in Ecclesiis Regularium, vide verb. *Sepulchra*.

*Regula Seraphica* à S. Francisco Instituto- re inclyto Ordinis FF. Minorum promulgata, à Christo dictata fuit, p. 214. c. 2. n. 1. cur eandem Summi Pontifices Nicolaus III. & Clemens V. per suas solemnissimas Decretales declararint, & elucidarint? *ibid.* quid in Decretali Nicolai III. contineatur? *ibid.* n. 2. & quid in Decretali Clementis V. p. 315. n. 3. Quas Extravagantes ediderit Papa Joannes XXII. *ibid.* n. 4. qualiter ejusdem Doctrinæ Regulæ nostræ contrariæ ab aliis plurimis Summ: Pontificibus plenè derogatum fuerit? *ibid.* etiam ipsemet Joannes XXII. ante obitum suum referat Decretalem suam revocasse unâ cum aliis quibusdam opinionibus privatis, *ibid.*

*Religio* definitur, p. 100. c. 1. n. 2. ad essentiam veri status Religiosi, quæ requirantur? *ibid.* n. 3. qui Ordines non sint censendi veræ Religionis? p. 101. c. 1. n. 4. Religiosi Instituti origo, *ibid.* c. 2. n. 1. primam Religionem approbatam cum sua Regula instituit, S. Basilii. *ibid.* n. 2. secundam S. Augustinus, *ibid.* n. 3. tertiam S. Benedictus, *ibid.* n. 4. quartam S. Franciscus Seraphicus, *ibid.* n. 5. tota collectio omnium Religiosorum, & Regularum dividitur in 4. Classes, *ibid.* n. 6. quæ Congregationes spectent ad 1. Classem? p. 102. n. 7. quæ ad secundam? *ibidem* n. 8. & ad tertiam? *ibid.* n. 9. Ordines Mendicantium solemniores sunt quatuor, *ibid.* his quatuor alii annumerantur, *ibid.* n. 12. qui Ordines spectent ad 4. Classem? p. 102. n. 13. variz etiam sunt Congregationes Religiosorum foeminarum, *ibid.* n. 14. quæ ex omnibus Religionibus sint perfectiores? *ibid.* n. 15. qui possint ingredi Religionem, & qui non? p. 104. c. 3. n. 1. & seqq. conceditur transitus ab una Religione ad aliam arctiorem, p. 109. c. 7. n. 1. ut hujusmodi transitus

Fr. Bernardi Sannig Scholæ Canonice Tom. II.

licitè

# INDEX.

licitè fiat, quid requiratur? *ibid.* n. 2. nomine arctioris Religionis non intelligitur perfectior. *ibid.* n. 3. an etiam ex Religione stricta ad laxiorem possit fieri transitus? *ibid.* n. 4. Religiones quandoque possunt iusta de causa Religiosum ejicere. p. 110. n. 5. Religio nostra Seraphica à quo, & quo tempore fundata? p. 101. c. 2. n. 5. & p. 102. n. 9. & p. 111. c. 8. n. 1. cur in ea variaz hucusque fuerint reductiones & reformationes? *ibid.* n. 2. ingressurus Religionem nostram, quas debeat habere conditiones? *ibid.* n. 3. an quis de Religione nostra Franciscana possit transire in aliam? p. 112. n. 10. quomodo Fratres de Observantia possint transire ad Reformationem, & è contra? p. 113. n. 11. à Religione nostra qui ejici possint? *ibid.* n. 12. & ut ejusmodi ejectio ritè & legitime fiat, quæ observanda? *ibid.* n. 13. & 14. ejectus ex Ordine nostro an teneatur servare Regulam Seraphicam? *ibid.* n. 15. nulla Religio nova propriè dicta institui potest sine facultate, & approbatione Sedis Apostolicæ. p. 131. c. 2. n. 1. Religiosi habitum malitiosè dimittentes quam poenam incurrant? p. 170. n. 4.

*Religiosus*, vide *Religio*.

*Reliquiarum* nomine quid intelligendum? p. 156. c. 1. n. 1. Reliquiz Sanctorum statim ab exordio Ecclesiæ veneratæ fuerunt. *ibid.* n. 2. pro cultu privato aliquarum Reliquiarum quid sufficiat? p. 157. n. 3. & pro cultu publico quid requiratur? *ibid.* n. 4. Reliquiz debetè recognitz, & approbatæ possunt absolute publice coli, et si in diversis locis perhibeantur esse. *ibid.* n. 5. nequeunt venales exponi. *ibid.* n. 6. Reliquias Sanctorum vendere Simonia est. p. 233. n. 5.

De *Remissionibus*, vide verb. *Indulgentia*.

*Repressalia* quid sint? p. 291. n. 3. generaliter loquendo sunt illicitæ. *ibid.* cum certis tamen conditionibus reputantur licitæ. *ibid.*

*Reservatio* beneficii Ecclesiastici quid sit? p. 22. c. 4. n. 1. Papa potest iustus de causis sibi reservare aliqua beneficia Ecclesiastica. *ibid.* n. 2. iustæ causæ quæ sint? *ibid.* quæ beneficia Sum. Pontifici sint reservata? p. 23. c. 4. n. 3. 4. & 5.

*Residentia* personalis quid? p. 13. c. 1. n. 1. qui Clerici habeant gravissimam obligationem residendi personaliter in suis Ecclesiis? *ibid.* n. 2. & seqq. Causæ poenæ decretæ sint jure antiquo & novo contra Clericos non Residentes in Ecclesia vel Præbenda? p. 14. c. 2. n. 1. & seqq. Causæ excusantes Clericos à continua Residentia afferuntur quatuor ex Concilio Tridentino. p. 15. c. 3. n. 2. 3. 4. & 5. afferuntur præterea nonnullæ aliæ causæ

excusantes. *ibid.* n. 6. 7. 8. & 9. Excusati ex altis causis iustis & rationabilibus recipere possunt fructus grossos annexos suo beneficio, vel præbendæ, & poenas Juris contra non residentes evitant. p. 16. n. 10. Distributionibus tamen quotidianis non gaudent. *ibid.* ad Residentiam tenentur Prælati, & Superiores Ordinis nostri. p. 17. c. 4. n. 1. quæ causæ quandoque excusent? *ibid.* n. 2.

## S.

*Sacrificium Misse*, vide *Missa*.

*Sacrilegium*, prout est delictum carnis, describitur. p. 257. n. 13. qualiter tum in Clerico, tum in Laico, tum in Moniali puniendum? *ibid.*

*Sagittariorum* ars qualis? p. 253. c. un. n. 1. Sagittarius describitur. *ibid.* n. 2. est prohibitum Christianis adversus fideles in bello injusto sagittarios agere. *ibid.* n. 3. qui id faciunt, secuta occasione, redduntur irregulares. *ibid.*

*Sanctus* licitè & meritò impenditur cultus dulcis. p. 157. c. 2. n. 1. Sanctorum invocatio semper fuit licita. *ibid.* n. 2. quæ prohibeantur fieri circa servos DEI nondum beatificatos. p. 158. n. 3.

*Saraceni* unde dicti? p. 237. c. un. n. 1. de jure Agareni deberent appellari. *ibid.* ex quibus hæc colluvies conficitur? *ibid.*

*Schisma*, vox græca, latine quid significet, p. 243. c. un. n. 1. ejus definitio. *ibid.* n. 2. quomodo schisma plerumque transeat in hæresim? *ibid.* n. 3. quale sit peccatum, & qualiter puniatur? p. 244. n. 4. omnes Ordinationes à Schismaticis factæ sunt irritæ quantum ad executionem & functionem, & qui actus eorum sint invalidi? *ibid.* n. 5. an puri schismatici incurrant aliquam irregularitatem? *ibid.* n. 6.

*Sedis* nomine quid intelligatur, dum dicitur, *Ne sede vacante aliquid innovetur*. p. 32. c. 1. n. 1.

*Sepulchrum*, vide verb. *Sepultura*.

*Sepultura* nomen variè sumitur in Jure. p. 88. c. 1. n. 1. sepulcrarum apud veteres & modernos Christianos locus diversus. *ibid.* n. 2. an qui habent sepulchrum Majorum in eo tumulandi sint? *ibid.* n. 3. & qui tali sepulchro carent, ubi sepeliendi? p. 89. n. 4. si quis habeat duo domicilia, in quibus æquè habitavit, locus erit præventioni. *ibid.* n. 5. si verò quis habeat domum stabilem in uno loco, & ad alium quandoque recreationis, vel alterius negotii causâ excurrat, tunc in priori loco, vel in sepulchro Majorum sepeliendus est.

## RERUM PRÆCIPUARUM.

est. ibid. n. 6. peregrini, & advenæ ubi sepeliendi? ibid. n. 7. ubi superiores Religiosorum, & Religiosi subditi extra claustrum defuncti sint tumulandi? ibid. n. 8. Uxor vidua ubi sepelienda? ibid. n. 9. qui sibi eligere possint? ibid. c. 2. n. 1. electio sepulturæ semper variari potest. p. 90. c. 2. n. 3. gravissimè prohibetur omnibus Religiosis, & Clericis Sæcularibus, ne aliquos inducant ad vendendum, jurandum, &c. ut apud eorum Ecclesias Sepulturas elegant, vel electam ulterius non mutant. ibid. n. 4. quibus Ecclesiis de jure communi competat jus sepeliendi? ibid. n. 5. & quibus ex privilegio speciali Apostolico? ibid. an & quibus deneganda sit Ecclesiastica sepultura? p. 91. c. 4. n. 1. 2. & 3. quam pœnam incurrat, qui scienter, & malitiosè aliquam ex personis à jure prohibitis in loco sacro sepelire præsumpserit? ibidem n. 4. ad quid teneatur ille, qui alienum Parochianum sepelierit? ibid. n. 5. Sepulchrorum violatores qualiter puniendi? ibid. n. 6. Sepulchrum variè violatur. ibid. consuetudine introductum est, ut aliquid Ecclesiis detur pro loco sepulture. p. 92. n. 8. & Clerici pro ipso officio sepulture aliquid petere, & acceptare possunt. ibid. n. 9. sæculares possunt relictâ suâ Parochiâ, & sepulchrò Majorum sibi eligere Sepulturam in Ecclesiis Ordinis nostri, & aliorum Regularium. ibid. c. 5. n. 1. possunt sepeliri in habitu S. Francisci. ibidem n. 2. quis hunc dare possit? ibid. eligentes sepeliri in Ecclesiis nostris cum habitu S. Francisci quas lucentur Indulgentias? ibid. n. 3. in Ecclesiis Regularium ipsis invitatis nemo sepeliendus. ibid. n. 4. Domestici, famuli, & famulæ Ordinis S. Francisci, ac aliorum Mendicantium, & Monialium iis subditarum ubi sepeliendi? ibid. n. 5. quid Parochi recipere possint in sepulturis, quæ sunt in Ecclesiis nostris, aut aliorum Regularium? p. 93. n. 9. Regulares non possunt prohiberi associare corpora defunctorum. ibid. n. 10. Regulares possunt recto tramite, etiam invito Parochò, cadavera ad suas Ecclesias transportare. ibid. n. 11. idem dicendum de cadaveribus Regularium decedentium extra claustra. ibid. n. 12. ad quem spectet declarare per quam viam cadavera in Ecclesiis nostris & aliorum Regularium sepelienda, sint exportanda? ibid. n. 13. De solutione quaræ Funeralium, vide verb. *Portio Canonica*.

*Servus* quis propriè dicendus? p. 193 c. 1. n. 1. servilis conditionis error ponit jure Ecclesiastico impedimentum dirimens Matrimonii contracti. ibid. n. 2. & 4. quando Matrimonium Liberi cum serva fiat, & sit vali-

dum? ibid. n. 3. si servus contrahat cum serva Matrimonium est validum, & indissolubile. ibid. n. 5. Partus ex conjugio duorum, quorum Pater est liber, mater verò serva, an semper sequatur conditionem ventris? ibid. n. 6.

*Simonia* unde dicta? p. 229. c. 1. n. 1. ejus definitio. p. 230. n. 2. simonia est graviter prohibita. ibid. n. 3. ejusdem divisio. ibid. n. 4. quando Simonia peccaminosa committitur, & quando non? ibid. c. 2. n. 1. & p. 231. n. 2. & seqq. & p. 232. c. 3. n. 1. & seqq. & p. 91. n. 7. quando committatur Simonia confidentialis, & quando non? p. 232. c. 4. n. 1. & p. 233. n. 2. 3. 4. & 5. ut resultet vera Simonia pretium interveniens debet necessariò esse aliquid temporale. ibid. n. 6. pretium simoniacum solet esse triplex. ibid. n. 7. pro Simonia purè mentali, & pro Conventionali actu exteriori non completa, nulla statuta est pœna Ecclesiastica. ibid. c. 5. n. 1. & 2. pro Simonia verò reali actu exteriori completa statutz sunt pœnz Ecclesiasticæ diversæ pro diversitate ejusdem. ibid. n. 3. quæ sint illæ? p. 234. n. 4. 5. & 6. pro Simonia confidentiali quæ pœnz taxatz sint? ibid. n. 7. sub Simoniz incurfu prohibetur Ecclesiarum Prælati, ne vices suas, seu Jurisdictionem suam Ecclesiasticam committant alteri sub annuo censu. p. 235. c. un. n. 2. similiter prohibetur Rectoribus Ecclesiarum ultra certum tempus locare suas Ecclesias, id est proventus, & fructus beneficiorum suorum sub annuo censu. ibid. n. 3. vendere vel reservare Clericatum, vel Auditoratum in Curia Apostolica quomodo nullam sapiat Simoniam? ibid. n. 4. an sit Simonia dare Magistris, vel accipere stipendium justum pro munere docendi S. Theologiam? p. 236. c. 1. h. 4. & 5. Prælati, vel Conventus Ordinis nostri Franciscani quomodo committere possint Simoniam? p. 234. c. 6. n. 1. & quomodo Fratres eam committere possint? p. 235. c. 6. n. 2. qui eos à simoniaca pravitate absolovere possint? ibid. n. 3.

*Sodomia* unde dicta? pag. 237. h. 9. ejus descriptio. ibid. crimen Sodomiz est gravissimè vetitum. ibidem. n. 10. quæ crimina reputentur sodomitica? ibid. n. 11. Sodomia propriè dicta quæ sit, & qualiter tum in Clericis, tum in Laicis punienda? ibid. n. 12.

*Solutio* dupliciter accipitur. p. 72. c. 1. n. 1. ejus descriptio. ibid. n. 2. debita contracta solvere tenentur tam Clerici, quàm Laici. p. 73. c. 2. n. 1. Clerici inopos qui non sunt solvendo quale habeant privilegium? ib. quomodo possit debitor solvere debitum creditori etiam invito? ibid. n. 2. an possit compelli ut

## INDEX

mutuum pecuniarium in illa specie monetæ solvat in qua accepit? ibid. n. 3. & an possit pro pecunia reddere aliud quidpiam? ibid. n. 4. si contingat monetam mutari ex dispositione Principis, quomodo præstanda erit solutio? ibid. n. 5. Creditor non tenetur acceptare dimidiatam solutionem, ibid. n. 6. qui errore ductus existimans debitum esse, solvat id, quod nullo modo erat debitum, quid talis agere possit? pag. 74. n. 7. quando debitum contractum in diem solvendum sit? ibid. n. 8.

*Sortilegi* mali qui? p. 270. c. 1. n. 1. fortilegium describitur, ibid. n. 2. sortes communiter in triplici sunt differentia, p. 271. n. 3. fortilegium Divisorium quomodo licitum sit? ibid. n. 4. similiter Sortilegium Consultorium est licitum, sed rarissime adhibendum, ibid. n. 5. Sortilegium verò Divinatorium non est licitum, sed gravissime prohibitum, ibid. n. 6. qui ad Sortilegos hujus Classis reducantur? ibid. in quibus casibus sacri Canones regulariter prohibeant usum sortium? ibid. n. 7. Jura Civilia quas statuunt pœnas contra sortilegos Divinatorios, & quas Jura Canonica contra tales Clericos? p. 272. n. 8.

*Spadones* & Eunuchi excluduntur à contrahendo Matrimonio, p. 207. c. 2. n. 4.

*Sponsalia* unde deriventur? p. 171. c. 1. n. 1. describuntur, ibid. n. 2. eorum divisio, ibid. n. 3. ut subsistant sponsalia propriè dicta, quæ necessariò requirantur? p. 172. n. 4. 6. & 7. à contrahendis Sponsalibus an liberi à parentibus licitè possint impediri? ibid. n. 5. Sponsalia obligant sub mortali ad implementum, ibid. n. 8. in iis promissa fides servanda est, ibid. n. 9. sponsaliorum de præsentì quis effectus? ibid. n. 10. & quis Sponsaliorum de futuro? p. 173. n. 11. qualis obligatio afficiat sponsalia de futuro? ibid. n. 12. & qualis obligatio sit in illo qui Sponsionibus fideis induxit puellam ad copulam carnalem? ibid. allegantur quædam exceptiones ab illa obligatione, ibidem n. 13. omnes pœnæ à sponsis contractui sponsalium adjectæ in casu resiliencie sunt irritæ, ibid. c. 2. n. 2. ad valorem sponsaliorum non requiritur præsentia Parochi, aut ullius testis, ibid. n. 3. Sponsalia de futuro an & quando transeant in Matrimonium? p. 174. c. 2. n. 4. in quibus consistat forma Sponsaliorum? ibid. n. 6. ex quibus causis dissolvantur Sponsalia de futuro? ibid. c. 3. per totum, ad dissolutionem Sponsaliorum quando expectanda sit sententia Judicis, & quando non? pag. 176. n. 17. Sponsalia de præsentì evacuant priora sponsalia de futuro, p. 185. c. 1. n. 2. De *Desponsatione Impuberum*, vide verb. *Impuberes*.

*Studia* Philosophiæ, Theologiæ, & Grammatices in quibus locis Diocœsis constituantur? p. 236. c. 1. n. 2. in qualibet Provincia Ordinis nostri Franciscani debent esse studia Philosophiæ, & Theologiæ tum Speculativæ, tum Moralis provisa qualificatis Magistris seu Lectoribus, p. 237. c. 2. n. 1.

*Stuprum* dupliciter accipitur, p. 255. c. 3. n. 1. in largo sensu quid sit? ibidem. stricte acceptum describitur, ibid. n. 2. Stuprator Laicus quomodo puniendus, & quomodo Clericus? ibidem. n. 3. an & quando stuprator teneatur puellam desolatam ducere in uxorem? ibid. n. 4. & 5. puella stuprata in dubio præsumitur virgo fuisse, ibid. n. 6.

*Successio ab intestato* est legitima successio, p. 85. c. 1. n. 1. quis dicatur discedere ab intestato? ibid. succedentium in hæreditate ab intestato discedentis quinque sunt Ordines, ibid. n. 2. ad hanc successionem vocantur primò Descendentes, seu liberi defuncti intestati, ibid. n. 3. & quia hi in multiplici sunt differentia, quis ordo inter illos servandus in Successione? ibid. n. 5. & seqq. Secundo loco vocantur Ascendentes, p. 86. c. 2. n. 1. quis ordo inter hos servandus? ibid. n. 2. & seqq. ad Successionem ab intestato tertio loco vocantur Collaterales defuncti, p. 87. c. 3. n. 2. Collaterales qui dicantur? ibid. n. 1. quis inter hos servandus ordo? ibidem n. 3. ad hanc successionem prioribus deficientibus quartò loco admittuntur Conjuges, ibid. c. 4. n. 1. & quintò loco admittitur Fiscus, ibid. n. 2. ad successionem bonorum, quæ aliquis Clericus ab intestato reliquit, qui succedant? ibid. n. 4. & p. 88. n. 5. si massa hæreditatis Clerici ab intestato defuncti composita sit ex diversis bonis, in quot partes dividi debeat, ibid. n. 7. Religiosorum bona, de quibus ante professionem nihil disposuerunt, secuta professione ad quos devolvantur? p. 88. n. 8. & 9.

*Suspensio*, ut est Censura, describitur, p. 310. c. 4. n. 1. Ejusdem divisio, ibidem. n. 2. si lata sit terminis absolutis indefinitis qualis censenda sit suspensio? p. 311. n. 3. quomodo & qualiter fieri debeat? ibid. n. 4. ut suspensio feratur legitime, debet præsupponere peccatum proprium, & quidem mortale? ibid. n. 5. & 6. suspensus absolute à quibus actionibus arceatur? ibid. n. 7. suspensus verò specialiter tantum quos actus possit exercere? ibid. n. 8. suspensus ab officio tantum, non censetur suspensus à beneficio, & è contra, ibid. n. 9. & 10. suspensus ab absolute à beneficio quid non possit? ibid. n. 11. & à Jurisdictione tantum, suspensus quos actus possit exercere? ibid. n. 12. tandem suspensus ab officio, Ordine, aut

Juris

## RERUM PRÆCIPUARUM.

Jurisdictione in nullo loco potest exercere ejusmodi actus. *ibid.* n. 13

V.

T.

**T** *Amorem* agitationes, quæ instar Torneamentorum se se habent, qualiter prohibita, & qualiter tolerari possint? p. 252. n. 6.

*Testamentum* undedictum? p. 80. c. 1. n. 1. quomodo differat à Codicillo? *ibid.* Ejusdem definitio. p. 81. n. 2. aliud est scriptum, aliud nuncupativum. *ibid.* n. 3. ut validum sit Testamentum scriptum personæ secularis ad causam profanam quæ requirantur? *ibid.* n. 4. quædam Testamenta non necessariò petunt omnes solemnitates. *ibid.* n. 5. quæ requirantur ut subsistat Testamentum Nuncupativum personæ secularis ad causas profanas? *ibid.* n. 6. si Testamentum condatur ad causam piam non requiruntur necessariò solemnitates Juris. *ibid.* n. 7. & 8. potest Testamentum aliquod esse invalidum in foro civili, validum tamen in foro conscientie. p. 82. n. 9. qui testari possint, & qui non? *ibid.* n. 10. qui in Testamentis hæredes possint institui, & qui non? p. 83. n. 12. quæ Testamenta possint licitè mutari, & cassari, & quæ non? *ibidem* c. 2. n. 1. in Testamentis quales possint fieri substitutiones hæredis? *ib.* n. 2. variaz substitutionis species referuntur. *ib.* Testator in Testamento prohibere potest detractionem Falcidiaz, & Trebellianicz. *ibid.* n. 4. Nullus Ordinis nostri Franciscani potest Testamentum condere de ullare temporali. p. 85. c. 3. n. 1. nec institui hæres formalis in Testamento. *ibidem* num. 2. De Testamentorum Executione, vide verb. *Executio*. De successione ab intestato, vide *Successio*.

*Tonsura* seu corona clericalis quid significet. p. 5. c. 3. n. 1.

*Torneamenta* à quo vocabulo Italico dicantur? p. 251. c. un. n. 1. Forum descriptio. *ibid.* n. 2. sunt prohibita Christianis. *ibid.* n. 2. occidens aliquem in Torneamentis, homicidii reus est; & quas pœnas incurrat? *ibid.* n. 4. de quibus Torneamentis procedant prohibitiones, & pœnz statutz? *ibid.* n. 4. quæ Torneamenta Christianorum tolerentur? *ibid.*

*Trebellianica* detractio ex legatis factis quid sit? p. 83. c. 2. n. 3. quando hæc fieri possit, & quando non? *ibid.* n. 4.

à *Tributis*, & *Gabellis* qui exempti sunt. vide verb. *Exemptio*, & *Immunitas*.



**V** *Acantia* realis beneficii quid sit? p. 30. c. 1. n. 1. quatuor modi generales quibus beneficia vacare censentur. *ibid.* n. 2. plures modi speciales. *ibid.* n. 3. non vacantis Præbendæ concessio, institutio, & commissio prohibita est. p. 31. c. 2. n. 1. & seqq. quid in his possit Papa? *ibid.* n. 5. realiter vacantia beneficia, cui & quando conferenda? *ibid.* c. 3. n. 1. & si infra tempus præfixum non conferantur, ad quem devolvatur eorundem collatio? *ibid.* n. 2. quæ vacantia beneficia non possint licitè conferri aliis, & quæ possint? p. 32. c. 3. n. 3. 4. & 5. *Ne sede vacante aliquid innovetur*, vide verb. *Capitulum*.

*Venatio* qualis personis Ecclesiasticis jure Canonum vetita sit? p. 273. c. unic. n. 2. & 3. quas pœnas incurrant frequentantes Venationes clamorosas? *ibid.* n. 3.

*Venditores* excedentes limites pretii justii vulgaris peccant peccato injustitiæ. p. 50. c. 2. n. 5. quando sine injustitia merces possint pluris vendi, quàm per se valeant, vel venderentur aliàs. p. 51. n. 8. quæ Venditio præterea sit licita, & quæ illicita. *ibid.* n. 10. & 11. an & quando Venditor teneatur Emptori manifestare defectum occultum mercis? p. 52. c. 3. n. 3. & 5. & antequam ad reparationem damni secuturi? p. 53. n. 6. qui fructus spectent ad Venditorem? *ibidem* n. 10. & 13. ad quid obligetur Venditor? p. 54. n. 14. non est licitum vendere merces carius extraneis, quàm indignis. *ibid.* n. 16. quæ Procuratores, Syndicici, & amici Spirituales Ordinis nostri vendere possint, & quæ non? pag. 56. c. 5. num. 2.

De *Veneratione Reliquiarum*, & *Sanctorum* vide verb. *Reliquia*, & *Sancti*.

*Verba* Legum & Canonum quomodo accipienda & intelligenda sint? p. 314. c. 1. n. 2. & 3. in Contractibus si verba sint ambigua, qualis interpretatio facienda? *ibid.* n. 4. variorum Verborum explanationes, definitiones, & etymologiæ. *ibid.* n. 5.

*Violator* Ecclesiarum describitur. p. 260. c. 2. n. 4. quæ pœna fulminetur in Violatores Ecclesiarum? *ibid.* n. 5.

*Visitationes* Ecclesiarum à quibus, & quando instituendæ? p. 139. c. 3. n. 6. quæ Procurationes Prælati Visitantibus debeant exhiberi, & à quibus? *ibid.* n. 2. & seqq. quas Ecclesias Episcopus visitare non possit? *ibid.* n. 7. Plura vide verb. *Procurationes*.

*Voluntates ultima* quid sint? p. 80. c. 1. n. 1. *Voti* descriptio. p. 116. c. 1. n. 2. ut Votum sit legitimum quæ conditiones necessariò requirantur?

## INDEX RERUM PRÆCIPUARUM.

rantur? ibid. n. 3. variz divisiones Voti. ibid. n. 4. Votum solemne & simplex quomodo differant? ibid. & p. 117. n. 5. Materia Voti alia est proxima, alia remota. ibid. n. 6. quæ sit materia valida Voti, & quæ non? ib. n. 7. & seqq. Votum emittere de rebus puri Consilii, & reddere, opus salutare est. ibid. c. 2. n. 1. Opera bona procedentia ex Voto simul, sunt perfectiora, quàm elicita absque Voto. p. 118. n. 2. Votum quam trahat secum obligationem? ibid. n. 3. & 4. si dubium oriatur de emissionem Voti; aut de sufficienti deliberatione in Voto emissio, quid agendum? ibidem. n. 5. quomodo Vota sint interpretanda? ibidem. n. 6. quomodo tempore Vota exsolvenda? pag. 119. num. 7. Vota personalia ab ipso met vovente persolvi debent. ibidem. num. 8. Vota realia non adimpleta à vovente ad quos transferant? ibid. n. 9. an Votum Patris factum de filio impubere, filium obliget? ibidem. n. 10. quando Vota Testatorum sunt mixta, quam inducant obligationem? ibid. n. 11. Votum potest redimi seu tolli quinque modis. ibid. c. 3. n. 1. quæ Vota evacuari possint per Irritationem, & quæ non? ibid. n. 2. & p. 120. n. 3. & seqq. & pag. 121. n. 9. & 10. Commutatio Voti quid sit? p. 121. c. 4. n. 1. cujus autoritate Vota commutari possint, & debeant? ibid. n. 2. 3. & 4. qui pollet facultate dispensativâ Votorum, pollet etiam potestate commutativa, non verò è contra. p. 122. n. 5. quando ad commutationem requiritur iusta causa, & quando non? ibid. n. 6. in Commutationibus Votorum quis modus servandus? ibid. n. 7. peracta Commutatione Voti, quando vovens censetur absolutus ab obligatione Votum adimplendi? ibidem. n. 8. peractâ ritè semel commutatione, quid vovens facere possit? ib. n. 9. Omnia vota priùs in sæculo edita in Vo-

tum Religionis approbatæ commutari possunt. p. 123. n. 10. certis desinentibus definit obligatio Voti. p. 126. n. 13. Voti solemnis Castitatis emissio per Professionem, etiam tacitam, Religionis, quo iure ponat impedimentum dirimens Matrimonium rati, & postea initæ p. 190. n. 6. & 7. emissio Voti simplicis Castitatis quæle ponat impedimentum Matrimonii? ibid. n. 8. & p. 191. n. 9. Fratres Minores Confessores quæ Vota possint in foro conscientie commutare in alia pia opera, & quæ non? p. 126. c. 6. n. 1. Vota commutare, & in iis dispensare non possunt nisi in foro poli. ibid. n. 3. De Votorum dispensatione vide *Dispensatio*.

*Usura* unde dicta? p. 163. c. 1. n. 1. aliter vocatur fœnus. ibid. Ejus descriptio. ibid. n. 2. quando non committatur Usura, & quando committatur. p. 164. n. 3. & 4. Usuræ divisiones. ib. n. 5. & 6. quæ Usuræ tum jure Divino, tum Canonico, & naturali prohibitz sint sub mortali. p. 165. n. 7. qui tituli excusent à labe Usuræ, & qui non? ib. c. 2. n. 1. 2. & 4. quæ conditiones requirantur ut quis ob lucrum possit accipere aliquid. ibid. n. 3. quæ pœnz statutz sint pro Usurariis tum Clericis, tum Laicis? p. 166. c. 2. n. 5. omnes recipientes Usuras, restituere eas debent, siue sint Clerici, siue Laici. ib. c. 3. n. 4. quibus restitutione? ibid. etiam Judæi compellendi sunt ad restitutionem Usurarum Christianis faciendam. ib. n. 5. qui præterea obligentur ad restitutionem Usurarum? ibid. quæ Usurarius restituere teneatur? p. 167. n. 6. quomodo Usura committatur ratione pignoris? ibid. n. 7. & 8.

## X.

*Xenodochia* quæ loca appellantur? p. 130. c. 1. n. 1.

## F I N I S.







